



167

C

6-8


BIBL. NAZ.
Vitt. Emanuele III

167

C

6

NAZOLI



JOANNIS ORTWINI
WESTENBERGII
OPERA OMNIA
JURIDICA
IN
TRES TOMOS
DISTRIBUTA.

JO. ORTWINI WESTENBERGII

JCTI ET ANTECESSORIS DUM VIVERET
IN ACADEMIA LUGDUNO-BATAVA
LONGE CELEBERRIMI

OPERA OMNIA

JURIDICA

NUNC PRIMUM COLLECTA

ATQVE

IN TRES TOMOS DISTRIBUTA.

CURANTE

JOANNE HENRICO JUNGIO.

TOMUS I



Hanoveræ & Luneburgi

ATQVE JOANNEM GUILIELMUM SCHMIDIUM, 1746





CANDIDO ET ERUDITO
LECTORI

S. P. D.

JOANNES HENRICUS JUNGIIUS.



onstitui, volente Deo, JOANNIS ORT-
WINI WESTENBERGII, J Cti,
dum viveret, præstantissimi, atque
præceptoris mei, *Opera*, quæ exstant, *omnia*, tribus
tomis comprehensa Germanis notiora reddere: eo
quidem servando ordine, ut prior, qui iam nunc exit,
Tomus, *Institutiones Justiniani*, Sacratissimi Impera-
toris, complectatur, adjunctis h. Auctoris *Disserta-
tionibus quatuor de Portione legitima liberis, parentibus*

(A) 3



PRÆFATIO.

& fratribus relinquenda, quas ὁ μακαρίτης ipse succenturiavit, ut ea, quæ ad Titulum *de inofficioso testamento* dixerat, majori luce donaret. Vide Præfationem Institutionibus præmissam. Neque alienæ ab hisce legitimæ scientiæ principiis, sed iisdem omnino affines visæ sunt Celeberrimi Auctoris *Dissertationes Novæ de Causis obligationum*, diversis vicibus in cathedra Harderovicensi ventilatæ (puta in fine sæculi proximi, & sub initium ejus, quod nunc agimus) ex quibus nodosi illi *de obligationibus & Actionibus* Tituli, quique vel exercitatissimo subinde crucem figunt, lucem scænerantur exoptatissimam.

Tomus II. quem, nisi major vis obstat, nundinæ autumnales exhibebunt, dabit excellens & æternum opus, quod inscriptum est: *Principia Juris secundum ordinem Digestorum seu Pandectarum*; eaque (ceu Jove judicat æquo Christianus Gottlieb Buderus, ὁ ἐξοχώτατος ἀνὴρ, in Bibliotheca Juris Struviana p. 309. edit. Jen. A. 1743.) *ex limpidis legum fontibus sine admixtione aliorum jurium deducta, juvenibusque (addo & viris) maxime commendanda.* Et profecto nihil in hisce se offert, nisi exquisitum atque cum cura pensatum:

P R Æ F A T I O.

tatum: Et siue ad ipsa penetralia Almæ Themidis admitti cupias, siue in clamoso foro cum laude versari & quæ πρὸς τὰ ἀλφειὰ pertinent, sectari malis, tantum ex hocce condo promo fructum capies, quantum nescio an ex voluminibus longe spissioribus. Plura hanc in rem dicemus in peculiari præfatione præstantissimo huic Juris promptuario præmittenda.

Tomus III. porriget τῷ πάνι Westenbergii eruditissima varii argumenti opuscula, totidemque Jurisprudentiæ tersioris omniumque litterarum suavissima bellaria Tibi apponet: Innuo cultissimas *Dissertationes ad Constitutiones Marci Aurelii Imperatoris: de ratione docendi & discendi Juris: de calculo Minervæ, seu de Lege σοφίας ejusque justitia: de Jurisprudentia rationali: de Jurisprudentia Pauli Apostoli, de philosophia Juris & in primis ea, quæ circa Legum collisionem versatur: de Jure Rhadamantbi: de Jurisprudentia Quinti Cæciliii Scaevolæ, ceterasque* * *quarum*

* Omnes nondum in manus nostras inciderunt, indicabimus tamen mox eas, quarum jam compotes facti sumus, omnem operam daturi, ut reliquorum Opusculorum quocunque pretio potiamur. Si qui autem Viri docti hæc quæ defunt, nobiscum communicare haud dedignabuntur, id beneficium grata mente publice agnoscemus.

P R Æ F A T I O.

rum mentionem iniecit Vir Celeberrimus Jo. Conradus Ruckerus J.Ctus & Antecessor in Acadamia Leidensi longe merentissimus, dignissimusque, dum fata sinebant, Westenbergio nostro Collega in Oratione, qua A. MD CCXXXVII. a. d. XXIII. Sept. justa exsequiarum peregit, Viroque de Jurisprudentia Romana immortaliter merito Statuam ære perenniolem in Memoriam fano posuit.

Quod si vero Viri eruditi semper sua maxime interesse existimarunt, cognovisse Coruncanios, Capitones, Labeones, Sabinos, Javolenos, Julianos, Pergasos, Pomponios, Scævolas, Papinianos, Callistratos, Paulos, Ulpianos, Modestinos, aliosque inter τῶν νομικῶν καρυφαίους relatos: jucundius sane nihil, aut utilius accidere potest Jurisprudentiæ bonæque menti operam navantibus, quam hos quoque penitus nosse, qui in vias majorum, tanquam in speculum nunquam non inspexerunt, exemplisque viam monstrantibus ad summum virtutis atque eruditionis culmen pervenerunt. De illis exemplum cepit, illos auctores habuit, illorum Studia institutaque æmulatus est Westenbergius noster, ut adeoque nihil tam magni-

P R Æ F A T I O.

magnificum dici possit, quod in ipsum non quadret. Non excurram proinde in singulas beatæ animæ doctes, non prædicabo veram ejus & haud fucatam pietatem, singularem ejus modestiam, ingenium sollers, judicium acerrimum, iuris scientiam incomparabilem, cultissimumque scribendi genus. Ipsi illi immortales ingenii fœtus & materiæ dignitate, pondere, sermonis nitore ac elegantia, genium quendam victuris semper libris conciliarunt, luculentissimumque atque omni exceptione maius testimonium perhibent. Omne, quicquid huius argumenti est, tam apte, distincte ornatque dixit laudatissimus Ruckerus in Oratione Westenbergio sacra, ut, nisi hanc cum erudito Lectore ac bonorum Virorum æstimatore communicarem, in publica commoda peccasse redargui possem. Quæ cum ita sint, dictam Orationem (quæ non tantum apud nos in cruditarum mercium tabernis frustra requiritur, sed etiam in ipso Belgio difficulter paratur,) integram hic subiicere operæ pretium esse duxi, subiunctis quibusdam notulis uberiori explicationi inservientibus. Ita autem (præmissis ad auditorium solennibus verbis) dixit egregius Orator:

(B)

Amijs-

P R Æ F A T I O.

* * * * *

Amisimus, volente ita Supremo rerum Arbitro, Virum, solidæ eruditionis gloria, & raræ virtutis laude celeberrimum, masculæ Jurisprudentiæ columnen, Academiæ nostræ decus & ornamentum eximium, Joannem Ortwinum Westenbergium.

Attonita & velut de cælo tacta, infaustis proxime lapsis Calendis Juliis ad Tanti Viri casum contremuit Academia: &, ut in subito malo ingentes obmutescunt dolores, cladem suam per tristes ferias tacita luxit.

Ast nunc, cum ad solitas reditura virtutis exercitationes, tam gravi & nobili Antistite orbatam se videt: cum castissimum illum Justitiæ Sacerdotem suum, ut Themidos sacris operanti Juventuti legitima verba præiret, oculis frustra requirit, in querelas tandem erumpit, & quem adhuc perplexa mente prefferat luctum, publica lamentatione prodit.

Circumspicit mœsta, unde tam gravi vulneri medelam, unde solatium petat: sed quocunque oculos convertit, intendendo quam leniendo dolori aptiora omnia offendit.

Sive enim pulcherrimam spectat, delicias suas. Musis sacratam Juventutem: madentia lacrymis ora desideratissimum Præceptorem querunt. Sive vero Clarissimos sacrorum suorum Auxilites intuetur: dolet Amplissimus Ordo, tam lucidam coronam sua excidisse gemmam. Ipsos Illustrissimos Proceres, tutelares Deos suos, sollicitudinis expertes non esse, anxia videt.

O te felicem quondam Academiam! cum Noodtii, Schultingii, Westenbergii, trium Atlantum humeris suffultum intra tua mœnia cerneves Augustissimum Justitiæ templum: cum tam præclare fundato solio Regiæ instar insidens superbum alte penes Te extolleret caput Romana Jurisprudentia. Pavida quidem merito coborescebas, cum fatis concederet ingens Noodtius: sed subveniebant Tibi, qui superabant, eximii Duumviri, & cavebant ne quid detrimenti res

Tua

P R Æ F A T I O.

Tuæ caperent. Culmina Tua nutabant, ut trepida conclamares, cum ad Superos redires Magnus Schultingius: stabant tamen omnia inconcussa, fortiter succollante incomparabili Westenbergio. Ast nunc, hoc quoque heroe amoto, quid tandem spei superes? heu tristem sortem tuam, afflicta Academia! sentis, sentis magnificum illud tuum Justitiæ templum debiscere, & convulsis fundamentis horrendam minari ruinam.

Sed quid indulgemus justissimis quidem, nihil tamen profuturis querelis? Adoremus potius obsequioso silentio immortalis Dei voluntatem, & sapientissimæ Supremi Numinis decreta venerantes, ab ipso, presentissimo Reipublicæ & Academiæ nostræ flatore optima quæque speremus.

Illud nunc postulat laudabile in primis Academiæ hujus institutum, ut ex Magnifici Rectoris & Amplissimi Senatus Academici auctoritate pulcherrimam, in summa integritatis laude & eruditionis gloria transactam, totamque publico bono impensum Westenbergii vitam, omnibus in exemplum proponamus, & quod Viro de Academiâ, de Jurisprudentiâ, de literis in universum optime merito debemus, quod solum præstare possumus, memoriam ejus in mentibus nostris quasi consecremus: Sit Ille primæ nostræ post ferias publicæ exercitationis primum argumentum.

Utinam vero quem merueras, beate Westenbergi, nactus esses, egregiis tuis virtutibus celebrandis parem Oratorem! Sed, fatendum enim est, habes hanc fortunæ injuriam, quod parentandi tibi provincia homini obtigit, nec a natura, nec ab arte ad facundiam instructo. Bene tamen habet, quod Ipse sic instituit, quod universam præclaris factis ita exornasti vitam tuam, ut vel ex simplicissima ejus enarratione, Quantus fueris intellectu sit, quæ non amplificantis Oratoris infusata verborum lenocinia, sed veram virtutum Tuarum historiam auditum confluit ornatissima hæc concio.

Magnos Viros non solum natale facit, sed mens excelsa, virtutis appetens, sapientiæ capax, quæ non, ut corporis vastitas & robur,

PRÆHATIO.

a cæli & aeris, quem respiramus, temperatione pendet, sed ex ipso divinitatis fonte dimanat, & certo loco non est adstricta.

Quemadmodum tamen fulgentissima quoque gemma vix a vulgari lapide dignoscitur, nisi politoris manus splendorem ei conciliet: nec alio saxo plus calere sentitur silex, nisi qui in venis latet vehementissimus ignis percussione & attritu eliciatur: sic præstantissima quoque ingenia, si non exerceantur, trahuntur & cum cura excolantur, innatam vim igneam non exerunt, sed inertia jacent, & vilissime cujusque animæ stuporem referunt: certe credibile non est, crassum aerem impedimento fuisse, quo minus in Bæotia Thraciæque incolæ bonæ mentes se insinuarent, sed quia nulla apud eos formandis sapientia animis adhibebatur cultura, promiscue vervecēs videbantur. Ut adeo inter primæ fortune beneficia merito haberi debeas, eo nasci loco, quo inter frequentes adolescere liceat virtutis præceptores, qui bonæ mentis semina mature foveant, disciplina roborent, & sapientia paulatim incoquant.

*Contigit hæc felicitas Westenbergio Nostro, quem nascentem excepit & fovit, non magis hominum quam humanitatisATRIX, cultissima Regio, feracis doctorum Virorum Westphaliæ portio nobilissima *. Comitatus Bentheimensis: ubi superioris seculi anno supra sexagesimum septimo, die Maji octavo & vigesimo primam lucis usuram ipsi præbuit Neobustum, oppidum, si quo alio, hoc certe nomine nobile deinceps & æternum memorabile, quod Tantum Virum produxerit.*

Sed sola patria non absolvit felicem nascendi sortem: multum, immo longe plus etiam in eo situm est, ex quibus parentibus nascaris.
Pendet

* Produxit hæc non Westenbergium duntaxat, Germaniæ ornamentum, sed etiam Bockelmannos, Perizonios, Pagenstecheros, ceterosque Viros jure madentes, inque vario togæ usu limatos. Vide Suffridi Petri Decades XVI. de Scriptoribus & illustribus Viris Frisiæ & Bentheimii.

P R Æ F A T I O.

Pendes enim, perpetuo deinceps tenenda vitæ nostræ ratio ut plurimum ab instituto parentum: ad horum studia & mores uliro etiam & quasi non intelligentes se componunt liberi, nec magis sanguine quam exemplis avorum in eorumdem virtutes pariter & vitia trabuntur. Ita sane qui primum ac præcipuum domi suæ non virtutis sed nummis honorem haberi vident, mox cum adulescunt ipsi quoque sola divitiarum copia beatam vitam censent, & quod ab unguiculis didicerunt, firmiter tenent, & strenue sequuntur ferale præceptum: O cives, cives! Virtus post nummos. E contrario vero sapientiæ & doctrinarum studia non alii facilius in animum admittunt, & per universam vitam castius colunt, quam qui iisdem non ut peregrinis, sed ut familie suæ sacris mature initiantur.

Hac vero etiam parte valde faventem sibi fortunam expertus est Noster Westenbergius, in cujus præclara gente virtutis & eruditionis gloria, inde a doctis profecta Majoribus, per continuas successiones velut hereditaria possessio, auctior semper & amplior ad nepotes descendit.

Insigni cum erga Deum pietate, tum etiam doctrina olim jam floruit Nostri Proavus, Weiseliuss Westenbergius, qui, cum anno sæculi sexti decimi quarto & sexagesimo emendatio Bentheimiensibus innotesceret Divini Numinis cultus, primus, ibi casta, & a fabulis vanæque superstitionis fæco repurgata sacra Obnenses suos publice docuit.

*Inclarescentem vero tum jam inter eruditos Westenbergiani nominis honorem auxit hujus filius Joannes *; Nostri avus: quem, tantus cepit sapientiæ & literarum amor, ut perlustratis plerisque Germaniæ Academiis, ad Helvetos usque sola discendi causa penetraret:*

(B) 3 ubi

* Hunc reor esse, qui Comitatum Bentheimicum & Steinfurtensem in tabulam geographicam eleganter redegit, quæque in Blæviano Atlante (Tomo I. Amst. 1647.) sub hoc titulo exstat: *Comitatus Bentheim & Steinfurt, Auctore Joanne Westenberg. M. Doct. & Math.*

P R Æ F A T I O.

ubi celeberrima Basileensium Academia diu promeritam Medicinæ Doctoris lauream docto capiti imposuit: unde in patriam reversus, & Medicinæ ac Matheseos Professor ibidem creatus, illustre Steinfurtense Gymnasium inclyti nominis sui fama illustrius reddidit.*

Novum deinde in Westenbergianam gentem decus intulit Joannes Ortwinus, Joannis filius, Nostri pater, Illustrissimi Bentheimensium Comitum, totiusque Comitatus Archiepiscopus, non tantum solida Medicinæ disciplinæ scientia, & per hanc prosperrimo in arte medendi successu clarus, sed multis etiam & magnis fortunæ beneficiis felix. In his erat constans, qua in aula apud Comitem valebat gratia; res familiaris bona & lauta; & qua sine alia fortunæ dona frigen, animi corporisque dotibus præcellens uxor, Joannis a Gesseler in Ulfens apud Bentheimenses territorio Quæstoris integerrimi, & apud Neobusanos mercatoris florentissimi filia, Gertrudis a Gesseler: quæ maritum octo beavit liberis: ex quibus tres quidem filii in prima ætate, filia vero binæ innuptæ fati concesserunt: reliqui vero, Joannes Arnoldus, Ernestus Wilhelmus, Nosterque Joannes Ortwinus paterni nominis famam extra patriam late protulerunt, multisque nobilitatam honorum titulis, & consummata eruditionis gloria amplificatam, immortalem reddiderunt.

Etenim Primus, Joannes Arnoldus, clarum inter Jureconsultos locum nactus, Sæptæ vices in Comitatu Lingensi summa cum dignitate sustinuit.

Alterum vero Ernestum Wilhelmum, inclyta quæ Harderovici est Gelro Zutphanensis Academia Medicinæ Professorem habuit longe celeberrimum: cujus superses unicus filius Joannes Ortwinus, Lochemensis Civitatis Consul Amplissimus, ejusque nomine ad Potentissimos Fœderati Belgii Ordines cum maximo delegatus, dilectissimum Patrium præfens luges.

Tertio

* Vocatur hoc a Divo Conditore Arnoldo *Arnoldinum*, fuitque semper & est & erit magnorum virorum Seminarium.

PRÆFATIO.

Tertio denique, Joanni Ortwinio, Jureconsulto Incomparabili, suo quondam Lumini splendidissimo, ineluctabili fari necessitate nuper sibi erepto, iusta nunc facit pia & grata Academia.

In enarranda vero Viri hujus Eximii vita, cum uberrima aliunde suppetat laudis & bonoris materia, parum forte aut nihil attineret, etiam quæ puer quæve adolescens egeris adicere, possemque hæc silentio transmitti, nisi publice quam maxime interesset, & ad exemplum pertineret sciri, quæ via ad supremum illud virtutis culmen evaserit, quibusque substructionibus innixa in tantam altitudinem excreverit immensa Ejus eruditio atque doctrina.

Prima vero, eaque solidissima futurae magnitudinis fundamenta ipsa jecit natura, quæ decoro & præclaris animi dotibus rite aliquando explicandis apto corpori mentem iligavis bonam, omnisque virtutis & doctrinae capacissimam.

Nec diu latuit ingens hoc naturæ beneficium parentes; qui, cum parvulum quasi luculentem, & e caligine, cui communis nascendi conditio novas mentes involvit, erumpere conantem solícite observarent, latentem igneam ingenii vim in scintillis magis magisque in dies emicantibus mature detexerunt.

Lati igitur tam pulchra indole, & probe gnari, quæcunque tenellis ac ceræ instar sequevociis mentibus imprimuntur prima vestigia, tenaciter per universam vitam herere: ne aliæ quam virtutis formæ vacuum adhuc animum occuparent, solertissimam adhibuerunt curam, ut pietatis & sapientiæ præcepta in prima statim ætate & cum ipso quasi lacte ei insillarent.

Egregie vero parentum votis respondebat feliciter succrescens puer, cujus vivida indoles ita sensim se explicabat, ut par docili ingenio ingens discendi ardor, præter patrem a quam plurimis negotiis districtum, jam alios quoque præceptiores desideraret. Traditur igitur publicæ Bentheimiensis scholæ, ut quibus ab incunabulis destinatus eras scientiarum sacris rite initiaretur, omnisque elegantia & humanitatis conciliatricem doctam utramque linguam perdisceres.

Sirenius

P R Æ F A T I O.

Sirenue in hoc stadio decurrebat, & admirabili animi contentione aequales brevi tempore prætergressus, adultioribus jam imminuebat, cum subito quasi sufflumen ei injicitur immatura optimi patris morte. Illic assiduus domi & hortator & magister studiorum puero adhuc adfuerat, infirmamque ejus ætatem prudenti rexerat disciplina: nunc sola supererat mater, sed pulcherrimi exempli matrona. Putabat illa non quæ diutius & uberius ploraret rectius viri memoriam colere, sed quæ communis thori pignora ad honestos patris mores cum cura formando in posteritatem duraturum monumentum eidem poneret.

Viles igitur sumens animos, utriusque parentis in educanda prole manus sola, non tantum fortiter capessivit, sed omnes etiam ejus partes egregie implevit: & cum, postulante ita rei familiaris ratione, apud Lingenſes interea domicilium conſtituiſſet, adhærentem semper lateri suo filium ipsa quidem domesticæ disciplinæ ad paternæ virtutis exemplar diligenter fingebat, in doctrinarum vero studiis ulterius erudiendum commendabat Doctissimo Viro, Lamberto Lauchor-Rio, qui literarium ludum ibidem moderabatur.

Incredibili Noster in hac palestra desudans alacritate, felix & altioribus disciplinis jam matureſcens ingenium tam ſevera exercebat lege, ut cum anno ætatis quarto decimo tirocinium ibidem poneret, non vulgari & iralatiſſimo, ſed inſoliſſo plane raræ modeſtiæ, diligentiæ & doctrine teſtimonio ornatus ad publicas prælecciones dimitteretur.

Excuffo ita ſcholæſtico pulvere ad Steinfurtenſe ſe conſulit Gymnaſium, civilis ſapientiæ ſtudio cogitans, quibusque ad illud rite præparari poſſet artibus operam ibidem daturus.

Non potuiſſet autem Weſſenbergio Noſtro quidquam vel optabilius vel opportunius accidere, quam quod eodem ſorte tempore Jura apud Steinfurtenſes profiteretur Clariſſimus ejus avunculus, Jodocus a Geſſele, cujus ſapienti conſilio in inſtituendis ſtudiis regi, & qua potiſſimum via ad ſolidam eruditionem ſit eundem, doceri poſſet.

Sic

P R Æ F A T I O.

Sic enim à natura cum omnibus comparatum est scientiis, ut nisi recta adhibeatur discendi ratio, & justus ordo, præclari nihil in illis obtinere liceat: & multi bene etiam erga juris studium animati, perpetuo tamen dupondii manent, non quod maligna natura ullius pulchræ rei capacem mentem eis denegaverit, sed quod præpostera studendi ratione utentes, & vota præcipitantes se ipsos impediunt & decipiunt.

Plerisque sane, quæ revera latissime patet, & plurimarum difficultium quoque rerum cognitionem ambitu suo complectitur, hodie facilissima creditur Jurisprudentia, & magnam certe partem quibusdam definitionum & partitionum formulis absolvi: his memoriæ mandandis novus Academicus primo statim anno strenue insudat: altero, quæ maxime compendiaria via potest, cujusque materiæ argumenta breviter & summam percurrit: & postquam tandem inter tumultuariam eorum quæ dicitur repetitionem controversi quoque juris nonnulla capita excussit, ad tuendum Juris periti nomen & dignitatem se jam satis instructum putat: quam vero Professores necessariam Juriconsulto futuro tanto opere commendant & urgent pleniorum Linguarum, Philosophiæ, Historiarum & Antiquitatum Romanarum cognitionem, si non ut plane supervacuam & inutilem contemnit, alii saltem tempori servat: & hæc postea, dum eum Lex Annalis ab administranda Republica arcebit, per otium discet.

Aliter sapiebat eruditissimus Nostri avunculus, qui probe noverat, pulcherrimam illam, quam sapientissimi Romanorum ex intima morum doctrina hausitam, per omnes Reipublice ætates excoluerunt, civiumque moribus paulatim accommodarunt civilem prudentiam, sic esse comparatam, ut ad ejus interiorem cognitionem penetrare non possit, qui non rei pariter & Lingue Romanæ peritia, Philosophicæque disciplinæ præceptis animum ante inbuerit, quam ad eam accedat.

Ad saluberrima igitur egregii hujus Viri monita studiorum suorum rationem componens Wessenbergius, non ab ultimis incipere, &

(C)

præ-

P R Æ F A T I O.

*præcipiti cursu in Jureconsultorum auditoria protinus ruere, sed gradus prudenter facere, & ad solidam Legum scientiam variis artibus viam sibi emanare instituit: cumque sciret, nihil aliud esse civilem prudentiam, quam civitatis utilitati sapienter adteuperatam morum doctrinam, ante omnia Philosophicis studiis se dedit, & in ea, præcunte Viro Clarissimo Simone Gerlacio Ebelio, insigni apud Steinfurten-
ses Philosopho, tam graviter incubuit, ut quæcunque Veteres vel de bono & malo disputarunt, vel de bene constituenda & administranda Republica tradiderunt, animo omnia complecteretur.*

*Agebat jam septimum decimum ætatis annum, & prima future eruditionis fundamenta felicissime posuerat, cum crescente in dies inexplebili discendi ardore, relictis Arnoldinis Musis, ad Illustrem Frisiorum contendit Academiam, Jacobo Perizonio, hominis elegantioris literaturæ gloria celeberrimo Viro, se ulterius formandum tradi-
diturus.*

*Hunc sibi elegerat præceptorem, cum ut pleniorẽ sermonis Latini cognitionem sibi compararet, tum præcipue etiam ut hoc duce la-
tissima Historiarum & Antiquitatum Romanarum viridaria vite per-
lustraret; ne alioqui si in hisce hospes esset, irritò aliquando conatu
ejus Reipublicæ leges & jura tractare moliretur, cujus ipse linguam,
mores, judicia, magistratus, totamque faciem non bene ante perspexis-
set, & turpiter ignoraret.*

*Omibus igitur viribus committens, nullisque in re tanti momenti
parcens vigiliis, improbo & pertinaci labore tam præclaros paulatim
in hoc quoque studio feci progressus, ut, cum Historicam de duobus
maxime insignibus Lucii Flori locis Dissertationem * Præsede Cla-
rissimo Perizonio publice tuendam suscepisset, tanto istam actionem su-
stinuerit eruditionis adparatu, quantus longe etiam provectiori ætati
gloriæ & honori fuisset.*

Etiamsi vero variis humaniorum literarum disciplinis pulchre

jam
* Hac de Dissertatione nulla adhuc ad nos uberior notitia pervenit.

PRÆFATIO.

jani ornasset animum, & ad Jurisprudentiæ sacra egregie preparasset. nondum tamen ab omnibus, quæ Justitiæ sacerdotem aliquando futurum decerent, artibus se instructum esse censebat, & cum persuasum haberet, cassius longe ac rectius humana jura tractaturam, quicumque civilium legum doctrinæ, divini juris studium præmississet, ad illam non ante accessit, quam hujus cognitionem in Summi Theologi Campegii Vitringæ schola sibi adquisivisset, & cum ipsis divini sapientiæ præceptis ardentissimum quoque Justitiæ amorem simul imbibisset.

Firmato hisce doctrinarum adjumentis & præsidis pectore, tandem ad Jureconsultoram castra se contulit, in quibus per universam deinde vitam militaret: & cum eo tempore apud Franequeranos spicerent maxima Jurisprudentiæ bina lumina, Gerardus Noodt, & Ulricus Huberus, hoc utroque prælucente vastissima Romani jûris latifundia, tanta animi contentione, tantaque alacritate peragravit, ut quæcunque per varias Reipublicæ Romanæ ætates vel Legibus cautæ, vel fori usu receptæ, vel etiam Magistratuum Edictis, Senatusconsultis, Principumve constitutionibus sunt inducta, diligentissime omnia inlagaret, & continuata per dies, per noctes exercitatione nihil eorum intactum, nihil inexploratum relinqueret.

*Quamquam etiam sustinendis tot & tantis laboribus impares corporis vires sensim frangi sentiret, morboque tandem implicatus, curandæ valetudinis causâ in patriam reverti cogeretur: nihil tamen de pristino descendendi fervore remisit, sed ad Harderovicenses, simul ut convalescerat, profectus, intermissum aliquamdiu studiorum cursum solita & innata mentis incitatione repetiit: & postquam ibi semel atque iterum Præsidi avunculo suo, Viro Clarissimo & Jureconsulto Eximio Jodoco a Gesseler de Successione ab intestato * publice disputasset, & egregia solidioris eruditionis documenta dedisset, Juris arti magis ac magis excolendæ semper intentus, etiam Groninganas*

(C) 2

Musâs

* Nihil de hac dissertatione etiamdum dicere possumus.

P R Æ F A T I O.

*Musas adire constituit, ut ibi quoque subsidia conquireret, quibus doctri-
nae suae copias amplificaret.*

*Decursis tandem feliciter Academicis spatiis, anno superioris se-
culi septimo & octuagesimo celeberrima Gelro-Zuthphaniensis Academia
eum, post habitam de Usuris publicam Disputationem *, Jureconsulto-
rum Ordini adscripsit, ut quos continuis lucubrationibus, multisque
sudoribus sibi paraverat ingentes cultissima eruditionis thesauros, in
publicos usus iterum depromeret & erogaret.*

*Paruit legi Westenbergius Noster, & strenue obcundo Juris Do-
ctoris muneri sine cunctatione se accingens, sequenti statim anno de-
latam sibi apud Steinfurtenenses ab Illustrissimo Bentheimensium Comite
Pandeclarum Professionem, praemissa de Excellentia Juris Romani
inaugurali Oratione ** alacriter inivit, brevique tempore singulari
doctrina sua sic exornavit, ut confluentibus undique ad scholas ejus
adolescentibus increscens Gymnasium, sensim ad justae Academiae cele-
britatem fere surgeret.*

*Testantur indefessam ejus in promovenda Steinfurtenesium re lite-
raria diligentiam, variae, quas in studiose Juventutis gratiam ibidem
edidit, de Servitutibus, de Emphyteusi, de Querela inofficiosi testa-
menti, de Fructuum perceptione, de Consuetudine, de Foro com-
petenti, Dissertationes: immo, cum deinde Historias quoque & Elo-
quentiam publice docere jussus esset, hanc etiam provinciam pari indu-
stria, nec minori successu administravit.*

*Latus tam prospero Gymnasii sui incremento Illustrissimus Comes,
& multis experimentis sibi jam perspectam incredibilem Viri solertiam
miratus, in publicis quoque rebus ejus consiliis uti constituit: quibus
pariter ex voto succedentibus, tandem universa fere totius Comitatus
negotia ipsi permisit; quae Noster ea tractavit prudentia, fide & reli-
gione,*

* Nondum hanc videre licuit.

** Neque hanc, neque alias, quas in Lyceo Steinfartenensi edidit dissertationes,
oculis usurpavimus.

P R Æ F A T I O.

gione, ut publica commoda egregie promoveret, Comitibusque benevolentiam, ac civium amorem perpetuum sibi conciliaret.

*Non potuit tanta virtus diu latere, & quæ passim jam celebrabatur Westenbergii fama & existimatio, ad Illustres Gelvo Zuerphaniensis Academiæ Curatores quoque pervenerat: a quibus Harderovicum honorifice * evocatus, anno superioris seculi quinto & nonagesimo Ordinarium Juris Professionem Oratione inaugurali de Ratione docendi & discendi juris ** ibi auspicatus est.*

*Liber jam ac solutus ab aliis, quibus adhuc distentus fuerat, negotiis, totusque Jurisprudentiæ redditus, in hoc unum animi corporisque nervos intendat, ut boni Antecessoris numeros omnes impleret, creditamque sibi provinciam non tantum cum dignitate tueretur, sed quantum maxime posset etiam amplificaret. Cumque experiendo didicisset, ad superandam, quæ sæpe juvenes avertit, studii juris civilis difficultatem nihil magis pertinere, quam ut facilis, & ad studiose juvenuntis captum prudenter aptata docendi ratio adhibeatur, Principia Juris primum secundum Ordinem Institutionum, & deinde interjectis aliquot annis etiam secundum Ordinem Digestorum seu Pandectarum ***, ea quam Auditoribus suis maxime commodam fore sperabat methodo adornavit & evulgavit. Illic beneficio, quo præcipue Juris studiosorum animos sibi devinxerat, alterum adjecit, singularem, qua in publicis privatisque scholis juri interpretando vacabat, sedulitatem, & incredibilem in quibuscunque rebus plane & perspicue expediendis diligentiam. Tandem, ne quisquam prætermitteret, quod ad studia discendum juvanda & provebenda pertinere posset, non solum privata frequentissime instituit literaria certamina, in quibus, diversa controversi juris capita nunc oppugnando nunc defendendo, ingenium*

(C) 3 nium

* Non diffitetur id ipsum Westenbergius, sed grato animo recolit in Dedicacione Institutionibus præmissa.

** Mirum nos desiderium tenet hujus Orationis.

*** Hæ, ceu jam diximus, Tomum II, occupabunt.

P R Æ F A T I O.

nium acnerent juvenes: sed ut publicis quoque ejusmodi exercitationibus argumenta & materiam præberet, varias subinde elucubravisset, & quidem de Portione legitima parentibus, liberis & fratribus relinquenda quatuor, de Causis obligationum vero novem, cum cura elaboratas & solide Jurisprudentiæ plenas Dissertationes.

Nec defuit etiam tantis laboribus atque meritis dignus honor, quinquies ei delatus & feliciter gestus summus in illa Academia magistratus; quo cum abiret, publice disseruit primum de Jure naturali; mox de Jure civili ad fontem juris naturalis redigendo; deinde de Jure gentium; postea de Licito non honesto*; & tandem de Calculo Minervæ, seu de Lege ἰσολογίας**, ejusque justitia.

Unum & viginti admodum annos hac ratione apud Harderovicenses Jurisprudentiæ docendæ præfuerat Westenbergius, simulque eruditionis suæ famam longe lateque interim propagaverat, cum insignem nominis ejus celebritatem animadvertentes Illustres Frisiorum Academiæ Curatores eum pellexerunt, ut ipse suam addiceret operam, & Amplissimi Zachariæ Huberi loco, quem Curia Senatorem sibi vindicaverat, Antecessoris munus apud Franequeranos anno præsentis seculi sexto decimo sollemni de Jurisprudentia Rationali oratione*** susciperet.

Gravis ibi adversaria ipse constituta erat, ingens in omnium animis de ipso excitata spes, & admirabilis quedam expectatio; quam tamen mascula virtute mox ita vicit & superavit, ut quantum decus & momentum rebus Academicis per ipsum accessisset, brevi tempore omnes intelligerent & sentirent. Etenim præter pulcherrimum, quem longo usu contraxerat, clare & diserite docendi habitum, etiam legendo,

* Hi de Jure naturali, de Jure civili ad fontem juris naturalis redigendo, de Jure Gentium, & de licito non honesto libelli singulares nondum ad manus nostras pervenerunt.

** Prodiit hæc Dissertatio A. 1715, Fusius de eadem, ut & de reliquis, dictum in præfatione Tomi III.

*** Excusa est A. 1717, in forma, quam vocant Folio.

P R Æ F A T I O.

do, meditando, lucubrando, novis quotidie accessionibus augebat instructissimas eruditionis suæ copias, quas patientiorem hunc campum natus, cum summo juventutis fructu singulari arte explicabat: cumque præterea in nulla unquam re honestis adolescentum desideriis deesset, & exhortando, docendo, disputando, meliores eos & doctiores reddere nunquam desineret, tantum eorum animum sibi conciliabat, ut in oculis eum ferrent, nec alibi libentius & frequentius quam in ejus auditorio morarentur.

Exiaverant præclari hi successus Groninganos Proceres, ut anno hujus seculi vigesimo Westenbergii animum tentarent, & ut in suam Academiâ migrare vellet, magnis conditionibus invitarent: quod simul atque intellexerunt Frisii, ne se expugnari pateretur summo opere intercesserunt, suæque Academiæ tam splendidum ornamentum servare cupientes, amplum ipsi & ad mille quingentos Carolinos auctum stipendium, cum luculentia honoris præfatione decreverunt. Lubens igitur tam proluxæ Frisorum erga se voluntati obsequutus, apud Franequeranos manere, & qua tam pulchre hæcenus juverat eorum commoda, ulterius quoque amplificare constituit.

Deprecati ita quæ ipsi a Groninganis imminuerat, fundi sui calamitatem, læti Westenbergio fruebantur Frisii, & res suas nova quotidie incrementa per ipsum capere summa cum voluptate videbant. Non tamen valde diuturnum illis fuit hoc gaudium, & postquam per septennium Franequeranam Academiam diligentie & eruditionis laude exornasset & auxisset, medioque tempore gestum apud eos Rectoris munus Oratione de Jurisprudentia Pauli Apostoli * nobilitasset, rem-
pus

* Anno MDCCXXII. sub hoc titulo lucem aspexit: *Paulus Tarsensis Jurisconsultus, seu Dissertatio de Jurisprudentia Pauli Apostoli*. Meminit hujus Dissertationis cultissimæ dulcè Themidos decus atque præsidium, Ill. Io. GEORG ESTOR sub finem elegantissimæ præfationis ad Opuscula Laur. Andr. Hambergeri, verbis: *eo jure, quo Io. Ortwinus Westenberg jurisprudentiam divi Pauli Apostoli vulgavit, & ego circa Horatium (totâ enim præfatio agit de Jurisprudentia Horatii)*
potui

P R Æ F A T I O.

pus tandem advenerat, quo doctrinæ suæ lumine hanc quoque illustraret Academiam.

*In ea tum floreant consummata publici privatiq; juris scientia toto orbe celeberrimi, ad præcæ virtutis imaginem expressi Triumviri, Gerardus Noodt. Antonius Schultingius, & qui nunc sôus superest (utinam vero superfit diutissime!) honorum amor, decus Academiae, Vir Magnificus Johannes Jacobus Vitriarius *. Sed quia inclinata & fere ad occasum vergens Noodtii ætas non mediocrem adferebat solitudinem, quantum circumspeciebant Illustrissimi & Amplissimi Proceres, ne si quid humanitus ei accidisset, aliqua parte laborares Academia. Nec longa erat dubitatio, quem potissimum deligerent, cum tantam doctrinæ & eruditionis famam sibi peperisset Westenbergius. ut non jam obscuro & vario sermone, sed clarissima & una omnium voce palam ubique celebraretur.*

*Desertur igitur ipsi Ordinaria Juris civilis Romani & Hodierni Professio, quam lubens quoque suscepit, & in amplissima hac Musarum sede tertio & vigesimo hujus, quod agimus, seculi anno, die Septembris septimo & vigesimo feliciter auspicatus est Oratione de Philosophia Jureconsultorum & in primis ea, quæ circa Legum collisionem versatur **.*

Qualem potui uti eodem jure. Ceterum recusum est hoc Westenbergi Opusculum A. 1738. sumtibus Orphanotrophei Baruthini. Vid. Juristischer BücherSaal, oder gründliche Nachricht von den neuesten Juristischen Büchern, 12tes Stück, ubi pag. 355. sequenti encomio effertur: Herr Westenberg hat diese Rede bey Niederlegung seines Academischen Regiments zu Frauncker 1722. abgelegt, und in eben demselben Jahr dem Drucke überlassen. Er hat darinnen sehr gründlich erwiesen, dass Paulus nicht allein ein theurer, Zeuge der Lehre Jesu, sondern auch ein erfahrner und geschickter Rechtsgelehrter gewesen sey. Alles ist in dieser Rede sinnreich, gelehrt und erbaulich. Hæc anticipare liceat, plura dabit præfatio nostra.

* *Votis Deus annuit usque ad XII. Decembr. anni præteriti, quo Vir optimus & omni liberali doctrina politissimus, ejus ab ore nie quondam pependisse toto pectore hætor, in cælum rediit.*

** *Hæc tam lectu digna est, quam quæ maxime.*

PRÆFATIO.

Qualem vero per quatuordecim, quibus hanc Academiam exornavisti annos, se gesserit; quanta cum dignitate & diligentia partes suas sustinuerit & impleverit; quanto studio, quanta fide juvenum commodis inservierit, in omnium recenti est memoria.

De sedulaverat jam cum hac accederet, quinque & triginta annos in docenda Jurisprudentia, & assidua exercitatione sic in ea acuerat & roboraverat animum, ut in universa juris arte nihil esset tam subtile & reconditum, quod acerrima judicandi vi, non intime perspexisset; nihil tam involutum & perplexum, quod longa meditatione non probe digessisset: quæ cum suo singula loco promte redderet fidelis memoria, & quæ plane incomparabilis fuit, mira accederet in docendo perspicuitas, non potuit non ex ejus disciplina uberrimus ad omnes qui operam ipsi darent, dimanare fructus; præsertim cum summo etiam studio hoc semper ageret, ut planam & quantum fieri posset facilem ad juris scientiam viam præmonstraret.

Senserunt cum maximo suo commodo insignes hæc & raras Wesenbergii dotes, qui ingenti semper numero ad ejus auditoria convolabant egregii adolescentes: quos ipse summa fide & indefesso labore ad Jurisprudentiam simul & ipsam Justitiam sic formabat, ut non solum quæ juris civilis regulis & legum rigori conveniant diligenter traderet, sed perpetuo etiam & cum cura simul inculcaret, qua ratione quæ duriora videri possent, interpretatione temperari, & ad naturalis æquitatis simplicitatem redigi debeant; Veteres imitatus, Crassum, Aquilium Gallum, & Servium Sulpitium, a Cicero laudatos, quod in exponenda æquitate copiosi, non magis Juris quam Justitiæ consulti fuerint, & Juris civilis rationem nunquam ab æquitate sejunxerit.

Hanc vero perpetuo insilens viam, non solum in publicis privatisque recitationibus, & de controverso & dubio jure disceptandi exercitationibus ad ultima usque vitæ tempora constanter perseveravit, sed vacuas quoque ab Academicis negotiis horas doctis laboribus impendit: & quam frequentibus vigiliis & lucubrationibus corporis vires tandem debilitasset, & pene exhaurisset, mentis vigore tamen integer semper in exercanda Jurisprudentia adeo non cessavit, ut etiam superiore anno lucu-

(D)

lentas

P R Æ F A T I O.

lentas & literata senectutis plenas Dissertationes ad Constitutiones Marci Aurelii Antonini Imperatoris * *ediderit.*

*Inter has occupationes summum in hac Academia magistratum his ita gessit, ut ejus dignitatem & decus egregie tueretur, & ne quid detrimenti res Academica caperet, solcite provideret: eoque cum se abdicaret, Orationem publice habuit primum de Jure Rhadamanthi **, deinde de Jurisprudencia quinti Cerbidi i Scævolaæ **. Asta quoque Senatus Academici omni fide, diligentia & integritate semel curavit; in universum verò muneris sui partes omnes sic implevit, ut non minus Academia de Professore, quam Juventus Academica de Præceptore tali, jure meritoque sibi gratularetur.*

*Talem vero cum publice se præstaret Westenbergius, in privata quoque vita multis & præclaris virtutibus se commendabat. Elucebat in primis in ejus vultu, dictis & factis admirabilis quædam & Viro digna gravitas, sed sine supercilio, & quam singulari comitate **** condiebat. In familiari convivio facilem se præbebat & blandum. Procul ab omni vano luxu & sobrius, frugalitatis serviebat: & aliena non adpetens, velita & parva labore suo, honesta parsimonia tuebatur. Paci studens & a contentionibus alienus, injuriam inferebat nemini: sibi illatam voluntaria ut plurimum contenebat oblivione *****: acerbè saltem nunquam exige-*

* Illud præcipue in hisce Dissertationibus, quas in XLV. disposuit, ut eas colligeret leges, in quibus ipsa verba Constitutionum supersunt, easque & ipsa verba, quibus usus est Imperator, neque dubium habent, exhiberet, usque exhibitis expositionem & illustrationem subiceret. Non minus vere hinc atque eleganter Vir omni eruditionis & humanitatis laude Celebratissimus GOTTLOB AUGUSTUS JENICHEN in Supplem. ad Bibliothecam juridicam Lipenio - Jenichianam Sect. I. p. 25. Westenbergii Divum Marcum vocat *pulcrum, venustum, eruditumque opus.*

** In dias luminis anteas missa Lugd. Bat. 1726. A laudatissimo Jenichenio in Supplem. ad Lipenium, p. 362. vocatur *Oratio docta atque diserta.*

*** Hanc 1734. in lucem prodire jussit. Mentionem ejus cum insigni laude fecit Ill. BUDERUS in Biblioth. Juris Struviana, pag. 16.

**** Vera dixisse Celeb. Ruckerum, commonstrabit effigies ante Pandæas ponenda.

***** Vide quæ dixit b. Auctor in fine præfationis Digestis præmissæ.

P R Æ F A T I O.

exigebat. Castus denique Divini Numinis cultor, Christianas veritates non solum ore & verbis profiteri, sed ipsa vitæ innocentia & morum probitate exprimere nitebatur. Cujus ipse pietatis & virtutis hanc sane pulcherrimam tulit mercedem, ut publice privatimque honoratus, bonisque omnibus carus & acceptus, universum fere ætatis tempus tanta felicitate transegerit, ut ad beatam vitam parum ipsi defuisset, si, quod unum fortuna ei negavit, matrimonia quæ contraxit liberis subnixa habuisset.

Elegerat sibi anno superioris seculi septimo & nonagesimo vitæ thoricæ sociam, Virginem omni virtutum genere nobilem & lectissimam, Mathildam a Gesseler, amitam suam, Viri Amplissimi Hermanni a Gesseler, universi Bentheimensis Comitatus Quæstoris, & Consistorii Supremi Adfessoris filiam: sed quæ altero statim anno, necdum mater sacra supremum diem obiit. Statiliores fuerunt secundæ nuptiæ, quibus anno quod nunc labitur seculi decimo sibi conciliavit præstantissimam, & omnibus amabilis sexus ornamentis dotatam matronam, Annam Gertrudim, Viri spectatissimi Gerhardi de Witt, apud Vesalienses Judicis & mercatoris primarii filiam. Hæc, etsi ter enixa, moriente tamen semper in ipsis vitæ principis prole, liberis quidem domum ejus non fundavit; per quatuor tamen & viginti annos in summa concordia cum eo fuit, nihilque per totum illud tempus prius habuit & antiquius, quam ut morum suavitæ blandoque obsequio jucundam ipsi vitam redderet: quanta vero senescentem foverit & sustentaverit cura, vel inde adparuit, quod, donec ipsa superstes fuit, viribus omnibus integer stetit: cum, simul atque eam amisset, quasi repente senex factus, totus descere cæperit, & languidum corpus ægre trahens, vix triennio ei supervixerit.

Morbum ipsum, cui Westenbergius Noster succubuit, Vir Clarissimus & summa Medicæ artis gloria Celeberrimus Hermannus Oosterdyk Schacht hisce verbis descripsit.

Vir Clarissimus Joannes Ortwinus Westenberg, firma corporis compage præditus, jam a prima adolescentia severioribus & protractioribus lucubrationibus se totum dare consuetus, neque ab iis ætate proVectior, imo ne senex desistens, eam sibi hoc vitæ instituto sanguinis humorumque conscivit intemperiem, quæ usitata Medicis adpellatione

P R Æ F A T I O.

tione Scorbutus dicitur: hujus autem effecta, quamvis haud raro manifeste satis perferiret, ob continuas tamen & nunquam fere interpo-
latis in studiis contentiones, vel prorsus neglexit, vel susque deque
habuit, saltem ab iis haud multum mali sibi imminere existimans, eodem
quo juvenis fervore eademque assiduitate perseveravit. At ante trien-
nium obitu Charissimæ sibi & Dulcissimæ Conjugis, quacum concor-
des egerat annos, cum in modum percussus fuit & afflictus, ut, quam-
vis pia vere & Christiana mente se Dei O. M. voluntati submitteret,
senectutis tamen & valetudinis incommoda haud eadem, qua ante
corporis firmitate toleraverit, imo a muneris laboribus quandoque se
plus solito fatigatum senserit, generoso tamen animo in studiis per-
gens, iisque corporis quasdam ægrotudines lenire, quin & superare,
saltem earum acerbitatem minus sibi sensibilem reddere, aut subterfuge-
re satagens.

Tandem mense Novembri anni 1734. jam tum immane quantum
aucta & adcumulata scorbuti materia subito in nervum erumpens Vi-
rum Eximium inopinato adripuit, prostravit, convulsivis motibus
tantum non omnia ejus membra vehementer concussit, omnemque
sensuum usum ipsi ad longi temporis spatium ademit.

Hanc tamen calamitatem denuo superavit, & favente Divino
Numine, diligenti idoneorum remediorum usu eoque convaluit, ut
rebus suis magno quidem animo, at corpore infirmiore se denuo ac-
cinxerit, iisque haud sine successu invigilaverit. Sensit tamen ab illo
tempore, vires sensim se deficere; imo & memoriam, quæ ceteroquin
ipsi firmæ & tenax fuerat, nonnihil labefactari, sensuumque vigorem &
acutiem quasi obtundi: Donec die 27. mensis Junii iterum confimilis
morbi furore corripitur, toto corpore contremiscit, & convulsis cun-
ctorum artuum fibris omnibus sensibus privatur, nonnisi brevibus qui-
busdam temporis intervallis ad se rediens: donec fractis penitus viri-
bus, & morbi atrocitate victus, nihil quidquam proficientibus, vel illis
quæ antea auxilio ipsi fuerant insigni, vel aliis exquisitissimis artis salu-
taris adminiculis, nocte fere media inter ultimum Junii & primum Julii
vitam integerrime actam cum beata morte commutavit.

Decum-

PRÆFATIO.

Decumbenti aliquoties adfuit Vir admodum Reverendus & Clarissimus Joannes Honertius, qui cum brevi antequam extremum spiritum redderet tempore ad se redeuntem sibi que per dimidiam horæ partem constantem, pio alloquio consolaretur, satis mirari non potuit intrepidam ejus constantiam, & tenerrimos animi motus, quibus in sola Christi Servatoris nostri propitiatione collocatam fiduciam exprimebat, & ardentissimas simul, ipso præeunte, ad Deum preces effundebat. Vix etiam has finierat, cum protinus divino ardore incensa mens, ex carcere suo eruptura, viribus omnibus colluctari cepit, nec auge destitit, quam se ex corporis vinculis explicaret, & ad cælum, unde venerat, rediret.

Talem Westenbergius Noster habuit exitum, postquam inter continua sapientiæ & literarum studia, atque in summo apud omnes honore ultra septuaginta annos vixisset. Sed vivet & incept quoque, nec unquam intermoriitura est, quam sibi virtute & labore acquisivit, præclara eruditionis ejus fama atque gloria: perpetuam eam reddent doctissima quibus Juris prudentiam ornavit, & locupletavit scripta: & qui per novem & quadraginta, quibus Juris Professionem exornavit, annos ex ejus disciplina pro dierunt, multi & insignes Viri, ad seram posteritatem Nomen ejus propagabunt. Interim vero, dum ipse curis omnibus jam exsolutus & immortalitate donatus, sempiterna apud Deum pace fruitur, humanamque supergressus sortem, in dulci felicitum animarum consortio beatus in cælo vivit, nihil superest, nisi ut supremum ipsi dicamus, Vale.



Haftenus Amplissimus Ruckerus. Nihil jam restat, quam ut de Institutionibus nonnihil dicam, quas cum ceteris Westenbergii Operibus Vir honestissimus, diligentissimusque bibliopola, Jo Guilielmus Schmiddius, suo sumtu in Germania parabili res reddere, omniumque desideriis satisfacere statuit. Non expectet vero quisquam, ut quumh. die Compendiorum

(D) 3 tum

P R Æ F A T I O.

tum majorum tum minorum numero & mole fere obruamur, recusī operis institutum ambitiosa præfatione tuear. Enimvero tanti semper fecerunt Viri, quibus suffragii jus est, Westenbergianæ eruditionis monumenta, ut meo patrociniō non egeant, meoque encomio facile carere possint; ne dicam, vino vendibili, ceu in veterum proverbio est, parum opus esse suspenſa hedera.

Speciminibus operarum emendandis ipse, quantum per occupationes legitimas licuit, præfui, seduloque cavi, ut non tantum σφάλματα, quæ Westenbergius in calce notaverat, corrigerentur; sed & sexcenta alia parum observata (quæ tamen optimo Auctori nolim imputari) tollerentur, adhibitis suborto dubio Digestis ejus, quorum auctior Editio A. 1732. sub oculis b. Præceptoris prodixit, annoque præterito repetita est. Sin vero quibusdam nævis subiunctæ Dissertationes *de portione legitima & de Causis Obligationum* commaculatæ fuerint, quod tamen vix suspicor, iis non mihi, cuius nullæ in hisce expungendis partes fuerunt, tribuendi sunt. Ob nundinas enim instantes, aliasque fonticas caussas, Opuscula hæc, ut & præsens Præfatio, apud exteros typis descripta sunt. Scribebam Hannoveræ,

Pridie Kalend. Apr. MDCCXLVI.

JOANNIS ORTWINI WESTENBERGII

JCti & Antecessoris

PRINCIPIA JURIS,

SECUNDUM ORDINEM

INSTITUTIONUM

IMP. JUSTINIANI,

In usum Auditorum vulgata.

ACCEDUNT EJUSDEM

DISSERTATIONES IV.

DE

PORTIONE LEGITIMA,

LIBERIS, PARENTIBUS, ET FRATRIBUS,

RELINQUENDA.

nec non

DISSERTATIONES IX.

de

CAUSIS OBLIGATIONUM.

HANOVERÆ ET LUNEBURGI

Apud IOANNEM GUILIELMUM SCHMIDIUM, bibliopolam.

M D CC XLVI.

MU 101111

PERILLUSTRIBUS.

AC.

GENEROSISSIMIS.

ACADEMIÆ

DUCATUS. GELRIÆ.

ET.

COMITATUS. ZUTPHANIÆ

QUÆ. HARDEROVICI. EST.

CURATORIBUS.

Viris.

SUMMIS. IN. REP. HONORIBUS.

INCLUTIS.

MAECENATIBUS.

OPTIMIST

PATRONIS. SUI.

MUNIFICENTISSIMIS.

S. P. D.

JOANNES. ORTWINUS.
WESTENBERGIUS.



D in multumque *hæsitari* PERILLUSTRES
AC GENEROSISSIMI VIRI, *Vobisne dica-*
rem & offerrem hæc JURIS PRINCIPIA,
quæ, in usum Auditorum, publici juris
facio? Cum enim opusculi exiguitatem intuebar,
indignum istud tantorum NOMINUM splendore meri-
to judicabam. Cum vero, quæ quantaque Vestra,
in me collata sint beneficia, considerabam, omni-
am, quotquot vivunt, ingratißimum, me vide-
ri posse censebam, nisi, prima quaque occasione,
gratum meum in Vos animum, publice testarer.

Vos enim, VIRI PERILLUSTRES atque GENE-
ROSISSIMI, me ante quatuor hos annos, nec opinan-
tem, nedum prensantem, ex ILLUSTRIS AULA &
GYMNASIO STEINFURTENSI, ad CATHEDRAM ACA-

DEMIE *Vestrae* JURIDICAM honorifice vocastis, cum-
que, impetrata ab ILLUSTRISSIMIS COMITIBUS
BENTHEIMENSIBUS &c. &c. DOMINIS meis CLEMEN-
TISSIMIS, dimissione, hac transissem, benigne me
& suscepistis & fovistis; Quin &, beneficia bene-
ficiis cumulando, me, summo Magistratus Acade-
mici honore, diebus hisce, iterum ornatum voluistis.

Veniam proinde me facile à vobis, qui talia
non ex rei dignitate, sed animo offerentis, metiri so-
letis, impetraturum, confidebam, si, dum dignas
referre gratias, quod opis non est nostræ, non pos-
sum, hoc, græti mei in Vos animi, qualecunque
monumentum, publice ponerem.

ACCIPITE itaque, PERILLUSTRES ac GENERO-
SISIMI VIRI, serena fronte, hoc quicquid est, cen-
grati animi tesseram, Vestraque auctoritate contra
seculi invidiam defendite, &, si quid votis possum,
diu superstites, REIP. & ACADEMIE bono, felici-
ter agite! D. Harderovici Gelrorum IX. CAL. MAJL
MDCXCIX.



IOANNES ORTWINUS WESTENBERGIUS
LECTORIBENEVOLO

S. D.



On multis te morabor B. L. Scripta sunt hæc JURIS PRINCIPIA, & publici juris facta, in Usum (uti Titulus loquitur) Auditorum, quorum Studia & commoda ut promoveam ex omnibus viribus nitor. Quod solum monuisse, si non à me amovendæ, certe excusandæ apud BONOS temeritati, quod post tot tantorum Virorum egregias ad IMP. JUSTINIANI INSTITUTIONES lucubrationes, ad hoc compendiarix scriptionis genus animum applicuerim, sufficere censeo.

Dedi autem operam, ut prima Juris Legumque elementa & argumenta, eorumque rationes clare & distincte ob oculos ponerem: Et, ut constaret quantopere JURIS PRINCIPIA ex ipsis fontibus hauriri velim, ipsa verba textus INSTITUTIONUM (quin & plerarumque Legum) quantum fieri posuit, servanda putavi, aliisque typis (qui *Cursivi* vocari so-

solent) describi curavi. Methodum etiam IMP. nostri ipsumque Paragraphorum ordinem in plerisque secutus sum. Quod si vero Paragraphos de eadem materia agentes sparsos offendi, ad unum eos caput (quod non tantum licere, sed res ipsa efflagitare videbatur) revocavi. In quo tamen, quis ordo servatus sit, ut appareat, numerum Paragraphorum in margine notare volui.

PRINCIPIIS hiscæ JURIS addi permisi DISSERTATIONES ACADEMICAS IV. De PORTIONE LEGITIMA, LIBERIS, PARENTIBUS, & FRATRIBUS, RELINQUENDA. Quas nuperrime in ACADEMIA hac nostra *GELRO-ZUT-PHANICA* diversis vicibus, non sine omnium applausu, meo sub Præsidio, publice defenderunt NOBILISSIMI atque ORNATISSIMI (quorum nomina honoris causa adscribo) Viri Juvenes, DD. ERNESTUS WILHELMUS à GESSELER Westph. nunc J. U. D. JACOBUS à SEVENAER Fris. RODERICUS SCHRASSET Hard. Gelr. nunc Reip. HARDE-ROVICENÆ CONSUL dignissimus. HENRICUS van HOLTHE Hard. Gelr. Non quod iis Nobilissima hæc materia integra pro merito occupata sit, (quod tam paucis pagellis præstari non potuit) sed quod Observationes, quæ de hoc Juris Capite Dissertationibus istis continentur, non tantum non alienæ ab hiscæ PRINCIPIIS, sed iis, quæ ad *tit. de Inoff. testam.* dicta sunt, omnino affines viis sint.

Irreperunt, uti fieri fere solet, vitia quædam typographica, quorum graviora ad calcem notata sunt; Reliqua quæ per temporis penuriam observare non licuit, (quæ tamen nequæ multa, neque talia, quæ sensum turbare possint, fore speramus). humanitati tuæ & ingenuitati committimus.

V A L E.

P R O L E.



PROLEGOMENA,

DE

COMPOSITIONE

ET

PARTIBUS JURIS JUSTINIANEI!

I.



*US quod in Academiis exponitur, quodque in tota fere Europa, propter summam aequitatis rationem, qua niti-
tur, usu receptum est, (Vid. Arth. Duck de usu & auct.
Iur. Civ. Rom.) ab Auctore suo JUSTINIANO IMP.
JUSTINIANEUM dicitur.*

2. Fuit hic JUSTINIANUS JUSTINI IMP. (à quo & adoptatus est
v. §. 3. I. de donat. §. 4. I. quib. non est permitt. fac. test. Nov. 28. c. 4.
in f.) ex sorore nepos.

3. Parentes enim habuit SABBATIUM (apud Illyrienses ISTOKUM
dictum) & VIGILANTIAM (BIGLENIZAM ante dictam, voce barbara
deinde haud dubie in Latina Lingua suavitatem inflexa) JUSTINI IMP.
sororem. Ut ex Procop. Theoph. in vit. Justiniani aliisque demonstravit
Aleman. in studiis. ad Procop. Hist. Arcan. Notis Historic. pag. 16. l. 19.
p. 57. l. 6. Rupert. Obs. ad Synopf. Befold. min. Cap 15 p. m. 465. & seqq.
Et novissime Celeberr. D. van Eck in Epistola quadam ad Amicum. Add. I.
dem ad t. ff. de Q. l.

4. Na-

PROLEGOMENA.

4. *Natus est JUSTINIANUS in Oppido TAURISIO, quod postmodum muro cingens IV. turribus ornavit, & Quadruturram appellari voluit: Educatus vero est in Civitate BADERINA, juxta Taurisium sita. Procop. Lib. 4. de Edif. Quam postmodum JUSTINIANAM PRIMAM dixit; coque usu Patriciam suam vocavit in NOV. II. NOV. 131. c. 3. Alem. ad Procop. p. 27. l. 18.*

5. *Nomen ipsi primum apud populares suos UPRAUDA (i. e. recta justitia) fuit, sed Romanis deinceps JUSTINIANUS vocatus est. Theoph. in vit. Justinian. Rupert. d. l. Alem. ad Proc. p. 16. l. 36.*

6. *Priusquam ad Imperium evokeretur variis à JUSTINO IMP. dignitatibus ornatus est. Non tantum enim NOBILISSIMUS dictus, sed & MAJESTER MILITUM creatus, & CONSUL factus est. v. l. 8. C. qui testam. fac. poss. Tandem autem CÆSAR, ad perpetuam Senatus supplicationem, CAL. APRIL. (ex quibus Annos Imperii sui computari voluit v. Nov. 47. c. l. §. I.) A. C. D. XXVII. pronunciatus, Procop. Arc. Hist. p. 45. ibidemque Alem. JUSTINO paulo post CAL. scil. SEXTIL. mortuo, solus IMPERATOR extitit.*

7. *Uxorem duxit THEODORAM, ACACII (qui sub ANASTASIO IMP. Urbs seu urbis alendis præfectus fuerat) filiam, venustissima forme mulierem. Procop. Arcan. Hist. p. 40. 42. 47. Lib. I. de Edif. Theoph. in Vit. Justin.*

8. *Quam summo in pretio habuit. Adeo quidem ut eam non tantum Consiliorum v. Nov. 8. c. I. sed & ipsius Imperii participem fecerit. v. d. Nov. 8. c. 3.*

9. *Imperium (cui præfuit Annos XXXVIII. menses VIII.) ita administravit, ut non minor Sapientie ipsius quam Felicitatis fama extiterit, ex eoque MAGNI nomen adeptus sit. Rupert. d. l. Qui Justinianum contra calumnias Procopii aliorumque egregie defendit.*

10. *Studiis enim Philosophicis non leviter fuit imbutus, Theologiæque ita deditus, ut ad multam sæpe mœstem, cum Senioribus quibusque attentissimo studio arcana Christianorum dogmatum investigaret, pieque simul & docte de Incarnatione Christi scripsisse memoretur. Uti ex ipso Procopio Lib. 3. de bell. Goth. Isidoro, aliisque probat Alem. ad Procop. p. 83. l. 12. Rupert. d. l. Add. Platin. de Vit. Pont. in Bonifac. II.*

11. *Quantum vero in jure profecerit, loquuntur tum sententia ab ipso sæpe inter partes pronunciata v. Nov. 88. præf. tum plurimæ constitutiones ab ipso promulgatae, tum maxime Jus ROMANUM infinitum ante & confusum, ab ipso compositum & in ordinem redactum.*

12. Ut

PROLEGOMENA.

12. *Ut mirum sit existisse non paucos (quos inter Alciat. Lib. 4. Interpunct. c. 7. Fab. Ep. ded. prim. part. Rat. pramissi. Vall. Lib. 6. Eleg. c. 7. Baron. A. C. 563. n. 7. 565. n. 10.) qui JUSTINIANUM IMP. Analphabetum fuisse temere crediderunt.*

13. *Quos decepit haud dubie, corruptus Suidæ locus in voc. Ἀναδιδῶ. Ο δὲ Ἰουστινιανὸς ἀναδιδῶ τῶν γραμμάτων ἀπάντων καὶ τὸ δὴ λεγόμενον ἀναδιδῶντι. Pro Ἰουστινιανῷ enim legendum est Ἰουστινῶ, ut manifestum est ex Procop. Arc. Hist. p. 28. (ex quo hac hausit Suidas) qui totidem verbis de Justino Imp. id memorat; nec non ex Codicibus MSS. Vaticanis, qui omnes habent Ἰουστινῶ, teste Prasecto Bibliotheca Vaticana Alemanno ad Procop. d. l. Quemaadmodum & recte in Editione sua exhibuit Emil. Portus.*

14. *Hic itaque JUSTINIANUS IMP. cum videret JUS ROMANUM in eam excrevisse molem, ut infinitum esset, obscurum & incertum, istud ad certum modum redigendum, atque optima & necessaria, ex immensa illa diffusaque legum copia; in paucissimos conferenda libros, censuit; Idque quod vix unus Julius Cæsar animo destinaverat, v. Sueton. in vit. Cæsar. c. 44. reliqui autem Principes impossibile duxerant pr. Const. de confirm. Dig. ad Magn. Sen. perfecit feliciter.*

15. *Continetur autem hoc JUS JUSTINIANEUM uno volumine, quod notissimo vocabulo CORPUS JURIS CIVILIS appellatur.*

16. *Eodem sensu quo CORPUS pro opere quodam scripto non semel ponitur. Sic Corpus Homeri dicitur. l. 52. §. 2. de legat. 3. Corpus Ulpiani Inscr. Fragm. Ulp. Corpus Codicis §. 4. Const. de emend. Cod. Corpus Veterum Institutionum §. 2. Const. de rat. & meth. jur. doc. Imo ipsum Corpus Juris l. un. C. de rei uxor. act. Quod σωματικὸν τῶν νομῶν dixit Leo Imp. Nov. I.*

17. *Partes hujus JURIS sunt quinque: Quarum 1. continet INSTITUTIONUM Lib. IV.*

II. DIGESTORUM seu PANDECTARUM Lib. L.

III. CODICIS. Lib. XII.

IV. NOVELLAS CONSTITUTIONES CLXVIII.

V. EDICTA XIII.

18. *Qua hoc ordine in vulgatis editionibus exhibentur, non quod ita sint composita, sed quod eo ordine legende maxime sint & exponende.*

19. *Quantum enim ad Historiam compositionis attinet, constat ex Constitutione de novo Codice faciendo ad Mennam, initium scisse Imperatorem nostrum à colligendis & in ordinem redigendis Imperatorum Constitu-*

PROLEGOMENA.

stitutionibus, alteroque statim Imperii sui anno (A. C. 528.) Viris Gloriosissimis & tam Doctrina Legum quam experientia rerum pollentibus, Triboniano scilicet Ioanni Leontio, Phoca, Basilidi, Thoma, Constantino, Dioscoro & Praefentino, v. d. §. 1. Const. de Iustin. Cod. confirm. mandasse, ut ex tribus tum temporis extantibus Codicibus, Gregoriano, Hermogeniano, & Theodosiano, (de quibus vid. Iac. Gotthofr. Hist. Iur. c. 4 §. Biblioth. Iur. cap. 3.) Novum Codicem suo nomine nuncupandum §. 1. 2. Const. de Iustin. Cod. confirm. componerent.

20. Data simul potestate Constitutionibus Priorum Imperatorum pro arbitrio aliquid adijcendi vel detrahendi, quin & verba eorum mutandi. §. 2. d. Const. de nov. Cod. fac.

21. Quod cum unius fere anni spatio executi essent, Novum hunc Codicem. vii. 1d. April. d. xxix. confirmavit. §. d. Const. de Iustinian. Cod. confirm. §. ult.

22. Vocatur hac pars Iuris exemplo priorum Codicum καὶ ἑξῆς CODEx, & quidem de nomine Imperatoris nostri JUSTINIANEUS. §. 1. 2. Const. de Iustin. Cod. confirm. Nov. 66. c. i. §. 1.

23. Cum ceteroquin Codex (quod è caudice factum) in genere librum seu tabulas tum privatas tum maxime publicas significet. Eleganter Senec. de Brevit. vitæ. c. 13. Plurium tabularum contextus Caudex apud antiquos vocabatur, unde publicæ tabulæ Codices dicuntur.

24. Continet hic CODEx Constitutiones Imperatorum, tum priorum, tum ipsius Iustiniani.

25. Dividitur in Libros xii. & singuli Libri in suos Titulos. §. 2. Const. de nov. Cod. fac.

26. Cujus Divisionis rationem quidam petunt à numero xii. Tabularum; Quidam à numero xii. Signorum Zodiaci, Incerta conjectura.

27. Abrogatis itaque Codicibus prioribus, solum hunc CODICEM JUSTINIANEUM in usu esse voluit Imperator. Adeo quidem ut licet in Veteribus Libris aliis verbis aliove sensu scriptum reperitur, nihil tamen in eo ex istis restituere, mutare, vel emendare liceat. §. 3. Const. de Iustin. Cod. confirm.

PROLEGOMENA.

28. *Cum autem* Sacratissimas Constitutiones in luculentam erexisset consonantiam, tunc curam extendit Imp. ad immensa veteris prudentiæ volumina. §. 2. procm. Inst. *Et DIGESTA seu PANDECTAS* (Sanctissimum istud Iustitiæ Romanæ templum §. 4. Const. de concept. Dig. §. 20. de confirm. Dig. ad Sen. & omni. Pop.) *componi iussit* xviii. Cal. Jan. (seu 14. Dec.) d. xxx. §. ult. Const. de concept. dig.

29. *Cujus operis gubernatio eidem* Triboniano mandata est. §. II. Const. de concept. Dig. ad Magn. Sen. *concessa ipsi potestate eligendi socios laborum.* §. 3. Const. de concept. Dig. Constantinum, Theophilum, Dorotheum, Anatolium, Cratinum, Stephanum, Mennam, Profdocium, Eutolmium, Timotheum Leonidem, Leontium, Platonem, Iacobum, Constantinum, & Ioannem. §. 9. Const. de confirm. Dig. ad Sen. & omni. pop. §. 9. Const. de conf. Dig. ad Magn. Sen.

30. *Quorum Librorum licet impossibilis videretur compositio, quandoquidem duo pene millia Librorum, & plus quam tricies centena millia versuum erant perlegenda.* §. I. Const. de Rat. & Meth. iur. doc. §. 1. Const. de confirm. Dig. ad Magn. Sen. §. I. Const. de confirm. Dig. ad Sen. & omni. pop. *Divino tamen implorato auxilio intra triennium absoluta est.* v. §. 2. Const. de concept. Dig. §. 12. Const. de confirm. Dig. ad Sen. & omni. pop. §. 12. Const. de conf. ad Magn. Sen.

31. *Promulgavit enim Imp. DIGESTA seu PANDECTAS* xvii. Cal. Jan. (seu 18. Dec.) d. xxxiii. *Ita tamen ut robur haberent ex* iii. Cal. Jan. d. xxxiii. §. ult. Const. de confirm. Dig. ad Sen. & omni. pop. §. ult. Const. de conf. Dig. ad Mag. Sen.

32. *Vocatur hac pars Juris DIGESTA, nec non PANDECTÆ, ex eo quod omnes Disputationes & decisiones in se habeant legitimas, quodque undique fuit collectum hoc in sinus receperint.* §. I. Const. de confirm. Dig. ad Sen. & omni. pop. §. I. Const. de confirm. Dig. ad Magn. Sen.

33. *Et quidem DIGESTA à digerere i. e. dividendo ordinare, v. Cic. l. I. de Orat. dicta sunt, v. §. 5. Const. de concept. Dig. §. I. de confirm. Dig. ad Sen. & omni. pop. Quo nomine etiam Libros suos inscripserunt* Iulianus, Cereb. Scævola, Servius, Alphenus, Celsus, Marcellus lci.

34. *PANDECTARUM autem (pro quo alii malunt Pandecten gen. masc. alii Pandecta per §. I. Const. de confirm. Dig. ad Magn. Sen.) Græc.*

PROLEGOMENA:

cum est vocabulum à πᾶν i. e. omnis & verbali δευτὸς quod est à δέχμααι i. e. complector descendens.

35. *Quo Titulo tum JCTi, Ulpianus puta & Modestinus, tum alii frequenter usi sunt.* Gell. Lib. 13. c. 9. Tullius Tyro M. Ciceronis alumnus & libertus, Libros quosdam Græco titulo Pandectas inscripsit, tanquam omne rerum & Doctrinarum genus continentes. Idem Lib. ult. c. ult. Sunt qui Pandectas inscripserunt, Add. Plin. Præfat. Nat. Hist.

36. *Continent DIGESTA seu PANDECTÆ totum fere Jus Antiquum ex Veterum Prudentum Commentariis maxime collectum, adeoque maximam optimarum & utilissimarum rerum copiam.*

37. *Ut summa ratione in Epigrammate Græco Pandectis Florentinis præfixo, cum Clypeo Herculis comparantur, cujus meminit Hesiodus in libro cui titulus est Ἀσπὶς τῷ Ἡρακλῆϊ.*

38. *Imo tanta hujus operis est dignitas, ut ipsi L. Valla Censori acerrimo Lib. 3. Eleg. in præfat. non inelegans extorserit elogium, Perlegi inquit L. Digestorum Libros ex plerisque Ictorum libris exceptos & relegi tum libenter tum vero quadam cum admiratione. Primum quod nescias, utrum diligentiae an gravitas, prudentia an æquitas, scientia rerum an orationis dignitas præstet & majori laude digna esse videatur. Deinde quod hæc ipsa ita in unoquoque illorum sunt egregia & perfecta, ut vehementer dubites quem cui præferendum putes. Et paulo post; Et prisca quidem illi quales quantique in eloquendo fuerint judicare non possumus, quippe quorum nihil legimus. His autem qui inter manus versantur nihil est, mea sententia, quod addi adimive posse videatur, non tam eloquentiæ (quam quidem materia illa non magnopere patitur) quam Latinitatis atque Elegantiæ, sine qua cæca omnis Doctrina est, & illiberalis præsertim in Jure Civili.*

39. *Composita sunt DIGESTA seu PANDECTÆ secundum ordinem tum Codicis tum maxime Edicti perpetui. §. 5. Const. de concept. Dig. l. 2. ff. de stat. hom.*

40. *Dividuntur in Partes vii, Libros L. Singuli Libri autem in suos Titulos. §. 5. Const. de conc. Dig.*

41. *Cujus quidem numeri Septenarii rationem ipse Imp. exponit, dicens, in septem partes eos (scil. Digestorum Libros) digessimus, non perperam*

PROLEGOMENA.

peram neque sine ratione, sed in numerorum naturam & artem (harmoniam §. I. in fin. Const. de conf. Dig. ad Magn. Sen.) respicientes §. I. in fin. Const. de conf. Dig. ad. Sen. & omn. pop.

42. In quo Antiquos secutus est, qui numerum septenarium plenum, eique singularem vim & Facultatem inesse censuerunt. V. Macrobi. Somn. Scip. c. 6. Gell. L. 3. c. 10. Add. Alciat. L. II. Parerg. 9. c. II.

43. Ut frustra sint, qui divisionis ejus rationem à numero VII. Planetarum deducunt. Quibus non multo feliciores videntur, qui ideo in L. Libror Pandectas divisos esse putant, quod Edicti Perpetui Libri fuerint centum, & ergo Imp. noster, laudem scil. quarens brevitatis, Digestorum Libros fecerit quinquaginta.

44. Licet autem in antiquis Antiquorum JCIorum Libris (quorum singulorum nomina, in honorem antiquitatis, ex mandato Imperatoris, singulis legibus inscripta sunt, §. 10. Const. de conf. Dig. ad Sen. & omn. pop. §. 10. Const. de conf. Dig. ad Magn. Sen.) secus ac nunc in Digestis legitur, scriptum inveniat, non tamen licet ex comparatione veteris voluminis quasi vitiosam scripturam arguere, vel quicquam emendare; Quia nulla in melius mutata & reformat, quæ omnia electionis Imperatoris tribuenda sunt. §. 7. Const. de conc. Dig. §. 10. Const. de confirm. Dig. ad Sen. & omn. pop. §. 10. Const. de confirm. Dig. ad Magn. Sen.

45. Inter varias plurimasque DIGESTORUM seu PANDECTARUM Editiones, Vulgata est corruptior; Melior Notica seu Haloandrina, à G. Haloandro qui eam ex libris Bolognini (hic autem ex Libris Politiani v. Alb. Gentil. Cijp. de Lib. Jur. Civ. Cap. II.) adornavit, ita dicta; Optima vero Florentina, quæ & a Pisani ubi Exemplar MS. Pandectarum ante fuit, Pisana vocata est.

46. Exactis enim à Lothario II. Imp. ex Italia Normannis, & ab eodem ductu Innocentii II. Pont. Melphi seu Amalphi Civitate Apulia expugnata, repertum est antiquissimum illud exemplar & Jurisprudentia Ancyle Pandectarum. Quod Pisani ab Innocentio II. Pontifice M. & Lothario II. Imp. quia classe eos adversus Normannum Rogerium juvissent, eæ egregie navate opere monumentum & præmium retulerunt. Habueruntque Pisani donec per Ginnu Coponium Florentini, Pisani A. C. 1406. in potestatem redactis, subjectionis Symbolum Florentiam transtulerunt. I. Cothor, Hist. Jur. C. 9. F. Taurell. in Dedie. Pand. Flor.

PROLEGOMENA!

47. *Ubi etiamnum in ipsa M. Hetruriae Ducis Bibliotheca, duobus distinctum Tomis in holoferico rubro ligatum, & clausulis argenteis exornatum aservatur. v. Lauterb. Proleg. II. n. 16. qui addit sese non nisi copiam ipsius videre potuisse, quia tum temporis quo ipse fuit Florentiae, ipse M. Dux hoc Exemplar in scrinio suo habuit.*

48. *Est autem hoc Exemplar MS. antiquissimum & optime fidei, sine aliquo praeferquam capitum intervallo, sine ulla interpunctione vel distinctione verborum scriptum. Uti testantur A. Augustin. l. Em. 4. 9. 3. Em. 7. F. Taurell. praefat. ad Pand. qui una cum patre Lelio Taurello toto sermo decennio istud summa diligentia tractavit.*

49. *Ex quo tamen ipsum esse autographum, uti voluit A. Politan. l. IO. ep. 3. l. II. ep. 21. non recte inseritur. F. Taurell. in praefat. ad Pand. A. August. pr. emend. Alciat. 3. disp. 12. Alb. Gentil. disp. de lib. Jur. Civ. c. II. D. van Eck ad t. ff. de O. I. §. 16.*

50. *Cum vero necessaria videret Imp. prima quaedam fundamenta, quibus suffulti Juvenes possent graviora & perfectiora legum scita sustentare, §. II. Const. de confirm. Dig. ad Sen. & omni. pop. eidem Triboniano nec non Theophilo & Dorotheo mandavit specialiter ut sua autoritate INSTITUTIONES componerent, in iisque ea ponerent quae in ipsis rerum obtinent argumentis, quodque antea obtinuerit posteaque defecitudine innumbratum imperiali remedio illuminatum sit. §. 3. §. Proœm. Inst.*

51. *Dicuntur INSTITUTIONES ab instituendo, sunt enim praecipiones quibus instituuntur & docentur homines, v. §. II. Const. de conf. Dig. ad Sen. & omni. pop. §. 3. Proœm. Inst. De quibus ita Imp. Dubio procul est necesse esse Institutiones in omnibus studiis sibi primum vindicare locum, utpote prima vestigia ejus scientiae mediocriter tradentes, pr. Const. de Rat. & Meth. jur. doc.*

52. *Sive autem INSTITUTIONES vocentur sive INSTITUTA, uti nominantur §. II. Const. de conf. Dig. ad Magn. Sen. nihil interest. v. Cic. l. I. de off. l. I. de clar. orat.*

53. *Collectae sunt INSTITUTIONES ex omnibus antiquorum Institutionibus, Ulpiani scilicet, Callistrati, Florentini, Marciani, sed praecipue ex commentariis Gaji tam Institutionum quam rerum quotidianarum. §. 6. Proœm. Inst.*

54. Di-

PROLEGOMENA.

54. *Dividuntur in Libros iv. Ratione numeri ut videtur à iv. ele-
mentis petita. §. 4. Proœm. Inst.*

55. *Licet autem INSTITUTIONES compositione posteriores sint Pan-
dectis, promulgatione tamen iis sunt priorer. Confirmata enim sunt xi.
Cal. Dec. A. C. d. xxxiii. §. ult. Proœm. Inst. Ita tamen ut Imp. &
Pandeclas & Institutiones ex eodem die iii. Cal. Jan. d. xxxiv. valere
voluerit. §. ult. C. de confirm. Dig. ad Sen. & omn. pop. §. ult. C. de con-
firm. Dig. ad Magn. Sen.*

56. *Cum autem Imp. post confessionem CODICIS, Quinquaginta De-
cisiones (quibus altercationes & questiones JCtorum quæ adhuc supererant
deciduntur) aliasque quardam Constitutiones promulgasset, quæ tamen
extra Corpus ejusdem Codicis divagabantur, jussit ut idem Tribonianus,
Dorotheus, Menna, Constantinus, & Ioannes, Codicem purgarent & ex
integro conscriberent, prædictasque L. Decisiones & Constitutiones inserre-
rent. §. I. 2. 3. Const. de Emend. Cod.*

57. *Quem CODICEM XVI. CAL. Dec. d. xxxiv. confirmavit & exem-
plo Veterum d. §. 3. REPETITA PRÆLECTIONIS vocavit, solumquæ
abrogato priori ex die iv. Cal. Jan. d. xxxiv. valere voluit. §. 3. 4. 5. 6. d.
C. de Emend. Cod.*

58. *Ex quo intelligi potest, qui factum sit, ut in Institutionibus sæpe
numero Codicis, Constitutionumque quæ in Codice Repetitæ Prælectionis
non extant v. §. II. l. de testam. ordin. §. 27. de Legat. §. IO. l. de exc.
fiat mentio, nec non in Codice Institutionum & Pandectarum. v. l. ult. C.
de testam.*

59. *Hicce omnibus perfectis, quia natura quotidie novas deproperat
edere formas, v. §. 18. Const. de Conf. dign. ad Sen. & omn. pop. Imp. no-
ster postmodum variis temporibus Novas Constitutiones promulgavit: Quas
NOVELLARUM CONSTITUTIONUM nomine significandas prædixit. §. 4.
in f. C. de Emend. Cod.*

60. *Dicuntur NOVELLÆ CONSTITUTIONES (Græcis Νεωγὰς) Dei-
cratus quia Jus continent novissimum, v. l. 29. l. 34. in f. C. de inoff.
testam. §. 2. C. de Nov. Cod. fac. §. 3. C. de iust. Cod. conf. l. 29. in f. C.
de Testam.*

PROLEGOMENA

61. *Sunt autem numero c. LXVIII. Inter quas tamen Nov. 140. est Justinian. Nov. autem 163. & 164. Tiberii II. Imp.*

62. *Pleraque Græca lingua scripta sunt, Quædam Latina Nov. scil. 9. N. 23. 62. 143. Quædam utraque v. Nov. 17. præf. Nov. 18. junct. Nov. 62. c. I. §. 2. Cujus. ad d. Nov. 17. 18.*

63. *Græcarum MS. Liber etiam est Florentiæ, ex quo descriptus est Bononiensis. Sed plenius Exemplar MS. (quod Bessarionis quondam Cardinalis fuerat) Venetiis nactus est H. Scriverus. Rittersh. ad Nov. præm. cap. 4. n. 3. 4. 5.*

64. *Quo tempore NOVELLÆ hæc CONSTITUTIONES in unum Volumen collectæ sint non constat. Fuit sane animus Imperatori, NOVELLÆ suas CONSTITUTIONES in unam referre congregationem. §. 4. C. de Emend. Cod. Quin & quædam in eum finem forte collegit v. Nov. 66. c. I. §. 2. Sed an istud perfecit, dubium est. v. Alb. Gent. D. de Libr. Iur. Civ. cap. 6.*

65. *Ex NOVELLIS CONSTITUTIONIBUS 125. Epitomas fecit Lingua Latina Julianus Antecessor ut videtur Constantinopolitanus, earque, resectis superfluis ac abundantibus præmiis & epilogis, in elegans (quod etiamnum extat) redegit compendium.*

66. *Quod in causa fuisse videtur, ut volumen hoc NOVELLARUM alio nomine AUTHENTICUM, & NOVELLARUM COLLATIONES AUTHENTICA postmodum dicerentur.*

67. *Cum enim præter hanc Latinam Epitomen Juliani, plenior extaret translatio Latina, qua verbum verbo erat redditum (quam quidam Bulgari seculo, Imperante Frederico I. Imp., quidam jam dudum ante v. Cuj. 4. Obf. c. 38. l. 3. O. 36. l. 8. O ult. factam fuisse putant) DD. hanc posteriorem pro genuina agnoscens, hoc opus AUTHENTICI nomine indigitarunt. Rittersh. Præm. ad Nov. c. I. n. 14. & seqq. Alciat. 3. Parerg. c. 46. Pac in Proleg.*

68. *Diverse à Collationibus hisce Authenticis sunt AUTHENTICA (quas dicunt DD.) seu Epitoma Novellarum Legibus Codicis subiecta; Ut constat quid per Novellas mutatum vel abrogatum sit. Quæ Authentica vocantur quia ex Authentico sumta sunt.*

PROLEGOMENA.

69. *Quis autem eas Epitomas, quæ nunc Authenticæ vocantur, ex Novellis excerpterit, legibusque Codicis subjecerit, incertum est.*

70. *Voluerit adhuc plerique Irnerium seu Wernerum, qui tempore Lotharii II. Imp. Jura Bononiæ primus docuit, harum Epitomarum Auctorem esse, vel saltem Legibus Codicis eas subjecisse.*

71. *Sed falli eos vel ex eo manifestum est, quia Auth. Presbyteros C. de Ep. & Cler. à Gregorio I. Pontifice qui vixit sub finem sæculi sexti, ut & Auth. Item prædium & Auth. Sed & permutari C. de SS. Eccles. à Burcardo, qui scripsit A. C. 1019. adeoque dudum ante tempora Irnerii, qui vixit sæculo XIII. allegata sunt. Uti ostendit Strauch. Dissert. Acad. 4. Stryck. præcognit. C. 6. §. 4. & novissime Celebert. D. Pagenst. in Proluf. Irner. injur. vap.*

72. *Præter quas Authenticas seu Epitomas ex Novellis excerptas, subiecta etiam reperiuntur Legibus Codicis quadam Authenticæ Frederici I. & II. Imp. Auth. scil. Cassa. C. de SS. Eccles. Auth. Item nulla. C. de Ep. & Cler. Auth. Item quæcunque. C. eod. Auth. Statuimus. C. eod. Auth. Statuimus. C. de Ep. Aud. Auth. Si vero. C. de Hæret. Auth. Credentes. C. eodem. Auth. Gazaros. C. eodem. Auth. Sacramenta puberum. C. Si adversi. vendit Auth. Habita. C. ne fil. pro par. Auth. Navigia. C. de furt. Auth. Omnes peregrini. C. Comm. de succell. Auth. Agricultores. C. quæ res pign. obl.*

73. *EDICTA denique JUSTINIANI XIII. similiter variis temporibus promulgata sunt, quæ ultimam JUSTINIANEI JURIS partem constituent.*

74. *AUTORITAS harum partium eadem est omnium, uti ex Constitutionibus de Confirmatione Digestorum ad Senatum & omnes populos; nec non ad Magnum Senatum, Procemio Institutionum, Constitutionibus de Justiniano Codice confirmando, nec non de Emendatione Codicis, tum & ex singulis Novellis & Edictis manifestum est.*

75. *Quod si tamen quadam occurrat contrarietas, servanda regula; Jus posterius potius est priori. l. ult. ff. de Const. Princip.*

76. *Adeoque Novellæ tali casu Pandectis, Institutionibus, & Codici præferenda sunt. Codex Pandectis, & Institutionibus. In-*
b 2
sti-

PROLEGOMENA;

stitutiones Pandectis, quandocunque expressam continent decisionem. v. §. 34. I. de R. D. junct. l. 23. §. 3. ff. de R. V. §. 14. I. de Legat. junct. l. 82. pr. ff. de Legat. 2. Ceteroquin Pandectar Institutionibus prevalens. v. §. 25. I. de R. D. junct. l. 7. §. 7. ff. de A. R. D.

77. *Iusserat quidem Imperator ne poneretur ulla Antinomia seu legum pugnancia. §. 8. C. de concept. Dig. nec Lex abrogata. §. 10. C. de concept. Dig. §. 15. C. de Conf. Dig. ad Magn. Sen. neve idem bis diceretur. §. 9. C. de conc. Dig. Quin & bona fide putat nullam extare Antinomiam, si quis subtili animo diversitatis rationes excuriat. §. 15. C. de conf. Dig. ad Sen. & omn. pop. §. 15. C. de conf. Dig. ad Magn. Sen.*

78. *Sed non potuere hac in omnibus evitare Compilatores, tum propter humanæ memoriæ imbecillitatem, (quam ipse agnoscit Imp. pronuncians, omnium habere memoriâ, & penitus in nullo peccare, Divinitatis magis esse, quam mortalitatis) tum quia quedam aliis ita mixta fuerunt, ut salvo sensu omitti non potuerint. v. §. 14. 16. C. de conf. Dig. ad Sen. & omn. pop. §. 13. 16. C. de conf. Dig. ad Magn. Sen.*

79. *Providit etiam Imp. ne jus ab ipso ad certum modum & in ordinem redactum incertum iterum & confusum sequentibus temporibus fieret.*

80. *Sancivit enim sub pena falsi 1. Ne quis ad Jus suum Commentarios scribat, permittens tantum ut liceat Græcam Linguam transformare, sub eodem ordine eaque consequentia - sub qua & voce Romana positum est, quod Græci *κατὰ νόμον* dicunt; nec non per indices & titulorum subtilitatem adnotare & ea quæ paratitla nuncupantur, componere, §. 12. C. de conc. Dig. §. 21. C. de conf. Dig. ad Magn. Sen.*

81. *11. Ne quis in posterum Legum textum per siglorum captiones & compendiosa ænigmata, quæ multas per se & suum vicium antinomias introduxerunt, conscribat. Sed ut omnia i. e. & nomina Prudentum & tituli & Librorum numeri per consequentias Literarum exprimerentur. §. 13. C. de conc. Dig. §. 22. C. de conf. Dig. ad Sen. & omn. Pop. §. 22. C. de conf. Dig. ad Magn. Sen. §. 8. de Rat. & Meth. jur. doc.*

82. *Discuntur Sigla seu Singla (pro quo male in §. 13. C. de conc. Dig.*

PROLEGOMENA.

Dig. *aliqui simpla legunt, quasi singula (quæ etiam singulæ vocantur) l. e.* Literæ Singulæ sine coagmentis Syllabarum, uti eas vocat Gell. L. 17. c. 9.

83. *Quod & ipse Imp. satis clare exponit d. §. 22. C. de conf. Dig. ad Magn. Sen. dum ait. Eadem pœna scil. falsi imposita & adversus eos, qui notis seu signis quibusdam in scriptura utentur, quæ signa Singulas vocant; & paulo post, Etiam si contingat Librum in ea ipsa parte nullum habere tale signum aut notam.*

84. *Quo loco & istud notandum Sigla & Notas promiscue accipit. Cum cateroquin si accurate loquamur, Notæ non sint literæ. l. ult. ff. de bon. poss. adque à Siglis differant. v. Cujac. L. 12. Obf. 40.*

85. *Præscriptis denique Imp. Methodum (quæ olim tædiosa erat & diuturna) docendi & discendi juris, singulari Constitutione de Ratione & Methodo Juris docendi ad Antecessores. Quæ Quinquensium Studio Juris Academicæ præfinivit.*

86. *Et quidem primo anno Studiosos Juris audire voluit Institutiones, ultimæque ejus anni parte τὰ πρῶτα seu primam Pandectarum partem: eosque non Dupondios, uti olim appellabantur, sed Justinianos novos vocari jubet. d. Const. §. 2.*

87. *Secundo anno præcepit explicari vel de Judiciis Libros septem; vel de Rebus Libros octo. Ita tamen ut alterutri volumini id est de Judiciis, vel de Rebus, adjungantur quatuor Libri singulares, de Donibus scil. unus, de Tutelis vel de Curationibus unus, de Testamentis unus, nec non de Legatis & Fideicommissis unus. Salutanturque hujus anni auditores Edictales. d. Const. §. 3.*

88. *Tertio anno, præter Libros de Judiciis & Rebus, audient materiam de Hypothecis, de Edictio Edicto, & Eviditionibus. Vocanturque textii hujus anni Auditores Papinianistæ. d. Const. §. 4.*

89. *Quarto anno exponendi sunt decem Libri, qui ex quatuordecim, & ex quibus quatuor singulares Libri de Judiciis vel Rebus anno secundo*

PROLEGOMENA.

addendi erant) supersunt. Cujus anni Auditores dicuntur δόται i. e. solutores, qui scil. juris nodos legumque anigmata jam solvere possint. d. Const. §. 5.

90. Quinto anno legent & audiunt Codicem; Ejusque anni auditores audiunt προδόται i. e. Lyta in Jurisprudentia Doctiores & proveciores. d. Const. §. 6.

91. Quo Quinquennii spatio feliciter absoluto, spem facit Imp. fore ut evadant & Oratores Maximi & Justitiæ Satellites, & judiciorum optimi tam Athletæ, quam gubernatores, omni loco ævoque felices. d. Const. §. 6.

92. Sed neque præscripta hæc Methodus neque quinquennii spatium nunc observatur, neque observari omnino necesse est. Ipsum tamen cavendum curandumque est, ne cruda in forum propellantur studia.

93. Ut autem textus ex JURE hoc JUSTINIANO recte allegari, & ab aliis allegati intelligi & inveniri possint, sciendum in Pandectis & Codice sub singulis Libris esse Titulos, sub Titulis Leges, in iisque saepenumero Principia & Paragraphos. Similiter in Institutionum Libris esse Titulos, sub Titulis autem Principia & Paragraphos. In Novellis autem Præfationes, Capita, & nonnunquam etiam Conclusiones.

94. Tituli (à tuendo forte dicti) hoc loco sunt sectiones, legum scilicet, ad eandem materiam pertinentium, continentes, v. l. I. ff. de reb. cred. l. 2. ff. de stat. hom. l. I. ff. de rest. in int.

95. Qui alio nomine vocantur Rubricæ, l. 2. §. 3. ff. de interdict. quod scil. summum Caput Materia rubro vel minio notari fuerit solitum. Ovid. l. I. Trist. Eleg. I.

Nec Titulus minio nec cedro charta notetur.

Vid. Bockelm. Proleg. ad Pand. §. 3. D. van Eck. ad t. de O. I. §. 20.

96. Paragraphi nihil sunt aliud quam divisiones scripturarum, seu

PROLEGOMENA.

i. q. quod una sententia clauditur. Cujus auctoritas ex usu petenda. D. vari Eck. ad d. t. §. 21.

97. Allegari autem solent leges per l. principia per pr. Paragraphi per §. Digesta seu Pandectæ vel per priores literas, vel Pandectæ (quod communiter receptum) per ff. Institutiones per I. Codex per C. Novellæ per N. Prefationes, Capita & Conclusiones per literas priores.

98. Quorum signorum ratio cuius manifesta est. Illud solum dubium est, quare Pandectæ significantur per duplex ff.

99. Quidam putant Digesta olim per DG. significata, indeque paulatim factum ff.

Quidam tò ff. ex Græco Δ, quo similiter Digesta indicata fuerint, ortum volunt.

Quidam ex Græco θ. eo quod veteres pro tit. scripserint θ. quod significat Separationem.

Quidam propter similitudinem literarum tò ff. ex duplici LL. (quæ Leges significantur) deducendum statuunt.

Alii censent Pandectas olim per SSs. (i. e. Sanctiones Sanctæ) significatas illudque signum in ff. mutatum esse.

Nonnulli volunt duplex ff. significare facta fuerunt scil. hæc Digesta à notis Justiniano.

Alii iterum tò ff. fabre factum significare statuunt, quandoquidem hi Libri artificiose & ingeniose facti sunt.

Nonnulli Pandectas per ff. notari censent quia olim scripserint PP. ex quo deinceps per depravationem factum sit ff.

Aliqui denique putant potius statuendum, ortum esse hoc signum ex eo, quod Pandectas per Græcum Π. cum circumflexo significaverint, hoc modo Π̄. Ex quo Græcarum Literarum ignari Librarii postmodum fecerunt. ff. V.

Re-

PROLEGOMENA:

Rebuff. ad τὰ πρῶτα in præf. Hahn. ad Wesf. in pr. Alciat. 3. Disp. 16. Calvin. Lexic. Jurid. in voc. Digestorum. Voss, Lexic. Ætym. voc. Pandectas.

100. *Ex Quibus uti ultima ratio vero videtur simillima, ita tamen de Origine & significatione hujus generis signorum & notarum anxie non est disputandum. Quandoquidem multa brevitatis causa, ad hoc vel illud exprimendum, sine certa ratione, posterioribus temporibus inventa sunt. Rebuff. d. l. Suendendortex. ad Eckholt. pr. n. 5. in f.*



PRO-



PROOEMIUM.



L

INSTITUTIONES sunt totius legitima scientia prima
elementa. §. 4. b. seu Jurisprudentiæ Romanæ com-
pendium.

2. Habentque, ut reliquæ Juris nostræ partes, vim & auctoritatem ju-
ris. §. 6. h.

LIB. I. TIT. I.

DE JUSTITIA ET JURE.

1. **F**inis Jurisprudentiæ est *Justitia*, seu potius Justitiæ exercitium & ad-
ministratio. Nov. 69. pr.

2. *Justitia* autem est *constans & perpetua voluntas* i. e. propositum, pr. h. a.
v. C. Nep. Lyfand. c. 2. Dion. c. 3. *jus suum cuique tribuendi*. pr. l. b. 1.

3. Dividunt eam plerique in *Universalem*, & *Particularem*.

4. *Particularem* in *Commutativam*, & *Distributivam*.

5. In *Commutativa* volunt habere locum *proportionem Arithmeticam*,
in *Distributiva* *proportionem Geometricam*.

6. Aliis magis placet divisio *Justitiæ* in *Expleticam*, & *Attributi-*
cam.

A

7.

7. *Expletrix* dicitur, quæ docet cuique tribuere, quod plene & perfecte ad eum pertinet; ut sunt bona, vita, honos cuiusque.

8. *Attributrix*, quæ cuique tribuere dicitur, quod semiplene & probabiliter tantum ad eum pertinet; ut sunt præmia (pœnæ ad *explettricem* referendæ) officia misericordiæ, humanitatis, & gratitudinis.

9. Sed neque in Edicto Prætorum, neque veterum Prudentum Responsis talia occurrunt, aut ad eorum, Constitutionumve Principum, intellectum, multum faciunt.

10. Una enim est *Iustitia* legalis, quæ diversas tantummodo habet functiones pro diversitate circumstantiarum, seu diversâ qualitate objecti.

11. *Iustitia* vero ut felicius in Rep. administraretur, dicitur *Jus*, quod est *Ars boni & aequi*. l. i. pr. ff. h. t.

§. 12. Quo sensu non differt à *Jurisprudentia*, quæ est *Divinarum atque humanarum rerum notitia, iusti atque iniusti scientia* §. i. l. h. l. 10. §. 2. ff. eod.

13. Quæ ultima verba indicant, quomodo in jure res Divinæ & humanæ maxime considerentur; Quatenus scilicet in iis quaeritur, Quid justum sit? quid injustum.

14. Sed *Jus* etiam sæpe aliter accipitur. v. l. pen. & ult. ff. h. t.

15. Maxime pro Regula iusti & iniusti, seu Norma agendorum. v. l. 2. ff. de ll.

§. 16. Quo sensu *Juris præcepta* dicuntur *Honeste vivere, alterum non ledere, jus suum cuique tribuere*. §. 3. l. h. l. 10. §. 1. ff. eod.

§. ult. 17. Quo sensu etiam *Jus* dividitur in *Publicum*, & *Privatum* §. ult. h. t.

18. *Publicum est quod ad statum Reip. spectat* primario. d. §. ult.

19. Et consistit in *Secretis, Sacerdotibus & Magistratibus*. l. i. §. 2. ff. h. seu in administratione pacis & belli, omnibusque in quibus Regiminis publici causa vertitur.

20. *Privatum quod ad singulorum utilitatem primario pertinet*. d. §. ult. l. i. §. 2. ff. eod.

21. Quod ipsum tamen, ratione autoritatis, aliquando etiam publicum dicitur. v. l. 38. ff. de pass. l. 3. ff. de his qui test. fac. poss. l. 9. ff. de his qui sunt sui vel alien. jur. junct. l. 6. §. 16. ff. de excus.

22. Utrumque sed maxime *privatum*, de quo solo in *Institutionibus* agitur, collectum est ex Jure Naturali Gentium & Civili d. §. ult. l. h. t. Quæ altera est, quæ in Instit. proponitur, *Juris divisio*.

TIT. II.

DE JURE NATURALI GENTIUM ET CIVILI.

1. **Jus Naturale** secundum Ulp. in l. 1. §. 3. ff. de just. & jur. & Imp. pr. b. *pr. b. 1.*
 1. est, quod natura omnia animalia docuit. Neque est istud humani generis proprium, sed omnium animalium, quæ in terra quæ in mari nascuntur, quin avium quoque commune est.

2. Sed cum Bruta animalia ratione & sensu careant, uti agnoscit idem Ulp. in l. 1. §. 3. ff. si quad. paup. sec. dic. & Imp. pr. ff. cod.

3. Improperie haud dubie hæc accipienda sunt.

4. Potinsque dicendum, **Jus Naturale** esse distamen rectæ rationis, quod, sine mentis discursu, docet ea quæ sunt facienda, prohibetque contraria. v. Ep. ad Rom. c. 2. v. 15.

5. Huc pertinet erga Deum Religio, Amor parentum, Educatio liberorum, Defensio sui ipsius contra vim injustam l. 2. 3. ff. de I. & I. omnis denique distinctio honesti & turpis.

6. Estque hoc **Jus** (licet circumstantiæ aliquando mutantur v. l. 31. pr. §. pen. & §. 1. ff. depos.) immutabile §. pen. l. b.

7. Dividi quidem solet, in præcipiens & permittens; seu ut alii loquuntur in **Proprium** & **Improprium**; sed **Permittens** uti ultro intelligitur, **Jus** vere dici nequit.

8. **Jus Gentium** est quod naturalis ratio inter homines constituit, ut §. 1. 2. suæ exigente & humanis necessitatibus est introductum. §. 1. 2. l. b. 1.

9. Huc pertinent Imperia, Dominia, Jura belli, Testamenta, & plerique contractus. d. §. 2. l. 5. ff. de I. & I.

10. Quod stricte acceptum à **Jure Naturali** diversum recte constituitur.

11. Sed late acceptum cum **Jure Nature** aliquando confunditur.

12. Unde & **Jus Nature** aliquando pro **Jure Gentium** §. 11. l. de R. D. l. 1. ff. de A. R. D. l. 84. §. 1. ff. de R. I. & **Jus Gentium** pro **Jure Nature** ponitur. l. 2. 3. ff. de I. & I.

13. Quo sensu divisio **Juris Gentium** in **Præmum** & **Secundarium**, tolerari potest.

14. **Jus Gentium** enim **Præmum** à **Jure Naturali** non differt.

15. **Jus Civile** est quod quilibet **Populus liber** sibi ipsi proprium constituit. §. 1. l. b. 1.

16. Dividitur I. in **Proprium** & **Commune** d. §. 1. b. 1. seu, ut alii loqui malunt, in **Morum** & **Mixtum**.

17. *Jus Civile Merum est, quod ex ratione more civili sanctum est, neque ab aliis Gentibus receptum.*

18. Huc pertinent Jura Adoptionum, Usucapionum, Donationum inter conjuges, SCta Macedonianum, Vellejanum, Trebellianum, aliaque.

19. *Mixtum est, quod fundamento & origine est Juris Gentium, sed addito aliquo vel detracto fit Juris Civilis.* v. l. 6. ff. de l. & l.

20. Huc pertinent Matrimonium, Patria Potestas, Testamenta, Successiones, Contractus, Actiones, & id genus alia.

§. 3. 21. II. Dividitur Jus Civile in *Scriptum & non Scriptum* §. 3. l. b. l. 6. §. 1. ff. cod.

§. 10. 22. Cujus divisionis origo (minus tamen accurate) ab institutis Atheniensium & Lacedaemoniorum petitur §. 10. l. b.

23. *Jus Scriptum est, quod per expressam sanctionem promulgatum est* l. 32. §. 1. ff. de ll.

24. *Scriptum dicitur, quia plerumque scribi solet: Scriptura enim non est de essentia legis.*

25. *Juris Scripti species sunt sex: Lex, Plebiscitum, Senatusconsultum, Principum placita, Magistratum Edicta seu Jus Praetorium, Responsa Prudentum.* §. 3. l. b. 1.

§. 4. 26. *Lex stricte accepta (late enim si accipiat omne Jus Scriptum complectitur, v. l. 2. ff. de ll.) est, quam Populus Romanus, Senatorio Magistratu rogante, veluti Consule, constituebat.* §. 4. l. b. 1. v. Gell. l. 10. c. 10.

27. *Plebiscitum est, quod plebs plebeio Magistratu rogante, veluti Tribuno plebis, constituebat.* d. §. 4. Gell. d. l.

28. *Plebiscitis autem cum ante Particii non tenerentur, lata primum Lege Horatia v. Liv. Lib. 3. Dion. Halic. Lib. 11. c. 49 postmodum Publilia v. Liv. Lib. 8. tandemque Hortensia, à Q. Hortensio Dictatore sic dicta, factum est, ut eo jure quod plebs statueret, omnes Quirites tenerentur; adeoque ea non minus valere quam leges ceperunt.* d. §. 4. l. 2. §. 8. ff. de O. l. Plin. Lib. 16. c. 10. Gell. Lib. 15. c. 27.

§. 5. 29. *Senatus Consultum est, quod Senatus, probante Populo sub Libera Rep. v. Dionys. Hal. l. 2. c. 14. l. 3. c. 3. sed postea ex indulgentia Principum, jubes atque constituit.* §. 5. l. b. 1. v. l. 8. pr. ff. de transact. junct. l. 25. §. 2. de condict. ind.

§. 6. 30. *Placitum seu constitutio Principum est quod Principi placuit, ut Legis habeat vigorem* §. 6. l. b.

31. *Lege Regia enim quae de ejus imperio lata est (unde & Lex imperii dicitur in l. 3. C. de testam.) Populus ei & in eum omne imperium suum &*

posu-

potestatem, & quidem privative, concessit. d. §. 6. l. h. l. 1. pr. ff. de const. pr.

32. Adeo ut & Princeps Legibus solutus sit. l. 31. ff. de ll. l. 3. C. de leg. fam. Civilibus scil. Non etiam Naturalibus, & Divinis Moralibus v. Deut. 17. v. 18. 19. Pf. 82.

33. Constitutiones autem Principum sunt vel *Generales*, vel *Speciales*.

34. *Generales* fere veniunt nomine vel *Epistola*, vel *Decreti*, vel *Edicti*.

35. *Epistola* est *Rescriptum Principis*, quo de jure consulentibus respondet.

36. *Decretum* est, cum ipse Princeps de causa cognoscit, & partibus auditis pronunciat. l. ult. C. de ll. v. l. 3. ff. de his que in test. del.

37. *Edictum* est, cum Princeps motu proprio aliquid constituit, ad honestatem & utilitatem subditorum l. 2. l. 3. C. de ll.

38. *Constitutiones speciales* sunt *privilegia* v. Gell. Lib. 10. c. 20. seu jura singularia, certæ personæ vel causæ contemplatione, præter jus commune constituta.

39. Sunt autem *Privilegia* vel *Realia* quæ rei vel causæ, vel *Personalia* quæ personæ inhaerent.

40. *Realia* ad hæredes transeunt, *Personalia* non item l. 68. l. 196. de R. J. l. 1. §. 1. ff. de jur. inimm.

41. *Constitutiones* vero *Generales* omnes tenent; sed *Speciales* non trahuntur ad exemplum d. §. 6. in f. l. 14. ff. de ll.

42. Magistratum *Edicta* seu Jus Prætorium, (quod & Honorarium §. 7. dicitur) est Jus à Prætoribus, pro parte & ab *Edilibus Curulibus*, introductum. §. 7. l. h.

43. Permissit enim paulatim Populus, Jus Civile per Prætores adjuvari, suppleri, corrigi. l. 7. §. 1. ff. de l. & l. non etiam tolli aut mutari l. 12. §. 4. ff. de public. in rem act. l. 12. §. 1. ff. de bon. poss.

44. *Responsa Prudentum* sunt *Sententia* & *opinionēs* eorum, quibus §. 8. permissum erat de jure respondere. §. 8. l. h. t.

45. Quæ sub Libera Rep. num demum vim juris habebant, postquam receptæ essent *sententia*: sed sub Augusto & seqq. Imp. ex autoritate Principum. d. §. 8. l. 2. §. 47. ff. de O. l. l. 1. §. 4. C. de vet. jur. enuch.

46. Jus non scriptum est jus moribus constitutum l. 32. §. 1. ff. de ll. §. 2. seu jus, quod tacito populi consensu, & diuturnis moribus utentium, (in Libera scil. Rep.) introductum est. §. 9. l. h. t. d. l. 32. pr. & §. 1. ff. de ll. Quod uno nomine *Consuetudo* dicitur.

47. Introducitur *Consuetudo* per tacitum Populi consensum *d. §. 9. l. b. d. l. 32. pr. & §. 1. l. 35. ff. de ll.*

48. Præterque tacitum consensum, ad consuetudinem introducendam, nihil requiritur.

49. De quo tamen ut constet, doceri debet I. Actuum (etiam extrajudicialium) frequentia *l. 1. C. quæ sit long. consuet.* & II. Temporis diurnitas *l. 33. ff. de ll. d. §. 9. l. b.*

50. Quot Actus? Quantum temporis requiratur, nullibi exprimitur: Relinquendum ergo hoc est Judicis arbitrio. *arg. l. 1. §. ult. ff. de jur. delib.*

51. *Consuetudinis* introductæ, cum species sit Juris Civilis, æque ac Jus scriptum *§. 3. junct. §. 9. l. b.* idem est effectus, qui Legis. Legem enim imitatur, & pro Lege custoditur. *d. §. 9. l. ult. C. quæ sit long. consuet. l. 32. §. 1. l. 37. l. 35. ff. de ll.*

52. Jus proinde I. novum, (de quo ante nihil cavebatur) inducit. II. Optima est Legum interpretis *l. 37. ff. de ll. & III. Quomodo Leges posteriores abrogant priores l. ult. ff. de const. Princ. sic & Consuetudo consuetudinem Legemque tollit priorem d. l. 32. §. in fin §. 11. l. b. 1.*

53. Quem tamen effectum ut habeat, rationi minime debet esse contraria, *l. 39. ff. de ll. l. 2. C. quæ sit long. consuet.*

54. Plures Juris non scripti species dari non videntur.

55. Neque res judicatur, *arg. l. 13. C. de sent. & interloc.* neque Æquitas recte eo rescitur.

56. *Omne autem Jus quo utimur, vel ad personas pertinet, vel ad Res vel ad Actiones. §. ult. l. b. l. 1. ff. de stat. hom. Quæ vulgo tria Juris objecta dici solent.*

57. Cum igitur hominum causa omne jus constitutum sit, primo de personis, ac post de cæteris videndum. *l. 2. ff. de stat. hom. d. §. ult. l. b. 1.*

TIT. III.

DE JURE PERSONARVM.

I. Pro varia conditione, homines varie possunt dividi.

2. Sed Caput de Personis, in Institutionibus, duabus absolvitur divisionibus.

3. Quarum prima est, quod homines Liberi sint aut servi *pr. l. b. Altera, quod sint vel sui vel alieni juris.*

4. Tertium genus hominum, inter liberos & servos, non datur.

5.

5. Sunt quidem aliqui *statu liberi* i. e. qui statutam in tempus vel conditionem libertatem habent l. 1. *pr. ff. de stat. lib.* sed interim revera servi sunt l. 9. *ff. cod.*

6. *Adscriptitii* etiam i. e. qui fundo seu glebæ terræ adscripti, una cum fundo transferuntur, revera servi sunt; sunt enim in dominio l. 21. *in f. C. de Agric. & censit. L. xi. Nov. 162. c. 3.* Licet specialia quædam iis concessa sint.

7. *Est autem Libertas naturalis facultas ejus, quod cuique facere libet, nisi si quid vi aut jure prohibetur.* §. 1. l. b. t. l. 4. *ff. de stat. hom.*

8. *Servitus vero est constitutio juris Gentium, qua quis dominio alieno, contra naturam* i. e. primævum naturalem statum hominum (v. §. 2. l. *de Jur. Nat. Gent. & Civ. l. 4. ff. de l. & l. 32. ff. de R. l.*) *subjicitur.* §. 2. l. b. l. 4. §. 1. *ff. de stat. hom.*

9. *Servi aut nascuntur, aut fiunt. Nascuntur ex ancillis nostris. Fiunt aut Jure Gentium* i. e. ex captivitate; *aut Jure Civili, cum e. gr. liber homo major annis viginti, gnarus conditionis suæ* l. 2. *si lib. ingen. eff. dic. ad pretium participandum v. l. 1. ff. quib. ad lib. proel. non lic. ignorant conditionem ipsius* l. 7. §. 2. *ff. de lib. caus. sese venundari passus est. d. §. 4. l. b. t.*

10. *In servorum conditione nulla est differentia* §. 5. l. b. l. 5. *ff. de stat. hom.* Licet varia sint servorum ministeria v. l. 15. §. 44. *ff. de injur. & recte servi ordinarii* i. e. qui immediate dominis subfunt, à servis vicariis qui fiunt in peculio ordinariorum, distinguantur.

11. Sed Liberi sunt vel *Ingenui*, vel *Libertini* d. §. 5. d. l. 5.

TIT. IV.

DE INGENUIS.

1. *Ingenuus est is, qui statim ut natus est, liber est.* pr. l. b. t. pr. b.

2. Sufficit autem matrem fuisse liberam; vel eo tempore quo nascitur, licet ancilla conceperit; vel eo tempore quo concepit licet ancilla facta peperit; Imo vel medio tempore liberam fuisse sufficit. d. pr. l. b. t. l. 5. §. 2. *ff. de stat. hom.*

3. Partus enim hic sequitur ventrem, quemadmodum & alias extra jussu matrimonium l. 10. l. 24. *ff. de stat. hom.*

4. Propter favorem libertatis; *Quia non debet calamitas matris ei nocere qui in ventre est.* d. pr. l. b. t.

5. Habebant & jura *Ingenuitatis*, qui jus aureorum annulorum à Principe impetraverant l. 1. *ff. de jur. aur. ann.* Natalibusve restituti erant

l. 1.

l. 1. ff. de Nat. rest. Vel qui tales sententia iudicis, licet male, pronuncia-
ti; Quia res iudicata pro veritate habetur. *l. 25. ff. de stat. hom.*

TIT. V.

DE LIBERTINIS.

pr. h. t. l. **L**ibertini sunt, ait Imp. *pr. h. t.* qui ex iusta servitute manumissi
sunt.

2. Potius dicendum, Libertinos esse, qui ex iusta servitute liberta-
tem adepti sunt; vel qui desierunt esse servi

3. Sunt enim calus, quibus sine manumissione libertas acquiritur. *l. 1. ff. qui fin. manum. ad lib. perven.*

4. Manumissio autem est de manu datio d. *pr. h.* seu potius, de manu
missio, id est datio libertatis *l. 4. ff. de J. & J.*

5. Eaque multis modis procedit.

6. Olim quidem tribus, Censu, Vindicta & Testamento. Ctc. in *Te-
pic. Ulp. tit. 1. §. 6. & seqq. Theoph. paraphr. ad h. t. circ. fin.*

§. 1. 7. Deinceps etiam ex Sacris constitutionibus in *SS. Ecclesiis* (qui mo-
dus in locum ejus, qui olim iustrali censu fiebat, suffectus est) aut inter a-
micor adhibitis §. testibus, aut per epistolam à domino & §. testibus sub-
scriptam *l. un. §. 1. 2. C. de Latin. lib. toll. §. 1. l. h. t.* aliisque v. *l. un. §. 3. & seqq. C. de Latin. lib. toll.*

8. Quo die autem vel loco fiat manumissio, nihil interest §. 2. *l. h. l. 2. l. 8. C. d. ser. l. 7. ff. de Man. Vind.* Est enim actus jurisdictionis vo-
luntariæ *l. 2. ff. d. off. Procons.*

§. 3. 9. Et quidem Augusti Imp. temporibus liberti vel Cives Romani erant,
vel Latini qui minorem consequantur libertatem, vel *Deditissimi* quorum
pessimus status erat, & servili proximus. §. 3. *l. h. t. Ulp. d. tit. 1. §. 5. & seqq.*

10. Sed Imp. noster, cum ante eum Antoninus Imp. omnes ingenu-
os fecisset cives Romanos *l. 17. ff. de stat. hom.* omnes libertos fecit ingenuos,
salvo tamen jure patronatus. *d. §. 3. h. t. l. un. C. de Latin. lib. toll. l. un. C. de Deditit. lib. toll. Nov. 78. c. 2. §.*

11. Quod describi potest, *Jus quod quis ex manumissione servi, in
personam, & bona manumissi, consequitur, v. t. ff. de jur. patron.*

TIT. VI.

QUI ET EX QUIBUS CAUSIS MANUMITTERE NON POSSUNT.

1. **N**on tamen cuicunque volenti manumittere licet; Quia Lex Ælia Sentia (lata sub Augusto Sex. Ælio Caro & C. Sentio Saturnino Cōs.) quibusdam casibus impedit libertatem *pr. l. b. t.*

2. Cujus Legis duo hic proponuntur capita.

3. Primo cautum est, ne quis manumittat in fraudem creditorum, si quis enim hoc fecerit nihil agit. *d. pr. l. b.*

4. In fraudem autem creditorum manumittere videtur, qui vel jam eo tempore quo manumittit solvendo non est, vel qui datis libertatibus defuturus est solvendo esse *§. 3. l. b. t. l. 10. ff. qui & a quib. man.*

5. Dummodo & fraudandi consilium manumissor habuerit, & creditores re ipsa fraudentur *d. §. 3. d. l. 10. & utrumque in ejusdem creditoris persona concurrat l. 15. ff. quæ in fraud. cred.*

6. Excipitur tamen casus, quo dominus qui solvendo non est, in testamento servum suum, cum libertate vel sine ea, heredem instituit necessarium. Si modo alium heredem ex testamento non habeat *§. 1. 2. l. b. t. l. 57. ff. de hered. instit.*

7. Quod ideo concessum, ne injuria i. e. ignominia defunctus afficiatur *d. §. 1. in fin.*

8. Altero capite cautum, ne minor viginti annis aliter manumittat quam vindicta, iusta causa (quæcumque sint iustæ causæ vid. in §. 5. l. b. t.) manumissionis, apud consilium probata *§. 4. l. b. t. Theoph. b.*

9. Consilium hoc constabat Romæ ex 5. Senatoribus & 5. Equitibus, in Provinciis ex 20. Recuperatoribus Civibus Romanis. *Ulp. tit. 1. §. 2. Theoph. d. l.*

10. Quod caput deinceps in tantum mutatum, ut minor annis xx. si modo expleverit annum xviii. *§. ult. l. b. t.* imo si modo ea ætate sit, ut testamentum facere possit, in testamento etiam possit libertates dare. *Nov. 119. c. 2.*

TIT. VII.

DE LEGE FUSIA CANINIA TOLLENDÆ.

1. **L**ege Fusia Caninia (quæ à M. Furio Camillo & C. Caninio Gallo Cōs. sic dicta, & sub Augusto Imp. lata est. *Suet. in Aug. c. 49.*)

B

cursus

10 LIB. I. TIT. VIII. DE HIS QUI SUI VEL ALIENI JUR. SUNT.

certus modus i. e. numerus constitutus erat in servis testamento manumittendis. b. t. Ex tribus enim non plures quam duos manumittere licebat; & usque ad decem non plus parte dimidia; à decimo ad triginta non plus parte tertia; à triginta usque ad centum non plus parte quarta; à centum usque ad quingentos non plus parte quinta. Plures autem quam centum ex testamento alicujus liberi fieri non poterant. *Ulp. tit. 1. §. 24. Paul. Lib. 4. Sent. tit. 14. §. 4.*

2. Sed Lex hæc per Justinianum Imp. sublata est, quia absurdum videbatur, morientibus libertatem adimere, quam vivi habebant *b. t. in f.*

TIT. VIII.

DE HIS QUI SUI VEL ALIENI JURIS SUNT.

- pr. b. t.* 1. **A**liera personarum divisio est, quod homines sint *vel sui juris, vel alieno juri subjei.* *pr. l. b. t. l. 1. ff. b. t.*
2. *Sui juris sunt, qui nec dominica, nec patria potestati subsunt.*
3. *Alieno juri subjei, sunt vel in potestate parentum, vel in potestate dominorum d. pr. b. t.*
- §. 1. 4. *In potestate dominorum sunt servi §. 1. l. b. t. d. l. 1. §. 1.*
5. *Est autem potestas dominica, Jus, Domino circa personam & res servi competens.*
6. *In personam servi, dominus olim vitæ necisque potestatem habebat, d. §. 1. d. l. 1. §. 1.*
7. *Sed jure novo non licet dominis, sine causa, in servos suos supra modum sævire §. 2. l. b. t. l. 1. §. 2. ff. cod. & modici iis tantum castigatio permittitur l. un. C. de emend. serv.*
8. *Imo si quis hodie sine causa servum suum occiderit, tenetur Lege Cornelia de Siciariis: Si vero in eum sævierit, bonis conditionibus eam vendere cogitur. d. §. 2. b. t. l. 2. ff. cod.*
9. *Circa res hoc jus dominus habet, ut quodcumque per servum acquiritur, id domino acquiratur d. §. 1. d. l. 1. §. 1.*

TIT. IX.

DE PATRIA POTESTATE.

1. **P**atria Potestas est jus, quod cives Romani masculi habent in liberos suos.

2. Nulli enim homines talem in liberos potestatem habuerunt, qualem §. 1. Romani §. 2. *l. f. t.*

3. Et quidem olüm non minor hæc erat, quam potestas dominica, in servos.

4. In personam enim liberorum, jus vite & necis habebant. *Dionys. Halic. Lib. 2. c. 27. 28. l. ii. ff. de lib. & post. l. ult. C. b. t.*

5. Imo quoad facultatem vendendi potestas patria major erat, quam dominica; Filius enim, non nisi tertia vice venditus & manumissus, sui juris fiebat, quod in servis secus erat. v. *Dionys. Halic. d. Lib. 2. c. 28.*

6. Sed hodie parentes modicam tantum castigationem habent *l. un. C. de his qui par. vel lib. occid. l. un. C. de emend. propinq.*

7. Graviora filiorum admittä nunc solus Magistratus vindicat; Patris tamen voluntatem in eo aliquando sequitur *l. 3. C. b. t.*

8. Potestas etiam vendendi, ad casum *l. 2. C. de patr. qui fil. distrax.* jure novo restricta est.

9. Alii tamen etiam effectus patrie potestatis in personam liberorum in jure sunt notabiles; Veluti quod pater liberis in testamento tutorem dare possit §. 3. *l. de test. tut.* quod consensus patris ad nuptias liberorum sit necessarius *pr. l. de nupt. & similes.*

10. Quod ad res attinet, quicquid olim filius acquirebat, illud patri acquirebat. §. 1. *l. per quas persf.*

11. Sed & jus hoc acquirendi hodie restrictum est, introducta divisione peculiorum v. d. §. 1. *l. per quas person. cuique acq.*

12. Adeo ut filius peculium *Castrense*, & *quasi castrense* pleno jure sibi acquirat, *Adventitium* quoad proprietatem etiam sibi, quoad usufructum vero patri, sed *Profectitium* pleno jure patri.

13. Ex quo jure patrio circa res liberorum etiam hoc est, quod pater liberis pupillariter possit substituere §. 4. *l. de pup. substit.* Nec filiasfam. de bonis suis, per ultimam voluntatem, disponere valeat *pr. l. quib. non est perm. fac. test.*

14. Matri quidem debetur etiam reverentia *l. 4. C. de pat. pot. l. 4. ff. de curat. furiosf.* Mater tamen liberos in potestate non habet.

15. Acquiritur autem patria potestas tribus potissimum modis I. Justis nuptiis. II. Legitimatione. III. Adoptione.

TIT. X.

DE NUPTIIS.

I. **N**uptias solent precedere *Sponsalia*, & *Dor.*

2. *Sponsalia sunt mentio & repromissio futurarum nuptiarum. l. 1. 2. ff. de spons.*

3. *Dividi solent in sponsalia de presenti, & de futuro v. c. pen. x. de spons. c. 1. x. de spons. duor.*

4. *Sed jure Romano, Sponsalia de presenti, vetum videntur constituere matrimonium, arg. l. 30. ff. de R. J.*

5. *Dos est id quod à Muliere, vel ab alio pro muliere, datur, ad sustinenda onera matrimonii l. 76. in f. ff. de jur. dot. l. 21 §. 1. ff. de don. int. Vir. & Ux.*

6. *Estque vel Profectitia, vel Adventitia.*

7. *Profectitia est, qua à Patre pro filia sua vel emancipata datur. l. 5. pr. & §§ seqq. ff. de jur. dot.*

8. *Adventitia quam ipsa mulier, vel extraneus pro ea dat. d. l. 5. §. 11.*

*S. 1. I. de
patr. pot.*

9. *Nuptia autem, sive matrimonium est Viri & Mulieris conjunctio, individuum vita consuetudinem continens. §. 1. I. de Patr. pot.*

10. *Conjunctio est maxime animorum; Nuptias enim non concubitus sed consensus facit l. 30. ff. de R. J. l. 15. ff. de cond. & dem. per consequentiam tamen & corporum.*

11. *Viri & mulieris: Prohibita enim est nefanda libido l. 31. C. ad l. Jul. de adult. & Polygamia simultanea. §. 6. l. b. t. l. 1. ff. de his qui nos. inf. l. 2. C. de incest. nupt. non etiam successiva t. 1. C. de sec. nupt. l. 4. C. de bon. q. lib. Ep. Paul. ad Rom. 7. v. 2. 3. 1. ad Cor. 7. v. 39.*

12. *Continens individuum vita consuetudinem: Quoad votum scil. contrahentium v. l. 1. ff. de jur. dot. cui contrarium est si fiat divortium.*

13. *Excluditur autem per ultima hæc verba Concubinator, qui est conjunctio maris cum fœmina libera eaque unica Nov. 18. c. 5. circ. fin. l. un. C. de concub. citra affectionem maritalem. l. 4. ff. de concub. ut & contractus, cæteraque negotia.*

14. *Sed communionem bonorum non inferunt, quæ jure nostro est incognita; adeo ut & constante matrimonio acquisita, solius sint mariti l. 51. ff. de don. int. vir. & ux.*

pr. b. 2.

15. *Ut autem Nuptiæ sint justæ, i. e. legitimæ, requiruntur. I. Ut contrahentes sint cives pr. l. b. t. Inter servos tantum contubernium est. l. 3. C. de incest. nupt.*

16. *II. Puberes, & ad generandum habiles. d. pr. l. b. t. l. 39. §. 1. ff. de jur. dot. l. 14. §. 7. ff. de Edil. Edict.*

17. *Sunt autem masculi puberes post annum xiv. fœminæ post annum*

xii. *pr. l. quib. mod. tut. fin.* Sed canones magis habitudinem corporum curant *c. 3. x. de despons. imp.*

18. iii. Contentiant libere; & proinde error substantialis absit, *l. 15. ff. de jurisd. ut & vis atque metus. l. 14. C. b. t. l. 134. ff. de V. O.*

19. iv. Ut, si in potestate sint, parentum consensum habeant *d. pr. l. b. t. l. 11. ff. de stat. hom. add. Exod. 22. v. 17. Deut. 7. v. 3. 1. Cor. 7. v. 36. 38.*

20. In tantum ut patris consensus præcedere vel concomitari debeat *d. pr. l. 5. C. b. t.* adeoque rarihabitio hic non sufficiat.

21. v. Non obsit ratio Cognationis, Affinitatis, Honestatis, Delicti, aliave civilis.

22. Cognatio triplex est *naturalis, civilis, mixta. v. l. 4. §. 2. ff. de grad.*

23. Est & *cognatio spiritualis*, propter quam Imp. matrimonium prohibet, inter susceptorem & eam quæ ex sacro baptismate suscepta est, *l. 26. C. b. t.*

24. Cognatio autem vera est *vinculum personarum ab eodem stipite descendendum, carnali propagatione contractum.*

25. In cognatione considerantur *Lineæ*, in Lineis *Gradus*.

26. *Linea* est collectio personarum ab eodem stipite descendendum; *gradus* continens, & cognationes distinguens.

27. Estque duplex *Recta* & *Obliqua*.

28. *Recta* continet ascendentes & descendentes, seu eos quorum alter alterum genuit.

29. *Obliqua* eos qui à latere veniunt, unde & *collateralis* dicitur.

30. Eaque est *æqualis*, vel *Inæqualis*.

31. *Gradus* est *distansia personarum à se invicem.*

32. Quoad supputationem graduum autem hæc tenenda est regula; *Quot sunt generata persona, totidem sunt gradus, dempto stipite communi. l. 10. §. 9. ff. de grad. & affin.*

33. Hinc frater à fratre distat gradu secundo, consobrini à se invicem gradu quarto, & sic ulterius ceteri.

34. Jus Canonicum, quoad gradus, eandem servat regulam in linea recta.

35. Sed in linea obliqua æquali, hanc habet regulam; *Quoto gradu singuli distant à stipite communi, eodem inter se distant.* Uti ex graduam computatione quæ est in *c. 2. caus. 35. q. 5.* manifestum est.

36. In linea inæquali vero hinc; *Quanto gradu remotior distat à stipite communi, eodem inter se distant. c. 9. x. de consang.*

37. In *Linea recta* Nuptiæ prohibitz sunt in infinitum §. 1. l. b. t. l. 53. ff. l. 17. c. cod. Lev. 18. v. 7. & seq.

38. Et qui tales nuptias contrahunt, *nefarias atque incestas nuptias contraxisse dicuntur. d. §. 1.*

39. Quod & verum est, licet adoptione parentes liberique facti, & adoptio dissoluta sit. d. §. 1.

40. In *Linea collateralis aequali*, nuptiæ prohibentur in gradu secundo, inter fratres & sorores; non tantum germanos sed & consanguineos & uterinos, imo & adoptivos, quamdiu constat adoptio. §. 2. l. b. t. l. 17. C. b. t. Lev. 18. v. 9. u.

41. Inter consobrinos & consobrinas, in gradu quarto, nuptiæ sunt permittæ. §. 4. b. t. l. 19. C. cod. v. l. 78. §. 3. ad SC. Treb. Num. 36. v. u. junct. v. 6. licet jure Canonico secus sit c. 8. x. de consang.

42. In *Linea collateralis inæquali*, nuptiæ prohibentur inter eas personas, quæ sibi liberorum & parentum loco sunt, §. 3. §. 1. b. t.

43. Parentum autem loco sunt, non quicunque propius contingunt stipitem quam alter, sed ii demum, qui stipiti à quo alter originem trahit, immediate subsunt.

44. Hinc nuptiæ sunt prohibitz inter Patruos, Avunculos & neptes; Amittas, Materteras & nepotes; d. §. 3. §. Lev. 18. v. 12. 13. Ut & ulterius sequentes. *Cujus enim fratris vel sororis filiam quis ducere non potest, ejus neque neptem permittitur. d. §. 3.*

45. *Affinitas* est vinculum inter conjugem unum & alterius conjugis cognatos l. 4. §. 3. ff. de grad. & affin.

46. Dicuntur *affines*, quasi ad alterius cognationis fines accedentes d. l. 4. §. 3.

47. *Affinitatis* autem veneratione quoque, à quarundam nuptiis abstinendum est. §. 6. l. b. t.

48. Quibus gradibus enim nuptiæ prohibentur propter cognationem, iisdem fere (licet in affinitate proprie gradus nulli sint l. 4. §. 5. ff. de grad.) prohibentur etiam propter affinitatem.

49. Hinc illicitæ sunt nuptiæ inter Vitricum & privignam d. §. 6. l. b. t. Novercam & privignum, Socrum & generum §. 7. l. b. t. Lev. 18. v. 15. 17. 1. Cor. 5. v. 1.

50. Inter competrignos autem matrimonium recte contrahitur. §. 8. l. b. t. l. 34. §. pen. ff. b. t. quia inter eos nulla est affinitas.

51. *Propter honestatem*, non licet ducere quasi privignam, quasi aurum, quasi novercam, §. 9. l. b. t. Intercedit enim affinitas quasi quædam imperfecta, & quod non vetat fieri lex, hoc vetat fieri pudor l. 42. ff. b. t.

52. *Propter delictum*, adulter non potest ducere eam, cum qua adulterium commisit l. 71. §. 11. ff. ad l. Jul. de Adult. Nov. 134. C. 12. Neque raptor raptam l. un. §. 1. in fin. C. de rapt. Virg.

53. Ex ratione denique Civili, prohibitz sunt nuptiæ inter tutorem & pupillam, curatorem & adultam l. 36. l. 59. ff. b. t. l. 1. & pass. C. de interdict. matr. tut. pup. & tut. Ne scilicet rationum redditio intervettatur. Inter eum qui officium in aliqua provincia administrat & provincialem l. 38. l. 57. ff. b. t. propter potestatem. Ut & inter Senatorem & libertinam, eamque, cujus pater matrem ludicram fecerit l. 44. pr. & §. 1. ff. b. t. quod postea mutatum per l. 23. l. ult. C. b. t. Nov. 78. c. 3.

54. Si nihil horum oblit, & reliqua requisita adsint, justum est matrimonium.

55. Plura enim jure nostro non requiruntur; Non deductio mulieris in domum mariti, nuptiarumve festivitas, neque ἱερολογία seu benedictio sacerdotalis; quæ moribus fere recepta, & jure Canonico necessaria est c. aliter 30. q. 5. c. 13. x. de presunt.

56. Si qui veto adversus ea coierint, nec vir, nec uxor, nec nuptia, nec matrimonium, nec dos intelligitur. §. 12. b. t. sed matrimonium ipso jure nullum est l. 5. C. de ll. & proinde liberi non sunt in potestate patris, sed pro spurciis habentur d. §. 12. Pater enim extra matrimonium pro incerto habetur l. 23. ff. de stat. hom.

57. Tum & 11. pro qualitate delicti poena arbitraria infligi potest. d. §. 12. b. t. l. ult. ff. cod. Auth. incestus C. de incestis nupt.

58. Recte contractum matrimonium solvitur 1. morte & 11. aliquando divortio.

59. Divortium est dissolutio matrimonii, eo animo facta, ne divergentes anquam iterum conjungantur l. 191. ff. de V. S. l. 2. l. 3. ff. de div.

60. Et quidem olim divortia ex utriusque consensu, bona etiam gratia, fieri poterant Nov. 22. c. 4 l. 62. ff. de Don. int. Vir. & Ux.

61. Quod recte abrogavit Justinianus l. 9. & Auth. Quod hodie C. b. t. Nov. 117. c. 10 sed pessima ratione reduxit Justinus Nov. 140. c. 1.

62. Mala gratia etiamnum divortia fieri possunt ob justam causam, altera parte invita.

63. Causas autem ejusmodi Jus Civile, etiam novissimum, complures

& leviores agnoscit. *Nov. 22. c. 5. Nov. 117. c. 8. 9.* Jus Divinum tantum duas l. Adulterium *Matth. 19. v. 9. & 11.* malitiosam desertionem l. *Cor. 7. v. 15.* Jus Can. nullas c. 4. 10. 22. q. 7. *caus. 32.* permittens tantum separationem thori & mensæ, quod proprie divortium non est.

64. Secundus modus acquirendæ patris potestatis est *Legitimitas*.

65. Est autem *Legitimitas*, Actus quo liberi naturales (i. e. ex concubina nati §. ult. l. h. t. l. pen. C. de nat. lib.) fiunt legitimi.

66. Eaque tribus modis fit. *Nov. 89.*

§. 4. 67. 1. *Per Oblationem Curie*, cum Pater filium naturalem ad munus Decurionatus offert, vel filia naturalis decurioni nubit §. 13. l. h. t. l. 9. C. de nat. lib. *Nov. 89. c. 2.*

68. 11. *Per subsequens Matrimonium*, cum pater concubinam, ex qua liberos suscepit, uxorem ducit d. §. 13. l. 10. l. 11. C. de nat. lib. Ad quod dotalia instrumenta non videntur necessaria.

69. 111. *Per Rescriptum Principis*, cum Princeps ad petitionem patris, vel ipsorum legitimandorum (legitimis non extantibus *Nov. 89. c. 11. §. 1.*) jura legitimorum liberorum, *naturalibus* tribuit. *Nov. 89. c. 9. Nov. 74. c. 2.*

TIT. XI.

DE ADOPTIONIBUS.

pr. h. t. I. **T**ertius modus acquirendæ patris potestatis est *Adoptio pr. h. t.*

2. Est autem *Adoptio actus legitimus v. l. 4. ff. de adopt. l. 3. ff. de off. procons. l. 1. C. b. l. 77. ff. de R. J.* quo in locum filii vel nepotis, adiscimus eum, qui nobis extraneus est, ad eorum qui liberos non habent solatium inventus.

§. 1. 3. Estque *Adoptio in Specie* sic dicta, vel *Arrogatio*. §. 1. l. h. t.

4. *Adoptio in Specie* sic dicta est, cum adoptamus liberos qui in potestate parentum sunt, imperio Magistratus. d. §. 1. l. b. l. 2. ff. cod.

5. Intercedebant hic olim imaginariæ mancipationes, & manumissiones. l. ult. C. b. t. A. Gell. Lib. 5. c. 19.

6. Semperque *Adoptio* transferbat patriam potestatem, soluto jure patris naturalis. §. 13. l. de hered. que ab intest. l. 23. l. 15. ff. b. t.

7. Sed per Imp. in l. pen. C. b. t. distinctio introducta est; An filiusnam, à patre naturali, extraneæ personæ, in adoptionem detur? Quo casu, jura patris naturalis minime dissolvuntur, nec quicquam ad patrem adop-

adoptivum transit, nec in potestate ejus est filius adoptivus, sed jura successione ab intestato ei tributa sunt. §. 2. l. b. t. d. l. pen. C. eod.

8. An vero pater naturalis filium suum, in adoptionem, dederit alicui ex ascendentibus? *Et hoc casu, quia concurrunt in unam personam, & naturalia & adoptionis jura, filius est in familia, & potestate patris adoptivi d. §. 2. d. l. pen.*

9. Ratio distinctionis, in eo est, quia filius adoptivus utriusque parentis hereditate aliquando privabatur; quod durum & iniquum visum est. *§. 14. l. de hered. quæ ab intest. d. l. pen. pr.*

10. *Arrogatio* est, cum adoptamus eos qui sui juris sunt, auctoritate Imperatoris §. 1. l. b. t. stante Rep. auctoritate populi. *A. Gell. Lib. 5. C. 19.*

11. Dicitur *Arrogatio*, quia & is qui adoptat rogatur, an velit, eum, quem adoptaturus sit, justam sibi filium esse? & is qui adoptatur rogatur, an id fieri patiat. *l. 2. ff. b. t.*

12. Quoad *Arrogationem* nihil mutatum, quia supra dicta ratio cessat in arrogato, qui naturalem patrem non habet. *l. pen. §. ult. C. b. t.*

13. Impubes autem, cum olim non posset, quia ipse auctor fieri non poterat, *Gell. d. l. hodie arrogari potest §. 3. l. b. t.* §. 3.

14. Sed fieri hoc debet 1. *causa cognita*, an *arrogatio honesta sit*, expediatque pupillo? *d. §. 3. vide l. 15. §. pen. & ult. l. 17. ff. b. t.*

15. *Quæ* causæ cognitio, cum olim fieret à Collegio Pontificum *Cic. pro Dom.* hodie exercetur à Magistratu, adhibito consilio propinquorum, & auctoritate tutoris. *l. 2. C. b. t. l. ult. C. de auctorit. prest.*

16. Neque tantum in *Arrogatione* impuberum, sed & puberum videtur adhibita *Gell. d. l. interposita auctoritate Curatorum l. 8. ff. b. t.*

17. II. *Cavet Arrogator persona publica* i. e. tabulario (quia incertum est, quis tempore mortis pupilli ille futurus sit, qui successurus est) *si intra pubertatem pupillus decesserit, restitutum se bona illis, qui si adoptio facta non esset, a l. successorem ejus venturi fuissent. d. §. 3. l. 18. l. 19. ff. b. t.*

18. III. *Arrogator* filium arrogatum emancipare non potest, nisi causa cognita dignus emancipatione fuerit; & tunc sua bona ei reddit. *d. §. 3.*

19. *Quod si cum sine justa causa emancipaverit, vel etiam exheredaverit, jubetur ex constitutione D. Pii l. 8. §. 15. ff. de inoff. (unde & Quarta Divi Pii appellatur) quartam partem ei bonorum relinquere, præter bona quæ ad patrem adoptivum transtulit, & quorum commodum ei postea acquisivit d. §. 3.*

20. *Quæ* Quarta cum ordinario unus arrogetur, plerumque omnium bonorum est, & inde simpliciter *Quarta bonorum* vocatur. *l. ult. ff. quæ in fraud.*

fraud. cred. l. 2. C. b. t. Quod si tamen plures arrogati essent, etiam haud dubie *Quarta portionis ab intestato debita. arg. l. 8. §. 8. ff. de inoff. test.*

21. Eamque post mortem arrogatoris demum arrogatus accipit. *l. 1. §. 21. ff. de collat.* vel heres ejus, si ipse ante arrogatorem moriatur; tanquam res alienum, non ut hereditarem. *l. 8. §. 15. ff. de inoff. testam.*

§. 4. 22. Cum autem *Adoptio* naturam imitetur §. 4. *l. b. t. l. 23. ff. de lib. et post.* Hinc 1. *Minorem natu majorem non posse adoptare placet*; pro monstrum enim est, ut major sit filius quam pater: debet itaque is qui sibi filium per adoptionem vel arrogationem facit, plena pubertate t. e. decem et octo annis precedere d. §. 4. *l. 4. §. 1. ff. b. t.* Ut autem 19. annis non sit minor, cognitio quidem vertitur, non tamen simpliciter necessarium est. *l. 15. §. 2. ff. b. t.*

§. 9. 23. II. Illi qui omnino generare non possunt, non possunt adoptare, quales sunt castrati. Vitium temporale non obstat, uti apparet ex §. 9. *l. b. t.*

§. 10. 24. III. Cumque feminae liberos non habeant in potestate, *femina quoque adoptare non possunt* §. 10. *l. b. t.* Sed ex indulgentia Principis, ad solatium liberorum amissorum (non ad hoc ut in potestate habeant) adoptare possunt. d. §. 10. *l. 5. C. b. t.*

§. 5. 6. 7. 25. Nihil autem interest, an aliquis alienum filium vel nepotem, adoptet in locum filii, an nepotis: §. 5. et 6. *l. b. t.* Imo & in locum nepotis, quasi ex filio puta L. Titio, adoptare licet; dummodo filius eo casu consentiat, ne ceteroquin ipsi invito suus agnascatur heres. §. 7. *l. b. t. l. 43. et seq. ff. cod.*

§. 8. 26. Adsimilatur autem adoptatus vel arrogatus, in plurimis causis, ei qui ex legitimo matrimonio natus est §. 8. *l. b. t.*

27. In quibusdam secus est. Liberi enim adoptivi non juvant in ulla parte muneris publici Tacit. Ann. Lib. 15. Cap. 19. Non profunt ad jus trium liberorum pr. *l. de excus. tut.* Nec continentur sub conditione, si beres sine liberis decesserit *l. 76. de cond. et dem. l. 51. §. 1. ff. de leg. 2.*

§. 11. 28. Illud Arrogationis proprium est, quod is qui liberos in potestate habet, si se arrogandum dederit, non solum ipse potestati Arrogatoris subijcitur, sed etiam liberi ejus. §. 11. *l. b. t.* Ubi exemplo illud illustratur.

29. Servus adoptatus à Domino, filiusve apud acta nominatus, non filius sed liber fit. §. 12. *l. b. t. l. 1. vn. §. 10. C. de Latin. lib. toll.*

TIT. XII.

QUIBUS MODIS JUS PATRIÆ POTESTATIS SOLVITUR.

- I. Sequuntur modi, quibus patria potestas solvitur: Quomodo enim servi liberentur à potestate dominorum, supra dictum est.
2. Solvitur autem potestas patria, tribus potissimum modis.
3. I. Morte naturali, vel civili, patris vel filii. *pr. l. h. t.*
4. Mortuo vero Avo ira nepotes neptesve sui juris fiunt; si in potestatem patris recasuri non sunt. *pr. h. t. l. 5. ff. de his qui sunt sui vel alien. jur. si forte pater jam ante mortuus, vel emancipatus sit. l. 41. ff. de adopt. 5. ff. pro soc. sive maximam patiatur capitis deminutionem, amittendo libertatem §. 3. 5. l. h. t. sive mediam amittendo civitatem, dum deportatur. §. 1. l. h. t.*
6. Sed si deportati, ex indulgentia Principis, restituti fuerint per omnia (simplex enim & generalis restitutio pœnæ tantum gratiam facit l. 2. l. 6. l. 9. C. de sent. pass. l. 3. C. de gen. abolit.) pristinum statum recipiunt. *§. 1. l. h. t. l. i. C. de sent. pass.*
7. Relegatione vero patria potestas non solvitur §. 2. l. h. t. l. 4. l. 7. §. 3. ff. de interd. & releg. quia salva civitate contingit. l. 2. ff. de publ. jud.
8. Uti neque captivitate, licet captivi servi fiant hostium. §. 4. l. de jur. person.
9. Pendet enim jus liberorum, propter Jus postliminii, & Legem Cornelianam. §. 5. l. h. t.
10. Postliminium (quod à limine & post dictum d. §. 5.) est Jus, quo persona vel res recipiunt eum statum, quem ante captivitatem habuerunt. l. 19. ff. de captiv. & postlim. rev.
11. Fingit enim postliminium, eum qui captus est, postquam reversus est, in Civitate semper fuisse. d. §. 5.
12. Reverfus dicitur, qui intra præsidia, vel ad amicos nostros, rediit; l. 5. §. 1. l. 19. §. 3. ff. de captiv. & postlim. rev. ut & qui victis hostibus recuperatur d. §. 5. l. 26. ff. de capt. Nihil enim interest, an vi vel fallacia hostium potestatem evaluerit; d. l. 26. dummodo ea mente fuerit, ut ad hostes non reverteretur. l. 5. §. 3. ff. d. 1.
13. Postliminio autem reversi recipiunt ea quæ juris, l. 5. §. 1. l. 22. §. 1. ff. de capt. & postlim. rev. non etiam ea quæ facti sunt. l. 12. §. 2. ff. eod. qualis est possessio l. 19. ff. ex quib. caus. maj.
14. Si vero captivus apud hostes decellerit, exinde ex quo captus est

pater, filius sui juris fuisse videtur. d. §. 5. b. t. per fictionem Legis Cornelia v. l. 12. ff. qui test. fac. poss. §. ult. l. quib. non est permiff. fac. testam. l. 18. ff. de possim.

§. 4. 15. ii. Tollitur Patria potestas Dignitate. §. 4. l. b. t.

16. Et quidem primum sola Patriciatus dignitate d. §. 4. l. ult. C. de consul. sed deinde omni ea, quæ liberat ab onere Decurionatus. Nov. si. pr. c. 1. §. 1. qualis est Consularis, Consularitas, Præfectura Prætorii, & Urbis, Magisterium militum l. ult. C. de decur. Episcopatus d. Nov. si. c. 3.

§. 6. 17. iii. Emancipatione quoque desinunt liberi esse in potestate parentum §. 6. l. b. t.

18. Emancipatio est Actus legitimus, quo liberi non inviti, à manu i. e. potestate patris, dimittuntur.

19. Eaque triplex est, Legitima, Anastasiana, Justinianea.

20. Legitima est, quæ per antiquam Legis XII. Tabb. observationem procedebat, & per imaginarias venditiones & intercedentes manumissiones celebrabatur. d. §. 6. b. t. l. ult. C. de emancip. v. Ulp. t. 10. Gai. L. 1. tit. 8.

§. 3. Theoph. h.

21. Anastasiana, quæ sit ex Imperiali Rescripto. l. pen. C. de emancip. Auctoremque habet Anastasium.

22. Justinianea, quæ ex constitutione Imp. Justiniani, sine Principis Rescripto, sit auctoritate Magistratus. d. §. 6. l. ult. C. de emanc. lib.

§. 8. 23. Adoptione etiam quidem patria potestas solvitur, si ab Ascendente facta sit. §. 8. l. b. t. Non tamen ideo necesse est, eam separatim modum solvendæ patris potestatis constituere; Cum ad emancipationem, etiam jure novo, tacitam scilicet, referri possit.

§. 9. 24. Partus autem qui ex nuru tua nascitur post filii emancipationem, si modo ante emancipationem ex filio tuo fuerit conceptus, in tua potestate nascitur. §. 9. l. b. t.

25. Quod ex tempore, quo naturaliter quis nasci potest, facile constat: Minimum enim tempus est 182. dierum. l. 3. §. ult. ff. de suis & legit. hered.

§. 10. 26. Quemadmodum vero liberi inviti non emancipantur l. pen. C. de emancip. ita etiam parentes, ad emancipandum, ordinario cogi nequeunt. §. 10. l. b. t. l. 4. C. de emanc.

27. Nisi iusta causa aliud exigat. Veluti i. si liberi male contra pietatem afficiantur. l. ult. ff. si à parent. quis manum.

ii. Si pater liberos ad turpitudinem adigat l. 12. C. de Episc. aud.

III. Si pater legatum, sub conditione emancipandi relictum, agnoverit. *l. 92. ff. de condit. & dem. l. 32. ff. de adopt.*

IV. Si pecuniam, quasi mercedem emancipationis, acceperit. *l. 1. §. 3. ff. si à par. quis man.*

V. Si adolescens suo damno arrogatus sit. *l. 3. §. 6. ff. l. pen. de min.*

§. 2.

28. Aliquando etiam liberi ipso jure, & per tacitam quasi emancipationem, sui juris sunt: Puta

I. Si pater longo tempore, liberorum res ut patrumfam. administrari passus sit. *l. 1. C. de pat. pot.*

II. Si pater infantem exposuerit. *l. 2. C. de infant. expos.*

III. Si pater, post priores, incestuosas nuptias contraxerit. *Nov. 12. c. 2.*

TIT. XIII.

DE TUTELIS.

I. Illi qui sui juris sunt, sunt vel in tutela, vel in curatione, vel neutro *pr. b. 2.*
jure tenentur. *pr. l. b. 1.*

2. Primum de Tutela videndum.

3. Tutela est vis ac potestas, in capite libero, ad tuendum cum, qui per aetatem se ipse defendere nequit, jure civili data ac permessa. *§. 1. l. b. 1. l. 1. ff. b. 1.*

4. Est vis ac potestas, i. e. facultas & jus pro auctoritate quid faciendi. Unum enim idemque hæc verba significant, & ita alibi simul ponuntur. *§. 3. l. de interd. l. 17. ff. de ll. Proinde nihil corrigendum.*

5. In capite libero, i. e. in pupillo. *v. Gell. lib. 5. c. 19. Ulp. tit. 17. §. 5.*

6. Est autem hic pupillus, homo impubes sub juris. *l. 239. ff. de V. S. qui ceteroquin alibi, tantum ratione ætatis ita vocatur, licet sit in potestate patris. l. ult. §. 2. ff. de V. O.*

7. Ad tuendum cum, qui per aetatem se ipse defendere nequit. Naturali juri enim conveniens est, ut is qui perfecte ætatis non sit, alterius tutela regatur. *§. 6. l. de Att. tut. add. §. 2. b. 1.*

8. Jure civili data ac permessa. Datur enim i. e. desertur immediate ex L. XII. Tabb. Tutela Legitima. *l. 5. pr. l. 6. ff. de leg. tut. permittitur Testamentaria, & Dativa.*

9. Tutela itaque triplex est, Testamentaria, Legitima & Dativa. *Auth. Matri C. quand. Mul. tut.*

10. *Testamentaria est, vel propria, vel impropria seu quasi talis.*
- §. 3. 11. *Tutela testamentaria propria est, cum parentes liberis suis im-*
puberibus, quos proxime in potestate habent, tutores dant testamento, vel
codicillis testamento confirmatis. §. 3. l. b. t. l. 3. ff. de testam. tut.
12. *Cumque exheredati non desinant esse in potestate, §. 4. l. de pup.*
subst. iis quoque testamento tutor dari potest. l. 4. ff. de testam. tut.
- §. 4. 13. *Ut & postumis nondum natis, si modo in ea causa sint, ut si vivis*
parentibus nascerentur, sui heredes & in potestate eorum fierent. §. 4. l.
b. t. Quia qui in utero est, habetur pro nato, quoties de communi ipse-
us agitur. l. 7. ff. de stat. hom. d. §. 4. b. t.
14. *Tutela testamentaria impropria seu quasi talis est, cum i. Pater*
liberis emancipatis, vel ii. Codicillis testamento non confirmatis, vel iii. Ma-
ter liberis suis heredibus institutis, aliisque extraneus pupillo heredi instituto,
dat tutorem. l. 1. §. 1. l. 3. ff. de confirm. tut. l. 32. ff. de excusf.
15. *Talis tutor enim confirmandus est à Magistratu.*
- §. 5. 16. *Et quidem datus à patre confirmatur sine inquisitione, & satisfac-*
tione. §. 5. l. b. t. l. 4. ff. de testam. tut. nisi iusta causa confirmationem dis-
suadeat. l. 8. in fin. l. 9. l. 10. ff. de confirm. tut. Sed etus à matre aliove
extraneo, ita confirmatur, si & pupillus heres institutus sit, l. 4. ff. de test.
tut. l. 4. ff. de conf. tut. & quidem cum inquisitione, si fuerint Magistratus
maiores d. l. 4. ff. de test. tut. si vero minores, cum satisfactione. l. 5. ff. de
conf. tut.

TIT. XIV.

QUI TESTAMENTO TUTORES DARI POSSUNT.

1. **T**utores testamento dari possunt, (quod tamen & aliis commune est)
 cum quibus est Testamenti factio l. 21. ff. de test. tut. scil. passiva.
- pr. b. t. 2. *Hinc non tantum patresfam. sed & filiusfam. tutor dari potest pr. l.*
b. t. Tutela enim est munus publicum pr. l. de excusf. tut. in publicis au-
tem causis filiusfam. habetur pro patresfam. l. 9. ff. de his qui sunt sui vel
alien. iur.
- §. 1. 3. *Sed & servus tutor dari potest; Adeo ut & sine libertate datus, ta-*
cite nihilominus, directam libertatem accipiat §. 1. l. b. t.
4. *Sed hoc verum est quoad servum proprium; servus enim alienus*
quoad verba & mentem, pure inutiliter datur, sub conditione dari potest
d. §. 1. ita accip. l. 10. §. ult. ff. eod.
- §. 2. 5. *Furiolus & minor xv. annis, dari quidem possunt, sed tutores*
 cum

tum demum erunt, ubi furiosus compos mentis, minor autem major factus fuerit. §. 2. *l. b. t. l. 10. §. 3. ff. de test. tut.* Medio tempore datur curator à Magistratu. *l. 10. §. 7. ff. de excus. tut.*

6. Sive autem pure, sive sub conditione, sive ad certum tempus, sive ex certo tempore, tutor datur, nihil interest. §. 3. *l. b. t. l. 8. §. 1. ff. de test. tut.* Licet à Magistratu ita dari non possit. *l. 6. §. 1. ff. de tutel.* §. 3.

7. Cumque tutor maxime personæ datur, certa rei dari nequit §. 4. *l. b. t. Nili forte ad actum adeundæ hereditatis l. 10. pr. de test. tut. l. 17. §. 1. ff. de appell. l. 9. l. 13. ff. de tut. & curat. dat.* Vel rei Syriacæ, Africanæve datur *l. 15. ff. de test. tut.* si magnæ sint pupilli facultates. §. 4.

8. Tandem & illud notandum, verba, quibus testator usus est, hic proprie accipienda esse.

9. Hinc qui filiis tutorem dedit, filiabus quidem etiam, & postumis, non vero nepotibus dedisse censetur. §. 5. *l. b. t.* Nulla enim ratio est, quare hic a naturali vocis significatione recedendum sit. *Liberorum* autem & *postumorum* appellatione etiam nepotes continentur. *d. §. 5. l. 6. ff. de testam. tut. l. 220. ff. de V. S.* §. 5.

TIT. XV.

DE LEGITIMA AGNATORUM TUTELA.

1. Tutela Legitima est, quæ omnino deficiente (ut ne quidem amplius speretur *l. 11. pr. ff. de Testam. tut.*) testamentaria, sine sacro hominis, ex Legis dispositione, defertur proximis successoribus ab intestato.

2. Potest constitui *Vetus & Nova.*

3. *Vetus* in Instit. proponitur quadruplex I. *Agnatorum.* II. *Patronorum.* III. *Paventum.* IV. *Fiduciaria.*

4. *Nova* subdividi potest, in *Ordinariam & Extraordinariam*, seu ut alii loqui malunt, in *Regularem & Irregularem.*

5. *Ordinaria* est, quæ secundum ordinem *Nov. 118.* defertur proximis sive cognatis, sive agnatis, ab intestato succedentibus; dummodo sint mascululi & perfectæ ætatis.

6. *Extraordinaria* est quæ Matri & Aviz volentibus defertur; dummodo renuncient *SCto Vellejano;* & secundis nuptiis. *Nov. 118. c. 5.*

7. *Legitima* autem *Agnatorum tutela* (de qua *b. t.* agitur) est, quæ deficiente testamentaria ex *L. xii. Tabb.* defertur proximis agnatis. *pr. l. b. t. l. 1. ff. cod.* *pr. h. t.*

24 LIB. I. TIT. XVI. DE CAPITIS DEMINUTIONE.

8. Ubi enim emolumentum est successione, ibi debet esse onus tutela.
d. l. 1. t. 1. de Legit. patron. tut.
- §. 1. 9. Agnati sunt cognati, per virilis sexus cognationem conjuncti, quasi à patre cognati. §. 1. l. b. t. l. 7. de leg. tut. l. 10. §. 2. ff. de grad. & affin.
10. Cognati vero, qui per feminini sexus, personas cognatione junguntur. d. §. 1. d. l. 7. d. l. 10. §. 2.
- II. Sed hæc differentia, jure novo, in Successionibus, & Tutelis sublata est: Uti modo dictum ex Nov. 118. c. 4. 5.
- §. 3. 12. Jus Agnationis omni capitis deminutione etiam minima, Cognationis vero tantum maxima & media petuntur §. 3. l. b. t. §. 6. l. de cap. demin.
13. Qua occasione de Capitis deminutione, hic simul subjicitur.

TIT. XVI.

DE CAPITIS DEMINUTIONE.

- pr. b. t. 1. Est autem Capitis Deminutio, prioris status, in detectus, mutatio.
pr. l. b. t. l. 1. ff. cod.
2. Status est triplex, Libertatis, Civitatis, & Familiae. l. ult. ff. b. t.
3. Et inde Capitis deminutio similiter triplex, Maxima, aut Minor, quam quidam Mediam vocant, aut Minima. d. pr. b. t.
4. Alii duplicem faciunt, Magnam & Minorem. v. l. 1. §. 4. ff. de suis & legit. hered. l. 1. §. 8. ad ll. Tertull. l. 1. §. ult. ff. de extraord. cognit. sed illi sub Magna comprehendunt Maximam & Mediam.
- §. 1. 5. Maxima capitis deminutio est, cum quis Libertatem, & proinde etiam Civitatem & Familiam amittit; Quod accidit his qui quoquo modo servi fiunt §. 1. l. b. t.
- §. 2. 6. Minor five Media capitis deminutio est, cum Civitas & Familia quidem amittitur, Libertas vero retinetur. Quod accidit ei qui deportatur. §. 2. l. b. t. l. 17. §. 1. ff. de pæn. l. 6. l. 15. ff. de interd. & releg.
- §. 3. 7. Minima capitis deminutio est, cum Civitas retinetur & Libertas, sed statum Familiae (salvo tamen statu publico l. 1. §. 8. ad SC. Tertul. l. 2. ff. b. t.) mutatur; Quod accidit his, qui, cum sui juris essent, fiunt alieni juris, scil. arrogatis; vel contra, veluti si filiusfam. à patre emancipatus fuerit. §. 3. l. b. t. l. ult. ff. cod.
8. Ratio autem quare emancipatus capite minui dicatur, hæc est; Quia eman-

LIB. I. TIT. XVII - XIX. DE FIDUCIARIA TUTELA. 25

emancipari olim nemo poterat, nisi in imaginariam servilem causam deductus. l. 3. §. 1. ff. eod.

9. Proinde, cum emancipatio, ex constitutione Justiniani, apud Judicem competentem, sine imaginaria venditione fieri possit, nec quicquam juris legitimi per emancipationem amittatur; Nov. 118. c. 4. emancipati jure novissimo capite minui dici non possunt.

TIT. XVII.

DE LEGITIMA PATRONORUM TUTELA.

I. **L**egitima Patronorum tutela est, quae ex interpretatione L. XII. Tabb., defertur Patronis eorumque liberis, in libertos manumissos impubes. b. t. l. 3. ff. de legit. tut.

TIT. XVIII.

DE LEGITIMA PARENTUM TUTELA.

I. **L**egitima Parentum tutela est, quae exemplo Patronorum tutela, (quia Pater in Filium emancipatum jus Patroni habet §. 6. l. quib. mod. jus pat. pot. solv.) defertur patri, in liberos emancipatos impubes. b. t. conf. §. ult. in f. l. de legit. agn. success.

TIT. XIX.

DE FIDUCIARIA TUTELA.

I. **F**iduciaria tutela est, quae post mortem Emancipatoris, liberis ejus perfecta aetatis, defertur, in emancipatos impubes. pr. b. t. l. 4. ff. de legit. tut.

2. Nomen inde haud dubie originem trahit, quod emancipatio contracta fiducia fieri solebat. §. ult. l. de Legit. agn. success. Et rectius sic vocata fuisset Legitima Parentum tutela.

3. Sed videtur haec tutela Fiduciaria vocata, eo quod aliud nomen deficeret.

4. Quemadmodum autem differentia inter agnatos & cognatos, ita & Fiduciaria tutela sublatam est. l. 4. C. de legit. tut. Nov. 118.

TIT. XX.

DE ATTILIANO TUTORE, ET EO QUI EX LEGE JULIA ET
TUTIA DABATUR.

- pr. §. 1. b. 2.* 1. **T**utela dativa est, quando deficiente Testamentaria, & Legitima, vel etiam suspensa Testamentaria, §. 1. l. b. t. Magistratus ex potestate sibi, speciali Lege, concessa, dat tutorem.
2. Et quidem primum, ex Lege Attilia tutor in Urbe dabatur, à Pratore Urbano, & Majori parte (i. e. sex) Tribunorum plebis; Ex Lege Julia & Tutia vero in Provinciis, à Præsidibus Provinciarum. *pr. l. b. t.*
- §. 3.* 3. Deinde ex his Legibus tutores pupillis deferunt dari; Et Consules ex inquisitione, posteaque Pratores ex Constitutionibus dederunt. §. 3. l. b. t.
- §. 4.* 4. Postmodum Roma Præfectus Urbi vel Prator secundum suam jurisdictionem, in Provinciis autem Præsides, vel Magistratus jussu Præsidum, si non magna essent pupilli facultates, tutores creaverunt. §. 4. l. b. t.
- §. 5.* 5. Tandem Justinianus Magistratibus Municipalibus, adhibito tamen Episcopo loci aliusve personis publicis, hoc concessit: Non expectata jussione Præsidum: Si modo facultates pupilli non excedant 500. solidos. §. 5. l. b. t. l. 30. C. de Episc. aud.
6. Ex quibus manifestum est, Tutoris dationem jurisdictionis esse non ordinariæ, sed extraordinariæ. l. 6. §. 2. ff. de tutel.
7. Atque ita Tutela vel Testamento defertur, vel Lege, vel à Magistratu.
8. Delata necessario suscipienda est. l. 1. ff. de adm. tut. Nisi quis justam excusationis causam habeat. V. inf. t. de excus. tut.
9. Est enim Tutela munus publicum, non quidem tam utilitate l. 2. §. 5. ff. ad municip. l. 6. §. 15. l. 15. §. 12. ff. de excus. quam auctoritate *pr. l. de excus. tut. l. 9. ff. de his qui sunt sui vel alien. jur. & propter curam publicam. l. 2. §. 2. ff. qui pet. tut.*
10. Ut autem recte suscipiatur, 1. conficiendum Inventarium l. 7. ff. de admin. tut. l. ult. §. 1. C. arb. tut. 11. præstandum jusjurandum Nov. 72. c. ult. 111. satisfaciendum, de quo inf. ad tit. de satisf. tut.
11. Tutela porro recte suscepta debite administranda est, tum quoad personam, tum quoad res pupilli t. 1. ff. de adm. tut. tum quoad negotia ejus, ut ei adsistat auctoritatemque præstet. t. 1. ff. & l. de Auct. præst.
- §. 7.* 12. Ex administratione autem oritur Actio tutela, Directa & Contraria. §. 7. l. b. t.

13. Di.

13. *Directa* datur pupillo, finita tutela, contra tutorem, ad rationes reddendas & reliqua præstanda. l. 4. pr. l. 9. §. 4. ff. de tutel. & rat. redd.

14. *Contraria* vero tutori adversus pupillum, ut servetur indemnis. l. 1. l. ult. ff. de const. tut. act. Uti pluribus videbimus inf. ad tit. de oblig. quæ quasi ex contract.

TIT. XXI.

DE AUCTORITATE TUTORUM.

Auctoritas tutorum, est approbatio negotii, quod à pupillo (non tamen infante §. 9. l. de inut. stip. l. 5. ff. de R. J.) cum extraneo geritur, à præsentis tutore, in ipso negotio, interposita. l. 3. ff. b. l. 25. §. 4. ff. de acq. hered.

2. Auctoritas autem tutoris, in quibusdam causis necessaria est pupillis, in quibusdam non est necessaria. pr. l. b. t.

3. Namque placuit meliorem quidem conditionem licere eis facere, etiam sine tutoris auctoritate; deteriorem vero non aliter, quam cum tutoris auctoritate. d. pr. b. t. l. 28. ff. de pact.

4. Imo licet pupillus pubertati proximus naturaliter se obligare possit. l. 1. ff. de novat. l. 25. §. 1. ff. quand. dies legat. cod. §. 3. l. quib. mod. toll. oblig. Non tamen sine tutoris auctoritate, obligare se potest civiliter. l. 9. pr. ff. b. t. l. 8. ff. de acq. her.

5. Unde neque hereditatem adire, neque bonorum possessionem petere, §. 1. neque hereditatem ex fideicommissio aliter suscipere potest, nisi tutoris auctoritate, quamvis illis lucrosa sit, neque ullum damnum habeat. §. 1. l. b. t. d. l. 9. §. 3. l. 8. ff. de acq. hered.

6. Quod si tamen locupletiores facti sint, vel si obligatio ex re oritur, etiam sine tutoris auctoritate, civiliter obligari possunt l. 1. l. 5. §. 1. ff. b. t. l. 46. ff. de O. & A. Natura enim æquum est, neminem locupletari, cum alterius jactura. l. 14. ff. de condit. indeb. Et hinc etiam est, quod pupillus teneatur contrario tutelæ judicio.

7. Sed quid si contractus sit, qui utrinque obligationem parit? Eo casu contrahentes cum pupillo, pupillo quidem obligantur, sed pupillus ipse non obligatur. l. 13. §. 29. ff. de act. emt. l. 33. ff. pro soc. l. 1. §. ult. ff. commod. Quod non est iniquum. arg. l. 19. ff. de R. J.

8. Tutor autem in ipso negotio, seu statim perfectæ negotio l. 25. §. 4. ff. de acq. hered. præsens, ut omnia intelligat quæ agantur, l. 14. ff. b. t. & expresse debet auctor furi, si hoc pupillo prodesse existimaverit §. 2. l. b. t.

9. *Post tempus vero, vel per epistolam, vel per nuntium, interposita Auctoritas nihil agit. d. §. 2. & proinde Ratihabitio hic non sufficit.*

3. 10. *Sed in rem suam, tutor auctor esse non potest. §. 3. l. b. t. l. 1. l. 7. ff. b. t.* Unde si inter tutorem pupillumque judicio agendum sit, olim Praetorius tutor constituebatur, hodie interim Curator datur. *d. §. 3. l. 3. §. 2. ff. de tutel. l. 1. c. de in lit. dand. tut.*

11. Jure novissimo vero hæc res vix ullam difficultatem parit, cum prohibitum sit, debitorem aut creditorem pupilli, tutorem fieri. *Nov. 72. c. 1. 2. 4. Nov. 94. Auth. Minoris debitor. C. qui dar. tut.*

12. Ubi etiam poena adjecta, ut qui se creditorem pupilli dissimulat, nec se excusat, & abstinere à tutela, sed illam suscipit, jus crediti amittat: Qui vero dissimulat se debitorem pupilli esse, non liberatur, quasi à se ipso exegerit.

13. Quod si tutor, post captam tutelam, pupilli debitor vel creditor fiat, perpetuus curator ei adjungitur. *d. Nov. 72. c. 2.*

TIT. XXII.

QUIBUS MODIS TUTELA FINITUR.

I. Tutela finitur, vel facto hominis per Excusationem, & Suspecti remotionem; vel ipso jure.

2. Et quidem ipso jure, vel modis omnibus Tutela speciebus communibus, vel ad species quasdam tantum pertinentibus.

3. Et aliis quidem omnimodo, aliis non omnimodo.

pr. b. t. 4. *Omnimodo & omnis tutela finitur 1. Pubertate: Pubertas autem in masculis annis xiv. in feminis xii. definita est pr. b. t. l. ult. C. quand. tut. vel cur. esse desin.*

§. 1. 3. 4. 5. 11. *Morte naturali & civili, imo & omni capitis diminutione pupilli. §. 1. 3. 4. l. b. t.* Nemo enim in tutela esse potest, nisi sit Civis & sui juris. *pr. l. de tutel.*

6. *Morte naturali & civili tutoris omnis quidem tutela perit, sed non omnimodo, quamdiu enim impubes est pupillus, alius deinde tutor dandus est.*

§. 4. 7. *Minima capitis diminutione tutoris tantum finitur Legitima Agnatorum tutela. Quia tum non manet proximus in familia §. 4. l. b. t. Quod tamen post Nov. 118. c. 5. usum non habet.*

§. 2. 5. 8. *Tutela Testamentaria in specie finitur, per conditionis vel temporis.*

poris existenciam, si tutor usque ad certam conditionem, vel ad certum tempus in testamento datus sit, §. 2. §. 5. l. h. t.

9. Quod in Tutela dativa locum non habet, cum tutores à Magistratu ita dari non possint. l. 6. §. 1. ff. de tutel. l. 77. ff. de R. J.

TIT. XXIII.

DE CURATORIBUS.

I. Sequitur de Curatione, seu Cura.

2. Curatio est potestas jure constituta, ad administrandas res ejus, qui quoque modo rebus suis superesse non potest.

3. Et masculi quidem puberes, & feminae viri potentes, usque ad xxv. annum completum (ut & postremum momentum elapsum esse oporteat l. 3. §. 3. ff. de minor.) Curatores accipiunt; Quia licet puberes sint, adhuc tamen ejus ætatis sunt, ut sua negotia tueri non possint. pr. l. h. t.

4. Et ideo hodie in hanc usque ætatem adolescentes Curatorum auxilio reguntur, neque ante rei suæ administratio eis committi debebit, quamvis bene rem suam gerentibus. l. 1. §. 3. ff. de minor.

5. Adeo ut ex constitutione D. Marci, omnes adolescentes etiam invitati Curatores accipiant.

6. Nisi tamen quis veniam ætatis impetraverit. Quod conceditur iis, quos morum honestas mentisque solertia commendat; & quidem masculis anno ætatis xx. feminis vero anno xviii. l. 2. C. de his qui ven. æt.

7. Quo casu ipsi res suas administrant. Immobilia tamen alienare nequeunt. l. 3. C. cod.

8. Curator autem datur à Magistratu. Testamento non datur; datus tamen confirmatur Decreto Prætoris vel Præsidis. §. 1. l. h. t.

9. Olim etiam erat Cura quædam Legitima. Furiosi enim & prodigi, (quibus quia neque finem neque modum faciunt expensarum, à Prætoribus bonis interdictum est l. 1. ff. de curat. furios.) etiam majores xxv. annis, in Curatione erant Agnatorum, ex L. xii. Tabb. Certo enim sperabant successionem. §. 3. l. h. t.

10. Sed deinceps Romæ Præfecti Urbi & Prætores, & in Provinciis Præsides, ex inquisitione iis Curatores dare ceperunt. d. §. 3.

11. Non tamen solet Prætor agnatos, si qui sint & habiles præterire. l. 13. ff. de curat. furios. l. 5. C. cod. l. 27. C. de Episc. aud.

12. In eadem causa sunt mente capti, surdi, muti, perpetuo morbo

laborantes, & omnes qui rebus suis superesse nequeunt. §. 4. *l. h. t. l. 12. ff. de tut. dat.* Non cœci, qui rei familiari, si nihil aliud impediatur, præcellere possunt. arg. *l. 1. §. 5. ff. de postul. l. 6. ff. de judic.*

13. Ex dictis differentie inter Tutelam & Curam facile percipiuntur.

I. Tutor principaliter datur personis, Curator rebus.

II. Tutor datur etiam testamento, Curator non item.

III. Tutor datur pupillo, Curator minori adulto & puberi.

14. Licet interdum contingat, ut & Pupilli Curatores accipiant; utputa si tutor non sit idoneus, non si fraudulenter administret; Quo casu ut suspectus removendus est. §. ult. *l. de suspect. tut.* Vel si tutor ad tempus se excuset. Quia habenti tutorem tutor dari non potest. §. 5. *l. h. t. l. 27. ff. de testam. tut. l. 9. C. qui dar. tut. sine nota scil. quadam tutoris.*

15. Cujus tamen regulæ plurimæ sunt exceptiones, v. *l. 21. §. ult. ff. de excus. l. 39. §. 8. ff. de admin. tut. l. 17. de tut. l. 15. de tut. dat.*

6. 6. 16. Quod si tutor adversa valetudine vel alia necessitate impediatur, quominus pupilli negotia administrare possit, & pupillus vel absit vel infans sit, quem velis Actorem (qui & Adjutor tutelæ dicitur in *l. 13. §. 1. ff. de tutel.*) periculo ipsius tutoris, Prator, vel qui Provincie præerit, decreto constituet. §. 6. *l. h. t. d. l. 13. §. 1. de tutel. l. 24. ff. de admin. & peric. tut.*

TIT. XXIV.

DE SATISDATIONE TUTORUM VEL CURATORUM.

I. Actum est de Tutoribus & Curatoribus separatim; sequuntur tria utrisque communia, Satisfactio, Excusatio, & Suspecti remotio.

2. Sed imo & plura Tutoribus Curatoribusque communia sunt.

3. Priusquam enim ad administrationem Tutelæ vel Curæ admittantur, debent 1. & Tutores & Curatores Inventarium facere *l. 24. C. de admin. tut. l. ult. §. 1. C. arb. tut. i. e. Repertorium, seu Legitimam descriptionem omnium bonorum pupilli, vel minoris. l. 7. ff. de admin. tut.*

II. Jurare sese rem ex fide, atque ad utilitatem curæ suæ commissorum, gesturos esse. Nov. 72. c. ult. Auth. Quod nunc generale. *C. de Cur. fur.*

III. Satisfacere.

4. Est autem satisfacere in hac materia, datis fidejussoribus cavere, rem pupilli, vel minoris, salvam fore. *l. 1. & pass. ff. rem pup. salv. for.*

5. Cautionis enim quatuor sunt species. I. Juratoria. II. Nuda repositio. §. 2. *l. de satisf. Rubric. ff. qui satisf. cog.* III. Satisfactio in specie
hic

sic dicta, quæ sit datis fidejussoribus. l. 1. ff. qui satisd. cog. d. §. 2. l. de satisd. iv. Ea quæ sit datis pignoris. l. 1. §. 9. ff. de collat. quæ tamen sub satisfactione aliquando continetur. l. 21. §. f. ff. de constit. pec. d. §. 2. l. de satisd. d. rubr. ff. qui satisd. cog.

6. Sed pignora hic non sufficiunt, cum quia Satisfactio hæc est Prætorial. l. 7. ff. de stip. præ. tum quia hic cavetur de eo quod interest, quod est incertum. l. 24. ff. de R. J. l. 13. ff. rem. rat. hab. add. d. l. 1. §. 9. ff. de collat.

7. Non tamen omnes satisfiant: Nam Tutores testamento dati satisfacere non coguntur, quia fides eorum & diligentia ab ipso testatore approbata est. pr. l. h. t.

8. Quod & verum est in confirmatis ex testamento. l. 3. ff. de confirm. tut. Paternum enim testimonium pro satisfactione sufficit. l. 7. §. 5. C. de Cur. furios.

9. Neque ex Legitimis satisfacere solet Patronus l. 5. §. 1. ff. de legitim. tut. neque pari ratione Pater. arg. t. l. de legitim. par. tut.

10. Item ex inquisitione tutores vel curatores dati, satisfactione non onerantur; quia idonei electi sunt. d. pr. l. h. t. l. 8. ff. de curat. furios. Fides enim inquisitionis cedit pro vinculo cautionis. l. 13. in f. ff. de tut. dat.

II. Quod si tamen hoc agatur, ut unus è pluribus tutoribus administret, fieri potest, ut Testamentarii & ex inquisitione dati, etiam satisfacere cogantur; si scilicet, unus offerat satisfactionem, vel administrationem alteri, si satisfacere velit §. 1. l. h. t. add. l. 3. §. 6. ff. de adm. tut.

12. Sed si dividere tutelam velint, audiendi sunt. l. 3. §. pen. & ult. & l. seq. ff. de adm. tut.

13. Ut & si omnes velint satisfacere, l. 17. pr. ff. de testam. tut. Ut tamen eo casu maxime idoneum Prætor ex causa possit eligere. l. 18. ff. eod.

14. Ne vero Pupilli & Minores quovis modo damnum patiantur, variis remediis eis porro prospectum est.

15. Et quidem i. Actione Tutela directa (de qua supra ad t. de Attil. tut. §. 11.) contra Tutores, & utili contra Curatores. Rubr. ff. de tut. & ration. redd.

ii. Actione ex stipulatu contra fidejussores. pr. l. de V. O.

iii. Actione Hypothecaria; Omnia enim bona tutorum curatorumque, pupillis & minoribus tacite pignori sunt obligata. l. 20. C. de adm. tut. Nov. 118. c. 5. in fin.

iv. Actione subsidiaria. §. 2. l. h. t.

v. Restitutio in integrum, de qua v. t. t. ff. de Minor.

§. 2. 4.

16. Est autem *Actio subsidiaria*, *Actio personalis* competens pupillo & minori, contra Magistratus minores eorumque heredes, quoties vel nullo modo, vel non idonee caveri curarunt, ad id, quod ob tutorum, curatorum, fidejussorumve inopiam, ab iis, pupillus minorve servare non potuit. §. 2. 4. l. h. t.

17. *Subsidiaria* vocatur, quia in subsidium pupillis & adultis datur, excussis prius administratoribus eorumque fidejussoribus. l. 4. §. C. de Mag. conv. l. 46. §. pen. ff. de adm. tut.

18. Tantum datur contra Magistratus minores, non majores d. §. 4. l. h. t. & in heredes eorum ita extenditur, ut non nisi ex dolo & lata culpa defuncti teneantur. l. 4. ff. l. 2. C. de Mag. conv.

TIT. XXV.

DE EXCUSATIONIBUS TUTORUM VEL CURATORUM:

I. Cum Tutela sit munus publicum pr. l. h. t. inviti Tutores Curatoresve esse coguntur. l. 1. ff. de adm. tut. Et hinc si quis hoc munus deprecari velit, debet sese legitime excusare.

2. Est autem *Excusatio*, *iusta causa allegatio*, propter quam quis tutela vel cura munus deprecatur.

3. Ut vero iuste se quis excuset, requiritur 1. Ut hoc faciat *ex iusta causa*. II. *Modo*. & III. *Tempore legitimo*.

4. *Causa* excusationum memorantur hoc titulo varix.

pr. h. t.

5. I. *Numerus liberorum*. Si quis enim tres liberos superstites Roma quis habeat, vel in Italia quatuor, vel in Provinciis quinque, à tutela vel cura potest excusari, exemplo ceterorum munerum personalium. pr. h. t.

6. Munera enim alia *Publica* sunt, alia *Privata*; Et *Publica* quidem alia sunt *Utilitate*, alia *Auctoritate*. vid. supr. ad 1. de Attil. tut. §. 9. II. *Alia Realia* seu *Patrimonialia*, alia *Personalia*. v. l. 1. ult. ff. de muner.

7. A *Muneribus* autem *Realibus* seu *Patrimonialibus* numerus liberorum non excusat. l. 2. §. 1. 4. l. 10. & seq. ff. de vacat. Mun. Nisi Major esset, puta xvi. l. 5. §. 2. ff. de jur. immun. aut saltem xii. l. 24. C. de Decur. Ubi tamen numerum corrigendum esse & mutandum in xvi. statuit Cujacius.

8. Sed ut numerus liberorum excuset à tutela, debent liberi esse *naturales*; (Adoptivi non profunt d. pr. l. h. t. add. l. 76. ff. de cond. & dem.) *Legitimi*, l. 2. §. 3. ff. h. t. *Superstites* & *incolumes*. l. 2. §. 5. ff. de vacat. mun. d. l. 2. §. 4. ff. h. t.

9. Nisi

9. Nisi tamen in acie amissi sint. l. 18. ff. b. t. junct. l. ult. ff. de vac. mun. Hi enim qui pro Rep. ceciderunt, in perpetuum per gloriam vivere intelliguntur. pr. in fin. l. b. t.

10. ii. *Administratio Rei Fiscalis*. §. 1. l. b. t. vel etiam Rei privatæ §. 1. Principis. l. 41. ff. b. t. Qua ratione etiam excusantur Exactores Tributorum. l. 10. C. b. t. Coloni Patrimoniales l. ult. C. qui dar. tut. Omnesque quibus Princeps curam alicujus rei injunxit. l. 22. §. 1. l. 30. ff. b. t.

11. iii. *Absentia Reip. causa* §. 2. l. b. t. l. 41. §. 2. ff. cod. v. l. 32. l. §. 2. 38. ff. ex quib. caus. maj.

12. Sed Absentia hæc ita excusat, ut si quis jam sit tutor, & abesse coeperit, excusetur quamdiu abest. Si autem absens ad novam tutelam vocetur, reversus anni habeat vacationem d. §. 2. l. 10. pr. l. 45. ff. b. t.

13. iv. *Potestas major*. §. 3. l. b. t. quam non habent Ediles. l. 17. §. 4. ff. b. t. Habent tamen οἱ στρατηγοὶ τῶν πόλεων i. e. Magistratus civitatum. l. 6. §. 16. add. l. 15. §. 9. ff. cod.

14. Qui vero jam se miscuerunt administrationi, excusare se propter potestatem postea adeptam non possunt. d. §. 3. l. b. t. l. 17. §. 5. ff. cod.

15. v. *Tria onera tutelæ vel cura non affectata*. §. 5. l. b. t. neque tenuissimæ; l. 15. §. 15. ff. b. t. Quæ & excusant, licet in ejusdem patrisfam. domo sint, dummodo spectent ad periculum patris. l. 4. §. ult. l. 5. ff. b. t.

16. Non tamen numerus pupillorum, sed separatio Patrimoniorum l. 3. ff. b. t. & difficultas rationum reddendarum, considerata. l. 31. §. ult. ff. cod. Unde & una Tutela sufficit, si diffusa sit. d. §. ult.

17. vi. *Paupertas*. §. 6. l. b. t. l. 7. l. ult. l. 40. §. 1. h. t. Si scil. tanta sit, ut quotidiana opera victum quis quærere cogatur, & tutelæ gerendæ impar sit. dd. ll.

18. vii. *Adversa valetudo*; propter quam ne suis quidem negotiis quis superesse potest. §. 7. l. b. t. l. 10. in f. l. 40. l. pen. §. ult. ff. b. t. l. un. C. qui morb.

19. viii. *Imperitia liberarum*. §. 8. l. b. t. l. 3. §. 2. ff. de accus. l. 21. l. §. 2. 30. C. de testam. Propter difficultatem conficiendarum & reddendarum rationum, Quod si ergo modica sit tutela, hæc excusatio non est recipienda; ita accip. l. 6. §. ult. ff. b. t.

20. ix. *Major ætas*; scil. annorum lxx. quos implevisse oportet. §. 13. l. b. t. l. 2. ff. b. t. l. 3. ff. de jur. immun. Et ita numerus in l. ult. C. qui atat. vel Prof. (ut scil. pro xv. legamus lxx.) restituendus; Uti ex ipso textu apparet.

- §. 15. 21. x. *Professio Artium Liberalium* §. 15. l. b. t. v. l. 6. §. 1. & seqq. ff. b. t. l. 6. C. de Prof. Quia Juventutem informantes, utilitati publicæ inserviunt, aliisque rebus vacare nequeunt.
22. Dummodo i. has artes exercent in Patria. d. §. 15. l. 6. §. 9. n. I. b. t. n. Sint intra numerum. l. 6. §. 2. & seq. ff. b. t. & n. bene sedulo- que munere suo fungantur. l. 2. l. 8. C. de Prof. l. 6. §. 6. ff. b. t. l. n. §. 3. ff. de mun. & bon.
- §. 18. 23. xi. *Tutela ante gesta; qua excusat à Cura.* §. 18. l. b. t. l. 20. C. b. t. Exceptio est in liberto, quem Patronus liberis suis tutorem curato- remque dedit. l. 5. C. b. t. v. l. 14. §. 3. l. 24. ff. b. t.
24. Sunt etiam quidam, qui excusatione non indigent, cum ne qui- dem volentes tutores vel curatores esse possint.
- §. 4. 9. 25. Quales sunt, qui litem cum pupillis habent super omnibus bonis
11. 12. vel maxima bonorum parte §. 4. l. b. t. junct. l. 20. l. 21. ff. cod. Inimici Ca-
13. 14. pitales, si reconciliatio non intervernerit §. 9. n. 12. l. b. t. l. 6. §. 17. ff. cod.
19. l. 3. §. 12. ff. de susp. tut. Minores xxv. annis §. 13. l. b. t. Milites §. 14. l. b. t. l. 4. C. qui dar. tut. Mariti §. 19. l. b. t. Luminibus capti, surdi, muti, furiosi, nec non perpetua valetudine tenti. l. un. C. qui morb. se ex-
cus. Qui omnes improprie se excusare dicuntur.
- §. 20. 26. Qui autem se excusare volunt, falsis allegationibus uti non debent: Cateroquin non tantum non liberantur onere tutelæ. §. 20. l. b. t. l. i. l. ult. C. si tut. fals. alleg. sed & periculum administrationis, ex eo tempore, ex quo dati sunt, ad eos pertinet *dd. ll.*
- §. 17. 27. *Modus excusandi in eo est.* 1. Ut quis se excuset à tota tutela, non pro parte patrimonii. §. 17. l. b. t. l. 21. §. 2. ff. b. t. ubi & exceptio.
- §. 16. 28. n. Ut si plures habeat excusationes, omnibus quidem uti possit, §. 16. l. b. t. l. 21. §. 1. b. t. (Est enim excusatio species exceptionis, & proinde defensionis. v. l. 5. l. 8. ff. de except. l. 43. ff. de R. J.) omnes tamen statim nominare necesse habeat. l. 13. §. 8. ff. b. t.
29. n. Ut à datione seu nominatione non statim appellet, quod ante constitutionem D. Marci licebat, sed deinum à reiectione causæ. d. §. 16. l. i. §. 1. ff. quand. appell.
30. *Tempus excusationi proponende constitutum est quinquaginta die- rum continuorum* d. §. 16. l. 13. §. 1. & seq. ff. b. t. peragendo vero negotio quatuor mensium. l. 38. ff. cod.
31. Qui quatuor menses currunt à die nominationis, si statim sciverint se nominatos esse d. l. 38. cateroquin haud dubie, quemadmodum &

L. Dies, ex quo cognoverint se tutores vel curatores datos esse, i. e. ex tempore notitiæ. d. §. 16. l. b. t.

32. Hæc vera sunt si tutor datus habitet *intra centesimum lapidem* i. e. Miliare, *ab eo loco ubi tutores dati sunt*. Si enim ultra centesimum lapidem habitet, singulis diebus absolvet iter xx. Milliarium, i. e. x. circiter horarum, & insuper habebit xxx. dies; Qui tamen sic debent computari, ne minus sint quam L. dies. d. §. 16. l. b. t. l. 13. §. 1. & seqq. ff. b. t. l. 3. ff. de V. S.

33. Excusare autem se possunt omnes *cujuscunque generis sint, id est qualitercunque dati fuerint tutores*, sive Testamento, sive à Lege, sive à Magistratu. d. §. 16. l. b. t. l. 3. §. 8. ff. de Legis. Tut. l. i. C. eod. l. 9. C. qui dar. tut.

TIT. XXVI..

DE SUSPECTIS TUTORIBUS VEL CURATORIBUS:

I. **S**uspectus est qui non ex fide tutelam gerit. §. 5. l. b. t. & qui moribus §. 5. 12. talis est, ut sit suspectus §. 12 l. b. t.

2. Non tantum enim qui fraudulenter, sed & qui negligenter, neque ea solitudine qua oportet, tutelam gerit, suspectus est. l. 3. §. 5. ff. junct. §. ult. l. b. t. l. 5. C. eod.

3. Sola autem paupertas, neminem, si modo fidelis & diligens est, suspectum facit. d. §. ult. d. l. 5.

4. Potest tamen ei curator adjungi si substantia pupilli periclitetur l. 6. C. b. t. aut removeri ex eo capite, quod non satisdet. l. 2. C. qui sat. non. ded.

5. Suspecti crimen autem i. e. accusatio l. 7. ff. de accus. ex Lege XII. pr. Tab. descendit. pr. l. b. t. l. 1. §. 2. ff. eod.

6. Jus removendi tutores suspectos, & de iis cognoscendi, datum est Romæ Prætori, in Provinciis Præsidi, & Legato Proconsulis §. 1. l. b. t. Vi ordinariæ Jurisdictionis. l. 1. §. 3. 4. l. 4. ff. de off. ejus cui mand. est jurisd.

7. Omnes tutores tanquam suspecti accusari possunt. §. 2. l. b. t. l. 1. §. 5. ff. b. t. Legitimis tamen potius Curator adjungendus est. l. 9. ff. b. t. Famæque Parentis & Patroni semper parcendum. d. §. 2. l. 5. §. 1. l. 9. ff. de obseq. par. & patr. præt.

8. Suspectos accusare possunt omnes, etiam mulieres; quod hic in §. 3. favo-

favorem pupilli receptum. §. 3. l. b. t. Cum ceteroquin mulieres ad accusandum non admittantur. l. 1. l. 2. ff. de accus. l. 12. C. Qui acc. non poss. l. 12.

- §. 4. 9. Impuberes tamen non possunt tutores suos suspectos postulare §. 4. l. b. t. l. 7. pr. ff. b. t. quia non est tantum eorum animi iudicium, ut perpendere possint, an quid fraudulentè, an quid segniter geratur? quod perpendi oportet. l. 5. C. b. t. Sufficit etiam alios admitti, ipsumque Præto-
torem ex officio eos repellere posse. l. 3. §. 1. in f. §. 4. ff. b. t.

10. Puberes autem curatores suos, ex consilio necessariorum, suspectos possunt arguere. d. §. 4. d. l. 7. pr. quia eorum iam majus est animi iudicium.

- §. 7. 11. Effectus accusationis est, 1. quod accusato administratio interdicitur, quoad finiatu cognitio. §. 7. l. b. t. l. 7. C. eod.

- §. 9. 12. II. Quod si tutor ideo accusatus sit, quia copiam sui non facit, ut alimenta pupillo decernantur, (quæ decernuntur à Præto-
re pro quantitate patrimonii pupilli, quam tutor profiteri debet l. 3. ff. ubi pup. educ. deb.) interim pupillus in possessionem bonorum ejus mittatur, & quæ mora deteriora futura sunt, distrabantur. §. 9. l. b. t. l. 3. §. 14. l. 7. §. 2. ff. b. t. Cum aliis creditoribus prima missio custodiam tantum concedat. l. 12. ff. quib. ex caus. in poss.

13. III. Quod si suspectus reperiatur, removeatur. Quæ remotio fit vel simpliciter, vel ita ut simul pœna infamæ, vel corporalis infligatur.

- §. 6. 14. Famulus sit remotus ob dolum vel latam culpam (quæ pro dolo habetur, l. 226. de V. S. l. 8. §. 3. de pree. l. 1. §. 5. ff. de O. & A. l. 32. ff. de pos. etiam in famosis. l. 11. §. fin. ff. de his qui not. infam. nec non in hac ipsa materia l. 7. §. 1. ff. b. t. licet non semper in criminalibus l. 7. ff. ad L. Corn. de Sicar.) non vero ob culpam levem. §. 6. l. b. t.

- §. 10. 15. Pœna corporalis locum habet. 1. Si tutor per mendacium negat, propter inopiam, alimenta posse decerni. Quo casu non tantum, tanquam suspectus, removeri potest, sed etiam pœna corporali puniendus, ad Præfectum Urbis remittendus est. §. 10. l. b. t. ita accip. l. 3. §. 15. ff. b. t.

16. II. Si quis data pecunia ministerium (vel corruptis ministris i. e. ministris Prætoris, uti legitur in d. l. 3. §. 15.) tutela acquisiverit, vel redemerit. d. §. 10. l. b. t.

- §. 11. 17. III. Si libertus tutelam filiorum vel nepotum Patroni sui, fraudulentè gessisse probetur. §. 11. l. b. t. l. 2. ff. cod.

- §. 8. 18. Si vero tutor vel Curator ante sententiam decesserit, extinguitur suspecti cognitio. §. 8. l. b. t. Idem est si & aliis modis tutela finita sit. l. pen. l. 1. C. eod. Accusatione enim suspecti id tantum agitur, ut tutor removeatur, cum autem aliter remotus est, ut tutelæ judicio agi possit, cessat suspecti accusatio. l. 3. §. 6. ff. b. t.

l. 12.

LIB. II. TIT. I.

DE RERUM DIVISIONE, ET ACQUIRENDO IPSARUM DOMINIO.

1. Sequitur de *Rebus* pr. *I. b. t.* Quod secundum Juris objectum vocatur *pr. b. t.*
 ri solet.

2. *Rei* verbum generale est *l. 1. in f. ff. de reb. cred.* sed hic significat quicquid est extra *Personas & Actiones.*

3. *Res* autem vel sunt in *Patrimonio*, vel extra *Patrimonium*. pr. *I. b. t.*

4. *Res* quæ in *Patrimonio* sive in bonis sunt, sunt omnes quæ vel per actionem peti, vel per exceptionem retineri possunt. *l. 52. ff. de A. R. D.* Proinde & *Obligaciones*, *l. 49. ff. de V. S.* *Servitutes*. *l. 5. §. 9. ff. de nov. op. nunc.* aliæque incorporalia.

5. Tertium genus rerum, lex *1. ff. de Usu & Usufr. Legat.* non prohibet; de jure enim constituendo, non constituto ibi agitur.

6. Divisio illa prima per aliam explicatur, quod scilicet *Res* sint vel *Communes*, vel *Publicæ*, vel *Universitatis*, vel *Nullius*, vel *Singulorum*. d. pr. *I. b. t.*

7. *Res Communes* sunt, quæ quoad proprietatem nullius sunt, quoad usum omnium hominum. *l. 14. ff. de A. R. D.* Uti aer, aqua proficiens, mare, & per hoc littora maris, §. 1. 5. *I. b. t.* §. 1. 5.

8. Mare enim cum occupari non possit, in nullius etiam *Dominium* redigi potest. arg. *l. 1. §. 1. ff. de acq. vel am. poss.* Nisi forte exigua sui portione in fundum privatum admissa; ita cap. *l. 14. ff. de injur.* aut jactis in mare molibus. *l. 2. §. 8. ff. ne quid in loc. publ.*

9. Est autem *Littus maris*, quatenus hybernus fluctus maximus excurrit. §. 3. *I. b. t.* *l. 96. l. 112. ff. de V. S.* §. 3.

10. *Res Publicæ* sunt, quæ quoad proprietatem sunt alicujus Populi vel privati, quoad usum omnium eorum, qui sunt de illo Populo: Uti flumina perennia, portus, ripæ. §. 2. §. 4. *I. b. t.* §. 2. 4.

11. Quæ à *Rebus Communibus* omnino sunt diversæ; licet generaliter hoc vocabulo accepto, *Res communes* etiam *Publicæ* vocari possint, & aliquando vocentur §. 5. *I. b. t.* *l. 14. ff. de A. R. D.* §. 5.

12. Quod vel maxime ex eo apparet, quia ripæ etiam sunt *Publicæ*, cum tamen proprietas eorum sit, qui proxima habent prædia. d. §. 4. *I. b. t.* *l. 30. §. 1. ff. de A. R. D.*

13. Est autem *Ripa*, id quod flumen continet cum est plenissimum, naturalem sui cursus rigorem tenens. *l. 1. §. 5. l. 3. §. 1. ff. de flum.* Neque solum labrum intelligimus, sed omne id, unde à plano incipit vergere ad flumen. *l. 3. §. 2. ff. de flum.*

14. *Portus est conclusus locus in mari aut flumine, quo importantur merces & inde exportantur. l. 59. ff. de V. S.*

15. *Sic Statio locus est, ubicunque naves tuto stare possunt. l. 1. §. 13. ff. de sum. Quæ, si conclusi atque munita est, à portu non differt. d. l. 59.*

§. 6.

16. *Res Universitatis sunt quæ quoad proprietatem sunt Universitatis, vel Collegii Corporisve liciti, quoad usum omnium eorum qui sunt de Universitate. Uti ibeatra, stadia, & his similia. §. 6. l. b. t.*

17. *Universitas, seu Collegium est Corpus hominum, quod neque Libera Resp. est, neque familia. Ad quod constituendum ad minima tres requiruntur l. 85. ff. de V. S. sed conservandum unus sufficit. l. 7. §. 1. ff. quod cuiusque Univerf. nom.*

18. *Res Nullius dicuntur variis modis i. Censura. §. 7. l. b. t. ii. Fæcto. §. 17. & 46. l. b. t. iii. Natura. §. 12. & 22. l. b. t. iv. Tempore §. 39. l. b. t. v. Casu. l. 1. ff. de R. Div.*

§. 7.

19. *Quæ Censura nullius dicuntur, sunt ita nullius, ut non possint fieri alienius, unde & Divini Juris dicuntur. l. 1. ff. de R. D. §. 7. l. b. t. Quales sunt Res Sacra, Religiosa, & Sancta. d. l. 1. d. §. 7.*

§. 8.

20. *Sacra res sunt, quæ rite per Pontifices Deo consecrata sunt, veluti Fides Sacra & Donaria, quæ rite ad ministerium Dei dedicata sunt. §. 5. l. b. t. l. 6. §. 3. l. 9. ff. de R. D.*

21. *Quæ alienari non possunt d. §. 8. Nisi i. Redimendorum captivorum gratia. d. §. 8. ii. Pauperum aleendorum. l. 21. C. de SS. Ecclef. & iii. Debitorum Ecclesie solvendorum gratia, in casu necessitatis Nov. 120. c. 10.*

§. 9.

22. *Locus Religiosus est Sepulchrum. Religiosum enim locum unusquisque sua voluntate facit, dum mortuum inserit in locum suum. §. 9. l. b. t.*

23. *Locus ergo Religiosus non fit consecratione, aut verbis solennibus. l. 2. §. 5. ff. de relig. Neque Cenotaphium locus religiosus est, licet quidam dissenserint. l. 6. §. ult. l. 7. ff. de R. D. l. 42. ff. de religiof.*

24. *Totum tamen Cadaver inferri non est necesse; sufficit si caput illatum sit. l. 44. ff. de relig.*

25. *Hæc autem ita vera sunt, si quis mortuum inferat in locum suum. 26. Si enim locus alienus est, requiritur consensus Domini, vel ejus ratihabitio d. §. 9. l. b. t. l. 60. ff. de R. J. Imo licet usufructus tantum alienus sit, consensus usufructuarii necessarius est. d. §. 8.*

27. *Si tamen in alienum locum mortuus illatus sit, Domino propria auctoritate non licet cadaver effodere. l. 8. ff. de relig. Sed actionem in factum contra inferentem habet, ad hoc ut cadaver tollat, vel loci pretium præstet. l. 7. pr. ff. cod.*

28. *Res Sanctæ sunt, quæ Sanctione quadam, adversus violationem hominum, munitæ sunt. Veluti muri & porta civitatis.* §. 10. l. 1. b. t. l. 8. pr. ff. de R. D. §. 10.

29. *Pœna enim capitis constituta est in eos, qui aliquid in muros deliquerint.* d. §. 10. l. ult. ff. de R. D.

30. *Quod & verum est in vallo in castris.* l. 3. §. 17. ff. de re milit.

31. *Et non tantum quoad muros Urbis Romæ, sed & Municipiorum locum habet.* l. 8. §. 1. ff. de R. D. add. l. fin. C. de temp. in int. restit. vers. *Ex differentia locorum &c.*

32. *Res Singularum sunt, quæ sunt in bonis vel Patrimonio.*

33. *Sunt autem res nostræ duplici jure, Jure scilicet. In re, & Ad rem.* c. 8. de concess. præb. c. 40. de præb. in 6.

34. *Jus In re est, quo res nobis obligata est. Quod producit actionem in rem, contra omnem ordinario rei possessorem.* l. 25. pr. ff. de O. & A.

35. *Juris in re constitui possunt species quinque.* 1. *Dominium* §. 4. l. de usufr. l. 23. ff. de R. V. l. 19. ff. de damn. infect. l. 8. §. 1. C. de præscr. 30. vel 40. ann. Et *Jus Dominio proximum*, Jus scilicet. Emphyteuticos, & Superficieci. l. 1. §. 1. ff. si ager veltig. esse dicat. l. 1. 2. 3. C. de jur. emph. l. 12. C. de fund. patrim. l. 1. §. 1. ff. de superfic. junct. l. 73. §. 1. l. 74. l. 75. ff. de R. V. l. 19. pr. ff. de damn. infect. Quod vulgo *Dominium utile* vocari solet.

11. *Hereditas.* l. 9. & 19. pr. ff. de hered. pet. l. 1. §. f. ff. si quadr. paup. sec. dic. l. 6. ff. de relig.

111. *Servitus.* §. 2. l. de Act. l. 13. §. 1. l. 19. ff. de damn. inf. l. 30. ff. de noxal. act.

1V. *Pignus.* d. l. 30. ff. de noxal. act. d. l. 19. ff. de damn. infect.

v. *Possessio.* §. 3. 4. l. de Interdict. l. 2. ff. uti possidet. l. 3. §. 12. ff. ad exhib. junct. l. 1. ff. cod. l. 5. §. 1. ff. ad L. Jul. de vi publ.

36. *Jus dotis* necesse non est sepe ratum facere speciem *Juris in re*, cum maritus eo stante matrimonio dotis sit Dominus pr. l. quib. alien. lic. l. 13. §. 2. ff. de fund. dot. l. 7. §. 3. ff. de jur. dot. l. 9. C. d. R. V. §. 40. l. b. t.

37. *Jus ad rem* (scilicet. dandam, faciendam, vel præstandam. v. l. 3. ff. de O. & A.) est, quo persona nobis obligata est. Quod producit *Actionem in personam*, ad verum obligatum, non alium. d. l. 25. ff. de O. & A. Vocaturque uero nomine *Obligatio*.

38. *Modi acquirendi alii sunt Juris Gentium, alii Juris Civilis.* §. 11. l. b. t.

39. *Modi acquirendi Juris Civilis sunt vel Universales, vel Singulares.* §. ult. l. per quas person. cuique acq. §. 11.

40. *Universales* sunt potissimum quatuor. i. *Hereditatis acquisitio*, ex Testamento, vel ab Intestato. ii. *Bonorum possessio*. iii. *Arrogatio*. iv. *Addictio bonorum libertatum conservandarum gratia*. d. §. ult.

41. *Singulares* similiter sunt quatuor. i. *Usucapio*. ii. *Donatio*. iii. *Legatum*, & iv. *Fideicommissum Singulare*.

42. *Modi acquirendi Juris Gentium* proponuntur. h. t. sex. i. *Occupatio*. §. 12. 13. 14. 15. 16. 17. 18. 39. 46. l. b. t.

ii. *Accessio*. §. 19. 20. 21. 22. 23. 26. 29. 30. 31. 32. 33. l. b. t.

iii. *Specificatio*. §. 25. l. b. t.

iv. *Confusio*. §. 27. l. b. t.

v. *Fructuum perceptio*. §. 35. l. b. t.

vi. *Traditio*. §. 40. & seqq. l. b. t.

43. Qui licet ad pauciores & quidem maxime commode ad duos, *Apprehensionem* & *Vim rei nostræ seu Accessionem* revocari possint, satius tamen est, sequi enumerationem & ordinem Imperatoris.

44. *Occupatio est apprehensio rerum quæ nullius sunt, cum animo sibi habendi*. l. 3. §. 3. ff. de acq. vel am. poss. l. 3. ff. de A. R. D.

45. Per res nullius hic intelliguntur istæ, quæ nullius sunt natura. §. 12. & 22. l. b. t. factio. §. 17. & 46. l. b. t. & tempore. §. 39. l. b. t. non aliæ.

46. *Species Occupationis* sunt i. *Venatio*. ii. *Occupatio in bello*. iii. *Inventio*.

47. *Venatio* iterum est i. *Venatio in specie* sic dicta ii. *Aucupium*. iii. *Piscatio*.

§. 12. 48. Fere igitur bestie & volucres & pisces, & omnia animalia, quæ mari cælo & terra nascuntur, simul atque ab aliquo capta fuerint, jure gentium statim illius esse incipiunt. Quod enim ante nullius est, id naturali ratione occupanti conceditur. §. 12. l. b. t. l. 1. §. 1. ff. de A. R. D.

49. Non distinguitur, an in suo fundo quis capiat, an alieno? d. §. 12. dummodo fera non sint in vivariis, vel pisces in piscinis. l. 3. §. 14. ff. de acq. vel am. poss.

50. Dominus tamen fundi alieni prohibere potest, ne quis ingrediat. l. 16. ff. de S. P. R. Et si quis contra fecerit, habet contra eum actionem injuriarum. l. 13. §. ult. ff. de injur.

§. 13. 51. *Vulneratio* autem animalis non sufficit, sed occupatio requiritur; siue manu fiat, siue instrumento. §. 13. l. b. t. l. 55. ff. de A. R. D.

52. Uti neque semel occupasse sufficit, si iterum evaserit, & difficilis sit ejus persecutio. d. §. 12. circ. fin. l. 3. §. 2. ff. de A. R. D.

53. *Occupare* vero ita tantum licet feræ bestias,

54. Mansuetas non aliter, quam si animum redeundi deposuerint. §. 15.
§. 15. l. b. t.

54. Mansueta animalia, cum plerumque sint in dominio, occupare §. 16.
non licet; & si quis occupaverit lucrandi animo, furtum committit; uti
de gallinis loquitur Imp. in §. 16. l. b. t. l. 5. §. 6. l. 44 ff. de A. R. D.

56. Occupatio bellica est, cum quis occasione belli quid capit ab ho-
stibus.

57. Quae enim ex hostibus capimus, Jure Gentium, statim nostra fi- §. 17.
unt. §. 17. l. b. t. l. 5. §. ult. l. 7. pr. ff. de A. R. D. Sive mobilia sint, live
immobilia.

58. Res hostium enim nobis loco rerum nullius sunt. l. 1. §. 1. ff. de
acq. vel am. poss.

59. Et hinc, si quidem extra actum belli publicum singuli quid capi-
unt, sibi capiunt.

60. Si vero in ministerio & actu belli publico, quia tunc tanquam
ministri capiunt; arg. l. 53. ff. de A. R. D. l. 1. §. 20. ff. de acq. vel am. poss.
ei acquirunt cujus auspiciis bellum geritur.

61. Unde praeda & ager ex hostibus captus publicantur, & qui prae-
dam sine consensu publico surripiunt, peculatus rei sunt, l. pen. ff. ad L. luth.
pec. l. 20. §. 1. ff. de capt.

62. Quae species occupationis omnino iusta est, si modo bellum ju-
stum sit.

63. Est autem tale hoc loco & jure nostro, quod nobis Populus
aliquis liber, vel nos isti rite decrevimus & indiximus. l. 24. ff. de capt. &
possi. rev. l. 118. ff. de V. S.

64. Subditorum enim, An vere bellum iustum sit? non est inquire-
re; Cum hoc sit permittendum conscientiae ejus, cujus auspiciis bellum ge-
ritur.

65. Inventio est apprehensio rerum quae nullius sunt, vel alicujus esse
desierunt.

66. Per res, quas nullius esse diximus, eas etiam intelligimus, quae ta- §. 18.
les sunt natura, quales sunt lapilli, gemmae, & reliquae quae in littore ma-
ris inveniuntur. §. 18. l. b. t. ab aliis nondum occupata. l. 3. ff. de R. D. l. 1.
§. 1. ff. de acq. vel am. poss.

67. Res quae Dominum habere desierunt, sunt *Thesaurus* & res pro
Derelicto habita, seu tempore & facto nullius.

68. *Thesaurus* hic est vetus quadam depositio pecuniae, cujus non ex-

iat memoria, ut jam dominum non habeat. l. 31. §. 1. ff. de A. R. D. l. un. C. de Theaur.

69. Non autem indistincte *Thesaurus* cedit *Inventori*.

§. 39.

70. Si quis enim in loco suo invenerit, sive fortuito sive data opera, *Thesaurus* rotus *Inventoris* fiet. §. 39. l. h. t. Dummodo tamen absint artes magicae, d. l. un.

71. Et quidem secundum *naturalem aequitatem* d. §. 39. tum quia nullus erat, tum quia à majoribus creditur depositus.

72. Neque interest, an proprius fundus religiosus sit, an profanus? d. §. 39. dummodo in loco religioso proprio, casu fortuito, non data opera, inventus sit.

73. Quod si locus religiosus publicus sit, de quo agitur in l. 3. §. pen. ff. de jur. fsc. (ubi pro *vel publicis religiosis*, leg. *vel publicis religiosis*.) aliud juris est.

74. Nam si quis *Thesaurum* in loco alieno invenerit, sive privato, sive publico Cæsaris vel Fiscali, *Thesaurus* dimidijs *Inventoris* est, dimidijs alterius. d. §. 39. d. l. un.

75. Ratio autem quare hic *Inventor* pro dimidia tantum parte fiat dominus, cum ceteræ res nullius totæ cedant occupanti, hæc est; Quod *Theauri* non vere sint nullius, revera enim dominum habent heredem scilicet deponentis, sed propter incertitudinem pro talibus habeantur. Itum proinde est in mediam sententiam.

76. Sed debet in alieno *Thesaurus* inventus esse, non data ad hoc opera, sed fortuito. d. §. 39.

77. Et si *Inventor* partem ad Fiscum pertinentem suppresserit, rotum cum altero tanto cogitur solvere. l. 3. §. ult. ff. de jure fsc.

§. 46.

78. *Res pro derelicto habita est, quam Dominus ea mente abiecit, ut in numero rerum suarum esse nolit.* §. 46. l. h. t.

79. Qualis cum statim definat esse in dominio, l. 1. l. 2. §. 1. ff. pro derelict. cedit primum occupanti. d. §. 46. l. 1. l. 5. §. 1. ff. pro derel.

80. Sed pro derelicto non censentur habitæ res, *qua in tempestate levande navis causa ejiciuntur.* Hæ enim dominorum permanent, quia palam est, eas non eo animo ejici, quod quis eas habere nolit, sed quo magis cum ipsa navi maris periculum effugias. d. §. 47. l. h. t. l. 9. §. ult. ff. de d. R. D. l. 2. §. f. l. 8. ff. ad L. Rhod. de jact.

81. *Qua de causa si quis eas fluctibus expulsas, vel etiam in ipso mari nactus, lucrandi animo abstulerit, furtum committit.* d. §. 47. l. 43. §.

4. 66

4. *U seqq. §. pen. ff. de furt.* Secus si animo restituendi, d. l. 43. §. 7. *U. d. §. pen.*

82. Plane si jactus sit spontaneus, res ejecta pro derelicto habita censetur. d. l. 43. §. pen.

83. Eadem causa est bonorum naufragorum, quæ similiter Dominorum permanent, l. 1. C. de naufr. Auth. Navigia, C. de furt. neque ex iis quicquam fisco conceditur. d. l. 1. C. de naufr.

84. Sic & ea quæ de rheda currente, non intelligentibus Dominis, cadunt d. §. 47. aut iter facientibus excidunt in via, Dominorum permanent.

85. *Accessio est modus acquirendi, quo vi & potestate rei nostræ, aliam acquirimus.*

86. Estque vel *Naturalis*, vel *Artificialis* seu *Industrialis*, vel *Mixta*.

87. *Naturalis est, quæ contingit citra factum hominis sola operante natura;* per *Feturam* scil. & *Beneficium fluminis*.

88. Quicquid enim ex animalibus Dominio nostro subjectis nascitur, id nostrum est. §. 19. l. b. t. l. 6. ff. de A. R. D. l. 5. §. 2. ff. de R. V. ut & partus ancillarum. §. pen. l. de jur. pers. l. 7. C. de R. V. add. l. 1. §. 1. ff. de vent. in sp.

89. *Beneficio fluminis* nobis aliquid acquiritur I. per *Alluvionem* II. per *Vim fluminis* & *Avulsionem* III. per *Natam Insulam* & IV. per *Alvei Mutationem* §. 20. 21. 22. 23. l. b. t.

90. Est autem *Alluvio incrementum latens*. §. 20. l. b. t.

91. Quodcumque ergo per *Alluvionem* agro nostro adjicitur, illud nostrum est. d. §. 20. l. b. t. l. 7. §. 1. ff. de A. R. D. l. 1. C. de alluv. §. 20.

92. Quod jus *Alluvionis* utique non est iniquum, arg. d. §. 20. l. b. t. d. l. 1. C. de alluv.

93. Sed locum tantum habet in agris *arcifiniis*, non *limitatis*. l. 16. ff. de A. R. D. l. 1. §. 6. ff. de flum.

94. Est autem *Ager arcifinius* cujus terminus flumen est, seu cujus fines ad flumen pertingunt. *Limitatus*, qui terminum ante flumen habet, ita ut inter terminum & flumen aliquid spatii intercedat.

95. Cessat etiam jus *Alluvionis* in lacubus & stagnis l. 12. ff. de A. R. D.

96. Quod si vero *Vir fluminis* de tuo prædio partem detraxerit, & vicino prædio adjecerit, palam est eam tuam permanere. §. 21. l. b. t. l. 7. §. 2. ff. b. t.

97. *Plane si longiore tempore fundo vicini tui baseris, cum eoque*

coaluerit, (quod maxime ex eo apparet, si arbores, quas secum traxerint, in eum fundum radices egerint) ex eo tempore videtur vicini fundo eas pars acquisita esse. *d. l. 7. §. 2. l. 9. §. 2. ff. de damn. inf.*

98. *Insula vel in mari nascitur, & quidem rarius, propter altitudinem & altum reciprocationem, vel in flumine.*

§. 22. 99. *Insula in mari nata nullius est, & proinde cedit primum occupanti. §. 22. l. b. t. l. 7. §. 3. ff. de A. R. D.*

100. Sed in flumine nascitur quadrupliciter. Vel enim 1. sicum aliquid in medio flumine relinquitur. Vel 11. sub flumine paulatim aliquid accrescit, ut deinceps in flumine eminere incipiat *l. 30. §. 2. ff. de A. R. D.*

101. Quibus casibus, si quidem mediam partem fluminis tenet, communis est eorum qui ab utraque parte fluminis prope ripam pradia possident, pro modo scilicet latitudinis cujusque fundi, quae prope ripam sit. *d. §. 22. l. b. t. l. 7. §. 3. ff. de A. R. D. l. 30. §. 2. l. 29. ff. eod. l. 1. §. 6. ff. de sum.*

102. Insula enim censetur pars esse alvei, alveus autem pars vicinorum praediorum.

103. Vel 111. flumen aliqua parte divisum, deinde infra unitum agrum alicujus in insula formam redigit. *d. §. 22. l. b. t.*

104. Quo casu ejusdem permanet is ager, cujus ante fuerat. *d. §. 22. l. b. t. l. 7. §. 4. ff. de A. R. D. l. 30. §. 2. ff. eod.*

105. Vel 1v. limo virgultis adherente ita in flumine insula nascitur, ut flumini innatet, neque ad fundum alvei pertingat. *l. pen. §. 2. ff. de A. R. D. v. P. Mel. de sit. Orb. l. 1. c. 9. l. 2. C. 5. Plin. l. 8. Ep. 20.*

106. Quo casu ejusdem juris est cujus est flumen, i. e. publica est. *d. l. pen. §. 2.*

§. 23. 107. Quod si flumen Alveum mutat, alveus derelictus sit eorum qui proxima habent praedia, & novus alveus iterum incipit esse publicus. *§. 23. l. b. t. l. 7. §. 5. ff. de A. R. D.*

108. Quod si & novum alveum flumen derelinquat, similiter eorum sit qui proxima habent praedia. *d. §. 23. d. l. 7. §. 5.*

109. Nisi tamen flumen agrum alicujus occupaverit, & cum impetu eundem dereliquerit: Quo casu ager pristino domino restituitur. *d. l. 7. §. 5. in fin. l. 30. §. 3. l. 38. ff. de A. R. D.*

§. 24. 110. Alia causa est si cujus totus ager inundatus fuerit; Neque enim inundatio fundi speciem commutat: Et proinde per inundationem Dominum ejus non amittitur. *§. 24. l. b. t. l. 7. §. 6. ff. de A. R. D. l. 1. §. 9. ff. de sum. licet quoad possessionem secus sit. l. 3. §. 17. ff. de acq. poss.*

III. Est autem *Inundatio*, cum flumen imbris, nivibus, vel quâ alia ratione auctum, in vicinos campos ita se effundit, ut nec ripas nec alveum suum mutet. l. 1. §. 5. ff. de flum.

112. *Accessio Artificialis* seu *Industrialis* est, quando interveniente sola industria factaque hominis, vi rei nostra alia acquiritur. §. 25.

113. Ejus species sunt *Adjunctio*, *Specificatio* cum quis ex sua & aliena materia novam speciem facit, & *Confusio*.

114. *Adjunctionis* species iterum sunt *Intextura*, *Inclusio*, *Inedificatio*, & *Scriptura*.

115. Quoad hæc in genere hic notandum, *Accessorium sequi suum Principale*. l. 19. §. 15. ff. de aur. arg. leg. l. 23. §. 3. ff. de R. V. c. 42. de R. J. in 6. Licet Accessorium sit pretiosius. d. l. 19. §. 13. Per accessionem enim extingui videtur. §. 26. l. h. t.

116. Si quis ergo alienam purpuram (licet m. l.) suo vestimento intexuerit, accessionis vice cedit vestimento. d. §. 26. l. h. t. l. 7. §. 2. ff. ad exhib.

117. Dominus tamen purpuræ licet hoc modo dominium ejus amittat, *Actionem* habet; & quidem adversus b. f. possessorem *Actionem* ad exhibendum, l. 23. §. 5. ff. de R. V. l. 7. §. 2. ff. ad exhib. *Conditionem sine causa*, d. §. 26. in f. vel etiam generalem illam *Triticariam* l. 1. ff. de cond. trit.

118. Contra m. f. possessorem *Actionem furti* & *Conditionem furtivam*. d. §. 26. *Actionem* ad exhibendum, & *Rei vindicationem*, tanquam adversus eum qui dolo malo desit possidere. arg. l. 1. in f. l. 2. ff. de tign. junct. l. 27. §. 3. l. 56. pr. ff. de R. V. l. 131. ff. de R. J.

119. Similiter cum quis in suo solo ex aliena materia edificaverit, ipse intelligitur Dominus edifici; quia omne quod solo ineditur solo cedit. §. 29. l. h. t. l. 7. §. 10. ff. de A. R. D. f. 23. §. pen. & ult. ff. de R. V. l. 2. C. cod. l. 2. ff. de superfic. l. 50. ff. ad L. Aquil.

120. Nec tamen ideo qui materię Dominus fuit, desinit Dominus ejus vfe: d. §. 29.

121. Licet ejusdem rei duo in solidum Domini esse nequeant. l. 5. §. ult. ff. commod.

122. Aliter enim edificium tanquam Universitatem quandam, aliter materiam tanquam res singulas consideramus. v. l. 23. §. ult. ff. de R. V. l. 23. ff. de usuc. l. 7. §. 2. ff. de except. rei jud.

123. Non tamen Dominus materię, stante edificio, materiam vindicare, nec ad exhibendum ea de re agere potest; propter Legem XII. Tabb. qua

qua cavetur, ne quis signum alienum adibus suis junctum extirpare cogatur. d. §. 29. Ne scilicet aedificia rescindi necesse sit, neve ruina aedium deformetur publicus urbis aspectus. l. 2. C. de adif. priv.

124. Sed Actionem habet ex eadem L. XII. Tab. quæ vocatur de Tigno juncto, contra possessorem in duplum. d. §. 29.

125. Et quidem in duplum ideo, quia Dominus invitus re sua carere cogitur, contra l. 9. ff. de act. rer. amot. Ut scilicet Domino præstetur id quod ejus interest, quod non solet excedere duplum. l. un. C. de sent. que pro eo quod interest.

126. Datur hæc actio non tantum contra m. f. possessorem, à quo & diruto aedificio ipsum tignum repeti potest, licet jam duplum solutum sit. l. 2. ff. de tign. junct. Sed & contra b. f. possessorem. per d. §. 29. l. 7. §. 10. ff. b. t. & rationem modo datam.

127. Appellatione autem Tigni (quod à regendo dictum,) omnis materia significatur, ex qua aedificia fiunt. d. §. 29. l. 1. ff. de sign. junct. l. 62. ff. de V. S.

§. 30. 128. Ex diverso, si quis in alieno solo ex sua materia domum aedificaverit, aedificium similiter solo cedit §. 30. l. b. t. l. 7. §. 12. ff. de A. R. D.

129. Sed si quidem bona fide aedificavit in alieno, materiz proprietatem non amittit. l. §. 30. l. 2. C. de R. V.

130. Potestque quamdiu in possessione est, soli Dominum petentem domum, neque tamen pretium materiz & mercedes fabricorum solventem, per exceptionem doli mali repellere. d. §. 30. d. l. 7. §. 12. add. l. 14. ff. de condit. indeb. l. 129. ff. de R. J. & ita impensas servare.

131. Quod si autem non possider, nulla ei actio jure prodita est, qua pretium materiz aut sumtus consequatur. l. 33. ff. de cond. indeb. l. 14. ff. de exc. dol. mal. l. 48. ff. de R. V.

132. Male fidei vero aedificator proprietatem materiz amittit, ut ne quidem soluto aedificio eam vindicare possit. d. §. 30. d. l. 7. §. 12. l. 53. ff. de R. J.

133. Nisi tamen probabilem causam afferat, ob quam videatur licet sciens, non tamen animo donandi aedificasse. l. 2. C. de R. V. Si forte e. gr. aedificaverit in solo litigioso, quem sperat sibi adjudicatum iri, vel in eo loco quem primum b. f. possedit & sperat sese usucapturum, l. 37. ff. de R. V. vel etiam in loco conducto, ut magis commode eo uti possit, l. 55. §. 1. ff. locat.

134. Ex hinc extra probabilem causam male fidei aedificator ne quidem impensas structuræ servare potest, licet possideat; *Objici enim potest culpa, quod*

quod adificaverit temere in eo solo, quod intelligebat alienum esse. d. §. 30. in fin.

135. Litera quoque licet aurea sint, perinde chartis membranisque cedunt, ac solo cedere solent ea qua inadificantur. §. 33. l. h. t. l. 9. §. 1. ff. de A. R. D. l. 23. §. 3. ff. de R. V. §. 33.

136. Sed aliud est in pictura §. 34. l. h. t. Licet enim quidam & inter eos Paulus J. C. in l. 23. §. 3. ff. de R. V. per eandem rationem picturam tabulae cedere voluerit; Aliis tamen, & inter eos Gajo J. C., propter dignitatem & praestantiam artis locus visum est. l. 9. §. 2. ff. de A. R. D. tabulam scil. cedere pictura. §. 34.

137. Quorum sententiam Imp. expressa decisione confirmat. d. §. 34.

138. Utique tamen conveniens est, domino tabularum adversus eum qui pinxit, si tabulas possidet, ad consequendum pretium actionem dari. l. 9. §. 2. ff. de A. R. D.

139. Et quidem contra m. f. possessorem datur Actio furti, Utilis in rem, & Condictio furtiva. d. §. 34. l. h. t. contra b. f. possessorem vero Actio in factum l. 23. §. 5. ff. de R. V.

140. Quod si dominus tabulae picturam possidet, contra pingentem (licet rei vindicationem habeat,) exceptione tutus est. d. l. 9. §. in f.

141. Accessio Mixta est, quae sit & natura operante, & intercedente facto hominis. Cujus species sunt Plantatio, Satio, & Fructuum perceptio, de qua tamen separatim videbimus.

142. Si Titius eum alienam plantam in suo solo posuerit, ipsius erit. Et ex diverso si Titius suam plantam in Mavii solo posuerit, Mavii planta erit; si modo utroque casu radices egerit. §. 31. l. h. t. l. 7. §. ult. ff. de A. R. D. Tum enim non videtur separatim amplius à solo corpus esse. l. 40. ff. de act. emt. §. 31.

143. Quod si arbor prope confinium posita sit, & in vicini fundum etiam radices egerit, communis est pro diviso, i. e. regione cujusque praedii. d. §. 31. l. 8. ff. de A. R. D. Sed eruta communis est pro indiviso. l. 19. ff. comm. div. in d. l. 8. §. 1.

144. Nisi forte arbor in vicini fundum radices tantum egerit minores, quo casu arbor ejus est, in ejus fundo origo ejus fuerit, ita accipit. l. 6. §. 2. in f. ff. arb. furt. cas.

145. Qua ratione autem planta quae terra coalescunt solo cedunt, eadem ratione frumenta quoque quae sata sunt solo cedere intelliguntur. §. 32. l. h. t. l. 9. pr. ff. de A. R. D. §. 32.

146. Quæ actiones vero hoc & superiori casu locum habeant, ex ante dictis facile intelligitur.

§. 25. 147. *Specificatio est modus acquirendi juris gentium, cum quis ex aliena materia suo nomine l. 7. §. 7. ff. de A. R. D. l. 25. l. 27 §. 1. cod. & bona fide l. 12. §. 3. ad exhib. novam speciem facit. §. 25. l. h. t.*

148. Non tamen nova species indistincte fit specificantis. Cum enim Sabiniani & Proculiani, de quibus v. l. 2. §. ult. ff. de O. I. hac super redissent, d. §. 25. Imp. noster mediam elegit sententiam.

149. *Ut si nova species ad priorem & eandem materiam reduci possit, is Dominus sit speciei qui & dominus fuit materie.* Materia enim potenter manet. l. 24. ff. de A. R. D. l. 78. §. 4. ff. de legat. 3.

150. *Si vero non possit reduci, is potius sit dominus qui fecerit.* Quia materia extingui videtur. l. 26. l. 27. §. 1. ff. de A. R. D. add. l. 9. §. 3. ff. ad exhib.

151. Quo casu tamen domino materie, contra specificantem competit *Actio in factum* ad consequendum pretium materie. arg. l. 23. §. 5. de R. V.

152. Quod si vero b. f. nova species facta sit, quæ ad pristinam materiam reduci possit, & dominus materie eam repetat, specificanti exceptio doli dabitur, usque dum pretium operæ solvatur, arg. l. 23. §. 4. ff. de R. V. Sin mala fide ipsi objici poterit, quare temere fecerit. arg. §. 31. l. h. t.

153. Inter exempla autem d. §. 25. relata minus accurate memoratur *frumenti excussio ex spicis.* Cum enim grana, quæ spicis continentur, perfectam habeant suam speciem, qui excussit spicas non novam speciem facit, sed eam quæ est detegit. Ut recte subjicitur in l. 7. §. 7. ff. de A. R. D.

§. 27. 154. *Confusio est modus acquirendi, cum diversorum dominorum res liquide, casu fortuito, ita miscentur, ut separari nequeant.* §. 27. l. h. t. l. 7. §. 9. ff. de A. R. D.

155. *Si enim voluntate dominorum confusæ sint, totum id corpus quod ex confusione fit, utriusque commune est, pro rata scil. & bonitate ejus materie quæ cujusque autem confusionem fuit.* l. 3. §. ult. l. 4. ff. de R. V. Propter mutuum Dominorum consensum.

156. Si vero voluntate unius confundantur, similiter res confusæ, si quidem ejusdem generis sunt communes fiunt; si vero diversi generis, & separari nequeunt, fiunt specificantis. l. 5. §. 1. ff. de R. V.

157. *Sed si fortuito & non voluntate dominorum confusæ fuerint, vel ejus-*

ejusdem generis materia liquida, vel diversa, si modo separari non possint, simpliciter fiunt communes. d. §. 27. l. h. r. l. 7. §. 9. ff. de A. R. D. l. 5. §. 1. ff. de R. V. Qui casus huc proprie pertinet.

158. Quod si *commixtio* fiat, (quæ proprie rerum aridarum est & earum quarum corpora discreta manent & singula suam speciem retinent) siquidem mutuo dominorum consensu res commixtæ, e. gr. frumentum similiter commune erit, §. 28. l. b. r.

159. Si vero voluntate unius vel casu fortuito, frumentum e. gr. non sit commune, *quia singula corpora in sua substantia durant*. d. §. 28. Et proinde quilibet dominus suum frumentum per actionem in rem vindicare potest. l. 5. pr. ff. de R. V.

160. Plane quoad effectum actionum non multum interest, an confusio fiat? an *Commixtio*? v. l. 3. §. ult. l. 4. ff. de R. V. *Confusio*que ac *Commixtio* promiscue sæpenumero de rebus aridis & liquidis accipiuntur, l. 7. §. 8. ff. de A. R. D. l. 3. §. ult. l. 5. pr. ff. de R. V.

161. *Fructuum perceptio est modus acquirendi cum quis ex re aliena, quam bona fide & ex justa causa possidet, fructus percipit*. §. 35. l. b. r.

162. *Fructus est, quicquid res ad usum nostrum profert, vel occasione ejus percipitur*. l. 59. §. 1. ff. de usufr.

163. Et hinc fructus sunt vel *Naturales* vel *Civiles*. d. l. 59. §. 1. de usufr. l. 29. ff. de hered. pet. l. 62. de R. V. l. 121. ff. de V. S.

164. *Fructus Naturales*, subdividi possunt in *Naturales tantum*, & *Industriales*. arg. l. 45. de usufr.

165. Deinde fructus sunt vel *Pendentes* l. 44. ff. de R. V. l. 12. §. 5. ff. de usufr. seu percipiendi, vel *Percepti*; & hi rursus vel *Extantes*. l. 22. C. de R. V. vel Consumti.

166. Ut ergo quis fructus ex re aliena perceptos suos faciat, debet rem alienam *possidere bona fide*. Quæ est *illese conscientia rei alienæ*; siue crediderit eum à quo rem accepit dominum fuisse, siue putarit eum alienandi potestatem habuisse. l. 109. ff. de V. S. l. ult. ff. pro em. l. 13. §. 1. & seqq. ff. de public. in rem act. l. 27. ff. de cont. em. & continuo adesse debet. l. 23. §. 1. ff. de A. R. D.

167. II. *Ex justa causa*, i. e. titulo ad transferendum dominum habili, e. gr. emtionis, permutationis, donationis, vel simili. d. §. 35. l. h. r. §. 40. l. b. r.

168. III. *Debet ex ea re fructus percipisse*. d. §. 35. l. 48. pr. ff. de A. R. D.

* 169. *Percipisse autem hic b. f. possessor dicitur, simul atque fructus*
G
à re

à re qua tenebantur quovis modo separati sunt. l. 78. ff. de R. V. l. 13. ff. quib. mod. usufr. am. l. 25. §. 1. ff. de usufr.

170. Fructus autem perceptos b. l. possessor suos facit omnes. d. l. 48. pr. ff. de A. R. D. i. e. tam naturales quam industriales. l. 13. ff. quib. mod. usufr. am.

171. Nam fructus percipit jure soli & eo jure quod Dominis prædiorum tributum est, cive qui agrum vectigalem habet, l. 25. §. 1. ff. de usufr.

172. Unde ratio hujus acquisitionis, non tam in cura & cultura, quam bona fide, ponenda est d. l. 25. §. 1. ff. de usufr. l. 136. ff. de R. J.

173. Si vero dominus supervenerit, & fundum vindicet, fructus extantes omnes b. l. possessor restituit. l. 22. C. de R. V. Quos quidem pleno jure suos fecit. l. 28. ff. de usufr. sed tantum interim i. e. revocabiliter. d. l. 48. pr. ff. de A. R. D.

174. De consumtis non tenetur. d. §. 35. l. h. t. licet factus sit locupletior. l. 4. §. 2. ff. sin. reg. §. 2. l. de off. jud.

175. Ei vero qui alienum fundum sciscus possederit mala fide, non idem concessum est; Itaque cum fundo fructus, licet consumti sint, cogitur restituere. d. §. 35. l. h. t. Imo & eos quos non percepit, si modo petitor, honeste percipere potuisset, si ei re sua uti licuisset. l. 35. l. 62. §. 1. ff. de R. V. l. 39. §. 1. ff. de legat. 1. l. 4. C. und. vi.

§. 40.

176. Traditio est modus acquirendi, quo dominus liberam rerum suarum administrationem habens, vel qui à domino alienandi potestatem accepit, rem corporalem, ex justa causa, volens, in accipientem, transfert. §. 40. 42. l. h. t. l. 55. ff. de O. & A.

177. Debet ergo Res tradi: Nudis enim pactis dominia rerum non transferuntur. l. 20. C. de pact.

178. Neque nuda possessionis traditio sufficit, sed necessaria videtur traditio possessionis vacua. arg. l. 3. §. 5. l. 22. ff. de acq. poss. l. 16. ff. de peric. & commod. rei vendit.

179. Et quidem corporalis; Res incorporeales enim traditionem proprie non recipiunt. l. 43. §. 1. ff. de A. R. D. l. 4. §. antepen. ff. de usuc. Sed in his usus unius, & patientia alterius pro traditione & apprehensione est. l. ult. ff. de serv. l. 3. ff. de usufr.

180. Tradi porro debet ex justa causa, i. e. titulo ad transferendum dominium habili. l. 31 ff. b. t. v. supr. §. 167. h. t.

181. A volente in accipientem. In omnibus rebus enim quæ dominum transferunt, concurrat oportet affectus ex utraque parte contrahentium, l. 55. ff. de O. & A.

182. Ratio hujus acquisitionis est naturalis; *Nihil enim tam conveniens est naturali aequitati, quam voluntatem domini volentis rem suam in alium transferri ratam haberi.* d. §. 40. l. b. t. l. 21. C. mand.

183. In emtione venditione tamen non statim transfertur dominium, nisi emtor pretium solverit, vel alio modo, scil. expromissore vel pignore dato, volenti venditori. l. 6. §. 1. ff. quib. mod. pign. vel hyp. satisfecerit; vel venditor emtori fidem de pretio habuerit. §. 41. l. b. t. l. 19. ff. de cont. emt.

184. Traditio autem alia *Vera* est seu *Propria & naturalis*, de qua vidimus, alia *Ficta*, seu *Quasi talis*.

185. *Quasi traditio* est vel rerum incorporalium, uti servitutum v. supr. §. 179. vel corporalium.

186. *Ficta* seu *Quasi traditio* rerum corporalium fit vel *Brevi manu*, vel *Symbolo*.

187. *Brevi manu* v. l. 43. §. 1. ff. de jur. dot. fit traditio, cum dominus rem suam quæ apud alium est ex causa ad transferendum dominium inhabili, patitur & vult apud eum esse, ex causa ad transferendum dominium habili. §. 43. l. b. t. ubi & exempl. add. l. 9. §. 1. ff. de public. in rem act. l. 3. §. pen. & ult. ff. de don. int. Vir. & Ux. d. l. 43. §. 1. ff. de jur. dot.

188. Fundamentum *fictionis brevis manus* in commoditate rerum agendarum positum est, cum celeritate conjungendarum inter se actionum, una occultatur. d. l. 3. §. pen. ff. de don. int. Vir. & Ux.

189. *Ficta Traditio Symbolica* est, quæ nota aliqua aut symbolo veram representat. Ut si quis merces in horreo depositas vendiderit, simul atque claves horrei tradiderit emtori, transfert proprietatem mercium. §. 44. l. b. t. l. 9. §. 6. ff. de A. R. D. l. 74. ff. de cont. emt.

190. Dummodo id fiat apud horreum d. l. 74. in re presenti. l. 1. §. pen. ff. de acq. poss. Nisi forte presentiam suppleat aspectus. l. 18. §. 2. ff. de acq. poss. quo casu *Longa manu* traditio fieri dicitur. l. 79. ff. de solut.

191. Sic instrumentis traditis ipsius rei traditio facta censetur l. 1. C. de don. Sic trabes signatæ pro traditis l. 14. §. 1. ff. de peric. & commod. rei vend. nec non acervus lignorum, simul atque custodia apposita fuerit, pro tradito habetur. l. 51. ff. de acq. vel am. poss.

192. Ad *Traditionem* pertinet *factus missilium*, de quo est in §. 45. l. b. t. Licet enim ad transferendum dominium utriusque affectus requiratur l. 55. ff. de O. & A. & singulæ personæ accipientium hic sint incertæ, sufficit tamen certas esse in globa & indefinite. d. §. 45. l. b. t.

TIT. II.

DE REBUS CORPORALIBUS ET INCORPORALIBUS.

1. Subjicitur h. t. tertia *Rerum* divisio in *Corporales* & *Incorporales*, ut transitus esset ad materiam de *Servitutibus*.
2. *Res corporales sunt quæ sui natura tangi possunt. pr. l. b. t.*
3. *Quæ subdividi possunt in mobiles, immobiles, & sese moventes.*
1. 93. ff. de V. S. l. 15. §. 2. ff. de re jud.
4. *Incorporales autem sunt, quæ tangi non possunt; qualia sunt ea quæ in jure consistunt, sicut hereditas, servitus & obligatio. pr. l. b. t.*
5. *Quod si omnia bona hereditaria dividantur in mobilia & immobilia, Res incorporales tertium genus constituent. l. 7. §. 4. ff. de pecul. l. 15. §. 2. ff. de re jud. l. 2. C. de quadr. præscr.*

TIT. III.

DE SERVITUTIBUS RUSTICORUM ET URBANORUM
PRÆDIORUM.

1. *Servitus est jus constitutum. l. 5. §. 9. ff. de nov. op. nunc. in re aliena. l. 26. ff. de S. P. U. l. 5. pr. ff. si usufr. pet. l. 33. §. 1. ff. de S. P. R. (non enim hic agitur de servitute personarum, de qua actum supra L. 1.) quo Dominus istius rei, cogitur aliquid in suo pati vel non facere l. 15. §. 1. ff. de servit. in commodum Persona vel Rei alterius. d. l. 15. pr.*
2. *Sunt autem Servitutes aut Personarum, aut Rerum. l. 1. ff. de serv. l. 32. ff. de usufr. l. 12. ff. de ann. legat.*
3. *Servitutes Personarum live Personales sunt, cum res servit persona; Quales sunt Usufructus, Usus, Servitus Operarum, & Habitatio.*
4. *Servitutes Rerum live Reales (quæ & Prædiorum dicuntur) sunt, quæ prædium servit prædio.*
5. *Suntque vel Prædiorum Rusticorum, cum prædium servit prædio Rustico; vel Prædiorum Urbanorum, cum prædium servit prædio Urbano. Infer. b. t. l. 1. ff. de Serv. Præd. Urb. & de Serv. Præd. Rust.*
6. *Prædia Rustica hic sunt omnia loca adificiis vacua; in Urbe ærea, Ruri ager. l. 21. ff. de V. S. Urbana contra omnia adificia, etiam extra urbem in villa ædificata. §. 1. l. b. t. l. 1. ff. comm. præd. l. 198. ff. de V. S.*
7. *Servitutes Rusticorum Prædiorum sunt, iter, Actus, Via, Aqua Du-*

pr. §. 2.
b. t.

Ductus, Pecoris ad aquam appulsus, Jus pascendi, Calcis coquenda, Arene fodienda &c. pr. & §. 2. l. b. t.

8. *Iter est Jus eundi ambulandi hominis, per alterius prædium, ad utilitatem prædii nostri rustici, non etiam jumentum agendi, vel vehiculum.* d. pr. l. b. t.

9. Sive autem quis eat, sive sella, lectica, vel equo vehatur, nihil interest. l. 7. l. 12. ff. de S. P. R. Iter enim est, qua quis pedes vel eques commovere potest. d. l. 12.

10. *Actus est Jus agendi jumentum vel vehiculum.* d. pr. l. b. t.

11. Itaque qui habet Iter, Actum non habet, sed qui Actum habet & Iter habet, coque uti potest sine jumento. d. pr. Ex tacita voluntate constituentis. arg. l. 21. ff. de R. I. Sed si contra expresse convenierit, secus erit. l. 4. §. 1. ff. si serv. vind.

12. *Via est Ius eundi, & agendi, & ambulandi hominis, nam & Iter & Actum Via in se continet.* d. pr. l. b. t.

13. Inter Viam sane & Actum plurimum interest; Via enim i. Actum & Iter in sese continet, ita ut per se intelligi non possit sine jure eundi agendi. arg. l. 13. §. 1. ff. de acceptil. l. 13. ff. de servit. Sed Actus Iter tantum continet ex tacita voluntate constituentis, uti dictum. §. 11.

14. Qui Viam habet, habet & jus lapidem aut tignum trahendi, hastamque rectam ferendi. l. 7. de S. P. R. Non etiam ille, qui Actum habet.

15. *Via* Legibus determinatum habet spatium; Latitudo enim ejus ex L. XII. Tab. in porrectum VIII. pedes habet, in anfractum i. e. ubi flexum est, sedecim. l. 8. ff. de S. P. R. Non item Actus, l. 13. §. 2. ff. eod.

16. *Aque ductus est Ius aqua ducenda, per fundum alienum.* d. pr. l. b. t. add. l. 1. §. 2. ff. de riv.

17. *Aqua haustus, Pecoris ad aquam appulsus, similesque ex solo verborum auditu intelliguntur.* v. l. 1. §. 1. l. 2. §. 1. 2. l. 4. §. 6. in f. l. 9. ff. de S. P. R.

18. *Prædiorum Urbanorum Servitutes sunt, Oneris ferendi, Tigni immittendi, Prosciendi, Prosegni, Stillicidi recipiendi, vel Non recipiendi, Fluminis recipiendi, vel non recipiendi, Altius non tollendi, nec non Altius tollendi, Luminum, Ne Luminibus officiat, Prospectus, & Ne Prospectus officiat.*

19. *Servitus oneris ferendi est Ius, quo paries aut columna vicini, onus vicinarum adium sustinere debet.* §. 1. l. b. t. l. 33. ff. de S. P. U.

20. Sed illud hic speciale est, contra naturam servitutum. v. l. 15. §. 1. ff. de servit. quod dominus prædii servientis, columnam vel parietem reficere teneatur, & idoneum oneri ferendo præstare. d. l. 33. ubi & ratio.

19. *Servitus Tigni immittendi est Jus, quo licet tignum sive trabem, ex suo edificio v. l. 25. pr. de S. P. U. in alicum parietem immittere. §. 1. l. b. t. l. 20. ff. de S. P. U. Ita ut ibi requiescat, & vicini paries sustineat onus immixti. l. 242. §. 1. ff. de V. S.*

20. *Sed qui hanc servitutem debet, vicini tignum tantum suscipit, nihil autem reficere tenetur; In quo diversa est à superiori. l. 8. §. 2. ff. si serv. vind.*

21. *Servitus Projiciendi est Jus, quo nobis licet tignum ex nostro pariete mittere, ita ut provehatur supra fundum alienum, nusquam autem in alieno requiescat. l. 242. §. 1. ff. de V. S.*

22. *Servitus Protegendi est Jus Protectum supra alicum solum habendi. l. 2. ff. de S. P. U.*

23. *Differt enim Servitus Projiciendi à Servitute Protegendi: Nam Projectum est onne quod provehitur supra fundum alienum ut nusquam requiescat, uti sunt mœniana & suggrundia. d. l. 242. §. 1. de V. S. Sed Protectum, cum tigna emittantur tegendi gratia, puta ad arcendas injurias imbrium & tempestatum à parietibus. Unde Protectum à suggrunda recte distinguitur in l. 5. §. 6. ff. de his qui deiec. vel effud.*

24. *Servitus Stillicidii recipiendi (quæ & Stillicidii immittendi l. 28. ff. de S. P. U. & Avertendi l. 2. ff. eod. dicitur) est Jus, quo vicinus tenetur recipere stillicidium nostrum, in tectum, vel arcam suam. l. 2. ff. de S. P. U. quod alias pati nemo cogitur. l. ult. §. pen. ff. quod vi aut clam.*

25. *Servitus Stillicidii non recipiendi, vel non avertendi est Jus, quo vicinus stillicidium adium suarum (si hoc forte Lege vel Consuetudine civitatis liceat) in aream vel tectum vicini avertere prohibetur; Aut non tenetur vicinus stillicidium vicini in suum recipere.*

26. *Est autem Stillicidium, cum aqua pluvia ex tecto stillatim cadit. Varr. de Ling. Lat. lib. 4. Unde & cassitare dicitur in l. 20. §. 3. 4. ff. de S. P. U.*

27. *Servitus Fluminis recipiendi est Jus, quo flumen meum derivare possum in fundum vicini.*

28. *Servitus Fluminis non recipiendi est Jus, quo vicinus flumen quod aliqui Lege vel Consuetudine civitatis licebat, avertere in alienum prohibetur.*

29. *Flumen dicitur quod fuit continue Varr. d. l. Estque hic aqua per tubos vel canales instar fluminis demissa.*

30. *Servitus Altius non tollendi est Jus, quo vicinus contra naturam*

lem

tem libertatem, ades suas altius tollere, in commodum vicinarum adium-
probitur. §. 1. l. b. 1, l. 2. ff. de S. P. U.

31. *Servitus Altius tollendi* (quæ à Servitute *Altius non tollendi* omni-
no diversa est. l. 2. ff. de S. P. U. l. 7. §. 1. ff. comm. præd.) est Jus, quo
vicinus cogitur pati, ades meas altius tolli.

32. Licet sane ex naturali libertate unicuique ades suas altius tollere,
quousque velit. l. 8. l. 9. C. de servit. l. 8. §. 1. ff. si serv. vind. Imo etiam
cum vicini incommodo. l. 9. ff. de S. P. U.

33. Sed si in gratiam maxime vicinorum, per Statutum aliquod vel
Legem, omnibus ædificiis certa altitudo præscripta sit, quod Romæ tempo-
ribus Augusti, Neronis, Trajani, & Severi factum fuisse constat, ex *Sirab.*
de Sit. Orb. l. 5. Suet. in Aug. c. 89. Tacit. Annal. l. 15. C. 43. S. Aur. Vict.
Epit. in Trajan. l. 1. C. de Ædif. Priv. l. 11. ff. de S. P. U. l. 1. §. 17. de Nov.
Op. nunc. Hoc casu, si quis supra hanc altitudinem præscriptam ædificare
velit, debet servitutem hanc *Altius tollendi* à vicinis impetrare, l. 12. §. 1. C.
de ædif. priv.

34. *Servitus Luminum* est Jus, quo cogitur vicinus fenestras nostras,
quibus lumen haurimus, in suo aut communi pariete excipere. l. 4. ff. de
S. P. U. l. 40. ff. eod.

35. *Servitus ne Luminibus officiat* est Jus, quo vicinus nihil quic-
quam potest facere in suo, quo lumina nostra obscurantur vel minuantur.
l. 4. l. 15. l. 17. pr. §. 1. l. 23. ff. de S. P. U.

36. Quo ipso efficitur ut vicinus non tantum altius non possit ædificare,
sed & nihil facere quo lumina nostra reddantur obscuriora; contingit enim
aliquando, ut quis luminibus vicini officiat etiam deprimentendo ædificium, si
forte per refractionem seu repercussionem lumen in vicini ædes devolvatur.
d. l. 17. §. 2. ff. de S. P. U. Ex quo ut & ex eo, quod qui hanc servitutem
debet, arborem ponere non possit. l. 15. ff. eod. manifestum est, diversam
hanc esse servitutem à servitute *Altius non tollendi*.

37. *Servitus Prospiciendi* vel *Prospicendi*, l. 12. l. 16. ff. de S. P. U.
§. 2. l. 1. de Æd. est Jus, quo quis in prædium vicini prospicere potest.

38. *Servitus ne Prospicendi officiat* l. 3. l. 15. ff. de S. P. U. est Jus,
quo quis in prædio suo non potest quicquam facere, quod libero quaque ver-
sum prospectui, in quavis loca nobis grata & amana, obstat.

39. Ut autem servitutes Prædiales locum habeant, requiritur 1. ut ut-
rimque sit prædium, *serviens* scilicet & *dominans*. Ideo enim servitutes Præ-
diorum dicte sunt. §. 3. l. b. 1. l. 1. §. 1. ff. de S. P. U.

40. II. Ut Prædia sint vicina, & servitus possit esse utilis. l. 38. l. 25.
ff.

ff. de S. P. U. l. 5. §. 1. ff. de S. P. R. Vicinitatem enim non tam ex confinio aut prædiorum conjunctione, quam ex commoditate utendi metimur. *l. 1. ff. de S. P. U. l. 7. §. 1. ff. comm. prad. l. 4. §. ult. ff. si serv. vind. l. ult. ff. de S. P. R. l. 7. §. ult. ff. eod.*

41. III. Ut hæ servitutes causam habeant perpetuam. *l. 28. ff. de S. P. U.*

TIT. IV.

DE USUFRUCTU.

I. *Sequuntur Servitutes Personales.*

pr. b. t.

2. *Usufructus est jus, alienis rebus utendi fruendi, salva rerum substantia. pr. l. b. t.*

3. Habet quidem & dominus jus utendi fruendi re sua (quem *Usufructum Causalem* vocant DD.) sed non separatum à jure dominico; Res propria enim nemini servit. *l. 5. ff. si usufr. pet. l. 26. ff. de S. P. U.*

4. *Jus utendi fruendi* fructuario concedit omne emolumentum, quod ex rebus ullo modo proficiscitur; sive fructus naturales sint sive civiles. *l. 7. l. 9. l. 59. §. 1. ff. b. t.*

5. Sed uti frui debet fructuarius rebus alienis, *salva rerum substantia.*

6. Non potest ergo eas consumere, corrumpere, aliamve in formam transmutare. *l. 13. §. pen. l. 44. ff. b. t.* Imo & reficere debet; nisi tanta impensa opus sit, ut derelinquere malit. *l. 65. ff. eod.* Quod tamen non conceditur, si culpa ejus res sit deterior. *l. 65. ff. eod.*

7. Sed & si gregis (secus si singularum ovium) usufructum quis habeat, in locum demortuorum capitum ex fœtu submittere debet. *§. 38. l. de Rer. Div. l. 68. §. ult. l. 69. l. 70. ff. b. t.* Ut & in locum vinearum vel arborum demortuarum (secus si sint everse *l. 59. ff. b. t.*) alias substituere *d. §. 38. l. 7. §. ult. ff. b. t.* Recte enim colere & quasi bonus paterfam. uti debet. *d. §. 38.*

8. De quo ut securus sit dominus proprietatis, usufructuarius *cavere* debet datis fidejussoribus *l. 13. pr. in f. l. 4. C. b. t.* Se usum fructuum boni viri arbitratu, & cum usufructus ad eum pertinere desinet, se restitutum quod inde extabit. *d. l. 13. pr. l. 1. ff. usufr. quemad. cav.*

9. Cujus cautionis prima pars, qua cavet se usum fructuum boni viri arbitratu, à testatore remitti nequit. *l. 6. ff. l. pen. C. ut in poss. legas.* ab herede vero potest. arg. *l. 71. ff. ad L. Falcid. l. 46. ff. de pact.*

10. Secunda vero pars, qua cavetur *de re restituenda*, ab utroque recte remittitur.

11. Est autem usufructus vel *Verus* de quo adhuc actum, vel *Quasi* §. 2. talis scilicet earum rerum quæ usu consumuntur. §. 2. l. h. 1.

12. Licet enim res fungibiles neque naturali ratione, neque civili, recipiant usufructum, utilitatis tamen causa Senatus censuit, posse earum rerum, per cautionem *Quasi usufructum* constitui. d. §. 2. l. 1. l. 2. ff. de usufr. car. rer.

13. Cavendum ergo hic est datis fidejussoribus *de eadem quantitate ejusdem qualitatis*, vel æstimatis rebus de certa pecunia restituenda, si morietur vel capite minuitur. d. §. 2. l. 7. l. 8. ff. de usufr. car. rer. l. 7. pr. §. 1. ff. usufr. quemadm. cav.

14. Quæ cautio similiter testamento remitti nequit. l. 1. C. h. 1. l. 6. ff. l. pen. C. ut in poss. leg.

15. Differt autem *Quasi Usufructus à Mutuo*. I. Quia in *Mutuo* licet stipulari usuras, sed hic non item.

II. *Mutuum* quovis tempore potest repeti, *Quasi Usufructus* finitur tantum morte & capitis deminutione.

III. Hic requiritur cautio, in *Mutuo* non item.

16. Plane *Vestium* non *Quasi* sed *Verus Usufructus* est. l. 15. §. 4. ff. h. 1. l. 9. §. pen. usufr. quemadm. cav.

TIT. V.

DE USU ET HABITATIONE.

I. **U**sus est *Jus alienis rebus utendi*, salva earum substantia.

2. In multis cum *Usufructu* tam quoad modos constituendi, pr. h. 1. quam finiendi convenit. pr. l. h. 1.

3. Ut cautionem etiam præstet *Usuarius* scilicet *usurum boni Viri arbitratu*. l. pen. usufr. quemadm. cav.

4. Sed in multis etiam differunt; *Minus enim juris est in Usu quam in Usufructu*. §. 1. l. h. 1.

5. Hinc 1. qui *Usu* habet tantum ad necessitatem uti potest, qui *Usufructum* etiam ad compendium l. 12. §. 1. ff. h. 1.

II. *Usui* fructus deest, sed *Fructui* usus inest. l. 14. §. 1. ff. eod.

III. *Usuarius* *Usu* locare vendere nequit, *Usufructuarius* jure percipiendi fructus, (non ipsam servitutem. l. 3. in f. quib. mod. usufr. amit.)

H

lo.

locare vendere potest. §. 1. *I. h. t. l. 11. ff. cod. l. 12. §. 2. l. 38. ff. de usufructu.*

6. Nisi tamen ex conjecturis appareat, testatorem quoque jus locandi aut vendendi *Usum* concedere voluisse. v. *l. 12. §. 4. ff. h. t. l. pen. pr. ff. cod.*

§. 2. 7. Sane prout res sunt, ita major vel minor est differentia inter *Usum* & *Usufructum*. In fundis nullum discrimen §. 1. *I. h. t. in domibus exiguum §. 2. I. h. t. in pecunia nullum est. l. 5. §. ult. l. 10. §. 1. ff. de usufr. ear. rer.*

§. 3. 8. *Servitus Operarum* plus videtur continere quam *Ufus*, ideoque operæ in fructu esse dicuntur. *l. 4. ff. de oper. serv. minus tamen quam Fructus*, unde operis servi legis usum datum intelligi dicitur in *l. 5. ff. cod. Recte* ergo separata species constituitur. *l. 1. §. 9. ff. ad L. Falcid. v. §. 3. l. h. t.*

9. *Habitatio est Jus alienas aedes inhabitandi, salva earum substantia.*

§. 5. 10. Quæ distincta est servitus ab *Uso* ædium. §. 5. *I. h. t. l. 13. C. de usufructu.* Qui enim *Habitationem* habet, ædes indistincte ad inhabitandum alteri locare potest. *d. §. 5. d. l. 13.* Quod non concessum est ei, qui ædium *Usum* habet. §. 2. *I. h. t.*

11. Nec non ab *Usufructu*. *d. l. 13.* Cum *Usufructuarius* ædibus etiam aliter uti, quam habitando, possit, ad merces scil. in iis reponendas.

12. Differt etiam *Habitatio* ab *Uso* & *Usufructu* in eo, quod *Habitatio* neque capitis diminutione neque non utendo finiatur. *l. 10. ff. h. t. quia magis in facto, quam in jure consistit.*

DE MODIS QUIBUS SERVITUDES CONSTITUUNTUR.

13. Constituantur autem Servitutes vel Modis omnibus Servitutibus tam Personalibus quam Realibus communibus, vel quibusdam magis propriis.

14. *Communibus* 1. *Pactionibus* & *stipulationibus*. §. 4. *I. de Servit. tum* scil. cum accessit traditio naturæ harum rerum conveniens. *l. ult. ff. de servit. l. 1. in fin. ff. de S. P. R. l. 11. §. 1. ff. de public. in rem act. solis enim Pactionibus servitutes non fiunt nostræ. arg. l. 3. ff. de O. & A. l. 20. C. de pact. §. 40. l. de Rer. div.*

15. 11. *Ultima voluntate*. *d. §. 4. I. de serv. l. 16. ff. comm. præd.*

16. 111. *Prescriptione longi temporis* 2. annorum inter præsentes, viginti-

ginti inter absentes. l. 10. ff. si serv. vind. l. ult. in f. C. de prescr. long. temp.

17. Ad quam neque titulus neque scientia domini requiritur, cum sufficiat aliquem, longo tempore, nec vi, nec clam, nec precario, servitute usum esse. d. l. 10.

18. Modis quibusdam servitutibus magis propriis; 1. Ipso Jure. Sic Ususfructus bonorum Adventitiorum filii acquiritur Patri. §. 1. l. per quas person. cuique acq. l. 6. C. de bon. qua lib. nec non mediz partis bonorum filii emancipati. §. 2. l. eod. Ut & quarundam rerum matri ad secundas nuptias transeunti. v. l. 3. C. de sec. nupt.

19. II. Officio Judicis, in judiciis divisoris; sic vel maxime etiam Ususfructus constituitur. l. 6. §. 1. ff. de usufr. vid. tamen. l. 22. §. 3. ff. fam. ercisc.

DE MODIS QUIBUS SERVITUTES AMITTUNTUR.

20. Similiter Servitutes amittuntur, Modis vel communibus, vel quibusdam servitutibus propriis.

21. Communibus 1. Rei interitu. l. 14. ff. quemadm. serv. am. §. 3. l. de usufr. Exceptio est in Quasi usufructu.

22. II. Confusione vel Consolatione; cum prædium dominans & serviens, vel ususfructus usque & proprietas, ejusdem fiunt. d. §. 3. de usufr. l. 1. ff. quemadm. servit. am. l. 30. ff. de S. P. U. l. 4. usufr. quemadm. cav.

23. Huc pertinet Remissio sive expressa. l. 14. §. 1. de servit. sive tacta. l. 8. quemadm. serv. am. ejus, cujus personæ aut prædio servitus debetur; ut & Cessio.

24. Plane si ususfructus extraneo cedatur, nihil agitur respectu extranei, sed ad proprietatem redit. d. §. 3. l. de usufr. l. 66. ff. de jur. dot.

25. III. Non utendo per modum l. 18. l. ult. quemadm. servit. am. Et tempus x. annorum inter præsentis, xx. inter absentes. l. 13. C. de serv.

26. Exceptio est in Habitatione. l. 10. ff. de usu & hab. Et in Servitutibus Urbanis illud speciale est, quod serviens libertatem simul contra usucapere debeat. l. 6. ff. de S. P. U.

27. IV. Solutio jure Auctoris; e. gr. Si servitus rei sub conditione legatz imposita sit, & conditio extiterit. l. 11. §. 1. quemadm. serv. am. Item si ab Emphyteuta prædio Emphyteuticario servitus imposita sit, & prædium ad dominum redierit.

28. *Propriis*, quibus maxime finiuntur Servitutes Personales 1. *Morte ejus cui servitus debetur*, sive Naturali sive Civili. §. 3. l. de usufr. l. 1. 2. ff. quib. mod. usufr. am. l. 3. §. 3. ff. quemadm. serv. am.

29. Exceptio est in *Operis servorum* l. 2. ff. de op. serv. l. 2. ff. de usufr. leg. & quoad capitis deminutionem in *Habitatione*. l. 10. ff. de usu & hab. Et speciale est in *Usufructu Civitati relicto*, quod duret C. annos, Nisi ante Civitas destruat. l. 56. ff. de usufr. l. 21. ff. quib. mod. usufr. am.

30. II. *Lapsu temporis*. l. 5. C. de usufr. Quod si reliquis servitutibus tempus adjiciatur, non quidem ipso jure finiuntur, sed exceptio tamen locum habet. l. 4. ff. de servit.

TIT. VI.

DE USUCAPIONIBUS ET LONGI TEMPORIS PRÆSCRIPTIONIBUS.

I. **S**equuntur *Modi Acquirendi dominium Juris Civilis Singulares, Usucapio, & Donatio quadam; De Legato & Fideicommissio singulari*, post caput de *Testamentis*, magis commode videbimus.

2. *Usucapio est Adjectio domini, per continuationem possessionis temporis lege definiti*. l. 3. ff. b. t.

pr. b. t.

3. Quæ bono publico introducta est, ne rerum dominia in incerto essent. d. l. 1. pr. l. b. t.

4. Ut autem procedat *Usucapio seu Præscriptio*, requirunt. 1. Ut *Possideatur res tradita à non domino* d. pr. l. b. t. l. 23. ff. b. t. l. 20. C. de pact. Quod si quis à vero domino rem acceperit, *Usucapione non est opus*. §. 40. l. de Rer. div.

5. II. Ut *Possideatur Bona fide*, pr. l. b. t. 7. c. *Illesa conscientia rei alienæ*. v. supr. ad t. de Rer. Div. §. 166. Quæ ordinario quidem tempore traditionis, sed in emptione venditione etiam conventionis tempore necessaria est. l. 2. ff. pro em. l. 7. §. ult. ff. de publician. in rem act.

6. Sufficit autem hic *bonam fidem* adesse ab initio; Mala fides superveniens *Usucapionem non interrumpit*. l. 48. §. 1. ff. de A. R. D. d. l. un. C. de usuc. transform.

7. III. Nec non ex *Justa causa*, d. pr. l. b. t. i. e. *Titulo ad transfrendum dominium habili* v. supr. ad t. de Rer. Div. §. 167. Sine ea enim non procedit *Usucapio* l. 24. C. de R. V. quia sine ea nec à vero domino transfertur dominium. l. 31. ff. de A. R. D.

8. Opinio erronea iusti tituli non sufficit. *§. 6. l. h. t. l. 27. ff. h. t. l. 1. §. 6. ff. pro donat.* Nisi tamen error sit iustus & probabilis. *l. 11. ff. pro emt.*
9. *iv. Ut res talis sit qua usucapi possit;* Non exempta hominum commercio. *§. 1. l. h. t. l. 9. ff. cod.* Non vitiosa i. e. *furtiva vel vi possessa.* *§. 2. §. l. h. t. l. 4. §. 6. l. 33. ff. h. t.* Neque talis cujus usucapio alia ratione est prohibita.
10. Quales sunt Res Fisci *§. 4. l. h. t. l. 18. l. 24. §. 1. ff. h. t.* Res Dominiæ *l. 1. C. de rei Dom. vel Temp.* Civitatum Ecclesiarum &c. de quibus *v. l. ult. C. de fund. patr. l. ult. C. de fund. rei priv. l. xi. l. 23. C. de SS. Ecclis. Nov. 9. Nov. 111. Nov. 131. c. 6.* Res pupillorum Minorum *l. 3. C. quib. non obji. long. temp. præscr. l. ult. C. in quib. caus. rest. in iur. Præfidi contra L. Juliam datæ. l. pen. ff. ad L. Jul. rep. l. 48. pr. ff. de A. R. D.* Bona Adventitia filii fam. *l. 1. §. 1. C. de ann. ex.* Denique res prohibitz alienari aut lege aut testamento. *l. 2. C. pro emt. l. 16. ff. de fund. dot.*
11. Plane vitio purgato *res furtive & vi possessæ* usucapi possunt *§. 3. l. h. t.*
12. Purgatur autem vitium si res in potestatem domini reversa fuerit. *l. 4. §. 6. ff. h. t. d. §. 3. l. h. t.* Vel si cum ipse dominus rem abstulerit, revertatur in potestatem creditoris. *l. ult. ff. cod. l. 6. C. pro emt.*
13. Res incorporales veluti Servitutes proprie quidem (quia possideri non possunt. *l. 3. pr. ff. de acq. poss.*) usucapionem non recipiunt. *l. 14. ff. de servit. l. 43. ff. de A. R. D.* Unde & aliquando per Legem Scribendam Servitutum tam Rusticarum quam Urbanarum ihibitæ est usucapio *l. 4. §. f. ff. de usucap.*
14. Sed Prætores Quasi usucapionem servitutum jam ante receperant *l. 10. ff. si serv. vind. & Imp. Justinianus in l. ult. C. de long. tem. præscr. rerum incorporalium præscriptionem indistincto admisit.*
15. *v. Ut Possessio sit continua,* non usurpata seu interrupta. *l. 2. ff. §. 7. l. h. t.*
16. *Usurpatio seu Interruptio duplex est, Naturalis, & Civilis.*
17. *Naturalis est qua manu fit;* cum scil. quis de possessione vi despicitur vel alicui res eripitur. *l. 5. ff. h. t.*
18. *Civilis, qua fit per actus judiciales.* *l. ult. C. de ann. & c. vers. Sancimus &c.* Maxime per lites conellationem. *l. 10. C. de acq. poss.*
19. Continuat autem possessio etiam in successore, non tantum Universalis. *§. 7. l. h. t.* sed & particulari. *§. 3. l. h. t. l. 2. §. 10. ff. pro emt.*

20. Sed hoc interest. Successor Universalis continuat possessionem bona fide ceptam, etiamsi ipse in mala fide sit. *d. §. 7. Et si defunctus m. f. possessor fuerit, ne quidem à sua persona Usucapionem inchoare potest, licet accessione possessionis uti non desideret, d. §. 7. l. 11. C. de acq. poss.*

21. Heres enim succedit in virtutes & vitia defuncti. *l. 11. ff. de div. & temp. prescr. l. 22. ff. b. t.*

22. Successor vero singularis potest uti accessione possessionis Auctoris sui, si uterque in b. f. sit. *l. 13. §. f. ff. de acq. poss.* Potestque si ipse b. f. possideat usucapionem inchoare, licet Auctor m. f. possessor fuerit. *l. 5. ff. de div. & temp. prescr. l. 1. C. de prescr. long. temp.*

23. VI. Ut Possessio sit continuata per tempus legitimum. Quod olim annus erat in re mobili, biennium in re immobili. *pr. l. b. t.* Sed per Imp. nostrum ita mutatum, ut res quidem mobiles per triennium, immobiles vero per longi temporis possessionem, id est inter presentes decennio, inter absentes XX. annis usucapiantur. *d. pr. in f. l. b. t. l. un. C. de usucap. transform.*

24. Sunt autem presentes qui in eadem Provincia domicilium habent. Absentes qui in diversis. *l. ult. C. de prescr. long. temp. X. vel XX. ann.*

§. 9. In Fisco speciale est, quod qui à Fisco rem alienam emit, statim securus sit, Fiscus autem ipse post quadriennium conveniri nequeat. *§. 9. l. b. t. l. 2. C. de quad. prescript.* Quod ad substantiam Principis & Augustæ deinde extensum est. *l. ult. C. d. t.*

26. Inter Usucapionem vero & Prescriptionem cum olim multa esset, jam nulla est differentia. *l. un. C. de usuc. transform.*

27. Est tamen etiam Prescriptio xxx. vel xl. annorum. *l. 3. & 4. C. de Prescript. 30. vel 40. ann.* Ad quam superiora illa requisita non sunt necessaria.

28. Sed Jus Can. ubique perpetuam bonam fidem exigit. *C. f. x. de prescript.*

TIT. VII.

DE DONATIONIBUS.

1. **D**onatio est liberalitas, nullo jure cogente, in accipientem facta. *l. 29. l. 19. §. 2. ff. b. t. l. 10. C. cod.*

pr. b. t.

2. Donationum autem duo sunt genera, Mortis causa, & Non mortis causa. *pr. l. b. t.*

3. Mor-

3. *Mortis causa donatio est, quæ propter mortis sit suspicionem §. 1. I. b. t. i. e. cogitationem mortalitatis. l. 2. l. 35. §. 4. ff. de mort. c. Don.*

4. Species ejus tres sunt. Una cum quis nullo præsentis periculi metu conterritus, sed sola cogitatione mortalitatis, donat. Alia, cum imminente periculo commotus ita donat, ut statim fiat accipientis. Tertia, si quis periculo mortis non sic det, ut statim fiat accipientis, sed tunc dum cum mors fuerit insecuta. *d. l. 2. ff. de mort. caus. don.*

5. *Hæ Mortis causa donationes, ad exemplum Legatorum redactæ sunt fere per omnia d. §. 1. I. b. t.*

6. Hinc 1. *Mortis causa donatio pœnitentia donatoris, & morte donarii extinguitur. d. §. 1.*

ii. Minuitur Falcidia. *l. 2. C. de don. c. m.*

iii. Non indiget insinuatione. *l. ult. C. cod.*

iv. Quinque requirit testes, qui in omni ultima voluntate sunt necessarii. *l. ult. §. ult. C. de Codicill.*

v. Dominium sine traditione transfert. *l. 2. ff. de Publician. in rem Act.*

vi. Admittit jus accrescendi. *l. un. §. 14. C. cad. toll.*

vii. Locum facit substitutioni. *l. 1. C. de don. c. m.*

viii. Nec non Cautioni Mutianæ. *Nov. 22. c. 44. §. ult.*

7. Sed in quibusdam *Mortis causa donatio à Legato differt.* Nam 1. *Donatio m. c. à præsentem in præsentem & acceptantem, non ignorantem, confertur. l. 38. ff. de m. c. don.*

ii. Non pendet ab additione hereditatis, arg. *l. 25. l. 32. ff. cod. l. 5. §. 17. ff. de his quæ ut indign.*

iii. Extinguitur etiam reconvalescentia & liberatione donatoris à periculo. *d. §. 1. I. b. t.* Quæ secus sunt in Legatis.

8. Diversa etiam est à *Mortis causa Capione*; Quæ est acquisitio propter mortem obveniens, carens speciali nomine; veluti cum quis servum suum liberum esse jussit, si mihi x. dederit. *l. 13. l. 38. ff. de mort. c. don.*

9. Irrita fit *Mortis causa donatio*, tribus modis, 1. Si donator salvos evaserit & supervixerit.

ii. Si donatoris eum pœniterit.

iii. Si donatarius prius decesserit. *d. §. 1. I. b. t. l. 16. l. 29. & seq. ff. de mort. c. don.*

10. Quibus casibus non solum retineri potest quod promissum, sed & repeti quod datum est, Conditione vel Utili in rem actione. *l. 29. l. 30. l. 35. §. 3. ff. cod.*

11. Do-

11. Donatio quæ non Mortis causa fit non male dividitur, in *Simplicem*. l. 20. §. 3. ff. *fam. ercisc.* l. 20. C. de *don. ant. nupt.* seu *absolutam* l. 35. §. 2. l. 42. in f. de *don. m. c. & Relatam*.

12. Donatio Simplex seu Absoluta est, quæ ex mera sit liberalitate. l. 1. ff. b. t. l. 27. ff. *cod.*

§. 2. 13. Quæ, si perfecta fuerit, temere revocari non potest. §. 2. l. b. t.

14. Perficitur autem, cum donator suam voluntatem scriptis aut *se- ne scriptis* manifestaverit, & donatarius eam acceptaverit. d. §. 2. l. 19. §. 2. ff. b. t.

15. Ut & sufficiat nudo pacto eam celebratam fuisse. l. 35. §. ult. C. b. t. conf. l. 7. §. 4. ff. de *pact.* Ad hoc scilicet, ut inde obligatio oriatur, & donatario contra donatorem actio deitur. d. §. 2. d. l. 35. §. ult. Non ut etiam dominium transferatur, quod absque traditione fieri nequit. §. 40. ff. de *A. R. D.* l. 20. C. de *pact.*

16. Sed non omnes donationes *Inter vivos Simples* simpliciter subsistunt; Quædam enim *Insinuationem* requirunt, i. e. relationem in Acta publica.

17. Cum enim priores Principes donationes insinuari Actis intervenientibus voluissent, si majores essent incrementorum solidorum, Imp. noster eam quantitatem primum ad 300. l. 34. C. b. t. novissime vero ad 500. solidos ampliavit. l. pen. §. ult. C. *col.* quam stare sine insinuatione, majorem insinuari voluit. d. §. 2. d. l. 36. §. ult.

18. Quod si donatio definitum 500. solidorum modum excedens insinuata non sit, non in totum est irrita, sed quatenus excedit. d. l. 34. Nov. 162. c. 1. §. ult.

19. Quod summa ratione introductum; Ne quis scilicet temerariis lagitionibus patrimonium suum exhauriat, vel clandestinis fraudibus donatio confingatur. l. 27. C. b. t.

20. Cum insinuatione ergo donare licet in infinitum, etiam omnia bona. l. 35. §. 4. C. b. t. l. 17. §. 1. ff. *que in fraud. cred.* salva liberis *Portione Legitima*. l. 5. C. de *inoff. don.*

21. Sunt tamen quædam donationes quæ penitus insinuationem fieri minime desiderant. d. §. 2. l. b. t. Quales sunt maxime Donationes Principi vel à Principe factæ; Quæ sunt pro redemptione captivorum; Nec non pro restitutione ædium incendio vel ruina consumptarum. d. l. 34. l. pen. pr. §. 1. 2. C. *cod.*

22. Licet autem plenissime hæc sint donationes, si tamen ingratæ sint donatarii, licet donatoribus (non etiam heredibus.) l. 7. l. ult. C. de *rev. don.*

don. propter V. causas in d. l. ult. relatas, donationem revocare. d. §. 2. d. l. ult.

23. Ut tamen ingratitudinis causæ similes vel graviore, dummodo ejusdem sint generis, etiam admittendæ sunt. arg. l. 12. ff. de leg.

24. Patrono etiam in specie concessum est, donationem liberto factam revocare, si postea liberos suscepit. l. 8. C. de rev. don. Quod jure nostro ad alios non extenditur.

25. Sed Simplex hæc donatio Inter vivos, ad modos Acquirendi Civiles non est referenda.

26. Donatio Relata est, quæ fit ob respectum aliquem, quo cessante non fiet. Qualis est donatio quæ sub modo, vel conditione fit. t. t. C. de don. quæ sub mod. Donatio remuneratoria l. 27. ff. h. t. & Donatio Propter nuptias. §. 3. l. h. t.

27. Donatio Propter nuptias est, quam maritus facit uxori, (vel §. 3. sponsus sponsæ) in securitatem dotis.

28. Olim vocabatur donatio Ante nuptias, & tacitam in se conditionem habebat, ut tum rata esset, cum matrimonium esset insecutum. d. §. 3. l. h. t.

29. Cum vero D. Justinus permisisset eam etiam post nuptias augeri posse, Imp. Justinianus ulterius constituit, ut tales donationes, non augentur tantum, sed etiam constante matrimonio initium accipiant, & non Ante sed Propter nuptias vocentur. d. §. 3. l. ult. C. de don. ant. nupt. Dotique omnino respondeant, tum in quantitate, tum in pactis. Nov. 97.

30. Rerum autem sic donatarum mulier constante matrimonio non est domina, neque fructus ex iis percipit, sed habet tantum in iis jus pignoris. l. 29. C. de jur. dot. Nov. 61. C. 1.

31. Modus Acquirendi Juris Civilis per Jus Accrescendi memoratur §. ult. in §. ult. l. h. t. & simul abrogatur.

TIT. VIII.

QUIBUS ALIENARE LICET VEL NON LICET.

I. Non incommode subjicitur de personis Alienantibus, & Acquirentibus.

2. Alienatio est omnis actus per quem dominium transfertur l. 1. C. de fund. dor. vel aliquod jus in re. l. ult. C. de reb. alien. non alien.

3. Alienare potest quicumque est dominus. l. 21. C. mand. Qui vero dominus non est alienare nequit. l. 54. ff. de R. J.

4. Ab utraque regula non una datur exceptio.
- pr. h. t.* 5. Et quidem quod ad primam regulam attinet excipitur I. Maritus, qui licet dotis, constante matrimonio, sit dominus, *pr. I. h. t. l. 13. §. 2. ff. de fund. dot. l. 7. §. 3. ff. de jur. dot. l. 23. C. cod. l. 9. C. de R. V. §. 40. I. de R. D. alienandæ tamen rei dotalis potestatem non habet.*
6. Nam dotale prædium maritus invita muliere per Legem Juliam alienare, & per constitutionem Justiniani, etiam consentiente muliere alienare, vel pignori obligare, prohibetur. *pr. I. h. t. l. un. §. 15. C. de rei ux. act.*
7. Ne sexus muliebris fragilitas in perniciem substantiæ earum convertatur, *d. pr. in f. I. h. t.* dum uxor vel mariti reverentia, vel amore, rerum suarum alienationi facile dat consensum.
8. Res tamen dotales mobiles *l. 3. §. 2. ff. de suis & legit. hered. l. 3. C. de jur. dot. Auth. Sive à me. §. 1. C. ad SC. Vell. si modo solvendo sit, l. 1. C. de serv. pign. dat. manum.* nec non immobiles quæ æstimato in dotem datæ sunt, maritus alienare potest. *l. 10. §. 4. ff. de jur. dot. l. 5. l. 10. C. cod.*
9. Dummodo æstimatio facta sit venditionis causa; secus est si facta tantum sit taxationis causa, ut constet quanti ea res sit, *l. 69. §. 7. ff. de jur. dot. l. 50. ff. solut. matr. l. 21. C. d. I. dot.*
- §. 1.* 10. n. Excipiuntur Pupilli *§. 2. I. h. t.* Minores *l. 22. C. de adm. tut.* Furiosi, Prodigii, omnesque qui rebus suis superesse non possunt, & ob id Curatores habent, *§. 3. 4. I. de Curat.* Qui quidem rerum suarum domini sunt, nullam tamen rem sine tutorum curatorumve consensu alienare possunt. *d. §. 2. I. h. t.*
- II. Hinc neque pecuniam alteri mutui dare, (cum & mutui datio alienatio sit. *l. 2. §. 2. l. 16. l. pen. ff. de reb. cred. l. 9. pr. ff. de auct. tut. l. 1. C. de fund. dot.*) neque creditoribus suisolvere. *d. §. 2. l. 9. §. 2. ff. de auct. tut.* Ino ne quidem à debitoribus suis solutionem accipere possunt; propter ætatis & iudicii infirmitatem *l. ult. §. 5. in f. C. de bon. qua lib. d. §. 2. I. h. t.*
12. Adeo ut si plenissimam securitatem debitores, solvendo debitum pupillare, consequi velint, præcedere debeat Judicialis sententia, quæ hoc permittat. *d. §. 2. I. h. t. l. 25. C. de adm. tut.*
13. Sane si ipsi Tutori vel Curatori sine Judicis auctoritate facta sit solutio, debitores quidem sunt ipso jure liberati. *l. 46. §. 5. 7. ff. de adm. tut. l. 7. §. 2. ff. de min. sed si ipsi tutori vel curatori, siue intercedente*

eorum auctoritate pupillo vel minori solvatur, beneficium *Restitutionis* in integrum, non excluditur. *l. 2. §. C. si tut. vel cur. interven.*

14. Quod si ipsi pupillo vel minori solvatur sine tutoris vel curatoris auctoritate, si quidem pupillus vel minor pecuniam salvam habeat vel ex ea locupletior sit (in quo tempus litis contestatæ inspicitur *l. 4. ff. de except. l. 37. ff. de negot. gest.*) Et adhuc eandem pecuniam summam petat, per exceptionem doli mali poterit submoveri. Si vero male consumserit, vel vi vel furto amiserit, debitor adhuc semel solvere tenetur. *d. §. 2. l. h. t.*

¶ 15. Reditus tamen annui, & cæterarum rerum pensiones, si modo non excedant metam biennii, aut summam C. solidorum, sine auctoritate iudicis tuto solvi possunt. *l. 25. l. 27. C. de adm. tut.*

16. A secunda Regula excipit Imp. in §. 1. *l. h. t.* Creditorem, qui pignus, quamvis ejus ea res non sit. *l. 9. C. de pign. act.* cum in mora solvendi est debitor *l. 7. l. 14. C. de distr. pign.* alienare potest, *d. §. 1.*

17. De quo si pactum aliquod intervenerit (de *Pignore Conventionali* enim hic agitur) illud servandum, neque ulla denunciatione opus videtur. *l. 3. §. 1. C. de jur. dom. imp. add. l. pen. C. de pign. act.*

18. Si modo pactum non sit, Ne liceat alienare: Quo casu, (cum pactum tale sit contra naturam pignoris, quod securum facit creditorem,) alienatio nihilominus permittitur, sed præmissa trina denunciatione. *l. 4. ff. de pign. act. l. 10. C. de pign.*

19. Si vero pactum nullum intercessit, creditori pignus alienare licet, si modo semel denunciaverit, & iussu biennium expectaverit. *l. 3. §. 1. C. de jur. dom. impetr. l. 4. C. de distr. pign.*

20. Magis huic pertinent ii. Tutores & Curatores, quibus res pupillorum & minorum alienandi potestas à Legibus tributa est *l. 109. ff. de V. S.* Quamvis his non quævis alienatio permittitur, nec omnium rerum absque decreto. *v. l. 9. §. 5. l. 12. §. 1. l. 22. l. 46. §. ult. ff. de admin. tut. l. 16. l. 22. l. ult. in f. C. cod. l. 1. Et pass. ff. de reb. cor. qui sub. tut.*

TIT. IX.

PER QUAS PERSONAS CUIQUE ACQUIRITUR.

1. Porro debent illi, qui dominium acquirere volunt, tales esse, qui proprii quid habere possunt. Sunt enim qui non sibi sed aliis acquirunt,

pr. h. t.

2. *Acquiritur enim nobis, non solum per nosmet ipsos, sed etiam per eos quos in potestate habemus, sive Dominica, puta servos; sive patria, puta liberos. Item per servos in quibus usufructum habemus; Item per homines liberos & per servos alienos, quos tanquam nostros b. f. possidemus. pr. l. b. t. l. 10. ff. de A. R. D. Imo & aliquando per homines liberos quos non possidemus. §. ult. l. b. t.*

§. 1.

3. *Et quidem florente Rep. quodcumque liberi acquirebant, æque ac servi Dominis, sine ulla distinctione Parentibus acquirebant. §. 1. l. b. t.*

4. *Sed deinceps Distinctio Peculiorum introducta est.*

5. *Peculium (quod quasi Pusilla pecunia, seu Pusillum Patrimonium dictum. l. 5. §. 3. ff. de pecul.) est, quod filiusfam. l. 1. §. 5. ff. cod. vel servus separatim habet, à rationibus patris vel domini, deducto inde si quid patri vel domino debetur. d. l. 5. §. ult. ff. de pecul. l. 37. §. 1. ff. de A. R. D.*

6. *Peculium liberorum potest constitui duplex, Paganum & Militare. l. ult. C. de inoff. test. Ita ut utrumque duas habeat species, Paganum scil. Profectitium & Adventitium; Militare vero, Castrense & Quasi castrense. d. l. ult. §. 1. l. b. t. §. ult. l. de test. mil. l. 6. l. ult. C. de bon. quæ lib.*

7. *Peculium Castrense (de cujus origine v. l. 1. ff. de test. mil. pr. l. quib. non est perm. fac. test.) est, quod filiusfam. acquirit occasione militia armata. l. 11. ff. de cast. pec. v. l. 6. pr. ff. de re jud.*

8. *Peculium Quasi castrense (quod ad imitationem Castrensis introductum. §. ult. l. de test.) est, quod filiusfam. acquirit occasione militia togata. v. l. 14. C. de Adv. l. 1. l. 6. ff. de re jud. ex Officio scil. publico, vel Advocatione. d. l. ult. C. de inoff. test. l. 7. C. de Assess.*

9. *Peculium autem Castrense & Quasi castrense pleno jure est filiusfam. Ut filii in iis vice patrumtam. fungantur. l. 2. ff. ad Sc. Maced. & proinde de iis etiam testari possint, pr. l. quib. non est perm. test. fac.*

10. *Profectitium est, quod ex re Patris, vel occasione & contemplatione patris, filio obvenit. d. §. 1. l. b. t. arg. l. 21. & seq. ff. de usufr.*

11. *Illud pleno jure, tam quoad proprietatem quam usufructum patris est. Quæ enim invidia est, quod ex patris occasione profectum est, hoc ad eum reverti? d. §. 1.*

12. *Filius tamen id gubernat, eoque fruitur, paternisque bonis publicatis retinet. l. 3. §. 4. in f. de minor. Imo & ei donatum censetur, si ei emancipato ademptum non sit. l. 31. §. 2. ff. de don.*

13. *Peculium Adventitium est, quod ex alia causa, liberalitate matris*

vis vel aliorum, proprioque labore vel prospera fortuna, sibi filiusfam. acquisivit. d. §. 1. l. h. t.

14. Hoc *Ordinarium* est & *Extraordinarium*, seu ut alii malunt, *Minus Plenum* & *Plenum*, *Regulare* & *Irregulare*.

15. *Ordinarium* (seu *Minus plenum* & *Regulare*) est, *cujus proprietat filii, ususfructus & administratio, quoad vitam, patris est.* d. §. 1. l. 6. l. ult. §. 5. C. de bon. qua lib. §. 2.

16. Sed si emancipatus est filius, pater dimidiam partem ususfructus habet, cum olim tertiam haberet proprietatis. §. 2. l. h. t.

17. *Peculium Adventitium Extraordinarium* (seu *Plenum*, & *Irregulare*) est, quod pleno jure, & quoad proprietatem, & quoad ususfructum, filii est.

18. *Peculium* autem tale filius habet variis casibus. I. Si hereditatem renuente patre adierit. l. ult. §. 1. C. de bon. qua lib.

II. Si Princeps filio aliquid donaverit. l. 7. C. eod.

III. Si filio quid relictum sit, sub ea conditione, ne pater ususfructum habeat. Nov. 117. c. 1. pr.

IV. Si ei relictum sit legatum militiæ. l. 3. §. 7. in f. ff. de min.

V. Si fratri una cum patre succedat ab intestato. Nov. 118. c. 3.

VI. Si pater in bonis filio restituendis dolose versatus sit. l. 50. ff. ad SC. Treb.

19. *Peculium servorum simplex* est, *servus enim nihil suum habere potest.* §. 3. l. h. t. & quodcumque acquirit, statim Domino acquirit. Adeo ut Dominis etiam ignorantibus & invitis hoc obveniat. d. §. 3. l. 32. ff. de A. R. D. l. 46. ff. de jur. dot. l. 79. ff. de acq. hered. §. 3.

20. Neque solum *proprietat per eos Dominis acquiritur, sed etiam possessio* & proinde usucapiendi conditio. d. §. 3.

21. Ea quidem quæ facti sunt, ad Dominum non transeunt. §. 2. l. de stip. serv. l. 44. ff. de cond. & dem. & possessio plurimum facti habet l. 19. ff. ex quib. caus. maj. Sed minime tamen hoc obstat; Quia possessio non tantum facti, sed & juris est, ex quo plurimum mutuatur. l. 49. pr. & §. 1. ff. de acq. poss.

22. Possessio autem (exceptis rebus peculiaribus, quas domini voluntate servi possidere intelliguntur l. 1. §. 5. l. 3. §. 12. l. 24. l. 44. §. 1. ff. de acq. poss.) non nisi scientibus ac volentibus acquiritur. dd. II.

23. Hereditatem etiam, non nisi præcedente jussu domini, servus adire potest. d. §. 3. l. h. t. l. 10. §. 1. ff. de A. R. D. l. 25. §. 4. ff. de acq. her.

Ne scilicet in potestate servi sit Dominum ignorantem rei alieno obligare. *l. 1. ff. de acq. her.*

§. 4. 24. Porro acquirimus per eos servos in quibus usufructum habemus, ut & per eos quos tanquam nostros b. f. possidemus; sed ex duabus tantum causis, si quid ex re nostra, vel suis operis acquirunt. *§. 4. l. h. t. v. l. 31. l. 26. ff. de usufr.*

25. Itaque si talis servus heres institutus sit, legatumve quid ei aut donatum sit, non usufructuario vel b. f. possessori, sed domino proprietatis, vel ipsi si liber est, acquiritur. *d. §. 4.*

26. Nisi horum quid factum sit contemplatione fructuarii vel b. f. possessoris *l. 21. §. seq. ff. de usufr. l. 45. §. ult. ff. de acq. hered.* Quo casu servus ex re fructuarii vel b. f. possessoris, non ex sua opera, acquirere intelligitur. *d. l. 45. §. 4. ff. de acq. her.*

§. 5. 27. Per liberam Personam, quæ alterius juri non est subiecta, ordinario nobis nihil acquiri posse indubitati juris est. *§. 5. l. b. t. l. 1. C. eod. l. 73. §. ult. ff. de R. J.* Quilibet enim sollicitus esse debet ut sibi acquirit quod sua interest. *§. 18. l. de inut. stip. l. 11. ff. de O. & A.*

28. Sed excipitur causa Possessionis, quam per Procuratorem, & per eam Dominium si tradens fuerit dominus, si vero dominus non fuerit usufructu conditionem, etiam ignorantes possumus acquirere. *d. §. 5. d. l. 1.*

29. Ad apprehendendam enim possessionem ministerio etiam alieno uti licet. *l. 53. ff. de A. R. D. l. 18. ff. de acq. poss.*

30. Adeo ut si modo voluntas nostra ab initio intercesserit. *l. 53. ff. de A. R. D.* Licet tempus, & circumstantias ignoremus, tamen possessio nobis acquiratur. *d. §. 5. l. 13. ff. de A. R. D. l. 34. §. 1. l. 49. §. ult. ff. de acq. poss.*

31. Debet tamen Procurator eo esse animo, quod velit nobis acquirere; si enim expresse dicat (sola cogitatio non nocet. *l. 13. ff. de don. l. 37. §. 6. ff. de A. R. D.*) se sibi vel tertio velle acquirere, nobis non acquiritur. *l. 1. §. 20. ff. de acq. poss.*

TIT. X.

DE TESTAMENTIS ORDINANDIS.

I. **A**ctum adhuc est de Modis acquirendi Juris Civilis *Singularibus*, sequitur de *Universalibus*, (de Legato enim & Fideicommissis *Singularibus*.)

gulari deinceps agitur. v. §. ult. I. per quas pers.) per quos simul & semel universum alicujus patrimonium acquiritur.

2. Sunt autem isti potissimum quatuor. i. *Hereditatis Acquisitio*. ii. *Bonorum Possessio*. iii. *Arrogatio*. iv. *Addictio bonorum libertatum conservandarum gratia*. d. §. ult.

3. Inter quos primum locum obtinet *Hereditatis Acquisitio*.

4. Est autem *Hereditas*, *successio in universum jus, quod defunctus tempore mortis habuit*. l. 24. ff. de V. S. l. 62. ff. de R. J.

5. Eaque deferretur duobus modis, ex *Testamento* & *dispositione privatorum*, vel ab *Inestato* & *dispositione legis*. d. §. ult. per quas pers.

6. Cum vero hereditas ab *Inestato* non dederetur, quamdiu ex *Testamento* adiri potest. l. 39. ff. de acq. hered. Prius est ut de *Testamento* dispiciamus, d. §. ult.

7. *Testamentum* (quod quasi *testatio mentis* dicitur pr. l. h. t.) est voluntatis nostrae iusta sententia, de eo quod quis post mortem suam fieri velit. l. 1. ff. qui test. fac. poss. pr. h. t.)

8. Dicitur *Iusta sententia*, i. e. legibus conveniens, seu ad Juris regulas conformata. l. 4. ff. qui test. fac. poss.

9. *Voluntatis nostrae*. Hinc debet abesse vis atque metus, quae voluntati sunt contraria. l. 1. l. 21. §. 1. ff. quod met. caus. Et nemo alieno nomine testari potest. l. 32. ff. de hered. inst.

10. De eo quod quis post mortem suam fieri velit. Viventis enim non est hereditas. l. 1. ff. de hered. vel att. vend. add. Ep. ad Hebr. c. 9. v. 16. 17.

11. Testamenti factio Origine haud dubie est juris Gentium. §. 40. I. de R. D. l. 1. C. de SS. Eccles. add. Genes. c. 25. 27. Determinatione vero Juris Civilis.

12. Jure Romano antiquo genera Testamentorum erant quatuor. i. §. 1. x. *Testamentum Calutis Comitii*, in concione Populi factum.

ii. *In Procinctu*, cum viri ad Praelium faciendum in aciem vocabantur.

iii. *Per as & libram*, quod per emancipationem, id est, imaginariam venditionem agebatur. §. 1. l. h. t. A. Gell. l. 15. c. 27.

iv. Factum *Jure Pratorio*, coram vii. testibus, & ab iis Signatum, §. 2. l. h. t.

13. Sed haec genera in usu esse desierunt, & jure novo aliae species introductae sunt.

14. Secundum quod Testamenta dividi possunt in *Publica* & *Privata*.

15. *Publica sunt, quae sunt fide & auctoritate publica*; coram Principi

pe

pe scil. vel apud Acta: Quando neque testes, neque solennia desiderantur.
l. 19. C. de testam. add. l. 31. C. de don.

16. *Privata, que sunt fide privata; cum privatorum auribus suprema voluntas committitur. d. l. 19. C. de testam.*

17. *Privata sunt Solennia, vel Minus solennia.*

18. *Testamenta Solennia sunt, ad que condenda solennitates legibus prescripta necessaria sunt.*

19. *Minus solennia, ad que vel nulle, vel non omnes solennitates sunt necessaria.*

20. *Qualia sunt 1. Testamenta Militum, de quibus tit. seq.*

II. *Parentum inter liberos. l. 21. §. 1. C. b. t. Nov. 107. c. 1. Quæ nullam omnino solennitatem requirunt.*

III. *Tempore contagionis facta. l. 8. C. b. t. Quando necesse non est omnes testes simul adesse.*

IV. *Rusticorum; Ad quod 5. testes sufficiunt, si plures haberi nequeunt; neque testium subscriptiones requiruntur si scribere nequeant; vel si quidam licitati adint, sufficit, si hi pro aliis etiam subscribant. l. ult. C. b. t.*

V. *Testamenta posteriora imperfecta, in quibus scripti heredes ab Instato venturi, qui in priori erant prateriti; Ad quæ 5. similiter testes sufficiunt. l. 21. §. pen. C. b. t.*

21. *Utraque sunt Scripta, vel Nuncupativa.*

22. *Testamentum Solenne Scriptum est, quod per Testatorem, aut alium ejus jussu, in scripturam ab initio solenniter redactum est.*

23. *Requisita ad Testamentum Solenne Scriptum necessaria, possunt constitui sex.*

§. 3. 24. *1. Testamentum condi debet uno eodemque tempore. §. 3. l. b. t. l. 21. C. b. t. & unico contextu, i. e. non intermixto actu alieno, seu ad testamentum non pertinere. l. 21. §. ult. ff. b. t. d. §. 3. l. b. t. Nisi forte talis sit, quem ratio morbi Testatoris, vel necessitas naturæ efflagitat. l. 28. C. cod.*

25. *Contractus itaque inter testandum celebrari nequeunt. arg. l. 4. ff. de adm. legat. l. 5. C. de O. & A.*

26. *II. Debent adesse VII. testes idonei §. 3. l. b. t. (quoad declarationem, post testamentum conditum, factam, duo sufficiunt. l. 21. §. 1. ff. b. t.) specialiter rogati l. 21. §. pen. ff. cod. (quod in aliis negotiis secus est. l. 11. ff. de testib.) simul, & non inviti, presentes. l. 8. C. b. t. l. 20. §. ult. ff. qui testam. fac. poss. nec non testatorem videntes. l. 9. C. de testam.*

27. III. *Debent testes subscribere, & signacula apponere*, suo vel alieno annulo. §. 5. *I. h. t. l. 22. §. 2. ff. qui testam. fac. poss. l. 12. C. de testam.* §. 5.

28. IV. *Debet ipse testator subscribere*, vel, si scribere nequeat, octavum testem, in eum finem adhibere; Nisi forte testamentum sit holographum i. e. integrum manu testatoris scriptum. *l. 28. §. 1. C. de testam.*

29. *Tuñ & v. & vi. ante omnia requiritur* (quod omnibus testamentis commune est) ut *Testator testandi habeat potestatem activam, & heredem instituat*. Sed cum de iis intra speciales occurrant tituli, plura hic non addemus.

30. Quæ requisita partim ex *Jure Civili*, partim ex *Constitutionibus*, partim ex *Jure Prætorio* descendunt; *Jus enim hoc tripartitum videtur; ut testes quidem & eorum præsentia, uno contextu, testamenti celebrandi gratia à Jure Civili descendant; subscriptiones autem testatoris & testium ex Sacrarum Constitutionum observatione adhibeantur; signacula autem & testium numerus ex Edicto Prætoris. d. §. 3. in f. l. h. t.*

31. *Constitutum etiam erat*, ut nomen heredis per manus testatoris vel testium exprimeretur. §. 4. *I. h. t. l. 29. C. eod. sed per Nov. 119. c. 9. istud abrogatum est.* §. 4.

32. Quod si vel una harum solennitatum omissa sit, Testamentum (utpote non jure factum *l. 1. ff. de inj. rupt. irr. test.*) in *Foro externo* nullum produci effectum: In *Foro tamen Conscientiæ*, si modo constet de voluntate defuncti, heredem ab intestato, ad relicta præstanda obligat. arg. *l. 32. C. de fideic. add. l. 2. C. eod. l. 38. ff. ad SC. Treb.*

33. *Testes autem adhiberi possunt cum quibus est testamenti factio.* §. 6. *I. h. t. scil. passiva. v. l. 16. ff. qui testam. fac. poss.* §. 6.

34. Sed in numerum testium non potest adhiberi mulier. *d. §. 6. In omni enim emancipatione olim testes tantum masculi admissi.*

Non servus. d. §. 6. I. h. t.

Non furiosus. d. §. 6.

Non mutus. d. §. 6. Quid enim actum sit testimoniis eloqui nequit.

Non surdus. d. §. 6. Quia non intelligit quid dicatur.

Non cæcus. l. p. C. h. t. Testatorem enim agnoscere nequit, nec signa recognoscere. v. l. 4. ff. testam. quemadm. aper.

Non prodigus. d. §. 6.

Non intestabilis. d. §. 6. Qualis est, qui ob carmen famosum damnatus est. l. 18. §. 1. ff. qui testam. fac. poss.

35. Quæ testimoniis conditi, tempore testamenti facti, non alio, consideratur. *l. 22. §. 1. ff. qui testam. fac. poss. Ut & occulta testium vitia,* §. 7.

si modo testamenti facti tempore publicè pro idoneis habeantur, testamentum non officiant. §. 7. *l. h. t.*

§. 8. 36. Nihil autem nocet, plures testes ex una domo adhiberi §. 8. *l. h. t.* licet cognati sint testatoris; Quamvis in judiciis secus sit. *l. 9. l. 24. ff. de testib. l. 3. l. 6. C. cod.* Nisi tamen in potestate sint testatoris, qui testes esse nequeunt. §. 9. *l. h. t.*

§. 10. 37. Sed neque heres scriptus, neque is qui in potestate ejus est, neque pater ejus qui cum in potestate habet, neque fratres qui in ejusdem patris potestate sunt, testes adhiberi possunt. Quia sibi ipsi quodammodo testimonia præstarent. §. 10. *l. h. t.*

§. 11. 38. Legatarii tamen & Fideicommissarii testes esse possunt. §. 11. *l. h. t.* Non tantum in testamento *Scripto*, sed etiam *Nuncupativo*.

39. Licet enim nemo in propria causa testis esse possit. *l. 10. ff. l. 10. C. de testib. & propria causa* dicatur, cujus commodum vel damnum ad aliquem pertinet *l. 1. §. 11. ff. quant. appelland.* Non tamen istud hic obstat. Legatarii enim non sui juris succellores *d. §. 11. l. 9. §. 1. ff. de edend. & principaliter de herede instituendo* agitur. Tum 11. Testes causa sunt ut testamentum subsistat; Improbe ergo faceret heres, si illos repudiaret quibus pro se usus est. *v. l. 14. ff. de reb. dub.*

§. 12. 40. In qua materia Testamentum scribatur, an in tabulis, an in chartis, membranisve, nihil interest. §. 12. *l. h. t. l. 1. l. 4. ff. de bon. poss. sec. tab.*

41. Nihil etiam refert qua lingua fiat. *l. 21. §. ult. add. l. 15. C. de testam.*

42. Dummodo literis perscribatur, non notis. *l. 6. §. ult. ff. de bon. poss.* Nisi forte portio hereditaria notis expressa sit. *l. 9. §. 4. ff. de hered. instit.* Vel miles testatus sit. *l. 40. pr. ff. de testam. mil.*

• §. 13. 43. Cum duobus autem pluribusve testamentis nemo paganus potest decedere. *l. 19. ff. de testam. mil.* Unum tamen testamentum pluribus codicibus i. e. exemplaribus *l. 24. ff. qui testam. fac. poss. l. 1. §. 5. ff. de bon. poss. sec. tab. l. 47. ff. de legat. 2. l. 1. §. 6. ff. de bon. poss. sec. tab. l. ult. qua in testam. del. conficere quis potest. §. 13. l. h. t.*

44. Dummodo tamen omnia exemplaria secundum observantem observationem facta sint. *d. §. 13. d. l. ult.* neque unum quasi testamentum sit, aliud quasi exemplum. *d. l. 1. §. 7. ff. de bon. poss. sec. tab.*

§. 14. 45. Testamentum *Nuncupativum* est, cum Testator viva voce coram VII. testibus idoneis, specialiter rogatis simul presentibus ac Testatorem videntibus atque intelligentibus, unico contextu, voluntatem suam declarat.

§. 14.

§. 14. I. b. t. l. 21. §. pen. & ult. ff. qui testam. fac. poss. l. 21. §. 2. C. b. t.

46. Debet autem voluntas palam, i. e. ut testator à testibus exaudiri & intelligi possit, l. 21. pr. ff. b. t. & plene, pronunciari; si quid enim desit ex iis quæ testator dicere voluit, ne quidem ea quæ dicta sunt subsistunt. l. 25. ff. b. t.

47. Ex quibus differentix inter Testamentum Solenne Scriptum & Nuncupativum manifestæ sunt.

TIT. XI.

DE MILITARI TESTAMENTO.

1. **T**estamentum Militare est, quod factum est à milite, in numeros relato. l. 42. ff. b. t. jure Militari.

2. Supra dicta diligens observatio enim, & quæcunque subtilitatem magis quam naturalem rationem habent, militibus remissa sunt. pr. I. b. t. l. 1. ff. eod. pr. b. t.

3. Tum propter nimiam imperitiam eorum d. pr. I. b. t. l. 1. ff. l. 3. C. b. t. (Arma enim magis quam jura sciunt milites l. 22. C. de jur. delib.) Tum & quidem maxime, propter periculorum functionem. l. un. ff. de bon. poss. ex testam. mil.

4. Propter quam Privilegium hoc etiam ad non milites, in hostico- lo degentes, iisdemque periculis expositos extensum d. l. un. neque Militari- bus aliter, quam in expeditione & castris degentibus, concessum est. d. pr. I. b. t. §. 3. I. b. t. l. 17. C. eod.

5. Quoquo modo itaque voluntas militum inveniatur, sive scripta si- ve sine scriptura, valet testamentum ex voluntate eorum. d. pr. I. b. t. l. 1. C. eod. Testamentumque iis facere quomodo possint conceditur. l. 1. l. 40. ff. b. t. d. l. un. ff. de bon. poss. ex testam. mil. l. 3. l. 15. C. b. t.

6. Est autem Testamentum Militum, uti & Paganorum, Scriptum, vel Nuncupativum.

7. Ad Scriptum nulli requiruntur testes; si quid enim in vagina aut clypeo, lieris sanguine suo rutilantibus, adnotaverint, aut in pulvere in- scripserint gladio suo, ipso tempore quo in prælio vitæ sortem derelinquunt, hujusmodi voluntatem stabilem esse oportet. l. 15. C. b. t. Dummodo mili- tem scripsisse constat. l. 40. in fin. pr. ff. b. t.

8. Ad Nuncupativum duo sufficiunt. arg. l. 12. ff. de testib. etiam spe. §. 1.

eialiter non rogati, arg. l. ult. §. ult. C. de Codicill. (non obs. §. 1. l. b. t. verb. convocatis ad hoc hominibus, quibus factum tantum significatur) si modo serio coram iis niles locutus sit. d. §. 1. l. b. t.

§. 2. 9. Quinimo & nuntus & surdus miles, ante causariam missionem, in numeris manens. l. 4. ff. b. t. testamentum facere potest. §. 2. l. b. t. Quod non poterant surdi & muti non milites, nisi à Principe id specialiter impe- trassent l. 7. ff. qui testam. fac. poss.

10. Sed postquam omnibus surdis & mutis, certo modo, testari con- cessum est. v. l. 10. C. qui testam. fac. poss. Privilegium hoc militare esse desit.

§. 3. 11. Privilegium autem hoc hactenus conceditur, quatenus militans & in castris degunt. Post missionem Veterani, vel extra castra alii, si faciant adhuc militantes Testamentum, communi jure id facere debent. §. 3. l. b. t. l. pen. C. cod.

12. Quod vero in castris fecerunt testamentum, post missionem hone- stam scil. & causariam, non ignominiosam. l. 26. pr. & §. 1. ff. b. t. v. l. 2. §. 2. ff. de his qui not. infam. l. 13. §. 3. ff. de re milit. intra annum tan- tum valebit. d. §. 3. l. b. t. Ut tamen conditio post annum existens retro- trahatur. d. §. 3. l. 26. ff. de condit. Instiit.

§. 4. 13. Si quis ante militiam non jure fecit testamentum, & postea mi- litare cepit, non valebit hoc testamentum jure militari, nisi miles factus verbis vel factis novam voluntatem declaraverit. §. 4. l. b. t. l. 9. §. 1. l. 20. §. 1. l. 25. ff. b. t. quæ scil. priori non sit contraria. Ita accip. l. 15. §. 2. ff. b. t.

§. 5. 14. Minima capitis diminutione testamentum militis non fit irritum §. 5. l. b. t. l. 6. §. ult. ff. de injust. rupt. irr. Potest enim filiusfam. miles etiam testamentum facere. Sed in testamentis paganorum hoc secus est. §. 4. l. quib. mod. testam. infirm.

§. 6. 15. Togati milites v. l. 14. C. de Advocat. divers. judicior. de Quasi Castrensi peculio testari quidem possunt, sed jure communis, §. 6. l. b. t. l. ult. C. de inoff. testam.

TIT. XII.

QUIBUS NON EST PERMISSUM FACERE TESTAMENTUM.

I. **N**on tamen omnibus licet facere testamentum pr. l. b. t. Est enim Testamenti factio juris publici, l. 3. ff. qui testam. fac.

fac. poss. ut nemo suo arbitrio testari, aut à privato id jus consequi possit.

2. Testari autem non possunt quidam 1. propter *statum*; puta servi: *§. ult.* Unde & ejus, qui apud hostes est, testamentum, quod ibi fecit, non va- *b. t.* let. *§. ult. l. b. t.*

3. Sed quod dum in civitate fuerat fecit, sive redierit valet jure Postumini, sive illic decesserit valet ex Lege Cornelia, d. *§. ult. l. 2. l. 12. ff. b. t. l. 16. l. 18. ff. de captiv.*

4. Codicilli etiam scripti in captivitate, ab eo, qui in civitate Testamentum tulerat, eo reverso, convalescunt. *l. 12. §. 5. ff. de captiv. & postlim. rev.*

5. Similiter propter *statum* testari non possunt Peregrini, *l. 8. §. 1. 2. ff. b. t. l. 1. §. 2. ff. de legat. 3.* Obsides, nisi hoc eis permittatur *l. 11. ff. b. t.* De statu suo dubitantes *l. 14. l. 15. ff. cod.* Filiisfam. denique qui in patris sunt potestate, *pr. l. b. t. l. 6. ff. l. pen. C. cod. add. l. 170. ff. de V. S.*

6. Adeo quidem, ut quamvis parentes eis permiserint, nibilo magis jure testari. d. *pr. l. b. t. d. l. 6. pr. codicillos facere, legatumve* (quoad donationem mortis causa secus est *l. 25. §. 1. ff. de mort. C. don.*) aut fidei commissum relinquere, possint *l. 6. §. 3. ff. de jur. Cod.*

7. Adeo etiam ut licet postea suæ potestatis facti decesserint, testamentum antea factum tamen non valeat. d. *pr. in f. l. 19. ff. b. t.* Propter Regulam Catonianam, quæ non patitur id quod ab initio vitiosum est, tractu temporis convalescere. *l. 1. ff. de Reg. Cat. l. 29. l. pen. ff. de R. J.*

8. Excipiuntur tamen Filiisfam. qui peculium Castrense habent, vel Quasi castrense d. *pr. l. b. t. l. ult. C. de inoff. test. l. 6 C. de bon. qua lib.* quia in iis vice patrui fam. funguntur. *l. 2. ff. ad SC. Maced. v. supr. ad r. per quas pers. cuique atq. §. 9.*

9. De Adventitio vero filiusfam. ne quidem eo casu testari potest, quando plenum ejus habet dominium *l. pen. C. b. t. qua explicatur l. ult. §. 5. vers. Filius autem. C. de bon. qua lib.* Quamvis de iis inter vivos disponendi, libera filiosfam. majori 25. annis facultas concessa sit. *Nov. 117. c. 1. §. 1.*

10. II. Testari non possunt propter defectum *judicii*, Impuberes, *§. 1. 2. quia nullum eorum animi judicium est* i. e. nullum tale quale hic requiritur. *§. 1. l. b. t. l. 5. ff. cod. Furiosi d. §. 1. l. 9. C. b. t. Mente capti l. 2. l. 13. in f. ff. de inoff. testam. & Prodigii. l. 13. ff. b. t. l. 6. ff. de V. O. §. 2. l. b. t.*

11. Nec ad rem pertinet, si impubes postea pubes, aut furiosus postea compos mentis factus fuerit, & decesserit. d. *§. 1. l. b. t.* propter Regulam Catonianam. *l. 1. ff. de Reg. Caton.*

12. Testamentum autem quod ante furorem recte factum est. furor superveniens, uti neque aliud negotium recte gestum & perfectum, perimit. d. §. 1. l. b. t. l. 6. §. 1. l. 18. pr. l. 20. §. 4. ff. b. t. l. 1. §. 9. ff. de bon. poss. sec. tab. l. 8. ff. de his qui sunt sui vel alien. jur.
13. Neque enim Regula quæ est in l. 98. in f. pr. ff. de l. O. semper locum habet, l. 85. §. 1. de R. J. l. 140. §. 2. ff. de l. O.
14. Sic & valet testamentum quod per id tempus factum est, quæ furor intermissus est, d. §. 1. l. 9. C. b. t.
- §. 3. 15. III. Ob vitium corporis testari nequeunt Surdi & Muti, nisi quatenus voluntatem suam perfecte exprimere possunt. §. 3. l. b. t. l. 10. C. b. t. quia derogatur l. 7. ff. cod. v. lupr. ad t. de mil. test. §. 10.
- §. 4. 16. Cæci etiam non possunt facere testamentum, nisi per observationem quam Lex D. Justinus introduxit. §. 4. l. b. t. Quia cautum, ut cæcus heredem nuncupet, & præter vii. testes tabularium adhibeat, qui voluntatem nuncupantis scriptura excipiat, aut si tabularii copia non sit octavum testem, omnesque subscribant & signent. l. 8. C. b. t.
17. Tandem IV. testari quidam prohibentur propter delictum, pnta Rei Læsæ Majestatis l. 5. C. ad L. Jul. Maj. Apostatæ l. 3. C. de Apostat. Hæretici improbiore l. 4. C. de hæret. Incestas nuptias contrahentes, qui extraneis nihil relinquere possunt. l. 6. §. Auth. Incestas C. de incest. nupt. Ob crimen famosum damnati l. 18. §. 1. ff. b. t. Omnesque qui capitis damnati sunt. l. 8. §. ult. ff. b. t. l. 13. §. ult. ff. cod. l. 6. §. 6. ff. de injus. rupt. irr. test.
18. Quod, licet servitus pœnæ, & publicatio bonorum, in gratiam propinquorum, sublata sit. Nov. 22. c. 8. Auth. sed bodie. C. de don. int. Vir. & Ux. Nov. 134. C. ult. Jure novo tamen mutatum non videtur.

TIT. XIII.

DE EXHEREDATIONE LIBERORUM.

1. DE Modo testandi, & Personis testantibus adhuc actum est, sequitur de Heredis Institutione, quæ basis est & fundamentum totius testamenti. §. 34. l. de Legat.
2. Est autem Heredis institutio, Designatio successoris, in universum jus quod defunctus tempore mortis habuit. arg. l. 24. ff. de l. S. l. 62. ff. de R. J.
3. Eaque non male dividitur in Voluntariam, & Necessariam.

4. *Voluntaria est earum personarum quas quis instituere potest, vel praterire, pro lubitu.*

5. *Necessaria vero eorum est, qui necessario instituendi sunt, vel exheredandi. Quales sunt Liberi, Parentes, & casu quodam Fratres & Sorores.*

6. *Est autem Exhereditatio, hereditatis lege data rite facta ademptio. l. 19. ff. de lib. & post. §. 5. l. h. t.*

7. *Ut Rite fiat, faciendus est nominatim pr. & §. 5. l. h. t. pure, non sub conditione l. 3. §. 1. ff. h. t. à tota hereditate l. 19. ff. eod. à cunctis hereditibus, & ab omni gradu. d. l. 3. §. 1. & seqq. ff. eod.*

8. *Quoad exheredationem vero, jure antiquo, multa fuit differentia, inter Filios & Filias, Filios & Nepotes, Natos & Postumos.*

9. *Qui enim filium in potestate habet, curare debet, ut cum heredem instituat, vel exheredem nominatim faciat: Alioqui si cum silentio praterierit, inutiliter testabitur, & testamentum ipso jure nullum est Jure Civili pr. l. h. t. l. 30. ff. de lib. & post. l. 1. ff. de inj. rupt. irr. Test. Non Jure Pratorio arg. l. 12. §. ult. l. 19. ff. de bon. poss. cont. tab. l. 17. ff. de inj. rupt. irr. Ulp. fragm. tit. pen. §. 5. Quo si filius patri superstes bonis paternis se abstineat, voluntas ex bono & æquo sustinetur. d. l. 17.*

10. *Ad eo quidem ut si vivo patre filius mortuus sit, nemo heres ex eo testamento existere possit, quis scilicet non substituerit testamentum. d. pr. l. h. t. d. l. 30. l. 1. ff. de Reg. Cat. l. 29. l. pen. ff. de R. J.*

11. *Aliud autem juris erat quoad filias, reliquosque per virilem sexum descendentes liberos i. e. nepotes utriusque sexus; Neque enim nominatim eos exheredare necesse erat, sed licebat inter ceteros hoc facere, neque prateriti testamentum infirmabant, sed jus accrescendi habebant d. pr. l. h. t. quo suis hereditibus accrescebant ad virilem, extraneis ad partem dimidiam. Ulp. §. 20. §. 14. Caj. l. 2. T. 3. §. 1. Paul. 3. Sent. 4.*

12. *Postumi olim, utpote incerti ne quidem institui poterant. Sed quia, si natus fuerit postumus vivus & perfecta humana specie, testamentum rumpitur l. 2. l. 3. C. de post. hered. infl. receptum est, ut postumi quoque vel heredes instituantur vel exheredentur §. 1. l. h. t.*

13. *Sed & hic multum intererat inter Natos & Postumos.*

14. *1. Filio enim suo nato praterito testamentum est ipso jure nullum. l. 1. l. 3. 6. 3. ff. de injust. rupt. irr. Postumo praterito, testamentum ab initio subsistit. d. §. 1. l. h. t.*

11. *Postumi omnes sive masculi sive femine prateriti, agnascendo testamentum totum rumpunt; Femine nate non item. d. §. 1.*

zum & gradum, suscipit & constituit, ut omnes sive sui sive emancipati, vel heredes instituuntur vel nominatim exheredentur, sive jam nati sive in utero constituti postea nati sint. §. 5. I. l. 4. C. de lib. prat.

23. Adco ut eo non observato Testamentum & quoad institutiones, & quoad legata, nullum sit; etiam jure novissimo, post Nov. 115. c. 3. *Auth. ex causa. C. de lib. prat.*

24. Quo ipso tamen differentia inter suos & emancipatos non tollitur, i. e. emancipati non exæquantur suis, ut & ipsis præteritis testamentum non subsistat.

25. Circa *Adoptivos* distinguitur, An ab Ascendente adoptati sint, an vero ab extraneo. §. 5. v. l. pen. C. de adopt. §. 2. I. cod.

26. Miles autem necesse non habet liberos suos instituere vel nominatim exheredare, sed silentium ejus pro exheredatione valet. §. 6. l. b. t. l. 12. ff. de bon. libert. l. 9. §. seq. C. de Test. mil.

27. Ut testamentum militis non tantum nullum non sit, sed nec per bonorum possessionem contra tab. nec per querelam inofficiosi infirmari possit. l. 9. C. de inoff. test. etiam post Nov. 115. c. 3.

28. Dummodo miles sciverit sese liberos habere. d. §. 6. l. 9. C. de testam. mil.

29. Quibus tamen *Portionem Legitimam* per Conditionem ex Lege petendam, non negamus. arg. *Auth. Presbyteros. 1. C. de Ep. & Cler. l. 30. 32. C. de inoff. testam.*

30. Similiter mater vel avus maternus necesse non habent liberos suos heredes instituere vel exheredare, sed possunt eos silentio omittere. Nam silentium Matris & Avi materni & cæterorum per matrem ascendentium tantum facit, quantum exheredatio patris. Quia Matri & Avo materno neque sui heredes sunt, neque delierunt esse sui heredes. §. 7. l. b. t. l. 4. §. 2. ff. de bon. poss. cont. tab. l. 13. ff. de suis & legit. hered. Quod per Nov. 115. c. 3. mutatum non videtur.

31. Licet autem testamentum in quo liberi dicto modo instituti vel exheredati sunt, ab initio subsistat, non tamen effectum habebit, si sine justa causa exheredatio vel præteritio facta sit, sed per *Querelam Inofficiosi Testamenti* rescindi poterit.

32. Sed de *Inofficioso Testamento* infra specialis occurrit titulus, ad quem de causis exheredationum simul videbimus.

TIT. XIV.

DE HEREDIBUS INSTITUENDIS.

I. **Q**uod si autem nulli extant quos Lex vel institui vult vel rite exheredari, licet Testatori heredes instituire quoslibet extraneos, pro lubitu.

2. Nisi tamen alia ratione vel simpliciter vel ad certum modum institui prohibeantur.

3. *Simpliciter* prohibentur filii perduellium. l. 5. §. 1. C. ad L. Jul. Maj. Apostate l. 3. C. de Apost. Heretici l. 4. l. 5. C. de heret. nec non peregrini l. 6. §. 2. ff. h. t. l. 1. C. eod. add. l. 17. §. 1. ff. de pan.

4. *Ad certum modum* prohibentur Princeps litis causa §. ult. l. quib. mod. testam. inf. l. pen. ff. de hered. inst. Conjuges v. l. 6. C. de incest. nups. Adulteri v. l. 13. l. 14. ff. quib. ut indign. nec non Naturales. Auth. licet. C. de Nat. lib.

pr. §. 1. 5. Præter hos institui possunt, quoscumque testator instituere velit, non tantum liberi sed & servi, sive sint proprii, sive alieni, ex persona scil. dominorum. pr. §. 1. l. h. t.

§. 2. 6. Quin & Servi qui sunt in hereditate jacente institui possunt: *Non-dum enim adita hereditas defuncti vicem sustinet.* §. 2. l. h. t. l. 52. ff. eod. Licet adita, retro representasse videatur personam heredis. l. 54. ff. de acqu. hered. l. 24. ff. de novat.

§. 3. 7. Nec non servi plurium; qui singulis Dominis acquirunt pro portione Domine, §. 3. l. h. t.

8. Quod si tamen servus communis ab uno ex Dominis institutus sit, liber & heres fiet. §. ult. l. de don. l. 1. pr. §. 1. C. de comm. serv. man.

§. 12. 9. An noverit Testator eum quem heredem instituit, an non noverit? nihil interest. Ignorantia enim testatoris inutilem institutionem non facit. §. ult. l. h. t. l. 11. C. eod.

10. Imo & incerti (licet jure antiquo secus fuerit §. 25. l. de legat.) institui possunt; si modo in præsens vel ex futuro eventu certitudo aliqua apparere possit §. 27. l. de legat.

11. Multoque magis Pauperes l. 24. C. de Episc. & Cler. Civitates l. 26. ff. ad SC. Trebell. l. 22. ff. de legat. 1. Corpora & Collegia licita. l. 12. C. h. t. l. 1. §. 15. ff. ad SC. Trebell.

§. 4. 12. Potest etiam testator vel unum vel plures, vel tot heredes facere quot vult; dum tamen multitudo illa institutionem non reddat derisoriam. §. 4. l. h. t.

13. So-

13. Solennis autem apud Romanos in usu fuit hereditatis divisio: *§. 5.*
Hereditas enim plerumque dividitur in duodecim uncias, quæ assis appella-
tione continentur. §. 5. l. h. t. l. 13. §. 1. ff. cod.

14. Sed & duæ pluresve uncie simul sunt, propriis nominibus ap-
 pellantur. Duæ scilicet uncie dicuntur *Sextans*, quasi sexta pars assis: *Tres*
Quadrans, quasi quarta pars assis. iv. Uncie *Triens*, quasi tertia pars as-
 sis. v. Uncie *Quincunx*, à numero unciarum. vi. Uncie *Semis*, quasi se-
 mi as. vii. *Septunx*. viii. *Bes*, quasi bis triens. ix. *Dodrans*, quasi
 quadrans de asse, ex de & quadrans. x. *Dextans*, quasi sextans de asse.
 xi. *Deunx* quasi unum de asse, vel *decunx* quasi decem & uncia. d. §. 5.
 l. 50. §. 2. ff. h. t.

15. Non tamen necessaria est solennis hæc divisio, sed potest testa-
 tor hereditatem in plures vel pauciores uncias dividere, pro lubitu. d. §. 5.
 l. 13. §. 1. 2. 3. & ult. l. 18. ff. h. t. l. 13. ff. de lib. & postum.

16. Imò licet unum tantum quis in *semisse* v. g. vel in re certa *here-*
dem scripserit, totus as in semisse (licet testator forte aliud iusserit. arg.
 l. 55. ff. de legat. 1. l. 7. ff. de R. J.) vel re certa erit: *Neque enim idem*
pro parte testatus pro parte intestatus potest decedere, nisi sit miles, cujus
sola voluntas in testando spectatur. d. §. 5. l. 7. ff. de R. J. l. 1. §. 4. l. 9. §. 13.
ff. h. t.

17. Si tamen heres ex re certa institutus coheredem habeat, legatarii
 loco habetur. l. 13. C. h. t.

18. Neque in uncias testator hereditatem dividere necesse habet, sed
 & in naturales partes eam dividere potest. l. 2. §. 7. ff. de collat. l. 76. ff. de
 acq. hered.

19. Phribus autem heredibus institutis, si quidem nullis partes ad-
 scriptæ sunt, ex æquis partibus heredes erunt. §. 6. l. h. t. l. 9. §. 12. ff. h. t.
 Ita tamen ut conjuncti unius tantum personæ potestate fungantur. l. 15. pr.
 l. 59. §. 2. ff. h. t. l. 34. ff. de legat. 1. l. un. §. 10. C. de cad. toll. nisi celeri-
 tatis gratia conjunctio facta doceatur. l. 66. ff. h. t.

20. Quod si partes in omnium personis expressæ sint, & assensu æ-
 quent, res dubium non habet. Sed si in asse aliquid supersit, hoc singu-
 lis pro rata accrescit; Si vero plures quam xii. uncie distributæ sint, istæ
 quæ assensu superant, pro rata singulis decrescunt. §. 7. l. h. t. l. 13. §. 3. 4.
 ff. h. t.

21. Partibus autem in quorundam personis expressis, isti qui sine
 parte scripti sunt vacantem portionem habebunt, vel alium assensum occupant.
 d. §. 6. 8. l. h. t. l. 17. pr. §. 3. 4. ff. h. t. l. ult. ff. de bon. poss. sec. sab.

22. Quibus verbis fiat heredis institutio, nihil interest. l. 19. C. de testam. l. 1. §. 5. 6. 7. ff. b. t. Nec falsa demonstratio, aut causa, neque error in nomine institutionem vitiat. l. 4. C. b. t. l. 72. §. 6. & seq. ff. de cond. & dem. Si vero in persona erratum, secus est. l. 9. pr. l. 62. §. 1. ff. l. 4. C. b. t.

23. Sed neque institutio in alterius arbitrium conferri potest. l. 32. ff. b. t. neque Captatoria institutio subsistit. l. 64. ff. de legat. l. 70. l. 71. ff. b. t. l. 11. C. de test. mil.

§. p. 24. Non tantum autem pure, sed & sub conditione heres institui potest. §. 9. l. b. t.

25. Condicio est adfectio, quæ negotium differt in casum aliquem futurum incertum. §. 4. §. 6. l. de V. O. l. 9. §. 1. ff. de novat.

26. Dividitur in Possibilem, & Impossibilem.

27. Possibilis dividitur in Potestativam, Casualem, & Mixtam. l. un. §. 7. C. de cad. toll.

28. Impossibilis est talis vel Natura vel Lege. v. l. 15. ff. de cond. & dem. vel Perplexitate verborum. l. 16. ff. de cond. inst.

§. u. 29. Condicio Possibilis adjecta implenda est. l. 8. in f. pr. l. 26. ff. de condit. inst. Et si quidem plures copulative adjectæ sint, omnibus parandum est; si disjunctive, cuilibet obtemperare satis est. §. 11. l. b. t. l. 5. ff. de cond. inst.

30. Plane si conditio ea sit quæ per heredem non stat, quominus impleatur, sed per eum in cujus persona jussus est parere conditioni, aut alium, pro impleta habetur. l. 5. §. 5. ff. quand. dies legat. ced. l. 161. ff. de R. J.

§. 20. 31. Impossibilis conditio in Institutionibus & Legatis, nec non Fideicommissis, & libertatibus (non vero in contractibus. §. 10. l. de inut. stip. l. 31. ff. de O. & A.) pro non scripta habetur. §. 10. l. b. t. l. 6. l. 20. ff. de cond. inst.

32. Nisi perplexa sit, quæ institutionem vitiat l. 16. ff. de cond. inst. vel filio heredive suo adscripta. Filius scilicet, omnisque heres suis jure novo, sub alia conditione quam quæ in ejus potestate est, institui nequit. l. 4. ff. b. t. l. 15. ff. de cond. inst. l. 4. C. de inst. & subst.

33. Si dies certus vel tempus certum (sive mi terminus à quo, sive uti tertius ad quem) adjiciatur, habetur pro supervacuo. §. 9. l. b. t. Regula enim l. 7. ff. de R. J. etiam ad spatium temporis pertinet l. 41. ff. de testam. mil. Neque heredem temporarium quis habere potest. l. 7. §. 10. ff. de minor. l. 88. ff. b. t.

34. Dies autem incertus adiectus conditionem facit. l. 75. ff. de cond. & dem. l. 21. ff. quand. dies leg. ced. Utique si incertum sit An scil. sit extiturus? si enim certum sit An sit extiturus, incertum Quando? distinguendum; An heredi adscriptus sit? An extraneo? Si extraneo similiter conditionem facit, si heredi non item. l. 9. C. h. t. l. 1. §. 2. l. 79. ff. de cond. & dem. l. 4. §. 1. ff. quand. dies legat. ced.

TIT. XV.

DE VULGARI SUBSTITUTIONE.

1. **P**otest autem quis in Testamento, (non codicillis) plures gradus heredum facere, & in casum deficientis heredis, alium substituere. pr. l. h. t. l. 36. pr. ff. h. t.

2. Substitutio est secundi vel ulterioris gradus heredis institutio. l. 1. ff. h. t. Qua definitione Substitutio Obliqua seu Fideicommissaria (quæ huc non pertinet) non continetur.

3. Dividi solet à multis in Vulgarem, Pupillarem, Exemplarem, Breviloquam (quæ rectius Reciproca dicitur) & Compendiosam. Alii Breviloquam & Compendiosam omittunt, sed addunt reliquis Militarem.

4. Sed dictæ species ad Vulgarem & Pupillarem satis commode referri possunt, & Militarem, utpote Privilegiatam præterire licet.

5. Vulgaris substitutio est, cum à quolibet testatore, cuilibet heredi substituitur in casum primum, si heres institutus heres non erit.

6. Quæ verba si heres non erit, in suo herede sic accipiuntur, si paterna hereditate obliuenerit; & ex necessario faciunt Voluntarium. l. 12. ff. de cond. inst. In extraneo, si neque ipse heres erit, neque alium heredem effecerit. §. ult. l. h. t.

7. Casumque continent, & voluntatis si heres esse nolit, & impotentia si heres esse non possit. l. 3. C. de hered. inst. add. l. 56. ff. solus. matr.

8. Possunt autem plures in locum unius substitui, vel unus in locum plurium, vel singuli in singulorum, vel invicem ipsi qui heredes instituti sunt. §. 1. l. h. t. l. 36. §. 1. ff. h. t. Estque hæc ultima substitutio quæ Reciproca dicitur in l. 4. §. 1. ff. h. t. nec non Mutua. l. 64. ff. de legat. 2.

9. Et si ex disparibus partibus scriptos invicem substituerit, & nullam mentionem partium in substitutione habuerit, eas videtur in substitutione partes dedisse, quas in Institutione expressit. §. 2. l. h. t. l. 24. ff. cod.

10. Non enim verisimile est testatorem plures eos fecisse in instituendo, quam substituendo. v. l. 74. ff. de legat. 1.

11. Nisi forte alia mens testatoris fuerit. d. l. 24. vel substitutio facta sit, repetitis singulorum propriis nominibus. Quia repetens in substitutione propria nomina, jam non ad partes in institutione datas, sed ad personam & numerum substitutorum, substitutionem retulisse videtur. arg. l. 124. ff. de legat. 1. l. 24. ff. ad SC. Treb.

§. 3.

12. Sed si heredi instituto coheres substitutus sit, & coheredi substituto alius substitutus fuerit, secundus substitutus ad utriusque partem admittitur. §. 3. l. h. t. l. 27. l. 41. ff. eod. Substitutus enim substituto, intelligitur etiam substitutus instituto. Non obsi. l. 47. §. h. t. quæ causam specialem continet.

13. Expirat autem substitutio *Vulgaris*, cum heres primo gradu institutus hereditatem adit. l. 5. C. de impub. & al. subst.

§. 4.

14. Exceptio est, si servum alicuius quis patremfam. arbitratus heredem scripserit, & si heres non esset ei Mevium substituerit, isque servus jussu domini adierit hereditatem. Hoc casu enim Mevius substitutus in partem scil. diuisionem v. l. 43. ff. de usufr. l. 164. §. 1. ff. de V. S. admittitur §. 4. l. h. t. Non obsi. l. 40. ff. de hered. inst. Ubi cum Cuj. pro alter semis, At, legendum videtur.

TIT. XVI.

DE PUPILLARI SUBSTITUTIONE.

I. **S**ubstitutio Pupillaris est, cum à patre liberis impuberibus, quos in potestate habet gradu proximo, substituitur, in casum secundum, si heres erit & intra pubertatem decesserit. v. l. 8. C. de impub. & al. subst.

2. Non itaque pupillariter substituere potest Mater; Tabulæ quidem quibus mater filio impuberi substituerat, ratione ætatis in l. 33. ff. h. t. vocantur *pupillares*, sed substitutio tantum *Vulgaris* est.

pr. h. t.

3. Neque aliis substitui potest pupillariter, quam liberis impuberibus, proxime in potestate, & facti testamenti, & mortis tempore, constitutis. l. 2. pr. ff. h. t. l. 41. §. 2. ff. eod. §. 2. l. de hered. qual. Non Emancipatis, non Nepotibus ex filio quem pater in potestate habet, nisi ex formula Legis Velleie. d. l. 2. pr.

§. 4.

4. Exheredato tamen etiam, jure potestatis, (licet tum alia forma utendum sit) pupillariter substitui potest. §. 4. l. h. t. l. 1. §. 2. l. 10. §. 5. ff. h. t.

§. Ex-

5. Exheredatus enim *suus* esse non desinit quamdiu testator vivit *l. 20. ff. de bon. poss. cont. tab. add. l. 4. ff. de test. tut.* sed si iusta sit exheredatio, per testamentum, post mortem testatoris, ab hereditate excluditur. Ita accipit. *l. 1. §. pen. ff. de suis & legit. hered.*

6. Quo casu si quid exheredato pupillo, ex hereditatibus legatisve, aut donationibus propinquorum atque amicorum acquisitum fuerit, id *omne* ad substitutum pertinebit *§. 4. l. b. t. l. 10. §. 5. ff. b. t.*

7. Legatum tamen pater ab exheredato *l. 41. §. 3. ff. b. t.* neque à substituto exheredati *l. 41. §. 3. ff. de testam. mil.* relinquere potest. Legatum enim onus est, heredi non habere non est.

8. *Moribus* autem, in utilitatem pupillorum, *institutum est*, ut cum *ejus aetatis sunt filii in qua ipsi sibi testamentum facere non possunt, parentes eis faciant. pr. in f. b. t. l. 2. pr. ff. eod.*

9. Cumque nemo pupillariter substituere possit, nisi & sibi testamentum faciat *§. 5. l. b. t.* solent plerumque testatores heredem filium scribere, eique in utrumque casum expresse substituere. v. *pr. l. b. t.*

10. Sed ex constitutione D. Marci, casus alteruter expressus continet casum utrumque. *l. 4. ff. b. t.*

11. Casus enim *primus* extenditur ad casum *secundum*, quia filio utile est habere substitutum ex testamento. Casus vero *secundus* extenditur ad *primum*, propter affectum testatoris.

12. Nisi tamen aperte testatoris voluntas fuerit contraria, vel extraneus coheres datus sit. *l. 4. §. 2. ff. b. t.*

13. Casus autem *primus*, *si heres non erit*, non tantum existit, si ante patrem filius moriatur, sed & si patri superstes paterna hereditate abstineat: Ne nudum heredis nomen noceat substituto. arg. *l. 67. ff. de rit. nups. l. 68. ff. de legat. 1.*

14. Sed *casus pupillaris* propter pupilli utilitatem extitisse etiam intelligitur, etiam si bonis paternis abstineat, *l. 12. ff. b. t. l. 42. ff. de acq. her. l. 28. ff. de reb. auct. jud. poss.* Ut recte dicatur per *nudam existentiam* confirmari tabulas pupillares. add. *l. 44. ff. de re jud. l. 41. ff. de acq. her.*

15. Quo casu si filius intra pubertatem decesserit, substitutus filio sit heres, exclusis filii legitimis heredibus, ipsi etiam matre, *l. 8. §. 7. ff. de inoff. test.* sive substitutio pupillaris expressa sit, sive tacita. arg. *l. 4. ff. b. t. l. 2. C. de impub. & al. subst.*

16. Substitutione itaque pupillari facta, utriusque, patris scilicet & filii, mors expectanda, duxque aditiones necessarie sunt *l. 2. §. 1. ff. b. t. l. 1. §. 1. ff. ad SC. Treb.* Unde & duo testamenta esse videntur: sed quia utrumque unum

unum autorem habet, unicaque solennitate contentum est l. 2. §. 4. ff. b. t. l. 20. pr. ff. cod. recte dicitur, *Unum esse testamentum, sed duarum causarum, seu hereditatum* §. 2. l. b. t.

§. 5. 17. Neque tamen sufficit si & pater sibi testamentum faciat, sed insuper requiritur, ut primum sibi, deinde filio heredem scribat §. 5. l. b. t. l. 2. §. 4. & ult. ff. b. l. 16. §. 1. l. 20. §. 1. ff. cod.

18. Plane si eodem tempore & contextu utrumque factum sit, non nocet si inverso ordine testatus sit, d. l. 2. §. 5. In conjunctis enim ordo semper accurate non servatur. l. 14. ff. de Pecul. Legat.

19. Ex dictis sequitur testamentum pupillare *partem & sequelam esse testamenti paterni*, Adeo, ut si testamentum patris non valeat, nec filii subsistat, d. §. 5. l. 2. pr. & §. 1. l. 129. §. 1. l. 178. ff. de R. J.

20. Quod si tamen patris testamentum per querelam inofficiosi rescindatur, substitutio pupillaris jure novo salva manet. Nov. 115. c. 3. in fin.

§. 7. 21. *Substituatur autem impuberi aut nominatim, veluti Titius heres esto, aut generaliter, Quisquis mihi heres erit: Quibus verbis vocantur ex substitutione, impubere mortuo filio, illi qui ex judicio defuncti veniunt, qui scilicet scripti sunt heredes, & extiterunt, & pro qua parte scripti sunt.* Non heres ab intestato, non Dominus qui per servum, nec pater qui per filium heres factus est. §. 7. l. b. t. l. 3. l. 5. l. 8. §. 1. l. 10. pr. ff. b. t. l. ult. C. de impub. & al. subst.

§. 8. 22. Evanescit substitutio pupillaris i. pubertate §. 8. l. b. l. 14. ff. cod. ultra quam (nisi à milite facta sit l. 15. ff. b. t.) ne quidem in vim fideicommissi, extenditur: Licet ad brevius tempus substitutio fieri possit. l. 21. ff. b. t.

ii. Si testamentum patris infirmatum sit. d. §. 5. l. b. t. l. 2. pr. vers. sed ff. b. t. vid. tamen supr. §. 20.

iii. Si filius, tempore mortis patris, non sit in ejus potestate. l. 41. §. 2. ff. b. l. 17. §. 1. ff. de a. opt.

§. 1. 23. *Substitutio Exemplaris seu Quasi pupillaris* (quæ ad exemplum pupillaris introducta §. 1. l. b.) est, cum parentes utriusque sexus liberis mente captis, (& ob eandem rationem, prodigis, furdis mutis) etiam puberibus, & majoremibus, substituunt in casum, si demones decesserint. d. §. 1. l. b. l. 9. C. de impub. & al. subst.

24. Inter quam & Veram Pupillarem hæ maxime differentia intercedunt, i. Pupillariter tantum substituit pater; Exemplariter etiam mater.

ii. Pupillariter tantum substituitur impuberi; Exemplariter etiam puberibus.

III. *Pupillariter* substitui potest quilibet; *Exemplariter* primum substituendi sunt liberi mente capti: si liberos non habet, fratres ejus & sorores: si nec fratres sunt, permillum demum substituere quemlibet. *d. l. 9. C. b. t.*

25. Quemadmodum autem pupillaris substitutio evanescit pubertate, ita exemplaris mente capti relapsentia. *d. §. 1. d. l. 9. vel vitio sublato.*

26. *Extraneo vero vel filio puberi instituto, ita substituere nemo paganus potest* (in milite secus est. *l. 15. ff. b. t. l. 5. l. 41. §. 4. ff. de test. mil.*) ut si heres extiterit & intra aliquod tempus decesserit, alius ei sit heres; sed si hereditatem alii post tempus dare velit, per *fideicommissum* relinquere debet. *§. 9. l. h. de quo infra ad Tit. XXIII.*

TIT. XVII.

QUIBUS MODIS TESTAMENTA INFIRMANTUR.

I. **T**estamentum vel ab initio non subsistit, vel postmodum infirmatur.

2. Quod ab initio non subsistit vel Nullum est, in quo sui heredes sunt prateriti: Vel *Injustum*, quod non secundum præscripta legum factum est. *l. 1. ff. de injust. rupt. irrit.*

3. Quod autem subsistit & iuste factum est, infirmatur aliquando vel *Ipso jure*, vel *Officio judicis*.

4. *Ipso jure* dum testamentum rumpitur, vel irritum fit. *pr. l. b. t.*

5. *Officio Judicis*, cum rescinditur per *Querelam inofficiosi*, vel *Benorum Possessionem contra tabulas Jure Prætorio*. *pr. b. t.*

6. Rumpitur autem testamentum, cum in eodem statu manente testatore ipsius testamenti jus vitiat. *§. 1. l. b. t.*

7. Quod contingit per *Agnationem sui heredis*, vel *Mutationem voluntatis*.

8. *Agnatio sui heredis vel naturalis & vera est*, vel *civilis & quasi talis*.

9. *Agnatio naturalis & vera est, cum heres suus post factum testamentum naturaliter natus est*. *l. 3. §. 1. ff. b. t. §. 1. l. de exher. lib.*

10. *Agnatio Civilis* contingit tripliciter 1. Cum testator qui ex ascendentibus est, aliquem adoptat. *§. 1. l. b. l. pen. C. de Adopt.*

II. Cum liberi Naturales legitimantur. *§. 2. l. de hered. quæ ab intest.*

III. Cum Nepos succedit in locum sui heredis, & ita testatori quasi agnoscitur. *§. 2. l. de exher. liber.*

II. *Mutatio Voluntatis* fit vel per *Posterius testamentum*, vel *rebus ipsis & factis*.

§. 2. 12. Per *Posterius testamentum*, si æque jure perfectum sit §. 2. 7. I. b. Usque adeo, ut licet prius nominatim non revocetur, tamen per posterius perfectum rumpatur. l. 1. l. 2. ff. b. t. l. 27. C. de testam. Ea quippe voluntas rata esse debet quæ est novissima. l. 4. ff. de adim. legat.

13. Adeo etiam, ut licet in priori testamento *Clausula* inveniretur *Derogatoria*, in Posteriori tamen *Clausula Cassatoria* non requiratur. l. 6. §. 2. ff. de Jur. Codicill. Non obstat l. 22. ff. de leg. 3. quæ de eodem testamento loquitur.

14. Imo nec interest, An ex posteriori testamento heres extiterit? An non? d. §. 2. l. 1. l. 16. ff. b. t. Aditio enim hereditatis, ad substantiam vel perfectionem testamenti, non pertinet.

§. 3. 15. Uti neque id consideratur, An in posteriori testamento heres ex Asse? An ex re certa institutus sit? §. 3. l. b. l. 29. ad SC. Treb. l. 1. §. 4. l. 10. ff. de hered. instit.

16. Nisi, forte ex re certa scriptus coheredem habeat, quo casu legatarii loco est. l. 13. C. de hered. inst. Vel Testator in testamento posteriori expresse addat, *se velle ut & prius valeat*; Quo casu ex re certa scriptus fideicommissio gravatus videtur. d. §. 3. l. b. d. l. 29. ff. ad SC. Treb.

§. 7. 17. Nuda autem declaratione Testatoris, quod testamentum factum valere nolit, licet coram vii. testibus facta sit; Neque testamento posteriori imperfecto, prius rumpitur. §. 7. l. b. t.

§. 8. 18. Adeo ut nec Princeps (qui etiam litis causa institui nequit l. pen. ff. de hered. inst. §. ult. l. b. t.) ex imperfecto testamento aliquid adipisci velit. d. §. ult. l. b. t. l. 3. C. de testam. Licet enim Legibus solutus sit l. 31. ff. de LL. attamen Legibus vivit d. §. ult. l. b. d. l. 3. C. de testam. l. 4. C. de LL.

19. Nisi tamen i. testator voluntatem suam revocaverit coram tribus ad minimum testibus, & accesserit lapsus decennii l. 27. C. de testam.

ii. Vel testamenta imperfecta ea sint quæ pro perfectis habentur, puta Militum, Parentum inter liberos, Posteriora in quibus scripti qui ab intestato veniunt. l. 2. ff. b. t. l. 21. §. 1. & Auth. Leg. C. de testam.

20. *Rebus ipsis & factis* mutatio voluntatis significatur, Corruptis tabulis, puta deletis, incisis, cancellatis l. ult. ff. b. t. l. 1. §. pen. l. pen. §. 2. ff. de bon. poss. sec. tab.

§. 4. 21. Irritum fit testamentum, cum is qui fecit testamentum capite minutus est. §. 4. l. b. sive maxima sit, sive media, sive minima, capitis deminutio. Testamentum enim non est, nisi hominis liberi, Civis Romani, & Patrisfam.

§. 6.

§. 6. *I. b.* & proinde per Capitis deminutionem testatoris, semper incidit in casum à quo non potest incipere. v. *l. 98. in f. pr. de V. O.*

22. Non tamen per omnia inutilia sunt testamenta irrita. Nam si *§. 6.* *se-*
ptem testium signis signata sunt, potest scriptus heres secundum tabulas tes-
tamenti bonorum possessionem agnoscere, si modo defunctus & Civis Roma-
nus & sua potestatis mortis tempore fuerit. §. 6. *I. b. l. 12. ff. b. t. & nova vo-*
luntatis declaratio, cum minimam capitis deminutionem passus est (quoad
maximam & mediam secus est l. 6. §. pen. de injust. rupt. irr. test.) accesserit. *l. pen. §. 2. ff. de bon. poss. sec. tab.*

23. Sed neque in causa testamenti *Rupti* semper obstat vitium, quo minus ex eo bonorum possessio peti possit, Veluti si Postumus prateritus vivo testatore (mortuo testatore natus ut *suus* statim sibi acquirit & transmittit, de quo casu accip. *l. 2. C. de post. her. inst.*) decesserit *l. 12. ff. de ini. rupt. irr.* Item si testator supremas tabulas incidit, ut priores supremas relinqueret. *l. pen. §. 2. ff. sec. tab.*

24. Sed & si filius prateritus hereditate paterna abstineat, Voluntas ex bono & æquo sustinetur. *l. 17. ff. de inj. rupt. irr.*

25. Non vero idem est si testamentum non consistit, propter inhabilitatem personæ testatoris, aut defectum solennium. *l. 1. §. 8. ff. de bon. poss. sec. tab. l. 12. C. de testam.*

26. Confunduntur quidem aliquando *Rupti* & *Irriti* vocabula §. 5. *§. 5.*
l. b. t. l. 3. in f. l. 4. ff. de his que in test. del. sed rarius hoc contingit, & commodius est singulas causas singulis appellationibus distinguere, *d. §. 5.*

TIT. XVIII.

DE INOFFICIOSO TESTAMENTO.

I. *Quia* parentes cum liberos suos exheredant vel pratercunt, *plerum-*
que sine causa eos exheredant vel omittunt, inductum, i. e. (uti *pr. h. t.*
alibi plenius dicitur v. *l. 32. ff. d. ll. l. 2. ff. de vulg. & pup. subst. l. 1. ff. de cur. fur.*) moribus inductum est, (Non autem primum Lege aliqua constitutum) ut de inofficioso agere liceret *pr. l. de inoff. l. 1. l. 5. ff. eod.* jureque scripto institutum hoc confirmatum est.

2. *Inofficiosum testamentum* hic illud est, quod quidem recte, sed contra officium pietatis factum est. *l. 2. ff. de inoff. test.* cum exheredati vel prateriti sunt, qui non debuerant, puta liberi, parentes, fratres & sorores. *l. 3. §. 1. ff. eod.*

3. Rescinditur autem Testamentum inofficiosum per *Querelam inofficiosi*, *Que* est petitio hereditatis ex causa inofficiosi testamenti l. 3. C. de petit. her. l. 34. C. h. t. Qua is, qui rite quidem, sed tamen inique exheredatus vel prateritus est, petit, ut testamentum tanquam inofficiosum rescindatur, & ipse heres ab intestato declaretur.

4. *Querela* est Petitio hereditatis; non vero *Remedium* ab ipsa hereditatis petitione distinctum; uti volunt DD. dum contendunt, hoc *Remedio* testamentum tantum rescindi, eoque rescisso sequi *Petitionem hereditatis*. Quorum error perspicue refutatur per l. 8. §. 8. l. 15. §. 2. l. 19 in f. l. 20. l. 21. §. 2. l. 27. §. 3. ff. h. t. l. pen. in f. pr. ff. de bon. poss. cont. tab. l. 3. C. de pet. hered. l. 34. C. de inoff. test.

5. Datur *Querela* tum demum cum quis inique exheredatus est vel prateritus. Meritis enim de causis à successione quis submoveri potest l. 7. pr. ff. de bon. damn.

6. Cause exheredationis juris antiquo certis legibus non erant definitæ, sed pendebant ab arbitrio eorum, qui de inofficioso cognoscebant, quorum erat Merita exheredati pendere. l. 3. §. 5. ff. de bon. poss. cont. tab. l. 19. C. de inoff. test. l. 7. pr. ff. de bon. damnat.

7. Cognoscebant autem de *Querela inofficiosi*, ut & simplici hereditatis petitione, aliisque causis gravioribus *Centumviri* (de quibus Festus in voc. *Centumviralia judicia*) uti constat ex l. 13. l. 17. ff. de inoff. test. l. ult. C. de pet. her. Cic. l. 1. de Orat. cap. 38. Val. Max. l. 7. c. 7. & 8. Plin. Lib. 6. Ep. 33. junct. l. 4. Ep. 24. Phavor. l. 3. Fab. 10. Unde & *Querela Centumvirale* judicium vocatur, & in inscript. l. 13. ff. h. t. pro *Septemviralibus*, *Centumviralibus* legendum videtur.

8. Sed Justinianus Imp. ex Arbitrariis, causas certas fecit, easque enumeravit in Nov. 115. c. 3. 4. xiv. scil. ratione liberorum, viii. ratione parentum, Et in Nov. 22. c. 47. iii. ratione fratrum. Similes tamen vel graves ejusdem generis non excluduntur. arg. l. 10. & seqq. ff. de ll.

9. Cumque olim filius probare deberet, se immerentem exclusum esse l. 5. §. 1. ff. de inoffic. l. 28. pr. C. eod. voluit novissime Imp., ut ipsas nominatim ingratitudinis causas parentes suo testamento infererent, easque scriptus heres probaret. d. Nov. 115. c. 3.

10. Si tamen testamentum sine elogio factum sit, non erit nullum, sed rescindendum per *Querelam inofficiosi*. d. Nov. 115. c. 3. 4. in f.

S. 1. 11. Datur autem *Querela* iis quibus debetur Portio Legitima, Liberis, Parentibus, Fratribus & Sororibus §. 1. l. h. l. 1. ff. l. 30. §. ult. C. eod.

12. Et primum quidem Liberis, §. 1. l. h. l. 14. l. 15. ff. eod. exheredatis à quo-

à quovis parente, *preteritis* à matre avove materno v. §. 5. *ult. l. de exher. lib.* Naturalis enim ratio, tanquam Lex quædam tacita, parentum hereditatem addicit Liberis, veluti ad debitam eos successione vocando. l. 7. *pr. ff. de bon. damn. l. 7. §. 1. ff. und. lib. l. 15. ff. h. t.*

13. Post liberos secundo loco *Querela* datur Parentibus, Quos ratio miserationis & pietatis ad bona liberorum admittit. d. l. 7. §. 1. *ff. und. lib. l. 15. ff. h. t.*

14. Datur autem Parentibus omnibus utriusque sexus l. 1. l. 30. *ff. l. 17. l. 28. C. h. t.* exheredatis, aut quod idem est silentio *preteritis*. l. 14. *ff. h. t.* Hæc enim in linea *Ascendentium* & *Collateralium* nihil differunt.

15. Post parentes tertio loco *Querela* datur Fratribus & Sororibus. l. 1. *pr. ff. §. 1. l. h. t.* Charitatem enim parentum proximus fraternæ benevolentie gradus excipit.

16. Et quidem tantum Germanis datur, aut Consanguineis, non Uterinis, *sec. l. 27. C. h. t.* sed cum *Imp. Nov. 118. C. 4.* omnino velit in omnibus successioneibus, Agnatorum Cognatorumque differentiam vacare, Jure novo Uterinis *Querela* etiam concedenda videtur.

17. Non vero Fratribus & Sororibus simpliciter defertur, sed ita demum si scripti heredes, infamie, vel turpitudinis, vel levis notæ macula aspergantur. d. l. 27. *C. h.*

18. Quorum numero & *Spurii* habendi sunt: Licet enim nec infamiam meriti, nec lege notati sunt, quin tamen labes aliqua & macula, ex vitio & defectu natalium, iis adhæreat, negati nequit. v. l. 3. §. 2. *ff. de de-cur. Deuter. 23. v. 2.*

19. Cognatis qui ultra fratrem sunt, *Querela* non competit, §. 1. *l. h. l. 1. ff. l. 21. C. cod.* Si quis tamen ex iis *De inofficioso* egerit, quia nemo forte eum repellit, & casu obtinuerit, non ei prodest Victoria, sed his qui ab Intestato habent successione; nam intestatum patremfam. facit. l. 6. §. 1. *ff. h. t.*

20. Neque heredibus prædictarum personarum *Querela* regulariter competit, sed ad eos tantum præparata transmittitur. l. 6. §. 1. *ff. l. 7. ff. l. 5. C. h. t.*

21. Descendenti tamen datur etiam non præparata, si is cui *Querela* competebar, antequam scriptus heres hereditatem adeat, mortuus sit. l. 36. §. *ult. l. 34. C. h. t.*

22. Non tamen semper *Querela* locum habet: Cessat enim

1. Si aliud æque pingue ac certum remedium adsit, quo ad hereditatem venire possint. §. 2. *l. h. t.* arg. l. 16. *ff. de minor.* *Querela* enim est reme-
dium

dium Extraordinarium & Subfidiarium, unde & ultimum adiutorium dicitur l. ult. C. de lib. prater.

23. Non datur itaque Querela Suis prateritis, quia testamentum nulum dicere possunt, l. 1. pr. ff. de inj. rupt. irr. Non Arrogatis impuberibus, quia Quartam habent ex Constitutione D. Pii l. 8. §. 15. ff. h. t. Non Postumus à Patre prateritis. (Quoad exheredatos secus est) quia testamentum agnascendo rumpunt §. 2. l. b. l. ult. C. de lib. prater. Neque Emancipatis Prateritis, quia habent bonorum possessionem contra tabulas. l. 23. ff. h. t.

24. 11. Cessat in testamento Militis l. 8. §. 4. ff. l. 9. C. h. t.

25. 111. In testamento pupillari quod pater facit filio l. 8. §. 5. ff. h. t. contra quod neque matri neque fratri Querela competit d. §. 5. sive substitutio pupillaris expressa sit, sive tacita, arg. l. 4. ff. de vulg. & pup. subst. l. 2. C. de impub. & al. subst. v. supr. ad. t. de pup. subst. §. 15.

§. 4.5.

26. 1v. Si remissa sit vel expresso l. 17. pr. l. pen. §. ult. ff. h. t. (Viventis tamen patri se exheredanti consentiens, sibi non prajudicat l. 35. §. 1. C. h. t.) Vel tacite, agnoscendo scil. voluntatem defuncti. l. 10. §. 1. l. 12. pr. l. 23. §. 1. l. pen. §. pen. ff. h. t. Nisi forte, cogente officio, agnitio facta sit. §. 4.5. l. h. l. 10. §. 1. ff. h. t., arg. l. 22. ff. de his que ut indign.

27. Huc pertinet, si transactione sublata, l. 6. C. de transact. Nec non, si quinquennium elapsum sit. l. 8. §. ult. ff. l. 34. in f. C. de inoff. test. Nisi iusta & magna causa sublit, cur non egerit. d. l. 8. §. ult. Quæ tamen præscriptio adversus minorem annis xxv. non currit l. 2. C. in quib. c. in int. test. nec non fit.

28. v. Si mortuus sit exheredatus, nec Querela præparata sit. l. 6. §. ult. l. 7. ff. h. t.

29. vi. Si exheredatio ex iusta causa facta sit. l. 7. pr. ff. de bon. damn.

30. vii. Si exheredatio bona mente facta sit, addita causa necessitateque iudicii sui. arg. l. 18. ff. de lib. & post. l. 12. §. 2. ff. de bon. lib. l. 47. pr. cod. l. 16. §. 2. ff. de cur. fur.

§. ult.

31. viii. Si quocunque titulo relicta sit Portio Legitima; §. ult. l. h. t. dummodo liberi & parentes heredes instituantur. Nov. 118. c. 3. 4. 5.

§. 3.

32. Sufficit autem vel minimam ejus partem relictam esse, quia agi potest ad supplementum. §. 3. l. b. t. Nov. 115. c. 5. l. 30. C. h. t. Conditione scil. ex Lege.

33. Inter quam & Querelam multum interest. 1. Conditio illa perpetua est, atque ad heredes transmittitur; Querela finitur quinquennio l. 8. §. ult.

6. ult. & seq. ff. h. t. l. 34. C. cod. nec transmittitur nisi præparata. l. 6. §. ult. l. 7. ff. h. t.

11. *Querelam* excludit agnitio relicti l. 10. §. 1. ff. h. t. *Conditionem* non item. l. 35. §. 2. C. h. t.

34. Est autem *Portio Legitima*, *Portio hereditatis*, seu bonorum v. l. 8. §. 9. ff. h. t. junct. l. 39. §. 1. ff. de V. S. (Utrumque enim recte dicitur,) ex præscripto Legum, Liberis, Parentibus, nec non casu quodam Fratribus & Sororibus, ad submovendam *Querelam inofficiosi testamenti*, relinquenda.

35. Quæ olim fuit *Quarta portionis ab intestato debita* §. 3. l. h. l. 8. §. 8. ff. h. t. l. 31. C. cod. sed Justinianus quantitatem auxit pro numero liberorum; si enim Liberi sint quatuor vel pauciores, *Legitima Triens* est; si vero quinque vel plures, *Semis* seu dimidia pars bonorum. Nov. 18. c. 1.

36. Quod augmentum & ad Parentes, & Fratres extendendum videtur. arg. d. Nov. 18. c. 1. in f.

TIT. XIX.

DE HEREDUM QUALITATE ET DIFFERENTIA.

1. Si Testamentum subsistat, & Heres hereditatem adire velit, sciendum, aliam atque aliam hereditatis esse acquisitionem, prout variz sunt heredum qualitates & differentiz.

2. Sunt enim Heredes aut *Necessarii* aut *Voluntarii*: *Necessarii* sunt vel *Necessarii tantum*, vel *Sui & Necessarii*. *Voluntarii* alio nomine dici possunt *Extranei*. l. 15. & seq. ff. de acq. her. l. 12. ff. de cond. inst. pr. l. h. pr. h. t.

3. *Necessarius heres est servus heres institutus*: Ideoque sic appellatur, quia sive velit sive nolit, omnino post mortem testatoris protinus liber & necessarius heres fit. §. 1. l. h. l. 57. §. 2. ff. de acq. her. §. 1.

4. Quod tantum ratione dominis concessum est. arg. l. 11. ff. de lib. & post. Maxime si facultates suas suspectas habeant, ut bona potius heredis quam defuncti nomine distrahantur. d. §. 1. l. h.

5. Pro hoc tamen incommodo servus inextinguibilem rem Libertatem accipit, & illud ei commodum præstatur, ut, si prius quam se miscat Dominicis, separationem bonorum impetraverit, ea quæ post mortem patroni sui sibi acquisiverit ipsi reserventur. d. §. 1. l. 1. §. ult. ff. de separ.

6. Sui autem & *Necessarii heredes* sunt, liberi in potestate testatoris, mortis tempore, gradu proximo, constituti. §. 2. l. h. l. 33. §. 1. ff. de test. mis. l. 6. ff. de inj. rupt. §. 2.

7. Qui

7. *Qui Sui heredes ideo appellantur, quia domestici heredes sunt; & vivo quoque patre quodammodo domini aestimantur, & proinde sibi ipsi quasi heredes existunt. d. §. 2. l. h. l. 11. ff. de lib. & post.*

8. *Necessarii vero ideo dicuntur, quia omnino sive velint sive nolint, tam ab intestato quam ex testamento, ex L. XII. tab. heredes fiunt. d. §. 2.*

9. *Sed his Prætor permittit volentibus abstinere hereditate; Ut potius scilicet parentis quam ipsorum nomine bona vendantur. d. §. 2. l. 57. ff. de acq. vel omitt. her. Unde Sui quidem manserunt §. 3. l. de hered. que ab intest. Sed Necessarii revera esse desiernunt.*

§. 3. 10. *Heredes Voluntarii seu Extranei sunt, qui in potestate testatoris non sunt. §. 3. l. h. t.*

§. 4. 11. *In Extraneis heredibus (in Suis enim quaestioni de capacitate vix locus est) illud observatur, ut sit cum eis testamenti factio passiva v. §. 4. l. h. t. circ. fin. l. 16. ff. qui test. fac. poss. testamenti facti tempore, propter Regulam Catonianam ut constiterit institutio, & mortis testatoris ut effectum habeat. d. §. 4. l. h. l. 49. §. 1. ff. de hered. inst.*

12. *Medio autem tempore, inter factum testamentum vel conditionem Institutionis existentem, mutatio juris non nocet heredi. d. §. 4. l. 49. §. 1.*

13. *Ut adeo in Institutione pura duo sint tempora extrema, quibus heres capax esse debet, facti scilicet testamenti & mortis testatoris, unum medium quo mutatio juris non nocet, inter factum testamentum & mortis testatoris. Tempus enim aditæ hereditatis hic diversum à tempore mortis concipi nequit, quia si vel uno momento post mortem testatoris incapax fuerit heres, hereditatem acquirere nequit. d. l. 49. §. 1.*

14. *Sed in Institutione conditionali, tria sunt tempora extrema, facti testamenti, mortis, & conditionis existentis. Intermedia quæ non nocent duo.*

15. *Hereditatem delatam non necesse habet heres statim adire (vel Suis ei se immiscere l. 8. & seq. ff. l. 19. C. de jur. delib.) sed potest, si nemo urgeat, etiam intra xxx. annos adire. l. 8. C. de jur. delib. l. 7. C. de pet. her.*

§. 5. 16. *Imo nec statim & simpliciter adire utile est heredi, propter latens sæpe xs alienum. Heres enim ordinario in solidum obligatur, nec hereditatem semel sibi quaesitam relinquere aut repudiare potest, l. 4. C. de repud. hered. l. 10. C. de jur. delib. neque in integrum restitutionem petere, nisi minor sit annis xxv, vel alia iusta causa subsit. §. 5. l. h. l. 7. §. 5. ff. de miss.*

17. Hoc

17. Hoc itaque quia grave est, duplex heredibus beneficium datum est.

1. *Jus deliberandi*, quo instantibus creditoribus petit heres, si hereditatem statim adire nolit, ut spatium sibi ad deliberandum concedatur. *l. 9. C. de jur. delib.*

18. Quod ubi impetravit, instrumenta hereditaria & rationes defuncti inspicere & examinare potest. *l. 5. ff. de jur. delib. l. 28. ff. de acq. her.* Quin & si filius sit, ex hereditate interim alendus est. *l. 9. ff. de jur. delib.*

19. Spatium hoc olim fuit arbitrium, ita tamen ut non pauciores dies darentur quam centum. *l. 1. §. 1. 2. l. 2. ff. de jur. delib.* sed jure novo à Principe ad deliberandum annus conceditur, à Judicibus novem menses. *l. ult. §. 13. C. de jur. delib.*

20. Quod si intra præstitutum diem heres hereditatem non agnovit, respectu Substituti & Legitimi, pro repudiata *l. 69. ff. de acq. her. respectu Creditorum* pro adita habetur. *d. l. ult. §. pen. C. de jur. delib.*

21. Sed si intra tempus deliberandi decesserit, & voluntatem non declaraverit, id quod ex anno reliquum est, ad suum heredem transmittit. *l. 19. C. de jur. delib.*

22. Alterum beneficium introduxit Justinianus Imp. in *l. ult. C. de jur. delib.* in qua constituit, ut possit heres *Inventario* legitime facto statim adire hereditatem, & tamen ultra vires hereditatis non teneatur. *d. §. 5. l. h.* Unde & hoc *Beneficium Inventarii* dicitur.

23. *Inventarium est repertorium, seu legitima descriptio, omnium rerum hereditariarum.* *l. 7. ff. de admin. tut. v. supr. ad. t. de satrd. tut. §. 3.*

24. Quod ut legitime fiat, requiritur, ut intra xxx. dies, ex quo heres delatam sibi novit hereditatem, inchoetur, & intra alios lx. dies, si res propinque sint (Vel intra annum, à prima scientia, si longius absint) perficiatur, præsentibus tabulariis, citatis item & præsentibus legatariis & creditoribus, omnibusque quorum interest; aut istis absentibus, coram tribus optimæ opinionis testibus: Nec non ut heres manti sua subscribat, rerumque quantitatem exprimat, vel si scribere non possit à tabulario subscribi jubeat. *l. ult. §. 2. 3. C. de jur. delib. Nov. 1. c. 2. §. 1.*

25. *Inventario legitime facto, heres plurima & maxima ex eo consequitur beneficia.*

26. Præter hoc enim, quod eo tempore quo inventarium conficitur, neque à creditoribus conveniri, neque ulla molestia affici possit. *d. l. ult.*

§. 11. 1. Hereditatem sine ullo suo periculo adire potest, ut non teneatur ultra vires hereditatis.

11. Falcidiam ex legatis, *d. l. ult. §. 4.* Trebellianicam ex fideicommissis, arg. *Nov. 1. c. 2.* detrahere potest.

12. Satisfacere potest creditoribus qui primi venerint *d. l. ult. §. 4.*

13. Impensas in funus, confectionem Inventarii, aliasve necessario factas deducit *d. l. ult. §. 9.*

14. Actiones quas & ipse contra defunctum habet non confunduntur, sed ei similiter ac aliis creditoribus reservantur, temporum tamen prerogativa inter creditores servanda. *d. l. ult. §. 9.*

27. Quo ipso tamen Jus deliberandi non abrogatur *d. l. ult. §. 13. C. de jur. delib.* sed si heres Beneficium Inventarii neglexerit, & Jus deliberandi peiere maluerit, Creditoribus in solidum tenetur, neque beneficium Falcidiae (quoad Portionem Legitimam hoc nullibi dicitur) uti potest. *d. l. ult. §. pen.* Ino & jure novo solida legata, licet vires patrimonii excedant, praestare cogunt. *Nov. 1. c. 2.*

§. 6.

28. Acquiritur autem hereditas vel Ipso jure puta à Suis, qui si hereditatem suscipere volunt Miscere se dicuntur *l. 14. §. 8. ff. de relig.* Vel Declaratione voluntatis ab Extraneis. Quae declaratio vel fit Verbis, & dicitur in specie Aditio; vel Re aliqua & facto, diciturque Pro herede gestio. *§. 6. l. h. t. d. l. 14. §. 8. de relig.*

29. Nisi tamen heres res hereditatis pietatis tantum & custodiz causa attigerit, aut suas esse putaverit. *l. 20. pr. §. 1. ff. de acq. her. quod & testari utile est. d. l. 20. §. 1. l. 14. §. 8. ff. de relig. Et sumit. fun.*

30. Sicuti autem Sui dum suscipiunt se Miscere, Extranei in genere Adire dicuntur, ita Sui si hereditatem agnoscere nolint Abstinerere *l. 57. ff. de acq. her. Extranei Repudiare dicuntur l. t. C. de repud. vel abst. hered.*

TIT. XX.

DE LEGATIS.

pr. h. t. 1. Legatum quidem Modus est acquirendi Juris Civilis Singularis, quia tamen in testamento plerumque relinquitur, recte hoc loco de Legatis agitur *pr. l. h.*

§. 1. 2. Est autem Legatum, donatio quadam à defuncto relicta, ab herede praestanda. *§. 1. l. h. l. 36. ff. de leg. 2.*

3. Est Donatio, quia continet liberalitatem, sed quadam, non propria:

pria: *Donatio enim propria non nisi in presentem & acceptantem confer-
tur. l. 19. §. 2. ff. de don. Legatum vero in testamento absentis, ut plurimum
& ignorantis relinquitur.*

4. *A defuncto relicta*, scilicet directe & immediate; in quo differt à
Fideicommissio, quod etiam à defuncto quidem relinquitur, sed mediate
per heredem.

5. *Ab herede præstanda*: Licet enim Legata (i. e. eorum dominium)
recta via transiunt ad legatarium *l. 64. ff. de furt. l. 30. de leg. 2.* Possessio
tamen legatorum ab herede petenda est. *l. 1. §. 2. ff. quod Legator.*

6. Legatorum genera olim erant quatuor, per Vindicationem, per *§. 2.*
Damnationem, Sinendi modo, per Præceptionem. *§. 2. l. h. t.* Quæ non
tantum quoad formulas, sed & quoad res quæ legabantur, & effectum,
diversa erant. v. *Ulp. T. 24. §. 2. & seqq. Caj. L. 2. T. 7. pr. §. 1. 2. & seqq.*

7. Sed solennitas verborum in ultimis voluntatibus sublata. *l. 15. C. de
test. l. ult. C. qui adm. ad bon. poss. omnibusque legatis eadem natura data
est; §. 2. l. h. l. 1. C. comm. de legat.*

8. Adeo ut ad legata consequenda triplex jam actio competat, *in rem*,
in personam ex testamento, & *hypothecaria*. *d. §. 2. d. l. 1.*

9. Multum etiam jure antiquo intererat inter Legata & Fideicommissa. *§. 3.*
sa. l. In Legatis enim verba solennia erant necessaria, in Fideicommissis non:
11. Legata relinqui tantum poterant in testamento aut codicillis confirma-
tis. §. 10. l. de fideic. h. red. Fideicommissa etiam codicillis confirma-
tis. 111. Legatorum stricta, Fideicommissorum pinguior erat natura. v. Ulp.
T. 24. 25. Gaj. L. 2. T. 7. 9 §. 3. l. h.

10. Sed & hæc jure novo mutata, omniaque legata, quemadmodum
inter se, ita fideicommissis exæquata sunt, *ut nulla sit* (quoad effectum)
inter ea differentia, sed quod deest legatis, hoc jam repleatur ex natura fi-
deicommissorum, & si quid amplius est in legatis, per hoc crescat fideicom-
missorum natura. d. §. 3. l. 2. C. Comm. de legat.

11. Essentialis autem differentia inter Legata & Fideicommissa sublata
non est, sed quod verbis directis & imperativis Legis modo relictum est,
adhuc Legatum, & quod precariis Fideicommissum est.

12. Ut autem Materia de Legatis rectius intelligatur 1. de Rebus quæ
legari possunt, 11. de Personis quibus, & 111. de Modo quo legari possit,
ordine videndum.

13. Res legari possunt omnes; si modo sint in rerum natura aut esse
possunt, & sint in commercio: sive propriæ sint, sive heredis, sive alie-

nz, sive corporales sive incorporeales, sive mobiles sive immobiles, nihil interest §. 4. l. h.

§. 7. 14. Res vero quæ in rerum natura non sunt, neque esse possunt, legari nequeunt. Sed si futurae sunt, veluti fructus qui in illo fundo nasci erunt, recte legantur. §. 7. l. b. t. l. 24. ff. de legat. 1. l. 17. de legat. 3.

15. Quorum rerum legatum pro puro habetur, quoad transmissionem. l. 25. §. 1. ff. quand. dies. legat. ced. l. 99. ff. de con. l. & dem. pro conditionali, quoad obligationem. l. 5. ff. de trit. vin. ol. l. 1. §. ult. ff. de cond. & dem.

16. Si enim nihil natum est, nihil debetur; Utrique si fondus taxationis gratia adiectus sit. d. l. 5. ff. de trit. vin. ol. si vero tantum demonstrationis gratia, secus est. l. 12. ff. de alim. legat.

§. 4. 17. Res quæ in commercio non sunt, vel absolute & simpliciter non sunt in commercio, veluti Campus Martius, Basilica, Templum &c. Quorum rerum Legatum prorsus inutile est, adeo ut ne quidem æstimatio debeat. §. 4. l. b. t. l. 59. §. 8. & seqq. ff. de legat. 1.

18. Vel non sunt in commercio certo modo & secundum quid, veluti ædificia iuncta, quamdiu iuncta sunt. l. 41. §. i. l. 43. ff. de legat. 1. Quorum rerum, legatum pure relictum, propter Regulam Cætonianam inutile est; sub conditione, si aliis iuncta non sint, relictum valet. d. l. 41. §. 2.

19. Vel sunt quidem in commercio quorundam, sed non omnium. Quo casu distinguendum: si enim testator & heres rei legatæ commercium habeant, Legatarius non habeat, legatum non subsistit. l. 49. §. 2. ff. de legat. 2. ei enim, qui dominum acquirere non potest, donari nequit. l. 9. §. ult. ff. de don. Si vero Legatarius rei commercium habeat, licet heres non habeat, legatum valet. d. l. 49. §. 3. ff. de legat. 2. Non obstat. l. 40. ff. de legat. 1. Ubi secundam negationem delendam esse, ex ipsa textu manifestum est.

20. Quæcunque res itaque in commercio sunt legari possunt, sive testatoris sint propriæ sive alienæ.

21. L. XII. Tabb. quidem de suo tantum disponendi potestas testatori concessa est l. 120. ff. de V. S. sed qui legat rem alienam, de suo legare intelligitur.

22. Debet enim heres eam redimere & prestare, etiam si difficilis ejus sit paratio. l. 39. §. 7. ff. de legat. 1. Vel si eam non potest redimere, quod dominus eam vendere uoluit, aut immodicum pretium exigit l. 14. §. ult. l. 30. §. ult. de legat. 3. l. 71. §. 3. de legat. 1. æstimationem ejus iudicis arbitrio statuendam l. 71. §. 3. ff. de legat. 1. dare tenetur. d. §. 4. l. h. r.

23. Si tamen defunctus sciebat (quod legatarius probare debet. d. §. 4. l. 21. ff. de prob.) rem alienam esse, non si ignorabat; forsitan enim, si scivisset alienam rem esse, non legasset. d. §. 4. Nisi forte personæ proximæ reliquerit, i. e. tali, cui verisimile sit quovis modo legaturum fuisse. l. 10. C. b. t.

24. Si res aliena legata fuerit & ejus rei vivo (e. gr.) testatore legatarius dominus factus fuerit, si quidem ex causa onerosa puta emtionis, ex testamento actione pretium consequi potest, si vero ex causa lucrativa veluti ex donatione, vel ex alia simili causa, agere non potest. Dua enim lucrative causa in eundem hominem & eandem rem concurrere non possunt. §. 6. l. b. l. 17. ff. de O. & A. l. 108. §. 4. ff. de leg. 1.

25. Ratio est, quia cum creditoris jam esse cepit, in eum casum devenit obligatio, à quo incipere non potuit. §. 10. l. b. t. §. 2. l. de inut. stip. §. 14. l. de Act.

26. Diversa ratio est causæ onerosæ, quia cui pretium adest, ei adhuc res ipsa abesse videtur. l. 14. ff. de V. S.

27. Hac ratione si ex duobus testamentis (ex eodem testamento, licet bis relicta, semel tantum debetur l. 34. §. 1. de legat. 1. nisi alia voluntas testatoris fuerit. l. 53. §. 2. ff. de legat. 1.) eadem res seu species eidem debeatur, interest utrum rem an æstimationem ex testamento consecutus sit? Nam si rem habet, agere non potest, quia habet ex causa lucrativa; si æstimationem agere potest. §. 6. l. b. ita accip. l. 34. §. 2. ff. de legat. 1. Æstimatio enim re, non vero res æstimatione continetur. l. 88. ff. de V. S.

28. Si fundus alienus legatus sit, & Legatarius emerit proprietatem, deducto usufructu, & usufructus ad eum ex causa lucrativa pervenerit, re-ctæ adhuc fundus (seu æstimatio proprietatis) peti potest; §. 9. l. b. t. l. 82. §. 2. de legat. 1. Usufructus enim in petitione servitutis locum obtinet, & proprietatis quæ adest ex causa onerosa, adhuc abesse intelligitur. l. 14. ff. de V. S.

29. Si quis rem suam quasi alienam legaverit, valet legatum, si enim suam testator scivisset, multo facilius legasset. l. 67. §. 3. ff. de legat. 2. Sed & si legatarii esse putavit, valere constat, quia plus valet quod in veritate est, quam quod est in opinione. §. 11. l. b. t.

30. Si rem obligatam creditori aliquis legaverit, necesse habet heres (nisi aliud testator voluerit) eam luere, seu liberare. §. 5. l. b. l. 57. ff. de legat. 1. l. 6. C. de fideic. si modo defunctus obligatam sciverit; si enim nesciverit, legatarius luere debet; nisi testator etiam relicta fuisset, si scivisset obligatam. l. 57. ff. de legat. 1. l. 6. C. de fideic. l. 10. C. de legat.

- §. 8. 31. *Si eadem res duobus legata sit, five conjunctim five disjunctim, si ambo perveniant ad Legatum, scinditur inter eos legatum, i. e. partes concurlu facient.* §. 8. l. b. l. 3. ff. de usufr. accresc. l. 80. ff. de leg. 3.
32. *Sed si alter deficiat, quia spreverit legatum, aut vivo testatore (mortuo enim eo cedit dies legati l. un. §. 5. C. de cad. toll. ideoque non ad collegatarium, sed ad heredem suum transmittit l. 5. ff. quand. dies leg. ced.) decesserit, vel alio quoquo modo defecerit, totum ad Collegatarium pertinet. d. §. 8. Jure scilicet, Accrescendi.*
33. *Est autem Jus Accrescendi, Jus quo coheredis aut collegatarii deficientis portio, accrescit conjuncto non deficienti.*
34. *Locum habet in Hereditatibus & Legatis.*
35. *In Hereditate ex necessitate juris v. l. 4. C. de rep. her. l. 1. l. 2. ff. de acq. her. l. 20. C. de jur. delib. l. un. §. 10. C. de cad. toll. In Legatis, de quibus tantum hic agimus, ex præsumta voluntate defuncti.*
36. *Quæ præsumta voluntas ut locum habere possit, necessarium est ut collegatarii in eandem rem vocentur, & re conjuncti sint.*
37. *Sunt autem qui re conjunguntur conjuncti tribus modis, vel Re tantum, vel Verbis tantum, vel Re & Verbis simul. l. 89. ff. de leg. 3. l. 142. ff. de V. S.*
38. *Re tantum conjuncti dicuntur qui in eandem quidem rem, sed diversis orationibus vocati sunt: Unde & quoad figuram Orationis Disjuncti dicuntur. §. 8. in f. b.*
- Verbis tantum, qui in eandem rem eadem oratione vocantur, additis verbis, Aquis partibus.*
- Re & Verbis simul, qui in eandem rem & eadem oratione, simpliciter, vocati sunt. v. d. l. 89. l. 142. ff. de V. S.*
39. *Inter quos omnes, etiam Verbis tantum conjunctos, uti ex d. l. 89. de leg. 3. manifestum est, Jus accrescendi locum habet.*
40. *Ita tamen, ut si omnes sint conjuncti vel disjuncti quoad figuram orationis, pars deficiens omnibus accrescat ex æquo: si permixtim conjuncti & disjuncti, conjuncti in parte conjunctorum ceteris præferantur, disjunctorum, partes accrescant omnibus; sic tamen ut conjuncti unus vice fungantur. l. 34. ff. de legat. 1. d. l. 89. l. un. §. 10. C. de Cad. toll.*
41. *Conjunctis autem accrescit non nisi volentibus, sed cum onere; Disjunctis inuitis sed sine onere. d. l. un. §. 11.*
- §. 10. 42. *Si rem Legatarii quis ei legaverit, inutile est legatum, quia quod proprium est ipsius, amplius ejus fieri non potest. §. 10. l. b. Unde etiam*

etiam stipulatio & emptio rei suæ inutilis est *l. 82. ff. de V. O. l. 16. ff. de cent. emt.* Dominium enim non nisi ex una causa acquiri potest. *l. 3. §. 4. ff. de acq. poss.*

43. Adeo ut licet legatarius alienaverit eam non debeatur nec ipsa res, nec ejus assignatio *d. §. 10. l. b.* propter *Regulam Catonianam. l. 41. §. 2. ff. de legat. 1.*

44. Si rem legatam testator alienaverit, *Si non adimendi animo hoc fecit*, nihilominus debetur. *§. 12. l. b.*

45. Non autem *adimendi animo* alienasse censetur, si necessitate urgente alienatio facta sit *l. 11. §. 12. ff. de legat. 3.* Eoque pertinet si rem pignori dederit, *d. §. 12.* Si vero ex mera voluntate & sine necessitate res legata alienata sit, puta si alii donata sit, secus est. *l. 18. ff. de adim. legat. l. 34. in f. pr. de aur. arg. legat.*

46. *Si quis debitor suo Liberationem legaverit, legatum utile est.* *§. 13. l. b.* Licet enim debitor dominus sit ejus quod debet *l. 1. ff. de lib. legat.* (quapropter & aliquando dubitatum fuisse, an valeret, constat ex *l. 1. §. 3. pr. ff. cod.*) Obligatio tamen est in bonis creditoris *l. 49. l. 143. ff. de V. S.* & prout summa ratione legatum hoc receptum est.

47. Effectus hujus legati est, *ut heres neque à debitore neque ab herede ejus, neque alio qui heredis loco sit, cum effectu petere possit, sed petens per exceptionem* (ipso jure enim obligatio non tollitur) repellatur. *d. §. 13. d. l. 3. §. 3. de lib. leg.*

48. Quinimo & heres à debitore conveniri potest, ut liberet eum per acceptilationem. *d. §. 13. l. 3. §. 3. l. 22. ff. cod.*

49. Plane, potest etiam testator ad tempus jubere, ne heres petat. *d. §. 13. l. 8. §. 1. ff. de lib. legat.*

50. Ex contrario si debitor *Creditori suo quod debet legaverit, inutile est legatum si nihil plus sit in legato, quam in debito.* *§. 14. l. b.* Debet enim legatum semper aliquid utilitatis continere, *l. 29. ff. de legat. 1. l. 1. §. 10 ff. ad L. Falcid.* Alias non ex testamento agitur, sed ex pristina obligatione.

51. Plus autem in legato est quam in debito, si id quod in diem vel sub conditione debetur pure legatur, *propter representationem*, i. e. solutionem ante tempus faciendam. *l. 8. §. 3. ff. de transact. l. 36. §. 1. de cond. & dem. Suet. in aug. c. ult. §. 14. l. b.* Vel si creditori, tutus adversus eum exceptio legat quod debet; Vel alio modo actio Legati melior est. *v. l. 28. l. 29. ff. de legat. 1. l. 11. ff. de lib. legat.*

52. Iuxta post *l. 1. C. comm. de legat.* qua legatorum nomine etiam hy-

hypotheca datur in bonis defuncti, tale legatum plerumque utile est.

§3. Licet etiam vivo testatore dies venerit, vel conditio extiterit, utile est nihilominus legatum, quia semel constitit. *Non enim placuit sententia exsistimantium, extinctum esse legatum, quia in eam causam pervenerit, à qua incipere non potest.* §. 14. l. b. Abrogata l. 82. pr. ff. de legat. 2.

§. 21. 54. Sed & Legatum *Debitti* valet, cum testator alicui legat, quod ipsi debetur. §. 21. l. 75. §. 1. 2. ff. de legat. 1. Quod in specie Legatum *Nominis* dicitur, l. 44. §. 6. de legat. 1. l. 59. ff. de legat. 3. l. 18. C. eod.

§5. Quo legato continetur, ut *actiones suas* adversus debitorem *heres legatario præstet* d. §. 21. l. 44. §. 6. l. 75. §. 2. ff. de legat. 1. Uterius enim non obligatur. Utilibus tamen Legataris, etiam non expectata cessione actionum directarum, suo nomine experiri potest. l. 18. C. eod.

§6. Nisi exegerit vivis testator pecuniam, nam hoc casu legatum extinguitur. d. §. 21. l. 75. §. 2. ff. de legat. 1. perinde ac si rem legatam alienasset. l. 11. §. 12. 13. ff. de legat. 1. Idem est si debitor testatori ultro solvit, quia utroque modo legati substantia perit. d. §. 13. l. 21. ff. de lib. leg. Nisi utrovis casu pecuniam testator pro deposito servarit. d. l. 11. §. 13.

§. 15. 57. Si uxori maritus dotem legaverit valet legatum, quia plenius est legatum quam de dote actio. §. 15. l. b. propter representationem in dote pecuniaria, quæ annua, bima, trima die, i. e. tribus annuis pensionibus reddebatur. Ulp. 1. 6. §. 8.

§8. Et licet jure novo una sit pensio, res mobiles tamen non nisi annua die restituuntur. l. un. §. 7. C. de rei ux. act.

§9. In legato rerum dotarum immobilium, (quæ illico restituendæ d. §. 7.) quidem non est representatio; Valet tamen tale legatum, propter commodum novæ actionis; quod in eo maxime consistit, quod, si ex testamento agatur, objici non possit *exceptio competentie*, quæ ceteroquin locum habere potest. l. 17. §. ult. l. 18. ff. sol. mat. d. l. un. §. 7.

60. Sed si maritus quam non accepit dotem legaverit, videndum an simpliciter legaverit? Quo casu inutile est legatum, quia non apparet, quid vel quantum legatum sit. l. 75. §. 1. ff. de legat. 1. An vero certa pecunia, vel certum corpus, aut instrumentum demonstratum sit? Quo casu legatum valet d. §. 15. falsa enim demonstratio legatum non vitiat. §. 30. l. b. r.

61. Si res (i. e. certa species v. l. 26. §. 1. de leg. 1. l. 23. ff. de V. O. §. 16. l. 30. §. 4. 5. ff. ad L. Falcid.) legata sine tacto heredis perierit, si modo
mora

mora non intervenerit *l. 47. §. ult. de leg. 1.* quæ obligationem perpetuat *l. 91. §. 3. ff. de V. O. legatario decedit. §. 16. I. b.*

62. Sed si factio heredis petierit, vel servus alienus factio heredis manumissus sit, vel heres proprium servum legatum (sive hoc sciverit, sive ignoraverit) manumiserit, tenetur heres. *d. §. 16. I. b. t. l. 112. §. 1. de leg. 1. l. 28. qui §. à quib. man. l. 91. §. 2. ff. de V. O.*

63. Factum enim alterius alteri nunquam nocere debet *l. 25. §. 2. in f. ad SC. Treb. & favore ultimar voluntatis receptum est, ut heres culpam etiam præstet levissimam. l. 47. §. 5. de legat. 1.*

64. Si plures res legatæ sint, & quedam ex iis perierint; An ea quæ superest debeatur? Distinguendum est. An omnes sint æque principales, an vero una principalis, alia accessoria? Si omnes sint æque principales, ea quæ superest adhuc debetur; si non æque Principales, & principalis perierit, Accessoria non debetur. Si vero Accessoria perierit principalis debetur. *l. 2. 3. ff. de pecul. legat.*

65. Hinc si quis ancillas cum suis natis legaverit, etiamsi ancilla mortua fuerint, partus legato cedunt. *§. 17. I. b. l. 62. & seq. de leg. 1. l. 3. ff. de pec. legat.* §. 17.

66. Idem est, si ordinarii servi cum vicariis legati sunt. *d. §. 17. l. 4. l. 9. ff. de pec. leg.*

67. Idem etiam est, si grex legatus fuerit, & postea ad unam ovem pervenerit: licet enim grex amplius non sit *l. 22. ff. de legat. 1.* (ad quem constituendum decem requiruntur *l. ult. pr. ff. de abig.*) id tamen quod superfuerit vindicari potest. *§. 18. I. b. t. l. 113. ff. de R. J.* Licet in usufructu gregis legato secus sit. *l. ult. quib. mod. usufr. am.* §. 18.

68. Sed si servus fuerit cum peculio legatus, mortuo servo vel manumisso, vel alienato, peculii legatum extinguitur. *d. §. 17. l. 1. l. 2. ff. de pecul. legat. l. 178. ff. de R. J.*

69. Idem est si fundus instructus, vel cum instrumento (de quib. *v. l. 12. pr. §. 15. 27. 28. 31. 32. & seq. de instr. vel instrum. leg.*) legatus fuerit; nam fundo alienato & instrumentum legatum extinguitur. *d. §. 17. In quo tamen mens testatoris spectanda est. l. 1. §. 1. l. 5. ff. de instr. vel instrum. legat.*

70. Quod si autem gregi legato deinceps oves adjiciantur, legato cedunt. *d. §. 18. l. 8. pr. l. 24. §. 2. 3. ff. de legat. 1.*

71. Sic adibus legatis columnas & marmora quæ post testamentum factum adjecta sunt, vel alia quælibet additamenta, legato cedere dicimus. *§. 19. I. b. t. l. 41. §. 9. & seqq. de legat. 1.* §. 19.

72. Imo si areæ legatæ Domus imposita sit, superficiem legato cedere placet, nisi testator voluntatem mutaverit *l. 39. ff. de legat. 2. l. 44. §. 4. de legat. 1.* Ita accip. *l. 79. §. pen. ff. de legat. 3.*

§. 20. 73. Si peculium legatum fuerit, sine dubio, quicquid peculia accedit vel decedit, vivo testatore, legatarii lucro vel damno est. §. 20. *l. b.*

74. Sed si post mortem testatoris, distinguitur: Si enim peculium ipsi servo fuerit legatum, omne quod ante aditam hereditatem accedit, legatario cedit; quia huiusmodi legati dies, ab adita demum hereditate cedit, *d. §. 20. l. 7. in f. & l. seq. ff. quand. dies legat. ced.* Si vero extraneo, non item; nisi ex rebus peculiaribus auctum sit peculium: Extraneo enim dies legati cedit statim à morte testatoris. *l. 2. cum 3. seqq. ff. quand. dies leg. l. un. §. 6. 7. C. de cad. toll.*

§. 21. 75. Neque tantum res corporales sed & incorporales recte legantur, uti usus, usufructus, servitutes prædiorum, nomina de quibus supra. *§. 54. 55. h. t. §. 21. l. b. l. 41. ff. de legat. 1.* Quin & facta legari possunt, si modo non sint contra jus. *l. 112. §. 3. ff. de leg. 1. & tertio sint utilia. l. 114. §. 14. ff. eod.* Alias enim tale legatum, tanquam nudum præceptum, & inepta voluntas, impune contemnitur. *l. 113. §. 5. ff. de legat. 1.*

76. Legatum *Generis summi* puta substantiæ, ut & *subalterni* puta animalis, inutile est: potest enim redigi ad minimum.

77. Legatum *generis infimi* seu *speciei*, si certam determinationem à natura habet & utilitatem continet, uti sunt bos, equus, valet. *v. l. 13. l. 37. ff. de legat. 1.* si vero certam determinationem à natura non habet, uti fundus, domus, *v. l. 24. §. 3. ff. de legat. 1. l. 60. de V. S.* Videndum, An testator talem rem in bonis habeat? & valet; An non habeat? & non valet, sed magis derisorium est. *l. 69. §. 4. ff. de jur. dot. l. 71. pr. ff. de legat. 1.*

§. 22. 78. *Genere* autem legato *electio legatarii est*, nisi testator aliud dixerit. *§. 22. l. h. t. l. 108. §. 2. ff. de legat. 1. aut voluerit.*

79. Sed hæc electio non est libera, optimum enim Legatarius eligere nequit, neque pessimum eligere cogitur. *l. 37. ff. de legat. 1.*

§. 23. 80. *Optionis Legatum id est*, ubi testator ex servis suis vel aliis rebus, optare legatarium jubet. *§. 23. l. b.*

81. Quod olim in se conditionem habuit, ut nisi ipse legatarius vivus optasset, ad heredem legatum non transmitteret. *d. §. 23.* Sed ex Constitutione Imp. Justiniani, heredi legatarii optare etiam licet. *d. §. 23. l. ult. C. comm. de legat.*

82. In qua *l. ult.* & illud constitutum est, ut si forte plures sint legatarii,

arii, vel plures unius heredes, & in eligendo dissentiant, forte hoc dirimatur: Ut unus rem habeat, reliquis portionum suarum pretium præstetur. d. §. 23.

83. Differt autem legatum *Optionis* à legato *Generis* maxime in duobus.

1. In legato *Optionis* electio semper legatarii est, in legato *Generis* aliquando heredis.

II. In legato *Optionis* licet eligere optimum, l. 9. §. 1. ff. de dol. mal. in legato *Generis* non item. l. 37. ff. de legat. 1.

84. Legari autem illis solum potest, cum quibus est testamenti factio §. 24. scil. palliva. §. 24. l. h. t.

85. Incertis personis, quas incerta opinione testator animo suo subiecit, olim legari non poterat; §. 25. b. certum enim debet esse consilium testatoris Ulp. t. 22. §. 4. t. 24. §. 18. §. 25. l. h. Licet pauperibus l. 24. C. de Episc. & Cler. Civitatibus l. 26. ff. ad SC. Treb. l. 122. ff. de legat. 1. Corporibus & Collegiis licitis l. 12. C. de hered. inst. l. 1. §. 15. ad SC. Treb. relicta, rata essent.

86. Postumo etiam alieno, i. e. ei qui natus inter suos heredes futurus non est, (quia similiter quodammodo incertum est) inutiliter antea legabatur. §. 26. l. h. t.

87. Sed utrumque mutatum est; §. 27. l. h. t. dummodo in præsens, vel ex futuro eventu, certitudo aliqua apparere, & voluntas defuncti exitum habere possit. §. 27.

88. Servo heredis pure inutiliter legatur, §. 32. l. h. t. Vi ipsa enim heredi à semetipso legatur; quod fieri nequit, cum nemo possit sibi ipsi esse creditor & debitor. l. 18. l. 116. §. 1. ff. de legat. 1. Nec quicquam proficit, si vivo testatore de potestate heredis exierit, propter *Regulam Catonianam*. d. §. 32. l. 1. ff. de Reg. Cat.

89. Sub conditione vero, servo legari potest. §. 32. l. h. Ad conditionalia enim regula Catonis non pertinet. l. 4. ff. de Reg. Cat.

90. Ex diverso herede instituto servo, quin domino recte legatur, §. 33. non dubitatur: potest enim per eum servum alius heres effici, quo casu legatum utile est. §. 33. l. h. t.

91. Quomodocunque autem, quibusve verbis legata relinquuntur, nihil interest, dummodo constet de Voluntate defuncti.

92. Licet enim in nomine erratum sit, cum de persona constat, legatum utile est. §. 29. l. h. Nomina enim significandorum hominum gratia reperta sunt. v. l. 6. ff. de reb. cred.

93. Sed verum hoc est, si erratum sit in nomine proprio, five Hominis, puta *Praenomine* i. e. proprio in specie, *Nomine* i. e. totius gentis, *Cognomine* i. e. familiae, vel *Agnomine* i. e. ab eventu imposito. §. 29. l. h. 1. Sive Rei, puta si quis fundum *Cornelianum* pro *Semproniano* nominaverit. l. 4. ff. de legat. 1.

94. Secus enim est, si erratum sit in nomine rei appellativo, puta si cum vestem legare vellet, supellectilem dixerit. Quia rerum vocabula naturae consona, publica & immutabilia sunt. d. l. 4. l. 7. §. 2. ff. de supell. legat. add. l. 3. ff. de reb. dub.

§. 30. 95. Hinc falsa demonstratione (si modo de re constet) similiter legatum non perimitur. §. 30. l. h. 1. Nomen enim & demonstratio vice mutua funguntur. l. 6. ff. de reb. cred. l. 34. ff. de cond. & dem.

§. 31. 96. Longe magis legato falsa causa adjecta (præterita scilicet seu ratio propter quam datur l. 52. ff. de cond. indeb.) non nocet: Veluti cum quis ita dixerit Titio, quia me absente negotia mea curavit, Stichum do lego. §. 31. l. 17. §. 2. ff. de cond. & dem. Licet enim hoc factum non fuerit, legatum tamen valet. d. §. 31.

97. Ratio enim legandi legato non cohaeret i. e. legatum (cum sit liberalitas l. 82. ff. de R. J.) etiam sine ratione legati subsistit. l. 72. §. 6. ff. de cond. & dem.

98. Quod si tamen heres probet, Testatorem alias legaturum non fuisse, exceptio locum habet. d. l. 72. §. 6. ff. de cond. & dem.

99. Sed si conditionaliter enunciata fuerit causa, aliud juris est; verum hoc modo, Titio si negotia mea curaverit, fundum meum do lego §. 31. l. h. 1. l. 17. §. 3. ff. de cond. & dem.

100. Aliud etiam juris est, si causa futura adjiciatur, i. e. sub modo legatum relinquatur. d. l. 17. §. 4. Quae causa futura conditioni comparatur. l. 92. ff. de cond. & dem. l. 1. C. de his qua sub. mod.

§. 34. 101. Ante heredis institutionem inutiliter antea legabatur, quia testamenta vim ex institutione heredis accipiunt, & ob id velut caput atque fundamentum intelligitur totius testamenti heredis institutio. Paul. 3. Sent. 6. Ulp. 1. 24. §. 15. §. 34. l. h. 1. Sed per Imp. Justinianum hoc mutatum est. d. §. 34. add. l. 24. C. de testam.

§. 35. 102. Post mortem quoque heredis aut legatarii, simili modo inutiliter legabatur. §. 35. l. h. 1. Ab heredis herede enim legari non poterat. Ulp. 1. 24. §. 16. Et Obligatio, quae non inceperat à defuncto, vel contra defunctum; ab herede, vel contra heredem, incipere non poterat. Sed & hoc correctum, ne in hoc casu deterior causa legatorum quam fideicom-

missio.

missorum (quæ post mortem heredis relinqui poterant l. 5. §. 1. ff. de legat. 3.) inveniatur. d. §. 35. l. 11. C. de cont. sup. & dicta regula sublata est. l. un. C. ut act. ab hered. & cont. hered.

103. *Pena quoque nomine inutiliter antea legabatur & adimebatur* §. 34. *vel transferabatur* §. 36. l. b. Legata enim ex affectu erga legatarium, non odio heredis relinquuntur.

104. *Pena autem nomine legari videtur, quod coercendi heredis causa relinquitur, quo magis aliquid faciat vel non faciat.* §. 36. l. b. t.

105. Sed Imp. Justinianus & hoc mutavit, ut hodie legatum penæ nomine relictum valeat. d. §. 36. circ. fin. l. un. C. de his quæ pen. nom. Si modo nihil impossibile vel legibus interdictum, vel alias probrosum adjectum sit. Si quid enim ejusmodi heredi adscriptum sit inutile est legatum; si autem legatario, pro non scripto habetur. Vid. §. 10. l. de hered. instit.

TIT. XXI.

DE ADEPTIONE LEGATORUM ET TRANSLATIONE.

I. **S**emel autem data legata non raro *extinguuntur*, *adimuntur* vel *transferuntur*.

2. *Extinguuntur* i. Cum res ex alia causa lucrativa ad legatarium venerit §. 6. l. de legat.

II. Cum legatarius ante testatorem moritur l. un. §. 2. C. de Cad. toll.

III. Si res legata sine facto heredis perierit, vel commercio hominum exempta sit. §. 16. l. de legat.

IV. Si conditio defecerit. l. 2. ff. de cond. & dem.

V. Si testamentum ruptum vel irritum sit l. 17. ff. de inf. rupt. irr. Sed si rescissum sit per Querelam inofficiosi jure novo secus est. Nov. 115. c. 3. in f.

3. *Adimuntur ipso jure*, vel *ope exceptionis*.

4. *Ipso jure* cum testator voluntatem suam expresse mutat: Ambulatoria enim est hominum voluntas, ad supremum viræ exitum. l. 4. ff. h. t.

5. Quæ mutatio voluntatis vel ex *verbis* contrariis aliæve in testamento, vel codicillis testamento confirmatis, exp. essis, manifesta est. pr. l. h. l. 13. l. 17. ff. h. t. l. 16. ff. de Viug. & pup. subst. Vel ex *factis*, veluti si legatum induxerit l. 16. ff. h. t. item legatum destruxerit l. 65. §. 2. ff. de legat.

gat. l. 1. 88. §. 2. ff. de legat. 3. nulla necessitate urgente distraxerit §. 12. l. de legat. Vel nomen legatum ipse exegerit. §. 21. l. cod.

6. Ope exceptionis, si quid contigerit, ob quod ademptio præsumi debeat; ut si inimicitiz capitales intervernerint. l. 3. §. ult. l. 4. ff. h. t. Vel si codicillis testamento non confirmatis, ademptio facta sit. l. 4. §. 10. ff. de dol. mal. except.

§. 1. 7. Transferuntur legata variis modis. Aut enim à persona in personam transfertur, aut ab eo qui dare iussus est transfertur ut alius det, aut cum res pro re datur, pro fundo decem aurei, aut quod pure datum est, transfertur sub conditione. l. 6. pr. ff. h. t. Aut contra l. 89. ff. de cond. & dem.

TIT. XXII.

DE LEGE FALCIDIA.

pr. b. t. 1. **L**ege XII. Tab. Mera erat legandi potestas, ut liceret vel totum patrimonium legatis erogare; Quandoquidem ea lege sic cantum erat, Uti quisque legasset rei sue, ita jus esto pr. l. b. t. l. 120. ff. de V. S.

2. Hinc non semel contingebat, ut testatores intestati morerentur, recusantibus scriptis heredibus pro nullo aut minimo lucro hereditates adire. d. pr. l. b. t.

3. Quapropter liberam hanc legandi licentiam coarctare visum est.

4. Et quidem primam super hac re lata est Lex Furia, qua cavebatur ne supra nulle asses legare liceret. Ulp. tit. 1. §. 2. Deinceps Lex Falcidia, qua cautum, ne quis census plus cuiquam legaret, quam ad heredem perveniret. Th. b.

5. Sed neutra sufficiens ad rei consummationem videbatur, pr. l. b. t. quia neutra finem legandi faciebat, & utraque de singulis tantum legatariis cavebat; Ut variis legatis tata fere hereditas adhuc exhausti possent.

6. Novissime itaque lata est Lex Falcidia, à P. Falcidio Tr. Pl. temporibus Augusti. A. U. c. 714. Dion. Cass. l. 48. qua cavetur ne plus legare liceat quam dodrantem totorum bonorum, i. e. ut si unus heres institutus, sit, sive plures, apud eum eorve pars quarta remaneat. pr. l. b. t. l. i. ff. cod.

7. Quæ non tantum in gratiam testatorum, sed & gratiam heredum l. 71. ff. h. t. imo & propter utilitatem publicam; iutroducia est. l. 5. ff. quemadm. testam. aper.

8. Et licet Lex Falcidia in specie de legatis loquatur, extensa tamen est

est ad Fideicommissa singularia, Donationes mortis causa *l. 5. C. b. t.* Donationes inter virum & uxorem *l. 12. C. b. t.* Nec non successiones ab intestato, *l. 18. ff. b. t.*

9. Quod si duo heredes instituti sint, & alterius pars legatis exhausta, ab altero autem vel nulla vel pauca admodum legata relicta sint, ut *Quartam* salvam habeat; potest nihilominus ille cuius pars legatis exhausta etiam *Quartam* detrahare: Ratio enim *Legis Falcidia in singulis heredibus ponenda est. §. 1. l. h. t. l. 77. ff. cod.* §. 1.

10. Quo tamen casu, si alter deficiat? distinguendum est: An portio onerata accrescat non onerata? Et *Quarta* adhuc detrahi poterit: An vero non onerata accrescat onerata? Et detrahi nequit, v. *l. 78. l. 87. §. 4. ff. b. t.*

11. *Quantitas autem patrimonii, ad quam ratio Legis Falcidia redigitur, mortis tempore spectatur. §. 2. l. h. t. l. 73. ff. cod.* ex quo dies legatorum cedit. *l. un. §. 3. C. de cad. toll.* §. 2.

12. Unde si mortis tempore hereditas tanta fuerit, ut heres *Quartam* salvam haberet, licet postea diminuta sit, integra nihilominus legata præstanda sunt. Et contra, si tantum mortis tempore in bonis defuncti non fuerit, licet postea hereditas aucta sit, *Quarta* detrahi poterit. *d. §. 2. l. b. t.*

13. Cum autem ratio *Legis Falcidia* ponitur, ante deducitur et alienum. *§. 3. l. h. t. l. 6. C. cod. i. e. omne*, cuius præstandi necessitate defunctus obstrictus fuit. *l. 54. ff. b. t.* Nam *Falcidia* detrahitur ex bonis, bona autem non intelliguntur, nisi quæ deducto ære alieno supersunt. *l. 39. §. 1. ff. de V. S.* §. 3.

14. Deducitur item funeris impensa i. e. sine qua funus honeste duci, & sepeliri, non potuit *d. §. 3. l. 14. §. 3. ff. de relig. cui & privilegium prælationis datum est v. l. pen. ff. cod.* Pretia servorum manumissorum; *d. §. 3.* Nec non onnis impensa suscipiendæ hereditatis causa facta, *l. ult. §. 9. C. de jur. delib.*

15. Servatur autem *Quarta* vel jure retentionis; Vel si in possessione legatorum jam sit legatarius, heres eam vindicat *l. pen. C. b. t.* vel actione in factum agit. *l. 77. §. 2. ff. de legat. 2. vel interdictio repetit. l. 1. ff. quod legat.*

16. Eaque tantum in hanc *Quartam* imputantur quæ quis jure hereditario capit, non quæ quis habet ex causa legati vel simili. *l. 74. l. 76. ff. b. t.*

17. Non

17. Non tamen *Falcidia* semper locum habet: Cessat enim 1. in testamento militis l. 7. C. b. t.

11. In legatis ad pias causas, si heres in mora sit solvendi, vel dolo malo negaverit, sufficere vires hereditatis. Nov. 131. c. 12. *Auth. similiter* C. b. t.

111. In ea re quæ ita relicta ne alienetur *Auth. scd* *Et ea* C. b. t.

1v. Si heres Inventarium facere neglexerit l. ult. §. pen. C. de jur. de lib.

v. Si testator expresse prohibuit heredem beneficio legis uti. Nov. 1. c. 2. §. 2. *Auth. scd cum testator.* C. b. t.

TIT. XXIII

DE FIDEICOMMISSAR. HEREDITAT. ET AD SC. TREBELL.

1. Sequitur de Fideicommissis: Est autem *Fideicommissum*, quod non directe, sed verbis precariis relinquitur. Ulp. t. 25. pr.

2. *Fideicommissum* duplex est; *Universale*, cum vel tota hereditas vel pars hereditatis relinquitur titulo *Universali*: & *Particulare* seu *Singulare*, quando res singula & titulo *Singulari*, restitui rogantur.

§. 2. 3. Et relinquitur vel in testamento §. 2. l. h. vel ab Intestato. §. 10. l. h.

§. 1. 4. *Fideicommissa* autem primis temporibus, ante Augustum scil. infirma fuere, & pudore tantum eorum qui rogabantur continebantur. Quia nemo invitus cogebatur prestare id de quo rogatus erat. §. 1. l. h. t. add. l. 13. C. de cont. emt.

5. Eratque tum temporis usus *Fideicommissorum* tribus maxime casibus.

1. Si quis relinquere vellet incapaci*, deportato scil. orbo, cœlibi, similibusve.

11. Si quis moreretur in peregrinatione, ubi testamentum jure Romano facere non poterat. arg. pr. l. de codicil.

111. Si quis vellet heredem hereditatem post certum tempus alteri restituere. l. 15. ff. de ann. legat.

6. Temporibus Augusti vim juris acceperunt, tantisque favor fideicommissorum paulatim factus est, ut & Prætor proprius crearetur qui de fideicommissis jus diceret, quem *Fideicommissarium* appellarunt. d. §. 1.

§. 3. 7. Heres autem *fiduciarius* qui rogatus erat hereditatem restituere,

re

restituta hereditate nihilominus heres permanebat. §. 3. *I. h. t.* Qui enim semel heres est, heres esse non desinit. *l. 88. ff. de hered. inst. l. 7. §. 10. ff. de minor.*

8. Hinc ut eo magis confirmarentur defunctorum Voluntates *l. 1. §. 2. §. 4.* §. 4. ff. ad SC. Treb. temporibus Neronis Imp. Trebellio Maximo & Anneo Seneca Coss. (Suffectis scilicet non Ordinariis) SCtum Trebellanum factum est, quo cautum, ut si hereditas ex causa fideicommissi restituta sit, omnes actiones quæ jure civili heredi & in heredem competere, ei & in eum darentur, cui ex fideicommissi restituta esset hereditas. §. 4. *I. h. t.*

9. Sed quia heredes scripti, quum aut totam hereditatem aut pene totam plerumque restituere rogabantur, adire hereditatem ob nullum vel minimum lucrum recusabant, atque ob id extinguebantur fideicommissa. §. 5. *l. h. t.*

10. Postea Vespasiani Augusti temporibus, Pegaso & Pusone Coss. scilicet suffectis, SCtum Pegasianum factum est, quo cautum, Ut ei qui rogatus esset hereditatem restituere, perinde liceret Quartam partem retinere, atque ex *Lego Falcidia* ex legatis retinere conceditur. §. 5. *I. h. t.* & si ea non contentus heres adire nolle, ad adeundum & restituendum cogi posset. §. 6. *I. h. t.*

11. Hinc, si quidem non plus, quam dodrantem hereditatis, scriptus heres rogatus sit restituere, tunc ex Trebelliano SCto restituebatur hereditas, & in utrumque actiones hereditariæ pro rata dabantur: At si plus quam dodrantem, vel totam hereditatem, restituere rogatus esset, locus erat SCto Pegasiano; Eoque casu Quarta quidem retenta, quasi partis & pro parte stipulationes interponebantur, tanquam inter legatarium partiarium & heredem; si vero totam hereditatem restitueret, Emptæ & Venditæ hereditatis stipulationes interponebantur. §. 6. *I. h. t. Paul. IV. sent. 3. Ulp. 1. 25. §. 15.*

12. Cum autem hæc stipulationes quibusdam casibus capciosæ i. e. damnosæ v. l. 14. §. 5. ff. quod met. c. l. 6. §. 10. ff. quæ in fraud. cred. essent, placuit exploso SCto Pegasiano omnem auctoritatem Trebelliano SCto præstare, Ut ex eo fideicommissariæ hereditates restituantur. §. 7. *I. h. t.*

13. Adco ut SCti Trebelliani jam tria sint capita: Quorum 1. cavetur, Ut liceat heredi fiduciario Quartam (quæ Trebellianica dicitur) vel quod deest retinere, vel per errorem facti v. l. 9. C. ad L. Falcid. solum repetere.

14. Inter quam Quartam & Falcidiam hoc interest, Quod in hæc Quartam impudentur omnia ea quæ heres quocunque titulo habet ex judicio

cio defuncti; In *Quartam* vero *Falcid.* ea tantum quæ habet jure hereditario titulo institutionis. *l. 91. ff. ad L. Falcid.*

15. ii. Ut pro rata portione Actiones in *fideicommissarium* transeant. *l. 1. C. ad SC. Trebell.* Onera tamen legatorum ad solum fideicommissarium spectant. *l. 1. §. ult. ff. cod.* Nisi minus dodrante heres restituere rogatus sit. *d. l. 1. §. pen.*

16. iiii. Ut heres *fiduciarius* ad ad eundem & restituendum cogi possit. Quo casu nullum neque commodum neque damnum apud heredem remanet. *§. 7. l. b. t. l. 4 ff. cod.*

§. 8. 17. Sive autem totam hereditatem, sive partem quis restituere rogatus sit, idem juris est. *§. 8. l. b. t. add. l. 76. ff. de R. V. l. 82. §. 3. ff. de legat. 1.*

§. 9. 18. Sed si quis una aliqua re deducta sive præcepta, quæ *Quartam* continet, rogatus sit restituere hereditatem, simili modo ex *Trebelliano* *SCto* restituito fiet, perinde ac si *quarta parte* retenta rogatus esset reliquam hereditatem restituere. Sed multum interest, an certa re contentus, an *Quarta* retenta, rogatus sit hereditatem restituere. Priore enim casu heres legatarii loco est *l. 1. §. ult. ff. b. t. l. pen. C. de hered. inst.* omniaque onera ad fideicommissarium transeunt. *Posteriori* casu scinduntur Actiones, & pro Dodrante quidem transferuntur ad *fideicommissarium*, Pro Quadrante remanent apud heredem. *§. 9. l. b. t. l. 30. §. 3. ff. cod.*

§. 10. 19. Non tantum autem in testamento, sed & ab intestato, uti ante dictum, fideicommissum relinqui potest *§. 10. l. b. t.* Licet enim fidei ejus, qui à defuncto nihil accepit, committi non possit *l. 9. C. de fideic.* Hic tamen istud non obstat; Tacite enim ab intestato succedentibus datur hereditas, eo ipso quod non adimitur. *l. 8. §. 1. ff. de jur. Codicill.*

20. Quod si autem fideicommissum relictum sit ab eo, qui testamenti tempore proximus erat *nominatim*, tunc eo mortuo alii successores non tenentur. *l. 1. §. 9. ff. de legat. 3.* Si *generaliter*, secus est. *l. 3. ff. de jur. Codicill.*

§. 11. 21. *Fideicommissarius* etiam cui aliquid restituitur, rogari potest ut id rursus alii totum, aut partem, aut aliud quid restituat. *§. 11. l. b. t.* Jus tamen *Quartæ* retinendæ solus heres habet, non *fideicommissarius*. *l. 47. §. 1. ad L. Falc. l. 22. §. ult. ff. b. t. l. 55. §. 2. ff. cod.* Semel enim adita hereditate Voluntas defuncti rata constituitur. *d. l. 55. §. 2.* Nisi *fiduciarius* in gratiam *fideicommissarii* *Quartam* non detraxerit. *l. 1. §. 19. ff. b. t.*

§. 12. 22. Quod si testator fidei heredis sui præsentis committat, ut vel hereditatem vel speciale fideicommissum restituat, & neque ex scriptura ne-

que

que ex v. testium numero (qui in fideicommissis legitimus esse noscitur. *l. ult. §. ult. C. de cod.*) possit res manifestari, & heres adimplere fidem recuset, negando rem ita esse subsecutam; Potest *fideicommissarius*, præstito prius iurejurando de Calumnia v. *l. 34. §. 4 ff. de iurejur.* heredi *fiduciario* iuramentum deferre, quod nihil tale à testatore audiverit; Quod heres vel præstare, vel fideicommissum solvere debet. *§. 12. l. h. t. l. ult. C. de fideic. l. 38. ff. de iurejur.* Adeo ut heres (cum solus veritatem sciat) iusjurandum referre nequeat. arg. *l. 34. pr. ff. de iurej.*

23. Cessat detractio *Quarta Trebellianicæ* i. Si heres coactus adeat *§. 7. in f. l. h. t.*

ii. Si testator prohibuerit. *Nov. t. c. 1. §. 2. Exceptio est in liberis. l. 6. C. ad SC. Treb.*

iii. In testamento militis *l. 7. C. ad L. Falcid.*

iv. Si heres neglexerit conficere inventarium. *l. ult. §. 12. 14. C. de jur. delib.*

TIT. XXIV.

DE SINGULIS REBUS PER FIDEIC. RELICTIS.

I. Quid sit *Fideicommissum singulare* supra dictum.

2. Cum autem *Fideicommissa singularia* Legatis ex æquata sint. *l. 2. C. comm. de Legat.* Ea quæ de legatis dicta sunt, & hic locum habere, ultro intelligitur.

TIT. XXV.

DE CODICILLIS.

I. Ante Augusti tempora *Codicillorum* jus non fuit in usu, sed propter utilitatem, ut scil. peregrinantes, qui propter penuriam Civium Romanorum testari non poterant. *pr. l. h. t. l. 8. §. 2. ff. eod.* (Jus enim testandi habere debebant. *l. 6 §. 3. ff. eod.*) *Codicillos* facere possent, paulatim recepti sunt. *pr. l. h. t.*

2. Sunt autem *Codicilli* testati vel intestati *ultima voluntas minus solennis*, non in hoc comparata, ut sit testamentum. *l. 1. l. 13. §. 1. ff. b. t.*

3. Quæ ultima verba non sunt superflua: si quis enim testamentum facere voluerit, neque perfecit, non valebit hoc jure *Codicilli. d. l. 1. l. 13. §. 1. ff. b. t.* Nisi *clausulam codicillarem* adjecerit, qua testatur, si non valet

leat tanquam testamentum, se nihilominus velle, ut valeat jure Codicillis, l. antepen. §. 1. ff. qui test. fac. poss. l. 41. §. 3. ff. de Vulg. & Pup. subst. l. ult. §. 1. C. b. t.

§. 1. 4. Suntque Codicilli 1. Scripti in quibus Voluntas scribitur, & Nuncupativi in quibus nuncupatur. l. 13. C. de SS. Eccles. l. ult. §. ult. C. b. t.

11. Alii testato, alii ab intestato facti. §. 1. l. h. t.

§. 5. Codicilli ab Intestato facti vicem testamenti exhibent, suisque viribus subsistunt: Et proinde, quicumque Intestati successor erit, etiam postea natus, codicillis relicta præstabit. l. 3. l. 8. pr. l. 16. ff. h. t.

6. Testamento vero existente, sive ante id, sive postea codicilli facti sint, vires ex Testamento accipiunt, & jus ejus sequuntur. §. 1. l. h. t. l. 3. §. ult. l. 16. ff. cod. l. 1. C. b. t.

§. 2. 7. Differunt autem Codicilli à Testamentis 1. Quod in Codicillis hereditas directo (per fideicommissum potest) neque dari neque adimi, & proinde nec exheredatio scribi, nec conditio adjici, nec heredi substitui possit, §. 2. l. h. l. 10. ff. cod. l. 2. C. cod. Ne jus Testamentorum & Codicillorum confundatur. d. §. 2. l. 7. C. b. t.

§. 3. 11. Quod Codicillos etiam plures, si modo sibi non sint contrarii, quis facere possit. §. 3. l. h. l. 6. §. 1. ff. l. 3. C. b.

111. Quod fere nullam solennitatem ordinationis desiderent §. 3. l. b. Quinque enim testes eorumque subscriptio, si scripti sunt Codicilli, unitasque actus hic sufficiunt. l. ult. §. ult. C. b. t.





LIB. III.

DE SUCCESSIONE AB INTESTATO SECUNDUM ORDINEM
NOV. 118

I. **H**ereditas deferretur vel ex Testamento, vel ab Intestato. §. ult. l. per quas pers. cuique acq.

2. Quæ ex testamento deferretur vocatur Testamentaria, quæ ab intestato Legitima, quia sola lege deferretur: Atque ita hæc species tanquam oppositæ ponuntur in l. 3. §. 2. ff. pro soc. l. 17. §. 1. ff. de acq. her. Licet alio sensu Testamentaria etiam possit dici Legitima, in quantum LL. XII. Tabb. confirmatur. l. 130. ff. de V.S.

3. Dictum adhuc quomodo deferretur ex Testamento, sequitur, ut videamus quomodo deferretur ab Intestato.

4. De quo non agimus, secundum ordinem priorum Tit. 13. L. 3. I. Quia in iis refertur tantum jus antiquum; Sed potius secundum ordinem d. Nov. 118. in qua jus habemus novissimum.

5. Intestatus proprie appellatur, qui cum posset testamentum facere, testatus non est: Sed & is qui testamentum fecit, si ejus hereditas adita non est, vel ruptum vel irritum est testamentum, intestatus non improprie dicitur decessisse. Plane qui testari non potuit, proprie non est intestatus, puta impubes, furiosus, vel cui bonis interdictum est; sed hos quoque pro intestatis accipere debemus l. 1. ff. de suis & legit. hered. pr. l. 6.

6. Fundamentum successionis ab intestato, ponendum est in præsumta voluntate defuncti; Qui cum de bonis disponere, & extraneis ea vel in totum vel pro parte donare potuisset, si id non fecerit, censetur eadem relinquere illis, qui ad ista, per leges, ab Intestato vocantur. l. 8. §. 1. ff. de jur. Codicill.

7. Succedentium autem ab Intestato in d. Nov. 118. Cap. 1. 2. 3. tres referuntur ordines, Descendentium, Ascendentium, & Collateralium.

8. Primus ordo Descendentium est, primoque loco liberi, cujuscunque gradus aut sexus sint, vocantur ad hereditatem parentum. d. Nov. 118. cap. 1.

Cap. 2

9. Ratio enim naturalis, tanquam lex quædam tacita, liberis parentum bona addicit, velut ad debitam possessionem eos vocando. l. 7. pr. ff. de bon. damn. l. 7. §. 1. ff. und. lib. Unde & filii vivo quoque patre quodammodo Domini dicuntur rerum paternarum, l. 11. ff. de lib. & post. Up

de etiam tanquam immotam regulam Apostolus ponit, *si filius ergo heres.*
Ep. ad Rom. 8. v. 17.

IO. An Pater moriatur, an Mater? nihil interest.

II. Jure antiquo quidem filius matri non succedebat; Cum Lex XII. Tab. sanguinis ratione duo tantum successione genera constitueret, *suarum scil. & agnatorum.* Sed deinde propter naturalem conjunctionem, liberi ad hereditatem matris etiam vocati sunt, per *Scrum Orfitianum. t. t. J. & C. de SC. Orfit.*

12. Nihil interest, liberi masculi sint an feminae? Filia cum filio æquo jure succedit. *l. 11. C. sam. encisc. d. N. c. 1. verb. cujuslibet naturæ.*

13. Aliud à Deo inter Hebræos dispositum fuit. *Num. 27. v. 8.* Ubi filia ad hereditatem patris demum vocatur, deficientibus filiis. Sufficere enim visum est, si filia dos honesta daretur.

14. Non refert proximior an remotior gradu sint, puta Nepotes, *d. c. 1. verb. cujuslibet gradus.*

15. Nec interest hincne ex filio, an filia nati. *d. c. 1. verb. sive ex Masculorum genere, sive Fæminarum descendens.*

16. Olim quidem Agnati Cognatos excludabant. *§. 15. I. de hered. quæ ab intest.* Sed discrimen illud agnatorum & cognatorum, agnatorumque privilegium Justinianus Imp. sustulit. *d. Nov. 118. pr. & c. 4. add. l. 4. C. de lib. præter.*

17. Nihil etiam interest, suive sint liberi an emancipati? *d. c. 1. verb. sive sue potestatis sive sub potestate sit.*

18. Emancipati jure Civili ante per suos excludabantur. *§. 9. I. de hered. quæ ab intest.* Jure tamen Pretorio admittebantur ad successionem, per bonorum possessionem. *d. §. 9. t. t. ff. & C. und. lib. quæ intra annum petenda erat l. 1. §. 12. ff. de success. Edict. §. 4. I. de bon. poss.* Nunc vero admittuntur etiam jure Civili.

19. Sed sui sunt ipso jure heredes. *l. 14. ff. de suis & legit. hereditatemque non agnitam transmittunt ad suos heredes.* Emancipati vero de minimi additione, ideoque hereditatem non agnitam, nisi ad descendentes, non transmittunt. *l. 3. C. de jur. delib. l. un. C. de his quæ ant. ap. tab. Quæ differentis per d. Nov. 118. non videtur sublata.*

20. Liberi autem usque adeo parentibus suis succedant, ut omnibus non tantum cognatis defuncti collateralibus, sed & ascendentibus præponantur, eosque plane excludant. *d. c. 1.*

21. Sed intelligendum hoc est, de illis rebus, quæ secundum alias leges patribus non acquiruntur. *d. c. 1.*

22. Unde si defunctus in potestate fuerit & filium reliquerit, peculium *Profectitium* defuncti ad patrem pertinebit pleno jure: Peculium *Adventitium* pertinet ad patrem quoad usufructum, in proprietatem defuncti filius succedit: In peculium *Castrense* & *Quasi castrense*, filius succedit pleno jure; Itemque in bona *Adventitia* quorum usus fructus patri acquisitus non est. Cui. ad d. Nov. 118.

23. Duo etiam casus occurrunt, quibus parentes supersites, cum liberis defuncti ad certam partem jure singulari admittuntur.

24. Sic 1. pater qui viva uxore filios emancipavit, admittitur mortua dein uxore, simul cum liberis defunctæ ad virilem portionem bonorum uxoris suæ & matris liberorum, sed usufructu tenus. l. 3. C. de bon. matern.

11. Conjux supersites inops admittitur, cum liberis, ad bona conjugis defuncti locupletis, pro quarta, aut virili quoad usufructum. Nov. 117. c. 5. Auth. *Præterea*. C. und. Vir. & Uxor.

25. Sunt autem liberi vel omnes *primi*, *secundi* vel *ulterioris* gradus. Vel partim *primi*, partim *secundi* *ulterioris*ve.

26. In gradu *primo* vel *unus* est, vel *plures*.

27. Si *unus* totam hereditatem nanciscitur.

28. Si *plures* dividunt hereditatem *in capita*, i. e. in tot partes, quot sunt personæ. Auth. in *successionem*. C. de fuis & leg.

29. Quod si ex liberis *primi* gradus *Nepotes* extant, isti excluduntur, adeo ut licet filius emancipatus sit, nepos vero in potestate retentus, filius tamen præcedat; neque locus amplius sit Tit. ff. de *Conjungendis cum emancipato liberis*.

30. In gradu *secundo* vel *ulteriori*, si omnes sunt ex eodem parente, dividunt similiter hereditatem *in capita*.

31. Si vero ex diversis sunt parentibus, tunc sive omnes æquali gradu sint, sive quidam remotiores cum proximioribus concurrant, dividunt hereditatem *in stirpes* i. e. tantum ex hereditate consequuntur, quantum parens (qui defuncto immediate potuisset succedere) fuisset accepturus, si vixisset. d. c. 1. §. 6. l. de hered. qua ab intest.

32. Si partim sint in gradu *primo*, partim *ulteriori*, tunc qui sunt gradu *primo* succedunt *in capita*, qui vero *ulteriori* similiter *in stirpes*.

33. In *capita* autem succeditur, quoties succedentes proprio jure, ex sua persona, veniunt. In *stirpes* vero cum veniunt *Jure Representatio-*nis, i. e. ex persona ejus, in cujus jus & locum successerunt.

34. Quod *Jus Representationis* recte describitur, *Jus* quo *intrans filii filiaque in locum patris & matris prae defunctorum*, personamque eorum ita *Repraesentant*, juris *fissione*, ut tantum ex hereditate capiant, quantum *parens si vixisset accepturus fuisset*.

35. Etque *Jus* hoc *representationis juri Divino*, nec non recte *rationi & aequitati* conveniens, §. 6. l. de her. que ab intest. l. 1. §. 4. ff. de suis & legit. hered.

36. Et locum habet in omnibus nepotibus & descendentibus, in infinitum. §. ult. l. de hered. que ab intest. d. Nov. 118. c. 1. l. 220. §. 3. ff. de V. S.

37. Vera hæc sunt, non tantum in liberis natis, sed & postumis; dummodo ante mortem defuncti concepti fuerint, quales pro natis habentur. l. pen. ff. de stat. hom. v. l. 1. §. 8. ff. und. cogn. l. 6. in fr. ff. de ini. rupt. irr. test.

38. Quod si post mortem defuncti concepti fuerint jure nostro excluduntur. v. l. 6. ff. de suis & legit. hered. l. 1. §. 9. ff. und. cogn. §. 8. l. de hered. que ab intest.

39. Liberis ex justo matrimonio quæsitis, æquiparantur *Adoptivi* (scil. quando constat adoptio l. pen. C. de adoptio §. 14. l. de hered. que ab intest.) & proinde patri adoptivo, etiam extraneo, ab intestato succedunt, l. 10. §. 1. C. de Adopt. d. §. 14. l. 5. C. de suis & legit. hered. ejusque ascendentes excludunt, l. 2. §. 6. ad SC. Tert.

40. *Legitimati* succedunt etiam, sed non eodem modo.

41. *Legitimati* enim per *Oblationem Curie* patri succedunt, non cognatis. l. 9. C. de nat. lib.

42. *Legitimati* vero per subsequens *Matrimonium*, & *Rescriptum Principis*, indistincte succedunt. §. 2. l. de hered. que ab intest.

43. Liberi *naturales* i. e. ex concubina nati, Patri si habet legitimos liberos justamve uxorem non succedunt, sed tantum alimenta accipiunt. Si vero nec liberi justi, nec uxor extat, tunc succedunt in duas uncias, cum matre concubina, in capita dividendas. Nov. 89. c. 12. §. 4. 6.

44. Quæ tamen successio ad liberos primi gradus restringitur, ad nepotes autem non extenditur, l. ult. C. de nat. lib.

45. Matri vero etiam *Illustri*, & omnibus per Maternam lineam ascendentibus, succedunt, l. 5. C. ad SC. Orfit. §. 3. l. cod. l. 2. 4. 8. ff. und. cogn.

46. *Spiriti* seu vulgo quæsitū patri, cum eum demonstrare nequeant l. 27.

l. 23. ff. de stat. hom. non succedunt, nec alimenta ex ejus hereditate consequuntur. Nov. 89. c. 12. §. 4. 5.

47. Matri vero succedunt, etiam cum liberis legitimis. §. 3. l. de SC. Orfit. l. 2. ff. und. cogn. l. 1. §. 2. ff. ad SC. Orfit. Nisi Mater Illustris sit, & alii extent liberi legitimi. l. pen. C. ad SC. Orfit.

48. Liberi ex complexibus nefariis, incestis & damnatis nati, parentibus non succedunt, adeo ut ne quidem alimenta ab iis exigere possint. Nov. 89. c. ult. Auth. ex complexu C. de incest. nupt.

49. Necessaria tamen ad vitam sustentandam suppeditari ipsis debent. C. cum haberet X. qui dux. ux. quam poll. arg. l. 4. ff. de agn. & al. lib. Nov. 12. c. 2.

50. Neque enim putandum hoc etiam jure nostro prohibitum esse. Necessaria enim ab Alimentis diversa sunt. v. l. 5. §. 10. & 12. ff. de agn. & al. lib. jung. Nov. 12. c. 2. & Nov. 89. c. 12. §. 6.

51. Quod si liberi diversorum Matrimoniorum fuerint, ex eodem scil. patre sed diversa matre, vel eadem matre diverso autem patre procreati, quoad eos hæc servanda est regula; Communi parenti succedunt communiter, proprio parenti soli. v. l. 4. ff. ad SC. Tert. l. 4. §. C. de sec. nupt.

52. Exceptio tamen notanda est in iis, quæ sponsalium vel nuptiarum jure, vel ex donationibus mortis causa, hereditatibus, legatis, vel fideicommissis præmortui conjugis, superstes lucratus est; In his enim omnibus, prioris conjugii liberi soli succedunt. l. 3. 4. 5. 8. C. de secund. nupt.

53. Liberi Spirituales i. e. ex sacro baptismatis fonte suscepti l. 26. C. de nupt. proprie liberi non sunt, & nullibi ad hereditatem parentum spiritualium vocantur.

54. Quod si defunctus descendentes non relinquat, vocatur ad hereditatem defuncti Ordo Ascendentium. Cap. 2.

55. Etsi enim parentibus non sic liberorum, ut liberis parentum debetur hereditas, propter votum parentum & naturalem erga liberos charitatem, ratio tamen miserationis parentes ad bona liberorum admittit, & turbato ordine mortalitatis, non minus parentibus quam liberis, pie relinqui debet. l. 15. pr. ff. de inoff. test. l. 7. §. 1. ff. si tab. test. null. ext. add. l. 6. pr. ff. de jur. dot. 1. ad Timoth. c. 5. v. 4.

56. Succedunt autem parentes liberis suis, sive pater sive mater sit, sive alii sint parentes Avus scil. vel Avia, in infinitum. d. Nov. 115. c. 2. verb. Si pater aut mater aut alii parentes supersint.

57. Jure antiquo mater ad liberorum hereditatem non admitteretur; sed mutatum hoc est deinceps, per SC. *Tertullianum*; ita tamen ut pater existens eam excluderet. *pr. §. 2. 3. l. de SC. Tertul.* Quoad aviam jus antiquum manebat. Justinianus autem per d. *Nov. 118. c. 2.* differentiationem illam sexus sustulit, ita ut nunc mater cum patre, avia cum avo, ceteræque in gradu ulteriori venientes feminæ cum masculis, æqualiter concurrant.

58. Si plures existant ascendentes eorumque alii sint in gradu primo, alii secundo vel ulteriori, tunc proximiores remotiores excludunt. *d. C. 2. vers. Si plurimi. Auth. defuncto. C. ad SC. Tertull.* neque *Juri Representationis* hic locus est.

59. Si vero ascendentes eundem gradum habeant, hereditas inter eos dividitur æqualiter. *d. c. 2.*

60. Nec interest fuerint ne liberi in potestate patris, an emancipati, abrogata *l. ult. C. ad SC. Tert.*

61. Succedunt autem *Ascendentes*, si in utraque linea eodem gradu adsint, & paterni & materni, non *in capita* sed *secundum linear*; ita ut ascendentes paterni auferant unum semissem materni alterum, licet dispari sint numero. *d. c. 2. verb. ut medietatem.*

62. Unde apparet, secundum rationem juris nostri, inter bona paterna & materna distinguendum non esse, ut scilicet bona paterna parentibus paternis, materna maternis deferantur. Cum enim hereditas jubetur dividi æqualiter, certum est dictam distinctionem exclusam esse.

63. Et quidem hæc adeo procedunt, ut *parentes omnibus ex latere cognatis præponantur: Exceptis solis fratribus ex utroque parente defuncto conjunctis. d. c. 2.*

64. Qui si extent, una cum parentibus, ad hereditatem fratris vel sororis æqualiter admittuntur. *d. c. 2.*

65. Abrogato jure antiquo, quo fratres excludabant parentes. *l. ult. C. comm. de success. l. 4. C. de bon. quæ lib.*

66. Concurrentibus autem fratribus sororibusque cum parentibus, dividenda est hereditas *in capita* pro numero personarum, ut tantum quisque fratrum sororumque percipiat quantum parentes singuli, siue unus existerit siue plures *d. c. 2. vers. si vero.* Secus ac eo casu cum parentes soli sunt.

67. Neque solum parentum nomine quibuscum concurrunt, patrem & matrem, sed & reliquos ascendentes *proximos* intelligimus *d. c. 2. add. l. 51. ff. de V. S.*

68. Ad-

68. Admittuntur autem cum ascendentibus fratres, non tantum quoad proprietatem, sed & usumfructum; Ut pater licet in aliis filii bonis adventitius usumfructum habeat *l. 6. C. de bon. qua. lib.* in eo tamen quod ex hereditate fratris filius consequitur, usumfructum minime acquirat, sed pleno jure hoc filio cedat. *d. c. 2. v. nullum usum.*

69. Quod si cum ascendentibus inveniantur fratres germani, aliorumque germanorum defunctorum liberi, isti per *d. Nov. 118. c. 3. v. Si autem*, nullo modo ad hereditatem defuncti admittuntur: Per *Nov. 127. c. 1.* autem simul cum prædictis personis, ad hereditatem patris sui, vocantur.

70. Et quidem ita, ut quantum ad parentes & fratres hereditas dividatur *in capita*, quantum ad hos liberos *in stirpes*, quia veniunt jure representationis *d. c. 1.*

71. Si vero cum parentibus nulli fratres vivi sed defunctorum fratrum filii soli concurrunt, à parentibus excludi videntur. Nulla enim lege vocantur, & jus representationis fratrum filiis non aliter competit, quam si concurrant cum propriis *Thiis. d. Nov. 118. c. 3. v. sed & ipsi.*

72. Similiter & quidem multo magis, si cum parentibus inveniantur fratrum utriusque *nepotes*, illi per parentes excluduntur.

73. Sed quid si dubium sit, an parens, an filius prior mortuus sit, si forte naufragio, vel quo alio modo simul perierint; Quid ratione successione statuendum? Hoc casu distinguendum est: An filius pubes fuerit an impubes? Si pubes patri supervixisse præsumitur, si impubes contra. *v. l. 9. §. ult. l. 22. l. 23. ff. de reb. dub.*

74. Quoad parentes *Adoptivos* notanda est differentia.

75. Sunt enim vel *Adoptantes*, vel *Arrogantes*: & Adoptantes vel *Extranei*, vel *Ascendentes*.

76. Si parens *Adoptivus Extraneus* est, quia hoc casu jura patris naturalis minime dissolvuntur, nec quicquam ad patrem adoptivum transit, filio non succedit. *§. 2. l. de adopt.*

77. Si vero ex numero *Ascendentium* est, quia tunc effectus patris potestatis tolluntur & in adoptantem transferuntur, adeo ut is filius naturali patri amplius non succedat, sed ad solum adoptantem respicere dicatur *l. pen. pr. C. de adopt.* ad hereditatem filii admittendus est.

78. Quoad patrem *Arrogantem* interest, num arrogatus filius decedat *impubes*? & tunc ejus cognati, ex cautione de bonis restituendis, præferuntur arrogatori. *§. 3. l. de adopt.*

79. An vero *pubes*? & quidem sine liberis: & tunc pater arrogator succedit. §. 2. l. de acq. per arrog.

80. Si tamen exient fratres & sorores utrimque conjuncti, hi cum patre arrogatore secundum ante dicta succedunt *in capita*.

81. Vera hæc sunt, si fuerit arrogatus in familia arrogantis, usque ad mortem; secus si fuerit emancipatus. d. §. 2. l. de acq. per arrog.

82. Parentes *naturales* eadem ratione, qua liberi vocantur ad hereditatem parentum, & ipsi veniunt ad liberorum. Nov. 89. c. 13.

83. Si igitur filius ex concubinato natus fuerit, & reliquerit legitimos descendentes vel justam uxorem, pater ab ejus hereditate excluditur, casu necessitatis tamen alendus est. Descendentibus vero vel uxore non extante, admittitur ad duas uncias.

84. Ratione matris autem, aliorumque in linea materna ascendentium, sic non distinguitur. v. l. 2. 4. ff. und. cogn.

85. Quod si liberi naturales fuerint legitimati, tum etiam pater ipsis æque ac aliis legitime natis succedit; Quia rediguntur in patriam potestatem: ita ut à legitimis in tantum non differant. arg. §. 2. de her. que ab intest. Nov. 72. c. 2.

86. Si liberi *Spurii* fuerint, pater utpote jure incertus. §. 4. l. de success. cogn. ipsis succedere nequit. l. 4. ff. und. cogn. Mater vero (non etiam illustis) alique ascendentes per maternam lineam ad eorum hereditatem admittuntur. d. l. 4. l. 2. eod. junct. l. 5. C. ad l. 6. t. 57. SC. Orfit. quia semper certa est. l. 5. ff. de in jus voc.

87. *Incestuosus*, adulterinis aliisque ex damnato legibus complexu natus, parentes nulli sive paterni sive materni succedere possunt, indigni scilicet parentum nomine. arg. Auth. ex complexu. C. de incest. nupt. Nov. 89. c. ult.

88. Bona itaque eorum si descendentes non reliquerint, fisco applicantur; ita tamen ut casu necessitatis pater ex iis alendus sit. Auth. Incestas. C. d. t.

89. Parentes *spirituales* liberis spiritualibus non succedunt, uti nec illi dictis parentibus, nulla enim hac de re invenitur legis dispositio.

Cap. 3.

90. Si vero defunctus neque descendentes neque ascendentes reliquerit, locus fit Ordini *collateralium*. d. Nov. 118. c. 3.

91. Et *primi* quidem ad hereditatem defuncti vocantur fratres & sorores, ex eodem patre & eadem matre nati. d. c. 3. pr.

92. Optima sane ratione: æquissimum enim videtur, ut parentibus deficientibus, bona defuncti concedantur eorum liberis; ita enim defunctis

dis

dis refertur gratia in personis liberorum, qui pars quasi sunt parentum, & quibus si viverent parentes maxime relinqui vellent.

93. Excludunt itaque fratres utrimque conjuncti defuncti patruos & amicos, avunculos & materteras; similiter uti & apud Israelitas cautum erat. *Num. 27. v. 9. 10.*

94. Nec non fratres & sorores consanguineos & uterinos. *d. c. 3. v. & ex diverso.*

95. Abrogato jure antiquo, quo post suos hereditas deferabatur agnatis, & promde etiam simul consanguineis. *§. 1. l. de leg. agn. success. l. 1. c. de leg. her.*

96. Si defunctus relinquat fratres sororesve germanos, & defunctorum germanorum filios, hi ad defuncti hereditatem cum patre & matre *Thiis*, masculis & feminis admittuntur, jure representationis; ita ut fratrum respectu divisio fiat in capita, liberorum vero in stirpes. *d. Nov. 118. c. 3. v. si autem.*

97. Quod jus representationis fratrum filiis olim non competebat, cum Lex XII. Tabb. jure agnationis tantum vocaret proximum. *§. 1. 5. l. de leg. agn. succ.*

98. Sunt autem *Thii* de patre & matre, patris & matris fratres sororesque, patruus & amita, avunculus & matertera. *§. 3. l. de grad. cogn. quos Græci *Σύγγ.* vocarunt*, quasi divinus & propter ætatem majorem & gradus superioritatem colendos.

99. Quod si fratrum utrimque conjunctorum filii soli inveniantur, neque cum *thiis* paternis vel maternis concurrant, hoc casu hereditatem defuncti non in stirpes dividunt, sed capita. *l. 2. §. 2. ff. de suis & leg. her. l. 14. §. 1. in f. C. de legit. her.*

100. Cessat enim hoc casu jus representationis, quod in hoc ordine fratrum filiis tantum concessum, cum concurrant cum propriis *thiis d. c. 3. v. Sed & ipsi*, & veniunt jure proximitatis, ex propria quæque persona.

101. Diverſa ratio est quando concurrunt cum patris: Iſti enim cum gradu præcedant, in totum eos excluderent, nisi privilegium representationis ipsis datum fuisset; Quod privilegium ne vergeret in patruorum injuriam, ita limitandum fuit, ne plus antecederent plures, quam parens eorum cujus personam induunt obtinere potuisset.

102. Quam sententiam à multis impugnata, expressa constitutione confirmavit Carolus V. Imp. A. C. 1519. v. *Forſter. de success. ab intest. l. 8. c. 3.*

103. Quæ de filiis fratrum dicimus, eadem de filiis sororum intelligenda sunt.

104. Olim quidem hi tanquam cognati, per istos tanquam agnatos, à patrui hereditate excluderentur, §. 3. *l. de legit. agn. succ.* Sed differentia illa agnatorum & cognatorum sublata est. d. *Nov. 118. c. 4.*

105. Si defunctus reliquerit fratris germani prædefuncti filios, & fratrem consanguineum vel uterinum, tunc filii isti excludunt thios, gradu licet proximiores; jure scilicet repræsentationis: Quo sicut pater eorum si viveret præponeretur fratribus ab uno latere conjunctis, ita & filii patrem repræsentantes eisdem præponuntur. d. *Nov. 118. c. 3. vers. Unde consequens.*

106. Si, fratribus omnibus defunctis, extent utrimque conjunctorum, & consanguineorum vel uterinorum filii, ad defuncti hereditatem jure proximitatis simul videatur admittendi.

107. Jure enim repræsentationis gaudent tantum fratrum germanorum filii, cum concurrunt cum suis thiiis. d. *c. 3. v. Sed & ipsi.*

108. Si defunctus reliquerit paternos avunculos, amitas & materteras, & fratrum vel sororum liberos, omnes pariter admittendi videntur: Sunt enim omnes æqualiter gradu tertio defuncto conjuncti; nec filiis fratrum hoc casu jus repræsentationis concessum invenitur.

109. Deficientibus fratribus germanis eorumque filiis, succedunt fratres consanguinei & uterini. d. *c. 3. v. His non existentibus.*

110. Et si ex iis præmortuus forte aliquis reliquerit filios, hi perinde ut in germanorum filiis dictum, jure repræsentationis cum thiiis admittendi sunt.

111. Adeo ut non extantibus fratrum germanorum filiis, nepotes eorum consanguinei & uterini etiam excludant. Jus repræsentationis enim tantum datum est fratrum filiis. d. *c. 3. v. sed & ipsi.* non vero nepotibus.

112. Si nec fratres ex uno latere conjuncti, nec horum filii extent, deinceps omnes à latere venientes, tam feminæ quam masculi, tam cognati quam agnati, tam ex uno quam ex utroque latere conjuncti, tam ascendentes quam descendentes, admittuntur, secundum gradus prærogativam, ut viciniore reliquis præponantur; & si ejusdem gradus sint, omnes concurrant, divisa hereditate in capita. d. *Nov. 118. c. 3. §. 1.*

113. Admittuntur autem etiam ultra gradum decimum in infinitum, dummodo sufficientibus argumentis cognationis seriem demonstrare possint. d. *§. 1. vers. omnes deinceps.*

114. Cum jure Prætorio antiquo cognati illi solum admitterentur, qui usque ad gradum sexuum cognationis sunt, & ex septimo sobrino sobrinaque noti nateve. §. 5. l. de success. cogn.

115. *Arrogatus* cum etiam post constitutionem Imp. nauscantur jura familiæ. l. pen. §. ult. C. de adopt. sibi invicem si plures sunt, in eo & naturalibus fratribus si extant, succedunt. Dummodo arrogatus intra pubertatem non decesserit. v. §. 3. l. de adopt.

116. *Adoptivi* tum deinceps sibi invicem succedunt, cum adoptati sunt ab aliquo ascendenti. l. pen. pr. & §. 1. C. de adopt.

117. Fratres *legitimi* per subsequens Matrimonium, fratribus aliisve agnatis succedunt. Idem est si legitimi sint per rescriptum Principis. Nov. 89. c. 3. pr. c. 9. §. 1. Non vero si per oblationem curiæ. d. Nov. 6. 4.

118. Fratres *naturales* ex diversis concubinis nati sibi non succedunt. arg. l. 5. ff. de in jus voc. l. 23. ff. de stat. hom.

119. Naturales vero ex eadem concubina, sive eodem sive diverso patre, nati, sibi invicem succedunt, jure cognationis. l. 2. l. 4. ff. und. cogn.

120. Idem de *spuriis* seu vulgo quæsitis dicendum videtur: Ut scilicet diversis matribus eodem patre genitis, mutuam succedendi jus denegetur: Diversis vero patribus, eadem matre natis, concedatur. d. l. 2. 4. ff. und. cogn.

121. *Incestuosi* aliive ex complexibus nefariis nati, nec fratres nec consobrini vocantur, quia liberorum nomine indigni censentur. Nov. 89. c. 15. ideo nec ipsi cognationis jure aliis, nec alii ipsis, succedere possunt.

122. Affinitatis jure successio non conceditur. l. 7. C. comm. de success. l. 3. l. 5. C. cod.

123. Nullis itaque extantibus neque agnatis neque cognatis, bona olim Fiscus occupabat, sed deinceps Prætor ex humanitate introduxit *quartum quasi succedendi ordinem nempe Conjugum*. t. 1. ff. & C. und. vir. & ux. Si modo legitimum fuerit matrimonium, & ad mortem conjunctum.

124. Unico tamen casu etiam conjuges sibi succedunt jure Civili: Si scilicet Matrimonium à parte mulieris fuerit indotatum, vel à parte viri sine donatione propter nuptias, & si defunctus fuerit locuples, superfluis vero laboret inopia: Tunc enim in honorem matrimonii cautum est, ut superfluis etiam si extant defuncti liberi vel cognati, simul cum illis ad partem hereditatis admittendus sit.

125. Et quidem si concurrat cum cognatis, accipiet quartam.

126. Si cum liberis disting. Num illi tres sint, an plures? Priori casu nanciscetur quartam, posteriori virilem: Ita tamen ut liberis extantibus, ejus usumfructum tantum, istis vero deficientibus, plenam sortiatur proprietatem. *Nov. 13. c. 6. Nov. 117. c. 5. Auth. praterea C. und. vir. & ux.*

127. Quod jus æque marito pauperi, quam uxori competit. d. *Nov. 53. c. 6. Nov. 127. c. ult.* Neque per d. *Nov. 117. c. 5.* sublatum est.

128. Sunt etiam collegia quædam, quibus hereditas defuncti conceditur v. t. *C. de hereditatibus Decurionum, Naviculariorum, Cohortantium, Militum, & Fabricensium.* & nonnulli alii qui fisco præferuntur. v. *l. un. C. si lib. Imp. soc. Auth. omnes peregrini. C. comm. de success. l. 20. C. de Ep. & Cler. Nov. 131. c. 13. in f. Nov. 123. c. 38.*

129. Tandem privato herede nullo existente, bona ut vacantia fisco applicantur, jure Regalium. *l. 1. l. 4. C. de bon. vac.*

130. Modo intra quadriennium, ex quo cæsum esse cæpit nullum successorem extare, à fisco agnoscautur. *l. 1. §. 2. ff. de jur. fisc. l. 10. ff. de div. & temp. præscr.*

131. Quod per *l. un. C. de caduc. toll.* ubi tantum modi quidam quibus fiunt caduca tolluntur, minime mutatum est.

132. Fiscus tamen creditoribus, nupote de damno vitando certantibus, satisfacit. *l. 11. ff. de jur. fisc.* sed ultra quantitatem bonorum non tepetur. arg. *l. 1. §. 1. ff. de jur. fisc.* Licet inventarium non confecerit.

133. Pactis jure nostro non defertur hereditas: Pacta enim de hereditate viventis, tanquam bonis moribus contraria, cum votum inducant captandæ mortis alienæ, & libertatem testandi restringant, improbata sunt. *l. 15. l. 19. l. ult. C. de pact. l. 5. C. de pact. conv. l. 4. C. de inut. stip.*

TIT. XIV.

DE OBLIGATIONIBUS.

1. **A** Num adhuc est de potissima Juris in re specie, scil. *Dominio*, ejusque acquirendi modis: Sequitur de Jure ad rem, live in personam, scil. *Obligatione*.

2. Recte enim *Obligationes* ad secundum Juris Objectum, quod de *Rebus* agit, referuntur, tit. *l. de reb. corp. & incorp. l. 49. ff. de V. S.*

3. Est autem *Obligatio vinculum, quo adstringimur ad aliquid dandum*

dum, faciendum, vel praestandum. pr. l. h. t. junct. §. 1. l. de Exc. l. 95. §. 4. ff. de solut.

4. Estque vel *mere Naturalis*, vel *mere Civilis*, vel *Mixta*.

5. Obligatio *mere Naturalis* est *vinculum aequitatis*, quo ita adstringimur ad aliquid dandum vel faciendum, ut nulla eo nomine sit actio jure civili. v. l. 95. §. 4. ff. de solut. l. 84. §. 1. ff. de R. J.

6. Eaque non male subdividitur, ut sit vel *efficax*, vel *inefficax*, seu, ut alii loquuntur, *plenior*, vel *minus plena*.

7. *Inefficax* est, quae in totum *Juris Civilis* auxilio destituitur: Talis est 1. Obligatio ad *arbitraria* & *gratitudinem*.

ii. Obligatio ex Testamento minus solenni, nec non ad integra legata praestanda; Ex quibus causis, solum per errorem facti, etiam repeti potest. l. 7. C. de cond. indeb. l. 9. C. ad L. Falcid.

iii. Obligatio pupilli pubertati proximi. l. 41. ff. de cond. indeb. l. 59. ff. de O. & A. nisi quod huic obligationi fidejussores & accessiones possint accedere. Et similes.

8. *Efficax* est Obligatio Naturalis, quae eodem fere effectus habet, quos Obligatio mixta: Sola Actione excepta, quam non producit.

9. Potest enim tale Naturale debitum, cum quovis alio ex conventionione descendenti, compensari. l. 6. ff. de compens. Potest constitui l. 1. §. pen. ff. de const. pec. Potest novari l. 1. in f. ff. de novat. Possunt ei fidejussores & pignora accedere §. 1. l. de fidei. l. 4. ff. de pign. Non potest denique Naturale debitum, per errorem solum, repeti. l. 10. ff. de O. & A. l. 19. ff. de cond. indeb. l. 3. §. 7. ff. quod quisque jur. l. 7. §. 17. ad L. Falcid. l. 3. C. de usur.

10. Obligatio *mere Civilis* est *vinculum meri Juris Civilis*, quo quis ita tenetur, ut summo jure in eum sit actio, quae tamen Jure Praetorio per exceptionem infirmari possit. v. l. 3. §. 1. ff. de const. pec. l. 112. ff. de R. J.

11. Talis obligatio est, si quis meru coactus, aut errore lapsus aliquid promiserit; Talis etiam est obligatio, si post constitutam obligationem debitor cum creditore pactus sit, ne à se petatur. §. 1. & seqq. l. de Except.

12. *Mixta* Obligatio seu Naturalis & Civilis simul, est *vinculum* & *Aequitatis*, & *Juris Civilis*, quo quis ita adstringitur, ut Actio *efficax* in eum detur. De eaque definitio quae est in pr. l. h. t. accipienda est.

pr. h. t.

13. Obligationes *Mixtae* sunt vel *Civiles*, vel *Praetoriae*: *Civiles* sunt quae aut Legibus constitutae, aut certo Jure Civili comprobatae sunt. *Praetoriae* quas Praetor ex sua Jurisdictione constituit. §. 1. l. h. t.

§. 1.

14. Oriuntur autem Obligationes *Mixtae*, aut ex Contractu, aut

§. 2.

R

Quasi

Quasi ex contractu, aut ex Maleficio aut Quasi ex Maleficio. §. 2. l. 5. 1. l. 1. ff. de O. & A.

15. Suntque hi quatuor ordinarii fontes Obligationum.

16. Sed aliquando Obligationes proprio jure oriuntur *ex variis causarum figuris* l. 1. ff. de O. & A. scil. ex Æquitate, ex Lege, Edicto, aut alio simili jure, v. l. 32. ff. de reb. cred. l. 3. §. 3. ad exhib. §. 29. l. de R. D.

17. Et primum quidem subicitur de *Contractibus*; Quos ut accuratius intelligamus, de *Pactis* quædam præmittenda sunt.

18. *Pactum seu Conventio est duorum pluriumve in idem placitum consensus.* l. 1. §. 2. ff. de pact. l. 3. ff. de pollic.

19. Estque nudum, vel non nudum: l. 7. §. 1. 2. & 4. ff. de pact. l. 10. C. eod. l. 15. ff. de præscr. verb.

20. *Pactum nudum* (quod sic dicitur quia solum pactum est, nihil amplius l. 23. C. de pign.) est, quod in nudis placiti & conventionis finibus subsistit; nec certum nomen habens, nec ullam obligandi causam præter conventionem, d. l. 7. §. 1. 2. 4. ff. de pact. l. 27. C. de locat.

21. Quod Naturalem producit obligationem & Exceptionem, non Actionem, l. 7. §. 4. l. 10. l. 21. l. 28. C. de pact.

22. Nisi i. *Pactum confirmatum* sit, vel Jure Civili, (Quod in specie *Legitimum* dicitur. l. 6. ff. de pact.) uti pactum donationis l. 35. §. 5. C. de don. §. 2. l. eod. item quo dos constituitur. l. 6. C. de jur. dot. Vel Jure Prætorio, uti constitutum & conventio de pignore, l. 1. & pass. ff. de pec. const. l. 1. ff. de pign. act.

23. Vel ii. *Contractibus* b. f. in continenti adjectum: Quod ipsam Actionem ex contractu descendente format. l. 7. §. 5. ff. de pact. l. 13. C. eod.

24. *Pactum non nudum* (quod & alii *Vestitum* vocant) uno nomine recte dicitur *Contractus*.

25. Est autem *Contractus conventio habens speciale nomen, vel eo deficiente civilem causam obligandi.* l. 7. §. 1. 2. ff. de pact.

26. Conventiones speciale nomen habentes, sunt *contractus nominati* l. 7. §. 1. ff. de pact. In quibus Nomen signum est certæ formæ & Actionis.

27. Nomen enim Obligationem & Actionem non producit, sed acceperunt hæ Conventiones propter frequentem usum talem viam ac naturam, ut ea, etiamsi nihil specialiter dictum sit, ex ipso nomine satis intelligatur.

28. Conventiones certo nomine carentes, causam tamen obligandi habent.

bentes, sunt *Contractus innominati* i. *Do ut des.* ii. *Do ut facias.* iii. *Facio ut des.* iv. *Facio ut facias.* l. 5. ff. de *præscr. verb.*

29. In quibus *causa* non finalem seu impellentem, quæ in omnibus pactis intercedit, significat, sed *dationem* vel *factum* i. e. implementum ab altera parte præstitum, ea lege, ut alter similiter det vel faciat. d. l. 7. §. 2. ff. de *pact.*

30. *Prima* itaque sit hæc contractuum divisio, quod alii sint *Nominati*, alii *Innominati*.

31. Inter quos non tantum quoad *Nomen & Actionem*, sed & quoad effectum seu obligationem multum interest.

32. Perfecto enim Contractu nominato, alteri invito altero à Contractu non licet recedere l. 5. C. de *O. & A.* In Contractibus innominatis *potentia* locus est. l. 5. ff. de *præscr. verb. t. t.* ff. de *cond. caus. dat. caus. non sec.*

33. *Altera est*, seu potius *Nominatorum* subdivisio, (*Innominati* enim omnes sunt veri contractus) Quod contractus sint vel *Veri* vel *Quasi tales*.

34. *Veri* sunt qui *expressa* conventionione incuntur; *Quasi tales*, qui *citra* conventionem obligationem pariunt.

35. *Veri* perficiuntur, aut *re*, aut *verbis*, aut *litteris*, aut *consensu*. §. ult. l. h. t.

36. Licet enim in omni Contractu consensus sit necessarius, quidam tamen præter consensum requirunt rei traditionem; Quidam Verba, quidam Litteras, quidam præter consensum nihil desiderant, sed solo consensu perficiuntur.

TIT. XV.

QUIBUS MODIS RE CONTRAHITUR OBLIG.

1. **R**e Contrahitur obligatio, cum datio aliquod aut factum ad consensum accedens obligationem inducit.

2. Contractus *Nom.* qui re perficiuntur sunt quatuor, *Mutuum*, *Commodatum*, *Depositum*, *Pignus*.

3. *Mutuum est contractus Realis*, quo res fungibiles, seu ponere numero & mensura constantes, ita dantur alicui ut ejus fiant, ea lege, Ut is quandoque reposcenti creditori tantundem ex eodem genere reddat.

4. *Mutuum est contractus Realis*; *Mutuum* proinde esse non potest,

R 2

nisi

nisi pecunia proficiatur i. e. nisi res fungibilis tradatur. l. 2. §. 3. ff. de reb. cred.

5. Adeo ut Obligatio, ultra quam datum est, contrahi nequeat. v. l. 11. §. 1. ff. eod.

6. Licet fictio brevis manus admissa sit. v. l. 9. §. ult. l. 11. l. 15. ff. de reb. cred.

pr. b. i.

7. Mutui datio autem in iis rebus consistit, quæ pondere, numero, mensurave constant; Velsuti vino, oleo, frumento, pecunia numerata, ære, argento, auro. pr. l. b.

8. Quæ res pondere, numero, & mensura, constare dicuntur, quia ex certo pondere numero & mensura æstimantur, & hoc modo sunt in commercio, ut iis in creditum ire possimus. l. 2. §. 1. ff. de reb. cred.

9. Neque enim omnes res, quæ appendi numerari possunt, pondere numero & mensura constare dicuntur; Alioqui nihil fere esset in quo mutuum non consisteret. Ut adeo aliud sit pondus mensuram numerum habere, aliud pondere numero mensura constare.

10. Dantur autem hæc res ita, ut accipientium fiant pr. l. b. l. 1. §. 2. ff. de O. & A. l. 2. ff. de reb. cred. & proinde dominium earum in accipientem transferatur.

11. Dantur ea conditione ut tantundem in eodem genere (non idem in specie) ejusdem bonitatis & qualitatis reddatur. d. pr. l. b. l. 2. ff. de reb. cred.

12. Quod & per se intelligitur, licet expresse dictum non sit, ut ejusdem qualitatis res reddatur. l. 3. ff. de reb. cred.

13. Pro nummis tamen aureis reddi possunt argentei, neque aliud pro alio reddi censetur, quia in nummis non tam corpus seu substantia inspicitur, quam valor & æstimatio. l. 1. ff. de cont. emt. Nisi creditor ex ea re damnum aliquod passurus sit l. 99. ff. de solut.

14. Unde etiam si moneta mutata sit, tempus contractus maxime spectandum esse manifestum est, arg. l. 3. ff. de reb. cred. sive bonitas monetæ intrinseca mutata sit, sive extrinseca.

15. Quod si autem idem genus restitui nequeat, solvenda est æstimatio. vid. l. 22. ff. de reb. cred.

16. Actio ex hoc contractu nascitur mutui, l. 5. C. quib. non obj. long. temp. præs. quæ vocari etiam potest certi Condictio. pr. l. b. i. in f.

17. Quæ tamen Certi condictio hic non est specialis, sed ejusdem naturæ, cujus generalis illa certi condictio quæ competit ex omnibus causis & obligationibus, ex quibus certum debetur. l. 9. l. 24. C. de reb. cred.

18. Habet quidem *indebiti solutio* similitudinem quandam cum *mutuo*, §. 1. productique actionem quæ vocatur *condictio indebiti* §. 1. l. b. 1. §. 6. l. de Oblig. quæ quas. ex cons. nasc. Verus tamen contractus non est, sed quasi talis. d. §. 6. Qui enim solvendi animo dat, magis voluit negotium distrahere, quam contrahere. d. §. 1. in f.

19. *Commodatum est Contractus Realis*, quo res sive mobilis sive immobilis, l. 1. §. 2. ff. commod. l. 17. pr. ff. de præscr. verb. alicui certo modo gratis (si enim merces intercedit est locatio conductio) utenda datur, ea conditione ut eadem in specie reddatur. §. 2.

20. Qui contractus à *Mutuo* longe distat, 1. *Mutuum* enim consistit in rebus fungibilibus quæ usu consumuntur, *Commodatum* non item l. 3. §. ult. l. 4. ff. commod.

ii. In *Mutuo* transfertur dominium, in *Commodato* non transfertur.

iii. In *Mutuo* restituitur idem in genere, in *Commodato* eadem species,

iv. Quod *Mutuo* datur si pereat perit damno mutuataris, Res enim perit suo domino l. 9. C. de pign. act. & genus invenire nequit l. 11. C. si cert. per. Sed si res *commodata* perierit, videndum an dolo, an casu, an culpa perierit? Uti deinceps dicetur.

21. Oritur ex hoc contractus *Actio commodati*, quæ duplex est *Directa*, & *Contraria*.

22. *Actio commodati Directa* est, quæ commodanti datur contra commodatarium, ad rem finito usu restituendam.

23. *Actio commodati Contraria* quæ commodatario datur contra commodantem, ad hoc ut servetur indemnitas. v. l. 18. §. 2. l. pen. ff. b. 1.

24. Debet autem Commodatarius exactissimam diligentiam custodiendæ rei præstare; Non enim sufficit tantam diligentiam adhibuisse, quantum suis rebus adhibere solitus est, si modo alius diligentior poterat eam rem custodire. §. 2. l. b. 1. Sed de casu fortuito non tenetur, d. §. 2.

25. Cum autem *Doli*, *Culpe*, *Casusque* fortuiti, eorumque præstationis in jure nostro plurimisque contractibus sæpius fiat mentio, de iis hic quædam subiicienda sunt.

26. *Dolus* maior est omnis calliditas, fallacia, machinatio, ad decipiendum fallendum, circumveniendum alterum adhibita. l. 1. §. 2. ff. de dol. mal.

27. *Dolus* præstatur in omni contractu l. 5. §. 2. ff. commod. l. 23. ff. de R. J. i. e. damnnum dolo datum in omni contractu rescindendum est.

28. Adeo ut ne quidem conveniri possit, ne dolus præstetur l. 23. ff. de R. J. h. r. §. 7. ff. de pos. l. 27. §. 3. 4. ff. de pact. Est enim talis con-

conventio bonis moribus contraria, invitatque contrahentes ad delinquendum.

29. *Casus fortuitus* est omne id quod humano capto prævideri non potest, aut cui prævisio non potest resisti. l. 18. ff. commod. l. 15. §. 2. ff. locat. l. 6. C. de pign. act. l. 1. §. 4. ff. de O. & A. l. 2. §. 7. ff. de adm. rer. ad Civ.

30. *Casus fortuitus* præstat in nullo contractu d. l. 23. de R. J. l. 6. C. de pign. act.

31. Nisi mora præcesserit, aut debitor rei periculum seu casum in se suscepit. d. l. 23. ff. de R. J.

32. Mora enim perpetuat obligationem, ut si res post moram perierit debitor perpetuo teneatur, ac si res adhuc extaret. l. 23. ff. de V. O. l. 82. §. 1. l. 91. §. 3. eod. Pactumque adjectum dat legem contractui. l. 1. §. 35. ff. de pos. l. 23. ff. de R. J. l. 1. C. de pos.

33. *Culpa* est omne factum inconsultum quo alteri nocetur injuria. arg. l. 31. ff. ad L. Aquil. l. 91. pr. ff. de V. O. add. l. 1. §. 5. ff. de O. & A. l. 72. ff. pro soc. l. 213. §. ult. ff. de V. S.

34. Estque triplex, *Lata* v. l. 213. §. 1. ff. de V. S. l. 22. §. 3. ad SC. Treb. l. 20. C. de Neg. gest. *Levis* d. l. 22. §. 3. ff. ad SC. Treb. l. 20. C. de Neg. gest. & *Levis* v. l. 44. ff. ad L. Aquil. Quemadmodum enim Diligentia, sic & negligentia est Magna, major, maxima.

35. *Culpa lata* est omisio ejus diligentie quam omnes homines rebus suis adhibere solent, seu non facere id quod etiam negligentissimus faceret. l. 213. §. 1. ff. de V. S. l. 32. ff. de pos. l. pen. §. 2. ff. de Jur. & fact. ign.

36. *Levis culpa* est omisio ejus diligentie, quam hominum natura desiderat, & quam vulgo homines frugi suis rebus adhibere soliti sunt. arg. l. 32. ff. de pos. l. 1. §. 4. ff. de O. & A. l. 25. §. 16. ff. fam. creisc. l. 1. ff. de tut. & rat. dist.

37. *Levis* est omisio ejus diligentie, quam vigilantissimus quisque paterfam. suis rebus adhibet. l. 18. ff. commod. l. 1. §. 4. ff. de O. & A. l. 3. ff. de peric. & comm. rei vend. §. 1. l. de Obl. qua quas. ex cont.

38. *Lata culpa*, æque ac dolus, præstat in omni contractu.

39. Licet enim dolus proprie non sit. l. 22. §. 3. ad SC. Treb. l. 7. ff. ad l. Corn. de fcar. l. 20. C. de neg. gest. l. 7. C. arbit. tucl. prope fraudem tamen ad dolum accedit. l. 29. ff. mand. l. 7. §. 1. ff. de susp. tut. & hinc in civilibus pro dolo habetur. l. 32. ff. de pos. l. 226. ff. de V. S. l. 5. §. 15. ut in possess. legat. l. 1. §. 5. ff. de O. & A. etiam in famosis. l. 11. §. ult. ff. de his qui not. infam. in f. l. 7. §. 1. de susp. tut. l. 1. §. 2. si is qui test. lib.

40. Non vero in criminalibus. l. 7. ff. ad L. Corn. de sic. nisi forte res sit mali exempli. l. 3. §. 2. d. t. l. 38. §. 5. ff. de pan.

41. In quibusdam autem contractibus tantum dolus & lata culpa, in quibusdam etiam levis, in quibusdam insuper & levissima præstatur: Sequentes proinde Regulæ notandæ sunt.

42. i. In quibus contractibus utilitas solius dantis est, nulla accipientis ut in deposito, præstatur tantum dolus & lata culpa.

ii. In quibus utilitas est utriusque, uti in emtione venditione, locatione conductione &c. præstatur & culpa levis.

iii. In quibus utriusque utilitas solius accipientis, uti plerumque in commodato, præstatur culpa etiam levissima. v. l. 5. §. 2. ff. Commod. l. 10. §. 1. l. 18. ff. eod. l. 31. circ. kn. ff. locat. l. 23. ff. d. R. J.

43. Nisi aliud convenerit. d. l. 23. de R. J. Vel speciali ratione quædam causæ exceptæ sint.

44. Sic enim qui precario rogavit, & agrimenfor dolum tantum ac latam culpam præstant. l. 8. §. 3. ff. de precar. l. 1. §. 1. ff. si mens. fals. mod. tutor & curator etiam culpam levem l. 1. ff. de tut. & rat. dist. l. 7. C. arb. tut. Depositarius qui se deposito obtulit, negotiorum gestor & mandatararius culpam etiam levissimam l. 1. §. 35. ff. depos. l. 11. ff. de neg. gest. §. 1. l. de Obl. que quas. ex cont. l. 23. ff. de R. J. l. 13. l. 21. C. mand.

45. Depositum est Contractus Realis, quo quis alicui rem mobilem §. 3. gratis custodiendam tradit. l. 1. ff. depos. §. 3. l. b. r.

46. Est autem Depositum duplex, Depositum in specie sic dictum & Sequestratio quæ est Depositum rei litigiosæ. l. 5. §. 1. & seq. l. 17. ff. depos.

47. Depositum in specie sic dictum est vel Simplex; vel Miserabile, quod incendii, tumultus, ruinæ, naufragii causa deponitur. l. 1. §. 1. ff. b. r.

48. Sequestratio etiam duplex est; Voluntaria, cum partes mutuo consensu rem litigiosam apud alium deponunt: & Necessaria, quæ sit ad mandatum iudicis; & ordinario est prohibita. l. un. C. de probib. seq. pec.

49. Ex Deposito in specie sic dicto Actio oritur Depositæ, eaque Directa & Contraria.

50. Actio Depositæ Directa datur deponenti, contra depositarium, ad rem depositam cum fructibus restituendam.

51. Actio Depositæ Contraria depositario datur, adversus deponentem, ut servetur indemnis.

52. Ex Sequestratione oritur Actio Sequestraria, l. 12. §. 2. ff. b. r. Eæque similiter directa, & contraria.

53. Depositarius autem ex eo solo tenetur, si quid dolo commiserit, culpa autem nomine, i. e. desidia ac negligentie non tenetur. §. 3. l. h. t.

54. Est enim contractus, qui solam utilitatem dantis continet. l. 5. §. 2. ff. commod.

55. Nisi tamen aliud convenerit, l. 1. §. 6. vel depositarius deposito se obtulerit. l. 1. §. 35. ff. depos.

§. 4. 56. Pignus hic est Contractus Realis, quo res à debitore traditur creditori, in securitatem crediti. §. 4. l. h. t.

57. Oriturque ex hoc contractu Actio Pignoratitia, eaque Directa & Contraria.

58. Directa datur debitori, contra creditorem, soluto debito. l. 9. §. 3. ff. de pign. act. ut rem pignoratam non deteriore[m] restituat. d. §. 4. l. 40. §. ult. ff. de pign. act. l. 1. §. 2. seqq. C. cod.

59. Contraria datur creditori contra debitorem, ut servetur indemnitas. v. l. 8. l. 3. l. 9. ff. eod.

60. Est autem Pignoratitia hæc actio toto cælo diversa ab Hypothecaria.

61. i. Pignoratitia (directa scil.) enim datur debitori contra creditorem, Hypothecaria creditori contra omnem possessorem. §. 7. l. de act. l. 17. ff. de pign.

ii. Pignoratitia in personam est, Hypothecaria in rem.

iii. Pignoratitia ex contractu, Civilis est; Hypothecaria quæ ex jure pignoris oritur. l. 17. ff. de pign. Prætoria. §. 7. l. de act.

iv. Pignoratitia datur debito soluto. l. 9. §. 3. ff. de pign. act. Hypothecaria adhuc durante.

62. Licet distinctio hæc non semper servata sit, & Actio Hypothecaria aliquando abusive vocetur Pignoratitia. l. 3. §. 3. ff. ad exhib. l. 13. ff. de cond. ind. l. 41. ff. de pign. act.

63. Præstatur hic dolus, culpa lata & levis: Non levissima. Pignus enim utriusque gratia datur, & debitoris quo magis pecunia ei credatur, & Creditoris, quo magis ei in tuto sit creditum. §. 4. l. h. l. 5. §. 2. ff. commod. l. 23. ff. de R. J. Non obstat. l. 13. §. 1. ff. de pign. act.

TIT. XVI.

DE VERBORUM OBLIGATIONIBUS.

pr. h. t. I. Verborum Obligatio, seu Stipulatio (quæ olim differebant Vid. Gai. l. h. 3. T. 2. §. 2. seq.) est contractus Verbis consens, quibus is qui in-

interrogatur, daturum facturumve se, quod interrogatur, respondet. l. 5. §. 1. ff. b. t. pr. l. b. t. l. 1. 6. 7. ff. de O. & A.

2. Adinventum maxime est *Stipulatio* aliarum obligationum firmandarum causa; Unde & nomen accepit. *pr. in f. l. b. t. Paul. 5. sent. 7. §. 1. vid. l. 45. ff. de pact. l. 3. C. de rev. perm. l. 4. §. ult. ff. de usur. l. 99. ff. de V. O.*

3. Unde & ea, quæ omnium obligationum sunt communia, hic fere pertractantur.

4. In stipulatione olim solennia verba erant necessaria. *§. 1. l. b. t.* Sed ea Leoniana Constitutione sublata sunt. *d. §. 1. in f. l. 10. C. de cont. stip. Adeo, ut nihil jam interlit, qua lingua quibusve verbis fiat Stipulatio, dummodo congrue ad interrogata respondeatur. d. §. 1. d. l. 10.* §. 1.

5. Plane ipsa *Pacti & Stipulationis* differentia sublata non est, & proinde ad Stipulationem etiamnum requiritur, ut fiat utroque præsentem & loquentem, verbaque ex utraque parte interveniant, sine notabili intervallo. *l. 1. pr. §. 1. 2. ff. b. t.*

6. Dux ex hoc contractu oriuntur actiones *tam condictio certi si certa sit stipulatio, quam ex stipulatu, si sit incerta. pr. l. b. t.* Licet & rem certam petentes in genere *ex stipulatu* agere dici possint. *l. 83. §. 6. ff. de V. O.* pr.

7. Ex quibus prima stipulationum divisio manifesta est: *Stipulatio enim alia Certa est, alia Incerta.*

8. *Certa est stipulatio, cum constat, quid, quale, quantum sit in obligatione. l. 74. ff. de V. O.* Quin & ea certa est, qua quis V. C. triticum stipulatur, quod in illo horreo est. *l. 75. §. 5. ff. b. t.*

9. *Incerta est, cum non constat quid, quale, quantum, sit in obligatione?* Veluti si quis certam quantitatem vini, frumenti, sine expressione qualitatis, facturum stipulatus sit. v. *l. 75. ff. de V. O. §. ult. l. b. t.*

10. Sic enim *incertam* obligationem hic accipere oportet; non etiam ita ut ad minimum redigi possit. v. *l. 69. §. 4. ff. de jur. dot. l. 94. & seq. l. 115. ff. b. t.*

11. *Secunda* stipulationum divisio est, quod sint vel *Puræ*, vel *In diem conceptæ*, vel *Conditionales*. *§. 2. l. b. t.* §. 2.

12. *Stipulatio pura est, cui nec dies nec conditio, neque expresse neque tacite. v. l. 73. ff. b. t. inest.*

13. Si *Pura* sit stipulatio, id quod promissum est, confestim peti potest. *§. 2. l. b. t. l. 41. §. 1. ff. b. t. l. 14. ff. de R. J.*

14. *Puræ* enim obligationis hic effectus est, ut dies statim & cedat & veniat, i. e. obligatio statim oriatur & Actio. *l. 213. ff. de V. S.*

15. Ex humanitate tamen dilatio quædam indulgenda est, neque creditor statim cum sacco adesse debet, *l. 105. ff. de solut.* Utique tantum temporis concedendum est, intra quod traditio fieri possit. *§. ult. l. de inut. stip.*

16. Dies (certus scilicet incertus enim, si modo incertum sit An sit extiturus? conditionem facit. *l. 71. ff. de cond. et dem. l. 21. et seqq. ff. quando dies leg. ced.*) stipulationi adjicitur dupliciter: Nam vel ex die incipit obligatio, vel confertur ad diem. *l. 44. §. 1. ff. de O. et A.*

17. Ex die incipit obligatio, cum dies adjicitur quo pecunia solvatur. *§. 2. l. b. t. d. l. 44. §. 1.* seu cum dies adjicitur, uti terminus a quo.

18. Quo casu dies statim quidem cedit, sed non venit. *l. 213. ff. de V. S. i. e.* pecunia statim quidem debetur, sed sine effectu. *l. 41. §. 1. ff. b. t.* Peti enim prius quam dies venerit non potest: Imo ne quidem eo ipso die in quem stipulatio facta est, peti potest; quia totus in dies arbitrio solventis tribui debet. *§. 2. l. b. t. l. 38. §. 16. l. 46. ff. b. t.*

19. Quia autem ante diem obligatio oritur, hinc solutum, licet per errorem, repeti nequit. *l. 10. ff. de cond. indeb.*

20. Plane cum dies in favorem Rei plerumque adjiciatur. *l. 17. ff. de R. J.* liberum ei est, ante diem, invito etiam creditore, solvere. *l. 50. ff. de O. et A. l. 70. ff. de solut. l. 38. §. 16. ff. b. t.* Sed si Creditoris gratia adjectus sit, secus est. *l. 15. ff. de ann. legat.*

§. 5. 21. Adjicitur autem hic dies vel expresse, vel tacite; Tacite dies inest vel ob qualitatem rei promissæ, veluti si quis stipulatus sit domum edificari; *l. 14. ff. b. t.* vel ob adjectionem loci: Tantum enim temporis concedendum est, ut aliquid fieri, vel eo loco præstari possit. *§. 5. l. b. t. l. 2. §. 6. ff. de eo quod cert. loc. l. 41. §. 1. l. 73. ff. b. t.*

22. Ex ideo si quis Romæ ita stipuletur, *Hodie Carthagini dare spondes*, inutilis erit stipulatio, cum impossibilis sit reponitio. *d. §. 5. l. 31. ff. de O. et A.* Nisi uterque dispensatorem suum, quem forte ibi habet, ante de futura stipulatione certiores fecerit. vid. *l. ult. §. 4. ff. b. t.*

23. Ad diem confertur obligatio cum dies adjicitur, ut intelligatur quam diu solvendum sit; seu cum dies adjicitur uti terminus ad quem: Quo casu promissum statim peti potest, sed finito die opponitur exceptio. *l. 44. §. 1. ff. de O. et A.*

§. 3. 24. Hinc si quis decem annuos quosdam vivam promittat, obligatio quidem ipso jure perpetua est, sed heres petendo pacti exceptione submovebitur. *§. 3. l. b. t. l. 56. §. 4. ff. cod. l. 44. §. 1. ff. de O. et A.*

25. *Stipulatio Conditionalis est, cum in aliquem casum differtur obligatio.* §. 4. ff. h. t. §. 4.

26. *Adjectiones, quæ non differunt, quales sunt in §. 6. l. h. t. Vel quæ certo extirpantur sunt, ut si cras sol orietur, pro conditionibus non habentur.* l. 9. §. 1. ff. de nov. d. §. 6. l. h. t. §. 6.

27. *In Stipulatione Conditionalis dies neque cedit neque venit l. 213. ff. de V. O. i. e. ante conditionem existentem neque obligatio oritur neque actio.*

28. *Ex conditionalis enim stipulatione tantum spes est debitum iri: Quam tamen spem in heredem transmittimus, si prius quam conditio extet, mors nobis contigerit.* d. §. 4. l. h. t. l. 57. ff. cod. licet in legatis secus sit. l. 4. l. 5. §. 2. ff. quand. dies leg. ced.

29. *Qualis sit conditio live casualis, live potestativa l. 99. §. 1. l. 115. §. 1. Et 2. ff. h. t. live mixta l. 108. ff. cod. nihil interest; Durummodo non expresse in arbitrium promittentis (si tacite fiat, non nocet l. 52. ff. de cond. Et dem.) conferatur, talis enim stipulationem reddit inutilem.* l. 17. l. 46. §. ult. ff. h. t. l. 8. ff. de O. Et A.

30. *Quod si conditio negativa adjecta fuerit, veluti si in Capitolium non ascendero dare spondes? perinde est ac si quis dari sibi stipulatus esset, cum moreretur.* d. §. 4. l. h. t. l. 115. §. 1. ff. h. t. Secus ac in Legatis, quæ sub tali conditione relicta, statim peti possunt, præstita cautione Mutiana. l. 7. l. 79. §. 2. ff. de cond. Et dem.

31. *Non solum autem Res in stipulatum deduci possunt, sed etiam Facta §. ult. l. h. t. l. 2. pr. ff. cod. Ex quo Tertia stipulationum divisio manifesta est, Quod scilicet alix in dando i. e. dominium transferendo, Aliz in faciendo vel non faciendo consistant.* §. 7.

32. *Verum in stipulationibus quæ factum continent, optimum erit penam subicere, ne quantitas stipulationis in incerto sit.* d. §. ult. l. h. t.

33. *Cum enim stipulatio facti Reum, re ipsa, tantum ad id quod Actoris interest, obliget, l. 68. ff. h. t. l. 72. ff. cod. Id autem quod Interest, quantum mihi abest, quantumque lucrari potui, contineat.* l. 14. ff. rem rat. hab. valde incertum esse talem obligationem, nisi pœna subijciatur, facile intelligitur.

TIT. XVII.

DE DUOBUS REIS STIPULANDI ET PROMITTENDI.

pr. b. t. 1. **N**on tantum autem unus semper *Reus Stipulandi* est, unus *Promittendi*, sed & duo pluresve *Rei Stipulandi* & *Promittendi* (qui & in aliis contractibus, imo & Testamento aliquando constituuntur. *l. 9. pr. ff. h. t. l. 8. §. 1. ff. de legat. 1.*) fieri possunt. *pr. l. b. t.*

2. *Rei* hic dicuntur à *Re i. e.* lite, Litigatores scil. tam Actores quam *Rei* in specie sic dicti. *l. 5. pr. ff. d. V. O. Vid. Fess. in voc. Reus. Cic. L. 2. de Orat.*

3. Sunt vero duo pluresve *Rei Stipulandi*, qui eandem rem, ab eodem, in solidum stipulati sunt, ea mente, ut quamvis solida singulis, una tamen debeat omnibus. *d. pr. & §. 1. l. b. t.*

4. Duo pluresve *Rei Promittendi* sunt, quorum singuli eandem rem, eidem stipulanti in solidum promiserunt, ea mente, ut quamvis solidum singuli debeant, una tamen debeat ab omnibus. *l. 2. l. 3. §. 1. ff. b. t. pr. & §. 1. l. b. t.*

§. 1. 5. Ex huiusmodi obligationibus & stipulationibus solidum singulis debetur, & promittentes singuli in solidum tenentur. In utraque tamen obligatione una res tantum vertitur. *§. 1. l. b. t. l. 2. l. 3. §. 1. ff. eod.*

6. Hinc *Rei Stipulandi* singuli solidum exigere possunt, & si uni solum sit, reliqui amplius exigere non possunt. *d. l. 2. l. 3. §. 1. l. 31. §. 1. ff. de novat.* Adeo ut nec ille cui solum est, cogatur correis stipulandi partem communicare; Nisi sint socii, vel aliud convenerit.

7. Imo unus è *correis stipulandi*, etiam acceptum ferendo, novando, iusjurandum deferendo, promissorem liberare potest. *l. 2. l. 16. ff. b. t. l. 31. §. 1. ff. de novat. l. 11. §. 21. ff. de legat. 3. l. 27. & 28. ff. de iurej.* Non vero paciscendo. *l. 27. in f. pr. ff. de pactis.* quia pacto non tollitur obligatio.

8. Hinc & *Rei Promittendi* in solidum singuli conveniri possunt. *d. l. 3. §. 1. ff. b. t.* Adeo ut nec post *Nov. 99.* beneficio divisionis gaudere videantur, nec si unus solverit, à reliquis partem repetere possit. Nisi sint socii, (ita accip, *l. 2. C. b. t.*) aut aliud actum sit.

9. Quin & unus solvendo *l. 3. ff. b. t.* acceptum rogando. *d. l. 2. ff. b. t. l. 16. ff. de accept. novando*, seu alium debitorem dando. *l. 20. ff. ad Sc. Vellej.* nec non jurando *l. 28. ff. de iurej.* (non item paciscendo) obligationem perimit.

10. *Ex duobus autem Reis Promittendi, alius pure, alius in diem, vel sub conditione obligari potest; nec impedimento erit dies aut conditio quo minus ab eo qui pure obligatus est petatur.* §. 2. l. b. t. l. 7. l. 9. §. 1. §. ult. ff. cod.

TIT. XVIII.

DE STIPULATIONE SERVORUM.

1. **N**eque tantum homines liberi sed & servi, qui ceteroquin jure Civili pro nullis habentur. l. 32. l. antepen. de R. J. ex persona Dominorum stipulari possunt. pr. l. b. add. l. 31. ff. de hered. inst. pr. b. t.

2. Licet sint in hereditate jacente: d. pr. b. t. Hereditas enim jacens quamdiu adita non est, personam defuncti sustinet. l. 34. l. 61. ff. de A. R. D. §. 2. l. de her. inst.

3. Quodcumque autem servus stipulatur domino acquirit §. 1. l. b. l. r. l. 15. ff. b. t. nisi tacitum stipulatus sit §. 2. l. b. t. Ea enim quæ facti sunt, ad Dominum non transeunt. l. 44. ff. de cond. & dem. l. 38. §. 6. ff. de V. O. §. 1. 2.

4. Si servus communis sit, unicuique dominorum, pro portione domini acquirit, nisi jussu unius, aut nominatim alicui eorum stipulatus est. §. 3. l. b. t. l. 5. l. 7. ff. cod. §. 3.

5. Quod si autem contento jussu unius, alteri stipulatus sit, videndum, An Dominus jusserit nominatim ut sibi stipularetur? Quo casu jubenti acquiritur; An in genere, ut stipularetur? Quo casu acquiritur ei, cui stipulatus est, l. ult. C. per quas pers. obl. acq.

TIT. XIX.

DE DIVISIONE STIPULATIONUM.

1. **Q**uarto dividuntur stipulationes in Voluntarias seu Conventionales, & Necessarias; quæ sunt vel Judiciales vel Prætorie vel Communes i. e. tam Judiciales quam Prætorie pr. l. b. l. 5. ff. de V. O. pr. b. t.

2. Judiciales sunt, quæ à mero Judicis scil. Pedanei officio proficiuntur. §. 1. l. b. t. seu jure novo, (sublato more dandorum Judicum Pedaneorum l. 2. C. de pedan. jud.) quæ post litem contestatam interponuntur: Veluti de dolo cautio in actione in rem, vel quod metus causa ne scil. res deterior fiat: De persequendo servo qui in fuga est: Restituendove pro- §. 1.

sio si res forte pereat. §. 1. l. b. t. l. 20. l. 45. ff. de R. V. l. 9. §. 5. & 3. ff. quod m. c. l. 69. §. ult. ff. de legat. 1.

§. 2. 3. Prætoria sunt, quæ à mero Prætoris officio profisciscuntur. §. 2. l. b. t. l. 5. ff. de V. O. seu jure novo, quæ ante litem contestatam præstari jubentur. Veluti damni infecti, quæ dominus ædium ruinofarum vicino cavet de damno futuro, nondum factio. l. 7. ff. de damn. inf. l. 2. ff. cod. Legatorum, quæ heres cavet de legatis præstandis t. c. ut leg. nom. cav. Fructuaria, l. 7. ff. usufr. quemadm. cav. Judicatum solvi, Rem ratam haberi. l. 1. §. 1. 2. ff. de stip. prat. §. 4. 5. l. de satisd.

4. Sub Prætoris continentur & Ædilitiæ, quibus Venditor cavet de morbis & vitis rerum venalium. §. 2. l. b. t. l. 1. & pass. ff. de Ædil. Edict. l. 31. & seq. ff. de Evict.

5. Communes sunt, quas & Prætor & Judex præstari jubet. §. 4. l. b. t. seu quæ & ante & post litem contestatam interponi possunt. Veluti, rem salvam fore pupillo d. §. 4. §. pen. l. de satisd. tut. arg. l. 3. C. de tut. qui satis non ded. l. 1. C. de ord. jud. Vel de rato stipulatio. d. §. 4. l. 1. §. 2. ff. de stip. Prat. l. 1. C. de ord. Jud.

§. 3. 6. Voluntariæ seu Conventionales sunt, quæ fiunt ex sola conventionione partium; quarum totidem pene sunt genera, quos rerum contrahendarum. §. 3. l. b. t. l. 5. ff. de V. O.

TIT. XX.

DE INUTILIBUS STIPULATIONIBUS.

1. Quinto stipulationes dividuntur in Utiles & Inutiles.

2. Est autem Inutilis stipulatio vel propter Exceptionem v. l. 36. ff. de V. O. l. 2. §. 3. ff. de dol. mal. exc. Vel Ipso jure; & quidem ferè tripliciter 1. Ratione Rei in stipulationem deductæ 11. Ratione personarum 111. Ratione Modi & formæ stipulandi.

pr. §. 1.
2. b. t. 3. Quemadmodum enim omnis res, quæ in rerum natura est & commercio hominum, in stipulationem deduci potest pr. l. b. t. Ita si res in rerum natura non est, nec esse potest (ita accip. §. 1. l. b. t. per l. 53 ff. de V. S. fructus enim futuri in stipulationem recte deducuntur. v. l. 73. ff. de V. O.) neque est in commercio, in stipulationem deduci nequit. §. 2. l. b. t. l. 1. §. 9. ff. de O. & A.

4. Estque hæc stipulatio adeo inutilis, ut nec æstimatio ejus debeat, nec pena eo nomine promissa peti possit. l. 69. l. 103. ff. de V. O.

5. Hinc rem sacram, aut religiosam, aut publicam quæ usibus populi perpetuo exposita est, vel liberum hominem, stipulari nemo potest. *f. 2. l. b. l. i. §. 9. ff. de O. & A. l. 83. §. 5. l. 103. ff. de V. O.*

6. Adeo ut nec in pendenti sit stipulatio, quod publica in privatam deducti, & ex libero servus fieri possit. *d. §. 2. add. l. 29. ff. de R. J. nec sub conditione tali concepta stipulatio valeat: Quæ enim natura sui dominio nostro exempta sunt, in obligationem deduci nullo modo possunt, & casus tales sperare incivile aique inhumanum est. d. §. 2. l. 83. §. 5. ff. de V. O. l. 34. §. 2. ff. de cont. emt.*

7. Aliud juris est si res per accidens acquiri non possit, quod forte e. gr. jam stipulatoris sit. *l. 31. ff. de V. O. vel si in commercio sit quorundam non omnium, quo casu sufficit in commercio esse stipulatoris, licet non sit in commercio promissoris. l. 34. ff. de V. O. l. 71. ff. de V. S.*

8. Quin imo licet initio utiliter res in stipulatum deducta sit, si tamen postea in aliquam eorum causam, de quibus dictum est, sine facto promissoris (quod si factum ejus, culpa vel mora intercesserit, secus est. *l. 83. §. 6. l. 23. l. 91. pr. & §. 2. ff. de V. O.*) devenerit, extinguitur stipulatio. *d. §. 2. b. nec obligatio semel extincta postmodum reviviscit. l. 98. §. 8. ff. de solut.*

9. Similiter si quis rem suam dari sibi stipulatus est, inutilis est stipulatio. *d. §. 2. b. l. 82. ff. de V. O. l. i. §. 10. ff. de O. & A.* Id enim quod stipulatoris est, ejus fieri amplius non potest. *§. 14. l. de del.* Quod & verum est, licet postea aliena facta sit. *d. §. 2.*

10. Sic nec rem alienam stipulari possumus in casum, quo nostra futura est; Actus enim in id tempus, quo inutilis est, non recte conferatur. *§. 21. l. b. i.*

11. Si quis alium daturum facturumve quid promiserit, nisi poena adjecta sit non obligatur. *§. 3. §. 20. l. b. i. l. 83. §. 2. ff. de V. O.* Ipse enim non obligatur, quia de se non promisit. *l. 83. ff. de V. O.* nec alium obligat, quia nemo ex contractu alterius obligari potest. *l. 3. C. ne ux. pro marit.*

12. Quod si vero effecturum se vel curaturum, ut Titius daret sponderet, obligatur quia proprium factum promissoris hac stipulatione continetur. *d. §. 3. l. b. d. l. 83. add. l. 38. ff. de V. O. l. 14. §. 2. ff. de pec. const.*

13. Rei denique, factive turpis stipulatio inutilis est. *§. 23. l. b. l. 26. & seqq. ff. de V. O.*

14. Ratione *Personarum* inutilis est stipulatio, si quis alteri stipuletur,

§. 4. tur, quam ei cujus juri subiectus est. *Inventa enim sunt hujusmodi stipulationes vel obligationes ut unus quisque acquirat sibi, quod sua interest. Ceterum si alii detur, nihil interest Stipulatoris.* *d. §. 4. §. 18. l. b. l. 38. §. 17. ff. de V. O. l. 11. ff. de O. & A.*

15. Unde & recte nihil agere dicitur, *d. §. 4.* Neque enim sibi obligationem acquirit, cum hoc actum non sit; neque extraneo, cum hoc repugnet fini omnium obligationum. *d. §. 18. d. l. 11.*

16. P'one si quis stipulari extraneo velii, p'enam stipulari conveniet, ut nisi ita factum sit ut est comprehensum, committatur p'ena stipulatio, etiam ei, cujus peculiariter nihil interest alteri fieri vel dari. *d. §. 18. d. l. 38. §. 17.*

17. Quo ipso stipulatio hæc inutilis (si ideo inutilis est quia continet quod impossibile aut turpe est, secus est. *l. 61. l. 69. ff. h. t. de V. O.*) esse cum fortitur, & si contra factum fuerit, p'ena, quantacunque adjecta sit, debetur. *d. §. 18. d. l. 38. §. 17. ff. de V. O.*

§. 19. **18.** Tum & si ejus interest, alteri stipulari potest. P'uta si contutor à contutore stipuletur, rem pupilli salvam fore: si procuratori suo quis dari stipulatus sit; vel creditori suo, quod sua interest. *§. 19. l. b. l. 38. §. 20. 23. ff. de V. O.* Quibus casibus, non tam alteri, quam sibi ipsi stipulari videtur. *l. 118. §. ult. cod.*

19. Sunt denique qui ratione officii aliis stipulari possunt, tutor scilicet, curator, Actor Civitatis, similisque *l. 5. §. pen. ff. de const. pec.*

20. Licet autem stipulatio extraneo facta, ordinario sit inutilis, solutio tamen in extraneam personam conferri potest. *d. §. 4. h.*

21. Quo casu obligatio quidem in solidum stipulatori acquiritur *d. §. 4.* ut adjectus neque petere, neque novare, neque acceptum ferre possit. *l. 10. ff. de solut.*

22. Adjecto tamen, invito etiam stipulatore solvi potest, ut liberatio ipso jure contingat. *d. §. 4. l. 12. §. 3. ff. de solut.*

23. Nisi jam lis contestata *l. 16. ff. de fidei. l. 57. §. 1. ff. de solut.* quia tunc fit quasi novatio. *l. 29. ff. de nov.* Aut statim adjecti in deterius mutatus sit. *l. 38. ff. de solut. junct. l. 56. §. 2. ff. de V. O.*

24. Quod si tamen adjecto solutum sit, habet stipulator contra eum Mandati actionem *d. §. 4. l. 131. §. 1. ff. de V. O.*

§. 4. **25.** Si quis vero sibi & extraneo stipulatur, stipulatio non in totam, sed pro dimidia tantum parte inutilis est. *d. §. 4. l. b. l. 110. ff. de V. O.*

26. Si quis autem alterius juri subiectus est, sive in potestate dominica sit, sive patria, stipulari ei potest. *d. §. 4. l. b.*

27. Quin & pater filio recte stipulatur, & quod ita stipulatus est, sibi acquirit. *d. §. 4. in f. l. 39. l. 56. §. 3. l. 130. ff. de V. O.* Pater enim & filius pro una habentur persona. *l. ult. C. de impub. & al. subst.* Exceptis tamen quæ de jure patti non acquiruntur, *d. l. 39. l. 130. de V. O.*

28. Ab eo tamen qui juri tuo subiectus est, tibi ipsi stipulari non potest, neque iste à te recte stipulatur. *§. 6. l. b.* Quia nemo sibi ipsi debitor & creditor esse potest. *l. 11. ff. de leg. 1. l. 16. ff. d. furt.*

29. Licet naturalis ex eo oriatur obligatio. *l. 38. §. 1. l. 64. ff. de cond. indeb.* quæ etiam in patre à filio aliquid stipulante, hunc effectum habet, ut fidejussor acceptus teneatur. *l. 56. §. 1. ff. de fidei.*

30. Qui omnino mutus vel furdus est, cum in stipulatione utrimque verba debeant intercodere, stipulari nequit. *§. 7. l. b. l. 1. ff. de V. O. l. 1. §. pen. ff. de O. & A.*

31. Propter defectum iudicii stipulari nequeunt furiosi *§. 8. l. b. l. 1. §. 12. ff. de O. & A.* ne quidem curatore auctore. *l. 5. ff. de R. J.* Ut & omnes qui morte capti sunt.

32. Quibus similes quodammodo sunt prodigi, nisi quod hi stipulando sibi acquirere possint. *l. 6. ff. de V. O.*

33. Pupillus infans i. e. septennio minor. *l. 1. §. 2. ff. de adm. tut. l. 18. C. de jur. delib.* (quia nullum i. e. non tantum quantum hic requiritur, habens intellectum) stipulari nequit. *§. 9. l. b.*

34. Pupillus infantia proximus i. e. qui nondum egressus est annum decimum & dimidium (si quidem masculus est) stipulando sibi acquirere potest, ex benignitate. *d. §. 9.* sed aliis se sine tutoris auctoritate obligare nequit.

35. Pupillus pubertati proximus, i. e. qui annos modo dictos quidem superavit, sed decimum quartum nondum explevit, stipulando similiter sibi acquirere potest. *d. §. 9.*

36. Quin etiam se ipsum obligare potest naturaliter. *l. 1. §. 1. ff. de nov. l. 25. §. 1. ff. quand. dies leg. ced. l. 127. ff. de V. O. l. 95. §. 2. ff. de solut.* Licet naturali huic obligationi, omnis effectus qui pupillo nocere potest, detractus sit, v. *l. 127. d. V. O.* (Ita accip. *l. 41. ff. de cond. ind. l. 59. ff. d. O. & A.*) sed civiliter, sine tutoris auctoritate stipulando, sese obligare nequit. *d. §. 9. l. b. l. 9. pr. ff. de Auth. tut.*

37. Sed qui in potestate parentis est, impubes, ne auctore quidem patre obligatur, neque acquirere potest. *d. §. 9. l. b. l. ult. §. 2. ff. de V. O.* pater enim & filius sunt una persona, nemo autem in rem suam auctor fieri potest. *§. ult. 1. de auth. tut.*

38. Similiter, & quidem multo magis, *Minores ex stipulatione acquirunt sibi, & obligantur naturaliter*; non vero sine curatorum auctoritate, quemadmodum nec in aliis causis, (paucis exceptis, v. l. 9. §. 2. ff. de min. l. 8. C. de nupt. l. 46. ff. de O. & A.) *civiliter* l. 3. C. de in. res. min.

§. 5. 39. Ratione *Modi & Forme* inutilis est stipulatio, si quis ad interrogata non congrue respondeat, i. e. non ad idem de quo rogatur, nec eadem qualitate. §. 5. l. b. §. 1. l. de V. O.

40. *Veluti si quis x. aureos à te dari sibi stipuletur, tu quinque promittas, vel contra; aut si ille pure stipuletur, tu sub conditione promittas, vel contra* d. §. 5.

41. Utrobique tamen non idem juris est; si quis enim roganti decem, quinque promittat, non in totum inutilis est stipulatio, sed quoad concurrentem summam subsistit; Minor enim summa majori semper inest. l. 1. §. 4. l. 83. §. 3. ff. de V. O. add. l. 113. ff. de R. J.

§. 17. 42. Quemadmodum nec in totum inutilis est stipulatio, si quis plures res copulative stipulanti, unam vel quasdam sponderit; *Obligatio enim in iis pro quibus sponderit, contrahitur*. §. 17. l. b. l. 1. §. 5. l. 83. §. 4. ff. de V. O.

43. Sed si quis pure stipulanti sub conditione promittat, vel contra, stipulatio plane inutilis est, quia mutatur forma & qualitas interrogationis, & proinde alia fit obligatio. l. 1. §. 3. ff. de V. O. Nisi tamen diversitas responsionis stipulatori illico placuerit. d. §. 3.

44. Similis est is, qui stipulanti alicui disjunctive Stichum aut Pamphilum, unum se daturum respondet. l. 83. §. 2. ff. de V. O. Hoc casu eam stipulanti sub conditione, pure respondisse censetur.

45. Plane si quis stipulanti in genere, respondeat *promitto vel dare spondeo*, non inutiliter respondet, sed breviter in eandem rem, diem vel conditionem respondisse videtur; neque enim necesse est in respondendo eadem omnia repeti, quæ stipulator expresserit. d. §. 5. b. t. §. 17. cod. l. 1. §. 2. ff. de V. O.

§. 10. 46. Si *impossibilis conditio adjiciatur* (sive ea natura sit impossibilis, sive lege l. 15 ff. de cond. inst. l. 26. & seq. ff. de V. O.) *nihil valet stipulatio*. §. 10 l. b. l. 7. l. 35. ff. de V. O. l. 1. §. 11. ff. de O. & A. Quemadmodum nec ullus alius contractus. l. 31. ff. de O. & A. Licet in testamentis secus sit, §. 10. l. de hered. inst.

§. 24. 47. Non tamen ideo inutilis est stipulatio, si *conditio possibilis adjecta*, post mortem stipulatoris vel promissoris demum extiterit: Stipulatoris enim

enim heres agere, & promissoris conveniri potest. §. 24. l. h. §. 4. l. de V. O. l. 57. ff. eod.

48. Item inutilis est stipulatio inter absentes concepta. §. 11. l. b. quales (cum stipulatio non nisi utroque loquente fieri possit) hic sunt, qui exaudire se invicem non possunt. l. 1. pr. ff. de V. O. §. 12.

49. Ut autem de eo constet, an inter presentes facta sit stipulatio, recte facit stipulator, si curet stipulationem in scripturam redigi, & instrumentum de ea confici. d. §. 11.

50. Pro hac scriptura enim duplex est presumptio, *Veritatis*, qua §. 16. creditur stipulationem inter presentes vere factam esse. d. §. 11. & *Solemnitatis*, qua creditur stipulationem debite celebratam esse. §. 16. l. b. l. 14. C. de cont. stip. l. 30. l. 134. §. 2. ff. de V. O.

51. Quæ presumptiones quidem *juris* sunt, non tamen *juris & de jure*: Admittitur enim probatio in contrarium. d. l. 14. C. de cont. stip. l. 7. §. 12. ff. de pact.

52. Et licet factum negantis, ordinario per rerum naturam non sit probatio. l. 23. C. de prob. non pertinet hoc tamen ad factum, quod tempore & loco circumscriptum est, quod per Indirectum probari potest. d. l. 14.

53. Inutilis etiam est stipulatio, si circa ipsam rem in stipulatum deductam. §. 22. l. b. l. 83. §. 1. l. 137. §. 1. ff. de V. O. Vel in persona stipulantis, vel promissoris (error in nomine proprio non nocet. §. 29. l. de Legat. Vid. ad tit. de Legat. §. 90. & seq.) erratum sit. l. 15. ff. de jurisd. l. 2. ff. de jud. Quod & aliis contractibus commune est. l. 9. pr. ff. de cont. cnt. §. 22.

54. Quod si de corpore constet, sed in qualitate materię erratum sit, ut si quis as stipulatus sit, quod aurum esse putabat, stipulatio subsistit. l. 22. ff. de V. O. Licet in emtione venditione, propter pretium intercedens, locus sit. l. 9. §. ult. ff. de cont. cnt.

55. Inutilis est denique stipulatio, si *sine causa* facta sit. l. 2. §. 3. ff. de dol. mal. exc.

56. Stipulatio post mortem stipulatoris vel promissoris concepta, olim inutilis erat, §. 12. l. b. quia obligatio, quæ non inceperat a defuncto vel contra defunctum, ab herede vel contra heredem incipere non poterat. §. 12.

57. Aliud erat si quis stipulatus esset *cum moriar*, vel *cum morieris* §. 14. l. b. t. quia tempus mortis vitæ annumeratur. l. 18. §. 1. ff. de man. test. nec non si quis stipulatus esset post mortem tertii. §. 15. l. b. §. 14. 18.

58. Sed dicta regula per l. un. C. ut act. ab hered. & cont. hered. abrogata est. v. sup. ad tit. de Legat. §. 102. & per l. 11. 13. C. de cont. stip. tantum

citum est, ut *sive post mortem, sive pridie quam moriatur stipulator vel promissor, stipulatio concepta sit, valeat stipulatio. d. §. 12.*

§. 59. Similiter inutilis erat stipulatio *præpostera*, cum quis obligationem vult nasci ante conditionis eventum, veluti si quis ita stipuletur, *si cras navis ex Asia veneris hodie dare spondes. §. 13. l. h.*

60. Sed & talis stipulatio per Leonem Imp. primum in dote admissa, & per Imp. Justinianum in genere confirmata est. *l. 25. C. de testam. d. §. 13.*

61. Quoad §. ult. *l. h.* vid. ad tit. de *V. O. §. 15.*

TIT. XXI.

DE FIDEIUSSORIBUS.

I. **S**exta Stipulationum divisio est, quod alix sunt *Principales* alix *Accessoria*, quales sunt *Fidejussoria*.

pr. b. t.

2. Est autem *Fidejussor* (qui & *sponsor* & *appromissor* dicitur, *l. 64. §. 4. ff. solut. matr.*) qui id quod alius debet, citra novationem, sua fide esse jubet, *interposita stipulatione*, ut creditori eo magis cautum sit. *pr. l. h. t.*

3. *Fidejussor* sua fide esse jubet id, quod alius debet, citra novationem; Accedendo scilicet ad alienam obligationem. In quo differt ab *expromissore*, qui alienam obligationem novando in se suscipit, ita ut reus principalis non maneat obligatus. *l. ult. ff. de SC. Muced.*

4. *Interposita stipulatione*: per hæc *fidejussor* discernitur à *pecunia constituta* Reo, qui nudo pacto, constituit se soluturum, id quod alius debet. *l. 1. ff. de pec. const.* nec non *Mandatore §. 6. l. Mand.* quia Mandatum solo consensu perficitur.

§. 3.

5. Accedit itaque obligationi *fidejussor*, utique quoad effectum obligationis. *l. 57. ff. b. t.* licet ordine loquendi etiam præcedere possit. *§. 3. l. h.*

6. In quo iterum differt à *Mandatore*, qui non sequitur. *l. 12. §. 14. ff. mand.* ut & à *pecunia constituta* Reo, qui non præcedit. *l. 1. §. 1. ff. de pec. const.*

§. 5.

7. Hinc licet efficacius quidem & arctius obligari possit quam reus principalis, uti contingit si naturali obligationi accesserit. *l. 6. §. ult. l. 16. §. 4. ff. b. t.* non tamen ita obligari potest, ut plus debeat (vel re, vel loco, vel tempore, vel causa, v. *§. 37. l. de del.*) quam debet is, pro quo obligatur:

gatur: *In Accessione enim non potest esse plus quam est in re principali.* §. 5. l. b. 1.

8. Adeo ut in duriorcm causam adhiberi omnino non i. e. ne quidem ad concurrentem summam, (si modo ab initio in plus accepti sint) obligentur. l. 8. §. 7. ff. b. l. 70. ff. cod. quasi contra formam juris accepti. l. 49. in fin. cod.

9. In omnibus autem obligationibus fideiussores assumi possunt, i. e. §. 2. sive re, sive verbis, sive literis, sive consensu contracta fuerint. §. 1. l. b. 1. l. 1. l. 8. §. 1. l. 16. §. 3. ff. b. 1.

10. Nec interest, sive naturalis sit obligatio sive civilis d. §. 1. l. b. 1. 6. in f. l. 7. l. 16. §. 3. ff. b. (dummodo talis sit, quæ effectus habeat, v. l. 6. ff. de V. O. l. 112. ff. de R. J.) sive ex contractu, sive ex delicto descendens l. 8. §. 5. l. 56. §. ult. l. 70. §. ult. ff. b. 1.

11. Excipitur 1. si ex delicto non ad pœnam pecuniariam, sed ad pœnam corporalem agatur. arg. l. 13. ff. ad L. Aquil. Nisi forte caveatur iudicio iusti. l. 1. 2. pr. §. 1. l. 3. l. 4. ff. de custod. reor.

11. Excipitur obligatio mariti de dote restituenda. t. 2. C. ne fidei. dot. demonstr. add. l. 17. in f. ff. de test. tut.

12. Non etiam interest quibus verbis fiat fideiussio, sive Latinis, sive Græcis, dummodo intelligi possint. §. 7. l. b. l. 8. pr. ff. cod.

13. Fideiubere possunt quicumque & stipulari: Excipiuntur.

1. Milites. l. 8. §. 1. ff. qui satis d. cog.

11. Clerici in causa laicorum. Nov. 123. C. 6. C. 1. c. pen. x. de fidei.

11. Fœminæ d. l. 8. §. 1. tum propter SCtum Vellejanum t. 2. ff. §. C. ad SC. Vellei. tum propter. Auth. si qua Mulier. C. cod.

14. Fideiussor autem non tantum ipse obligatur, sed etiam heredem relinquit obligatum. §. 2. l. b. l. 4. §. 1. ff. b. 1. l. 24. cod. Quod & aliis contractibus commune est. l. 49. ff. de O. & A.

15. Si plures sint fideiussores quot quot erunt numero singuli in solidum (licet id dictum non sit l. 3. C. b.) tenentur. §. 4. pr. b.

16. Adeo ut liberum sit creditori (etiam nondum excusso reo principali. l. 5. C. b. t.) a quo velit, conditione certi vel actione ex stipulatu, pr. l. de V. O. solidum petere. d. §. 4.

17. Beneficia tamen quædam fideiussoribus concessa sunt.

1. Beneficium Epistola D. Hadriani, sive Divisionis, quo compellitur creditor a singulis si modo solvendo sint litis contestata tempore, partes petere. d. §. 4. b. l. 26. l. 51. §. 1. §. pen. ff. cod.

18. Si aliquis litis contestatur tempore solvendo non sit, hoc reliquos onerat. *d. §. 4. d. l. 51. §. 1.*

19. Non tamen ex Epistola D. Hadriani ipso jure inter confidejssores dividitur obligatio sed ope exceptionis *d. l. 26. h.* Unde si per modum exceptionis (quod & post litem contestatam ante sententiam fieri potest, quia est exceptio juris. *l. 10. C. h. t.*) fidejssor hoc beneficium non opposuerit, sed solidum solverit, partem à confidejssore repetere nequit. *d. §. 4.*

20. Sibi enim imputare debet, quare beneficio hoc usus non sit. *d. §. 4. l. 26. ff. h. t.*

21. Plane si actiones sibi cedi curaverit, aliud dicendum est. *l. 17. l. 36. l. 39. ff. l. 2. l. 11. l. 14. C. h.*

22. II. Beneficium Ordinis seu Excussionis, quo jure novo Nov. 4. c. 1. Auth. presente. C. b. creditor prius convenire debet reum principalem, quam adversus fidejssorem experiri possit.

23. III. Beneficium Cedendarum actionum. *l. 17. ff. h. t.* quo unum fidejssorem conveniens, ei actionem suam contra ceteros confidejssores cedere tenetur, antequam conventus solvere cogatur.

§. 6. 24. Quibus tamen beneficiis fidejssores renunciare possunt. *l. pen. C. de pact.*

25. Quod si fidejssor pro Reo quid solverit, hoc repetit vel per actionem Mandati, si mandatum expresse vel tacite intercesserit, vel per actionem Negotiorum gestorum si quis pro ignorante (non etiam invito. *l. 40. ff. mand. l. ult. C. de neg. gest.*) fidejssulerit. *§. 6. l. h. l. 10. §. 11. ff. mand. l. 6. §. 2. l. 18. l. 20. §. 1. d. t. l. 6. C. cod.*

§. ult.

26. Si scriptum sit aliquem fidejssuisse, duplex pro ea scriptura præsuntio est, Veritatis ac Solemnitatis, similiter ac in alia stipulatione. Vid. ad tit. de inut. stip. *§. 50. Et seqq.*

TIT. XXII.

DE LITERARUM OBLIGATIONIBUS;

§. un. h. t. I. Olim scriptura fiebat obligatio qua nominibus fieri dicebatur. *§. un. pr. h. t.* cum scilicet creditor præsente debitore (qui & ipse in tabulis suis hoc notabat) in tabulis accepti & expensi, nomen debitoris, cui mutuum dabat pecuniam, perscribebat.

2. Sed nomina hæc in desuetudinem abiierunt, & posterior ætas syn-

gra-

graphis i. e. cautionibus utriusque manu subscriptis, uti cepit: Adeo ut domesticæ annotationes vinu probandi jam non habeant. *l. 5. l. 6. l. 7. C. de prob.*

3. Constitutus tamen postmodum contractus Literarum, cum quis scripto mutuo consensu tradito confessus est, sese ab aliquo certam summam accepisse mutuum, quam revera non accepit, & intra biennium confessionem non retractavit.

4. Ex qua scriptura non statim, sed post biennium, oritur Obligatio literarum. *§. un. l. b. t.*

5. Intra biennium enim habet confessus 1. Conditionem cautionis sive chirographi *l. 7. C. de non num. pec.*

ii. Querelam seu protestationem sibi numeratum non esse: quæ si in scriptis fiat coram magistratu, exceptionem facit perpetuam. *l. 8. 9. 14. C. de non num. pec.*

iii. Exceptionem non numerata pecunia, creditori agenti, intra biennium (olim quinquennium) opponendam. *l. 3. 5. 8. l. 14. pr. C. cod.*

6. In qua illud speciale est, quod licet scriptura ordinario contra scribentem probet, onus tamen probandi transferat in creditorem: Faciles enim sunt homines in tradendis chirographis, futuram numerationem spectantes.

7. Quibus remediis si quis intra biennium usus non sit, post biennium valida ex scriptura, non vero ex mutuo presumto, oritur obligatio. *d. §. un. b. t. §. ult. l. de obl.*

8. Adeo ut ne quidem post biennium, exceptio non numerata pecunia locum habeat, licet debitor inscipiat in se onus probandi, sibi numeratum non esse. *d. §. un. l. 8. l. 14. pr. C. de non num. pec.*

9. Locum autem hic contractus tantum habet in mutuo, *l. 5. l. 14. in f. l. ult. C. de non num. pec.* Licet exceptio non numeratæ pecuniæ etiam in aliis contractibus intra biennium opponi possit. *§. 2. l. de except.*

TIT. XXIII.

DE OBLIGAT. EX CONSENSU.

1. **C**ontractus qui consensu perficiuntur sunt, in quibus, præter consensum, nihil requiritur. *§. un. l. b. l. 2. ff. de O. & A.* Quales sunt Emptio Venditio, Locatio Conductio, Emphyteusis, Societas, Mandatum. *d. §. un. §. 3. l. de locat. cond.*

2. Qui

2. Qui à exteris multum differunt. 1. In consensualibus enim sufficit eos qui negotium gerunt consentire. d. §. un. l. h. In reliquis præter consensum, vel rei traditio, vel verba, vel literæ necessaria sunt.

3. Hinc & II. Consensuales inter absentes per nuncium aut epistolam, & inter præsentes nuda perfici possunt. d. §. un. l. h. Quod in verborum obligatione secus est. l. 1. ff. de V. O. §. 11. l. de inut. stip.

4. III. Consensuales omnes sunt bonæ fidei, i. e. in illis alter alteri obligatur in id, quod alterum alteri ex bono & æquo præstare oportet, licet de eo expresse nihil dictum sit. d. §. un. l. h. §. 30. l. de Act. l. 7. ff. de neg. gest. Mutuum autem, Stipulatio, nec non Literarum Obligatio, sunt stricti juris. v. l. 99. ff. de V. O. §. 28. l. de Act.

TIT. XXIV.

DE EMPTIONE VENDITIONE.

1. **E**mtio Venditio (cujus origo à permutationibus cæpit l. 1. ff. h. t.) est contractus juris gentium, Consensualis, b. f., quo id agitur, ut res seu merx, pro certo pretio tradatur. l. pen. §. ult. ff. h. t.

2. Unde contractus hujus non male tria dicuntur substantialia. v. l. 72. ff. l. 3. C. h. t. Consensus scil., l. 11. C. b. Merx, l. 8. pr. ff. h. & Pretium. l. 2. §. 1. ff. h.

3. Non quasi ad perfectionem ejus requiratur, ut res vendita tradatur, & pretium numeretur; (hæc enim ad consummationem pertinent) Sed quia consensus circa rem dandam, & pretium numerandum, versatur.

pr. b. t.

4. Perfecta enim Emptio Venditio est, simul atque de re tradenda, & pretio pure convenerit, quamvis nandum pretium numeratum ac ne artha quidem data fuerit. pr. l. h. t.

5. Adeo ut alter altero invito à contractu perfecto recedere nequeat. l. 3. de resc. vend. Contractus enim primum voluntatis sunt, postea necessitatis. l. 5. C. de O. & A.

6. Quod et verum est, licet arrharum forte datorum damnum pati, vel interesse, vel imo duplum præstare velit. l. 6. C. de resc. vend.

§. 4.

7. Quin nec in emptione venditione, quæ propter conditionem adjunctam (potest enim conditio, uti aliis contractibus, ita & hic adici. §. 4. l. h.) imperfecta est, poenitentia locus est. l. 8. ff. de peric. & comm. rei vend. add. l. 35. §. 5. ff. h.

8. So-

8. Secus est si placuerit emtionem venditionem in scriptis celebrari, neque instrumenta emtionis fuerint conscripta, in mundum redacta & subscripta, seu omnibus patribus absoluta. *d. pr. l. b. l. 17. C. de fid. instr.*

9. Donec enim aliquid deest ex his, & penitentia locus est, & potest emtor sine pena recedere ab emtione venditione. *d. pr. l. b. l. 17. C. de fid. instr.*

10. Nisi tamen arrharum nomine jam aliquid datum sit, hoc enim casu licet contractus imperfectus sit, qui recusat adimplere contractum, si quidem est emtor perdit quod dedit, si vero venditor, duplum restituere compellitur, licet super arrhis nihil expressum sit. *d. pr. l. b. l. 17. C. de fid. instr.*

11. Consensum impediunt Vis & Error.

12. Hinc ad emendum vendendum, ne quidem iusto pretio. *l. 9. ff. ver. am.* (nisi ob justam causam, puta utilitatem publicam. *v. §. ult. l. de his qui sunt sui vel alien. jur.*) nemo cogi potest. *l. 11. C. b.* Adeo ut si quis coactus vendidit, contractus non subsistat. *l. 1. C. de resc. vend.*

13. Error in corpore emtionem nullam facit. *l. 9. ff. b. t.* non etiam in nomine vel qualitate. *d. l. 9. §. 1. 2.*

14. Nisi error in qualitate, simul errorem in corpore involvat: puta si quis id quod revera aes est, aurum esse putaverit. *d. l. 9. §. 2. l. 41. §. 1. ff. b. t.*

15. Quo casu si quidem in totum erratum est, emtio nulla est, & id quod datum est condici potest. *d. l. 9. §. 2. l. 14. l. 41. §. 1. ff. b. t.* si vero pro parte, emtio subsistit. *d. l. 14.* sed venditor ad interesse tenetur. *l. 21. §. 2. ff. de act. emt.*

16. Res emi vendi possunt omnes quae sunt in commercio. *§. ult. l. b. t.* quarumque alienatio alia ratione non est prohibita. *v. l. ult. C. de reb. alien. non alien.*

17. Non tantum corporales sed & incorporales, puta hereditas, actio. *l. 1. ff. C. de hered. vel act. vend.* Non tantum praesentes sed & futurae, puta redditus annui, *Nov. 72. c. pen. spes l. 8. §. 1. ff. b. t.* Non tantum propriae, sed & alienae. *l. 28. ff. b. t.*

18. Licet enim talis venditio vero rei domino non praedjudicet, neque venditor rem teneatur praecise facere emtoris. *l. 30. §. 1. ff. de act. emt.* Tenetur tamen venditor, re evicta, ad hoc quod interest. *d. §. 1. l. 1. t. ff. C. de Evict.*

19. Quod si res venditae non sint in commercio, & in eo emtor a venditore deceptus sit, Venditor similiter obligatur ad id quod interest. *§. ult.*

ult. l. b. l. 62. §. 1. ff. de cont. emt. Ex hoc sensu earum rerum venditio valere dicitur. l. 4. l. 70. ff. b. t.

20. Pretium debet 1. esse Verum: neque enim sine pretio emptio esse potest. pr. in f. l. b. l. 2. §. 1. ff. cod. Unde non valet donationis causa, l. 36. l. 38. ff. b. t. vel non umminio, contracta. Unus nummus enim non est pretium. l. 10. §. ult. ff. de acq. poss. Et proinde talis emptio imaginaria est. l. 55. ff. b. t. & re ipsa in donationem incidit. l. 46. ff. locat. l. 3. l. 9. C. b. t.

21. 11. Justum: i. e. tale ut venditor non minus quam dimidiam partem iusti pretii accipiat. Propter lationem enim ultra dimidium emptio venditio rescindi potest. l. 2. C. de resc. vend.

22. 111. Certum: Vel per se, vel per relationem ad aliud. v. l. 7. §. pen. & ult. ff. b. t.

§. 1. 23. Quod si pretium conferatur in arbitrium tertii non incerti, si quidem ille pretium definiverit, valet emptio, & standum est ejus definitioni omnimodo, licet pluris vel minoris, quam valet, rem aestimaverit. §. 1. l. b. t. l. ult. C. cod.

24. Nisi manifesta ejus sit iniquitas, quæ corrigi potest per judicium bonæ fidei; v. l. 78. & seq. pro soc. vel alteruter ultra dimidium læsus sit; Quo casu contractus rescindi potest ex l. 2. C. de resc. vend.

25. Sin autem ille qui nominatus est, vel noluerit vel non potuerit pretium definire, tunc pro nibilo est: emptio venditio, quasi nullo pretio statuta. d. §. 1. l. ult. C. b.

26. Quod si dictum sit quanti postea aestimabitur, vel pretium generaliter in arbitrium tertii incerti, vel alterutrius contrahentium conferatur, emptio nulla est. d. l. ult. C. b. l. 35. §. 1. ff. cod.

§. 2. 27. iv. Debet pretium in pecunia numerata consistere. §. 2. l. b. l. 1. §. 1. b. l. 9. C. cod. l. 1. ff. de rer. perm.

28. Sabinus quidem & Cassius JCti etiam in alia re pretium consistere posse putarunt, sed Nerva & Proculi Jctorum contra sententiarum sententia probata est. d. §. 2. l. 1. princ. ff. de rer. perm. l. pen. C. cod.

29. Summa ratione, tum quod una eademque res non possit vendi, & pretium esse rei emtæ; tum quod emptio venditio cum permutatione non sit confundenda. §. 2. l. b. l. 1. pr. ff. de rer. perm.

30. Plane si pretium ab initio statutum sit, ratio juris non obstat, quominus volenti emptori res quædam loco pretii in solutum dari possit. arg. l. 8. pr. mand.

31. Ex Emptione Venditione perfecta oritur Actio Empti Venditi,

32. *Actio emti est, quæ datur Emtori, pretio integro (nisi aliud convenerit) oblato. l. 13. §. 2. ff. de Act. emt. adversus venditorem, ad rem tradendam cum fructibus, accessione & omni causa, præstandumque dolum & levem culpam. l. 11. §. 2. ff. de act. emt. l. 13. §. 10. 13. 16. & ult. ff. eod.*

33. Et si quidem venditor facultatem tradendi habet, tenetur ad rem præcise tradendam, adeo ut invito emtori non satisfaciat solvendo id quod ejus interest. *d. l. 11. §. 2. l. de donat. l. 6. C. de resc. vend.*

34. Quod si res vendita perierit vel deterior facta sit, Emoris (cujus & lucra & accessiones sunt. *§. 3. l. 8. ff. de per. & comm. rei vend.*) non venditotum damnum est. *Emtione enim perfecta periculum rei vendite statim ad emtorem pertinet, tamen adhuc ea res emtori tradita non sit. §. 3. l. h. l. 8. ff. de peric. & comm. rei vend.*

35. Licet enim venditor ante traditionem dominus maneat. *d. §. 3. l. circ. fin. b. & periculum rei ordinario ad dominum pertineat. l. 9. C. de pign. act.* Aliud tamen est, si dominus ejusdem rei sit debitor, & causa dominii transferendi jam existat. *§. 40. l. de Rer. div.*

36. Secus est l. si emtio venditio imperfecta sit. *d. l. 8. ff. de peric. & comm. rei vend.* veluti si aliquid ad pondera, numerum vel mensuram venditum, nec appensum, admensum, adnumeratum sit. *l. 35. §. 5. ff. b.*

11. Si damnum dolo vel culpa levi emtoris datum sit. *d. §. 3. l. h. l. 5. §. 2. ff. commod.* Quo pertinet. *l. 12. l. 14. §. 1. ff. de peric. & comm. rei vend.*

111. Si venditor periculum vel custodiam in se suscepit. *d. §. 3. l. 23. ff. de R. J.*

1V. Si emtio sit alternativa, vel generis. *l. 34. §. 6. ff. b. 1.*

37. *Actio Venditi est, quæ datur Venditori contra emtorem, re oblata, ad pretium, una cum usuris post tempus traditionis, solvendum. d. l. 11. §. 2. l. 13. §. 19. & seqq. ff. de Act. emt.*

TIT. XXV.

DE LOCATIONE CONDUCTIONE,

Locatio Conductio est contractus consensualis, juris gent. bon. f., quo id agitur ut pro usu alicujus rei vel opera, certa merces solvatur.

pr. h. i.

2. Et si que *Emptioni Venditioni proxima, ejusdemque fere juris regulis consistit.* pr. l. h. l. 2. ff. h. i.

3. Quemadmodum enim emtionis venditionis substantialia sunt, *Consensus, Merx & Pretium*; Ita & Locationis Conductionis sunt, *Consensus.* v. l. 1. l. 32. C. h. *Ufus rei seu opera, & Merces.* pr. l. h. l. 23. in f. ff. comm. div.

4. Unde sicut emtio venditio perfecta est, si de pretio & re danda convenerit, ita & *Locatio Conductio* contrahi intelligitur, si *merces pro usu danda, constituta sit.* d. pr. l. h.

5. Hinc etiam uti pretium in emtione debet esse verum, justum, certum, & in pecunia numerata consistens; ita & *Merces* in Locatione cond. debet esse vera l. 23. ff. comm. div. justa, certa & in pecunia numerata consistens.

6. Nisi res locata talis sit, quæ fructus ex se producit, quo casu pars fructuum, mercedis loco constitui potest. l. 35. §. 1. in fin. ff. h. i.

h. i.

7. Et si quidem merces in arbitrium tertii conferatur, eadem quæ in emtione venditione diximus, & de locatione cond. dicta esse intelligimus. §. 1. l. h. l. 25. pr. h. vid. ad t. præc. §. 23. & seqq.

§. 2.

8. Quod si res utrinque utenda data sit nulla mercede constituta, non *Locatio Conductio* est, sed contractus innominatus: & *actio in factum præscriptis verbis* (sic plene vocatur in l. 24. ff. de præscr. verb. add. l. 6. C. in f. de transact.) danda est, §. 2. l. h. l. 1. §. 1. ff. de præscr. verb.

9. In quibusdam tamen *Emtio & Locatio* differunt. I. In *Emtione Venditione* enim hoc agitur, ut res vendita apud emtorem perpetuo sit, & si dominus fuit venditor dominium in emtorem transeat. In *Locatione Cond. usus rei temporalis* est, neque dominium rei locatæ in conductorem transfertur. l. 39. ff. h. i.

II. In *Emtione* pretium intercedit quo res æstimatur, hic merces quo usus rei.

III. In *Emtione* locum habet cautio de Evictione l. 1. ff. & C. de Evict. in *Locatione* non item.

§. 4.

10. Quod si cum aurifice convenerit, ut ex suo suro certi ponderis e. gr. annulos faceret, & decem aureos acciperet; Dubitatum, sitne emtio venditio? Sed placuit emtionem venditionem esse. §. 4. l. h. l. 20. l. 65. ff. de cont. emt. Quod si suum aurum Titius dederit, mercede pro opera constituta; quin locatio conductio sit, nullum est dubium. d. §. 4.

11. Ex *Locatione Conductione* perfecta, datur *Actio Locati Condu-*
cti. pr. l. h.

12. *Actio Locati datur locatori contra conductorem, ad mercedem finito anno vel tempore constituto (nisi forte ante tempus conductor sine causa rem conductam deseruerit, quo casu locator statim agere potest. l. 24. §. 2. ff. h. t. add. l. 55. §. 2. cod.) solvendam, & rem finita locatione restituendam, praestandumque dolum & levem culpam. §. 5. l. h.*

13. Est enim contractus in quo utriusque versatur utilitas. l. 5. §. 2. ff. commod. Unde & superlativus in d. §. 5. verb. *diligentissimus* & l. 25. §. pen. ff. h. t. pro positivo accipiendus est.

14. Locator autem culpam conductoris probare debet. Unde si res incendio consumpta sit, Locatori de damno contra conductorem agere volenti, probandum erit, incendium culpa conductoris lata aut levi contigisse. arg. l. 11. ff. de per. & comm. rei vend.

15. Ante finitam Locationem conductor rem Conductam restituere vel ea excedere non cogitur. l. 3. C. h.

16. Nisi i. toto biennio mercedem non solverit. l. 56. ff. h. t.

II. Ipse dominus re sua indigeat. l. 3. C. h.

III. Dominus rescire velit. d. l. 3.

Vel IV. Conductor rem deteriore faciat. d. l. 3.

17. Præter dictos casus, finitur Locatio Conductio ordinario i. Solutio jure Auctoris. l. 9. §. 1. h.

II. Tempore constituto præterlapso. Non etiam morte contrahentium. Heres enim conductoris eodem jure in conductione succedit, & heres locatoris Locationem servare tenetur. §. ult. l. h. l. 10. C. cod. l. 19. §. 8. ff. cod.

18. Quod secus est in successore particulari: Emptor enim vel Legatarius, stare locationi, nisi aliud actum sit, non tenetur. l. 25. §. 1. ff. h. t. l. 9. C. cod. & conductorem adeo expellere potest.

19. Cum enim locator maneat dominus, potest, non obstante locatione, dominium rei locatae in alium transferre. l. 21. C. mand. qui cum non contraxerit cum conductore, ad servandam locationem non obligatur. Locator tamen à conductore conveniri potest ad praestandum id quod ejus interest. d. l. 25. §. 1. ff. h. t.

20. *Actio Conducti est, quæ datur conductori contra locatorem, ad praestandum usum, vel id quod interest, l. 24. §. 4. ff. h. l. 32. C. cod. refundendas impensas necessarias, & utiles, l. 55. §. 1. l. 61. ff. h. nec non damnum, dolo vel levi culpa datum, resarciendum. l. 19. §. 1. & seqq. l. 60. §. 2. ff.*

DE EMPHYTEUSI.

§. 3. 21. Usque adeo autem aliquam familiaritatem inter se videntur habere *Emtio-Venditio* & *Locatio-Conductio*, ut super *Emphyteusi* dubitatum sit, essetne *Emtio Venditio*, an *Locatio Conductio*? Donec lege *Zenoniana* separatus constitueretur contractus, §. 3. *l. b. l. i. C. b.*

22. Est autem *Emphyteusis contractus consensualis* (scriptura probationis tantum gratia intercedit. *l. i. C. b.*) juris gent., bon. fid., quo dominus prædii sui usum & fructum & jus dominio proximum, alteri in perpetuum, aut ad tempus non modicum, concedit, ea lege, ut in agnitionem domini, certum annuum canonem (qui & *Vestigal.* rubr. & *l. i. ff. si ag. vect. & pensio* dicitur) solvat. d. §. 3. *l. b. l. i. ff. si ag. vect. l. i. 3. C. de jur. empb.*

23. Prædia primum ea lege, colenda & melioranda concedebantur sterilia. Postmodum autem & fertilia imo & ipsa ædificia. *Auth. si quis. C. de SS. Eccles. l. 15. §. 26. ff. de damn. inf. Nov. 120, c. 1. §. ult.* Neque secularia tantum, sed & Ecclesiastica in *Emphyteusim* data sunt. *Nov. 120. c. 1. §. 2. c. 6. §. 1. 2. Nov. 55. c. 2.*

24. Unde *Emphyteusis*, in *Ecclesiasticam*, & *Civilem* seu *Secularem*, non male dividitur.

25. Ex hoc contractu oritur *Actio Emphyteuticaria*, quæ utrimque directa est, & *Emphyteuta* quidem datur contra dominum, ad *Emphyteusim* secundum pacta conventa, præstandam: *Dominio* autem *emphyteutico* contra *emphyteutam*, ad solvendum canonem, arg. *l. i. C. b.*

26. Traditione facta (non ante arg. *l. 20. C. de Pact.*) consequitur *Emphyteuta* jus in re, dominio proximum, quod *DD.* *Usile dominium* vocant; & ex eo *Actionem in rem*, qua rem ab omni possessore, etiam ab ipso domino vindicare potest. *l. i. ff. si ager vect. esse dic.*

27. Ut jus non tantum habeat fructus omnemque rei utilitatem percipiendi; (Quod & conductori & fructuario concessum est;) Sed & servitutem imponendi. *l. i. §. ult. ff. de superf. oppignorandi. l. 31. ff. de pign. act. donandi, permutandi. l. i. C. de fund. patr. & quoquo modo etiam invito domino, (dummodo laudemium i. e. l. pars pretii, l. 3. C. b. ei à novo Emphyteuta solvatur) ad alium transferendi. l. i. ff. si ag. vect. l. 3. C. b.*

28. Venditionis tamen causa excepta est. Si quis enim *emphyteuta* velit vendere, significare illud domino debet, nec non pretium ab aliis oblatum: Habetque dominus si emere velit, & voluntatem intra duos menses declarat, jus *procuratoris. l. 3. C. b. t.*

29. Cum vero omnem utilitatem Emphyteuta percipiat, æquissimum est, ut & onera sustineat rei in hærentia.

30. Hinc tributa quotannis Fisco solvere, & apochas fiscales domino, quibus tributa fisco soluta probare possit, præstare tenetur. *l. 2. C. b.*

31. Hinc etiam, si aliud dictum non sit, universæ quidem rei interitus ad dominum, particulare vero damnum ad emphyteutam spectat, etiam si majorem fundi partem calamitas absorberit. *l. 1. C. b. 1.*

32. Eandem ob causam propter sterilitatem, hostiumve incurSIONEM, remissionem canonis (in conductione secus est, *l. 25. §. 6. ff. locat.*) impetrare nequit. Canon enim non pro modo fructuum qui ex fundo percipi solent, uti in Locatione Conductione, sed in recognitionem dominii tantum solvitur. *d. §. 3. l. 1. C. b.*

33. Jus autem Emphyteutæ non tantum per hunc contractum acquiritur; sed & per *Ultimas voluntates*, arg. *l. 26. ff. de pign. act. §. 1. l. de usufr. §. ult. l. de serv. nec non per Prescriptionem longi temporis*. arg. *l. ult. C. de præscr. long. temp.*

34. Finitur Emphyteusis 1. *Consolidatione*, quæ sit vel moriente Emphyteuta nullis relictis successoribus, vel tempore emphyteutæ constitutæ præterlapso; *l. 3. ff. si. ager. vect. vel præscriptione*; sive dominus debito tempore & modo rem emphyteuticam possederit, sive emphyteuta dominium, canonem non solvendo, contra dominum per tempus legibus constitutum, præscripserit. arg. *l. 15. §. 27. ff. de damn. inf.*

35. II. *Totius rei interitu*, *l. 1. in f. C. b. 1.*

36. III. *Si emphyteuta canonem, in emphyteusi seculari intra triennium*, *l. 2. C. b. 1. in ecclesiastica intra biennium*, Nov. 7. c. 3. §. 2. non solverit, vel apochas tributorum non exhibuerit, *d. l. 2.*

37. Quo casu emphyteusis amittitur ipso jure, ut sententia judicis non desideretur. *l. 2. C. b.* Licet dominus propria autoritate emphyteutam expellere nequeat. arg. *l. 13. ff. quod met. c.*

38. Adeo ut postea moram per canonis oblationem purgare nequeat. *l. 2. C. b. l. 2. C. de fund. patr. neque dominus huic pœnæ renunciasse censetur*, quamvis post triennium sine protestatione canonem cessantem recipiat. *Autb. Qui rem. C. de SS. Eccles. Nov. 120. c. 3.*

39. Exc. 1. Si canonem oblatum dominus accipere recusaverit, eundem oblatum in æde sacra vel apud acta deposuerit emphyteuta, *l. 2. C. in f. b.*

II. Si

11. Si nemo existat cui pensionem solvat; Veluti jacente hereditate domini defuncti. arg. l. 21. *§ seq. ff. de usur.*

111. Si emphyteuta debitam sibi à domino pecuniam cum canone compenset.

40. 1v. Perit emphyteusis, si totam rem emphyteuticam ignorante domino, emtionis titulo in alium transtulerit. l. 3. C. b. t.

41. Si vero donaverit, legaverit, permutaverit, secus est. l. 71. §. f. ff. de legat. 1. l. 16. §. ult. ff. de pign. act. d. l. 3. C. b.

42. Diversi juris ratio est; Quod si jus suum vendat, nihil ipsius interfit, à quo pretium accipiat, an à domino, an ab ullo alio. Ut adeo dominus aliis merito preferendus sit. Reliquæ autem causæ fiunt vel propter affectum erga aliquem ut in donatione, vel propter utilitatem ut in permutatione, & oppignoratione.

43. v. Et ultimo, si emphyteuta rem in emphyteusim datam dolo vel culpa insigniter reddat deterioiorem. Auth. qui rem. C. de SS. Eccles.

44. Finita autem emphyteusi Meliorationes, nisi plane extraordinariæ fuerint, ad dominum pertinent. l. 2. C. b. t.

TIT. XXVI.

DE SOCIETATE.

1. **S**ocietas in genere dici potest, *Communio consensu suscepta*: Etque vel *Vita* quam Matrimonium appellamus; Vel *Bonorum* de qua sola hic agimus.

2. Quæ est contractus Consensualis, b. f., jur. gent., quo res vel opera licita. l. 53. l. 57. ff. b. t. communicantur, lucri in commune faciendi gratia. l. 29. §. 2. ff. b. t.

pr. b. 3. Societas autem alia est *Universalis*, alia *Singularis*. pr. b.

4. *Universalis* est vel omnium omnino bonorum; In qua omnis præsentia continuo, etiam sine traditione communicantur, Actiones cedendæ, & quæ postea obveniunt in commune redigenda sunt. l. 1. §. 1. l. 2. l. 3. l. 73. *§ seq. ff. b. t.* Vel eorum quæ ex questu veniunt. Quæ in dubio contracta cœntur. l. 7. *§ seq. ff. b. t.*

5. *Singularis* est unius alienjus negotiationis vel artificii. pr. l. b. l. 52. §. 5. ff. b. t.

6. Dividi etiam 11. Societas potest, in *expressam* & *tacitam*. v. l. 4. ff. b. t. nec non 111. in *puram* & *conditionalem*. l. pen. C. b. t.

7. Quod si de partibus lucri & damni nihil convenerit, æquales partes

tes in lucro & damno spectantur. *§. 1. l. h.* Si modo æqualis sit collatio, ex teroquin pro rata partes fieri debent. *arg. l. 6. l. 80. ff. cod.*

8. Sed si expressæ fuerint partes (sive in lucro & damno simul, si- *§. 3.*
ve in alterutro tantum, vid. *§. 3. l. h.*) hæc servari debent. *d. §. 1. l. h.* Pa-

cta enim adjecta dant legem contractui. *l. 1. §. 6. ff. de pos. l. 23. ff. de R. J.*

9. Divm tamen non sint naturæ hujus contractus contraria, qui æ-
qualitatem tanquam jure quodam fraternitatis desiderat. *l. 63. pr. ff. h. t.*

10. Valet itaque pactum quo partim definitio arbitrio tertii nomi-
natum permittitur: Cujus tamen arbitrium, si manifesta appareat iniquitas,
corrigi potest per judicium bonæ fidei. *l. 76. §. seqq. ff. h. t.*

11. Valet etiam pactum si duo inter se pacti sint, ut ad unum qui-
dæm due partes lucri & damni pertineant, ad alium tertia. *d. §. 1. l. h.*

12. Nec non si convenerit ut ad Titium lucri duæ partes pertineant, *§. 2.*
damni tertia, ad Sejum duæ partes damni lucri tertia. Si modo Titius
ratione operæ plus contulerit; Quia sæpe quorundam ita pretiosa est opera
in societate, ut eor justum sit conditione meliore in societatem admitti. *§. 2.*
l. h. l. 29. pr. ff. h. t.

13. Unde & ita coire posse societatem non dubitatur, ut alter pec-
uniam conferat alter non conferat, & tamen lucrum inter eos commune
sit, quia sæpe opera alicujus pro pecunia valet. *d. §. 2. l. 1. l. C. h. t.*

14. Quin & tale pactum valet, ut quis lucri partem ferat, de damno
non teneatur. *d. §. 2.*

15. Non valet autem pactum, ut alter lucrum tantum, alter damnum
sentiat: Qualis Societas Leonina veteribus dicta est; *l. 29. §. 2. ff. h. t.* Ex
Æsopi Fabula de Leone, Asino, & Vulpe. Add. Phadr. *L. 1. Fab. §.*

16. Finitur societas non tantum mutuo consensu, quod omnibus con- *§. 4.*
tractibus consensualibus commune est. *§. ult. l. quib. mod. toll. obl.* Sed
& 1. Renunciatione unius ex sociis. *§. 4. l. h. l. 63. in f. l. 65. §. 3. ff. h. t.* si-
ve ea expressa sit sive tacita. *l. 64. ff. h.* Etiam ab initio convenerit, ut
societas perpetuo duraret.

17. Licet enim in aliis contractibus alter altero invito à contractu re-
cedere nequeat. *l. 5. C. de O. & A.* Aliud tamen hic placuit, ne invito
retineatur in communione, quæ mater solet esse discordiæ. *l. 77. §. 20.*
ff. de leg. 2.

18. Nisi tamen 1. quis renuntiaverit absenti, *v. l. 17. §. 1. ff. h. t.*

11. Intempeslive *l. 14. ff. h. t.*

111. Callide i. e. ut obveniens aliquod lucrum solus habeat: Quo casu
socios quidem à se, non vero se etiam à sociis, liberat; lucrum proinde
per-

perceptum communicare debet, damnique particeps, sed lueri quod alii faciunt, expers manet. §. 4. l. h. t. l. 65. §. 3. & seqq. h. t.

§. 5. 19. II. *Morte Naturali, vel Civili.* Si unus enim ex sociis mortuus sit, solvitur societas, §. 5. l. h. t. l. 4. §. 1. l. 65. §. 9. ff. col. neque heres (excepta societate Vecchigalium, l. 59. ff. h. t.) in societatem succedit, licet tale pactum adjectum sit. l. 35. l. 59. l. 65. §. 11. ff. h. t. quia qui societatem contrahit, certam personam eligit. d. §. 5. Heres tamen ex ante gesto obligatus est. l. 65. §. 9. l. 35. & seq. l. 63. §. 8. ff. h. t. & inchoata à defuncto explicare debet, l. 40. ff. h. t.

20. Adeo, ut & unius morte solvatur societas licet plures supersint; nisi in coeunda societate aliter convenerit. d. §. 5. l. h. t. l. 65. §. 9. ff. h. t.

§. 7. 21. Similiter si quis capitis deminutionem maximam & mediam passus sit, solvitur societas, quia civiliter mortuus censetur. l. 63. §. ult. l. 4. §. 1. ff. h. t. Eoque pertinet §. 7. l. h. t.

§. 6. 22. III. *Item si alicujus rei contracta societas sit, & finis negotio impositus, finitur societas.* §. 6. l. h. t. l. 65. §. 10. ff. eod. Ut & si tempus adjectum præterlapsum sit. l. 65. §. 5. ff. h. t.

§. 8. 23. IV. *Solvitur societas cessione bonorum, seu egestate.* §. 8. l. h. t. l. 4. §. 1. ff. eod. Sed hoc casu si adhuc consentiant in societatem, nova videtur incipere societas. §. 8. l. h. t.

§. ult. 24. Ex hoc contractu *Actio* oritur pro socio, utrimque *Directa*: Quæ datur socio contra socium, ad conferenda bona communia, ad lucrum communicandum, præstandumque dolum, latam & levem culpam. §. ult. l. h. t. l. 72. l. 52. §. 2. 3. ff. eod. l. 5. §. 2. ff. commod. l. 38. §. ult. l. 67. pr. ff. h. t. Ita tamen ut socius gaudeat beneficio *competentia*, neque ultra teneatur quam facere possit. l. 63. ff. h. t.

TIT. XXVII.

DE MANDATO.

1. **M**andatum est contractus consensualis, juris gent., bonæ fidei, quo negotium aliquod alicui gratis gerendum committitur, & ab altero suscipitur.

§. ult. 2. Dicitur *gratis*; Originem enim ex officio atque amicitia trahit; quibus contraria est merces. l. 1. §. 4. ff. h. t. Unde mercede constituta Locatio-conductio esse incipit. §. ult. l. h. t.

3. Plane honorarium aliquod intervenire nihil prohibet, l. 6. pr. ff. h.

§. 5. 1. Licet nisi certum quid & statim promissum sit, nihil peti possit.
l. 17. C. b. 1.

4. Mandatum varie dividitur; Est enim 1. Aliud *Expressum*, aliud *Tacitum*. *l. 18. §. h. 1.*

II. Aliud *Generale* (cujus tamen subdivisionem in *generale cum libera*, & *sine libera* non agnosceimus) aliud *Speciale*.

III. Aliud *Negotiorum Judicialium*, aliud *Extrajudicialium*.

IV. Aliud *Purum*, aliud *Conditionale*. *§. 12. l. b. l. 1. §. pen. ff. cod.*

§. 12.

V. Aliud *Mandantis tantum gratia*, aliud *mandatarii*, aliud *mandantis & mandatarii*, aliud *aliena tantum*, aliud *mandantis & aliena*, aliud *mandatarii & aliena gratia* contractum. *pr. §. 1. 2. 3. 4. 5. 6. l. b. 1.*

pr. §. 1.

2. 3. 4.

§. 6.

6. Mandatum quidem *Aliena tantum gratia* contractum, ab initio non est obligatorium, quia ab initio mandantis nihil interest. *l. 8. §. 6. ff. b. 1.* Ex post facto tamen fieri potest obligatorium, postquam scilicet ex gestu mandatarii, mandans Titio obligari cepit. *l. 28. ff. de neg. gest.*

6. Mandatum *Mandatarii gratia tantum* contractum, consilium magis est quam mandatum & ob id non est obligatorium, etiamsi non expediat ei cui mandabatur; cum cuique liberum sit apud se explorare an sibi expediat consilium. *§. 6. l. b. l. 2. §. ult. ff. b. l. 47. ff. de R. J.*

§. 6.

7. Nisi tamen consilium sit fraudulentum, *d. l. 47. ff. de R. J.* Vel terminos simplicis consilii excedat; puta si quis tibi mandaverit ut pecuniam Titio forperares; quo casu fidem suam pro persona designata interponere videtur. *d. §. 6. in ff. l. b. 1.*

8. Illud quoque mandatum non est obligatorium, quod contra bonos mores est. *§. 7. l. b. l. 6. §. 3. l. 22. §. 6. ff. b. 1.* Adeo ut neque Mandatariorum obligetur ad perficiendum, neque Mandans conveniri possit, si forte perfecerit mandatariorum, & ejus facti nomine poenam solverit; Quia proprii delicti poenam praestitit. *d. §. 7. l. b.* Licet uterque eo casu obligetur alteri. *§. pen. l. de injur.*

§. 7.

9. Non debet autem Mandatariorum excedere fines mandati. *§. 8. l. b.* Hoc enim si fecerit, aliud agere censetur. *l. 5. pr. ff. b. 1.*

§. 8.

10. Hinc si quis Titio mandaverit ut sibi fundum emeret aureis centum, ille autem emerit aureis centum & viginti, actionem non habet, ne quidem negotiorum gestorum, licet res tanti valeat. *d. §. 8. l. ult. C. de neg. gest. l. 31. §. 6. 4 ff. cod.*

11. Ad summam tamen concurrentem (licet & de eo aliquando dubitatum sit) actio conceditur; & multo magis igitur si res minoris erit sit. *d. §. 9. l. 4. ff. b. 1.*

§. 9. 12. Speciale in hoc contractu est, quemadmodum & de societate diximus, quod contra regulam. l. 5. C. de O. & A. extinguatur. 1. *Revocatione mandantis*. §. 9. l. b. l. 12. §. *pen. ff. b.* Ne quis scilicet pati cogatur negotia sua ab aliis perfici.

13. Quod si tamen res amplius integra non sit, mandans obligatur ex autē gestio. l. 15. ff. b. t.

§. 11. 14. 11. *Renunciatione mandatarii*. §. 11. l. b. t. l. 22. §. *ult. ff. cod.* Quia officium non magis reluctanti extorqueri, quam invito obtrudi convenit.

15. Dummodo tempestive renunciatum sit, ut integra causa mandatori reserveur, eandem rem per alium æque commodè explicandi. d. §. 11.

16. Nisi tamen iusta causa intercesserit, aut non renunciandi, aut intempestive renunciandi. d. §. 11. puta valetudinis adversæ, vel inimicitiarum capitalium. l. 23. l. 24. & *seqq. ff. b. t.*

§. 10. 17. 111. *Morte mandantis vel mandatarii*; neutrius enim personam mandatum egreditur. §. 10. l. b. t. l. 26. l. 57. ff. b. t. Unde neque mortuo mandatore, mandatarius mandatum implere, neque mortuo mandatario heres ejus suscipere cogitur; neque si utroque casu impletum sit, actio dabitur. d. l. 26. l. 27. §. 3. ff. b. t.

18. Nisi quid mandatum sit, quod non nisi post mortem mandantis perfici potest. l. 12. §. *ult. & seq. ff. b. t. l. ult. ff. de solut.* Vel. 11. mandatarius ignorans mandatoreni decessisse, mandatum executus fuerit. §. 26. ff. b. t. d. §. 10. l. b. t.

19. Summa sane æquitatis ratione; neque enim in hoc judicio, in quo de bona fide agitur, de apicibus juris disputandum est. l. 29. §. 4. ff. b. t.

20. Ex mandato oritur *Actio Mandati, Directa & Contraria*.

21. *Actio mandati Directa* datur mandanti contra mandatarium, ad negotium susceptum periciendum, rem quam mandati nomine acquisivit tradendam, l. 10. §. 2. & 8. l. 8. §. 5. ff. b. t. præstandumque dolum & omnem culpam l. 13. l. 21. C. b. t.

22. *Actio mandati Contraria*, datur mandatario contra mandantem, ad hoc ut indemnis servetur. §. 8. l. b. t. l. 61. §. 5. ff. de furt. l. 26. §. 5. l. 3. §. 1. 2. l. 4. l. 12. §. 7. & *seqq. ff. b. t.*

TIT. XXVIII.

DE OBLIGAT. QUÆ QUASI EX CONT. NASC.

1. **Q**uasi ex contractu nascitur obligatio cum citra conventionem, inter *pr. h. r.*
 invitos etiam & ignorantes, nascitur ex facto non turpi. l. 5. §. 1.
 & seqq. ff. de O. & A. pr. §. 1. l. h. r.

2. Dicitur citra conventionem: si enim conventio factum præcessit,
 verus contractus est. l. 1. §. 3. ff. de pact.

3. Additur, ex facto non turpi; Quia si turpe factum fuerit, deli-
 ctum est.

4. Fundamentum hujus obligationis non est tacitus consensus; Quia
 hic etiam ignorantes, imo inviti & furiosi, obligantur. §. 1. l. h. r. l. 46.
 ff. de O. & A. sed naturalis æquitas & militas communis. d. §. 1. l. h.

5. Sive autem ex quibusdam negotiis obligatio, quasi ex contractu,
 nasci dicatur, sive eadem negotia quasi contractus vocentur; nihil interse-
 se videtur; Cum & in jure nostro quasi possessio, l. 10. ff. si serv. vind. qua-
 si usufructus, §. 2. l. de usufr. l. 2. §. 1. ff. de usufr. ear. rer. actio quasi
 Serviana, §. 7. l. de Act. aliaque similia occurrant.

6. Talia negotia seu Quasi contractus memorat Imp. hoc titulo v.
 Neque plures dari videntur.

7. 1. Quasi contractus est Negotiorum gestio; cum quis alterius v. §. 1.
 l. 9. §. 3. ff. de neg. gest. absens vel presentis, dummodo ignorantis, ne-
 gotia, sine mandato gerit utiliter. §. 1. l. h. v. l. 10. §. 1. ff. h. r.

8. Ex quo Actio oritur Negotiorum gestorum Directa, & Contraria.
 d. §. 1. l. h. l. 2. ff. cod.

9. Actio Negotiorum gestorum Directa datur domino negotiorum, ei-
 que cuius interest. l. 47. ff. de neg. gest. adversus gestorem, ad rationes red-
 dendas, & reliqua præstanda. l. 2. l. 23. ff. de neg. gest. nec non præstandum
 dolum omnemque culpam. §. 1. l. h. Quia similis est depositario, qui se do-
 posito obtulit. v. l. 1. §. 35. ff. de pos. add. l. 21. C. mand.

10. Si tamen affectione coactus, ne alterius bona distraherentur,
 negotiis se obtulit, de dolo tantum & lata culpa tenetur. l. 3. §. 9. ff. h. r.

11. Actio Negotiorum gestorum Contraria est, que datur gestori con-
 tra dominum, ut servetur indemnitas. l. 2. ff. h. r. l. 28. ff. cod. §. 1. l. h.

12. Sed si quis invito & prohibente domino gessit, actio hæc con-
 traria locum non habet. l. fin. C. de neg. gest.

13. 11. Quasi contractus est Tutela administratio. §. 2. l. h. ex qua §. 2.
 Actio oritur Tutela Directa & Contraria. d. §. 2.

14. *Actio Tutela Directa datur pupillo, finitis tutela. l. 4. pr. ff. de tut. & rat. distr. contra tutorem, ejusque heredes ad rationes reddendas. l. 1. ff. d. t. & reliqua prestanda, nec non dolum & levem culpam. d. l. 1. l. 7. C. arb. tut. Propter favorem pupillarem; Non tamen etiam ad levissimam, ne tutores nimium onerentur.*

15. *Actio Tutela Contraria est, qua datur tutori adversus pupillum, ut servetur indemnis. l. 1. l. ult. ff. de cont. tut. act. d. §. 2. l. b. t.*

§. 3. 4.

16. III. *Quasi contractus est Rei communio sine consensu trita, cum duo pluresve rem quandam siue societate communem habent. §. 3. 4. l. b.*

17. *Estque vel Universalis, inter coheredes scil., vel Singularis. d. §. 3. 4.*

18. *Ex communione singulari oritur Actio Communi dividundo utrimque directa, qua tantum personalis est (non in rem & in personam mixta, quia quasi ex contractu oritur) & datur socio contra socium (improprie ita vocantur) ad rem communem dividendam, & prestandas prestationes personales. §. 5. l. de off. jud. l. 1. ff. commun. div.*

19. *Constitunt autem prestationes personales, in lucro percepto pro parte communicando, §. 4. & §. 1. de off. jud. damno dato pro parte refarciendo, l. 16. §. pen. ff. fam. ercisc. & impensis factis pro parte restituendis. l. 4. §. 3. ff. commun. div.*

20. *Ex Communione universali hereditatis, datur Actio Familiae erciscunda i. e. hereditatis, v. l. 195. ff. de V. S. dividendae; Qua datur coheredi contra coheredem, ad communem hereditatem dividendam, l. 2. pr. ff. fam. ercisc. & prestandas prestationes personales. l. 1. ff. eod.*

§. 5.

21. IV. *Quasi contractus est Aditio hereditatis. §. 5. l. b. ex qua legatariis & fideicommissariis (non creditoribus qui ex vero contractu agunt. l. 49. ff. de O. & A.) datur Actio ex testamento, contra heredem ad prestanda legata & fideicommissa, testamento vel codicillis relicta. d. §. 5. l. 5. §. 2. ff. de O. & A.*

§. 6.

22. V. *Et ultimus Quasi contractus est Solutio indebiti. §. 6. l. b.*

23. *Ex qua Actio oritur quae vocatur Condictio indebiti t. 1. ff. & C. de cond. ind. daturque indebitum solvendi contra accipientem, ad restituendum indebitum.*

24. *Ut autem haec actio locum habeat requiritur 1. Ut aliquid solutum sit. d. §. 6. l. b.*

II. *Ut solutum sit indebitum, i. e. naturaliter & civiliter indebitum: Si enim naturale sit debitum, licet civiliter indebitum non repetitur. l. 10. ff. de O. & A.*

ART. UT

III. Ut solutum sit *per errorem*. l. 1. §. 1. ff. b. t. Cujus enim per errorem dati repetitio est, ejus consulto dati donatio est. l. 53. ff. de R. J.

IV. Ut solutum sit *per errorem facti*, non *juris*, l. 10. C. de jur. & fact. ign. l. 9. ff. eod. l. 9. C. ad L. Falc. Nisi forte talis solverit cui jus ignorare permittitur. v. l. 9. ff. de jur. & fact. ign.

25. Cessat tamen conditio indebiti I. In iis causis, in quibus *lit inficiendo crescit in duplum*, i. e. in quibus actio adversus confitentem in simplum datur, adversus negantem in duplum. l. 23. §. pen. ff. ad L. Aquil. §. 26. I. de Act. Quales sunt I. Causa Legis Aquiliz. II. Legati ad pias causas & III. Depositi miserabilis. §. ult. l. b. t. d. l. 23. §. pen. ff. ad L. Aquil. d. §. 26. I. de Act. l. 1. §. 1. ff. de pos.

26. Cessat etiam II. In causa jurijurandi. §. II. I. de Act.

III. In causa rei judicatz. l. 1. C. b.

IV. Si solutum sit debitum naturale. l. 10. ff. de O. & A.

V. Si quid transactionis causa solutum. l. 67. §. 1. ff. de cond. ind.

VI. Si quid dotis nomine datum sit. l. 32. §. 2. ff. eod.

TIT. XXIX.

PER QUAS PERS. NOB. OBL. ACQ.

I. **A**cquiritor nobis obligatio non tantum per nosmetipsos, sed & per eos quos in potestate habemus, servos scil. & liberos nostros, nec non per servos fructuarios & eos quos tanquam nostros b. f. possidemus; pr. §. 1. 2. 3. l. b. eodem modo quo Dominium per eos acquiri dictum est, supra ad t. per quas pers. cuique acq.

TIT. XXX.

QUIBUS MODIS TOLLITUR OBLIGATIO.

I. **T**ollitur obligatio vel *ipso jure*, vel *ope exceptionis*, de quo inf. ad L. IV. T. XIV. de Except. videbimus.

2. *Ipso jure* autem tollitur obligatio, secundum Imp. nostrum in h. pr. b. t.

t. 1. *Solutione*. pr. I. b.

3. Quæ si generaliter accipitur, ad omnem liberationem pertinet. l. 54. l. 52. ff. de solut. l. 176. ff. de V. S.

4. Sed specialiter accepta, est *naturalis prestatio ejus quod debetur*. l. 49. ff. de solut. l. 4. §. 3. ff. de re jud.

§. A.

5. Aliud enim pro alio invito creditori solvi non potest. *pr. l. h. l. 2. §. 1. ff. de reb. cred.*

6. Licet nummi argentei pro aureis recte solvantur; quia in pecunia non tam substantia quam quantitas seu valor consideratur. *l. 1. ff. de com. cnt. l. 6. §. 1. ff. de V. O.*

7. Totum etiam debitum solvendum est, neque per partes invito creditore (si consentiat aliud est; ita acc. *§. 1. in f. h. t.*) solutio fieri potest. *l. 9. C. de solut. arg. l. 3. ff. sam. circsc.*

8. Nisi debitum pro parte sit liquidum pro parte illiquidum; Quo casu creditor partem oblatam accipere cogendus est. *l. 21. ff. de reb. cred.*

9. Quis autem solvat sive ipse reus, sive alius pro eo, nihil interest, liberatur enim & alio solvente, sive sciente sive ignorante debitore vel invito eo solutio fiat. *d. pr. l. h. l. 23. l. 40. l. 53. ff. de solut.*

10. Effectus solutionis est, quod non tantum ipse reus liberetur, sed & Accessiones, fidejussores, mandatores, pignora & hypothecæ. *d. pr. in f. h. l. 43. ff. de solut.*

§. 1. 11. *Acceptilatione*; quæ est imaginaria solutio. *§. 1. l. h. t.* seu verborum conceptio, quibus creditor, cui verbis quid promissum, rogatus à debitore, an id quod ita debetur; acceptum ferat? respondet, se acceptum ferre.

12. Quod si in alia quam verborum obligatione, acceptilatio intercedat, non quidem obligationem ipso jure tollit, vim pacti tamen habet & exceptionem producit. *l. 19. l. 8. pr. ff. de accept.*

§. 2. 13. Quin & aliz obligationes per acceptilationem tolli possunt, si modo per stipulationem Aquilianam in verborum obligationem transfusæ sint. *§. 2. l. h. l. 18. §. 1. ff. de accept.*

§. 3. 14. III. *Novatione*; §. 3. *l. h. t.* quæ est prioris obligationis, in aliam vel civilem vel naturalem, per stipulationem (non etiam per nudum pactum. *l. 27. §. 2. ff. de pact.*) facta transfusio atque translatio. *l. 1. pr. & §. 1. l. 2. ff. de novat.*

15. Est autem Novatio alia Voluntaria; alia Necessaria, quæ sit per litis contestationem. *l. 29. ff. h. t. l. 86. & seq. ff. de R. J.*

16. Novatio Voluntaria sit vel nova intercedente persona, quæ alienam obligationem expromittendo in se transfert, ita ut prior debitor non maneat obligatus. Unde & talis Expromissor dicitur. *l. 37. §. ult. ff. de oper. lib.*

17. Quod si mandat debitoris fiat, species est novationis, quæ Delegatio vocari solet. *l. 11. pr. §. 1. ff. h. t.*

18. Vel manente eodem debitore; Quo casu posteriori obligationi aliquid novi, conditio, puta aut dies, aut fidejussor adjici aut detrahi debet. *d. §. 3. l. h.*

19. Quia & expresse adjici debet, *novandi animo hac fieri. d. §. 3. in f. l. ult. C. de nov.*

20. Ceteroquin & pristina obligatio manet, & secunda ei accedit, ut ex utraque causa obligatus sit debitor. *d. §. 3.*

21. IV. *Contrario consensu. §. 4. l. h. c.* Quo modo obligationes tantum consensu contractæ, non etiam aliæ, dissolvuntur, *d. §. 4. l. h. l. 3. l. 5. §. 1. ff. de resc. vend. l. 58. ff. de pact. add. l. 35. ff. de R. J.*

22. Si modo res adhuc integra sit, neque traditio intercesserit. *d. §. 4. l. 7. §. 6. ff. de pact.*

23. Præter enumeratos tamen ab Imp. modos, plures occurrunt alibi, quibus ipso jure tollitur obligatio.

24. Quorum præcipui sunt 1. *Confusio*; cum in eandem personam jus creditoris & debitoris concurrit. *l. 75. l. pen. ff. de solut. l. 7. C. de pact.*

II. *Debiti obsignatio*; cum creditore debitum oblatum accipere recusante, pecunia debita obsignatur & deponitur in publico *l. 19. C. de usur. l. 9. C. de solut.*

III. *Compensatio*, quæ est debiti & crediti inter se contributio. *l. 1. ff. de compens. l. ult. C. cod. §. 30. l. de act.*

IV. *Rei sive speciei ante moram interitus*, *l. 23. ff. de V. O.*

V. *Duarum lucrativarum causarum in eandem rem & personam concursus*. *l. 17. ff. de O. & A. §. 6. l. de legat.*

VI. *Tutela & cura creditoris*. Nov. 72. c. 1. vid. sup. ad tit. de Aus. tit. §. II. & seqq.

VII. *Prescriptio ex l. 3. & 4. C. de prescr. 30. vel 40. ann.*

VIII. *Pecunia seu rei debita sine judice facta ablatio*. *l. 13. ff. quod met. c. l. 7. C. und. vi.*



pr. b.

1. **C**um sit expositum superiori libro de obligationibus ex contractu & quasi ex contractu, sequitur ut de obligationibus ex maleficio & quasi ex maleficio dispiciamus. pr. l. b.

2. Est autem Delictum proprie acceptum, (quomodo enim quasi ex delicto obligatio nascatur infra videbimus) seu Malefictum, factum illicitum dolo malo commissum, quod penam meretur.

3. Dividitur in Publicum & Privatum. rubr. t. ff. & l. de publ. jud. rubr. s. ff. de priv. del.

4. Delictum Publicum (quod & frequentius Crimen dicitur) est, quod directo maxime tendit ad lesionem Reip., cujus accusatio cuiusvis à populo est permessa. §. 1. l. de publ. jud. & vindictio est ex lege quadam publicorum judiciorum. l. i. ff. de publ. jud.

5. Privatum est, quod directo magis tendit ad lesionem privatorum, quodque adeo non vindicatur publicis legibus nec à quovis de populo; sed ex quo privata actione hi agunt quorum interest, seu ad quos ea res potissimum pertinet.

6. Privata subdividi possunt, in Ordinaria & Extraordinaria, quibus & annumerare licet Popularia. l. i. §. f. ff. de pen. l. 3. ff. de extr. crim. l. 2. ff. de concuss. arg. l. 3. §. 1. ff. de pop. act.

7. Ex Ordinariis fere agit latus Civiliter, i. e. ad rem vel penam sibi applicandam, §. ult. l. b. §. 12. l. de injur. Ex Extraordinariis autem criminaliter. d. l. i. §. f. l. 9. ff. de ext. crim.

8. Cum autem lesio privata ad publicum etiam per indirectum pertinet, permittum quoque postmodum est, de privatis delictis (extra ordinem) agere criminaliter, ad penam corporalem, vel penam pecuniariam fisco applicandam. l. ult. ff. de delict. priv. l. ult. ff. de furt. l. ult. ff. de injur.

9. Delicta Privata Ordinaria sunt quatuor, Furtum, Rapina, Damnum, & Injuria. pr. l. b. Quæ omnia rē i. e. facto illicito constant. d. pr. l. b. l. 18. ff. de pen.

§. 1. 2.

10. Furtum (quod à ferendo i. e. auferendo dictum. §. 2. l. b. l. 1. §. 1. ff. eod.) est contructio fraudulosa, lucri faciendi gratia, vel ipsius rei vel etiam usus ejus possessionisve, quod lege naturali prohibitum est admittere. §. 1. l. b. l. 1. §. 3. ff. eod. de furt.

II. *Furtum est contrahatio*: Sola enim furti facienda cogitatio non facit furem. *l. 1. §. 1. ff. de furt. l. 225. ff. de V. S.* Adeo ut quamvis furti facienda causa conclave intraverit, nondum tamen fur sit. *l. 21. §. 7. ff. b. t.*

12. Et quia contrahere est loco movere. *l. 3. §. 18. ff. de acq. poss.* hinc rei immobilis (licet olim de eo dubitatum sit) furtum fieri nequit. *§. 2. v. abolita l. de usuc. l. 25. ff. de furt.*

13. *Fraudulosa*: sine dolo enim & affectu furandi, furtum non committitur. *§. 7. l. b. l. 53. ff. de furt.*

14. Hinc necesse est ut *sciens* aliquis rem alienam contraheret invito domino. *d. §. 7. d. l. 53.*

15. Si quis enim re commodata e. g. aliter utatur, quam utendam acceperit, dominumque permitturum credat, extra crimen videtur. *d. §. 7. l. b. l. 46. §. 7. ff. de furt.*

16. Sed & si credat aliquis invito domino se rem contrahere, domino autem volente id fiat, licet re ipsa furtum sit, furti tamen actio locum non habet. *§. 8. l. b. d. l. 46. §. pen. ff. de furt.*

17. Unde quaesitum & dubitatum est, si Titius servum Mævii sollicitaverit, ut res quasdam domino surriperet, & dominus sciens res à servo contraheri patiat, ut in ipso facto furem deprehendat; An Actio furti? An servi corrupti in duplum, contra Titium danda sit? Sed utramque hoc casu dandam esse Imp. constituit. *d. §. 8. l. b. l. 20. C. de furt.*

18. Cumque sine affectu furtum non committatur, sequitur etiam eos qui plenum animi intellectum non habent, furiosos scil., infantes, & infantiae proximos, furtum non committere. *§. 18. l. b. add. l. 12. ff. ad L. Corn. de sic. §. 9. l. de inut. stip.*

19. Aliud est in eo qui pubertati proximus est, cum doli capax sit, & intelligat se delinquere. *d. §. 18. l. 23. ff. de furt. l. 111. ff. de R. J.* Licet poena ratione ætatis mitiganda sit. arg. *l. 37. §. 1. ff. de minor.*

20. *Lucri facienda gratia*; Si enim nocendi tantum gratia fiat contrahatio, *Dammum* est quod vindicatur Lege Aquilia, arg. *l. 5. §. ult. l. 41. ff. ad L. Aquil.* Sin contumeliaz causa, *Injuria*; propter quam actio injuriarum instituenda est. *l. 53. ff. de furt. add. l. 39. ff. cod.*

21. Unde si quis necessitate pressus, famis levandæ causa, esculenta aufert, furti etiam non tenebitur. arg. *l. 2. §. 2. in f. ff. ad L. Rhod. de jact.* Proverb. c. 6. v. 30. Matth. 12. v. 1. & seqq. c. 3. x. de furt.

22. *Vel ipsius rei*; scil. alienæ. Rei propriæ enim qua propriæ, furtum fieri nequit. *l. 43. §. 1. ff. b. t.*

- §. 10. 23. Aliud est si quis in ea re aliquid juris habeat, dominusque rem auferendo istud intervertat. Veluti si debitor rem quam creditori pignoris causa dedit, subtraxerit. §. 10. l. h. t. l. 12. §. 2. l. 19. §. pen. l. 79. ff. de furt.
- §. 9. 24. Sive autem res immobiles sint magnæ sive parvæ. v. §. 16. l. de R. D. sive animatæ sive inanimatæ, nihil interest; Adeo ut & liberorum hominum, liberorum scilicet qui in nostra sunt potestate, furtum (quod proprie Plagium dicitur) fieri possit. §. 9. l. h. l. 14. §. 13. ff. de furt.
25. Quo casu patri, (in cujus dominio quasi sunt liberi ex jure Quiritium. l. 1. §. 2. ff. de R. V.) actio non in duplum vel quadruplum datur, quia liberum corpus astimationem non recipit. l. 1. §. 5. ff. de his qui eff. vel deiec. Sed ad id, quod ejus, ratione acquisitionis & operatum, interest.
26. Quin & locus est judicio publico Legis Fabie de Plagiariis. v. l. ult. C. ad L. Fab. de plag.
- §. 6. 27. Vel etiam usus ejus; Hinc si creditor pignore, depositarius re deposita utatur, vel ille, qui rem utendam accepit, in alium usum eam transferat, quam cujus gratia ea data est, furtum committit. §. 6. l. h. l. 54. l. 76. ff. de furt. Quod & Veteres de eo dixerunt qui in Aricium (sic enim scriptum videtur) acceptum equum longius perduxisset. d. §. 6. l. h. Val. Max. L. 8. c. 2.
28. Possessionisve; de furto possessionis agitur in §. 10. l. h. t. & jam ante dictum. §. 23.
29. Quod Lege naturali prohibitum est admittere: Furtum enim natura turpe est. l. 1. §. ult. ff. de furt. l. 42. ff. de V. S. Cic. L. 3. de offic.
- §. 3. 30. Est autem furtum aliud Manifestum aliud Nec manifestum. §. 3. l. h.
31. Furtum Manifestum est, cum fur ἐν αὐτοφώρῳ i. e. in ipso furto, vel rem furtivam tenens, acclamando vel accurrendo, l. 7. §. 1. & 2. ff. de furt. sive per ipsum dominum sive per alium, sive in publico sive in privato, antequam eo pervenerit, quo furtum eo die deferre vel deponere destinavit, deprehenditur. d. §. 3. l. 3. & seqq. ff. de furt.
32. Nec manifestum est, cum fur ita non deprehenditur. d. §. 3. in f. l. h. l. 5. ff. de furt. Vel ut Gai. L. 4. l. tit. 1. §. 1. inquit, quod quamvis dum fieret inventum non est, tamen furtum factum fuisse probatur.
- §. 4. 33. Furorum quidem genera olim erant quatuor, Conceptum, Oblatum, Prohibitum, & Non exhibitum. §. 4. l. h.

34. Sed cum requisitio rei furtivæ, secundum veterem observationem, cum lance scil. & licio. Vid. Fisl. in voce lance. Petron. Satyr. c. 57. ab usu recesserit, Actiones etiam furti Concepti, Oblati, Prohibiti, & Non exhibiti, in desertudinem abiciunt; omnesque qui rem furtivam susceperunt aut celarunt, jam furti nec manifesti conveniri possunt. d. §. 4. l. h. i.

35. Ex hoc delicto oritur Actio Furti Manifesti, & Nec manifesti. §. 3.

36. Actio Furti Manifesti est Prætoria, & datur contra furem in quadruplum. §. 5. l. h. convenienter juri Divino, v. Exod. 22. v. 1. & seqq. Cum olim ex LL. XII. Tabb. propter furtum manifestum servi ex saxo præcipitarentur, Liberi autem verberibus casti in servitutem addicerentur ei, cui furtum factum esset. v. A. Gell. L. 11. c. ult.

37. Actio furti Nec manifesti civilis est. §. 4. l. d. nox. 42. & datur, etiam ex LL. XII. Tabb. contra furem in duplum. d. §. 5. l. h. Gell. d. l.

38. Pœna corporalis vel capitalis, jure nostro novissimo non tantum incognita, sed & expresse prohibita est. Nov. 134. c. ult.

39. Sed aliud postmodum placuit Friderico. v. l. 2. Feud. tit. 27. §. 9. nec non Carolo V. Imp. (variis tamen adhibitis distinctionibus) in Nemesis Carolina.

40. Datur autem actio furti domino, omnique cujus interest. §. 13. l. h. ex honesta scil. causa. l. 10. 11. 12. §. 1. ff. de furt. & cujus periculo res est. l. 85. pr. l. 14. §. 10. & seqq. ff. cod.

41. Unde constat creditorem de pignore surrepto furti actione agere posse, etiam si idoncum debitorem habeat. §. 14. l. h. l. 12. §. ult. l. 14. §. 5. 6. ff. de furt. Tum quia ei expedit pignori potius incumbere, quam in personam agere. d. §. 14. l. 25. ff. de R. J. Tum maxime, quia ad rem restituendam tenetur actione pignoratitia. d. l. 14. §. 6.

42. Adeo quidem ut quamvis ipse debitor eam rem surrepneris, nihilominus creditori competat actio furti. d. §. 14.

43. Quo casu ipsum debitum duplicatur vel quadruplatur. l. 87. ff. de furt. & quod debitor ex actione furti præstitit debitoris lucro est. Quod, si extraneus pignus abstulerit, secus est: tum enim duplicatur vel quadruplatur æstimatio pignoris d. l. 87. & quod creditor percepit debito imputatur. l. 22. ff. pign. act. l. 15. pr. ff. h. i.

44. Item si fullo polienda curandave, aut sarcinator sarcienda vestimenta, mercede certa constituta, acceperit, eaque furto amisserit, ipse (si modo solvendo sit) furti actionem habet, non dominus. §. 15. l. h. Custodiam enim præstare debet. l. 12. ff. h. i.

45. Idem de b. & emtore dicendum est. d. §. 15. add. l. 14. pr. ff. h. i.

16. 46. Quod si res commodata furto ablata sit, Commodatario similiter actio furti, concedenda videbatur; sed Imp. electionem eo casu concedit commodanti, An actione furti contra furem? An potius commodati contra commodatarium agere velit; Ita tamen ut si alterutram elegerit, ad alteram non habeat regressum: si modo furto rem surreptam esse sciverit, §. 16. l. h. l. ult. C. de furt.
- §. 17. 47. Depositario autem actio furti non conceditur; Quia dolum tantum præstat & latam culpam. §. 3. l. quib. m. re cont. obl. Ex improbitate autem sua actionem nemo consequitur. §. 17. l. h. l. 14. §. 3. l. 12. §. 1. ff. h. t.
48. Plane si culpam quoque depositarius in se susceperit vel deposito se obtulerit, aliud dicendum est. §. ult. l. de vi bon. rapt. l. 1. §. 35. ff. de pos.
- §. 11. 49. Datur autem actio furti non tantum contra eum qui furtum fecit, i. e. rem contrectavit, sed & contra eum cujus ope vel consilio furtum factum est. §. 11. l. h.
50. Separatim enim hæc verba, ope, consilio, accipienda sunt, ut sufficiat vel opem tantum tulisse, vel consilium tantum dedisse. l. 52. §. ult. ff. de V. S. l. 50. §. pen. ff. de furt. l. 52. pr. Et §. 19. l. 54. §. pen. ff. cod.
51. Si modo consilium proprie accipiantur pro impulsione & instructione, & furtum secutum sit. l. 52. §. 19. ff. de furt. si enim accipiantur pro maligno proposito, cum ope semper conjunctum est. l. 52. §. 2. ff. h. t. si pro consilio simplici sine instructione, consilium dantem furti non obligat. d. §. 11. l. h. t.
- §. 12. 52. Non autem datur actio furti contra eos, quos in potestate habemus, filiosfam. scilicet, & servos nostros: licet revera furtum committant. §. 12. l. h.
53. Pater enim & dominus privatae animadversionis jus habent, l. 17. ff. de furt. neque cum iis magis quam nobiscum agere possumus. l. 16. ff. cod. excepta causa peculii castrensis & quasi castrensis. l. 52. §. 5. ff. de furt.
54. Si vero ope & consilio alterius ab iis furtum factum fuerit, quia utique furtum committitur, convenienter & ille furti tenetur. d. §. 12. l. h. l. 36. §. 1. ff. de furt.
55. Præter actionem furti civilem in duplum vel quadruplum, datur etiam Extraordinaria criminalis. v. l. ult. ff. de furt.
- §. ult. 56. Imo dantur insuper domino cui res furto ablata est, due actiones rei persecutoria, Rei scilicet Vindicatio; quæ datur domino, l. 23. ff. de R. V. contra omnem possessorem, etiam contra b. f. emptorem, adeo ut ne quidem

dom pretium repetere possit. l. 2. C. de furt. Nec non *ti. Condictio furtiva*; quæ datur domino contra furem ejusque heredem, & quidem si in totum heres est in solidum. §. ult. l. b. l. 9. ff. de cond. furt.

57. Quæ tamen actiones omnes simul institui nequeunt.

58. In quantum enim tendunt ad idem, vel penam vel rei persecutionem, concurrunt *elective*. l. 43. §. 1. de R. J. l. 56. §. 1. ff. de furt. in quantum vero ad diversa, *cumulative*.

TIT. II.

DE VI BONOR. RAPTOR.

I. **S**ecunda species delicti privati est *Rapina*. l. 1. §. 1. ff. de alcac. quæ est violenta rei alienæ ablatio, lucri faciundi gratia. pr. l. b. t. l. 1. ff. cod.

2. Cujus delicti nomine propriam actionem Prætor introduxit, quæ appellatur *Vi bonorum raptorum*. pr. l. b.

3. Ut scil. innotesceret, Prætores quoque curam agere reprimendæ temeritatis hoc genus hominum, arg. l. 3. §. 1. ff. naus. caup. stab. l. 15. §. 26. ff. de injur.

4. Quæ actio, etiam propter rem minimam, intra annum (est enim prætoriam pœnalis. l. 39. pr. ff. de O. & A.) est quadrupli, post annum simpli. pr. l. b. l. 2. §. 13. ff. cod.

5. Ita tamen ut quadruplum non totum pœna sit, sed & in quadruplo insit rei persecutio, pœna autem sit tripli, siue comprehendatur raptor in ipso delicto, siue non; Ridiculum enim esset levioris conditionis esse eum qui vi rapit, quam qui clam amovet. d. pr. in f. l. b. t.

6. Unde etiam pluribus actionibus raptor tenetur, *Furti* scil. manifesti (est enim fur improbus. pr. l. b.) & nec manifesti. l. 1. ff. b. t. l. 52. §. ult. l. 80. §. 3. l. 88. ff. de furt. Actione Legis Aquiliæ. l. 2. §. 10. & 26. ff. b. Interdicto unde vi. l. 9. C. und. Vi. Ut & *Lege Julia de Vi publica & privata*. l. 2. §. 1. ff. b. t.

7. Non tamen semper *Actio vi bonorum raptorum* datur in quadruplum: si enim Christianus aliquid eripit Judæo, pœna simpli est. l. 6. C. de pagan. & contra, si quis navicularios diripuerit, sola pœna quadrupli est. l. 5. C. de Navic. Quin & si quis in viis publicis grassatur, pœna capitalis locum habet. vid. l. 28. §. 10. ff. de pœn.

8. Ita autem competit actio vi bonorum raptorum, si dolo quis rapuerit; §. 1.

rit; Si quis enim eo animo rapuerit, quasi domino etiam liceat per vim rem suam auferre à possessoribus, absolvi debet, tam quoad hanc actionem, quam quoad actionem furti. §. 1. l. h. t. l. 2. §. 18. ff. h.

9. Sed ne dum talia excogitantur, inveniatur via, per quam raptores impune suam exerceant avaritiam, constitutum est, ut nemini liceat vi rapere vel rem mobilem vel se moventem, licet suam eandem rem existimet. Sed si quis contra statuta Principum fecerit, rei quidem sue dominio cadere, sui autem aliena rei sit, post restitutionem ejus etiam estimationem ejus prestare. d. §. 1. l. h. add. l. 13. ff. quod met. caus. Quod & ad invasiones prædiorum (quorum uti non furtum, ita neque rapina fieri potest) extensum est. d. §. 1. in f. l. 7. C. und. Vi.

10. Datur autem Actio Vi bonorum raptorum, ei cujus interest rem non esse raptam, sive in bonis, sive ex bonis ejus fuerit. Ex quibus enim causis furti actio competit in re clam facta, ex iisdem datur actio Vi bonorum raptorum. §. 2. l. h. t. l. 2. §. 22. §. 23. ff. h. t.

II. Contra heredes tamen non datur, ne quidem quatenus ad eos pervenit, quia sufficit contra eos conditio furtiva. l. 2. §. ult. ff. eod.

TIT. III.

DE LEGE AQUILIA:

I. Tertium delictum est *Damnum* (quod in genere omnem diminutionem significat. l. 3. ff. de damn. inf.) *injuria datum*, seu *Lesio rei alienæ sine lucro damnum dantis, dolo malo, facta*.

2. Nisi enim dolo malo damnum datum sit, delictum dici nequit.

3. Sane etiam propter culpam & quidem levissimam, uti statim dicitur, damnum danti conveniri potest, verum id non delicto sed æquitati ascribendum est.

4. Vindicatur autem damnum injuria datum, *Lege Aquilia*.

5. Quæ nomen habet ab Aquilio Tribuno Pl. & propterea *Plebiscitum* est. l. 1. §. 1. ff. h. t.

6. Quia tamen Plebiscita vim legis acceperunt. §. 4. de l. N. G. & C. v. supr. ad. t. d. l. N. G. & C. §. 28. etiam *Lex* vocari potest.

7. Cujus Legis tria fuerint capita: Et quidem *Primo capite* tantum est, *Ut si quis alienum hominem, alienamve quadrupedem, quæ peculum numero sit, injuria occiderit, quanti ea res eo anno plurimi fuerit, tantum domino dare damnetur.* pr. l. h. t. 2. pr. ff. eod.

8. Causa:

8. Cautum est hoc capite de alieno homine i. e. servo (qui his comparatur pecudibus. *l. 2. §. 2. ff. b. t.*) occiso; Non de libero, Liberi enim corporis non est estimatio; Ut de libero homine dolo occiso agendum sit ex L. Cornelia de Sicariis. *l. 1. §. 3. ff. ad L. Corn. de Sic.*

9. Nec non de aliena quadrupede occisa que pecudum numero sit, i. e. quæ gregatim pascitur. *§. 1. l. b. l. 2. §. 2. ff. eod. quarum numero & suis contineri receptum est. d. §. 1. d. l. 2. §. 2.* §. 1.

10. Ut autem agi ex Lege Aquilia possit, requiritur ut servus, vel animal quod pecudum numero est, injuria i. e. nullo jure, occisum sit, sive id dolo malo fiat sive culpa etiam levissima. *l. 5. §. 2. l. 44. ff. b. §. 2. l. b. t.* §. 2.

11. Si quis enim servum alienum jure permittente occiderit, non tenetur: Puta si quis Latronem aliumve vium inferentem interfecerit. *d. §. 2. l. b. Vim enim vi repellere omnes leges omniaque jura permittunt. l. 3. ff. de l. c. l. 1. l. 4. l. 5. l. 45. §. 4. ff. b. t.*

12. Dummodo inculpatæ tutelæ moderatio servata sit, *l. 1. c. und. Vi.*

13. Qua ut usus quis dici possit, necesse est 1. Ut ab altero vis injusta illata sit, 11. Ut alter sui tuendi, non ulciscendi causa, vim inferentem interfecerit. *d. l. 3. l. 4. l. 5. l. 45. §. 4. ff. b. t.*

14. Adeo ut Duella sponte suscepta nulla ratione defendi possint,

15. Similiter si quis casu occiderit, Lege Aquilia non tenetur. *§. 3. l. b.* §. 3.

16. Culpa autem intercedit, si e. gr. non miles, vel miles quidem sed in loco insolito jaculis sese exercendo aliquem trajecerit. *§. 4. b. l. 9. §. ult. ff. b. t.* Si putator ad viam publicam ramum ex arbore, non proclamans, dejecerit, & transeuntem occiderit. *§. 5. l. b. l. 31. ff. eod.* Si Medicus qui servum secuerit, curationem ejus dereliquerit. *§. 6. l. b. l. 8. ff. eod.* Vel per imperitiam male eum secuerit, aut perperam medicamenta dederit. *§. 7. l. b. l. 7. in f. l. 8. ff. eod.* §. 4. & 6. 7.

17. Licet enim imperitia per se culpa non sit, est tamen culpa in eo qui peritiam & artem proficitur. *l. 9. §. pen. l. 13. §. 1. l. 27. §. 29. ff. b. t.* ita accip. *l. 122 ff. de R. J.*

18. Quin & culpa licet levissima committitur, si impetu mularum vel equorum, dum mulio vel is qui equo vehitur, eos retinere nequit, aliquis obtritus sit. *§. 8. l. b.* Si modo alius firmior retinere potuisset. *d. §. 8. l. 8. §. 1. ff. b. t.* Nemo enim temere affectare debet, in quo vel intel- §. 2.

ligit, vel intelligere debet, infirmitatem suam alii periculosam futuram. *d. l. 8. §. 1.*

§. 9. 19. Cautum autem hoc capite primo, ut tanti teneatur occidens, quanti ea res retro in eo anno (repetitis scil. ex die cædis 365. diebus) aliquando fuerit plurimi. *§. 9. l. b. l. 21. §. 1. l. 23. §. 3. ff. b. t.*

20. Qua ratione creditum est pro parte pœnalem esse hujus legis actionem; Unde nec in heredem (in quantum scil. pœnalis est) transit. *d. §. 9. l. b.* Nisi lis cum defuncto contestata sit. *§. 1. l. de perp. & temp. act.*

§. 10. 21. Neque solum perempti corporis ratio habetur, sed & omnis ejus damni, quod occasione pereempti corporis datum est. Veluti si servum tuum heredem institutum ante quis occiderit, quam is jussu tuo hereditatem adierit, nam hereditatis quoque amissa rationem habendam constat. *§. 10. l. b. ubi & alia exempla. add. l. 21. §. ult. l. seqq. ff. b. t.*

§. 11. 22. Plane si quis dolo alienum servum occiderit, capitalis etiam criminis reus est, & ex l. Corn. de Sicariis conveniri potest. *§. 11. b.* Lex enim Cornelia non distinguit, quis homo occisus sit? *l. 1. §. 2. ff. ad L. Corn. de Sicar.* dummodo dolo (non etiam culpa, licet lata) id factum sit. *l. 23. §. 9. ff. b. t. l. 7. ff. ad L. Corn. de Sicar.*

§. 12. 23. Caput secundum Legis Aquiliz abiit in defuetudinem, *l. 27. §. 4. ff. b. §. 12. l. b. t.*

24. Quo quid cautum sit, non constat.

25. Probabilis tamen conjectura est, de servo corrupto eo capite actum fuisse.

§. 13. 26. Capite tertio de omni cætero damno præter hominem & pecu-
14. 15. dem occisos, cautum est. Ut si quis alienum servum pecudemve vulnerando vel aliud animal occidendo, alianve rem rumpendo i. e. quovis modo corrumpendo. v. *l. 27. §. 13. & seqq. ff. b. t.* alteri damnum fecerit, tanti teneatur, quanti ea res retro 30. diebus proximis fuit plurimi. *l. 27. §. 5. ff. b. t. §. 13. 14. 15. l. b.*

27. Quod si liber homo vulneratus sit, non quidem directa, sed utilis L. Aquiliz actio (quam & pater nomine filii habet. *l. 7. ff. b. t.*) conceditur. *l. 13. ff. b. t.* in quam operarum cessantium & impendiorum æstimatio venit.

28. Cicatricum autem & deformitatis jure nostro non habetur ratio. *l. ult. ff. de his qui dejec.*

§. ult. 29. Datur autem ex Lege Aquilia Actio Directa, Utilis, & In fa-
muli. *§. ult. l. b.*

30. *Directa est, quæ ex Verbis Legis datur*, cum quis corpore & corpori damnum dederit. *d. §. ult. l. 51. ff. h. t.*

31. *Utilis hic est, quæ non ex verbis sed ex mente legislatoris datur*, cum quidem corpori, non tamen corpore damnum datum est, vel alia ratione directa locum habere nequit. *d. §. ult. l. 7. l. 11. §. 8. l. 13. ff. h. t.*

32. *Actio in factum est, quæ ubi neque directa neque utilis locum habet, ex æquitate datur*, cum neque corpore damnum datum, neque corpus læsum est, sed alio modo alicui damnum datum est. *d. §. ult. l. 33. §. 1. l. 49. ff. h. t.*

33. *Concurrit aliquando Actio ex Lege Aquilia, cum iudicio Legis Cruelialis*, uti §. 22. dictum est, cum actione furti. *l. 5. §. 2. ff. h. t.* nec non *injuriarum*. *l. 34. pr. ff. de O. & A.* non tamen ita ut omnibus simul agi possit, uti infra suo loco dicetur.

TIT. IV.

DE INJURIIS.

1. *Injuria variis modis accipitur. pr. l. h. l. 1. ff. cod.*

2. *Hic autem Injuria est omne dictum factumve, ad alterius contentum, dolo malo directum. l. 3. §. 1. ff. h. t.*

3. *Unde sine animo injuriam inferendi (qui tamen ex ipso facto sæpe colligitur. l. 5. C. h. t.) & proinde neque per jocum. l. 3. §. 3. ff. h. t. neque per eum qui doli capax non est. l. 3. §. 1. ff. cod. injuria non committitur.*

4. *Injuria duplex est, Realis vel Verbalis. §. 1. l. h. l. 1. §. 1. ff. h. t.*

5. *Realis est cum manus inferuntur. d. l. 1. §. 1. d. §. 1. l. vel tale factum committitur quod ad alterius contentum pertinet, puta si alicujus bona quasi debitoris, qui nihil deberet, possessa fuerint ab eo, qui intelligebat eum nihil sibi debere; si quis matrem fam. aut prætextatum prætextatamve affectatus fuerit, vel alicujus pudicitiam attentaverit. d. §. 1. l. h. l. 9. in f. l. seqq. l. 15. §. 15. & multis seqq. ff. h. t. add. l. 13. §. 2. l. 20. §. 15. §. 17. ff. cod.*

6. *Verbalis iterum duplex est, committitur enim verbis vel ore, vel scripto prolatis.*

7. *Prioris generis injuria verbalis vocatur convicium. d. l. 1. §. 1. d. §. 1. l. h. quasi convicium a vocum collatione. l. 15. §. 4. ff. h. t.*

8. Ex quo quis adeo injuriarum reus est, ut conviciantem r. neque convicii veritas. arg. l. 5. C. b. nisi id scire publice interfuit. l. 18. ff. b. t.

II. Neque protestatio factio contraria.

III. Neque recriminatio iisdem verbis facta, excuset.

9. Posterioris generis injuria verbalis est *Libellus famosus*. v. l. un. C. de famos. libel. Cum quis scil. ad infamiam alicujus libellum aut carmen, aut historiam, scripserit, composuerit, ediderit dolove malo fecerit quod eorum fieret. §. 1. l. b. Qui *Pasquillus* vulgo dicitur, à trunco *Pasquini* in foro Romano, cui affigi solet.

§. 9. 10. II. Injuria alia simplex est, alia atrox. §. 9. l. b. t. l. 7. §. 7. ff. b. t.

II. Injuria atrox æstimatur r. ex ipso facto, veluti si quis ab alio vulneratus sit vel fustibus cæsus, quæ & atrocior sit si in oculo v. gr. quis vulneratus sit. §. 9. l. l. 8. ff. b.

II. Ex loco quo injuria illata est, veluti si cui in Theatro vel foro vel in conspectu Prætoris injuria illata sit.

III. Ex persona, veluti si magistratus injuriam sit passus, vel si Senatori vel digniori ab humiliori persona injuria facta sit. d. §. 9. l. b. t. d. l. 7. §. ult. ff. b. t.

§. 7. 12. Pœna injuriarum ex L. XII. Tabb. propter membrum quidem ruptum aliamve graviorem injuriam vel talio erat, vel major pecuniaria; propter leviozem autem, pœna 25. assium constituta erat. §. 7. l. b. A. Gell. L. 20. c. 1. Collat. Leg. Mos. & Rom. tit. 2.

13. Sed ea in defuetudinem abiit. d. §. 7. occasionem maxime dante L. Neratio homine insigniter improbo, qui 25. assibus datis pro oblectamento habebat os liberi hominis depalmarè. Gell. d. L. 20. c. 1.

14. Postea Prætores injuriam passis permiserunt æstimare injuriam, eaque æstimatio in judiciis frequentata est. d. §. 7. l. b. l. 15. §. 44. ff. b. t.

§. 2. 15. Quin & Lege Cornelia tribus casibus, cum quis *Pulsatus* vel *Verberatus*. v. l. 5. §. 1. ff. b. t. vel *domus alicujus vi introita est*, criminale judicium constitutum est. §. 8. l. b. Licet & deinceps receptum sit, ut ex iis causis agi etiam posset civiliter. l. 37. §. 1. ff. eod.

16. Datur itaque propter injuriam illatam 1. Actio injuriarum Prætoris æstinatoria: Quæ datur injuriam passo, omnique ad quem injuria pertinet, contra injuriam inferentem, ad id quanti injuriam æstimaverit. d. §. 7.

17. Datur hæc actio non tantum injuriam passo, sed & aliis ad quos injuria pertinet.

18. Injuriam enim quis patitur non solum per semet ipsum, sed & per liberos suos quos in potestate habet, item per uxorem suam, id enim magis pravaluit. §. 2. l. b. t. l. 1. §. ult. ff. cod.

19. Adeo ut propter injuriam uxori illatam, 4. personæ actionem habere possint, ipsa uxor scil. Pater ejus, Maritus & Socer. d. §. 2. l. 1. §. ult.

20. Si modo injuriam inferens sciverit injuriam personam esse filiumfam. vel uxorem. l. 18. §. 4. ff. b. t.

21. Sic Domino per servum injuria fieri videtur, dummodo ea atrocior sit, vel levior aperte ad contumeliam domini respiciat. §. 3. l. b. l. 15. §. 34. 35. ff. cod.

22. Quod si citra contemplationem Domini servo gravior injuria facta sit, non quidem domino neque servo actio datur, Prætor tamen injuriam insultam non relinquit. d. l. 15. §. 34. ff. b. t.

23. Si servo communi injuria facta sit, æquum est non tantum pro ea parte qua dominus quisque est, estimationem injurie fieri, sed etiam ex dominorum persona, quia ipsi sit injuria. §. 4. l. b. t. l. 15. §. ult. ff. b. Sic. acc. l. 16. ff. cod.

24. Quod si usufructus in servo Titii, proprietatem Mævii sit, magis Mævio injuria fieri intelligitur. §. 5. l. b. t. nisi aperte in contumeliam Titii vulneratus sit. l. 15. §. antep. & ult. ff. b. t.

25. Sed & si libero homini qui tibi bona fide servit, injuria facta sit, nulla tibi actio dabitur, sed suo nomine experiri poterit, nisi in contumeliam tuam pulsatus sit. l. 15. §. antep. & ult. ff. b.

26. Idem & in servo alieno bona fide tibi serviente juris est. d. §. 6.

27. Datur autem hæc actio contra eum qui injuriam intulit, sive ipse fecerit sive per alium fieri curaverit; quo casu contra utrunque actio institui potest §. 11. l. b. l. 11. pr. & §. 3. ff. b. t.

28. Datur ad id, ut Reus tanti condemnatur quanti Actor injuriam (pro ut ea atrocior vel levior est) aestimaverit; salva tamen moderatione judicis. §. 7. & 11. l. b. t.

29. 11. Datur propter injurias reales tribus casibus Actio Civilis ex L. Cornelia. §. 8. l. b. l. 5. ff. cod. v. §. 15.

30. 111. Accusatio criminalis extraordinaria. §. 10. l. b. Queniammodum & in facto aliisque delictis privatis. l. ult. ff. de furt. l. ult. ff. de delict. priv.

32. Quæ in specie propter Libellum famosum jure novo (si quidem crimen capitale in eo alteri obiectum sit) ad pernam tendit Capitalem. l.

un. C. de fam. lib. & non tantum contra auctorem, sed eum qui iuventum propalavit, locum habet.

32. Tendit etiam ad pœnam capitalem, propter injuriam cultui lo-
cisque sacris, aut sacerdotibus ministrisque, in cultu & loco sacro illatam.
l. 10. C. de Ep. & Cler.

33. Propter injuriam Scholaribus i. e. Studiosis, & docentibus &
discentibus. *v. l. 1. ff. de off. Ass. l. 4. ff. de extr. cogn. l. 9. §. 1. ff. de pen. l. 2. §. 45. ff. de O. I.* illatam, ad pœnam infamiz, dignitatisque privati-
onem. *Auth. habita C. ne fil. pro pat.*

34. Plane dictis actionibus simul agi nequit; Una enim electa reli-
quæ consumuntur, quia omnes ad vindictam tendunt. *l. 6. l. 7. §. 1. ff. l. 1. un. C. quand. Civ. Act. crim. praj.*

35. Sed multum interest, An *Civiliter* agatur, an *Criminaliter*,

36. Si enim *Civiliter* agatur, quilibet agere & actionem suscipere,
per se & procuratorem potest. *l. 11. §. 2. ff. h. t. sin Criminaliter*, Procu-
rator intercedere nequit, propter inscriptionem in crimen. *l. ult. ff. de furt.*

37. Excipiuntur Illustres & super illustres, qui actionem injuriarum
etiam criminaliter per procuratores, & persequi & suscipere possunt. *d. l. ult. d. §. 10. l. h.*

38. Moribus introducta etiam est *Actio ad palinodiam* seu recantatio-
nem (sub qua & *deprecatoria* comprehenditur) qua agitur ut inju-
ria *Verbalis*, seu emensita verbis revocetur.

39. Quæ civilis est non criminalis & cum æstimatoria cumulari
potest.

40. Receptum etiam est *Jus Retorsionis*, quo quis injuriam *Verba-
lem* in continenti in injuriantem retorquendo, illam à se amolitur. Quod
maxime commodum est, quia per hoc & tempori & sumtibus par-
citur.

41. Si tamen eo quis usus sit, actionem injuriarum amplius institu-
ere nequit.

§. 12.

42. Cessat autem Actio injuriarum variis casibus. Locum enim non
habet, 1. propter *Remissionem*, sive expressam cum pactum de injuria in-
tercessit. *l. 17. §. 1. ff. de pact. l. 17. §. 1. l. 11. §. 1. ff. h. t. sive tacitam*
cum quis injuriam passus, ad animum eam non revocavit, i. e. sine ullo
offensæ vel commoti animi iudicio, injuriam excepit. *§. ult. l. h. l. 11. §. 1. ff. cod.* Vel postea cum injuriante sponte familiariter conversatus sit.

43. 11. Extinguitur morte & injuriam inferentis, & injuriam passi,
quia

quia vindictam continet. §. 1. l. de perp. & temp. act. nisi cum defuncto his contestata sit. d. §. 1.

44. 111. Tollitur lapsu anni. l. 17. §. 6. in f. ff. b. l. §. C. cod. Utiles quidem ratione principii. l. 14. §. 2. ff. quod mod. c. continui vero ratione decursus.

45. Quod tamen ad actionem civilem ex L. Cornelia, quæ perpetua est i. e. ad xxx. annos durat. pr. l. de perp. & temp. act. non pertinet.

46. Uti neque ad accusationem criminalem, quæ non nisi xx. annis finitur. l. 12. C. de fals.

TIT. V.

DE OBLIGAT. QUÆ QUAS. EX DELICTO. NASC.

1. Sequitur de Obligationibus quæ quasi ex delicto nascuntur.

2. Est autem Quasi delictum Factum quod quidem proprie delictum non est, sed propter culpam tamen delicto est proximum. Cujus hoc tit. iv. memorantur species.

3. 1. Quasi delictum est, si iudex per imperitiam, siue imprudentiam male judicaverit. pr. l. b. 1.

4. Male enim iudicando litem suam facit i. e. periculo litis se obstringit causamque ejus secundum quem pronunciavit, suscipere cogitur, & quasi suam defendere. d. pr. l. b. 1.

5. Quod si non per imprudentiam, sed dolo malo male judicaverit, ex vero delicto obligatur. l. 15. §. 1. ff. de jud. similque & famæ dispendio, & vera litis æstimatione punitur. d. l. 15. §. 1. ult. C. de pen. jud. mal. jud.

6. 11. Si ex aedibus alicujus vel cenaculo dejectum aliquid vel effusum sit in viam publicam, ita ut alicui noceat. §. 1. l. b. t. l. 5. §. 5. ff. de O. & A. l. 1. pr. ff. de his qui dejec.

7. Quo casu actio datur ei cui nocitum est, contra inhabitantem, si-ve ipse siue alius ex iis qui cum eo sunt, dejecerint; culpam enim eorum præstare debet. l. pen. §. 2. ff. b. t. §. 1. l. b.

8. Nam publice interest sine metu & periculo per itinera commeari. l. 1. §. 1. ff. de his qui eff. vel dejec.

9. Et quidem si damnum datum est æstimabile, datur actio in duplum. Si vero liber homo occisus sit ad pœnam 50. aureorum, eoque casu popularis est. l. 5. §. 5. ff. de his qui eff. vel deej. Sin vulneratus, in id quantum ob eam rem iudici æquum videbitur. d. §. 1.

10. *Judex enim computare debet mercedes Medicis præstatis, ceteraque impendia quæ in vulnerationem facta sunt, præterea operas quibus carute vel cariturus est, ob id quod inutilis factus est. d. §. 1. l. b. Cicatri- cum autem vel deformitatis, cum liberum corpus ælimationem non reci- pit, nulla habetur ratio. l. ult. ff. de his qui dej.*

11. III. *Si quis ea parte qua vulgo iter fieri solet, id positum aut sus- pensum habet, quod potest si ceciderit alicui nocere. d. §. 1. l. b. l. 5. §. 5. ff. de O. & A. l. 5. §. 5. ff. de his qui eff. vel dej.*

12. *Quo casu actio in factum conceditur cuivis à populo, ad- versus eum qui positum habet, ad prænam x. aureorum. d. §. 1. d. l. 5. §. 6. & ult.*

13. *Quod si tamen inhabitans ipse non dejecerit, sed hospes aliusve, consultum ipsi est contra dejicientem, vel ponentem, actione in factum ad repetendum quod ejus rei nomine præstare debuit. l. 5. ff. §. 4. de his qui eff. vel dejec.*

§. 2.

14. *Si filius familiaris seorsum a patre habitavit, & quid ex cænacu- lo ejus dejectum effusumve fuerit, sive quid positum suspensumve habuerit cu- jus casus periculosus est, cum filio agendum est; contra patrem autem nulla est actio, ne quidem de peculio. §. 2. l. b. l. 5. §. pen. ff. de O. & A.*

15. *Actio enim de peculio contra patrem, non nisi ex contractu vel quasi contractu conceditur. l. 1. §. 7. ff. de his qui eff. vel dej. l. 58. ff. de R. J.*

§. 3.

16. IV. *Si in navi, caupona vel stabulo, per eos quorum opera u- titur exercitor, furtum vel damnum factum sit. §. 3. l. b. l. 5. §. ult. ff. de O. & A.*

17. *Licet enim exercitor hic nihil deliquerit, quia tamen culpa est malorum hominum opera uti, datur hoc casu contra exercitorem, non etiam heredem. l. ult. §. ult. ff. naut. caup. quasi ex malificio actio in du- plum. §. ult. l. b. l. ult. §. 1. ff. d. t.*

18. *Quod si per vectores vel viatores, quorum opera exercitor non utitur, factum sit, hæc actio non conceditur. l. ult. §. 2. ff. eod. sed tunc Actio de Recepto locum habet, quæ ex contractu est in duplum. l. 1. §. ult. l. 2. l. 3. §. 1. ff. Naut. caup. stab.*

19. *Nisi exercitor Navis, cauponæ vel stabuli, de custodia non præ- standi protestatus sit, & viatores non contradixerint. l. ult. pr. ff. d. t.*

TIT. VI.

DE ACTIONIBUS.

I. **A**ctum adhuc est de *Personis & de Rebus*, superest ut de *Actionibus* loquamur. *pr. l. h. t.*

2. *Actio* (quæ ab *agendo* i. e. tractando dicta est) varie accipitur,

1. *Lasissime*, pro omni *persecutione judiciali*, ut non solum actionem *Civilem*, sed & *Criminalem*, quæ proprie *Accusatio* dicitur, continet. *Rubr. C. quand. Civ. act. Crim. praj. l. 4. C. de Edend.*

11. *Late*, pro omni *actione Civili*, sive ea *ordinaria* sit sive *extraordinaria*. *l. 37. ff. de O. & A.*

111. *Stricte*, pro *Actione in rem & in personam*. *l. 25. ff. de O. & A. Ut interdicta*, *prajudicia*, non continent. *l. 35. §. 2. l. 39. ff. de procurat.*

1V. *Stricissime*, pro sola *actione in personam*. *l. 28. ff. de O. & A.*

3. *Actio* in lata significatione hic videtur posita, & nihil est aliud, quam *Jus persequendi in judicio quod sibi debetur*. *pr. l. h. l. 51. ff. h. t.*

4. *Actio* est *Jus* i. e. *remedium jure concessum*. *l. 7. §. 1. ff. de int. res.* Consideratur enim hic *Actio* ut *Via & medium*, per quod ad id quod nostrum est, aut nobis debetur, pervenitur: Non tanquam *Jus* quod est in *Patrimonio*, & ad secundum *Juris* objectum pertinet. *l. 49. ff. de V. S.*

5. *Persequendi* i. e. *quovis modo petendi*: Latius enim hæc vocula hic accipienda, neque ad *persecutiones extraordinarias*. *v. l. 178. §. 2. de V. S. restringenda est.*

6. *In judicio* i. e. *apud Magistratum seu judicem competentem*. Nemo enim sibi ipsi *Jus* dicere debet; aut propria autoritate quod sibi deberi putat, occupare. *l. 13. ff. quod. met. c. l. 1. §. 2. ff. quod. Legat. Ne tumultus excitetur in Rep.*

7. *Judex Competens* est idem qui congruus, coram quo *Reus* conveniri potest: *Actor* enim sequitur *forum Rei*. *l. 2. l. 5. C. de jurid. omni. jud. l. ult. C. ubi in rem act.*

8. *Sortitur vero forum Reus* vel ex *jure communi*, vel *privilegio*.

9. Ex *jure communi* 1. *Ratione domicilii*. *l. 19. §. ff. de jud. l. 2. C. de jurid.*

11. *Contractus*. *c. f. x. de for. comp.*

III. Delicti. l. 7. §. 4. l. f. ff. de accus. l. 11. C. de cust. recor. t. 2. C. ubi de crimin.

IV. Rei sitz. l. 38. ff. de judic. l. f. C. ubi in rem act.

V. Continentiæ causæ. l. 10. C. de jud. &

VI. Ratione prorogatz jurisdictionis. l. 18. ff. de jurid.

10. Ex privilegio quod Rei seu causæ, vel personæ tum Actoris tum Rei concessum est.

11. Quod sibi (Accusatio itaque criminalis huc non pertinet) debetur, i. e. quod alter quovis modo præstare tenetur. Neque enim tantum hoc ad *Actionem in personam* pertinet, qua proprie persequimur id quod nobis debetur, sed & *Actionem in rem*, Verbumque debetur hic late accipiendum est. l. 178. §. ult. ff. de V. S.

§. 1. 15.

12. Omnium autem actionum quibus inter aliquos apud iudices arbitrosve de quacunque re quaritur, summa divisio in duo genera deducitur; aut enim in rem sunt quæ alio nomine dicuntur *Vindicationes*. §. 15. l. b. aut in personam quæ vocantur etiam *Condiçiones*. d. §. 15. §. 1. l. b. l. 25. ff. eod.

13. *Actio in Personam* est, qua cum eo agimus, qui obligatus est nobis ad faciendum aliquid; dandum, vel restituendum. l. 25. ff. b. t. quæ ex obligatione oritur, & semper adversus eundem obligatum scil. locum habet.

14. *Actio in Rem* est, quæ oritur ex jure in re, daturque contra omnem rei possessorem. d. l. 25. ff. b. t.

15. Tertium genus *Actionem Mixtarum* scil. quæ ratione originis & in rem sint & in personam, i. e. tam ex jure in re quam ex jure ad rem oriuntur, non agnoscimus.

16. Nullæ enim sunt Actiones quæ vel ad *Actiones in Rem*, vel ad *Actiones in Personam* satis commode referri nequeant.

17. Actiones siquidem *Finium regundorum*, *Familie erciscundæ*, *Communis dividundo*, & *Petitio hereditatis*, quas multi *Quadrigras mixtarum actionum* appellant, vel in rem sunt, vel in personam tantum.

18. Et quidem tres priores *Finium regundorum*, *Familie erciscundæ*, & *Communis dividundo*, actiones in personam esse manifestum est, ex l. 1. ff. fin. reg. l. 1. §. 1. C. de Ann. exc.

19. Oriuntur enim ex obligatione, quæ quasi ex contractu descendit. §. 3. 4. l. de Obl. quæ quasi ex contr.

20. Licet Actio *Finium regundorum* non tantum ex fortuita finium confusione. l. 4. §. 1. l. 8. ff. fin. reg. Sed etiam ex delicto nonnunquam, (si scil. termini dolo malo dejecti vel exarati sint. l. 4. §. 4. ff. fin. reg.) nascatur.

21. *Petitio hereditatis* autem, *Actio in rem* est. l. 27. §. 3. ff. de R. V. l. 28. ff. h. t. Quia oritur ex jure hereditatis, quod jus est in re. l. 9. l. 19. pr. ff. de hered. pet. l. 1. §. f. ff. si quadr. paup. sec. dic. l. 6. ff. de relig.

22. *Mixta* tamen dictæ actiones vocari possunt, ratione subjectæ materiz, eo quod partim de rebus partim de præstationibus personalibus exercentur. l. 25. §. 18. ff. de hered. pet. l. 22. §. 4. ff. sum. onosc. Eoque sensu *mixta in rem* & *in personam* vocantur in §. 20. l. h. & *petitio hereditatis mixta personalis* in l. 7. C. de pet. her. dicitur. §. 20.

23. Sunt autem Actiones *in rem* & *in personam*, *Civiles*, vel *Prætoriz*. §. 3. l. h. §. 3.

24. *Civiles*, quæ ex civilibus & legitimis causis descendunt; *Prætoriz*, quas Prætor ex sua jurisdictione comparatas habet. d. §. 3.

25. Actionum *in rem* civilium Imp. tres hic memorat species, *Res vindicationem* quæ ex dominio nascitur & soli domino conceditur. d. §. 1. l. h. l. 23. pr. ff. de R. V. *Actionem confessoriam* & *Negatoriam* quæ dantur de servitutibus. §. 2. l. h. t. t. ff. si serv. vind. vel ad al. pert. neg.

26. *Actio Confessoria* est *Actio in rem*, quæ quis servitutem sive realem sive personalem, sibi competere contendit. l. 2. ff. si serv. vind. §. 1.

27. *Negatoria* est *actio in rem*, quæ quis servitutem deberi negat. d. l. 2. ff. si serv. vind.

28. In quibus tamen magis intentio agentium, quam verba orationis consideranda sunt.

29. Quod genus *Actionis*, negativæ scil. in controversiis rerum corporalium proditum non est; Nam in his agit qui non possidet, Et vero qui possidet, non est *Actio* prodita, per quam neget rem *Actoris* esse. d. §. 2. l. h.

30. Sane hoc uno casu. (sic leg. videtur) quo scil. de servitutibus agitur, Aa 2

tur, qui possidet, nihilominus is actoris partes obtinet; sicuti in latoribus Dig. libris opportunius apparebit. d. §. 2. in fin.

31. *Actiones Prætorie in rem sunt Publiciana, Reſcissoria, Serviana & Quasi Serviana.*

§. 4.

32. *Actio Publiciana, (quæ à Publicio Prætoris nomen habet) est Actio Prætorie in rem, ex dominio Prætorio descendens, qua is, qui rem alienam, à non domino, ex justa causa, & bona fide accepit, ejusque possessionem, priusquam eam usucepit, casu amisit, agit contra possessorem qui deteriore jure possidet, ut rem quasi usucaptam restituat. §. 4. l. b. l. i. pr. ff. de Publician.*

33. *Actio directa i. e. jure civili prodita, hoc casu non datur. §. 4. quia jure civili actio in rem non datur nisi vero rei domino. l. 23. pr. ff. de R. V.*

34. *Cum autem durum esset eo casu actionem desicere, inventa est à Prætoris Actio, in qua dicit is qui possessionem amisit, eam rem se usucepisse, quam usu non cepit, & ita vindicat suam esse. d. §. 4.*

35. *Datur hæc Actio ei tantum qui rem alienam accepit à non domino, bona fide & ex justa causa, & adeo in causa est usucapiendi. d. §. 4. l. i. pr. §. 4. & seqq. l. 12. §. 4. ff. de Publ. in rem act.*

36. *Non etiam contra omnem possessorem conceditur, sed contra eum tantum, qui deteriore jure possidet. Unde contra verum rei dominum locum non habet. l. pen. & ult. ff. de Publ. in rem act. add. l. 9. §. 4. ff. cod.*

§. 5.

37. *Actio Reſcissoria v. l. 28. §. pen. & ult. ff. ex q. caus. maj. l. 24. C. de R. V. (sic dicta quia per eam rescinditur quod jure civili ratum est. l. 35. in f. pr. ff. de O. & A.) est Actio Prætorie in rem, similiter ex dominio Prætorio descendens, qua Præsens cujus res, per absentem ex quacunque causa. l. 21. §. 1. ff. ex quib. e. maj., est usucapta, vel Absens propter causam necessariam vel justam. l. 1. §. 1. l. 3. & seqq. l. 36. §. pen. & ult. & 2. seqq. ff. cod. cujus res usucapta est, per presentem, (intra annum §. 5. l. b. jure novo intra quadriennium. l. f. C. de temp. in int. vest.) agit contra eum qui usucepit, ut rem usucaptam, quasi ea usucapta non esset, sed in dominio permanisset, restituat.*

38. *Quam actionem Prætor introduxit, ne absentia alterius alteri noceret,*

est, vel absens propter justam causam damnus patitur. l. 21. pr. ff. ex q. caus. maj.

39. Eamque non sustulit Imp. per remedium, presenti contra absentem, concessum, in l. 2. C. de annal. exc.

40. *Actio Serviana*, (à Servio Prætoris sic dicta) est *actio Prætoris in rem* v. l. 17. ff. de pign. l. 18. C. cod. ex jure pignoris descendens, quia quis experitur de rebus colonis quæ pignoris jure, sive expresse, sive tacite, veluti fructus in prædio rustico. l. 7. pr. ff. in quib. caus. pign. tac. cont. (non etiam invecsta & illata, quæ tacite pignori tantum obligantur in prædio Urbano. l. 4. ff. cod.) pro mercedibus fundi ei tenentur. §. 7. l. b. Daturque contra omnem pignoris possessorem. l. 16. §. 3. ff. de pign.

41. *Quasi Serviana seu Hypothecaria est*, quæ reliqui omnes creditorum pignora hypothecarum persequuntur. d. §. l. h.

42. Inter pignus enim & hypothecam (quantum ad actionem Hypothecariam attinet) nihil interest. d. §. 7. Sed loci tantum diversitas intercedit. l. 5. §. 1. ff. de pign.

43. Licet in aliis sit differentia. Nam pignoris appellatione proprie rem contineri dicimus, quæ simul etiam traditur creditori, maxime si mobilis sit. At eam quæ sine traditione nuda conventionione tenetur, proprie hypotheca appellatione contineri dicimus. d. §. 7. in f. l. 9. §. 2. ff. de pign. act.

44. Ut erronea adeo sit sententia docentium, pignus esse in re mobili, hypothecam in re immobili; Non obli. l. 238. §. 2. ff. de V. S. Qui §. 2. ex d. §. 7. l. b. explicandus est.

45. *Actiones Prætoris in personam, vel perfectiores*, hic memorantur, *Pauliana*, de constituta pecunia, de peculio in factum ex jurejurando. §. 8. l. b. s.

46. *Actio Pauliana*, est *Actio Prætoris in personam* l. 38. pr. & §. 4. ff. de usur. (oritur enim ex maleficio) quæ creditores missi in possessionem debitoris. l. pen. C. de revoc. his quæ in fraud. cred. res à debitore in fraudem creditorum alienatas. v. l. 10. §. 1. l. 15. ff. quæ in fraud. cred. à possessoribus fraudis confecti. l. 1. l. 6. §. 8. ff. cod. d. l. pen. C. cod. Vel ex causa iurativa res alienatas tenentibus. l. 6. §. 11. d. l. pen. C. (intra annum l. 1. pr. ff. quæ in fraud. cred.) repetunt, ut rescissa traditione, creditoribus restituantur, quæsi tradita non essent. §. 6. l. b. l. 1. pr. ff. quæ in fraud. cred.

§. 9. 47. *Actio de Constituta pecunia est Prætoria personalis, qua si qui nudo pacto constituit se soluturum, quod ipse vel alius debet, convenitur, ut solvat constitutum. §. 9. l. 1. b. l. 1. pr. ff. de const. pec.*

48. Inter quam actionem, & *Receptitiam* olim quædam erant differentiz, §. 8. l. 1. b. l. 2. C. de const. pec. Sed *Receptitia* deinde abrogata, & si quid plenius in ea esset, id in actionem pecuniæ constitutz transfusum est. d. l. 2. d. §. 8.

49. Ut si modo debitum præcesserit, l. 1. §. 1. & seqq. ff. de pec. const. locum habeat hæc actio, siue ipse constituens debeat siue alius, l. 5. §. 2. ff. eod. l. 2. C. eod. siue naturale debitum sit, siue civile. l. 1. §. 6. 7. ff. eod.

50. Datur autem actio hæc Prætoria si quis constituerit nudo pacto; Nam aliqui si quis stipulanti promiserit, jure civili tenetur. d. §. 9. l. 1. b.

§. 10. 51. *Actio de Peculio est Prætoria personalis adjectitia, quæ ex contractu (non etiam maleficio l. 58. ff. de R. J.) filii vel servi, datur contra patrem vel dominum peculio tenus. §. 10. l. 1. b. deductio prius quod patri vel domino debetur, l. 9. §. 2. 3. ff. de pecul.*

52. Licet enim ex contractu filiorum servorumve ipso jure non tenentur. l. 8. ff. de res. ven. l. 1. §. 5. ult. ff. de acc. æquum tamen est peculio tenus eos condemnari. d. §. 10.

§. 11. 53. *Actio in factum ex Jurejurando est Prætoria personalis adjectitia, quæ datur ei qui adversario deferente, siue in judicio, siue extra judicium. l. 34. §. 7. l. 17. pr. ff. de jurej. juravit sibi deberi, adversus deferentem, ad solvendum id, de quo juratum est. §. 11. l. 1. b.*

54. Quo jurejurando præstito non queritur amplius an pecunia debeatur, sed an juraverit. d. §. 11. l. 5. §. 2. l. 9. §. 1. ff. eod.

55. Summa sane ratione; Cum ad religionem accedat deferentis conventio & consensus. l. 25. l. 26. §. ult. ff. de jurej.

56. Sive autem juraverit, siue cum jurare paratus esset, adversarius iusjurandum ei remiserit, nihil interest. l. 5. §. ult. l. 9. §. 1. ff. eod. l. 1. l. 8. C. de reb. cred.

§. 12. 57. *Pænales quoque actiones Prætor bene multas ex sua jurisdictione introduxit; Veluti contra eum qui Album corrumpit, qui Parentem vel Patronum sine venia in jus vocavit, qui in jus vocatum vi exivit, vel ut alius eximeret effecit. §. 12. l. 1. b.*

58. Si quis enim *Libum Pratoris*, jurisdictionis perpetuæ causa propositum, i. e. Edictum in tabula dealbata scriptum, corruperit, contra eum actio popularis, ad 500. aureos conceditur. *l. 7. pr. ff. de jurid.*

59. Si quis parentem vel patronum sine venia in jus vocaverit, in eum 50. aureorum iudicium datur. *l. 4. §. 1. & seqq. l. pen. § ult. ff. de in jus voc.*

60. Quod non tam ideo cautum videtur, quia indistincte olim oborto collo reos in jus rapere licuerit, quam quod Actiones quædam sint famose, qualem contra parentem vel patronum institui nimis inaverecundum est.

61. Si quis vi exemerit eum qui in jus vocatus est, vel dolo malo effecerit, ut eximeretur, contra eum datur actio in id quanti ea res ab Actore æstimata est. *l. pen. §. 1. ff. ne quis cum qui in jus voc.*

62. Præter quas sunt plures etiam alie, Veluti de *Dejectis* vel *effusis*, de *periculose suspensis vel positis*, contra *nautas*, *caupones*, *stabularios*, de quibus ad tit. *præced.* similesque.

63. De *Actionibus Præjudicialibus* dubitatum videtur, essentne in rem, an in personam? Sed Imp. eas in rem esse statuit. *§. 13. l. b.* Quia scilicet per eas ius aliquod, quemadmodum & in *Actione Confessoria*, vindicatur.

§. 60.

64. Sunt autem *Actiones Præjudiciales*, quibus inter aliquos de statu alterutrius agitur.

65. *Præjudiciales* dicuntur, quia præjudicii faciendi causa instituuntur, & aliis rebus præjudicium faciunt, v. *l. 1. §. ult. l. 2. l. 3. ff. de agn. § al. lib.*

66. Sunt autem hæc tres *d. §. 13.* 1. Qua quaeritur: An aliquis liber an servus sit? quæ & *Liberalis causa* dicitur, v. *l. 7. §. ult. ff. de liberal. caus.*

11. An libertus quis sit, an ingenuus? *l. 14. l. 15. ff. de prob. l. ult. ff. si ingen. esse dic.*

111. Qua agitur de partu agnoscendo. *l. 1. ff. de agnos. § al. lib.*

67. De quibus ultimo loco, postquam de *Actionibus Civilibus & Prætoris* actum est, non male subicitur. Neque enim *Prætorie* omnes sunt, neque *Civiles*; Sed una ex illis, per quam scilicet quaeritur, An liber quis

quis sit? legitimam causam habet, quia ex LL. XII. Tabb. descendit. l. 2. §. 24. ff. de O. J. Cetera ex ipsius Pratoris jurisdictionis substantiam capiunt. d. §. 13. in f.

- §. 16. 68. Secunda Actionum divisio est, quod quaedam Actiones res persequenda gratia comparata sint, quaedam poene persequenda, quaedam mixtae sint. §. 16. l. h.

69. Rei persequenda causa comparata seu rei persecutoriae sunt, quibus persequimur quod quovis modo ex patrimonio nobis abest. l. 35. ff. h. e.

- §. 17. 70. Tales ergo sunt omnes actiones personales ex contractu, ut & condictio furtiva & actio rerum amotarum ex delicto descendentes. §. 17. l. h.

- §. 18. 71. Actiones Poene persecutoriae sunt, quibus persequimur poenam legitimam. arg. l. 7. ff. de serv. export. Quales sunt Actio furti, aliaeque ex delictis descendentes. §. 18. l. h.

72. Actiones mixtae i. e. & rei & poenae persecutoriae sunt, quibus partim id quod ex patrimonio nobis abest, partim poenam persequimur legitimam.

- §. 19. 73. Quales sunt Actio ut bonorum raptorum, quia in quadruplo rei persecutio continetur. Actio Legis Aquilia de damno dato, si adversus infipientem agatur in duplum, vel in id quanti intra annum vel xxx. dies, res fuerit plurimi. Actio de Legatis Ecclesiae vel aliis venerabilibus locis relictae, si contra infipientem vel solutionem differentem usque dum in jus vocatus sit, instituat in duplum. §. 19. l. h. add. §. 26. eod. §. ult. l. de obl. quae quas. ex cont.

- §. 21. 74. Tertia divisio est, quod omnes actiones vel in simplicem conceptae sint, vel in duplum, vel in triplum, vel in quadruplum. Ulterius enim nulla actio extenditur. §. 21. l. h.

- §. 22. 75. In simplicem sunt omnes actiones rei persecutoriae. §. 22. l. h. t.

- §. 23. 76. In duplum agimus Actione Furti nec manifesti, Damni ex Lege Aquilia contra infipientem, Depositum, si depositum sit miserabile. Servi corrupti, nec non Actione de legatis Venerabilibus locis relictae contra infipientes vel differentes. §. 23. 26. 27. l. h. t. l. 1. §. 1. ff. de pos.

- §. 26. 77. Quarum quaedam ab initio statim sunt dupli, quaedam demum ex post factio, uti ex dictis ultro intelligitur. §. 26. l. h.

- §. 24. 78. In triplum actio contra eos conceditur, qui maiorem summam quam

quam ipsi competit in libello proposuerunt, ut ex hac causa viatores i. e. executores litium, ampliorum summam sportularum nomine exigerent. §. 24. I. b.

79. In quadruplum agimus Actione Furti manifesti, Quod metus §. 25. causa, in factum contra Calumniatores, item Actione contra executores litium, qui plus debito exegerint. §. 25. I. b. t.

80. Quæ tamen similiter in eo differunt, quod Actio quod metus §. 27. causa in quadruplum demum contra contumacem locum habeat, reliqua vero ab initio simpliciter in quadruplum concedantur. §. 27. I. b.

81. Quarta Actionum divisio est, quod quædam actiones sint Bonæ fidei, quædam Stricti juris. §. 28. I. b. quædam Arbitrarie. §. 31. I. b.

82. Actiones Bonæ fidei sunt, in quibus libera potestas permittitur judici ex bono & æquo æstimandi, quid alterum alteri præstare oporteat. §. 30. I. b.

83. In b. f. enim judiciis multa veniunt, de quibus nominatim non convenit. l. 31. §. 20. ff. de Edil. Edict. Quia tantundem in b. f. judiciis officium judicis valet, quantum in stipulatione (c. gr.) nominatim ejus facta interrogatio. l. 7. ff. de neg. gest.

84. Cæterum b. f. actiones sunt hæ, Ex Emto vendito, locato conducto, negotiorum gestorum, mandati, depositi, pro socio, tutela, commodati, pignoratitia, familia erciscunda, communi div., præscriptis verbis, de æstimato & quæ ex permutatione competit, petitio hereditatis. §. 28. I. b. & actio ex stipulatu de dote. §. 29. I. b.

85. Præter quas, plures actiones bonæ fidei, in jure nostro, non reperiuntur.

86. Quod tamen non ita intelligendum est, quasi exclusæ etiam essent actiones quæ sub expressis tacite continentur. Sub Directis enim actionibus continentur Contrariæ, sub genere species. Qua ratione Actionem Funerariam sub Actione Negotiorum gestorum contineri, recte statuitur. arg. l. 14. §. 9. l. 13. t. t. ff. de relig.

87. Quin & Actio Emphyteuticaria b. f. esse videtur, propter similitudinem quam habet cum emptione venditione, & locatione conductione. §. 3. I. de Locat. cond.

88. De Hereditatis petitione dubitatum est; Sed Imp. noster eam b. f. esse aperte constituit, in l. ult. §. 3. C. de pet. hered. d. §. 28. in f.

89. Habet enim præstationes personales. l. 25. §. antepen. ff. de hered. pet. adeoque quodammodo ad naturam actionis negotiorum gestorum accedit. Unde & mixta personalis dicitur. l. 7. C. cod.

§. 29. 90. Actionem etiam ex stipulatu de dote, quæ olim stricti joris erat, sublata rei uxoriæ actione, bonæ fidei esse voluit. l. un. C. de rei. ux. act. d. §. 29. l. b.

91. Quin imo quatuor singularia hic constituta sunt.

i. Ut actio ex stipulatu mulieri detur, quamvis nulla stipulatio de dote reddenda sit interpolata.

ii. Ut illa actio sit bonæ fidei.

iii. Ut adjunctam habeat tacitam hypothecam in bonis mariti. d. l. un. §. 1. d. §. 29.

iv. Ut ex hac causa mulier præferatur omnibus aliis creditoribus etiam anteriorem expressam hypothecam habentibus. l. ult. §. 1. C. qui pot. in pign.

92. Quod tamen privilegium soli competit mulieri ejusque liberis. d. l. ult. C. qui pot. in pign. d. §. 29. non etiam extraneis. d. l. un. §. 6.

93. Actiones stricti joris seu stricti judicii. l. 5. §. ult. ff. de in lit. jur. sunt, in quibus potestas judicis olim formula, jam conventioni partium, adstricta est. v. l. 99. ff. de V. O.

94. Jus strictum enim hic non jus summum, uti alibi. v. l. 8. C. de jud. l. 17. ff. de inj. rupt. irr. l. 2. §. 5. ff. de aq. & aq. pluvi. arc. Sed parvam seu non liberam judicis potestatem significat.

95. Sunt autem stricti joris actiones omnes istæ, quæ non sunt Bonæ fidei vel Arbitrariae.

§. 31. 96. Actiones Arbitrariae sunt in quibus propter contumaciam, (si scilicet judicis arbitrio jubentis rem petitori restitui non parcat reus) Vel loci adjectionem, sequitur condemnatio in aliquid majus. §. 31. l. b. l. 14. §. 4. ff. quod met. c. l. 46. Et seqq. ff. de R. V. l. 2. ff. de eo quod cert. loc.

97. Quas actiones ab actionibus Bonæ fidei & stricti joris diversas esse, docent tum textus in d. §. 31. l. b. verb. præterea. l. 5. pr. Et §. 4. ff. de in lit. jur. jurand. l. 3. §. 1. ff. de usur. tum diversa harum actionum natura.

98. In B. f. judiciis enim condemnatio sit ex natura ipsius actionis, hic

hic ex accidenti. In Stricti juris actionibus condemnatio fit secundum strictam conventionem partium, in Arbitrariis ex arbitrio iudicis.

99. *Arbitrariae sunt Publiciana, Serviana, Quasi Serviana. l. 16. §. 3. ff. de pign. §. 31. l. h. Imo omnes actiones in rem arg. l. 46. §. 1. ff. de R. V. l. 5. l. 8. ff. de in lit. jur. Sola excepta hereditatis petitione, quæ b. f. est. Actio quod metus causa. l. 14. §. 1. 4. ff. quod m. c. De eo quod certo loco, Ad exhibendum. §. 31. l. h. omnesque actiones in personam (dummodo non fiat b. f.) ad restituendum conceptæ.*

100. Ne tamen iudex potestate sibi concessa vel arbitrio abutatur, §. 32. monet Imp. quasi ἐν παρώδῳ, quantum possibile est (in obligatione alternativa vel generis id fieri nequit) certa pecunia vel rei sententiam ferendam esse, etiamsi de incerta quantitate apud eum actum sit. §. 32. l. h.

101. Huc pertinet qua pœna afficiendus sit Actor, si plus petierit quam sibi debetur.

102. Et si quidem agens intentione sua plus complexus fuerit, quam ad eum pertinebat, olim causa cadebat i. e. rem amittebat seu litem perdebat. §. 33. l. h. add. Sueton. in Claud. c. 14. Cic. L. 1. de Orat. §. 33.

103. Plus autem quatuor modis petitur, *Re, tempore, loco & causa.* Re, si quis pro x. viginti, pro parte rem totam, vel pro parte minore majorem petierit:

Tempore, si quis ante tempus;

Loco, si alibi:

Causa seu qualitate, si quis in obligatione disjunctiva simpliciter alterutrum, vel in obligatione generis V. C. Vini, in specie Campanum petierit: Electio enim eo ipso adversario tollitur, cui stipulationis jure liberum fuit, aliud solvere quem petitur. d. §. 33. l. h.

104. *Quin etiam licet vilissimum sit, quod quis petat, nihilominus plus petere intelligitur, quia sæpe accidit, ut promissori facilius sit illud solvere quod majoris pretii est. d. §. 33.*

105. Sed pœna illa antiqua pluris petitionis mutata est, & jure novo constitutum, ut si tempore plus fuerit petatum, induciæ quas ipse Actor sponte indulerit, vel quas natura actionis continet, duplicentur, iisque finitis, Actor non ante audiat, priusquam omnes expensas litis reluderit. §. 10. l. de exc. Sin autem quantitate vel alio modo plus fuerit petatum

situm, in omne, si quod forte damnum ex hac causa accideris, commissum tripli condemnatione puniatur. §. 33. l. b.

§. 34. 106. Si minus intentione sua complexus fuerit Actor, quam ad eum pertinent, sine periculo aget, in reliquum enim nibilonius iudex adcursum eodem iudicio condemnat. §. 34. l. b.

§. 35. 107. Si quis aliud pro alio intenderit, nihil eum periclitari placet, sed in eodem iudicio i. e. apud eundem iudicem sine nova interpellatione, errorem suum ei corrigere permittitur. §. 35. l. b.

108. Potest enim Actio semel edita, seu libellus & corrigi & mutari, non tantum ante sed & post litem contestatam. l. 4. §. ult. ff. de nox. act. l. 18. §. 1. ff. de Vi & Vi arm. l. 3. C. de Edend.

§. 36. 109. Quinta Actionum divisio est, quod quedam & quidem plerumque duntur in solidum, quedam in minus quam solidum. §. 36. l. b.

110. Actiones in minus quam solidum competunt.

1. Propter rationem peculii, aliamve similem qualitatem adjectitiam. d. §. 36.

11. Propter Beneficium Competentia.

111. Propter Jus Compensationis.

§. 37. 38. 111. Beneficium Competentia (sic vocari solet) est ius quibusdam personis concessum, quo non possunt in plus conveniri quam facere possunt, i. e. quam facultates eorum patiuntur, ut tantum eis relinquatur, quod iis ad victum quotidianum & alimenta sufficiat. §. 37. l. b. l. 30. ff. de re iud. l. 173. ff. de R. J.

112. Competit hoc ius Coniugibus. §. 37. l. b. l. 20. ff. de re iud. Socero. l. 21. ff. eod. Parentibus, Patronis. §. 38. l. b. l. 16. 17. ff. de re iud. Fratribus. arg. l. 63. pr. ff. pro soc. Sociis, etiam particularibus, dummodo agatur Actione pro socio. d. §. 38. l. 63. pr. ff. pro soc. ita accip. l. 16. ff. de re iud. Donatori si ex donatione conveniatur. d. l. 16. l. 28. ff. de R. J. cui soli etiam conceditur prius deducere res alienum. l. 19. §. 1. ff. de re iud. l. 49. & seqq. ff. eod. Nec non iis qui bonis cesserunt. §. 40. l. b. l. 4. 6. 7. ff. de cess. bon.

§. 39. 113. Compensatio est debiti & crediti inter se contributo. l. 1. §. de compens. §. 39. l. b. l.

114. Ut ea locum habeat ante omnia requiritur, ut debitum utrumque sit *liquidum*, & *ejusdem generis*. l. ult. C. de compens.

115. Compensatio in b. f. judiciis olim locum habebat ipso jure, in *stricti juris judiciis* per *exceptionem* inducebatur. §. 30. l. b. Sed Imp. in d. l. ult. constituit, ut compensationes quæ aperto jure nituntur, omnes actiones etiam *stricti juris*, ipso jure minuant. d. §. 30. §. 39. l. b.

116. Excepta sola *Depositæ Actione*, cui aliquid compensationis nomine opponi iniquum visum est; Ne sub prætextu compensationis, depositarum rerum quis exactione defraudet. d. §. 30. l. b. d. l. ult. C. de compens.

TIT. VII.

QUOD CUM EO QUI IN ALIEN. POT. EST NEG. GEST.
ESSE DICETUR.

1. *S*exta Actionum divisio est, quod *Actiones* oriuntur vel ex *facto proprio*, vel ex *facto alterius*, ejus tamen maxime qui in nostra est potestate, servi scil. vel filisfam. pr. b. 2.

2. Quales sunt *Actio Quod jussu*, *Exercitoria*, *Institutoria*, *Tributoria*, *de Peculio*; *de In rem verso*.

3. *Actio quod jussu* est *Actio Prætoria personalis adjectitia*, quæ datur ex contractu filii vel servi, qui jussu patris vel domini contraxit, contra Patrem vel dominum in solidum. §. 1. l. b. t. l. 1. pr. §. 1. 3. 4. ff. quod jussu. §. 1.

4. *Quia* si qui ita contrahit, fidem patris vel domini sequi videtur. d. §. 1. l. b.

5. *Actio Exercitoria* est *Actio Prætoria personalis adjectitia*, quæ datur ex contractu cum *Magistro navis* inito, contra *Exercitorem* in solidum; Nam & hic quasi jussus exercitoris intervenit. arg. l. 29. ff. de reb. cred.

6. *Exercitoria* vocatur, quia *Exercitor* is appellatur, ad quem quotidianus navis questus pertinet. §. 2. l. b. l. 1. §. 15. ff. de exerc. act. §. 2.

7. *Magister* autem navis est, cui navis, five *marinæ* live *fluvialis*, cura mandata est, l. 1. §. 1. §. 5. ff. de exerc. act.

8. Datur autem hæc actio contra Exercitorem ita demum, si quid cum *Magistro* ejus rei gratia cui prepositus est, contractum fuerit. *d. §. 2. l. b. l. i. §. 7. §. 12. ff. de exerc. act.*

9. *Actio Institoria* est *Actio Prætoria* personalis adjectitia, quæ datur ex contractu cum *Institore* inito, si quid cum eo ejus rei causa cui prepositus est, contractum fuerit, contra præponentem in solidum. *d. §. 2. l. b.*

10. Ideo autem *Institoria* appellatur, quia qui negotiationibus terrestribus præponuntur *Institores* vocantur. *d. §. 2. eo quod negotio gerendo insunt. l. 3. l. 5. ff. de inst. act.*

§. 3. 11. *Actio Tributaria* est *Actio Prætoria* personalis adjectitia, quæ datur contrahenti cum filio vel servo in mercibus peculiaribus, volente vel sciente patre vel domino. *l. 1. §. 2. 3. ff. de trib. act. contra patrem vel dominum, si merces peculiares non æqualiter diviserit, ut merces pro rata distribuantur. §. 3. l. h.*

12. *Tributoria* appellatur, quia ipsi domino distributionem earum mercium Prætor permisit. *d. §. 3. l. ult. ff. de trib. act.*

13. Quæ *Actio* dolum malum coercet domini. *l. 7. §. 2. ff. cod. & propter iniquam distributionem locum habet.*

§. 4. 14. *Actio de Peculio* est *Actio Prætoria* personalis adjectitia, quæ datur ex contractu filii vel servi, contra patrem (ratione scilicet peculii protectitii) vel dominum peculio tenus. *§. 4. l. h.*

15. *Actio de in rem verso* est *Actio Prætoria* personalis adjectitia, quæ datur contra patrem vel dominum ex contractu filii vel servi, quatenus in rem domini vel patris aliquid versum est. *d. §. 4. l. 1. ff. de in rem vers.*

16. In *Rem autem versum* intelligitur quicquid necessario vel utiliter, in utilitatem patris vel domini impensum est. *l. 3. §. 1. l. 5. l. 7. l. 10. ff. de in rem vers.*

17. Quod ad voluptatem pertinet, in *rem versum* non videtur; tolli tamen in quantum sine detrimento rei fieri potest, permittitur. *d. l. 3. §. 4.*

18. Quæ quidem *Actiones de Peculio*, & de *In rem verso*, & separatim & conjunctim proponi & in judicium deduci possunt; ita tamen ut ex una tantum sequatur condemnatio. *d. §. 4.*

§. 5. 19. Omnes autem prædictæ *Actiones* aliquando concurrunt, Ut si qui

qui jussu domini contraxit, cuique Inſtitoria vel Exerçitoria actio competit, de Peculio de quo eo quod in rem domini verſum ſit, agere poſſit. §. 5. l. b.

20. Sed elective, non cumulative, l. 9. §. 1. ff. de trib. act. l. 4. §. ult. ff. b. quia omnes ex contractu ſunt & rei perſecutoriz, quarum una alteram conſumit. l. 43. §. 1. ff. de R. J.

21. Stultiffimus autem fuerit; ſi quis ex iis optimam non elegerit, i. e. eam qua ſolidum vel plurimum quis conſequi, vel eam quam optime probare poteſt. d. §. 5.

22. Non tamen prædictæ actiones ſunt per ſe ſubſiſtentes, ſed directarum (uti in ſingulis monitum) adjectitiæ tantum qualitates.

23. Unde & per interpretationem Prudentum poſtmodum receptum videtur, ut quod ex hiſce cauſis debetur, directo ſtatim à patre domino-ve condiçi poſſit. §. ult. l. b. l. 29. ff. de reb. cred. l. 17. §. ult. ff. de inſt. act. §. ult.

24. Et hæc quidem tam quoad contractus cum filiisfam. quam ſervi-
vis initis, locum habent. §. d. l. b. §. 6.

25. Sed illud in filiisfam. maxime ſingulare eſt, quod filiisfam. non
hæcat pecuniam dare inutuat. §. 7. l. b. §. 7.

26. Prohibet hoc enim Sctum Macedonianum, ab improbo ſceneratore Macedone ſic dictum. l. 1. §. ff. de SC. Maced. tempore Claudii Imp. forte latum. Tacit. L. 11. Anal. c. 31. & Veſpaſiani repetitum. Sueton. in Veſpaſ. c. 11.

27. Quod ideo Senatus proſpexit, quia filiisfam. ſæpe onerati gre alieno creditarum pecuniarum, quam in luxuriam conſumebant, vitæ paren-
tum inſidiabantur. d. §. 7. in f. l. 1. l. 3. §. 3. ff. de SC. Maced.

28. Quod ſi quis contra Sctum filiisfam. crediderit, denegatur ei a-
ctio tam adverſus ipſum filium (ex contractu ſcil. proprio) filiamve, ne-
potem neptemve, ſive adhuc in poteſtate ſint, ſive poſtea morte parentis vel
emancipatione ſui juris eſſe ceperint; Quam adverſus patrem avumve (ſcil.
de peculio) ſive eos habeat adhuc in poteſtate, ſive emancpaverit. d. §.
7. l. b.

29. Adeo ut & filiisfam. Exceptione SCri Macedoniani utens, ſi qui-
dem pecuniam male conſumerit, tutus ſit in conſcientia.

30. Nec renunciare ei possit; quia non in ipsius favorem tantum, sed maxime patris, & odium feneratorum, introductum est.

31. Prohibet autem SCtum *mutuam* dare *pecuniam*, non etiam vinum, oleum, frumentum, nec alium cum filiosam celebrare contractum; dummodo nihil fiat in fraudem SCti. l. 3. §. 3. l. 7. §. 3. ff. de SC. Maced.

32. Cessat SCtum ratione filii. I. Si habeat peculium castrense vel quasi castrense. l. 1. §. 3. l. 2. ff. d. t.

II. Si patremfam. se esse dixerit. l. 1. C. cod. vel publico errore pro tali habitus sit. l. 3. ff. cod.

III. Si patremfam. sacius debitum agnoverit. l. 9. ff. l. 2. C. ad SC. Maced. l. 7. §. ult. ff. cod.

33. Ratione Patris. I. Si voluntate ejus pecunia mutua data sit. l. 12. ff. l. 2. C. cod.

II. Si ratum habnerit. l. 7. §. 15. l. 16. ff. cod.

III. Si filius patris Institor fuerit. l. 7. §. 11. ff. cod.

34. Ratione denique *causa*. I. Si pecunia accepta sit ad satisfaciendum ei cui valide obligatus erat. l. 7. §. 14. ff. de SC. Maced.

II. Si pecunia in rem Patris versa. l. 7. §. 12. ff. cod.

III. Si filiosam. Studiorum vel Legationis causa alibi degenti, ad necessarios sumtus, pecunia data sit. l. 7. §. 13. ff. l. 5. C. cod.

IV. Si ad dotandam sororein pecunia accepta sit. l. 17. ff. cod.

TIT. VIII.

DE NOXALIBUS ACTIONIBUS.

I. **N**on tantum autem ex contractu servorum, sed & ex delictis contra nos oriuntur actiones, quae vocantur Noxales.

pr. h. t. 2. Actio Noxalis est Actio Pratoria personalis adjectitia, quae ex delicto servi privato, contra dominum ignorantem vel prohibentem. vid. l. 2. 3. 4. ff. h. datur, ut damnum datum resarciat, vel servum noxae dedas. *pr. l. h.*

3. Datur Actio Noxalis propter delictum servi privatum, non etiam publicum, propter quod pecunia vel capitalis vel corporalis locum habet. l. 17. §. 18. ff. de Edyl. Edict. l. 200. ff. de V. S.

4. Do-

4. Datur contra dominum, omnemque (etiam b. f.) possessorem. §. 5.
l. 11. l. 13. ff. b. Noxa cuius, seu noxalis actio, caput sequitur. §. 5. l. b. l. 20. l. ult. ff. cod. i. e. datur contra omnem eum ad quem servus pervenerit. d. §. 5. l. b.

5. Datur ad hoc, ut dominus vel *damnum datum resarciat*, quod proprie in obligatione est, vel *servum noxae dedit*, quam potestatem dominus à lege accepit. *l. 6. §. 1. ff. de re jud.*

6. Summa ratione. Iniquum enim est nequitiam servorum, ultra §. 2.
 ipsorum corpora, dominis damnosam esse. §. 2. *l. b. l. 2. ff. cod.*

7. Noxæ itaque dedendo servum dominus liberatur, dominiumque §. 3.
 ab eo transfertur; Sin autem damnum ei cui deditus est, servus resarcie-
 rit quæsitæ pecunia, auxilio prætoris invito domino manumittitur. §. 3.
l. b.

8. Quod si manumissus fuerit servus, directo ipse tenetur, & extin-
 guitur noxæ deditio. *d. §. 5. l. b.*

9. Si servus domino noxiam commisit, actio nulla nascitur; Nam- §. 6.
 que inter Dominum & eum qui in potestate ejus est, nulla obligatio nasci
 potest. §. 6. *l. b. l. 1. C. cod.*

10. Dividuntur autem actiones noxales in *Civiles & Prætorias*, pro- §. 4.
 ut scil. *directæ* vel *Civiles* sunt vel *Prætorix*. §. 4. *l. b.*

11. *Civiles* sunt, quæ legibus sunt constitutæ, *veluti Furti ex LL.*
 XII. *Tab. Damni injuria ex L. Aquilia: Prætorix*, quæ ex Edicto Prætoris,
veluti Injuriarum & Vi bonorum raptorum. d. §. 4.

12. Dabantur etiam olim actiones noxales propter delicta liberorum, §. 7.
 quod postea mutatum est: tum quod absurda visa est ratio filiorum filia-
 rumque noxæ deditio; tum quod ipse filius ex delicto, nec non Pater per
 indirectam actione judicati de peculio, conveniri possit. §. 7. *l. b. l. 23. &*
seqq. ff. cod. l. 3. §. 11. ff. de pecul.

TIT. IX.

SI QUADRUPES PAUPER, FECISS. DIC.

I. **A**nimalium etiam nomine quæ ratione carent, noxalis actio LL. XII. §. 1.
 Tab. prodita est. *pr. l. b.*

2. Si enim Quadrupes, quæ pecudum numero est, contra naturam damnum dederit, datur *Actio de Pauperie*.

3. *Pauperies est damnum sine injuria facientis datum; nec enim potest animal injuriam fecisse dici, quod sensu caret. d. pr. l. h. l. 1. §. 3. ff. h. l.*

4. Est itaque *Actio de Pauperie*, quæ si quadrupes contra naturam damnum dederit, datur damnum passo, contra dominum animalis, ut damnum resarciat, vel animal noxæ dedat. *d. pr. d. l. 1.*

5. Locum habet hæc actio in iis quæ contra naturam moventur, ut puta si equus calcitrosus calce percusserit, aut bos cornu petere solitus cornu petierit. *d. pr. l. h.*

6. Si secundum naturam animal damnum dederit, datur actio de pastu pecorum. *l. 14. §. ult. ff. de præscr. Verb.*

7. Pecus includere (quod moribus est receptum) jure Civili non licet. *l. 39. §. 1. ff. ad l. Aquil.*

8. Quod si culpa aut insigatu alterius damnum datum sit, contra insigantem ex *Lege Aquilia* agendum est. *l. 1. §. 3. 4. 6. 7. ff. h.*

9. Similiter si genitalis sit feritas. *pr. l. h. l. 1. §. 10. ff. cod. vel bipes damnum dederit, cessat Actio de pauperie, directa scilicet: Utilis enim locum habet. §. 1. l. h. l. pen. ff. cod.*

10. Cæterum sciendum est, dari etiam *Actiones Edilitias*, contra eos qui canem, verrem, aprum, ursum, leonem ibi habuerunt, quæ vulgo iter sit, ut nocere possit. *§. 1. l. h.*

11. Si enim ex ea re liber homo perierit, in solidos ducentos, si nocitum libero homini esse dicetur, in id quanti bonum & æquum judicii videtur, condemnantur, cæterarum vero rerum, quanti damnum datum, dupli. *d. §. 1. l. h. l. 40. §. seqq. ff. de Ed. Ed.*

TIT. X.

DE IIS PER QUOS AGERE POSS.

1. Tandem obligamur etiam per *Procuratores*.

2. Olim alterius nomine agere non licebat, nisi pro populo, pro libertate, pro tutela, nec non furti pro absentibus Reip. causa, vel iis qui apud hostes essent. *pr. l. h.*

3. Sed

3. Sed quia hoc non minimam incommoditatem habebat, quod alieno nomine neque agere neque excipere actionem licebat, ceperunt homines per Procuratores litigare. *d. pr. l. b. l. i. §. 2. ff. de proc.*

4. Adeo ut jam, licet nulla incommoditas sublit, per Procuratores agere liceat.

5. Est autem Procurator in genere, qui aliena negotia mandato domini administrat. *l. i. ff. de proc.*

6. Hoc loco specialiter pro eo accipitur, qui negotia judicialia mandato domini administrat.

7. Constituitur Procurator mandato, & proinde solo consensu. *d. §. i. l. i. pr. §. i. ff. de proc.* ignorante etiam, quin & invito adversario. *§. i. l. b.*

8. Procurator esse potest qui non prohibetur. *l. 43. ff. de proc.*

9. Prohibetur Furiosus. *l. 2. §. i. ff. de proc.* Surdus, Mutus. *l. 43. ff. eod.* Perpetuo morbo laborans. *l. 54. ff. eod.* Minor annis xvii. *§. 5. l. qui §. ex quib. c.* (Jure Can. etiam minor annis xxv. *c. 5. de proc. in 6.*) Mulier. *§. ult. l. de exc. l. 54. ff. de proc.* nisi in rem propriam. *l. 4. C. eod.* Miles. *d. §. ult. l. de Exc. l. 7. l. 13. C. de Proc.* nisi in rem suam & pro numero. *l. 8. §. 2. ff. de Proc. Potentior. l. i. 2. C. ne lic. pos. Servus. l. 6. C. de jud. Recus criminis. l. 6. C. de proc.* Infamis, si modo infamia sit notoria: ita acc. *§. ult. l. de except.*

10. Intervenire possunt Procuratores in omnibus causis, exceptis iis, in quibus poena corporalis locum habet. *l. pen. §. i. ff. de publ. jud.*

11. Differt autem Procurator à Syndico, Defensore, & Advocato.

12. Syndicus est, cui ab universitate omnia negotia mandata sunt. *l. i. §. 1. 2. ff. quod cujusque univers. nom.*

13. Defensor est, qui Rcum sine mandato in judicio defendit. *l. 43 §. ult. ff. de proc.*

14. Advocatus est, qui desiderium amici sui, in jure apud eum, qui jurisdictioni praeest, exponit, vel ulterius desiderio contradicit. *l. i. §. 2. ff. de postul.*

15. Procurator mandato constituitur, Advocatus non item.

16. Procurator satisfacit, §. 3. l. de satisfd. Advocatus non item.

111. *Procurator*, post litis contestationem, litis fit dominus. *l. 22. C. de proc. Advocatus* non item.

TIT. XI.

DE SATISDACTIONIBUS.

1. **C**um autem *Precuratores* saepenumero in iudicio *satisfare debeant*; de *Satisfactionibus* in genere hoc loco simul agitur.
- pr. b. s. 2. *Satisfactionum* autem *modus* alius antiquitati placuit, alium novitas per usum amplexa est. pr. *l. b.*
3. Olim enim si *in rem* agebatur, *Aktor* ipse agens non cogebatur *satisfare*; *Reus* *satisfabat* iudicatum solvi: *Procurator Aktoris* *satisfabat*, dominum rem ratam habiturum, *Procurator Rei* similiter iudicatum solvi. pr. *l. b.*
- f. 1. 4. Si vero *in personam* agebatur, ratione *Aktoris* eadem obtinebant, quæ in actione in rem; *Reus* autem si quidem ipse actionem excipiebat, non *satisfabat*, *Procurator* autem *Rei* *satisfabat* iudicatum solvi. f. 1. *l. b.*
5. Sed hæc *jure novo* aliter observantur: *Aktor* enim secundum jus novissimum, si ipse agit, sive actione in rem sive in personam, *satisfat*.
 1. Se intra duos menses à tempore exhibitæ libelli litem contestaturum, eamque ad exitum persecuturum. *Auth. libellum. C. de lit. cont. Nov. 96. C. 1.*
11. Se si succubuerit expensas soluturum. *Auth. Generaliter. C. de Episc. & Cler.*
- f. 2. 6. *Reus* si ipse actionem excipiat, sive in rem sive in personam, *satisfat* iudicio silli, & sese in iudicio usque ad finem litis personansurum esse. f. 2. *l. b. Auth. Generaliter. C. de Episc. & Cler.*
7. *Satisfare* autem est, cautionem prestare fidejussoriam. *l. 1. ff. qui satisf. cog.*
8. Sunt tamen quidam qui etiam alio modo cavere possunt, quales sunt. 1. Viri Illustres & Spectabiles qui tantum jurant. *l. 7. C. de dignit.*
11. Qui fidejussores invenire nequeant, his enim similiter permittitur prestare cautionem juratoriam. *Auth. Generaliter C. de Episc. & Cler.*

III. Immo bilium possessores, qui *nuda repromissioni* committuntur, si modo immobilia habeant in eo territorio, sub cujus Magistratu litigatur. *l. 15. ff. qui satisd. cog.*

9. *Procurator Actoris* si mandatum habet, vel dominus litis eum præsens in judicio constituat, non satisdat, *l. 1. C. de proc.* Si vero conjuncta sit persona, *l. 35. l. 40. §. ult. ff. de proc.* vel Procurator omnium bonorum, *l. 5. §. 18. ff. de nov. op. nunc.* vel dubium sit an mandatum habeat, *d. l. 1. C. de proc.* (si enim certum est eum mandatum non habere, ne quidem cum satisfactione admittitur, *d. l. 1. l. 24. C. de proc.*) satisdat, dominum rem ratam habiturum. *§. 3. l. h.* §. 3.

10. *Procurator Rei* si à domino in judicio constitutus sit, non satisdat. Sed ipse Rens per satisfactionem judicatum solvi firmat Procuratoris personam, & præterea satisdat, se tempore recitandæ sententiæ in judicium venturum. *§. 4. l. h.* Si vero Reus præsens ex quacunque causa non fuerit, ipse Procurator satisdat, judicatum solvi. *§. 5. l. h.* Nemo enim alienæ rei sine satisfactione defensor idoneus intelligitur, *d. §. 5.* §. 4. 5.

11. *Quæ omnia apertius & perfectius quotidiano usu* (qui omnium rerum optinus est magister) *in ipsis rerum documentis apparent.* §. 6. *l. h.* §. 6.

TIT. XII.

DE PERP. ET TEMP. ACT. & C.

1. *Septima Actionum divisio est*, quod quædam sint *Perpetuæ*, quædam *Temporales.* *pr. l. h.* pr. h. 1.

2. Ante Theodosium Imp. omnes actiones Civiles erant perpetuæ, nulloque tempore excluderentur; Omnesque Prætorie temporales, annoque circumscriberentur; Nam & ipsius Prætoris annale erat imperium *d. pr. l. h.*

3. Postmodum *Actiones Civiles* (ut litium aliquis finis esset) certo tempore circumscriptæ sunt: Adeo ut Actiones in rem tribus, decem vel xx. annis, *pr. l. de usuc.* Actiones in personam xxx. annis, præscribantur. *l. 3. C. de præscr. xxx. vel xl. ann.*

4. Quadraginta tamen annos actiones vivunt.

1. Si lis sit contestata. *l. f. C. de præscr. 30. ann.*

II. Actio hypothecaria quæ contra ipsum debitorem (non tertium) locum habet. *l. 1. §. 1. C. de annal. exc.*

III. Actiones religiosis locis competentes. *Ausb. Quas Actiones, C. de SS. Eccles.*

5. Quin & uno casu 2. annos actio durat. vid. *l. ult. C. de Aleat.*

6. Quia tamen ad longum tempus hæ actiones durant, etiamnum vocantur *perpetuas*. *pr. l. h. vers. aliquando*, add. *l. 1. ff. pro soc.*

7. Aliæ etiam deinde constitutum quoad *Actiones Prætorias*. Actiones enim Prætorie *rei persecutorie* etiam factæ sunt perpetuæ; Excepta *Rescissoria*, quæ rescinditur id quod jure Civili ratum est. *l. 35. ff. de O. & A.*

8. Actiones autem Prætorie *pænales* manserunt annales. *d. l. 35. ff. de O. & A.* Excepta *Actione Furti manifesti*, quæ est perpetua. Absurdum enim exilluminavit Prætor eam anno terminari. *pr. l. h.*

§. 1. 9. *Octava Actionum divisio est*, quod quædam actiones dantur *Heredibus & contra heredes*; Quædam *Heredibus non contra heredes*; Quædam *Neque heredibus neque contra heredes*. *Inscr. & §. 1. l. h. 2.*

10. Actiones *rei persecutorie*, sive ex contractu, sive ex delicto (qualis est *Condictio furtiva*, & *Actio rerum amotarum*) dantur *heredibus & contra heredes*. *l. 49. ff. de O. & A. l. 157. ff. de R. J. l. 7. §. 2. ff. de cond. furtiv. l. 9. ff. cod.*

11. Actiones *pænales* sive ex delicto, sive ex contractu, puta deposito miserabili, dantur *quidem heredibus sed non contra heredes*. *d. §. 1. l. h.*

12. Nisi ab ipsis principalibus personis fuerint contestatæ, quo casu heredibus dantur & contra heredes. *d. §. 1. in fin. l. 26. l. 58. ff. de O. & A. l. 164. ff. de R. J. l. un. C. ex delict. def.*

13. Quod tamen ex delicto ad heredem pervenit, id semper ei auferitur. *l. 38. ff. de R. J. l. 5. ff. de calumn.*

14. Actiones quæ *vindictam continent*, neque heredibus dantur, neque contra heredes. *d. §. 1. l. h.* nisi & hic lis contestata sit. *l. un. C. ex delict. def.*

15. Talis est *Actio injuriarum*, de revocandis donationibus, similes

lesque. *d. §. 1. l. b. l. 7. C. de rev. don. add. l. pen. ff. de in jus voc. l. pen. ff. ne quis cum &c.*

16. Plures Actionum divisiones Imp. non exhibet. Possunt cæteroquin ulterius actiones dividi.

In *Directas*, & *Utiles*. v. l. 37. ff. de O. & A. l. 47. ff. de neg. gest.

Generales, & *Speciales*, v. l. 38. pr. ff. pro soc.

Simplices, & *Duplices*.

Sed cum Imp. pro ratione instituti sufficere hæc putaverit, nec nos de hisce similibusve divisionibus plura addimus.

17. Non possumus tamen non de *Cumulatione* & *Concurfu actionum* aliquid subicere.

18. *Cumulatio actionum*, i. e. plurium actionum sive unius sive plurium rerum nomine competentium, in libello coacervatio, jure nostro est illicita. l. 6. ff. de exc. rei jud.

19. Quoad *Concursum actionum* tenendæ regulæ.

1. Quoties concurrunt Actiones ejusdem rei nomine i. e. ad eandem rem petendam, una quis experiri debet. l. 43. §. 1. ff. de R. J.

20. 11. Quoties plures actiones ad diversas res petendas competunt, alia aliam non consumit. l. 130. ff. de R. J. §. ult. l. si quad. paup. fec. dic.

21. Quod si ergo actiones pœnales ex eodem oriantur delicto, una tantum experiri licet; nisi in una plus sit quam in alia; Tum enim si actum sit ea in qua minus est, deinde etiam altera agere licet in quantum in ea plus est. l. 34. pr. & §. 1. ff. de O. & A.

22. Sed si ex diversis oriantur delictis, omnibus agi potest, nunquam enim plura delicta concurrentia faciunt, ut ullius impunitus detur. l. 2. ff. de priv. del.

TIT. XIII.

DE EXCEPTIONIBUS.

1. **A**ctum est de *Actionibus* & armis Actorum: Sequitur ut & de remediis defensoris Reorum i. e. *Exceptionibus* discipiamus. pr. l. b. s.

b. s.

2. Ex-

2. *Exceptio est Rei defensio, qua actioni aliqui jure constituta opposita, eam aequitatis ratione excludit.* l. 2. ff. pr. l. b. l. 12. ff. de dol. mal. & met. exc.

3. Dicitur *Exceptio Rei defensio: Comparata enim sunt exceptiones defendendorum eorum gratia cum quibus agitur.* pr. l. b.

4. *Actioni aliqui jure constituta opposita: Allegationes enim quibus dicitur, actionem ipso jure sublatam esse, non sunt exceptiones; Contraria enim sunt liberari ipso jure & liberari per exceptionem.* l. 34. §. 1. ff. de O. & A.

5. Ut adeo divisio Exceptionum à DD. tradita, quod scil. *alia sine juris, alia facti*, jure nostro locum non habeat.

6. Subjicitur, *per eam, actionem jure competentem, aequitatis ratione excludi: saepe enim accidit, ut licet ipsa persecutio, qua actor expeditur (secundum strictum juris rationem) iusta sit, tamen iniqua sit adversus eum, cum quo agitur.* pr. l. b.

§. 1. 2. 3. 7. Quod Imp. probat per Exempla Exceptionis *Metus, Doli, Erroris.* §. 1. l. b. *Non numerata pecunia.* §. 2. *Pacti de non petendo.* §. 3. *Jurisjurandi.* §. 4. & *Rei judicatae.* §. 5. l. b.

§. 7. 8. Varie autem sunt exceptionum divisiones. 1. Quod quaedam sint *Civiles*, quaedam *Pratoria.* §. 7. l. b. 1.

§. 8. 9. 11. Quod quaedam sint *Perpetua & Peremptoria*, quaedam *Temporales & Dilatoria.* §. 8. l. b. l. 3. ff. cod.

§. 9. 10. *Perpetuae & peremptoriae sunt, quae semper agentibus obstant, & semper rem de qua agitur perimunt: Qualis est Exceptio Doli (scil. specialis, non generalis) Metus, Pacti conventi ne omnino pecunia peteretur.* §. 9. l. b. d. l. 3. *Jurisjurandi, Transactionis, Rei judicatae, similesque.*

§. 10. 11. *Temporales atque dilatoriae sunt, quae ad tempus nocent, & temporis dilationem tribuunt: Qualis est Pacti conventi, ne intra certum tempus, veluti quinquennium, ageretur.* §. 10. l. b. d. l. 3. ff. cod.

12. Sed *Exceptiones Dilatoriae* diversi sunt generis, Vel enim ad ipsum *Processum* pertinent, Vel ad *Merita causae.*

13. Quae ad *Processum* pertinent, respiciunt vel *Personas in judicio* versantes principales & minus principales, Vel *Modum procedendi.*

14. *Persona Principales sunt Judex, Actor & Reus.*

15. *Jurisdictionem* *Judicis* respiciunt, *Exceptio* seu *prescriptio* *forti*. l. ult. C. b. *Incompetentia* vulgo dicta: *Exceptio Præventionis*. l. 7. ff. de jud. & *Exceptio litis pendentia*. l. 30. ff. de jud.

16. Ipsam *personam* *Judicis* respiciunt, *Exceptio Suspicionis*. l. 16. ff. de jud. & *Inhabilitatis*. l. 12. §. 1. ff. eod.

17. *Personam Actoris & Rei* respiciunt *Exceptiones*, si dicatur eos *personam* standi in *judicio* non habere, & similes.

18. *Personas minus Principales*, *Advocatos* scil. & *Procuratores*, respiciunt *Exceptiones*, si dicatur *Advocatos* postulare; *Procuratores* in *judicio* versari non posse; quæ in specie dicuntur *Procuratoria*; Quantum ad *procuratores* scil. attinet. §. ult. l. b. §. ult.

19. *Modum Procedendi* respiciunt, *Exceptiones* ratione *Citationis*, *Termini nimis angusti*, *Loci non tuti*, *Foriarum* &c. Nec non ratione *Libelli*, *Exceptio obsecuri & inepti libelli*, similesque.

20. Ad *Merita cause* pertinent *Exceptio pluri petitionis*, §. 10. l. b. *Prescriptio moratoria* à Principe impetrata. l. 2. l. 4. C. de prec. Imp. off. Sub & *Obreptionis*. l. 2. C. si cont. jus vel util. publ. *Cedendarum actionum*, *Competentia*, *Non impleti contractus*, aliaque similes.

21. Ut autem sciamus quo tempore *Exceptiones* proponendæ sint, distinguendum inter *Exceptiones Dilatorias & Peremptorias*.

22. *Perpetua & peremptoria* in *stricti-juris* *judiciis* ante *litem contestatam* proponendæ seu allegandæ, post probandæ sunt. l. 8. C. b. l. 9. C. de prescr. long. temp. ita accip. l. 2. C. sent. rescind. non poss.

23. In b. f. *judiciis*, & ante & post *litem contestatam* opponi possunt.

24. Quæ vero *litis* *contestationem* impediunt, veluti *Rei judicate*, *Jurisjurandi*, *Transactionis*, ante *litem contestatam* proponendæ & probandæ sunt.

25. Quædam etiam post ipsam *sententiam* proponi possunt, Veluti *Exceptio SCti Macedoniani & Vellejani*. l. 11. ff. de SC. Maced.

26. *Dilatorie* autem ordinario ante *litem contestatam* proponendæ sunt. l. pen. & ult. C. b. t.

27. Nisi *Reus* eas ignoraverit, vel post *litem contestatam* demum or-

ut sint. c. 4. x. b. arg. l. 11. §. 8. ff. de interrog. in jur. fac. Vel tales sint quæ judicium retro reddunt nullum. l. 24. C. de Proc.

28. *Quin & Dilatoria* quædam *post sententiam* proponi possunt,

I. Si sententia nulla sit propter incompetentiam Judicis,

II. *Exceptio competentia*. l. 14. §. f. ff. de re jud.

III. *Cedendarum actionum*. l. 41. §. 1. ff. de fidej.

29. III. *Exceptiones* sunt vel *Reales* vel *Personales*. §. ult. de replic. l. 7. pr. & §. 1. ff. b. t. §. ult. l. de repl.

30. *Reales* sunt *qua rei coherent*, & proinde fidejussoribus & heredibus competunt. l. 7. §. 1. l. 19. ff. b. t. Uti *Rei judicate*, *Doli mali*, *Jurijurandi*, *Quod metus causa*, *Pacti in rem*, *Sciti Macedoniani & Vellejani*. d. l. 7. §. 1. §. 4. l. de replic. l. 9. §. pen. ad SC. Maced. l. 16. §. 1. ff. ad SC. Vellej.

31. *Personales* *qua persone cujusque coherent*, & ad alios non transeunt. l. 7. pr. ff. b. t. Veluti *Exceptio competentia*. d. l. 7. d. §. ult. l. de replic. & *Pacti personalis*. l. 22. l. 25. §. 1. ff. de pact.

32. *Mixta* tamen quodammodo est *exceptio Minoris ætatis*. l. 18. in f. l. 19. pr. ff. de min.

33. Quod si plures *exceptiones* *Reus* habeat, omnibus uti potest. l. 5. ff. b. l. 43. ff. de R. J.

34. Neque ulla temporis *præscriptio ordinario* *excluduntur*. l. 5. in f. ff. de dol. mal. & met. exc.

35. Quod *secus* est in *Actionibus*: *Actor* enim cum lubet *actionem* *movere* potest, *Reus* autem non potest cum vult *excipere*.

TIT. XIV.

DE REPLICATIONIBUS.

pr. b. t. I. *Interdum* *evenit* ut *exceptio* *qua prima facie* *justa* *videbatur*, tamen inique noceat: *Quod* cum *accidit* *alia allegatione* *opus est*, *adjuvandi Actoris gratia*, *qua Replicatio* *dicitur*, *quia per eam* *replicatur* *atque* *resolvitur* *jus exceptionis*. pr. l. b.

2. Ut

2. Ut adeo *Replicatio* nihil sit aliud, quam *contraria exceptio*, seu *exceptionis à Reo proposita exclusio*. l. 2. §. 1. ff. de exc. l. 10. C. eod.

3. Replicationem autem excludit *Duplicatio* §. 1. l. b. (quæ alio sensu §. 1. 2. 3. vocatur *Triplicatio* in l. 2. §. 3. ff. de exc.) *Duplicationem Triplicatio* §. 2. l. b. *Triplicationem Quadruplicatio*: Et sic deinceps multiplicantur nomina, dum aut *Reus* aut *Aktor* objicit. §. 3. l. b. l. 2. §. 3. ff. de Except.

4. Ut tamen litium aliquis sit finis, duplicationem vel quadruplicationem ascendere vix permittendum est.

TIT. XV.

DE INTERDICTIS.

I. Paucis etiam agendum de *Interdictis*, seu actionibus extraordinariis, quæ pro illis competunt.

2. *Interdicta* olim formulæ erant seu conceptiones verborum, quibus *Prætor* jubebat aliquid fieri vel fieri prohibebat. pr. l. h. pr. b. t.

3. Quibus si peritum non esset tum aut manu ministrorum Decretum exequebatur, aut ex causa *Interdicti* actionem & iudicium dabat. l. 1. §. 2. ff. si vent. nom. l. 3. ff. ne vis fiat ei qui in poss.

4. Sed formulæ & mos dandorum iudicum *Ped.* abierunt in defectu ordinem. l. 2. C. de ped. jud. omniaque iudicia extraordinaria facta sunt. §. ult. l. b. Ut ab ipsis actionibus incipere jam liceat. l. ult. C. b. t. §. ult.

5. Unde *Interdicta* jure novo nihil sunt aliud, quam *extraordinaria actiones quibus de possessione vel quasi possessione agitur*. pr. l. junct. §. ult. l. b. l. 2. §. 2. ff. eod.

6. Fæque utilissima sunt, quia in hisce controversiis ultra jurgium sæpe proceditur, & manibus non temperatur; Ut celerrime componi debeant. v. l. 13. §. 3. ff. de usufr.

7. Summa autem *Interdictorum* divisio hæc est, quod aut *Prohibitiva* sunt, aut *Restitutiva*, aut *Exhibitoria*. §. 1. l. b. §. 1.

8. Sequens divisio est, Quod quædam *Adipiscende possessionis* causa comparata sint, quædam *Retinende*, quædam *Recuperande*. §. 2. l. b. §. 2.

9. *Adipiscende possessionis* est *Interdictum Quorum bonorum*; (à prioribus verbis *Interdicti* ita dictum) *Quod datur bonorum possessori, contra eum* §. 3.

eum qui pro herede vel possessore possidet, ad consequendam possessionem rerum hereditariarum. §. 3. l. b. l. 1. ff. quor. bonor.

10. Datur hoc Interdictum Bonorum possessori, i. e. ei cui ex Edicto Pratoris bonorum possessio seu hereditas Pratoria data est, l. 1. ff. quor. bonor. Et nihilominus est Adipiscenda possessionis. Bonorum Possessio enim alia juris est, alia corporis: Bonorum possessionem juris Bonorum Possessor habet, sed Bonorum possessionem corporis per Interdictum adipiscitur.

11. Pro Herede autem possidere dicitur, qui putat se heredem esse: Pro Possessore is possidet qui nullo jure rem hereditariam, vel etiam rotam hereditatem, sciens ad se non pertinere, possidet, d. §. 3. l. b. l. 11. & seqq. ff. de her. pet.

12. Ideo autem adipiscenda possessionis vocatur, quia ei tantum utile est, qui nunc primum conatur adipisci rei possessionem; Itaque si quis adeptus possessionem amiserit eam, hoc Interdictum ei inutile est, d. §. 3. l. 1. in f. ff. quor. bon.

13. Simile huic Interdicto est Remedium l. ult. C. de Ed. Div. Hadr. toll. quo scriptus heres in testamento nullo visibili vicio laboranti, petit ut mittatur in possessionem hereditatis.

14. Adipiscenda possessionis etiam est Interdictum Quod Legatorum; Quod datur heredi qui satisdedit, adversus quemlibet legatorum nomine rem hereditariam sine voluntate heredis occupantem, ad hoc ut eam (ob Legem scil. Falcidiam) restituat, vel in id quod interest condemnatur. l. 1. ff. quod legator. l. un. C. cod.

15. Interdictum etiam adipiscenda possessionis in §. 3. l. b. memoratur Salvianum, Quod datur Domino fundi ad adipiscendam Possessionem rerum coloni, pro mercede fundi pignori obligatarum. d. §. 3. in f. t. t. ff. & C. de interd. Salv.

16. Quamvis autem in hunc finem competat etiam Actio Serviana, utilius tamen est hoc Interdicto experiri: Quia in illa probandum est, rem, quæ pignori obligata est, fuisse in bonis vel dominio coloni; In hoc autem sufficit probare rem pignoris causa esse inductam, & a colono eo tempore possessam. l. 1. ff. de Salv. interd. l. 1. §. 2. ff. de pign.

§. 4. 17. Retinenda possessionis causa, comparata sunt interdicta Uti possidetis & Utrubi. §. 4. l. b.

18. Interdictum *Uti possidetis* datur rerum immobilium possessori, contra turbantem, ad id quod interest. l. 1. l. 3. §. f. ff. uti possid. & ut caveat eum in posterum turbatum non iri. arg. l. un. C. b. l. 7. l. 12. si serv. vind.

19. Interdictum *Utrubi* de possessione rerum mobilium competit. d. §. 4. l. h.

20. *Uti possidetis* Interdicto is vincebat qui Interdicti tempore possidebat; *Utrubi*, qui majore parte anni, nec vi nec clam nec precario ab Adversario possidebat: Quod postea mutatum; Nam utriusque Interdicti potestas (quantum ad possessionem pertinet) exaequata est, Ut ille vincat & in re soli, & in re mobili, qui possessionem nec vi, nec clam, nec precario ab adversario litis contestata tempore detinet. d. §. 4. in f. l. h. l. un. §. 1. ff. utrubi.

21. Recuperanda possessionis causa, comparatum est Interdictum *Unde Vi* (similiter à prioribus interdicti verbis sic dictum) per quod is qui deiecit, cogitur restituere possessionem, licet is ab eo qui vi deiecit, vi vel clam vel precario possideat. §. 6. l. h. l. 1. pr. ff. de Vi & Vi arm. §. 6.

22. Datur hoc Interdictum possessori rerum immobilium; de rebus mobilibus datur actio *Vi bonorum raptorum*. l. 1. §. 6. ff. d. 1.

23. Datur contra deicientem, sive per se, sive per alium deiecerit. l. 1. §. 12. 14. 15. ff. h. Contra dejectum autem, si deicientem in continenti rursus deiecerit, locum non habet. l. 3. §. 9. l. 17. ff. de Vi & Vi arm.

24. Datur ad restituendam possessionem vi ablatam, & refarciendum omne damnum deiectione datum. l. 1. pr. §. 31. & seqq. ff. cod.

25. Plura similia remedia reperiuntur, & *Jure nostro Civili*, & *Jure Canonico*.

26. Sed omnium optimum est, remedium *C. reintegranda*. C. 3. Q. 1. Quod datur de omni re sive mobili sive immobili quocunque modo injusto ablata, adversus quemcunque possessorem, licet non spoliaverit, nec spoliis conscius fuerit, ad restituendum.

27. Tertia Interdictorum divisio est, quod aut *Simplicia* sunt, aut *Duplicia*. §. 7. l. h.

28. *Simplicia* sunt, in quibus alter *Actor* alter *Reus* est, qualia sunt omnia restitutoria aut exhibitoria. d. §. 7. l. h.

29. *Duplicia* sunt, in quibus uterque *Actoris* & *Rei* vicem sustinet; Qua-

Qualia sunt in quibus verba Prætoris diriguntur ad utrumque; *Vtuti Ut possidetis*, & *Utrubi*. d. §. 7. In quibus tamen lite mota pro *Actore* habetur, qui Prior ad iudicium provocavit. arg. l. 13. ff. de jud.

30. Sunt autem *Interdicta* Actiones, & proinde etiam in rem, vel in personam.

31. *Interdicta in rem* sunt, quæ descendunt ex jure in re, puta; *Quorum bonorum*, quod oritur ex jure hereditatis, & *Salvianum*, quod oritur ex j. re pignoris; Nec non *Ut possidetis* & *Utrubi*, quæ descendunt ex jure possessionis. Non obst. l. 1. §. 3. ff. de interd.

32. *In personam*, quæ oriuntur ex obligatione, uti *Interdictum Unde Vi*, quod oritur ex delicto.

33. Dantur *Interdicta*, uti supra dictum, de possessione vel quasi possessione; Unde de possessione quædam subjienda sunt.

34. *Possessio in genere est rei detentio*. l. 1. pr. & §. 1. ff. de acq. vel am. poss.

35. Estque 1. *Vel Vera*, vel *Quasi talis*. l. 10. ff. si serv. vind. pr. l. h. rerum scilicet incorporalium. l. 18. §. 1. ff. de pet. hered.

36. 2. *Naturalis* vel *Civilis*. l. 1. §. 9. ff. de Vi & vi arm. Quæ tamen divisio non semper eodem modo accipitur.

37. *Naturalis* enim possessio aliquando late accipitur pro nuda detentione. l. 2. §. 1. ff. pro hered. l. 7. §. 11. ff. comm. div. Aliquando *strictè* pro ea, qua quis rem non quidem animo domini, sed propter jus in re possidet. Talis est possessio fructuarii. l. 12. pr. ff. de A. vel A. poss. creditoris ratione pignoris. l. 37. ff. de A. R. D. Emphyteutz. l. 15. §. 1. ff. de his qui satisd. cog. aliorumque.

38. *Civilis* similiter aliquando late ponitur, pro omni ea quam jus civile agnoscit & ex qua remedia oriuntur possessoria; Eoque sensu creditor pignus civiliter possidere dici potest. Aliquando *strictè* pro ea, qua quis rem detinet tanquam dominus. l. 1. §. 9. ff. de Vi & vi arm. l. 2. §. 1. ff. pro hered.

39. 3. Possessio alia est *Vitiosa* alia *Non vitiosa*: Nec non

iv, Alia *Iusta*, alia *Iniusta*. l. 13. §. 1. ff. de publ. in rem act.

§. 5. 40. *Acquiritur* possessio animo & corpore simul. §. 5. l. h. l. 3. §. 1. §. 1. 8. ff. de acq. vel am. poss. l. 153. ff. de R. J. Retinetur etiam solo animo.

mo. d. §. 5. l. b. l. 3. §. 7. ff. de A. vel A. poss. l. 4. C. eod. Amitti solet quem admodum acquiritur, animo scil. & corpore. d. l. 8. ff. de A. vel A. poss. d. l. 13. ff. de R. J. Animo tamen solo amittere etiam eam possumus, l. 3. §. 6. ff. de A. vel am. poss.

TIT. XVI.

DE POEN. TEM. LITIGANT.

I. **M**agnam autem curam egerunt isti qui jura sustinebant, i. e. Legisla- *pr. b. t.*
tores & JCti, ne facile homines ad litigandum procederent. *pr.*
I. b. Caverunt etenim ut temeritas litigantium, modo pecuniaria poena,
modo jurisjurandi religione, modo infamia coerceretur. *pr. l. b.*

2. Pecuniaria poena locum habet.

i. Dum in quibusdam causis, veluti Legis Aquilix & legatorum pius lo- *§. i.*
cis relictorum, lis inficiando crescit in duplum. *§. i. l. b.*

ii. Dum parentem vel patronum sine venia in jus vocantes, 50. aureo- *§. ult.*
rum poena puniuntur. *§. ult. l. b. l. pen. & ult. ff. de in jus voc.*

iii. Dum Actores plus petentes coercentur poena plus petitionis.

iv. Dum temere litigantes condemnantur in expensas. *§. i. in f. l. b. l. 79.*
f. de jud.

3. Quod si utraque pars justam litigandi causam habuerit, expensæ
compensantur, l. 3. §. i. C. de fruct. & lit. expens.

4. Jurisjurandi religione coercentur tam Reus quam Actor, dum
præstant. *Jurisjurandum Calumnie.*

5. Debet enim Actor de Calumnia jurare, quod non calumniandi ani-
mo litem moverit, sed existimando se bonam causam habere. *§. i. l. b. l. 2.*
C. de jurej. propt. cal.

6. Reus, quod putans se bona instantia uti, ad contradicendum per-
venit. *d. §. i. d. l. 2.*

7. Utriusque etiam partis Advocati jurant, se integro animo causam
clientis sui suscipere, nec falsi patrocinii sibi conscios esse, nullam se ope-
ram in causa clientis intermissuros, denique se patrocinium omisuros, si
quid malitiose fingi in eo deprehenderint. *d. §. i. d. l. 2. l. 14. §. i. C. de*
jud.

8. Quod jusjurandum olim sæpius præstabatur, in singulis instantiis, l. 1. C. de jurejur. propt. cal. Sed hodie sufficit ab initio litis semel jurasse, Auth. hoc Sacramentum. C. eod.

9. Est autem *Jusjurandum calumnia* jure nostro necessario præstandum, adeo ut ne quidem partes illud sibi remittere possint, l. 2. §. 4. C. de jurej. propt. cal.

10. *Infamia est privatio existimationis, & inde dependentium jurum, propter violatam turpibus factis vitam honestatem.* l. 8. l. 17. C. ex quib. c. infam. irrog. l. 3. C. de re milit. l. 3. pr. ff. de test.

11. Estque duplex, *Juris, & Facti* arg. l. 13. C. ex quib. c. inf. irrog. l. 2. ff. de obf. par. & patr. præst.

12. *Infamia juris* est privatio existimationis, propter turpe factum jure notatum.

13. Eaque contingit vel ipso jure, vel intercedente sententia judicis. v. l. 1. ff. de his qui not. infam.

14. *Infamia Facti* est quæ oritur ex turpi facto, quod existimationem alicujus apud bonos & graves viros onerat. l. 13. C. ex quib. caus. infam. irrog. l. 2. ff. de obseq. par. & patr. præst. l. 39. ff. de furt.

15. A qua diversa est *levis nota macula* quæ ex sordido vitæ genere, vel alia causa oritur. l. 27. C. de inoff. test.

§. 2. 16. Condemnati autem non tantum propter delicta fiunt infames, sed & ex quibusdam contractibus, *Tutela* scil., *Mandati*, *Depositum*, & *Societatis*. §. 2. l. h. t.

17. Si modo damnati sint l. Suo nomine. l. 1. l. 4. §. ult. ff. de his qui not. infam.

11. Propter dolum. l. 6. §. ult. ff. eod.

111. Directis non contrariis actionibus; Nam in contrariis judiciis de dolo non agitur, sed tantum de calculo & supputatione ejus, quod contrario judicio agenti abest. d. l. 6. §. ult. §. 2. l. h.

TIT. XVII.

DE OFFICIO JUDICIS.

pr. b. t. I. **S**upereff ut de *Officio Judicis* dispiciamus.

2. *Judex est Vir bonus, jurisdictionis publica autoritate præpos-*
tus

tur. l. 137. §. 2. ff. de V. O. l. 4. §. 1. ff. fam. ercisc. l. 3. C. de jurisd. omni. jud.

3. Dicitur *jurisdictioni publicæ auctoritate præpositus*; Ut sciamus neminem privata auctoritate jurisdictionem sibi arrogare posse, & ut intelligamus excludi hinc *Arbitrum*. v. l. 1. l. 3. de recept. & qui arb. recep. nec non *Judicem Pedaneum*, cui olim nuda tantum notio, non jurisdictionis competebat. v. l. 5. ff. de re jud.

4. Est autem *Jurdictio publica potestas dijudicandi, & judicatum exequendi*.

5. Eaque variis modis dividitur; Vel enim *Civilis* est, vel *Criminalis*; Vel *Voluntaria*, vel *Contentiosa*; Vel *Ordinaria*, vel *Extraordinaria*. l. 7. §. ult. ff. de offic. Proc. l. 6. §. 2. ff. de tutel. Vel *Propria*, vel *Mandata*, vel *Prorogata*. Sed de his ut & *Mero ac Mixto imperio* (v. l. 3. ff. de jurisd.) accuratius agitur ad Pandectas.

6. Præstat officium *Judex* maxime in *Judicio*.

7. *Judicium est Legitima causa controversæ tractatio coram Judice, inter Actorem & Reum*.

8. Partes judicii maxime considerandæ sunt in *jus Vocatio, Litis contestatio, causæ cognitio & Sententia*.

9. In *jus vocare* est *juris experiundi causa, ad eum vocare, qui jurisdictioni præest*. l. 1. ff. de in jus voc.

10. In *jus autem vocatio* semper est necessaria: Omnium enim actionum instituendarum Principium, ab ea parte Edicti proficiscitur, quæ Prætor edicit de in jus vocando. §. ult. l. de pen. tem. litig.

11. Unde & recte, si judicium late accipiat, in *jus vocatio* judicii prima pars constituitur.

12. *Litis contestatio est judicii suscepti utrimque facta professio*; seu negotii hinc inde apud judicem facta narratio, continens petitionem Actoris, & ad eam Rei conventi responsionem, per contradictionem. l. un. C. de lit. contest.

13. *Sententia est duplex Definitiva & Interlocutoria*. l. 39. ff. de Minor. l. 9. in f. l. 12. C. de Sent. & interl.

14. *Interlocutoria est, quæ pronuntiatur super causa incidenti*. d. l. 20. ff. de minor.

15. *Definitiva est iudicis pronuntiatio, qua causa principalis deciditur, absolvenda vel condemnatio Reum. l. 1. ff. de re jud.*

16. *Quæ si intra decennium non appellatur. Nov. 23. c. 1. transit in rem judicatam, & si non pareat condemnatus, sequitur executio. l. 1. l. ult. C. de Execut. rei jud.*

17. *Et quidem imprimis illud observare debet Iudex, ne aliter juddictet, quam legibus aut Constitutionibus aut moribus proditum est. pr. l. 1. l. 13. C. de sent. & interl.*

18. *Si contra Leges judicaverit, sententia est ipso jure nulla, ut appellare non sit necesse. l. 19. ff. de appell. l. 1. §. 2. ff. qua sent. fin. appell. l. 2. C. quæd. prov. non est necesse.*

19. *Debet etiam judicare secundum Acta & probata. l. 6. §. 1. ff. de offic. prefec. l. 18. ff. comm. div. ne exteroquin malis hominibus fenestra aperiat.*

20. *Non tamen contra conscientiam: Unde si conscientia contraria sit, recte faciet si deponat officium iudicis, & induat (si velit) personam reffis.*

§. 1. & seqq. 21. *Tandemque id curare debet iudex, ut secundum naturam cujusque actionis accommodate sententiam pronunciet, uti per exempla ostendit Imp. §. 1. & seqq. b. 1.*

TIT. XVIII.

DE PUBLICIS JUDICIIS.

pr. §. 1. b. 1. 1. *Publica judicia sunt, quæ ex Legibus publicorum judiciorum trahunt, l. 1. ff. de publ. jud. data cuius à populo eorum executione i. e. accusatione. §. 1. l. b. l. 1. §. 1. ff. de incend. ruin. & navis. add. supr. ad tit. de oblig. quæ ex delict. §. 4.*

2. *Quæ à privatis, tum in instituendo, tum in exercendo, multum differunt. pr. l. b.*

§. 2. 3. *Publicorum judiciorum quædam Capitalia sunt, quædam Non capitalia. §. 2. l. b. l. 2. ff. cod.*

4. *Capitalia sunt, quæ reum afficiunt morte naturali vel civili. d. §. 2. l. b. d. l. 2. ff. cod. add. l. 28. ff. de pen.*

5. *Non capitalia, quæ corporis coercionem, relegationem, infami-*

am, vel penam pecuniariam irrogant. d. §. 2. l. b. d. l. 2. ff. eo. l. Licet in latiori sensu causa etiam exilimationis capitalis aliquando vocetur. l. 103. ff. de V. S.

6. Publica autem judicia sunt hæc i. *Lex Julia* (à Julio Cæsare ut videtur dicta) *Majestatis*, quæ in eos, qui contra Imp. vel Romp. aliquid moliti sunt, suum vigorem extendit. §. 3. l. b.

7. Quod crimen duplex est *Perduellionis*, & *Majestatis in specie dictum*. l. ult. ff. ad L. Jul. Maj.

8. Crimen *Perduellionis* est, cum quis hostili animo adversus Romp. vel Principem animatus est. d. l. ult. v. l. 1. 2. 3. 4. ff. ad L. Jul. Maj.

9. *Majestatis in specie dictum* est, cum alio quocunque modo contra *Majestatem Principis vel Reip.* indirecto aliquid committitur.

10. Utriusque poena ultimum supplicium est, d. §. 3. l. b. Sed in crimine *Perduellionis*, memoria Rei post mortem etiam damnatur. d. §. 3. l. ult. ff. l. 6. C. ad L. Jul. Maj.

11. II. *Lex Julia* (ab Augusto lata; l. 1. ff. ad L. Jul. de adult.) de *Adulteriis*. Quæ temeratores alienarum nuptiarum punis, nec non eos qui cum masculis nefandam libidinem exercere audent. §. 4. l. b.

12. *Adulterium* jure nostro est vitiatio ejus quæ alteri nupta est. l. 6. §. 1. ff. ad L. Jul. de adult. Quod si maritus cum soluta rem habeat, Stuprum est. d. l. 6. §. 1.

13. Poena adulterii ex *Lege Julia* relegatio fuit. arg. l. 5. ff. de quest. l. 11. l. 29. §. 1. ad L. Jul. de adult. Vid. Tac. L. 1. Annal. c. 33. L. 4. c. 42.

14. Sed *Constantinus M.* fecit capitalem, voluitque poenam esse gladii. l. 30. §. 1. C. ad L. Jul. de adult. Secundum quam *Tribonianus d. §. 4. l. b.* inflexit. Convenienter *Juri Divino*, Lev. 20. v. 10. Deut. 22. v. 21.

15. Mulierem autem adulteram in Monasterium detrudi, & post biennium (facta intra biennium marito recipiendi potestate) radi, postea voluit *Justinianus Imp.* in Nov. 134. c. 10.

16. Eademque poena gladii dicitur peccato Sodomitico. l. 31. C. ad L. Jul. de Adult.

17. Punitur etiam *Lege Julia Stupri flagitium*, cum quis sine vi, vel virginem vel viduam honeste viventem stupraverit. d. §. 4. l. b. l. 6. §. 1. ff. ad L. Jul. de adult.

18. Cujus poena eis quidem qui honesti sunt, publicatio est dimiditæ partis bonorum, si humiles, corporis coercitio cum relegatione. *d. §. 4.*

19. Secus ac jure Divino, quo stuprator stupratam ducere debet & dotare. *Deut. 22. v. 29.*

§. 5.

20. III. *Lex Cornelia* (à L. Corneliæ Syllæ lata) de Sicariis, quæ homicidas persequitur, vel eos qui hominis occidendi causa cum telo ambulat. *§. 5. l. b. l. 1. pr. ad L. Corn. de Sicar.*

21. Poena Legis Corneliæ deportatio fuit, & omnium bonorum ademptio, non capitalis nisi quoad humiliores. *l. 3. §. pen. l. pen. ff. ad L. Corn. de Sic.*

22. Sed postea capitalis poena, gladii scilicet in homicidas constituta est. *l. 8. C. cod. §. 5. l. b.* (quæ de jure novo accipiendus est) Convenienter iterum juri Divino. *Exod. 21. v. 12. Lev. 24. v. 17.*

23. Quæ tamen ut locum habeat, requiritur, ut homicidium dolo malo sit commissum: Lata enim culpa pro dolo hic non habetur. *l. 7. ff. ad L. Corn. de Sic.*

24. Eadem *Lex* & *Venefici capite damnantur, qui artibus odiosis, tam venentis quam susurris magicis* (quod fieri posse credit Imp.) homines occiderint, vel mala medicamenta publice vendiderint. *§. 5. l. b. l. 1. §. 1. l. 3. ff. ad L. Corn. de sic. l. 1. C. de Malef. & Mathem.*

§. 6.

25. IV. *Lex Pompeja* (à Cn. Pompejo M. lata) de Parricidiis. Quæ cavetur ut si quis parentis aut filii, aut omnino affectionis ejus quæ nuncupatione parricidii (sic legendum) continetur, facta properaverit, vel cujus dolo malo id factum sit, vel conficius criminis existit, poena parricidii puniatur. *§. 6. l. b.*

26. Quæ non est ordinaria sed nova i. e. rara & singularis; ut scilicet parricida virgis primum sanguineis cæsus. *l. pen. ff. ad L. Pomp. de Parricid.* postea culeo insutus, cum cane, gallo gallinaceo, vipera & simia, inter ferales eas angustias comprehensus, in vicinum mare vel amnem projiciatur. *d. §. 6. l. b. d. l. pen. l. m. C. de his qui par. vel lib. occid.*

§. 7.

27. V. *Lex Cornelia de Falsis* quæ etiam *Testamentaria* dicitur. *§. 7. l. b. l. 30. ff. ad L. Corn. de fals.*

28. Quæ poena irrogatur ei, qui testamentum vel aliud instrumentum falsum scripserit, signaverit, recitaverit, subjecerit, vel signum adulterinum fecerit, sculperit, expresserit, sciens dolo malo, *d. §. 7. l. b.*

29. *Falsum enim est Veritatis imitatio, vel suppressio, in fraudem alterius improbe facta.* Nov. 73. pr. l. 23. l. 16. §. 2. ff. ad. L. Corn. de fals.

30. *Pœna Legis Corneliæ de Falsis, in servis est ultimum supplicium, in liberis deportatio.* d. §. 7. l. 1. §. ult. ff. ad L. Corn. de Fals.

31. *Qui vero falsam monetam cudit, vel probam abradit, minuit, tingit, criminis etiam Majestatis Reus est, & ex Constantini Imperatoris Constitutione, igne crematur.* l. 2. C. de fals. monet.

32. VI. *Lex Julia de Vi publica & privata.* §. 8. l. b.

§. 8.

33. *Vis publica est quæ armis aliove atrociori modo.* d. §. 8. l. 1. l. 3. l. 5. l. 10. ff. ad L. Jul. de vi publ. (etiam, si quis nova vestigalia exerceat l. ult. ff. eod.) *Privata quæ sine armis committitur.*

34. *Et si quidem armata vis arguatur, deportatio ex Lege Julia de Vi publ. irrogatur; Si vero sine armis in tertiam partem bonorum publicatio imponitur.* d. §. 8. l. 10. §. ult. ad L. Jul. de Vi publ. l. 1. l. ult. ff. ad L. Jul. de Vi priv.

35. *Sin autem per Vim Raptus virginis vel viduæ vel sanctimonialis vel alterius fuerit perpetratus, tunc & raptores & ii qui opem huic flagitio tulerunt, etiam capite puniuntur.* d. §. 8. l. b. l. un. C. de rapt. virg.

36. VII. *Lex Julia Peculatus.* §. 9. l. b. *Est autem Peculatus furtum pecunie reive publicæ, vel Sacræ.* §. 9. l. b. l. 4. l. 9. §. 2. ff. ad L. Jul. pecul.

§. 9.

37. *Estque Peculatus in specie sic dictus, furtum scil. pecunie vel rei publicæ; Vel Sacrilegium, furtum scil. rei sacræ.*

38. *Peculatus in specie dicti, si quidem ipsi judices tempore administrationis pecuniam subtraxerint, pœna est capitalis.* d. §. 9. l. b. l. un. C. de crim. pec. *Si alii, pœna est deportatio.* d. §. 8. l. 3. ff. ad L. Jul. pec. vel quadruplum. l. pen. ff. eod.

39. *Sacrilegii pœna indistincte capitalis est.* l. 9. ff. eod.

40. VIII. *Lex Fabia de Plagiariis.* §. 10. l. b. *Est autem Plagium fraudulentæ liberi hominis vel servi alieni suppressio.* l. 1. l. 3. l. 5. l. 6. ff. de L. Fab. de Plag. l. 5. l. 15. C. eod.

§. 10.

41. *Plagii ex ipsa Lege pœna fuit pecuniaria, postea gravius puniri cepit,*

cepit, & quandoque capite. d. §. 10. l. b. l. ult. ff. ad L. Fab. de Plag. l. 7. l. ult. C. cod. Uti & Lege Divina. Exod. 21. v. 16. Deut. 24. v. 7.

§. 11.

42. ix. Lex Julia de Ambitu. §. 11. l. b. Est autem Ambitus illicitus, (veluti data pecunia,) honorum & dignitatum paratio.

43. Quæ Lex in Urbe cessavit, ex quo Magistratum creatio ad curiam Principis pertinere cepit; Sed in municipiis poena ejus est C. aureorum cum infamia. l. un. pr. & §. 1. ff. de Leg. Jul. amb.

44. Similis est Simonia i. e. beneficii Ecclesiastici illicita comparatio. s. 1. x. de Simonia.

45. x. Lex Julia Repetundarum. §. 11. l. b. Qua tenentur, qui in Magistratu vel officio aliquid acceperunt, quo magis vel minus officium facerent. l. 1. l. 3. ff. de Leg. Jul. repet.

46. Poena ejus est extraordinaria, & varia, prout varix sunt circumstantiæ. l. 7. §. 3. ff. l. ult. C. cod.

47. xi. Lex Julia de Annona. d. §. 11. l. b. Qua tenentur ii qui annonam publicam fraudaverint, vel vexaverint. l. 2. ff. de Leg. Jul. de annona.

48. Poena ejus est pecuniaria, xx. scil. aureorum. l. 2. §. 2. ff. ad L. Jul. de annona.

49. xii. Lex Julia de Residuis. d. §. 11. l. b. Qua tenentur qui pecuniam publicam in usus suos converterunt, & apud quos ex pecunia publica aliquid residet. l. 2. l. 4. §. 3. ff. ad L. Jul. pec.

50. Poena ejus similiter est pecuniaria, tripli scil. ultra id quod debetur. d. l. 4. §. 5. ff. cod.

§. ult.

51. Sed de Publicis judiciis hæc quasi per indicem i. e. leviter & summatim, corollarii loco exposita sunt; Quorum plenior cognitio ex Pandectis petenda est. §. ult. l. b. t.

F I N I S:



INDEX

INDEX TITULORUM.

A.		Heredum qualitate & differentia. 95	
D e Actionibus.	pag. 135	His qui sui vel alieni juris sunt. 10	
Ademtionē & translatione		L.	
Legatorum.	109	Iis per quos agere possumus. 203	
Adoptionibus.	16	Ingenius.	7
Atiliano Tutore & eo qui ex Le-		Injuriis.	179
ge Julia & Titia daban-		Inofficio testamento.	21
tur.	26	Interdictis.	211
Auctoritate Tutorum.	27	Inutilibus stipulationibus.	142
		Jure Personarum.	6
C.		Jure Naturali, Gentium & Civili.	3
Capitis Deminutione	24	Julia & Jure.	1
Codicillis.	115	L.	
Curatoribus.	22	Legatis.	98
		Lege Aquilia.	176
D.		Lege Falcidia.	110
Divisione Stipulationum.	141	Lege Fusia Caninia tollenda.	9
Donationibus.	62	Legitima agnatorum tutela.	23
Duobus reis stipulandi & promit-		Legitima parentum tutela.	25
tendi.	140	Legitima patronorum tutel.	25
		Libertinis.	8
E.		Literarum Obligationibus.	150
Emptione & Venditione.	152	Locatione & conductione.	155
Exceptionibus.	207	M.	
Excusationibus tutorum vel cu-		Mandato.	162
ratorum.	32	Militari testamento.	75
Exheredatione liberorum.	78	N.	
		Noxalibus actionibus.	200
F.		Nuptiis.	11
Fideicommissariis hereditatibus		O.	
& ad Scutum Trebellia-		Obligationibus.	122
nium.	112		Ob:
Fidejussoribus.	148		
Fiduciaria tutela.	25		
H.			
Heredibus instituendis.	82		

INDEX TITULORUM.

Obligationibus ex consensu.	151	Quod cum eo qui in aliena potestate est, negotium gestum esse dicitur.	197
Obligationibus quæ quasi ex contractu nascuntur.	165	R.	
Obligationibus quæ ex delicto nascuntur.	170	Rebus corporalibus & incorporalibus.	18
Obligationibus quæ quasi ex delicto nascuntur.	183	Replicationibus.	210
Officio Judicis.	216	Rerum divisione & acquirendo ipsarum dominio.	37
P.		S.	
Patria Potestate.	10	Satisfactione tutorem vel curatorem.	30
Perpetuis & temporalibus actionibus & quæ ad heredes & in heredes transeunt.	205	Satisfactionibus.	204
Per quas personas cuique acquiritur.	67	Servitutibus rusticorum & urbanorum prediorum.	12
Per quas personas nobis obligatio acquiritur.	167	Singulis rebus per fideicommissum relictis.	115
Pœna temere litigantium.	215	Si quadrupes pauperiem secisse dicatur.	201
Publicis judiciis.	218	Societate.	160
Pupillari substitutione.	86	Stipulatione servorum.	141
Q.		Successione ab intestato &c.	117
Qui & ex quibus causis mittere non possunt.	9	Suspectis tutoribus vel curatoribus.	35
Quibus alienare licet vel non.	65	T.	
Quibus modis jns patris potestatis solvitur.	19	Testamenti ordinandis.	70
Quibus modis re contrahitur obligatio.	131	Tutelis.	21
Quibus modis testamenta infirmantur.	89	V.	
Quibus modis tollitur obligatio.	167	Verborum obligationibus.	136
Quibus modis tutela finitur.	28	Vi bonorum raptorum.	175
Quibus non est permillum facere testamentum.	76	Usucapionibus & longi temporis prescriptionibus.	62
Qui testamento tutores dari possunt.	22	Usu & habitatione.	57
		Usufructu.	56
		Vulgari substitutione.	85

II.
DISSERTATIONES JURIDICÆ
QVATUOR,
DE
PORTIONE LEGITIMA
LIBERIS, PARENTIBUS,
ET FRATRIBUS,
RELINQVENDA.



DISSERTATIO JURIDICA
PRIMA,
DE PORTIONE LEGITIMA
LIBERIS, PARENTIBUS,
ET FRATRIBUS,
RELINQUENDA.

CAP. I.
DE NOMINIS RATIONE

§. I.

☆☆☆☆
 ☆ F ☆ frequens in jure nostro usus est vocis *Legitimi*, non autem sem-
 ☆ ☆ per eodem modo accipitur.
 ☆ ☆ ☆

§. 2. *Legitimum* maxime proprie haud dubie illud dicitur, quod legi-
 bus sive XII. Tabb. sive aliis, directe & expresse introductum & consti-
 tutum est. Sic *Tutela* quæ L. XII. Tabb. proximis deferuntur agnatis, nec
 non *Hereditates* quæ ex L. XII. Tabb. aliisve novis legibus, vel SCtis ab
 intestato obveniunt, *Legitime* dicuntur, l. 1. ff. de legit. tut. l. 7. ff. de cap.
 min. l. 1. §. 8. ff. ad SC. Tertull. junct l. 1. 2. 3. ff. de pet. hered. Ut &
 hereditas *Legitima* i. e. ab intestato delata, *testamentaria* sæpe opponatur
 l. 17. §. f. l. 77. ff. de acq. hered. l. 82. ff. de hered. inst. Heresque cui he-
 reditas ea deferretur *Legitimus*, & ius ei competens *legitimum* κατ' ἐξοχήν,
 voce.

vocetur l. 96. in f. pr. ff. de legat. 2. l. 6. §. 1. ff. de bon. poss. l. 3. §. 2. ff. pro soc. 1. 1. ff. C. de suis & legit. hered.

§. 3. Eodem sensu tempus legibus statutum *legitimum* l. 19. ff. de min. junct. l. 1. C. si min. maj. se dix. l. 8. C. de non. num. pec. Etas lege præscripta *legitima* l. ult. in f. ff. de appell. l. 4. C. de transact. l. 1. C. de Curat. suor. l. ult. C. de his qui ven. at. Quantitas legibus constitutionibusque definita *legitima* l. 25. C. de don. int. Vir. & ux. l. 19. pr. ff. de bon. libert. Aliaque *legitima* dicuntur.

§. 4. *Legitimum* etiam dicitur, quod non quidem ex verbis legis, sed ex ratione ejus & interpretatione introductum est l. 6. §. 1. ff. de V. S. Aperte Imp. pr. I. de legit. patron. tutel. Ex eadem lege XII. Tab. libertorum & libertarum tutela ad Patronos liberosque eorum pertinet. Quæ & ipsa *Legitima* tutela vocatur, non quia nominatim in ea lege de hac tutela caveatur, sed quia perinde accepta est per interpretationem ac si verbis legis introducta esset.

§. 5. Neque minus recte *Legitimum* vocatur, quod legibus confirmatum est. Sic pacta quæ lege SCtove confirmantur vel adjuvantur *Legitima* appellantur l. 6. ff. de pact. sic & hereditas quæ ex testamento deferitur lege obvenire dicitur, quia L. XII Tab. testamentariæ hereditates confirmantur l. 30. ff. de V. S.

§. 6. Quin & omnia quæ secundum leges fiunt *Legitima* dici possunt. Sic uxor, quam quis secundum leges duxit, *legitima* l. 4. ff. de R. N. Nuptiæ secundum leges contractæ *legitima* l. 19. ff. de stat. hom. §. 8. I. de adopt. Liberique ex legitimo matrimonio nati, *legitimi* appellantur. l. 2. §. 3. ff. de excus. l. 2. C. de nat. lib.

§. 7. Sed omnia quæ huc spectant accurate exequi non est animus.

§. 8. Nobis hoc loco *Portio Legitima* est, quæ ex præscripto legum *Liberis, Parentibus & Fratribus* est relinquenda: Quæ legibus primum non tam introducta quam confirmata, posteaque mutata & plenissime definita est. Eoque nomine *Portio* hæc fere exprimitur. v. l. 30. pr. & §. 2. l. 31. l. 32. l. 33. l. 36. C. de inoff. test. l. 9. C. de impub. & al. subst. Quemadmodum & Græcis νόμος μοῖρα Nov. 18. inscr. νόμιμον μέρος Nov. 39. c. 1. Nov. 123. c. 19. dici solet.

§. 9. Ad quorum textuum exemplum *Portionem Legitimam* potius, quam *Legitimariam* inusitato prorsus vocabulo, vel *Quartam Legitimam* (quia secundum jus novissimum Nov. 18. c. 1. portio hæc quarta amplius non est) dicendam putavimus,

§. 10. Non placuit etiam communiter receptum vocabulum *Legitime*, sine

sine adjectione substantivi, positum: Tum quia dura omnino ellipsis est *tū partis*, vel *portionis*; tum quia locutionis ejus idonea exempla in jure non occurrunt.

CAP. II.

DE PORTIONIS LEGITIMÆ ORIGINE. AN LEGE QVADAM?
IN SPECIE AUTEM, AN LEGE GLICIA
INTRODUCTA SIT?

§. 1.

Portionem hanc, quam *Legitimam* dicimus, legibus confirmatam, postmodum verò mutatam auctamque esse, certum est. l. 8. §. 8. ff. de inoff. test. §. 3. 6. l. 6. C. cod. Nov. 18 c. 1.

§. 2. An autem & qua lege introducta & constituta sit? multi magnique nominis Jcti, sese ignorare ingenue fatentur. v. *A. Cont. Lib. 1. Lect. Subscap. 3. Wissenb. ad l. Disp. 23. ib. 3. A. Hub. Præl. ad l. de inoff. test. n. 8.*

§. 3. *Cujacius* quidem *Lib. 3. Obs. 8.* nixus Auctoritate *Niceph. L. 3. Eccles. Hist. c. 31.* D. Marci constitutione *Portionem* hanc introductam esse censuit.

§. 4. Sed ipse postmodum in not. ad *Paul. Lib. 3. Sent. 1. ult. ex Niceph. d. l.* id non probari, *Portionemque Legitimam*, quæ primum quarta fuit, ipso D. Marco antiquiorem esse agnovit; Constat enim ex *Plin. l. 5. ep. 1.* *Quartam* *Plinii* temporibus usitatissimam fuisse. Ipsum audiamus; *Si mater, inquit, te ex Quarta parte scripisset heredem, non quari posses? Quid si heredem quidem instituisset ex assè, sed legatis ita exhausisset, ut non amplius apud te quam Quarta remaneret? Igitur sufficere tibi debet, si exheredatus a matre Quartam partem ab heredibus ejus accipias.*

§. 5. Tentavit itaque Vir Summus, An alia lege introductam esse *Portionem Legitimam*, ostendi posset? eamque *L. 14. Obs. 14. ad Legem Gliciam*, quia *Querelam* etiam *Inofficiosi Testamenti* constitutam autumat *l. 2. Obs. 21.* (dubitanter tamen) retulit; Cujus sententiam secutus *Calvinus Legem Gliciam de Ratione inducendæ Querelæ, in Enumeratione Legum Romanarum* memorare non dubitavit.

§. 6. *Querelam* quidem *inofficiosi testamenti, Lege Glicia* introductam propter Inscriptionem legis 4. ff. de inoff. test. Cujus hæc sunt verba, *Gajus libro singulari ad Legem Gliciam, statuit Cujacius*; Eamque *M. Claudio Glicia* Dictatori adscribendam existimat.

§. 7. Sed suspecta est *Lex Glicia A. Augustino Lib. de Legib. nec non F. Hotmanno in Enumeratione Legum Romanarum.* Neque sine ratione, multa enim

enim sunt, quæ eam *Legem* omnino incertam & proinde sententiam hanc minus reddunt probabilem. Obscura enim & ignobilis est gens *Glicia*. Altum de *Lege Glicia* & apud *JCTos*, & apud *Historicos*, ipsiunque adeo *Val. Max.* l. 7. c. 7. quo de testamentis rescissis agit, est silentium, neque ulla ejus Legis vestigia, nedum fragmenta occurrunt.

§. 8. Ex *Inscriptione d. l.* 4. nihil, quod ad rem faciat, probari potest. Dubia enim ejus inscriptionis est lectio: In quibusdam Codicibus pro *Gliciam*, legitur *Falcidiam*, *Hotm. Disp. de Quart. Legitimar. c. 1. §. 6.* in aliis *Liciam*. *Gothof. add. l. 4. Quod* occasionem forte præbuit eidem *Hotm.* in *Ennm. Leg. Rom. Lib. 1. Antiq.* conjectandi pro *Gliciam* legendum esse *Titiam*, quam de pupillorum rationibus latam opinatur. *Pandectæ* quidem *Florentine*, in quibus *Gliciam* invenitur, optimæ sunt & reliquis Codicibus haud dubie præferendæ, non tamen omni nævo carent, omnique exceptione majores sunt. *Bockelm. proleg. ad ff. §. 4. n. 1. Add. Lauterb. Collig. ad Pand. prol. §. 4. n. 17.*

§. 9. *M. Claudium Gliciam* Dictatorem memorant *Fasti Capitolini* ad *A. U. C. 504.* eumque a *Claudio Pulchro* Dictatorem creatum esse memoriz prodidit *Sucton. in Tib. c. 2.* Dum ait: *Claudius Pulcher* apud *Siciliam* non pascentibus in auspicando pullis, ac per contentum religionis mari demersit, quasi ut biberent, quando esse nollent, prælium navale iniit, superatusque cum Dictatorem dicere a Senatu juberetur, velut iterum illudens discrimini publico *Ilyciam* (leg. *Gliciam*, uti jam dudum monuerunt Eruditi) viatorem suum (*Scribam* secundum *Fastos*, certe ultimæ sortis hominem *Epit. Liv. L. 19.*) dixit. Sed neque hic in nomine conveniunt *Historici*, *Glauciam* enim appellat *Epit. Liv. d. L. 19.* Neque verisimile est hunc Dictatorem, qui brevi tempore summo imperio præfuit, & iisdem *Fastis* nec non *Epit. Liv. d. l.* testantibus, abdicare se magistratu coactus fuit, *Legem* de *Querela inofficiosi*, & *Portione Legitima* promulgasse. Nulla sane ratio apparet, quare hæc *Lex* siquidem *Gliciam* Dictatorem auctorem habet, non potius *Claudia* quam *Glicia* dicta sit. Cum negari non possit leges a nomine, non vero cognomine Auctorum vocari solitas fuisse. Quemadmodum & *Lex Servilia* a *Servilio Glaucia* lata, non *Glaucia* sed *Servilia* dicta est.

§. 10. Imo licet vel maxime certum esset *Legem Gliciam* latam esse, minime tamen ex *d. Inscr.* demonstrari posset, *Querelam* ea lege primum introductam, eamve de *Ratione inducende Querela*, latam esse.

§. 11. Varia etiam in jure nostro occurrunt, ex quibus *Querelam Inofficiosi Testamenti*, neque ista, neque alia quadam lege introductam esse, manifestum est. Si enim lege quadam introducta est *Querela*? Quomodo dicere potuit

potuit Ulp. Jctus in l. 8. ff. de bon poss. contr. tab. exheredatos jure Civili testamenta parentum non turbare, sed si velint inofficiosi querelam instituere, id esse, in ipsorum arbitrio! Qui factum? ut personæ non exprimerentur, quibus querela competat. vid. l. 1. ff. de inoff. test. Et ad quid quæso color ille? quasi non sanæ mentis fuisset testator, quo colore de inofficioso testamento actum fuisse, constat ex l. 2. ff. de inoff. test. pr. l. cod.

§. 12. Non desunt, quoque qui censent Querelam inofficiosi testamenti ipso Glicia Dictatore antiquiorem esse, eo quod Val. Max. l. 7. c. 7. Querelam temporibus C. Calpurnii Pisonis Prætoris Urb. jam in usu fuisse memoret.

§. 13. Verum enim vero C. Calpurnium Pisonem Prætozem Urbanum, ante tempora M. Claudii Gliciz Dictatoris, in Historia Romana notare nondum licuit. Memorat sane Liv. L. 25. c. 41. eodem tempore, quo Coss. creati sunt Cn. Fulvius Centumalus & P. Sulpicius, Prætores electos esse M. Cornelium Cetbegum, C. Sulpicium, & C. Calpurnium Pisonem, eique jurisdictionem Urbanam evenisse, sed contigit hoc A. U. C. 542. adeoque longe post tempora Glicia Dictatoris.

§. 14. Plane ex dictis licet colligere, rationem non esse, ob quam apud Val. Max. d. l. 7. c. 7. n. 5. pro Præf. Urb. legendum potius sit Præf. Urb. uti quidam habent Codices; Aut constitutio ibidem memorata ad L. Calpurnium Pisonem qui vixit temporibus Tiberii, aliumve ex Nobilissima Calpurniorum gente oriundum referri debeat.

C A P. III.

AN LEGE FALCIDIA PORTIO LEGITIMA INTRODUCTA SIT?

§. 1.

Duaremus ad tit. ff. de inoff. test. c. 17. circ. fin. Govean. 2. lect. 1. alii- que, Hanc Portionem ex Lege Falcidia descendere, statuunt. Tum quia sæpius Falcidia vocatur l. 31. C. de inoff. test. l. 5. §. 3. C. ad l. Jul. Maj. Tum quia Justinianus Imp. in Nov. 92. palam proficitur Falcidiam dudum se auxisse incremento non ignobili. Quod de nulla alia re, quam Portione Legitima per Nov. 18. c. 1. aucta, intelligi possit.

§. 2. Sed neque huic sententiæ subscribere possumus. Verisimile enim omnino est, Portionem Legitimam eodem jure, eodemque tempore cum Querela Inofficiosi Testamenti introductam esse. Querelam autem Lege Falcidia antiquiorem esse, ex ante dictis vitro intelligitur. Lex enim Fal-
cidia

cidia lata est a P. *Falcidia* Trib. Pl. temporibus *Augusti*, Cn. *Domitio Calvino* & C. *Afinio Pollione* Cos. A. U. C. 714. teste *Dione* L. 48. longe post tempora C. *Calpurnii Pisonis* Prætoris Urbani, ante memorati.

§. 3. Contrarium non probant textus quibus *Portio Legitima* vocatur *Falcidia*. *Portio* enim hæc non statim ab initio quarta parte definita est, sed postmodum demum, lata *Lege Falcidia*, ad exemplum *Quarta L. Falcidia*, quarta etiam parte circumscripta, eaque ratione & ipsa aliquando *Falcidia* vocata videtur. Quod pluribus statim confirmabimus.

§. 4. Quo modo accepta Nov. 92. nihil omnino difficultatis habet. Licet alii eam de *Quarta L. Falcidia* propriè dicta accipere malint, eamque ratione liberorum, quemadmodum *Portionem Legitimam*, auctam etiam esse contendant. De quo suo loco videbimus.

§. 5. Sane si *Portio Legitima* ex *Lege Falcidia* descendit. Non potuisset à *Quarta Falcidia* ad *Portionem Legitimam* argumentum ducere *Ulpianus* JCtus in l. 8. §. 9. ff. de inoff. test. Tum & debuisset jam olim idem jus esse *Portionis Legitimæ*, quod erat *Falcidiæ*; Certum autem est, *Falcidiam* jure hereditario percipi l. 14. l. 74. l. 91. ff. ad L. *Falcid.* *Portionem* vero *Legitimam* quoquo titulo relinqui potuisse. Ut vel ex eo solo *L. Falcidiæ Portio Legitima* adscribi nequeat.

C A P. IV.

CONSVETUDINE INTRODUCTAM ESSE PORTIONEM LEGITIMAM DEMONSTRATUR.

§. 1.

Alii *Portionem Legitimam* eodem tempore ac jure, cum *Querela Inofficiosi Testamenti* introductam, & ad Exemplum *Quarta L. Falcidiæ*, ut ad excludendam *Querelam* sufficeret, si pars quarta relinqueretur, receptum esse statuunt. v. *Hoim. Disp. de Quart. Legitimar.* c. 1. §. 2. *Cont. L. 1. Lect. subf. c. 3. Wiss. ad l. 31. C. de inoff. test.*

§. 2. Rectius quidem isti: De tempore autem & ratione, qua *Portio Legitima*, introducta sit, non satis accurate loquuntur. *Donellus* sane *Comm. l. 19. c. 4.* defendi nequit, cum legibus eam & constitutionibus Imp. constitutam, & ad exemplum *Quarta* quæ ex *L. Falcidiæ* de legatis retinetur, inductam docet.

§. 3. Operæ pretium itaque erit, rem ipsam paulo altius repetere.

§. 4. Verbis *L. XII. Tab. Pater Familias uti legasset super pecunia tutelave*

tutela rei sue ita jus esto. latissima quidem de rebus suis disponendi potestas, patrifam concessa est. l. 120. ff. de V. S. pr. l. de L. Falc.

§. 5. Sed eadem paulatim per interpretationem, vel legum vel jura constituentium autoritate coangustata; multisque modis, ipsorum etiam testatorum gratia, ne intestati morerentur, coarctata est. d. l. 120. ff. d. V. S. d. pr. l. de Lege Falcid.

§. 6. Ipsa sane naturalis ratio dicitur, liberrima ea potestate abutendum non esse, ad excludendos ab hereditate eos, qui secundum jus naturale excludi in totum nequeunt.

§. 7. Cum itaque testatores latissima ista potestate abutentes, liberos suos sine ulla justa ratione aliquando exheredarent, neque secundum L. XII. Tabb. ratio esset testamentum rite factum impugnandi, ceperunt primum homines, sine jure certo, eo colore quasi non sane mentis fuisset testator, apud judices de inofficioso testamento queri. l. 2. ff. de inoff. test. pr. l. eod. Querelaeque admissa, testamenta eorum qui liberos nec non parentes sine causa ab hereditate excluderant, ut ut Summo jure subsisterent, ceu *inhonesta, improba, & ingrata* (sic ea vocat Cic. in Verr. Sueton. in Cal. c. 38. Nerou. c. 32.) non semel, antiquissimis jam temporibus, rescissa sunt, Val. Max. d. L. 7. c. 7.

§. 8. Quemadmodum autem una cum actionibus, exceptiones impetrari & dari solebant. Vid. Brisson. Form. l. 5. p. 102. 107. Sic & ad invercundam illam accusationem excludendam, exceptio eodem tempore invaluisse videtur, Si nulla portio ex bonis defuncti ad querentem pervenisset.

§. 9. Neque enim Quarta portionis rationem ab initio habitam, uti statuit. Cont. d. c. 3. verisimile est. Sed multo utique probabilius est, de quantitate relicta, An ad excludendam Querelam sufficeret? simul cognovisse & statuisse Centumviros, apud quos de hisce aliisque causis gravioribus agi solebat. Quas Cic. Lib. 1. de Orat. p. m. 134. memorat, dicens, *Causas Centumvirales eas esse in quibus Usucapionum, Tutelarum, Gentilitatum, Adgnationum, Alluvionum, Circumlocutionum, Nexorum, Mancipiorum, Partium, Lunium, Stillsidiorum, Testamentorum ruptorum aut ratorum, ceterarumque rerum innumcrabilium jura versentur.* Add. Val. Max. d. l. 7. c. 7. 8. Plin. l. 6. ep. 33. junct. l. 4. ep. 24. Quintil. l. 5. c. 2. Phedr. l. 3. Fab. 10. l. 13. l. 15. ff. de inoff. test. l. ult. C. de pet. hered.

§. 10. Cui contrarium non est quod ait Plin. Lib. 2. Ep. 14. pr. *Disstringor Centumviralibus causis quae me exercent magis quam delectant, sunt enim pleraque parva & exiles, raro incidit vel personarum qualitate vel negotii magnitudine insignis.* Causas enim & controversias super hereditatibus & testamentis parvas & exiles recte appellat, si conferantur cum

causis gravissimorum criminum, quæ apud Judices, & Præsides publicorum judiciorum tractabantur. *Bach. ad l. 2. §. 24. ff. de O. l.* Tum & non omnes causæ, quarum modo facta est mentio, ejusdem semper ponderis sunt atque momenti. Quin imo quanta Centumviralis Judicii fuerit Magnitudo ex ipsa *d. Ep. 14.* colligere licet dum queritur *Plinius splendorem ejus tunc temporis valde fuisse imminutum. Perpauci inquit cum quibus juretur dicere: ceteri audaces atque magna ex parte adolescentuli obscuro ad declamandum hinc transierunt, tam irreverenter & temere, ut mihi Attilius noster expr. se dixisse videatur, sic in foro pueros à Centumviralibus causis auspicari, ut ab Homero in scholis.* Nam hic quoque ut illic primum cepit esse quod maximum est.

§. 11. Neve etiam quem turbet, quod *l. al. Max. d. e. 7. §. 5. 7. Prætorum de Querela cognovisse tradit, notandum est, adjunctos sibi habuisse Prætores Consilii causa Decenviros & Centumviros: Ut Decenviri quidem præessent Centumviris, summus omnium præses esset Prætor. Plin. Lib. 5. Ep. ult. eaque ratione quæ uno loco acta apud Centumviros dicuntur. v. l. 15. l. 17. ff. de inoff. test. alio loco tanquam apud Prætores, vel judicem v. l. 5. l. 6. l. 8. §. 16. ff. de inoff. test. acta memorari. v. *Bacchov. ad l. 2. §. 29. ff. de O. l. Celeberr. D. Noodt. de jurisd. lib. 1. c. 12.**

§. 12. Hac ratione ergo inductum est, pr. *l. de inoff. test. i. e.* ut alibi plenius dicitur v. l. 32. ff. de ll. l. 2. de vulg. & pup. subst. l. 1. ff. de cur. fur. moribus inductum est, ut de inofficioso testamento agere liceret, simulque per eandem consuetudinem receptum, ut si qua portio querenti relicta fuisset, ejus etiam ratio habenda esset.

§. 13. Cum vero postmodum lata esset *Lex Falcidia*, qua cautum, ut supra dodrantem testator legatis erogare non posset, quartaque pars apud heredes salva maneret pr. *l. de Leg. falcid.* ad exemplum quartæ *L. Falcidia* per interpretationem Jctorum porro receptum videtur, ut ad excludendam Querelam, sufficeret pars quarta, portionis ab intestato debitz.

§. 14. Quæ quantitas postea legibus confirmata est *l. 8. §. 8. de inoff. test. §. ult. l. ca. l. 6. C. cod.* Mansitque eadem, donec Justinianus Imp. per *Nov. 18. c. 1.* augetet eam & mutaret.

§. 15. Neque inauditum sane est, Moribus primum aliquid introductum, posteaque id legibus confirmatum esse. Sic enim Substitutio pupillaris Moribus recepta, posteaque Jure Civili confirmata est *l. 2. ff. de vulg. & pup. subst. pr. l. de pup. subst.* Sic Moribus primum receptum, ne donationes inter virum & uxorem subsisterent *l. 1. 2. ff. de don. int. vir. & ux.* Idemque postea Oratione Antonini Imp. sen Scto confirmatum est. *l. 3. ff.*

cod. Sic etiam Lege XII. Tab. prodigo interdicatur bonorum suorum administratio, quod tamen moribus ab initio introductum est. *l. 1. ff. de Curat. furios.*

§. 15. Inducta itaque moribus Querela, nec non Portione Legitima, eaque ad exemplum *Quartæ L. Falcidiæ*, quarta parte determinatâ legibusque postmodum confirmata, dubitandum ulterius vix existimo, quin ea de causa Portionem Legitimam nominatione *Falcidiæ* aliquando significaverint. Maxime cum constet *Falcidiæ* appellationem usque adeo placuisse antiquis, ut & *Quartam Trebellianicam* hoc nomine sæpius complexi sint *l. 1. §. 19. l. 2. §. 22. §. 2. ff. ad SC. Treb. l. 41. §. 3. ff. de vulg. & pup. subst. l. 2. §. ult. ff. de jur. Codicill. l. 18. ff. ad L. Falcid.*

CAP. V.

IN QUANTUM PORTIO LEGITIMA SIT JURIS NATURALIS? IN QUANTUM VERO JURIS CIVILIS?

§. I.

Nemo tamen ex dictis colligat eam nostram esse sententiam, quasi Portio Legitima, de qua agimus, tantum esset *Juris Civilis*.

§. 2. Neque enim secus de ea ac de patria potestate, testamenti factio, ne, plerisque contractibus, aliisque quæ quoad fundamentum *Juris Naturalis* esse dicimus & *Gentium*, quoad determinationem autem *Juris Civilis*, statuendum censemus. *Add. Struv. ad ff. de inoff. test. tb. 10. Bockelm. ad ff. cod. §. 8. Huber. præl. ad l. cod. n. 10.*

§. 3. Fundamentum Portionis Legitimæ, in alimentorum debito, & quidem rectissime, posuerunt Legislatores. *Nov. 18. c. 3. l. 5. §. 3. ad l. Jul. Maj.*

§. 4. Ut adeo, si de personis constet quibus Jure Naturali debeantur alimenta, de questione hoc capite proposita, non difficulter judicari possit.

§. 5. Quin sane Parentes, propter arctissimum procreationis vinculum, ad alimenta liberis (nisi ingrati sint *l. 5. §. 11. ff. de alend. lib.*) præstanda Jure Naturali obligati sint, non nisi impio conatu dubitandum videtur. Dum enim parentes liberos generant, proprio se facto obstrinxisse videntur, se quantum possibile est, operam daturos, ut vita quam dederunt conservetur. Affectusque paterni tanta plerumque efficacia est, ut etiam non coacti hac parte officio suo satisfacere gaudeant. *Puffend. de jur. Nat. 15 Gent. l. 4. c. 11. Scharrock de off. sec. jur. Nat. c. 7.*

§. 6. Agnoverunt, & agnoscunt etiamnum plerique Gentes illud *Cic.*

L. 2. de off. Natura inprimis præcipuum quendam amorem in eos qui procreati sunt ingenerat: ob eas causas studet parare ea quæ ad victum cultumque suppeditent, Non sibi soli, sed conjugi liberisque cæterisque quos charos habet & tueri debet. Nec non istud Crassi apud Cic. l. 2. de Orat. Neque boni neque liberalis parentis est, quem procreavit & eduixerit, cum non vestire & ornare, præsertim cum locupletem se negare non possit.

§. 7. Agnovere debitum istud juris naturalis etiam Legislatores Romani; Hinc Imp. Justinianus in l. ult. §. 5. C. de bon. quæ lib. Parentes debent alere liberos propter ipsam naturam. Hinc Paulus Jctus, in l. 7. pr. ff. d. bon. damn. Ratio naturalis quasi lex quadam tacita liberis parentum hereditatem addicit, veluti ad debitam eos successionem vocando. Hinc denique Papinianus in l. 7. §. 1. ff. und. lib. Liberos ad parentum bona, natura simul, & parentium admittit votum. Ut & idem Paulus necare cum, non tantum, qui partum abjicit, sed & qui alimenta denegat respondere non dubitaverit. l. 4. ff. de agn. & alend. lib. Eaque ratione Legitimam Portionem modo debitum modo debitum bonorum subsidium l. 5. C. de inoff. don. modo debitum naturale l. un. pr. C. de impon. lucr. infer. nec non debitum secundum naturam Nov. 1. præf. §. 2. Nov. 15. c. 3. vocarunt.

§. 8. Quin & Leges, liberis qui propter imbecillitatem, licet plenum jus exigendi habeant, parentes ut plurimum cogere nequeunt, hac parte subvenerunt: Saueruntque ut parentes etiam inviti liberis alimenta præbere debeant, captisque pignoribus ad id cogi possint. l. 5. pr. §. 1. 2. 10. ff. de agn. & al. lib. l. 3. 4. C. eod.

§. 9. Idemque dicunt sacræ paginæ, Obliviscitur mulier infantis sui? immisericors in Ventris sui filium? Jesai. 49. v. 15. Add. 2 Cor. 12. v. 14. 1 Tim. 5. v. 8.

§. 10. Parentibus etiam egentibus alimenta a liberis præstanda, liberosque ad id naturali ratione obligatos esse, similiter asserendum putamus. Singularis enim amor quo liberi parentes suos, quibus ob vitam & plurima alia beneficia nunquam dignam referre possunt gratiam, tenentur prosequi, injungere videtur, ut parem vicem rependant suis parentibus, uti pie respondit Papinianus Jctus in l. 15. pr. ff. de inoff. test. Ut adeo vi gratitudinis, (minime vero ex fide data vel contractu, uti statuit Hobbesius) & proinde Jure Naturali, liberi ad id obstricti sint. Scharrock de off. sec. juy nat. p. m. 381. & seqq. Ziegler. ad H. Grot. de jur. bell. & pac. l. 2. c. 7. §. 5.

§. 11. Hoc vult Νόμος παιδαγωγικός cujus mentionem facit Aristophanes in Avibus, qui Pisthæterum ad Parricidam sic loquentem inducit:

Αἰ

ΑΛΛ' ἔσιν ἡμῖν τοῖσιν ὄρνισι νόμος
 Παλαῦ, ἐν τοῖς τῶν πελαργῶν κύρεσθι.
 Ἐπὴν ὁ πατὴρ. ὁ πελαργὸς ἐκπετησίμῃς
 Πάντας ποιήσῃ τῆς πελαργιᾶς τρίφυν
 Δὴ τὸς νεοτὸς τὸν πατέρα πάλιν τρίφει.

i. e. Sed est nobis avibus Lex

Antiqua, in Ciconiarum tabellis.

Postquam Pater pelargus evolabiles

Omnes faciet, pelargides nutrieus,

Oportet pullos patrem rursus nutrire.

§. 12. Neque consensum denegant Gentes moratiores. Omnium enim Græcorum Leges iusserunt parentes ali a liberis. v. *Vitruv. de Archit. L. 6. in prasat.* Exceptis tamen Atheniensibus, qui eos tantum parentes alii voluerunt qui liberos artibus erudiissent. *Vitruv. d. l. Plutarch. in Solon.* Eleganter Isæus Orat. VII (quæ Latine ita exhibet *Puffend. de Jur. Nat. & Gent. L. 4. c. 11. §. 13.*) Lex jubet parentes alere; Parentes vero sunt pater mater & avus si adhuc vivant. Illi namque generis principium sunt, & bona eorum posteris per manus traduntur. Quapropter eos alere necesse est, etiamsi nihil reliquerint.

§. 13. Idem apud Romanos constitutum, uti manifestum est ex l. 5. §. 23. 16. ff. de agnosc. & alend. lib. l. 1. 2. C. cod. Ut & cogi ad id liberos, extraordinaria actione, posse cautum sit. l. 5. C. de pat. pot. l. 2. C. de alend. lib.

§. 14. Confirmat denique hæc Paulus Apostolus 1 Tim. 5. v. 4. dum docet, liberos debere ἀμοιβὰς ἀποδιδόναι τοῖς προγόνοις: subiecta ratione, τὸτο γὰρ ἐστὶ καλὸν καὶ ἀποδεκτὸν ἐνώπιον τοῦ Θεοῦ.

§. 15. Quantum autem ad fratres & sorores aliosque cognatos attinet, cum dictæ rationes ad eos extendi nequeant, aliud de iis dicendum est.

§. 16. Quia tamen charitatem parentum proximus fraternæ benevolentiz gradus excipit, ortusque communis fratres eodem quasi facit, & uti merito primum amoris vinculum ducitur plurima & maxima beneficia accepisse, ita proximum judicari debet simul accepisse; Val. Max. l. 5. c. 5. pium sane exstinguendum est, fratri sororique inopi alimenta non denegare.

§. 17. Neque aliud constitutum videtur jure Romano; Quo & uno tantum casu, cum turpibus scil. vel macula notatis personis postpositi sunt,

fratribus & sororibus Querela inofficiosi testamenti conceditur. *l. 27. C. de inoff. test.*

§. 18. Diff. *Lauterb. Disq. de Sing. jur. fratr. p. 55. & seqq.* alique per *l. 73. §. 1. ff. de jur. dot. l. 13. §. 1. ff. de adm. tut. l. 4. ff. Ub. pup. educ. l. 1. §. 2. ff. de tut. & rat. dist.*

§. 19. Et quidem *d. l. 73. §. 1. ut & d. l. 13. §. 1.* probabilem tantum causam, non etiam necessitatem probant. Sed plus difficultatis habere videtur *d. l. 4. junct. d. l. 1. §. 2.* Cujus *l. 4.* casus talis est. Quidam filium impuberem instituit ex asse, filix impuberi cum in familia nupsisset dotis nomine legavit ducenta (scil. *sestertia* seu *ducenta sestertiorum millia*) nihil amplius; ac præterea in testamento Sempronium tutorem utrique dedit. Porro is tutor a cognatis & affinibus pupillæ in jus vocatus, jussus est alimenta pupillæ præstare, & mercedes præceptorum, a quibus artibus liberalibus instituebatur. Mos enim hic erat in Urbe, ut virgines etiam liberalibus artibus instituerentur, uti aperte ex hoc textu apparet, nec non ex *Sueton. de Illust. Gram. c. 16.* ubi filiam Attici, M. Agrippæ uxorem, a Q. Cæcilio Epirota Grammatico Attici Liberto institutam fuisse memorat. Quo pertinet illud *Livii Lib. 3. Virgini (Virgintia scil.) venienti in forum (ibi namque in tabernis Literarum Ludi erant) minister Decemviri libidinis munus iniecit.* Nec non illud *Martialis in Magistrum Ludi Epigr. L. 9.*

Invisum pueris virginibusque caput.

Add. *Petron. Sat. c. 100. Cujac. ad d. l. 4.* At vero filius qui heres institutus erat pubes factus, sorori puberi quoque jam factæ & nubenti in familia, ducenta Legati causa solvit. Queritur an idem Adolefcens, quod Sempronius tutor expendit in alimenta sororis, & mercedes præceptorum, jussu Magistratum, id a tutore consequi possit tutelæ judicio, quasi non debuerit eos suintus facere. Respondet Julianus, *Existimo etsi citra Magistratum decretum, tutor sororem pupilli sui aluerit, & liberalibus artibus instituerit, cum hac aliter ei contingere non possent, nihil eo nomine tutela judicio pupillo aut substitutis pupilli præstare debere. d. l. 4. Quinimo per contrarium putat posse eum tutore agi tutela, si tale officium prætermiserit. d. l. 1. §. 2. ff. de tut. & rat. dist.*

§. 20. Sed neque ex dictis locis aliud quam probabilis justaque erogationis causa, probari potest.

§. 21. *Julianus* Ictus enim qui *Lib. XX. & XXI. Digest.* egit de Tutoribus, uti apparet ex *l. 18. ff. de adm. tut. l. 12. l. 13. ff. de autt. tut. d. l. 4. ff. ubi pup. ed. l. 2. l. 4. ff. de cont. tut. act. l. 4. l. 5. ff. de mag. conv. l. pen. §. pen.*

§. pen. ff. quod fals. tut. l. 7. ff. de Cur. sur. Libro XXI. inter alia de Officio Tutorum, & erogationibus ab iis faciendis vel non faciendis accuratus tractavit, uti ex collatione *d. l. 4. ff. ubi pup. ed. & d. l. 1. §. 1. 2. ff. de tut. & rat. distr.* manifestum est.

§. 22. Multa autem sunt, quæ Tutor ex Officio præstare debet, ad quæ exigenda aliis contra pupillum nulla datur actio. Cum enim Tutor non rebus duntaxat sed etiam moribus pupilli præponatur, mercedes cum præceptoribus, non quas minimas poterit, pro dignitate natalium constituere, alimenta servis libertisque nonnunquam etiam exteris si hoc pupillo expediet, præstare, quin & solennia munera (de quibus vid. Brissou. L. 4. Antiqu. c. 3.) parentibus cognatisque mittere debere, Paulus respondit in l. 12. §. 3. ff. de adm. tut. Quæ omnia rata habenda sunt. Quod multo magis dicendum, si tutor alimenta sorori pupilli decreto interveniente præstiterit. Quis enim sciat pupillum aut substitutionem querentes, quod tam conjuncta persona aliena sit? l. 1. §. 2. ff. de tut. & rat. distr. Eoque pertinere videtur, quod d. §. 2. in f. dicitur cum tutore tutela agi posse si tale officium præstaverit.

§. 23. Quod autem Tutor a Magistratu in d. l. 4. ub. pub. ed. iussus dicitur alimenta pupilla præstare, id in eo casu singulare videtur. Cum enim filius sit heres institutus, filix vero tantum Legatum & quidem in id demum tempus, cum in familia nupisset relictum, interim eam ex bonis parentis alendam probeque educandam esse summa æquitatis ratione placuit.

§. 24. Non obstat etiam Nov. 89. c. 11. §. 6. Ubi jubei Imp. Ut si quis filios relinquat Legitimos & Naturales, Legitimi Naturales pascere debeant. Hoc enim minime ad officium fratrum Legitimorum, sed patris ex cujus substantia naturalibus liberis alimenta debentur, referendum est. v. l. 2. §. 1. ff. de alim. leg. Bockelm. ad l. ff. de agn. & al. lib. §. 9. Huber, Præl. ad d. t. n. 8.


§. 25. Contraria tamen sententia communiter recepta, usuque probata est. v. Suxd. Tr. de Aliment. Tit. 1. Quest. 25. Sand. Lib. 2. Tit. 8. def. 2.

§. 26. Cum vero alimenta Jure Naturali Liberis, Parentibusque debita, non sint determinata, neque naturalis ratio omnia omnino bona ipsis relinquenda esse præcipiat, consultum Romanis Legislatoribus visum est, certam quantitatem loco alimentorum relinquendam, definire; Ut & iis quibus debentur alimenta nulla inferatur injuria, & testatoribus libertas quædam relinquatur de bonis suis disponendi, aliosque etiam si velint portione quadam adjuvandi. Eaque ratione Portio Legitima Quarta parte primum

num circumscripta, postea autem pro numero liberorum definita est.
Nov. 18. c. 1.

§. 27. Ex quibus, nisi fallor manifestissimum jam est, *Portionem Legitimam* legibus quidem nostris defuiitam, quoad fundamentum autem *Juris* esse *Naturalis*. Neque inagni momenti esse rationes Dissidentium, eamque tantum *Juris Civilis* esse contententium. Licet enim non eadem per omnia Alimentorum & *Portionis Legitimæ* jure nostro jam definitæ sit ratio, non tamen ex eo sequitur, fundamentum ejus in alimentorum debito ponendum non esse.

§. 28. Ex dictis etiam constat, quid de notissima illa quæstione, An *Portio Legitima* Jure Civili tolli possit? statuendum sit. In quantum enim alimenta continet *Juris* est *Naturalis*, & proinde ea quæ debetur *Liberis* & *Parentibus*, mutari quidem potest, sed tolli in totum nequit: Quæ vero *Fratribus* debetur atque *Sororibus*, cum ex *Juris Civilis* dispositione tantum descendat, Jure Civili etiam tolli posse nihil prohibet. v. *Siruv. ad t. de inoff. test. th. 10. Rittersh. ad Nov. p. 6. c. 4. n. 25. Carpz. 3. Conf. 12. def. 1. §. 5. Add. Grot. de Jur. Bell. ac Pac. l. 2. c. 7. §. 4. Et ibid. Ziegler. in not.*



DISSER-

DISSERTATIO JURIDICA
SECUNDA,
DE PORTIONE LEGITIMA
LIBERIS, PARENTIBUS,
ET FRATRIBUS,
RELINQUENDA.

C A P. I.

DE DESCRIPTIONE PORTIONIS LEGITIMÆ.

§. 1.

Premissa Dissertatione, de *Nominis ratione, Portionisque Legitima ortu ac progressu, Quid sit Portio Legitima?* de qua agimus, *Quibusque debeat?* paulo accuratius videndum est.

§. 2. *Portio Legitima* varie definitur ab Interpretibus. Vid. *Merlin. de Legit. Lib. 1. Tit. 1. Quæst. 1.* Nos missis aliorum definitionibus, non male describi *Portionem Legitimam* censuimus, si dicamus, *Portionem esse hereditatis, ex præscripto Legum, Liberis a Parentibus, & vice versa Parentibus a Liberis, nec non casu quodam Fratribus & Sororibus a Fratribus & Sororibus, in testamento, ad submovendam Querelam inofficiosi testamenti, relinquendam.*

• §. 3. Diximus *Portionem Legitimam, portionem esse hereditatis. v. §. 3. l. de inoff. test.*; Est enim portio portionis ab intestato debita, olim quidem *Quarta*, jam *Triens* vel *Semis* pro diverso numero personarum *l. 8. §. 6. ff. l. 8. l. 31. C. de inoff. test. l. 2. C. de inoff. don. l. pen. C. de Collat. Nov. 18. c. 1.* Portio autem ab intestato debita utique est hereditatis. *l. 1. ff. de hered. pet.*

§. 4. Neque difficultatem parit, quod a quibusdam moveri solet, Non satis constare, sit ne *Portio Legitima* Portio totius hereditatis? An portionis ab intestato debita? Quam jejunam merito quæstionem dicit *Bachov. ad Trentl. v. 1. Disp. 13. th. 11. Lit. B. Expedita*, ait, *distinctio est: Aut enim, de omnibus queritur qui succedere possunt, eoque casu Portio Legitima est Portio totius hereditatis; Aut de quibusdam eorum, eoque casu est portio portionis*

ab intestato debita. Imo licet aliquando extra omne dubium portio sit totius hereditatis, si V. C. unus solus existat, vel sic tamen *Portio Legitima* portio portionis ab intestato esse non desinit. *V. D. Huber. Præl. ad I. de inoff. test. n. 8.*

§. 5. Quo titulo *Portio Legitima* relinquenda sit, diversa videtur *Quæstio*, de qua plenius suo loco. Ut adeo cum *Vin. Lib. 1. Quæst. C. 22.* inter titulum *Universalem & Singularem* distinguere non sit necesse.

§. 6. Non tamen negamus *Portionem Legitimam* etiam esse portionem *Bonorum*, in quantum æris alieni patitur deductionem l. 8. §. 9. ff. de inoff. test. Quo sensu Paulus JC. in l. 39. §. 1. ff. de V. S. *Bona*, inquit, intelliguntur cujusque quæ deducto ære alieno supersunt.

§. 7. Sic etiam cum ratio ponitur *Quarta Falcidia*, & *Trebellianica*, ante deducitur æs alienum §. ult. l. de Leg. Falc. l. 6. C. cod. l. 5. C. ad SC. Trebell. *Quartam* autem *Falcidiam* nec non *Trebellianicam*, portionem esse hereditatis, certum est.

§. 8. Neque aliud voluisse videtur Antoninus Imp. in l. 6. C. de inoff. test. rescribens, *Cum queritur, An filii de inofficioso patris testamento possint dicere, si Quartam bonorum partem Mortis Tempore testator reliquerit, inspicitur.* Licet & istud alii recte notaverint, non esse eam de qua egimus perpetuam bonorum significationem, sed bonorum appellatione bona etiam cum ære alieno, ipsamque adeo hereditatem, in jure nostro non raro venire. l. 14. §. ult. ff. de V. S. l. 1. C. de hered. vel act. vend. l. 9. ff. de SC. Silan. l. 41. ff. de jur. fisci.

§. 9. Dicimus *Portionem* hanc ex præscripto legum relinquendam esse *Liberis, Parentibus, & casu quodam Fratribus.* Vid. Nov. 1. præf. §. 2. Nov. 89. §. 3. Non tamen indistincte, sed in testamento; In causa testati *Quæstioni* de detrahenda *Legitima Portione* tantum locus est: Ubi ab Intestato succeditur, tota hereditas vel uni, vel pluribus dividenda, desertur.

§. 10. Subjicitur tandem, *Portionem Legitimam relinquendam esse, ad submovendam Querelam testamenti inofficiosi.* Ob eam enim causam invasisse primum, posteaque confirmatam esse, ostendimus *Diff. 1. Cap. IV.* Quin & expresse istud, non uno loco in jure nostro traditum est: Sic enim Ulp. JC. *Quartam debita portionis sufficere ad excludendam querelam* respondit in l. 8. §. 8. ff. de inoff. test. sic & *Zeno* Imp. dotem vel donationem ante nuptias, in quartam partem ad excludendam querelam inofficiosi, imputandam statuit in l. 29. C. de inoff. test. sic denique *Impp. Dioclet. & Max. id quod ad submovendam inofficiosi testamenti querelam non ingratis liberis relinqui necesse est, ex inofficiosis donationibus detrahi posse*, rescripserunt in l. 5. C. de inoff. don.

CAP.

CAP. II.

QUIBUS DEBEATUR PORTIO LEGITIMA? ET
QUIDEM PRIMUM DE LIBERIS.

§. I.

Sed de iis, quibus debeatur Portio Legitima, pluribus agendum est.

§. 2. Quidam Portionem Legitimam iis debere statuunt, quibus debentur alimenta. Et quidem quantum ad Liberos, & Parentes, recte: Non etiam quantum attinet ad Fratres, quibus uno tantum casu, cum scil. postpositi sunt turpibus personis l. 27. C. de inoff. test. Querela Inofficiosi Testamenti, nec non Portio Legitima competit.

§. 3. Alii aliam constituunt regulam, Portionem scil. Legitimam iis debere, quibus competit Querela Inofficiosi Testamenti. Quod & ipse Imp. non obscure innuit Nov. 18. c. 1. in fin. dum vult d. c. 1. sanctionem observandam in omnibus personis, in quibus ab initio antiquæ quarta ratio de inofficioso lege decreta est.

§. 4. Sed patitur & hæc regula exceptionem; Liberis enim militum competit Portio Legitima, quibus tamen non conceditur Querela uti dicitur infra h. c. §. 29. Magis itaque commode ipsas personas, quibus debeatur Portio Legitima, in descriptione ejus, exprimi posse censuimus; maxime cum ipse Imp. hac parte clarissime sese explicet, d. Nov. 1. præf. §. 2. dum ait, testantibus quibusdam necessitatem imponere legem, adtribuere quandam partem personis quibusdam, tanquam hoc secundum ipsam naturam eis debeatur, filiis scil. & nepotibus, patribus atque matribus, & interdum etiam fratribus.

§. 5. Veniunt itaque primo loco Liberi, quibus secundum naturam Portionem Legitimam relinquendam esse, dicit Imp. Jure Naturali enim parentes liberis ad alimenta, & proinde in quantum alimenta continet, ad Portionem Legitimam præstandam, obligati sunt. Uti ostendimus Dissert. 1. c. 5.

§. 6. Sunt autem Liberi Legitimi vel Illegitimi, primi vel ulterioris gradus l. 220. ff. de V. S. §. ult. l. qui testam. tut. sui vel emancipati, nati vel postumi.

§. 7. Quia Portio Legitima Liberis debeatur Legitimis primi gradus, nullum est dubium d. Nov. 1. præf. §. 2. Adeo ut si sint filii siue filix, siue sui siue emancipati, & his similes monasterium ingressi, l. 56. §. 1. C. d. Ep. & Cler. siue sanæ mentis siue furiosi l. 9. C. de impub. & al. subf. siue divites

divites five egeni arg. *Nov. 115. c. 3. Merlin. de Legit. lib. 3. Tit. 2. Carpz. Dec. p. 2. Def. 173. n. 20. nihil interfit.*

§. 8. Liberis quidem divitibus & iis qui exhibere se possunt non debentur alimenta. *l. 5. §. 7. ff. de agn. & al. lib.* Sed non eadem per omnia ratio est *Alimentorum & Portionis Legitima* Jure Civili jam definitæ, licet fundamentum *Portionis Legitima* in debito alimentorum posuium sit. Uti notatum *Differt. cap. 5. §. 26.*

§. 9. Fuere quidem olim alia jura fœminarum, alia masculorum, in successione tam testamentariis, quam ab intestato *l. 4. C. de lib. præter. l. 14. C. de legit. hered.* Multæ etiam erant differentiz, maxime in exheredationibus, inter filios & nepotes, natos & postumos, suos & emancipatos, *pr. & §. seqq. l. de exher. lib. §. 8. l. de hered. qua ab intest.* Sed sublata est differentia, quæ oriebatur ex sexu & gradu non tantum in suis sed & emancipatis, *d. l. 4. C. de lib. præter. §. 5. l. de exher. lib. d. l. 14. C. de legit. hered.* Imo sublata est jure novissimo in omni successione omnis differentia inter agnatos & cognatos. *Nov. 118. c. 4.*

§. 10. Quin & Imp. *d. l. 4. C. de lib. præter.* in eos qui, tales differentias inter masculos & fœminas inducunt quasi naturæ accusatores invehitur. *Cur non totos masculos inquit generavit, ut unde generentur non fiant? An justa ratione? merito dubites; cum & Lege Mosaica filii præferantur filiabus Num. 27. v. 8. & apud multas gentes differentia inter filios & filias antiquissimis temporibus probata, multisque Europæ locis in usum revocata sit. Wiff. ad d. l. 4. C. de lib. præter. & ibid. alleg. DD. Add. Merlin. de legit. lib. 1. Tit. 2. Q. 1. n. 3.*

§. 11. Sive Pater testetur sive Mater, similiter nihil interest. *d. Nov. 1. præf. §. 2.* Matri quidem jure antiquo liberi ab intestato non succedebant; sed & hoc per SCtum Orficianum, Principumque constitutiones *pr. & §. 1. l. de SC. Orfic.* tandemque per *Nov. 118. c. 2.* plenissime mutatum est. Licet etiam Mater jure nostro ad alimenta liberis præstanda, nisi mortuo vel egente patre, non obstringatur *l. pen. ff. de agn. & alend. lib. Nov. 117. c. 7.* Non tamen hoc obstat quominus liberis debeat *Portionem Legitimam*: *Alimentorum enim & Portionis Legitima* legibus definitæ, non eandem amplius per omnia rationem esse, jam ante monuimus *Diff. 1. c. 5. §. 27.* nec non *supr. §. 8.*

§. 12. Deficientibus Liberis primi gradus debetur *Portio Legitima nepotibus d. Nov. 1. præf. §. 2. Nov. 115. c. 3.* sive ex filio suo sive ex emancipato natis, *arg. l. 7. C. de inoff. test.*

§. 13. Quod si filius extet & simul ex filio nepos, pater præfertur *arg. Nov.*

Nov. 118. c. 3. §. 6. l. de hered. qua ab intest. Eo enim ordine admittendi videntur, quo defuncto successuri essent ab intestato, *Muller, ad Struv. de inoff. test. l. a. Byma de legit. rb. 3.*

§. 14. Quod & verum est licet filius esset emancipatus, nepos vero in potestate retentus. Post *Nov. 118. c. 1. enim, Edicti de conjungendis cum emancipato liberis ejus*, exigui vel nullus est usus.

§. 15. Sed quid dicemus, si pater exheredatus, vel quia non potuerit vel quia noluerit, *portionem Legitimam* non acceperit, An eo casu debetur Nepoti? Decisio pendet ab alia & quidem ancipiti questione, An in Querela testamenti inofficiosi *Successorio Edicto* locus sit? Multis distinguendum videtur, ut locum habeat *Edictum successorium* in personis diversi ordinis *l. 14. ff. de inoff. test.* Non etiam in personis ejusdem ordinis *l. 34 C. cod. Quorum sententiam in Frisia præjudicio confirmatam esse testatur Sand. l. 4. decis. tit. 9. def. 7.* Alii contra censent, *Successorio Edicto* indistincte locum esse, si modo sequens talis sit, qui si nemo eum ordine aut gradu præcessisset, statim citra ullum *Successorium Edictum* ex propria persona querelam movere potuisset: Tum quia Paulus JC. in *l. pen. ff. de inoff. test.* simpliciter respondet, *Si is qui admittitur ad accusationem nolit aut non possit accusare, an sequens admittatur, videndum est; & placuit posse ut fiat successorii locus.* Tum quia fortior est ratio quæ militat pro descendantibus, quam ea quæ pro ascendentibus *arg. l. 15. ff. de inoff. test. l. 7. §. 1. ff. und. lib. add. l. 3. §. 5. de bon. poss. cont. tab. Donell. comm. lib. 19. c. 7. Vin. l. 1. Quest. c. 20.* Quorum sententia ceu verior magis placet; Et secundum eam Portio Legitima Nepoti hoc casu deberi videtur. *Merlin. de legit. l. 1. t. 2. Quest. 10. 11. 12.*

§. 16. Quemadmodum autem differentia juris antiqui, quæ oriebatur ex diversitate sexus & gradus sublata est, sic etiam differentia amplius non est inter natos & postumos. §. 5. *I. de exher. lib.* Unde & *Postumis Portio Legitima* relinquenda est *arg. l. 6. ff. de inoff. test. l. 30. §. 1. C. cod.* Quibus tamen non aliter hæc portio debetur, quam si vivi, integri & justo tempore in lucem prodeant, nec ad monstrum vel prodigium inclinent. *l. 3. C. de post. hered. inst.*

§. 17. Si Liberi non extent naturales sed *Adoptivi*, distinguendum est: Vel enim sint *Adoptivi in Specie* sic dicti, vel *Arrogati.* *Adoptivi in Specie* sic dicti, si quidem ab Ascendente adoptati sint, cum ejusdem sint conditionis cujus ex iustis nuptiis quæriti, *Querelaque Inofficiosi* iis competat, §. 2. *l. de inoff. test. l. 30. ff. cod. l. pen. C. de Adopt.* Portio Legitima debetur.

§. 18. Idem dicendum de *Arrogatis* puberibus *arg. l. 1. §. 2. ff. de suis & legit. hered. l. pen. §. ult. C. de Adopt.* Non etiam de *Arrogatis impuberibus*:

bur: His enim, siue sint exheredati, siue sine causa emancipati, *Quarta ex* constitutione D. Pii competit *l. 22. pr. ff. de Adopt.* tanquam res alienum *l. 8. §. 15. ff. de inoff. test.* Quæ omnium bonorum *Quarta* est, si unus, uti fere solet, arrogatus sit: *l. ult. ff. si quid in fraud. patr. sin plures, Portionis ab intestato debita.* arg. *l. 8. §. 8. ff. de inoff. test.* Neque sublata vel aucta ullibi invenitur. *v. l. pen. C. de Adopt.*

§. 19. Deditur etiam *Portio Legitima* liberis *Legitimatis*. Et quidem *Legitimatis per subsequens matrimonium* sine omni dubio: Tales enim secuto matrimonio, legitimorum instar habentur, ac si statim inter parentes matrimonium constitisset. *l. 10. l. 11. C. de nat. lib. Nov. 89. c. 8.* Eoque jure gaudent extantibus etiam liberis legitime natis. *Nov. 12. c. 4. Nov. 89. c. 8.* Per quas abrogantur *l. 5. l. 6. C. de Nat. lib.*

§. 20. Quo tempore matrimonium secutum sit nihil interest, ut & sufficere videatur si in articulo mortis contractum sit. arg. *d. l. 11. C. de nat. lib. Struv. ad tit. ff. de his qui sunt sui vel alien. jur. th. 50. Eckbolt. ad d. 1. §. 16.*

§. 21. Non inelegans hoc loco occurrit Quæstio; Si quis filium habens naturalem & ex eo filio nepotem legitime natum, concubinam matrem filii naturalis, mortuo filio uxorem duxerit; An subsequens matrimonium Avi, Nepoti prodest, Ut in familia & potestate Avi esse censeatur, & proinde *Portio Legitima* ei relinquenda sit? Dicendum videtur, prodesse Nepoti Matrimonium Avi, *Portionemque Legitimam* deberi. Id enim quod antea deficiebat, & ob cujus defectum nepos non erat in familia Avi, jam vere adest. Estque hæc conditio subsequentis matrimonii, ut retrotrahatur ad tempus quo consuetudo inter patrem & concubinam incepit, fingaturque fuisse perfectum, priusquam liberi nati sunt, Neque a ratione juris hoc alienum est, cum & in locum nepotis vel neptis adoptari aliquis possit, licet adoptans Liberos non habeat *§. 5. l. de Adopt.* Ut Nihil adeo obesse videatur quominus principium hoc casu ab ipso nepote procedere possit. Et sane si quid valet ratio decisionis in simili casu data, non leve momentum sententiæ nostræ accedet *ex l. 7. §. 2. ff. de Senat.* Ubi filius conceptus, postquam pater Senatu motus erat, respectu Avi, Senatorius dicitur, *Ut Avi potius ei dignitas proficiat* (ait Ulp. JC.) *quam obstit casus patris.*

§. 22. Quod tamen cum statuimus, non istud volumus, ut per subsequens matrimonium Avi, Nepos fiat legitimus qui jam legitime natus est; sed ut Nepos subsecuto Avi matrimonio, ab Avi successione non excludatur, ad quam pater si tamdiu vixisset admittendus omnino fuisset. Quod sane æquissimum & menti Legislatorum convenientissimum videtur. Quis enim

enim credat Legitatores, dum per subsequens matrimonium patris filios naturales faciunt legitimos eosque ad successionem patris adiungunt, hoc jus nolle extendi ad Nepotes, si forte pater Nepotum, ante subsequens illud matrimonium mortuus fuerit? Quis etiam credat, filium naturalem (Quod inter alia movet *Diff. Vin. in comm. ad §. ult. l. de nupt. n. 3.*) si vixisset dissensurum fuisse, ne hoc modo fieret legitimus? Ut adeo licet expressus filii consensus hic non intercesserit, tacitus tamen adesse videatur. Vid. *Christen. de Matr. Diff. 3. Quest. 25. Struv. ad ff. de his qui sunt sui vel alieni. jur. th. 58. Suendendorfer. ad Eckholt. d. 1. §. 16.*

§. 23. Idem dicendum est, si liberi *Legitimati sint per Rescriptum Principis*: Habet enim hæc legitimatio plenum etiam effectum, & Legitimationis similiter omnia jura legitimorum tribuit. *Nov. 89. c. 9.* Etiam si extent liberi postea legitime nati. *Gail. 2. O. 142. n. 5.*

§. 24. Quod si liberi extent ante legitime nati, Legitimatio hæc locum non habet. *Nov. 74. c. 1. Nov. 98. c. 9. c. 11. §. 1.* Unde cessant jure nostro Questiones, Quid juris habeant *Legitimati per Rescriptum Principis* extantibus jam ante legitime natis? Quid operetur clausula *Sine præjudicio ab incestato venientium*? de qua late agit *Merlin. de Legit. lib. 1. T. 2. Quest. 9.*

§. 35. *Legitimati per Oblationem Curia* soli patri sunt legitimi *l. 9. C. de nat. lib. Nov. 89. c. 4.* Unde etiam in bonis patris, non etiam aliorum ascendentium jus habent *Portionis Legitime. Nov. 18. c. 2.* sed cum Legitimatione hæc jam dudum abierit in desuetudinem, monuisse hoc sufficiat.

§. 26. Si Liberi extant *Naturales* similiter distinguendum est. Ex bonis paternis *Portio Legitima* ipsis non debetur, quia Naturalibus portionem quandam in testamento relinquere pater non cogitur. *Nov. 89. c. 12. §. 3. Beyma de legit. th. 3. Rittersb. ad Nov. p. 6. c. 4. n. 16.* Ex bonis vero Maternis ipsis debetur arg. *l. 19. §. 1. ff. de inoff. test. l. 2. §. ff. und. cogn. l. 5. ff. ad SC. Orfic. l. f. C. de nat. lib.*

§. 27. Idem fere in *Spuriis* juris est. Cum enim incerto patre nati sint *l. 23. ff. de stat. hom. & proinde patri nulla ratione succedant Nov. 18. c. 5. add. l. 4. ff. und. cogn.* jus etiam petendæ *Portionis Legitime* quantum ad patrem attinet habere nequeunt. Ex bonis autem Maternis, nisi illustris sit, *Portio Legitima* etiam ipsis competit. arg. *d. l. 29. ff. de inoff. test. l. 5. C. ad SC. Orfic.*

§. 28. Liberis ex *incestis* aut *damnatis complexibus natis* neque ex bonis paternis *Portio Legitima* debetur, neque ex maternis, arg. *Nov. 89. c. ult.* ubi Imp. tales dicit ne quidem alendos esse. Quod tamen non ita accipiendum, quasi *necessaria* etiam iis suppeditari nolit arg. *l. 4. ff. de agn.*

agn. & alend. lib. Nov. 12. c. 2. & Jure Can. hic rigor Juris Civilis mitigatus sit. c. cum haberet X. qui dux. ux. quam poll. Necessaria enim ab Alimentis discernenda sunt, vid. l. 5. §. 10. & 12. ff. de agn. & alend. lib. junct. Nov. 12. c. 2. Nov. 89. c. 12. §. 6. Ut rectissime monuit Celeberr. D. Pagenstech. Aph. l. 3. T. 1. Aph. 13.

§. 29. De *Liberis militum* in testamento jure militari facto præteritis, quæsitum est; An ipsis *Portio* debeatur *Legitima*? Et magis est ut debeatur. Licet enim in testamento militis querela inofficiosi cesset l. 9. C. de testam. neque jure novo per Nov. 115. c. 4. istud mutatum videatur, non tamen hoc obstat, quominus *Portio Legitima*, ut pote *Jure Naturali* debita, quod per Privilegium militare mutari nequit, peti possit per conditionem ex lege arg. *Abat. Presbyteros C. de Episc. & Cler. l. 30. l. 32. C. de inoff. test.*

§. 30. Quod si renunciaverint liberi *Portioni Legitima*, distinguendum est. Si enim pactum cum patre factum sit, ne *Portio Legitima* ejusve supplementum petatur, pactum irritum est, & *Portio Legitima* nihilominus peti potest l. 35. C. de inoff. test. l. 3. C. de Collat. l. ult. ff. de suis & leg. hered. si vero cum herede factum sit, valet d. l. 35. §. 1. *Jure Can.* tamen jurata renunciatio effectum habet, etiam vivo patre facta, C. *Quamvis X. de pact.* Quod moribus servari testatur *Perez. ad C. de inoff. test. n. 30. Merlin, de Legit. lib. 1. tit. 2. q. 11. lib. 3. tit. 2. q. 25.*

§. 31. Sed quid dicendum, Si filix masculis exstantibus a successione per Statutum exclusæ sint, An iis etiam *Portio* competit *Legitima*? Non difficilis videtur responsio: Si enim nihil acceperint filix ex hereditate paterna, *Portionem Legitimam* iis deberi, non dubitamus; cum ea in totum statuto tolli nequeat, uti dictum *Diff. 1. c. ult. §. ult.* Si vero dotem vel aliud quid loco alimentorum acceperint, secus est. *Rittershus. ad Nov. p. 9. c. 4. n. 18. Bachov. ad Treutl. V. 1. Disp. 13. th. 14. lit. B.* Dos enim hoc casu in locum *Portionis Legitimæ* succedit: Eaque antiquissimis temporibus dotium origo fuisse videtur; Cum enim filii manerent penes patrem domini rerum paternarum, Filix (quæ quamdiu nuptæ non erant ex bonis paternis domi alebantur) dotibus loco alimentorum, & ne paternæ hereditatis omnino expertes essent, acceptis, ex familia & domo patrum, quasi dimitti cæperunt. Quæ de re pluribus agentem, vid. *Celeberr. D. Perizon. Dissert. de leg. Voc. pag. 113. & seq.*

CAP. III.

LIBERIS DEFICIENTIBUS PORTIONEM LEGITIMAM
DEBERI PARENTIBUS.

§. 1.

Liberis deficientibus *Portio Legitima* debetur *Parentibus*. *Nov. 1. pref. §. 2. Nov. 18. c. 1. §. 1. 1. de inoff. test.* Quibus pietas jubet parem vicem rependere, Quibus etiam *Jure Naturali* alimenta deberi diximus *Diff. 1. c. 5. §. 10. & seqq.*

§. 2. Quemadmodum in autem *Liberorum* nomen generale est, sic & *Parentum* nomine veniunt Pater & Mater, Avus & Avia, reliquique *Ascendentes*. *l. 51. ff. de V. S.*

§. 3. Parentes quidem olim non indistincte ad liberorum hereditates admissi. Pater enim ad hereditatem filii emancipati ab intestato non admittebatur sed per Fratres excludebatur. *l. 13. §. 1. C. de legit. hered.* Nec Mater ex *L. XII. Tab.* jus capiendæ hereditatis liberorum habebat. Sed utrumque mutatum est. Pater enim jam jure novo ab intestato liberis succedit, sive sub potestate, sive suæ potestatis fuerint, per *Nov. 118. c. 2.* Mater autem ad successionem liberorum primum per *SC. Claudianum*, deinde per *Tertullianum*, tandemque per *Justiniani Imp.* Constitutionem in *l. 2. C. de jur. lib. vocata* est. Quin & dispositio novissima *d. Nov. 118. c. 2.* ad eam pertinet.

§. 4. Ut adeo jure novo neque hic differentia supersit, sed *Parentibus Portio* debeatur *Legitima*, sive Pater sit sive Mater, sive Avus Pater-nus sive Maternus, sive liberi in potestate parentum constituti, sive emancipati fuerint.

§. 5. Quemadmodum autem non ideam quoad Liberos Adoptivos, Legitimos, Naturales, Sptrios, & ex damnatis complexibus natos, obtinet, sic & hic cum quæritur quibus parentibus debeatur *Portio Legitima*, varîe distinguendum est.

§. 6. Matri vero tum demum debetur si ipse filius testatus sit, si enim pater filio impuberi substituat pupillariter, Mater excluditur; adeo ut neque *Querelam* habeat *l. 8. §. 5. ff. de inoff. test.* neque *Portio Legitima* ei competat: Sive substitutio expressa fuerit sive tacita, *arg. l. 4. ff. de vulg. & pup. subst. l. 2. C. eod. Echolt. ad ff. d. vulg. & puss. subst. §. 23. Vinn. in comm. ad pr. l. de pup. subst. n. 12.*

§. 7. Quod & probatum clariusque constitutum *Jure Can. c. 1. de testam.*

testam. in 6. Ubi recte Pontifex, *Licet filius testamento suo matrem portionem jure natura debita privare non possit, pater tamen in testamento quod filio impuberi fecit potest.* Nec deest ratio naturalis. Mater enim eo tempore quo pater filio impuberi testamentum fecit eique substituit, in bonis illis jus acquisitum nondum habuit, quippe quæ nec filius actu possedit. Nunquam autem debetur matri *Portio Legitima* ex bonis filiorum, nisi quæ liberi jam possident *arg. Nov. 115. c. 4. Carpz. 3. Conf. 8. def. 1. n. 7. & seqq.*

§. 8. Cum tamen de bonis Filius, adventitius se dici nequeant, quantum ad ea attinet, subscribendum Sententiæ Diss. quorundam videtur, Matrem in casu substitutionis pupillaris, *Portionem Legitimam* petere posse, per conditionem ex lege. *arg. l. 30. l. 32. C. de inoff. test.*

§. 9. Non obstat *l. 10. §. 5. ff. de vulg. & pup. subst.* Ubi patri potestas conceditur pupillariter filio substituendi, etiam quoad bona adventitia. *Ad substitutos pupillares* (ait Ulp. JC.) *pertinent & si quæ postea pupillis obvenierint; neque enim suis bonis testator substituit, sed impuberis, cum & exheredato substituere quis possit.* Alia enim questio est, An Pater quantum ad bona filii *Adventitia* attinet pupillariter filio possit substituere, quod non negamus; Alia, An eo casu Matri ex iis debeat *Portio Legitima*, quod propter datam rationem dicendum putamus.

§. 10. Sed majori favore dignam existimavit matrem Serenissimus Elector Saxonie. Constituit enim ut semper matri *Portio Legitima* ex bonis liberorum, in testamento patris, expresse relinqui debeat, aut si istud factum non sit, ut nihilominus indistincte ei tribuatur; sive substitutio pupillaris expressa sit sive tacita; *Carpzov. part. 3. Conf. def. 3.*

§. 11. Per secundas nuptias parentum, Jus *Portionis Legitimæ* non amittitur. Nulla enim lex penam hanc secundarum nuptiarum posuit.

§. 12. De eo autem dubitatum est, An & *Portio Legitima* debeat parentibus, si per Statutum a successione liberorum generaliter excludantur? Si V. C. Statutum generaliter disponat, ut superstes parens altero parente mortuo non succedat liberis, sed hereditas liberorum deferatur ad proximos cognatos prædefuncti parentis: Vel si generaliter Statutum conceptum sit, ut uno ex conjugibus defuncto, superstes omnia ejus bona heretur? Quod ass. videtur 1. Quia *Portio Legitima* debetur proprio jure. Quod autem proprio jure debetur non censetur generali alterius legis dispositione sublatum, 2. Statuta strictè sunt accipienda, 3. Correctio specialibus deum non generalibus verbis iudicetur. *l. 32. in fin. C. de appell. l. 27. C. de testam. Bynæ de Legit. lib. 3. add. Carpz. p. 3. C. 12. def. 3.*

CAP.

CAP. IV.

DEFICIENTIBUS LIBERIS ET PARENTIBUS, PORTIONEM
LEGITIMAM, CASU QUODAM, DEBERI FRA-
TRIBUS ET SORORIBUS.

§. 1.

Deficientibus Descendentibus atque Ascendentibus, *Portionem Legitimam casu quodam* relinquendam dicit Imp. *Fratribus atque Sororibus. Nov. 1. pref. §. 2.*

§. 2. Quod haud dubie de eodem casu accipiendum quo fratribus & sororibus conceditur *Querela Testamenti Inofficiosi arg. Nov. 18. c. 1. in f.* Cum scil. turpibus vel levi macula notatis personis sunt postpositi. *l. 27. C. de inoff. test. l. 21. eod.*

§. 3. Licet enim Alimenta iis non debeantur, neque *Querela* ordinario competat; Turpibus tamen vel inacula notatis personis eos postponi indignum visum est.

§. 4. Quod adeo verum censet *Merlin. de Legit. l. 1. T. 2. Q. 13. n. 3.* Ut & sororibus portionem legitimam deberi putet, licet extaret Statutum, quo foeminae excluduntur, existentibus masculis. Quia agitur hic de odio turpium.

§. 5. Quinam autem *macula* notati dicendi sint, inter Interpp. non convenit. Non levis sane controversia est, an & eorum numero veniant *Spurii*? Nos Affirmantium sententiae ceu veriori calculum subiicimus. Licet enim non sint infames, propter defectum tamen natalium ab omni labe non sunt immunes, uti non tantum ex *l. 3. §. 2. ff. de decur. sed & sacris paginis Deut. sc. 23. v. 2.* manifestum est. Quin & ipse *Palaeotus* Naturalium & Spuriarum maximus Patronus, illegitimos non omnibus numeris absolutos, nec pares legitimis censendos, sed hos illis honestiores esse, agnoscit *tract. de Noth. c. 55. n. 16. Vid. Heig. 1. Quest. 21. Add. Carpz. p. 3. C. 10 de fo. 10. Brunnem. ad d. l. 27. n. 3. 4. Merlin. l. 1. T. 2. Quest. 13. n. 22.*

§. 6. Conceditur autem *Querela* & proinde *Portio Legitima* dicto casu *l. 27. C. de inoff. Fratribus* tantum Germanis & Consanguineis, non etiam Uterinis. Quod an mutatum sit, dubium est. Cum vero differentia ratione sexus *l. 4. C. de lib. prater.* nec non in omni successione inter agnatos & cognatos per *Nov. 118. c. 4.* uti ante dictum, sublata sit, ad Ute-

minos secundum jus novissimum hoc extendendum videtur. *Hosman. disp. de Quart. legit. c. 2. §. 13.*

§. 7. Fratribus autem naturalibus, eademve macula laborantibus *Portio Legitima* neganda videtur, *arg. d. l. 27. l. 11. de inoff. test.*

§. 8. Illud etiam hic Quæritur An *Portio Legitima*, debeatur *Fratri jurato*, i. e. juramento Assumpto. Neg. Neque enim natura neque lege frater est. Pacta tamen successoria secundum mores inter eos lertanda esse concedimus, *Struv. ad ff. de inoff. test. sb. 11.*

§. 9. Reliquis cognatis ultra fratrem & sororem *Portio Legitima* non competit, *arg. §. 1. I. de inoff. l. 30. C. eod.* Eleganter *Ulp.* in *l. 1. ff. de inoff. test. Cognati qui sunt ultra fratrem, melius facerent si se sumibus inanibus non vexarent, cum obtinere spem non habeant.*

§. 10. Debebatur etiam *Portio* quædam *Legitima Patronis*. Si enim libertus centenarius major, liberos non habens testatus vellet decedere, ex nova Imp. Justin. constitutione tertiam bonorum partem sine onere Patrono, eoque mortuo liberis ejus, iisque non extantibus Patroni ex latere cognatis, usque ad quintum gradum, relinquere necesse habet.

§. 3. *I. de success. libert.* Sed de ea hic non agimus, neque hodie in usu est.



DISSERTATIO JURIDICA
TERTIA,
DE PORTIONE LEGITIMA
LIBERIS, PARENTIBUS,
ET FRATRIBUS,
RELINQUENDA.

CAP. I.

PORTIONEM LEGITIMAM ARBITRARIAM PRIMUM FUIS-
SE; DEINDE QUARTAM PARTEM PORTIONIS
AB INTESTATO DEBITÆ.

§. I.

Debetur itaque *Portio Legitima* de qua agimus, *Liberis, Parentibus,*
& *casu quodam Fratribus & Sororibus.* Quanta vero debeatur,
nunc porro videndum est.

§. 2. Quemadmodum autem, quo tempore aut qua lege *Portio Legiti-*
ma introducta vel confirmata sit, inter Interpretes non convenit, ita etiam,
quando & qua constitutione modus ejusdem definitus sit, non liquet.

§. 3. *Cujacius* quidem *commun. ad Nov. 18. eadem Lege Glicia* qua *Por-*
tionem Legitimam introduci censet, ejusdem quantitatem ad modum
Quadrantis primum constitutam esse statuit.

§. 4. Sed *Legem Gliciam* prorsus esse incertam demonstravimus *Dis-*
fert. 1. cap. 2. Simulque ostendimus *Portionem Legitimam* moribus pri-
mum introductam esse, ejusque modum seu quantitatem in Centumviro-
rum arbitrio primis temporibus positam, postmodum autem cum lata esset *Lex*
Falcidia, eam per interpretationem *J*ctorum ad *Portionem Legitimam*
extensam, paulatimque *Quarta* bonorum parte, ad exemplum *Quarta Falc-*
idia definitam fuisse. *d. Dissert. 1. cap. 4. §. 8. & seqq.*

§. 5. Quod non obscure confirmat *Paulus J. C. Recept. sent. Lib. 4.*
Tit. 5. §. 5. nec non *Ulpianus in l. 8. §. 9. ff. de inoff. test.* dum ait,
Nam si cum quis ex affe heres institutus est, ideo non potest dicere inofficio-
sum,

sum, quia habet Falcidiam, Falcidia autem libertates non minuit, potest dici deductis libertatibus quartam incundam.

§. 6. Dixerat enim §. 8. præc. ad excludendam querelam, quartam debite portionis sufficere, de eaque d. §. 9. pr. quæstiverat *An eam Libertates minuunt?* Ad quam quæstionem respondet, deducendas esse libertates, ut & aliud æ alienum, iisque deductis quartam ineundam; Ex ratione, quod Falcidia libertates non minuat l. 4. C. ad L. Falcid. Adeoque a quarta L. Falcidia, ad Quartam Legitimam argumentatur, satisque aperte per eam collationem ostendit, Quartam Legitimam secundum rationem Quartæ Falcidiæ acceptam esse.

§. 7. Eumque non aliud d. §. 9. sensum esse, recte notavit Cont. l. 9. Lest. c. 3.

§. 8. Idem plane innuere videntur Impp. Diocl. & Max. in l. 21. C. sam. circis. Fortunato hisce verbis rescribentes. Si cogitatione future successionis, officium Arbitri dividenda hereditatis præveniundo, pater communis iudicio suo vel qualicunque indicio suam declaraverit voluntatem inter eos qui successerint, exemplo Falcidiæ retentionis habita ratione, familiæ dividenda causa datus Arbitr, pro virili præterea portione eorum quæ nulli generaliter vel specialiter assignavit, facta divisione in adjudicando patris sequetur voluntatem. Per Retentionem enim exemplo Falcidiæ faciendam, Portio Legitima quæ tum temporis Quarta erat haud dubie intelligenda est, uti facile intelligitur ex l. 8. C. de inoff. test. Ubi Alexand. Imp. Parentibus arbitrium dividenda hereditatis inter liberos adimendum non est, dummodo non minus is, qui pietatis sibi conscius est, partis, quæ intestato defuncto potuit ad eum pertinere, quartam ex iudicio parentis obtineat.

§. 9. Accedit quod Lex Falcidia tum per Jctorum interpretationem tum maxime per Constitutiones Principum ad varia alia, fideicommissa scil. singularia & universalia §. 1. d. fideic. hered. non tantum in testamento sed & ab intestato relicta l. 18. ff. ad L. Falcid. ad donationes mortis causa l. 5. C. cod. l. 2. C. de don. m. c. nec non ad donationes inter Virum & uxorem l. 12. C. ad Leg. Falcid. extensa sit. Ut mirum videri non debeat, quantitatem Portionis Legitimæ ad modum Quartæ Falcidiæ constitutam esse.

§. 10. Sane Portionem Legitimam, non ita longe post latam Legem Falcidiam, quartam partem fuisse portionis ab intestato debite, seu hereditatis (utrum dicatur nihil interesse putamus) eamque ad Justiniani neque tempora ad excludendam inofficiosi querelam suffecisse, Legibusque debitas portio-

portionem (uti vocatur in l. 6. C. de Secund. nupt. Nov. 18. c. 1.) fuisse, manifestum est, ex Plin. Ep. lib. 5. E. 1. l. 8. §. 8. ff. l. 6. l. 8. l. 31. C. de inoff. test. l. 2. C. de inoff. don. l. pen. C. de Collat. l. 4. C. de lib. prater. §. 4. l. de inoff. test. d. Nov. 18. c. 1. d. Nov. 115. c. 3.

CAP. II.

IUSTINIANUM IMP. PORTIONEM LEGITIMAM AUXISSE,
ET QUARTAM IN TRIENTEM VEL SEMIS-
SEM PRO DIVERSO NUMERO PERSONARUM MUTASSE.

§. 1.

Iustinianus Imp. autem, cum sæpius miratus esset legitimis & bene meritis liberis ex necessitate triuncium tantum relinqui reliquum vero iu patris jacere voluntate, & si decem vel plures forte sint liberi, eos licet parentes non offenderint, pauperes tamen facile exituros, Legem antiquam corrigendam censuit Nov. 18. pr. *Portionemque Legitimam πρὸς ὅλην ἢ ἀγὰν* incremento non ignobili Nov. 92. pref. auxit.

§. 2. Constituit enim, ut si quidem unus est filii pater, aut mater, aut duorum vel trium vel quatuor, non triuncium eis relinqui solum, sed etiam tertiam propria substantia partem, hoc est uncias quatuor, & hanc esse definitam mensuram usque ad prædictum numerum, si vero ultra quatuor habuerint filios, mediam eis totius substantia relinqui partem, ut sexuncium sit omnino quod debetur, singulis ex aquo quadriuncium vel sexuncium dividendo. Nov. 18. c. 1.

§. 3. Unde & d. Nov. 18. de Triente & Semisse &c. inscripta est, Licet alia sit epigraphe ex Cod. Reg. apud Cujacium, nempe de *Hereditaria portione*; aliaque apud Haloandrum & Scriverium, Rittersb. ad Nov. p. 6. cap. 4. n. 7.

§. 4. Eamque quantitatem repetiit & confirmavit Nov. 39. & Nov. 92.

§. 5. Solis exceptis *Curialibus*, quibus sive filii sint Curiales, sive filii Curialibus nuptæ, propter onera quæ suslinebant Curii addicti vid. Groeneweg. de LL. abrog. ad §. ult. I. de nupt. (propter quæ & olim iis plus relinquendum erat l. ult. C. quand. & quib. quart. pars. L. 10.) secundum antiquam legem novuncium omnino dari vult, reliquo triuncio a parentibus secundum potestatem dispensando. d. Nov. 18. c. 2.

§. 6.

§. 6. Ut adeo *Portio Legitima*, minus accurate etiamnum a multis *Quarta Legitima* vocetur, & inter *Quartas* numeretur.

§. 7. Quare autem tertia hereditatis pars *triens*, dimidia *semis*, tres partes *doctrans* seu *noviuncium* vocetur, ratio non est in obscuro posita. Solebant enim Romani cum totum aliquod partiri vellent id ad *Assem* redigere, qui duodecim constat partibus, quarum unaquæque *uncia* dicitur, plures autem conjunctæ usque ad *assem* suis nominibus vocantur; Veluti *Sextans* i. e. sexta pars *assis* duæ *uncie*, *Quadrans* i. e. quarta pars *assis* tres *uncie*, *Triens* i. e. tertia pars *assis* quatuor *uncie*, *Semis* dimidia pars sex *uncie*, *Quincunx* quinque *uncie*, & deinceps ex numero fere *unciarum*. Quod non solum in more positum habebant, cum hereditas in partes dividenda esset l. 59. §. ult. ff. de hered. inst. §. 5. l. cod. sed & in omnibus aliis rebus, etiam corporalibus v. l. 8. ff. de R. V. l. 39. §. 2. ff. de evict. dividendis servarunt.

C A P. III.

QUORUM IN FACIENDA COMPUTATIONE RATIO HABENDA? ET AD QUOS AUGMENTUM PORTIONIS LEGITIMÆ PERTINEAT.

§. I.

Est igitur *Portio Legitima* liberorum *Triens* seu tertia pars bonorum si sint quatuor vel pauciores; *Semis* vero seu dimidia, si quinque sint vel plures.

§. 2. Et si quidem omnes primi sint gradus res aperta est: ut & si ex uno filio plures sint nepotes; Quandoquidem enim hoc casu succedunt in capita, singulorum etiam capita numeranda esse, videntur. *Beym. de Legit. tb. 2. Carpz. p. 3. C. 12. def. 11. Merlin. de Legit. L. 1. T. 2. Q. 10. n. 9. T. 4. Q. 2.*

§. 3. Si vero concurrant filius, & ex alio filio nepotes, vel ex duobus pluribusve filiis nepotes, quia hoc casu nepotes jure repræsentationis succedunt in stirpes l. 8. §. 8. ff. de inoff. test. Nov. 118. c. 1. §. 6. l. de hered. q. ab intest. non capitum sed stirpium numerus ineundus est.

§. 4. Sed anceps hoc loco oritur questio, An scil. liberi exheredati partem faciant? seu potius, an & ipsi connumerandi sint? Plerique negant. *Fach. 4. Cont. 31. Merlin. de legit. l. 1. T. 4. Q. 3. Carpz. 3. C. 10. def. 12. 13. Böckelm. ad t. de inoff. test.* Pro mortuis enim tales habentur l. 1. §. 5. ff. de conjung. cum emanc. lib. & in bonorum possessione cont. tab. partem non

non faciunt; *Quo enim bonum est eis scire ait Ulp. J. C. ut partem faciant, nihil habituri. l. 10. §. 4. ff. de bon. poss. cont. tab.* Quæ sententia moribus fere recepta, usuque confirmata est.

§. 5. Sunt tamen, lique magui nominis JCTi, qui contra sentiunt. C. Battand. de Legit. c. 4. §. 10. & seqq. Bacbov. Disp. 13. th. 15. Vinn. l. 2. 21. Struv. ad t. ff. de inoff. th. 32. Huber. prel. ad ff. d. t. n. 14. Lauterb. coll. ad d. t. th. 43. Quorum sententia ceu verior magis placet. Est enim *Portio Legitima* portio portionis ab intestato debitz l. 8. §. 8. ff. de inoff. test. Nov. 18. c. 1. & proinde secundum successionem ab intestato, perinde ac si testamentum factum non esset, consideranda. Deinde ipse Imp. numerum libetorum tantum attendendum statuit. d. Nov. 18. c. 1. Nov. 39. c. 1. verb. secundum filiorum numerum. In eo si non connumerarentur etiam iuste exheredati; id vergere posset in aliorum injuriam; si enim 5. sint liberi *Portio Legitima* est semis, si vero unus iuste sit exheredatus neque connumerandus, *Portio Legitima* esset triens: Quod menti Imp. quia & naturali æquitati aperte videtur contrarium. Voluit Imp. paupertate & iniquitate arcere a liberis, uti ipse in *praf. d. N.* proficitur, quem scopum, si per exheredationem unius reliquis bene meritis injuria posset inferri, non attigisset.

§. 6. Exheredatus sane pro mortuo habetur in Edicto de conjungendis cum emancipato liberis l. 1. §. 5. ff. de conj. cum em. lib. & quantum ad successionem ejus attinet a quo exheredatus est. Indistincte autem & per omnia pro mortuo eum haberi, nemo dixerit. Tantum enim abest ut in omnibus causis pro mortuis habeatur, ut si quis filium quem in potestate habet exheredaverit, & ex eo nepotem omiserit, filius exheredatus in causa sit, ut bonorum possessioni locus non sit. l. 4. §. 1. ff. d. bon. poss. cont. tab.

§. 7. Neque procedit argumentum, a bonorum possessione contra tabulas, ductum ex l. 10. §. 4. ff. de bon. poss. c. t. Exheredati enim ad bonorum possessionem contra tabulas non admittuntur l. 8. pr. ff. cod. adeoque nec partem in ea facere possunt.

§. 8. Diverſa etiam ab hoc loco questio est de Jure Accrescendi, de qua agitur l. 23. §. f. ff. de inoff. test. Quam separatim exponendam, minime vero cum ea de qua egimus confundendam, censemus.

§. 9. Idem judicium esto, de liberis qui vel *Querelam* vel hereditatem repudiaverunt, eive vivis parentibus renunciarunt.

§. 10. Quod si autem filia Statuto sit exclusa, distinguendum volunt. Vel enim simpliciter exclusa est, eoque casu cum neque ab intestato succe-

dat, non erit connumeranda; Vel aliquid ei relictum est, eoque calu secus erit, *Struv. d. l. Vin. d. l.*

§. 11. Verum enim vero, cum *Portio Legitima* in quantum alimenta continet sit *Juris Naturalis*, adeoque nec filix in totum excludi possint, uti dictum *Dissert. 1. c. ult. §. ult.* Simpliciter potius statuendum, etiam filias Statuto exclusas connumerandas esse.

§. 12. Et hæc quidem in *Liberis* procedere videntur. An autem augmentum *Portionis Legitimæ d. Nov. 18. c. 1.* introductum, ad *Parentes* nec non *Fratres Sororesque* extendendum sit, non satis constat.

§. 13. Cum enim inscriptio *d. Nov. 18. de Triente & semisse & successoribus filiorum &c.* concepta sit, & *Imp. in pras. & d. c. 1. de filiis* loquatur, aliaque sit ratio in liberis, alia in parentibus nec non fratribus & sororibus; quidam augmentum illud *Parentibus* concedendum, *Fratribus* vero negandum *Merlin, d. Legit. L. 1. T. 3. Q. 4.* quidam minime extendendum censent *Cneb. de Legit. p. m. 99. Battand. d. tr. c. 4. n. 30. Suth. Diss. 9. Aph. 33. Finm. conn. ad §. ult. l. de inoff. test. n. 2.*

§. 14. Non pauci tamen contrarium statuunt, moti clausula generali *d. c. 1. in f. subjecta.* Hoc observando in omnibus personis in quibus ab initio antiquæ quartæ ratio de inofficioso, lege decreta est. neque tantum ad *Parentes*, sed & ad *Fratres & Sorores*, augmentum istud extendendum censent, arg. *l. 1. l. 15. ff. l. 27. C. §. 2. l. de inoff. test. Harmenop. L. 5. T. 9. §. 14. Cujac. ad Nov. 18. Hottom. de Quart. leg. c. 4. §. 19. Struv. ad ff. de inoff. test. th. 14. Bockelm. ad ff. de inoff. §. 8. A. Huber. præl. ad l. de inoff. n. 11. Brunnem. ad Auth. Novissima C. eod.*

§. 15. Quorum sententiæ calculum subijcimus. Ratio enim non patitur, ut clausulam istam generalem ad solos liberos, vel liberorum diversas personas, filios scilicet, nepotes & pronepotes, postumos item & naturales (ui ex *Vaud. l. 1. Var. Q. 50. vult. Vin. d. l.*) restringamus. De filiis enim actum erat in præcedentibus. Cum autem *filiorum* nomine ex iusta ratione veniant & nepotes *l. 48. ff. de V. S.* necesse non erat, id quod facile intelligitur, nova clausula inculcare. Neque sane, hoc si voluisset *Imp. in omnibus personis* quibus olim *Querela* competeat id observandum dixisset, sed potius *Liberis*, quod vocabulum omnium commune est. *l. 223. ff. de V. S.*

§. 16. In inscriptione, præfatione, quin & ipso *c. 1. d. N. 18. filiorum* quidem sit mentio; sed hoc utique non prohibet quo minus id quod de liberis sancitum est, clara distinctaque clausula etiam ad alios extendi possit. Sic & *l. 35. C. de inoff. test.* de filiis tantum loquitur, & tamen §. 3. ejusdem legis

legis sanctio ad omnes personas, quæ de inofficioso Querelam movere possunt, extenditur.

§. 17. Est sane alia ratio liberorum, alia item parentum, nec non fratrum sororumque. Sed eo tamen non obstante, *Querela Inofficiosi Testamenti* etiam parentibus, nec non fratribus & sororibus uno casu concessa est; Quidni ergo dicta ratione non obstante, augmentum istud ad parentes & fratres extenditur etiam esse, statuere liceat? Maxime cum naturalis ratio, fratribus utique magis & sororibus, quam turpibus personis, faveat.

§. 18. Estque hæc sententia usu fori comprobata; adeo quidem ut ab ea in judicando & consulendo recedendum non esse moneat. *Battand, de Legit. art. 4. n. 38. Carpz. 3. C. 12. def. 11. n. 3.*

§. 19. Quod si itaque contingat plures simul existere parentes, vel una cum parentibus fratres & sorores vel fratres & sorores tantum, quandoquidem isti omnes ab intestato succedunt in capita *Nov. us. c. 2. ex numero personarum Portio Legitima* vel in *Semisse*, vel *Triente* constituenda est.

§. 20. Neque enim putandum uti multi volunt, *Portionem Legitimam* parentum ad *Semissem* augeri non posse, eo quod plures quam 4. eodem tempore existere nequeant. Nam licet talis major numerus, neque in primo, neque in secundo gradu, deprehendatur, possibile tamen est deprehendi eum in tertio. Concurrere enim possunt ex *linea paterna* Avi paterni pater & mater, nec non Avix paternæ pater & mater; Ut & ex *linea materna* Avi materni pater & mater, nec non Avix maternæ pater & mater: Quos proavos & proavias vocare solemus. *l. 10. §. 14. ff. de grad. & affn.*

§. 21. Raro quidem continget casus propositus: Possunt tamen homines C. annos & ultra vivere, uti probant exempla, plurimis notata, vid. *l. al. Max. lib. 8. c. 13. Plin. Nat. Hist. l. 7. c. 45. l. 56. ff. de usufr. l. 8. de usu & usufr. legat. l. 23. C. de SS. Eccles.*

§. 22. Quin & ipse Imp. notabile exemplum alicujus qui CXX. annos vixit memorat *Nov. s. c. 2. §. 1. Quod nobis ait nuper ex Lycia muciavit Zosimus Deo amabilis vir sanctissimus in conversatione, & prope vicefimum & centesimum ætatis agens annum, pollens autem & animi virtutibus & corporis operationibus.* De qua ætate CXX. annorum lepidam fabulam ex *Treb. Poll. in Claud. c. 2.* lubet adscribere. *D. Eissimi* inquit *Mubematicorum* centum & viginti annos homini ad vivendum datos judicant, neque amplius cuiquam jactitant esse concessum, etiam illud addentes, *Mosén solum Dei* (ut *Judaorum Libri loquuntur*) *familiarum CXXV. annos* (CXX. di-

cere debuisset v. *Deus. c. ult. v. 7.*) vixisset, qui cum quereretur quod juvenis (i. e. integris viribus d. c. ult. v. 7.) interiret, responsum ei ab incerto ferunt numine, neminem plus esse victurum. De qua vid. *Casaub. ad Treb. Poll. d. c. 2.*

§. 23. Ut adeo casus talis neque negandus, neque omnino negligendus sit. De Raris enim & insolitis, non semel sollicitos fuisse Legislatores & JCtos, docent *l. 3. ff. si pars hered. pot. l. 36. ff. de solus. l. 14. ff. de stat. hom. l. 9. §. 1. l. 22. l. 23. ff. de reb. dub. §. 22. l. de rcr. divis.*

C A P. IV.

AN AUCTA ETIAM SIT QUARTA LEGIS FALCIDIAE?

§. 1.

Illud etiam quaesitum est, An uti aucta est *Portio Legitima*, ita etiam aucta sit *Quarta L. Falcidia*.

§. 2. Auctam esse censent in persona liberorum heredum institutorum, non etiam extraneorum, *Cujac. ad Nov. 18. Rittersb. ad Nov. p. 6. c. 4. n. 35. Heig. Lib. 1. Quaest. 32. n. 7. & ex professo Cont. l. 1. Lect. c. 3. qui verba Nov. 18. c. 1. pr. ταῦτα ἡμᾶς ἐκινῆσαι ἐναντιῶμεθα τὸν νόμον, de Lege Falcidia accipiendi existimat, arg. Nov. 92. *pres. & Nov. 2. c. 2. pr.**

§. 3. Sed neque d. *Nov. 18.* neque alibi auctam esse *Quartam L. Falcidia*, dicitur.

§. 4. Quam enim Legem correxerit, ipse *Imp. d. Nov. 18. c. 1. in f.* satis exprimit, dum ait, hoc observando in omnibus personis in quibus ab initio antiqua quarta ratio de inofficioso lege decreta est. Legem scil. qua ut *Portio Legitima* secundum receptum jus *Quarta* esset, postmodum constitutum est.

§. 5. Non contrariatur quod dicit *Imp. Nov. 92. pr. sese partem Falcidia auxisse incremento non ignobili. Falcidiam enim ibi pro ipsa Portione Legitima accipi nihil prohibet. Ut probavimus Dissert. 1. c. 3. §. 3. 4. c. 4. §. 12. & seqq.*

§. 6. Majoris momenti videri posset quod ex *Nov. 1. c. 2. in pr.* memorat *Cont. Imp.* scil. apertissime istud ibidem innuere, dum ait *legem Falcidiam permittere heredibus retinere* (si patrimonium legatis consumatur) quantum ad trientem & semissem bonorum efficiendum satis sit. Sed non

non habentur hæc eo modo *d. c. 2. pr.* quo posita sunt a Contio. Verba *d. c. 2. pr.* hæc sunt, *Hinc nobis ingressa est cura & quadam consideratio Falcidia legis quæ etiam invitis testatoribus (si expendantur res per legata) præbet etiam retinere heredes quantum eis impleat quarta substantia.* Quorum sensus ab eo qui dictus, longe diversus est.

§. 7. Ratio etiam non est, ob quam ita statuere necesse sit. Sunt enim liberi jure novo omnino heredes instituendi, uti infra pluribus videbimus: Cum autem instituuntur, vel *Portionem Legitimam* salvam habent; eoque casu res non habet dubium: Vel hereditas legatis exhausta est; Eoque casu nihil obflare videtur, quo minus liberi *Portionem Legitimam* tantam quanta jure novo constituta est, per remedia in eam rem competentia, de quibus similiter suo loco agemus, consequi queant.

CAP. V.

QUO TEMPORE BONA CONSIDERANDA SINT?

§. 1.

Ut autem *Portionis Legitimæ* quantitas recte constitui possit, tempus sciendum, quo bona consideranda sint.

§. 2. Quod, cum viventis non sit hereditas *l. 1. ff. de act. vel hered. vend. l. 2. ff. pro hered.* aliud quam mortis esse non potest.

§. 3. Sic & quantitas patrimonii ad quam ratio *Legis Falcidiæ* redigitur mortis tempore spectatur §. 2. *l. de Leg. Falcid. l. 24. §. 1. l. 66. l. 73. ff. ad L. Falcid.* nec non bonorum liberti, respectu patroni; cui satisfactum, si debita pars ex his bonis quæ mortis tempore fuerunt, ei data sit. *l. 44. §. 2. ff. de bon. lib.*

§. 4. Imo quoad hanc causam *Antoninus Imp.* in *l. 4. C. de inoff. test.* etiam expresse ita rescripsit, *Cum queritur, An filii de inofficioso testamento possint dicere, si quartam bonorum partem mortis tempore testator reliquit inspiciunt.*

§. 5. Sed negotium hic nobis facessit *Vir Summus Hottom, Disp. de Quart. Legit. cap. 4. §. 22.* Qui vel tempus aditæ hereditatis, vel quo hereditas plurimi fuerit inspiciendum statuit: Tum quia *Portio Legitima* titulo institutionis sic relinquenda. *Nov. 115. c. 3.* Tum quia in *Nov. 92.* constituitur, ut si inter vivos donatio facta sit, *Legitima Portio* ex eo tempore, quo facta sit, æstimetur. Qua ipsa *Nov. d. l. 6. C. de inoff. test.* etiam correctam asserit.

§. 6. Non tamen hæc tanti videntur, ut a sanctione *d. l. 6.* recedendum sit. An enim *Portio Legitima* omnino titulo institutionis relinquenda sit, merito dubitatur, uti suo loco videbimus. Neque *d. Nov. 92.* quicquam continet quo *d. l. 6.* abrogata dici possit.

§. 7. Cum enim heredes extranei *Falcidiam* ex donationibus inter vivos a testatore factis detrahere nequeant *l. 42. §. ult. ff. de don. mort. caus.* in liberis autem iniquum sit, per inofficiosas donationes *Portionem Legitimam* minui, concessum est liberis, inofficiosas donationes revocare *t. C. d. inoff. don.* simulque sancitum *d. Nov. 92.* ut ratio non tantum habeatur bonorum quæ parens habebat tempore mortis, sed etiam illorum, quæ tempore donationis. *Cujac. ad Nov. 92. pr. Rittersh. ad Nov. p. 5. c. 13. n. 11. Wiff. ad t. C. d. inoff. don.* Ut adeo in officiosis donationibus, non tantum tempus factæ donationis, quia postmodum alia bona acquirere potest, sed & tempus mortis; neque hoc tantum quia per donationem omnia bona exhaurire potuit, sed & factæ donationis inspiciendum sit. *A Fab. Cod. l. 3. Tit. 20. def. 7. Perez. ad C. t. d. inoff. don. n. 8.*

§. 3. Ordinario itaque secundo *d. l. 6. C. d. inoff. don.* tempus mortis spectandum est.

§. 9. Unde sequitur, postea neque minui, neque augeri *Portionem Legitimam*, sive postea angeantur bona per accessiones aut valoris augmentum, sive diminuantur. *Siruv. ad ff. de inoff. test. th. 34. Zoes. ad d. t. n. 93. 99. Rittersh. ad Nov. p. 6. c. 4. n. 22. Hartm. Pifst. l. Q. 46. n. 15.*

§. 10. Quin & sequitur ex eo, *Portionem Legitimam* a vivis Parentibus exigi non posse. *l. 1. §. 19. 21. ff. de collat.*

§. 11. Potest utique si velit, pater, dum vivit, filio dare portionem legitimam, uti de prodigo filio habetur *Evang. Luc. c. 15. vers. 11.* Sed invitis ad hoc non cogitur.

§. 12. Adeo quidem ut licet pater bona delapidet de *Portione Legitima* tamen præstanda conveniri nequeat. *Mysf. 4. Obs. 25. Busf. ad l. 11. ff. de lib. & post. hered. n. 7. 12. Rittersh. ad Nov. p. 6. c. 4. n. 21. Beym. de Legit. tb. 4. Celeberr. D. Voc. comm. ad t. ff. de inoff. test. n. 51.*

§. 13. Contrarium dicendum videri posset, propter dominium, quod liberis, vivis etiam parentibus, in bonis parentum, competere asserit *Paulus* Jctus in *l. 11. ff. de lib. & post. her. inst.* In suis ait heredibus evidentius apparet continuationem domini eo rem perducere, ut nulla videatur hereditas fuisse, quasi olim hi domini essent, qui etiam vivo patre quodammodo domini existimantur. Quod probare pergit. Unde etiam Filiius: militia appellatur sicut Paterfamilias, sola nota hæc adjecta, per quam distinguitur genitor

nitor ab eo qui genitus est. Itaque post mortem patris non hereditatem percipere videntur, sed magis liberam bonorum administrationem consequuntur. Hac ex causa licet non sint heredes instituti domini sunt. Objectionem denique remouet. Nec obstat quod licet eos exheredare, quod & occidere licebat. Ad quam l. vid. Donell. 7. comm. c. 2. Unde & apud Comicos Filii familias Heri Minores sapius dicti videntur. Sic Plaut. Captiv. Act. 3. Scen. 5. v. 50.

Tynd. Herum seruari quem servatum gaudeo
Cui me custodem addiderat Herus Major meus.

Merc. Act. 1. Scen. 2. v. 2.

Ac. Ex summis opibusque viribusque experire nitere
Herus ut Minor opera tua servetur.

Pseud. Act. 5. Scen. 8. v. 23. 26.

Pl. Hoc ego modo atque Herus Minor hunc diem sumus prothyme.

Sic & Tercet. And. Act. i. Scen. 3. pr.

Dav. Enimvero Dave nihil loci est segnitia neque socordia
Quantum intellexi modo Scius sententiam de nuptiis
Que si non assu providentur me aut Herum pessundabunt.

Ubi Donat. in not. Me aut Herum. Herum hic Herilem filium. Unde & Suus heres dictus est, qui sibi ipsi heres est. v. §. 2. l. de hered. qual. & diff. Donell. Comm. d. l. 7. c. 2. Possent hæc inquam contraria videri, nisi ipse Paulus JCtus in d. l. 11. simul doceret non esse hoc dominum plenum & absolutum, sed vivo patre magis in spe quam effectu consistere. Dicit enim suos heredes vivo patre quodammodo dominos existimari. Et eos post mortem patris denuum liberam bonorum administrationem consequi.

§. 14. Non adversatur etiam l. 50. ad SC. Treb. ubi Papinianus JCtus. Imperator Hadrianus cum Vivius Cerealis filio suo Vivio Simonidi, si in potestate sua esse desisset, hereditatem restituere rogatus esset, ac multa in fraudem fideicommissi fieri probaretur, restitui hereditatem filio iussit, ita ne quid in ea pecunia quamdiu filius ejus viveret juris haberet &c. Agitur enim eo loco de Hereditate per fideicommissum a patre filio relicta, quam deminueret fiduciario minime licet.

§. 15. Minime autem obstat l. ult. §. 2. C. de sentent. pass. in verbis. Nam si patria potestate ad corrumpendi atque effundendi patrimonii licentiam abutatur, ut furioso ac dementi itemque prodigo libidinum omnium vitiorumque

rumque servo, non est eorum (scil. liberorum) *pecunia committenda*. Nihil enim aliud ibi dicitur, quam quod, si pater deportatus restitutus sit, Tutor liberis datus ab officio recedere debeat, si quidem probus sit. Si vero prodigus, administratio bonorum filii non Patri conmittenda, sed Tutori dato relinquenda sit.

§. 16. Quæ tamen non ita accipienda sunt, quasi hoc casu liberis, quibus *Jure Naturali* debentur alimenta, jure nostro nullum omnino remedium competat. Quod si enim parentes neque tempus neque finem expensarum habeant, sed bona sua dilacerando & dissipando profundant, eorumque luxuria desperatæ emendationis esse inveniatur, liberis permittitur prodigo patri Curatorem postulare; arg. *d. ult. §. 2. C. de sent. pass.* Ut & ipsi si modo idonei & probi sint, curam suscipere possint. *l. 1. §. ult. ff. de curat. fur.*

§. 17. Est etiam casus, quo vivi parentes *Portionem Legitimam* liberis dare tenentur, si scil. monasterium ingrediantur. *Auth. nunc autem C. de Episc. & Cler. Nov. g. c. 5. Auth. ingressi, & Auth. si qua. C. de SS. Eccles.*

§. 18. Sed & donationes quibus facultates parentum exhauriuntur, ut *Portio Legitima* liberis non sit salva, tanquam inofficiosa, vivis parentibus rescindi possunt. *l. 5. C. de inoff. don.*

§. 19. Ex dictis similiter apparet, quid sentiendum sit de Quæstione, An propter delictum liberorum Parentes conveniri possint, ad solvendam Filco *Portionem Legitimam*? Si enim vivi parentes non tenentur de *Portione Legitima*, Ergo nec Fiscus de ea contra Parentes agere potest. Unde nec Statutum, ut Pater solvat *Legitimam* ex delicto filii, valere existimat, *Dan. Moller. 3. Semest. c. 6. Carpz. 3. C. 12. Def. 10, in f.* Licet aliud videatur *Bus. ad d. l. 11. ff. de lib. & post. her. inst.*

§. 20. Consideranda autem sunt bona tempore mortis, deducto *ere alieno l. 8. §. 9. ff. de inoff. test.* (quod continet omne cuius præstandi necessitate defunctus adstrictus est. *l. 54. ff. ad l. Falcid.* item *Funeris impensa d. l. 8. §. 9. v. l. 14. §. 9. l. 37. ff. de relig. & sum. f.* pro facultatibus scil. & dignitate defuncti *l. 12. §. 1. l. 14. §. 6. ff. cod.*) nec non *pretiis servorum manumissorum d. l. 8. §. 9.* Quemadmodum & de ineunda ratione Legis *Falcidiz* cautum est, *§. ult. l. de Leg. Falc.*

l. 6. C. cod.

C A P. VI.

QUENAM IN PORTIONEM LEGITIMAM IMPUTANDA VENIANT?

§. 1.

Illud denique hoc loco videndum est, Quenam in *Portionem Legitimam* imputanda veniant.

§. 2. Quidam in *Portionem Legitimam* imputanda censent omnia ea, quæ conferenda sunt, propter Rescriptum Zenonis quod est in l. 29. C. de inoff. test. Quoniam novella Constitutio Divi Leonis ante nuptias donationem a filio confervi ad similitudinem dotis quæ a filia confertur præcepit, etiam ante nuptias donationem filio in quartam præcipimus imputari.

§. 3. Sed contrarium discrete statuit Justinianus lmp. in l. pen. pr. C. de collat. dicens; Hac autem regula, Ut omnia quæ portioni quartæ computantur etiam ab intestato conferantur, minime a contrario tenebit, ut possit quis dicere etiam illa quæ conferuntur omnimodo in quartam partem hinc imputari, qui ad inofficiosi Querelam vocantur: Ea enim tantummodo ex his quæ conferuntur memorata portioni computabuntur, pro quibus specialiter legibus ut hoc fieret expressum est.

§. 4. Neque aliud probatur ex dicto Rescripto Zenonis. Si quis enim verba ejus probe consideret, videbit, non duci ibi argumentum a collatione ad imputationem in *Portionem Legitimam*, sed donationem propter nuptias in eo comparari cum dote, ut quemadmodum donatio propter nuptias ad similitudinem dotis confertur, ita etiam exemplo dotis in Quartam imputetur. Wiff. ad. d. l. pen. C. de collat.

§. 5. Ut adeo potius dicendum sit, ea omnia imputari in *Portionem Legitimam* quæ quis habet ex substantia defuncti & Lex imputari jubet. d. l. pen. pr. C. de collat.

§. 6. Qualia sunt, quæ habent heredes titulo institutionis §. ult. l. de inoff. test. Nov. 115. c. 3. Legata & fideicommissa l. 35. ff. l. 8. l. 35. l. ult. C. de inoff. test. d. §. ult. Donatio mortis causa l. 8. §. 6. ff. eod. quia in multis similis est legato l. 3. §. 17. de bon. libert. §. 1. L. de don. Dos, Donatio propter nuptias l. 29. C. de inoff. test. l. pen. C. de collat. Donatio simplex inter vivos, hac lege ut in *Portionem Legitimam* imputetur, facta d. l. 25. ff. de inoff. test. l. 35. §. 2. C. eod. l. 20. §. 1. v. illa vero C. de collat. Militia pecunia patris emta (nempe ejusmodi militia quæ vendi aut in heredem transmitti potest) & Militiæ casus. d. l. 30. §. 2. C. de inoff. test. d. l. pen. C. de collat.

§. 7. Est autem hic *Militia* officium eorum qui in aliqua Schola inter

f

statutos

statutos relati sunt, in obeundis Principis vel Reip. negotiis operam navantes, unde Salaria annonas & commoda a Principe consequuntur, ut sunt Agentes in rebus, Scriniarii, Laterculenses, Adjutores Quæstoris, Silentarii, Tribuni & præpositi numeris. *Militiæ casus* vero, quod mortuo militante sive officiali heredes ejus vel liberi vel uxor capiunt, ex constitutione Principis vel communi scholæ placito, non a Principe, sed ab eo qui in mortui militis locum surrogatur l. ult. C. de pignor l. 1. l. 11. C. de proxim. sacror. scrip. Cujac. in expos. Nov. 53. Alciat. 1. Prætermis. verb. Militia. Wiff. ad l. 32. §. 2. C. de inoff. testam. Vin. Tract. de collat. c. 13. n. 16. & seqq.

§. 8. Excipiuntur tamen *Silentarii* quibus *Militia* in *Portionem Legitimam*, licet pecunia patris eruta sit, non imputatur, d. l. 32. §. 2.

§. 9. Non vero imputantur, bona *Castrensia*, Quasi *Castrensia*, *Adventitia* l. 36. pr. C. de inoff. l. 1. §. 15. ff. junct. l. f. C. de collat. Non prælegata quæ constat testatorem conferri nolle l. 12. & seq. C. de Collat. Non donationes remuneratoriæ; Nec denique suntus studiorum, Doctoratus, vel Licentiæ: Tum quia nusquam hoc dicitur, Tum quia quæ dignitatis nomine a patre sunt erogata, propter onera dignitatis, præcipua habentur l. 1. §. 16. de collat. Unde neque in divisionem hereditatis veniunt, l. 50. ff. sam. erisc. Battand. de Legit. c. 11. 12. Struv. ad t. ff. de inoffic. th. 35. Lauterb. Colleg. ad d. t. th. 48. Carpz. 3. C. 11. Def. 17. Nisi forte parentes expresse aliud voluerint d. l. 50. Quo casu, (deductis alimentis arg. l. 11. C. de neg. gest.) mortis etiam tempus inspiciendum est.

§. 10. Peculium Profectitium quod attinet, communis DD. sententia est, & id in *Portionem Legitimam* imputandum esse. Et si quidem vel in Testamento relictum, vel inter vivos filio ea lege donatum sit, res expedita est. Si vero simpliciter inter vivos filio donatum sit, aliud dicendum videtur. arg. l. 35. §. 2. C. de inoff. junct. l. 20. pr. C. de Collat.

§. 11. Sed quid statuendum de Muneribus datis infantibus ab iis qui eos ex baptismo suscipiunt? An & ea in *Portionem Legitimam* imputanda sunt. Et magis est ut eo casu, quo imputatur Peculium Profectitium, etiam imputatur. Peculio enim Profectitio Jure nostro annumeranda sunt, arg. §. 1. ff. l. per quas person. Sed Mores & Consuetudines variant. In Curia enim Hollandiæ, nec non Antverpiæ, dictam sententiam sæpius confirmatam esse testatur Groenew. de Leg. Abrogat. ad l. 29. §. 1. ff. de pecul. Contrarium vero in Consistorio Dresdensi & Scabinatu Lipsiensi judicatum. Liberisque ea munera concessa esse docet Carpz. 2. Conf. 24.

def. 18. L. 2. Jurispr. Confist. def. 262. Add. Lauterb. Colleg. ad t. ff. de pecul. th. 32.

DISSER.

DISSERTATIO JURIDICA QUARTA, DE PORTIONE LEGITIMA LIBERIS, PARENTIBUS, ET FRATRIBUS, RELINQUENDA.

CAP. I.

QUO TITULO PORTIO LEGITIMA RELIN- QUENDA SIT?

§. I.

Superest ut de reliquo Jure quo Portio Legitima debeatur, & Remediis quibus eam consequi possimus, dispiciamus.

§. 2. Ad Jus autem in quo debetur Portio Legitima maxime pertinet nobilis illa Quaestio, Quo titulo relinquenda sit?

§. 3. Et quidem non uno juris nostri loco, quo ea de re expressè agitur, Portionem Legitimam non tantum titulo institutionis vel heredis, sed & legati vel fideicommissi, relinqui posse constituitur l. 1. §. 6. ff. de inoff. test. §. ult. I. eod. Nov. 18. c. 1. Unde & in Auth. Novissima. C. de inoff. test. quovis titulo, relinqui posse, notatum est.

§. 4. Sed jus illud antiquum abrogatum, aliudque novissima lege cautum esse censent DD. comm. ad d. Auth. Novissima Hott. Disp. de Quart. leg. c. 6. §. 34. Cuch. tr. de Legit. fol. m. 45. Merlin. de legit. l. 5. T. 1. Q. 1. Beym. de legis. th. 5. Hahn. ad t. de inoff. test. n. 6. Carpz. 1. Conf. g. def. 12.

§. 5. Quantum enim ad liberos & parentes attinet, Institutionis titulo relinquendam esse, Nov. 115. c. 3. §. 4. & 5. expresse sancitum asserunt. Sancimus igitur (inquit Imp. d. c. 3.) non licere penitus patri vel matri, aut avo vel avia, proavo vel proavia, filium vel filiam vel ceteros liberos praterire vel exheredes in suo facere testamento, nec si per quamlibet donationem

vel legatum vel fideicommissum vel alium quomcumque modum sis dederit legibus debitam portionem. Nec non deinde d. c. 5. pr. Sola enim est nostra serenitatis intentio, a parentibus & liberis injuriam prætentionis & exheredationis auferre.

§. 6. Ejusque mutationis rationes reddunt, tum quia titulus *Institutionis* est honorabilior titulo legati & fideicommissi, l. 5. §. 6. ff. de legat. præs. tum quia institutus heres habet jus accrescendi, quod non habet, cui alio titulo quidpiam relictum est. l. 13. C. de hered. inst. l. 6. ff. de bon. poss.

§. 7. Cum vero prioris juris mutationis nulla ibi fiat mentio, etiam post d. Nov. 115. quovis titulo *Portionem Legitimam* relinqui posse statuunt *Cujac. expof. Nov. 18. Bachov. ad Treut. l. V. 1. D. 13. th. 12. lit. A. late Battand. tr. de legit. art. 9. & novissime Cl. D. Pagenst. lrrn. ini. vap. coi. 5.*

§. 8. Et sane si ipsum caput 3. d. Nov. 115. mentemque Legislatoris recte examinemus nulla quoad hanc causam correctio juris antiqui ibi reperietur. Cum enim Imp. injuriam tantum prætentionis & exheredationis a liberis & parentibus auferre vellet, uti ait d. N. 115. c. 5. pr. constituit d. c. 3. ut liberi & parentes vel heredes instituantur vel ex justa causa exheredentur, neque sufficiat si vel maxime *Portio Legitima* ipsis legata, vel per fideicommissum vel alium modum relicta sit. Debent ergo liberi & parentes, si nulla exheredationis causa adsit, heredes institui, quod non negatur, Sed an & in *Portione Legitima*? Hoc utique ibi non dicitur. Quid enim si quis filium una cum aliis heredem instituerit, eique *Portionem Legitimam* (ut eam præcipuam habent) legaverit? Hoccine in causa erit, ut ultima voluntas effectum non habeat? Non videtur. arg. l. 120. ff. de V. S.

§. 9. Atque ita cessant rationes quas quoad honorificum *Titulum Institutionis*, & Jus Accrescendi proferunt Diss. Cessant etiam quæstiones, An idem locum habeat in testamento parentum inter liberos, ad pias causas, similesque, quas longa serie examinat *Merlin. d. Legit. l. 5. T. 1. & seqq.*

§. 10. Illud tamen mutatum esse concedimus, ut, cum olim tota *Portio Legitima* relinquenda esset, ne testamentum per querelam impugnari posset, l. 8. §. 6. 8. 10. ff. de inoff. test. jure novo sufficiat minimum aliquid relictum esse: Quo casu actio ad supplementum locum habet, l. 30. l. 31. C. de inoff. test. Nov. 115. c. 5.

§. II. Quod si autem in re certa institutus sit filius, non erit hæc institutio sine effectu, sed probabilis quorundam sententia est; talem institutum mixtam & mediam obtinere naturam inter heredem verum & legatarium, ut & heredis nomen habeat, & rem in qua institutus est propria autoritate apprehendere possit, quodque præcipuum est jus accrescendi etiam habeat; De quo, an in *Portione Legitima* etiam locum habet, infra videbimus.

CAP. II.

SINE OMNI ONERE PORTIONEM LEGITIMAM RELINQUENDAM ESSE.

§. I.

Licet autem quocunque titulo relinqui possit *Portio Legitima*, relinquenda tamen est ex substantia seu bonis defuncti, pure & sine omni onere & gravamine. Adeo quidem ut neque dies neque conditio, neque modus, neque legatum vel fideicommissum vel donatio inter vivos, neque et alienum funerisve impensa, neque prohibitio alienationis, neque libertatis datio adjici possit, & si forte tale quid adjectum sit, pro non scripto habeatur *l. 32. l. 36. pr. §. 1. C. de inoff. test.* per quam *l. 32.* quantum ad fideicommissum attinet abrogatur *l. 12. C. de inoff. test. Celebrerr. D. Voet. comm. ad 1. ff. de inoff. test. n. 63. Wiff. ad d. l. 32.*

§. 2. Adeo etiam, ut licet Ecclesie vel Piz causæ aliquid relictum sit, idem tamen dicendum sit, v. *Caus. 17. Q. 4. c. fin. Gail. 2. O. 119.*

§. 3. Debetur enim *Portio Legitima* ex legis dispositione *Nov. 1. praf. §. 1. Nov. 13. c. 1.* Quem autem non honoravimus, eundem nec onerare possumus §. 1. *l. de sing. reb. per fideic. rel.*

§. 4. Hinc si quis extraneo herede instituto restituere eum filio suo hereditatem, cum moriatur, disposuerit, vel in tempus certum restitutionem distulerit, *Portionis Legitimæ* restitutio statim, non expectata morte heredis nec temporis intervallo (quia dilationem non recepit) facienda est; Reliquum autem quod post *Legitimam Portionem* restat, tunc restituendum quando testator disposuit. *d. l. 36. §. 1. C. de inoff. test.*

§. 5. Hinc etiam non potest *Portio Legitima* relinqui in fructibus, aut nuda proprietate; ex rebus enim substantiæ paternæ præstanda est, *d. l. 36. C. pr.* Adeo quidem ut licet pater omnium bonorum proprietatem filio relinquat, usufructum tamen eorundem uxori legare nequeat. *Nov. 13.*

c. 3. *Ausb. Novissima C. de inoff. test.* Abrogato, ut videtur, jure antiquo l. 37. ff. de usufr. legat. l. 18. C. de excus. tut. Licet enim plaris sit proprietas quam est usufructus, posset tamen contingere, ut interius liberi misere esurirent. d. N. 18. c. 3.

§. 6. Hinc etiam in pecunia relinqui non posse, quidam statuunt: Quod tamen vix asserendum videtur: Quid enim si hereditas defuncti ex pecunia maxime constet? Filius a bonis immobilibus neque simpliciter præcludendus, neque inobilia simpliciter accipere cogendus est, sed *Portionem Legitimam* ex bonis defuncti accipiet, ex boni viri arbitratu. l. 36. C. pr.

§. 7. Suntque hæc quæ de onere adjiciendo diximus adeo vera, ut ne quidem concedendum videatur onus aliquod in favorem liberorum adjici posse; e. gr. si mater ea conditione relinquat *Portionem Legitimam* ne patri usufructus acquiratur; per Nov. 117. c. 1. pr. Ubi expresse constituitur, ut parentes tum demum postquam liberis partem reliquerint quæ lege debetur, reliqua relinquere possint sub conditione, ut pater aut qui omnino eos habet in potestate, in his rebus neque usufructum neque quodlibet penitus habeant participium. *Bym. de Legit. ib. 5.*

§. 8. Potest tamen pater pupillariter filio substituere l. 26. C. de inoff. test. Quia nullum ea ratione onus adjicitur, sed potius commodum: cum enim substitutio pupillaris pubertate extinguatur l. 14. ff. de vulg. & pup. subst. & intra pubertatem filius testari nequeat, filii causa receptum est, ut pater ei testamentum facere possit. pr. l. de pup. subst.

§. 9. Plane si in testamento pater jusserit ut prinsquam ad divisionem procedant liberi, eligant an velint accipere solam *Portionem Legitimam* non onerata, an vero omnia bona sed universali fideicommissio onerata? Ratio non apparet, ob quam dispositio hæc paterna exitum sortiri nequeat. Hoc enim casu non testator sed ipsi liberi eligendo omnia bona, onus *Portioni Legitima* imponunt. v. l. 94. §. 2. ff. de legat. 1. A. D. Huber. pral. ad t. ff. de inoff. test. n. 16. Celeberr. D. Voet. comm. ad t. ff. de inoff. test. n. 64. Merlin. de Legit. l. 3. T. Q. 8.

§. 10. Qua occasione quaesitum est, si filius heres institutus fideicommissio universali simpliciter oneratus sit, An duplicem possit detrachere *Portionem, Legitimam* scil. & Quartam Trebellianicam? quod de Jure Civili omnino negandum. Una enim in alteram imputatur l. 22. §. 2. ff. ad SC. Trebell. l. 91. ad L. Falcid. junct. l. 35. §. 2. d. inoff. test. l. 8. §. 15. ff. eod. Eaque ratione, etiam Falcidiam detrachere liceret, quod absurdum est. Tum & ubi ex alia *Lege Portionis* sit deductio, Falcidia & SCtum cessant. l. 1.

S. pen

§. pen. ff. si cui plus per Leg. Ful. l. 8. §. 9. 11. 15. ff. de inoff. test. Sunt denique in eam rem textus satis aperti, sive de jure veteri quærat, v. l. 41. §. 3. de vulg. & pup. subst. l. 6. C. ad SC. Treb. l. 21. §. 2. ff. de ann. leg. l. 24. C. sam. excise. l. 10. C. ad L. Falcid. sive de novo. v. Nov. 1. c. 1. §. 1. Uti ostendit Cujac. §. Obs. 3. Hottom. III. Quæst. 43. Bach. ad Tr. vol. 2. Disp. 14. th. 2. Vin. Lib. 2. Quæst. c. 29.

§. 11. Contrarium non probat l. 3. §. 2. ff. ad SC. Trebel. Ubi Ulpianus Jctus. Item Pomponius scribit, si deductis legatis restituere quis hereditatem rogatur, Quæsitum est, utrum solida legata præstanda sint, & Quartam ex solo fideicommissio detrabere possit? An vero & ex Legatis & ex fideicommissio Quartam detrabere possit? Et refert Aristonem respondisse ex omnibus detrabendam, hoc est ex legatis & ex fideicommissio. Licet enim hic duplex fiat deductio, una ex Legatis altera ex Fideicommissio, unius tamen Quadrantis tantum est, si Assem respiciamus.

§. 12. Neque in Nov. 39. c. 1. tantum præfidi est quantum in eo posuit Fachin. §. Cont. 2. Verba d. c. 1. ita habent, Quamobrem presentem posuimus legem, omnia quidem alia prioris a nobis posita constitutionis rata manere volentes: Hoc vero innovantes solummodo, ut si quis de cetero restitutionem fecerit suarum rerum, primum quidem servet filii Legitimam Partem, non quartam (hoc enim emendavimus inopiam ejus plurimam reprehendentem) sed tertiam modis omnibus aut mediam secundum filiorum numerum, deinde ex reliqua substantie parte, si non suffecerit Legitima pars ad dotis aut antenuptialis donationem ablationem; honeste & secundum personarum qualitatem & merita excipere etiam hoc ad restitutionem, secundum quod adjectum Legitimæ parti, dotem aut antenuptialem facit donationem; &c. ex quo C. 1. excerpta est Auth. Res quæ. C. comm. de Legat. Res quæ subjacent restitutioni prohibentur alienari quidem vel obligari, sed si liberis Portio Legitima non sufficit ad dotis sive donationis propter nuptias obligationem, permittitur res prædictas in eam causam alienare vel obligare, pro modo honestati congruo. Ea enim quæ communiter nobis profunt, his quæ specialiter quibusdam utilia sunt præponimus.

§. 13. Constitutum est itaque, ut liberi heredes instituti & fideicommissio gravati, non tantum detrabere possint Portionem Legitimam, sed etiam, si forte Portio Legitima non sufficiat doti vel donationi propter nuptias, ulterius de bonis restitutioni obnoxii, (quantum scil. ad dotem vel donationem propter nuptias pro dignitate & honestate personarum constituendam satis est) aliquid deducere & alienare. Minime vero ut liceat detrabere &

Portio

Portionem Legitimam & Trebellanicam. Imo ex d. c. i. contrarium colligere licet, extra casum scilicet ibi exceptum non posse filium fideicommissio oneratum præter *Portionem Legitimam* quicquam detrahere. Hæc enim sola ibi fit innovatio, ut plus quam *Portionem Legitimam* deducere liceat, si *Portionis Legitimæ* deductio non sufficiat ad dotis vel antenuptialis donationis modum. *Sisque hoc* (ait Imp.) *nuptialibus donationibus privilegium.*

§. 14. Ratio denique non obstat, quod æs alienum non imputetur in *Quartam*. Licet enim *Portio Legitima Debitum* vocetur l. 5. c. de inoff. don. proprie tamen æs alienum dici nequit, quod vel ex eo manifestum est, quia cæteroquin filius v. c. ob iustas causas per exheredationem privari ea non posset. Vid. Bacch. d. Vol. 2. Disp. 14. Th. Lit. Vinn. d. L. 2. Quest. c. 20.

§. 15. Jure tamen Canonico aliud constitutum est c. Rainutius, c. Rainaldus x. de testam. Quod in foro & judiciis fere receptum. Vin. l. 2. Q. c. 29. Ubi inter alia, receptam vulgo distinctionem inter filium gravatum pure, & gravatum sub conditione vel in diem restituere, ut hic utramque ille *Portionem* tantum *Legitimam* deducat; de qua vid. Cuch. de Legit. s. m. 75. Heig. l. 1. Quest. 32. Rittershus. ad Nov. part. 6. c. 4. n. 28. nulla ratione niti monet, eamque in variis Curiis rejectam, liberosque non minus pure quam sub conditione aut in diem restituere rogatos, utrumque commodum deducere posse, judicatum memorat. v. A. Robert. l. 4. Rer. jud. c. 17. Sand. l. 4. T. 7. def. 4.

§. 16. Plane quod diximus *Portionem Legitimam* sine onere relinquentiam, id accipiendum, de onere ex voluntate aut dispositione testatoris descendente, non etiam de onere quod ex ipso jure hereditariæ portionis emergit; si enim filius *Portionem Legitimam* titulo institutionis obtinet, consequens omnino est ut ad exemplum *Quarta Trebellianica*, onus quoque æris alieni, pro rata hereditatis parte ad eum pertineat.

§. 17. Deducendum utique est æs alienum l. 8. §. 9. ff. de inoff. test. sed illud non ita accipiendum, quasi actualiter hoc casu deducatur; Nihil enim aliud eo significatur, quam quod in computatione bonorum defuncti, inaeatur etiam ratio æris alieni, ut sciri possit, quantum eo deducto *Portionis Legitimæ* nomine debeat, conf. §. ult. l. de Leg. Falcid.

CAP. III.

NIHILQUE IN FRAUDEM PORTIONIS LEGITIME FACIENDUM.

§. I.

Sed & nihil omnino in præjudicium & fraudem *Portionis Legitimæ*, pater v. c. facere potest. Unde neque supplementum prohibere potest l. 3^a. l. 35. §. 2. *Cod. de inoff. test.* neque in dividenda hereditate minorem portionem liberis relinquere l. 8. C. de inoff. test. l. 10. l. 21. C. *fam. ercisc.* neque donationibus inter vivos facultates exhaurire. Hoc enim si fiat, donationes istas, seu inofficiosas revocare licet, l. 1. l. 2. l. 5. C. de inoff. don.

§. 2. Adeo quidem, ut sive donatio inofficiosa in liberos collata sit, sive in extraneos, l. 1. l. 2. C. *cod.* sive a parentibus facta sit in fraudem liberorum, sive a liberis in fraudem parentum l. 1. l. 4. l. 5. C. *cod.* sive liberis ante donationem extantibus, sive postea uatis, nihil intersit.

§. 3. Non tamen in totum revocatio hic locum habet, sed pro ea tantum parte pro qua est inofficiosa, & modum legitimum excedit. l. 2. l. 5. l. 7. C. de inoff. don.

§. 4. Unus maxime locus est qui Diss. favere videri posset, L. scil. 87. §. 3. ff. de legat. 2. Ubi tale refertur rescriptum Alexandri Imperatoris Alexander Augustus Claudiano Juliano Prefecto Urbi; si liquet tibi, Juliane Carissime, aviam intervertenda inofficiosæ querelæ, patrimonium suum donationibus in nepotem factis exinanisse, ratio deposcit id quod donatum est pro dimidia parte revocari. Sed per dimidiam ibi non oportet intelligere dimidiam partem totius hereditatis, verum dimidiam ejus quod illicite donatum, quartæ scil. partis seu *Portionis Legitimæ*, quæ pars dimidia ad excludendam inofficiosi testamenti querelam, adversus agentem sufficeret. Quod ex collatione l. 7. C. de inoff. don. manifestum est: Ubi idem plane casus proponitur & deciditur, eo tantum excepto, quod in d. l. 87. §. 9. proponitur unus filius matris & ex altero filio demortuo unus nepos, (sic enim casus proponendus videtur) in quem avia patrimonium effudit; in d. l. 7. vero proponuntur duo filii, in quorum unum, mater totum suum patrimonium contulit. *Hott. de Quart. Legit. c. 5. n. 31. 32. Don. 19. Comm. 11. Wiff. ad t. C. de inoff. don.*

§. 5. Urgent etiam Diss. l. 8. C. de revoc. don. sed cum de Patrono loquatur & liberto, casumque contineat specialem, argumentum ex d. l. 8. petitum, multa refutatione non indiget. *Hott. d. l. n. 30.*

§. 6. Eadem autem quæ de inofficiosa donatione monuimus, & de dote inofficiosa quæ inofficiosa donationis species est, intelligenda sunt, l. un. C. d. inoff. dot.

§. 7. De tempore vero quod hic considerandum est, dictum, *Dissert. 3. c. 5. §. 5. & seqq.*

C A P. IV.

DE REMEDIIS QUIBUS QUIS PORTIONEM LEGITIMAM CONSEQUI POSSIT.

§. I.

Quod si itaque eo quo diximus modo relinquitur *Portio Legitima*, quoad reliqua bona libera erit testatoris dispositio l. 8. C. de inoff. test. l. 10. C. sam. creisc. Testamentorum enim conservandorum gratia primum introducta est l. 8. §. 1. ff. l. 23. l. 30. l. 31. C. §. ult. l. de inoff. test. eaque maxime ratione a *Quarta Trebellianica*, nec non ea quæ ex constitutione D. Pii debetur, differt.

§. 2. Remedia autem quibus Liberi, Parentes, & Fratres, eam consequi possint, varia videntur competere, prout in possessione hereditatis constituti sunt, vel non sunt.

§. 3. Et si quidem in possessione sint hereditatis, *Jure Retentionis* uti possunt. l. 21. C. sam. creisc.

§. 4. Quemadmodum & heredibus *Quartam L. Falcidiam* ex Legatis l. 1. §. 9. ff. ad L. Falcid. Trebellianicam ex fideicommissis §. 7. l. de fideic. hered. l. 1. C. ad SC. Treb. Retentionis Jure deducere concessum est.

§. 5. Si vero in possessione hereditatis non sunt, Remedia vel Possessoria vel Petitoria locum habent.

§. 6. Si enim *Portio Legitima* titulo institutionis relicta sit, & forte de adipiscenda ejus possessione agatur, *Interdictum Quorum bonorum*, nec non Remedia

Remedium l. ult. C. de Edict. Hadr. toll. iis quibus ea portio debetur, æque ac aliis heredibus, concedendum est.

§. 7. Si vero *Judicio Petitorio* statim eam petere velint, ipsis vel *Petitio hereditatis* contra eos qui pro herede vel possessore possident *l. 10. §. 1. ff. de hered. pet.* Vel *Actio familia erciscunda*, contra coheredes danda est, *l. 2. §. 1. ff. fam. ercisc.*

§. 8. Quod si vero titulo particulari relicta sit, vel *Actio ex testamento*, vel *Condictio ex lege*, maxime cum ad supplementum agitur, locum habet. Ubique enim a Lege nova conceditur actio, & genus actionis non exprimitur, ibi locum habet *Condictio ex Lege. l. un. ff. de cond. ex Leg.*

§. 9. Quæ *Condictio a Querela Inofficij Testamenti* multum differt.

1. *Querela* enim extinguitur quinquennio ab adita hereditate computando *l. 8. §. ult. C. l. seq. h. t. l. 10. l. 34. in f. l. pen. §. 2. C. cod. Condictio* autem ex Lege, uti aliz actiones personales, durat annos 30. *l. 3. C. de præscr. 30. ann. l. 1. §. 1. C. de ann. exc. 2. Querelam* excludit agnitio relicti *l. 10. §. 1. l. 12. pr. ff. de inoff. test. Conditionem* non item *l. 35. §. 2. C. cod.*
3. *Querela* non transmittitur ad heredes nisi præparata *l. 34. C. cod. Condictio* vero etiam non præparata transit.
4. *Querela* agitur ut testamentum rescindatur, *Conditione* ut testamentum saluum maneat, sed suppleatur id quod deest *Portioni Legitima.*

§. 10. Sunt sane qui *supplementi petitionem* per *Querelam Inofficij* fieri debere, adeoque quinquennio etiam extinguere eam *Conditionem* statuunt. Tum propter finalia verba legis 34. C. de inoff. test. Et si non heres apertissimis probationibus ostenderit Ingratum patrem nepotis circa testatorem fuisse, testamento remoto, ab intestato eum vocari, nisi certa quantitas patri ejus minor parte Legitima relicta sit, tunc etenim secundum novellam nostri Numioris constitutionem repletio quarta partis nepoti superest, vel qua patri ejus competebat. Ut perfruatur nostro beneficio, a vetustate quidem neglectus, a nostro autem vigore recreatus, nisi pater adhuc superstes, vel repudiavit *Querelam*, vel quinquennio tacuit, scilicet post aditam hereditatem. Tum propter *l. 35. §. 2. C. cod.* in verbis. Nisi hoc specialiter sive in æpocha sive in transactione scripserit vel pactis fuerit, quod contentus relicta vel data parte de eo quod deest nullam habeat questionem, tunc enim omni exclusa querela, paternum amplecti compellitur judicium.

§. 11. Sed *Conditionem ad supplementum a Querela* diversam esse, probat non tantum diversa utriusque actionis intentio, sed expresse etiam docet Imp. §. 3. l. de inoff. test. Sin vero *quantacunque pars* (ait) *hereditatis vel rei ei fuerit relicta, de inofficiosa Querela quiescente, id quod eis deest, usque ad Querelam Legitima partis, repleatur; licet non fuerit adiutum, boni viri arbitratu debere eam compleri.*

§. 12. Quantum autem ad d. l. 34. C. de inoff. testam. apparet ex ipsa Lege, *Questionem* ibi non proponi de *Conditione ad supplementum*, sed de *Transmissione Querela*, ad quam respondet Imp. eam etiam non preparatam ad suos transmitti, addita limitatione, *Nisi pater adhuc superstes vel repudiavit Querelam, vel quinquennio tacuit.* Ut adeo hæc verba ad *Querelam*, minime vero ad *Conditionem* pertineant.

§. 13. *Conditionem* sub nomine *Querela* in d. l. 35. §. 2. contineri negari nequit; Sed quis non videt? *Querela* ibidem non specialem (quæ pro *Querela Inofficiosa testamenti* accipitur) significationem esse, sed generalem, qua *Querela* & *Querimonia* pro omni petitione judiciali sæpius ponuntur in legibus. v. l. 8. 9. C. de ext. non num. pec. l. 3. C. fin. reg. l. 2. C. de annal. ext. l. 2. ff. de his qui sunt sui vel alien. jur. §. 2. l. eod. l. 1. ff. de off. Præf. Urb. V. Cl. D. Voet comm. ad l. ff. de inoff. test. n. 68.

§. 14. An autem ratione *Portionis Legitima* jus hypothecæ etiam competat in bonis defuncti, dubitatum est. Et quidem si titulo legati in testamento relicta sit, cum pro consequendis legatis actio etiam hypothecaria data sit l. 2. C. comm. de legat. §. 1. l. eod. eo casu jus hypothecæ concedendum videtur. Carpz. Lib. 6. Resp. 46.

§. 15. Poena etiam contra heredem institutum, si *Portionem Legitimam* statim non præstiterit, sed expectato iudiciorum strepitu, & multis variisque certaminibus habitis ad id condemnatus sit, statuta est, ut scil. non tantum in id quod testator voluit eum restituere condemnnetur, sed etiam aliam tertiam partem quantitatis quæ fuerat in testamento relicta, reddere cogatur. l. 33. pr. C. de inoff. Quæ tamen hodie non frequentatur.

§. 16. Quod si vero plures sint. v. c. liberi quibus debetur *Portio Legitima*, una tamen tantum debetur omnibus, ex æquo inter eos dividenda. Nov. 18. c. 1.

§. 17.

§. 17. Quid autem dicendum si unus defecerit, ubi manebit portio deficientis? An etiam *Juri accrescendi* in *Portione Legitima* locus est? Sunt qui hujus questionis decisionem, ex alia, *An scil. Juri accrescendi locus sit in Querela Inofficiosi Testamenti?* (de qua agit *Vin. 1. Q. 21.*) petere videntur. *Hottomannus Disp. de Quart. Leg. c. 9. §. 53.* affirmat. *Battandier. art. 4. n. 10. & seqq.* negat. *Merlinus L. 1. T. 4. Q. 5.* varios casus distinguendos censet. Melius forte fuerit *Questionem* propositam, ab altera illa, *An & in Querela Juri Accrescendi locus sit?* discernere. Multum enim haud dubie interest, an *Querela* agatur an vero non agatur, an *Portio Legitima* relicta sit, an non sit? Et quidem probabile videtur, distinguendum esse, An institutis etiam extraneis (ceteroquin enim res dubium non habet) *Portio Legitima* liberis v. c. titulo Legati ut præcipua data sit? (post *Nov. 115. c. 3.* enim semper instituendos esse ante vidimus) An vero in ea heredes instituti sint? Priori casu deficientis portio solis collegatariis, secundum jus accrescendi quod in Legatis obtinet v. §. 8. *I. de Legat. l. 89. ff. de Leg. 3.* adjudicanda videtur; Posteriori vero cum omnes coheredes æquali jure gaudeant, etiam reliquis communicanda.

§. 18. Ex quo & illud fluere videtur, ut si cui plus quam *Portio Legitima* relictum sit, non possit ille *Portionem Legitimam* agnoscere & reliquum repudiare. *l. 2. ff. de u. q. ber. Facb. L. 4. C. 55. Scotan. exam. Jur. ad 1. de inoff. test.*

CAP. V.

QUIBUS CASIBUS PORTIO LEGITIMA NON
DEBEATUR.

§. 1.

Sunt tamen casus quibus *Portio Legitima* exigi nequit, de quibus ultimo loco videndum est.

§. 2. Sic enim non debetur *Portio Legitima*, I. Si liberi sint ingrati *l. 30. pr. C. de inoff. test.* Ingrati enim in totum exheredari possunt *Nov. 115. c. 3.* Adeo ut ne quidem ad alimenta iis præstanda pater obstrictus sit *l. 5. §. 11. ff. de agn. & al. lib.*

§. 3. II. Si filius deportatus sit arg. *l. 4. §. 2. de bon. lib.* Ut & si pater criminis perduellionis reus sit *l. 5. pr. §. 3. C. ad. L. Jud. Maj. Auth. Bona damna-*

damnatorum. C. de Bon. proscr. Ordinario sane, licet pater capitis damnatus, ejusque bona publicata sint, Liberis *Portio Legitima* non adimitur, ne scilicet pœnam luant, quos nulla culpa contingit *l. 1. ff. de bon. damn. l. 7. ff. cod.* Sed in crimine perduellionis propter atrocitatem delicti, aliud Legislatoribus placuit.

§. 4. Quod non tantum de *Portione Legitima* sed & alimentis, secundum sensum *d. l. 5.* accipiendum est. Ad filias tamen non extenditur. *d. l. 5. §. 3.*

§. 5. III. Si ei renunciatum sit arg. *l. pen. C. de pact.* Sed hic distinguendum; Licet enim filius cum vivo patre pactus sit de non petenda *Portione Legitima*, ejusve supplemento, eo ipso tamen nullum sibi præjudicium facit: Meritis enim magis filios ad paterna obsequia provocandos, quam pactationibus adstringendos, recte Papinianus respondit. *l. 35. §. 1. C. de inoff. test.* Si vero post mortem patris expresse renunciaverit, vel cum herede transegerit, secus est. *d. l. 35. §. 1. 2. add. Dissert. 2. c. 2. §. 30.* Quod si autem pater vivo filio *Portioni Legitimæ* renunciavit, postmodum petere non poterit arg. *l. 1. §. 3. ff. si par. quis man.*

§. 6. IV. Si quis Remedia quibus *Portionem Legitimam* consequi possit, præscribi passus sit. arg. *l. 3. C. de præscr. 30. ann.*

§. 7. V. Si Pater filio pupillariter extraneum substituit. Quo casu mater excluditur. arg. *l. 8. §. 5. ff. de inoff. test.* uti diximus *Dissert. 2. c. 3. §. 6.*

§. 8. Addi solet a quibusdam VI. si Statuto sublata sit. Nec non VII. si inventarium facere filius neglexerit. Utrumque male.

§. 9. *Portionem* enim *Legitimam* in totum, seu in quantum alimenta continet, & proinde eam, quæ liberis & parentibus debetur, Statuto tolli non posse, jam ante vidimus *Dissert. 1. c. ult. §. ult.*

§. 10. Ratione autem Inventarii quid constitutum sit, ut recte intelligatur sciendum, respectu creditorum *Quæstioni* locum non esse: *Portio* enim *Legitima* locum non habet nisi dimissis omnibus creditoribus, seu deducto omni ære alieno *l. 8. §. 9. ff. de inoff. test.* Quin & in *l. ult. §. 14. C. de jur. delib.* expresse constituitur, ut si quis hereditatem adierit, neque Inventarium conscripserit, creditoribus hereditariis in solidum teneatur, etiam ultra vires hereditatis.

§. 11. Quæstio itaque in eo versatur, An legatarii filio qui Inventarium facere neglexit, omni ære alieno soluto *Portionem Legitimam* actione legatorum auferre possint? Quod negandum videtur. Citra exheredationem enim per dispositionem testatoris (qualis etiam est legatum) *Portio Legitima* tolli nequit. Ino ne Lex quidem sine ullo filii merito eam tollere potest. Sed necesse non est eo argumento uti, sufficit enim nulla lege *Portionem Legitimam* hoc casu sublata esse. Lex tantum jubet neglecto inventario integra debita solvi, addito *Falcidia* commissio, nihil præterea. Licet enim neglecto inventario integra etiam legata sint præstanda, ita ut *Falcidia* detrahi nequeat, inde tamen non sequitur idem de *Portione Legitima* dicendum esse, seu eam tanquam exceptam (ob rationes jam datas) considerari non posse.

§. 12. Non semper enim procedit argumentum a *Falcidia* ad *Portionem Legitimam*. Sic enim Testator jure novo prohibere potest detractio- nem *Falcidia* Nov. 1. c. 2. §. 2. Quod ad *Portionem Legitimam*, (quæ ratione Liberatorum & Parentum, uti sæpe dictum Juris Naturalis est) extendi nequit. Sic etiam, qui integra legata, sciens quantitatem bonorum, solvere crepit, *Falcidiam* neque ex iis repetere, neque ex aliis retinere potest. d. Nov. 1. c. 3. Auth. Sed cum Testator. C. ad L. *Falcid.* Quod similiter ad *Portionem Legitimam* non pertinet. V. Rittersb. ad Nov. p. 6, c. 5. n. 16. 25.


§. 13. Neque aliud sancivit Imp. Nov. 1. c. 2. §. 2. dum ait: Si vero non fecerit Inventarium secundum hanc figuram, sicut prædiximus, non retinebit *Falcidiam*, sed complebit legatarios & fideicommissarios, licet pure substantia morientis transcendat mensuram legatorum datio. Sensus enim est, Heredem qui inventarium facere neglexit amittere *Falcidiam*, neque eam ex legatis posse detrahere, licet excedant Quantitatem bonorum, quæ deducto ære alieno & *Falcidia* tantum superessent, Uti recte ad eum locum notavit Contius. Eoque sensu bona, quæ deducta *Falcidia* superessent, pure substantiam dixisse videtur.

§. 14. Quin imo d. *Novella Constitutionis* dispositionem non pertinere ad *Portionem Legitimam* ex ejusdem *Novellæ* 1. c. 1. §. 1. & c. 3. manifestum videtur; Constituit enim ibi Imp. ut si heres institutus non adimpleat voluntatem defuncti & admonitus in mora sit totius anni, tota hereditas omniaque relicta ei auferantur, sed simul eos excipit quibus *Portio Legitima* relinquenda est. Ipsa verba d. c. 1. §. 1. audiamus. Si quis autem non im-
plens

plens quod dispositum est, sed dum competat ei qui honoratus est quod relictum est, etiam ex decreto iudicis admonitus, annum totum protraxerit, non agens hoc quod preceptum est, siquidem aliquis illorum fuerit, qui necessario ex lege precipiunt, in plus autem quam quod lex ei dare vult scriptus est heres: tantum accipiat solum, quantum lex ei dare secundum quartam ab intestato portem concedit, aliud vero totum auferri.

§. 15. Non obstat denique præsumtio fraudis in herede, qui satis sibi prospexisse creditur; quam Diss. æque quoad *Portionem Legitimam* quam *Falcidiam* locum habere volunt. Præsumtio enim non plus operari potest, quam operaretur rei veritas. Deprehensus autem in fraude, duplo tantum, non etiam damno *Portionis Legitimæ* mulctatur. d. l. ult. §. 10. de jur. delib. V. D. Huber. præl. ad l. de hered. qual. n. 6. nec non ad 1. ff. de jur. delib. n. 8. Add. Merlin. de Legit. Lib. 3. Tit. 2. Quest. 24.

§. 16. Memorantur etiam alii quidam casus quibus *Portio Legitima* non debeatur, sed tales qui vel parum ad rem faciunt, vel legibus nostris non nituntur; Unde pluribus de iis agere supersedeo.



III.
DISSERTATIONES JURIDICÆ
NOVEM,
DE
CAUSIS OBLIGATIONUM.



DISSERTATIO JURIDICA
P R I M A,
D E
CAUSIS OBLIGATIONUM.



PROLOQVIUM.

Quod si magna est Utilitas Actionum in Rep. & Necessitas, uti sane, teste imprimis Experientia omnium rerum optima magistra, est maxima, non potest non simul Utilis & Necessarius esse Actionum intellectus. Ut adeo nunquam digna satis referri possit gratia iis, qui in investigandis & exponendis Actionibus laudabilem posuere operam. Cum vero non minimam Actionum partem constituent istae, quae in Personam conceptae sunt, Actiones autem in Personam ex Obligationibus nascantur §. 2. l. de Act. l. 25. ff. de Obl. & Act. l. 42. §. 2. ff. de proc. l. 2. pr. ff. mand. earumque Causae non satis manifestae sint, non indigne singulari Dissertatione, (qua in eas paulo accuratius inquiratur) CAUSAE OBLIGATIONUM vise sunt.

C A P U T I.

§. 1.

Inter multas variasque Causarum significationes, celebris illa est, qua Causa pro Efficienti (quam multi omnium Causarum praecipuam esse censuerunt) ponitur.

§. Quam ita describit Plutarch. de Placit. Philos. lib. 1. c. 11. αἰτίον ἐστὶ τὸ ἀντιδιδόναι, ἢ δι' ὃ συμβαίνει τι. i. e. Causa est ex qua effectus, vel propter quam contingit quid. nec nou Cic. de Fat. §. m. 34. Causa est qua id efficit cujus est causa; ut vulnus mortis, cruditas morbi, ignis ardoris; Itaque non sic causa intelligi debet, ut quod cuique intercedat ei causa sit, sed cuique efficienter antecedit: Item §. 36. Nulla igitur earum causa est, quoniam nullam rem sua vi efficit, cujus dicitur causa, nec id sine quo quidpiam fit causa est, sed quod cum accessit id cujus causa est efficit necessario. De qua etiam Virgil. lib. 2. Georg.

Felix, qui potuit rerum cognoscere causas.

§. 3. Eaque significatio hujus maxime loci est.

§. 4. Obligationis vocabulum ab Obligare descendit, quod ex ob & ligare est compositum, & proprie nihil aliud est quam circumligare, adstringere, constringere; Columell. Lib. 11 de Re Rust. c. 2. Bonus operarius prati jugerum desecat, nec minus mille ducentos maniplos obligat. Cic. Lib. 1. Rector. ad Heren. Lex, Qui parentem necasse judicatus erit, is obvolutus & obligatus corio dejiciatur in profluventem. Idem Lib. 3. de Natur. Deor. §. 57. Æsculapiorum primus, Apollinis, quem Arcades colunt, qui specillum invenisse, primusque vulnus obligavisse dicitur, &c. In quem sensum & Plant. Menach. Act. 5. Scen. 3.

Ait se obligasse crus fractum Æsculapio
Apollini autem brachium.

Quod & innuit Festus in voc. obnectere dum ait, (ad morem obnubendi, unde & Nuptiæ dictæ, respiciens) Obnectere. obligare. maxime in nuptiis frequens est.

§. 5. Unde translate τὸ obligare significat quocunque modo devincire. Hinc obligari beneficio, liberalitate, sedere, religione, sponsione, & similia, frequenter occurrunt. Hinc obligatus fundus dicitur, qui pignori est appositus. l. 45. §. ult. l. 57. ff. de legat. 1. Hinc Lege obligari dicitur, qui in legem committit l. 30. ff. ad L. Corn. de Fals. l. 52. ff. de O. & A. Hinc denique obligatus in genere dicitur, qui ad dandum aliquid, vel faciendum, vel præstandum adstrictus est. l. 25. ff. de O. & A. §. 1. l. de act. add. l. 3. ff. de O. & A.

§. 6. Eoque sensu Obligatio, in legibus nostris, Juris Vinculum quo ad aliquid præstandum adstringimus, fere significat. pr. l. de Obl. d. l. 3. ff. eod.

§. 7.

§. 7. Et in genere quidem *omne Juris Vinculum* denotat, ut & *Jus in re* comprehendat. Sic *res* dicuntur *hypotheca obligata*. l. 4. ff. de pign. Ubi additur, *Neque ad rem pertinet, quibus verbis fit, sicuti est* & in *Obligationibus que consensu contrahuntur*. add. l. 5. ff. eod. l. 4. l. 1. §. 1. ff. de pign. act. Sic & aperte Imp. in §. 5. l. de exc. Item si in *judicio actum fuerit, sive in rem, sive in personam, Obligatio durat*. *Obligatio enim ibi in sensu latiori potius, quam ut pro Obligatio cum Bachov. De Action. Disp. 1. 1b. 13.* legamus *Actio*, accipienda videtur.

§. 8. Late autem accepta *Obligatio* eam significat quæ ex *Contractu* oritur vel *Delicto*, vel ex *variis causarum figuris*. l. 1. pr. ff. de O. & A. §. ult. l. de Obl. ex qua *Actiones* nascuntur in *personam*. l. 25. ff. de O. & A. §. 1. l. de Act.

§. 9. Quin & *strictè* accipi potest, pro ea sola, quæ ex *Conventione* descendit. Vid. *Bockelm. tr. de Act. Cap. 3. p. 7. §. 3.*

§. 10. Sed lata significatio magis frequens est, eoque sensu *Obligatio* hic accipienda.

§. 11. Cum vero *omnis Obligatio Juris sit vinculum, Jus omnium Obligationum Causam remotam esse* nemo non intelligit. Nulla enim *Obligatio* est, ubi nullum *Jus* est, cujus auctoritate adstringimur.

§. 12. Unde priusquam ad *Causas propinquas* accedamus de *Jure*, cujus necessitate adstringimur, priori loco videndum est.

§. 12. Quod vel *Divinum* est vel *Humanum*; *Divinum* iterum vel *Innatum* seu *cordibus hominum institum*, (quod *Naturale* dici solet) vel *Revelatum*.

C A P. II.

§. 1.

Jus *Divinum Innatum*, seu *Naturale* (quod hoc loco latius, ut & *Jus Gentium* comprehendat, accipiendum v. l. 84. §. 1. de R. J. §. 11. l. de *rer. div.*) quod attinet, *Obligatio* ex eo nascitur, ad omnia ea quæ recta ratio dicat facienda, & quæ prohibet omittenda.

§. 2. Quod *Jus*, & *Obligationem* ex eo fluentem quicumque Deum agnoscunt (omnes autem agnoscunt qui recta ratione utuntur) negare nequeunt.

§. 3. Quod ut eo magis appareat, ipse *Homo*, qualis a Deo creatus est, paulo accuratius considerandus est.

§. 4. Creatus autem est *Homo*, non ut cetera animalia solo corpore prædita,

prædita, sed quo a bestiiis maxime differt Recta ratione præditus est. De quo egregie Cic. lib. 2. de Fin. §. 45. *Homines est multo aliis, tamen hoc uno a bestiiis plurimum differunt, quod Rationem habent a Natura, mentemque datam & acrem & vigentem, celerrimeque multa simul agitantem, & ut ita dicam, sagacem, quæ & causas rerum & consecutiones videat & similitudines transierat, & diijuncta conjungat, & cum præsentibus futura copulet, omnemque complectatur vitæ consequentis statum. Nec non Lib. 5. de fin. §. 59. Natura talem dedit mentem, quæ omnem virtutem accipere posset, ingenitque sine Doctrina notitias parvas rerum maximarum, & quasi insituit docere, & induxit in ea, quæ inerant tanquam elementa virtutis.*

§. 5. Ut adeo Homo principia habeat & notiones, ceu semina quædam, ad intelligendum habiles, tantæque certitudinis & veritatis, ut licet quis omni Principiorum cognitione se vellet exuere, quædam tamen manura sint, quæ nullo modo negari possint.

§. 6. Cum itaque Homo Deum Ens esse perfectissimum cogitat, seseque ab eo dependentem percipit, non potest non simul intelligere Deum summum omnium rerum Moderatorem esse, Legislatorem atque Arbitrum. Cujus voluntati ceu Legi parendum sit, quique homines creaturas suas & subditos, ad istam observandam, pro summo suo imperio, adstrictos habeat.

§. 7. Quæcumque proinde Homo ex iunatis sibi principiis, Deo placere vel displicere percipit, ad ea vel facienda vel non facienda sese obligatum esse, per necessariam consequentiam simul intelligit.

§. 8. Docet hoc apertissime *Conscientia*, cujus tanta in utramque partem vis est & efficacia, (uti egregie inquit Cic. pro Milon. §. 61.) ut neque timeant qui nihil commiserint, & penam semper ante oculos versari putent qui peccaverint. Eleganter Ovid. Lib. 1. *Fastor.*

*Conscia ment ut cuique sua est, ita concipit intra
Pectora, pro sacro spemque metumque suo?*

Ejusque tener usque adeo in animis etiam improborum sensus est, ut celare nequeant, convictos sese esse, in *Legem Naturæ* peccando, illum offendi cui in animos hominum imperium est, qui metuendus sit etiam ubi ab hominibus metus non impendat. Quo pertinet istud *Juvenalis Satyr. 13.*

*Conscia sacri
Mens habet attonitos, & surdo verbere cadit.
Occulturn quatiente animo tortore flagellum;
Pena autem vehemens, ac multo savior illis*

Quas

*Quas & Caditius gravis invenit & Rhadamantus,
Nocte dieque suum gestare in pectore testem.*

§. 9. Quæ egregie confirmat Paulus Apostolus in Ep. ad Rom. cap. 2. v. 14. & 15. *ὅταν γὰρ ἴδῃ τὰ μὴ νόμον ἔχοντα, φύσις τὰ τῷ νόμῳ ποιῶν, οὗτοι νόμοι μὴ ἔχοντες, ἑαυτοῖς εἰσι νόμοι. Οἷτινες ὑποκύνονται τὸ ἔργον τῷ νόμῳ γραπτόν ἐν ταῖς καρδίαις αὐτῶν, σωματευρέσεως αὐτῶν τῆς συνειδήσεως, καὶ μεταξύ ἀλλήλων τῶν λογισμῶν κατηγορούντων, ἢ καὶ ἀπολογουμένων* 1. c. Cum enim gentes que legem non habent natura ea que legis sunt faciant: Ili legem non habentes sibi ipsi sunt Lex: Qui offendunt opus legis scriptum in cordibus suis, testimonium ipsis redcente conscientia ipsorum, & inter se invicem cogitationibus accusantibus aut etiam defendentibus.

§. 10. Ex quibus *Obligatio Juris Naturalis* qua Homo Deo ad reverentiam cultumque, nec non omnimodam obedientiam adstrictus est, aperta est.

§. 11. Ex eodem fonte *Obligatio* finit erga *Proximum*, qua Homo Homini ad omnia ea, quæ ad societatem humanam servandam pertinent facienda, ea vero, quæ societatem humanam turbant, aut evertunt, omittenda, obstringitur.

§. 12. Quod vinculum similiter non difficulter intelligitur, si consideretur Humanæ naturæ non tantum dignitatem & præstantiam exigere, ut ad certam normam hominum actiones dirigantur; sed & eam Hominum conditionem esse, ut extra societatem, tum propter aliorum pravitatem, tum propter humanam imbecillitatem, feliciter vitam agere non liceat.

§. 13. Quod enim Homo non miseriam vitam inter alia animalia degit, a conjunctione & societate sui similium habet. Societas autem inter homines, sine lege, sine ordine, neque iniri, neque tranquilla & firma conservari, potest.

§. 14. Quæ quidem nulla alia, quippe inter æquales, quam *Naturalis* esse potest.

§. 15. Deus enim cum naturam Hominis ita ordinavit, ut hic citra sociabilem vitam subsistere nequeat, eaque de causa animam ei indidit notionum huic inservientium capacem, intelligitur sane eundem voluisse, ut Homo actiones suas attemperet illi veluti indoli, quam vitæ hominum præ brutis peculiariter ipse assignasse cernitur.

§. 16. Cum autem non aliter quam observata *Lege Naturali* id obtineri possit, intelligitur quoque obligatus homo ad istam servandam, tanquam

quam medium, non ex arbitrio hominum inventum, ex eorumve libidine mutabile, sed expresse ab ipso Creatore huic fini procurando constitutum.

§. 17. Qui enim alicui pro imperio injungit finem, censetur quoque eundem obligasse ad usurpanda illa media, sine quibus finis obtineri non potest. Sociabilem autem vitam pro Imperio mortalibus a Divino Numine injectam esse, & ex ante dictis & ex eo manifestum est, quod ea conditione jam præditum sit genus humanum, ut nisi hæc persuasio firma subsistat, saluum illud existere nequeat. Vid. *Puffend. d. Jur. Nat. & Gent. L. 2. c. 3. §. 20.*

§. 18. Quæ omnia magis erunt aperta, si simul per species consideremus ea, ad quæ Homines ex *Diffinitione Rectæ Rationis* obligati sint.

§. 19. Et primum quidem omnium obligatum esse Hominem Deo Creatori suo ad Cultum, Reverentiam, omnimodamque obedientiam, ex dictis, facile intelligitur.

§. 20. Quam obligationem qui tollunt, Atheismi flagitio sese obstringunt. *Ambros. L. 1. Off. c. 26. Nihil est quod magis proficiat ad vitam honestam, quam ut credamus, eum Judicem futurum quem & occulta non salant, & indecora offendant, & honesta delecent.*

§. 21. Ut merito notandus sit *Hobbes de Civ. c. 14. §. 19.* qui Atheismum inter peccata ignorantie referendum statuit. *V. Puffend. de Jur. Nat. & Gent. Lib. 3. c. 14. §. 19.*

§. 22. Succedunt ea, ad quæ Homo obligatus est, tum ratione *Sui ipsius*, tum ratione *Proximi*.

§. 23. Ratione *Sui ipsius*, ad sese conservandum, Homo obligatus est. Eleganter *Cic. Lib. 1. de off. Principio generi animantium omni hoc a Natura tributum est, ut se vitam corpusque tueatur, declinetque ea que nocitura videantur, omniaque que ad vivendum sunt necessaria, inquirat & parat.*

§. 24. Ex quo fluit, neminem de sese ipso liberum disponendi jus habere, neque quemquam membrorum suorum esse Dominum. *v. l. 13. ff. ad L. Aquil. Adeoque αυτοχειρίαν* aliaque in proprium corpus peccata, illicita esse *Jurique Naturali* contraria.

§. 25. Notissima in eam rem est sententia *Platonis* in *Phædone Ed. H. Steph. p. 62.* Christianis etiam *Scriptoribus* laudata; *ὡς ἐν τῇ Φεωρᾷ ἔσμεν οἱ ἄνθρωποι, καὶ ἔδωκεν ἑαυτὸν ἐν ταύτῃ λύσει ἢ δὲ ἀποδιδράσκον* i. e. *in custodia quadam nos homines sumus, neque decet quenquam ex hac se ipsum solvere, aut aufugere.* Egregie *Lactant. Div. Inst. L. 3. c. 18. Si homicida nefarius est, quia hominis extinctor est, eidem secleri obstrictus est, qui*

qui se necat, quia hominem necat. Imo vero majus esse id facinus existimandum est, cujus ultio Deo soli subjacet. Nam sicut in hanc vitam non nostra sponte venimus; ita rursus ex hoc domicilio corporis, quod tuendum nobis assignatum est, ejusdem jussu nobis recedendum est, qui nos in hoc corpus induxit, tamdiu habitaturus, donec jubeat cmitteri.

§. 26. Huc pertinet Defensio sui ipsius contra vim injustam; quam non tantum omni jure licitam l. 3. ff. de l. & l. 1. 45. §. 4. ff. ad l. Aquil. sed & necessariam censuimus, adeo quidem, ut si quis in periculo sit constitutus, neque aliter, quam injustum invasorem interficiendo, evadere possit, ad defensionem hanc cum nece alterius obligatus sit, neque se ab invasore occidi permittere posse videatur.

§. 27. Ratione Proximi, primum videtur occupare locum Obligatio, qua parentes ad amandos educandosque liberos obstricti sunt. Dum enim Parentes liberos generant proprio se facto obstrinxisse videntur, se quantum possibile est, operam daturos ut vita quam dederunt conservetur. Hinc Cic. de Fin. l. 3. §. 62. Neque enim congruere hoc inter se possunt, ut natura & procreari vellet & diligi procreator non curaret. Atque etiam in bestiis vis nature inspicere potest, quarum in factu & educatione laborem cum cernimus, Natura ipsius vocem audire videmur. Quare ut perspicuum est, natura nos a dolore abhorrére, sic apparet a Natura ipsa impelli, ut quos genuerimus amemus. Nec non Lib. 1. de off. §. 12. Natura imprimis precipiunt quandam amorem in eos, qui procreati sunt, ingenerat: impellitque ut hominum catus & celebrari inter se, & obiri velis: ob easque causas studeat parare ea quæ ad cultum & ad victum suppeditent, non sibi soli, sed conjugii liberisque quos charos habet & tueri debet. Add. l. ult. §. 5. ff. de bon. quæ lib.

§. 28. Ut merito damnanda sit impia Hobbesii sententia, dum Tr. d. Civ. c. 9. §. 2. statuit partum nasci in potestate matris, eamque hunc educare vel exponere suo arbitrio & jure posse.

§. 29. Sequitur Obligatio ratione aliorum, quæ in genere requirit ut commodum aliorum, quantum sine suo incommodo fieri possit, promoveantur, v. l. 25. in f. ff. de aq. plu. arc. & contra nemo innocens lædatur. Hinc iterum Cic. lib. 2. de fin. Legibus populorum constitutum est, ut non liceret sui commodi causa nocere alteri; atque hoc multo magis exigit Natura ratio, quæ & Lex Divina & humana cui parere qui velit (omnes autem parebunt, qui sciendum Naturam volent vivere) nunquam committet, ut alienum appetat, id quod alteri detraxerit sibi assumat.

§. 30. Huc pertinet Obligatio ad fidem datam servandam non tantum
i
amicis,

amicis, sed & hostibus, imo piratis atque prædonibus, multoque magis hæreticis. Nihil enim tam grave est, quam fidem fallere. l. 1. ff. de pec. const. add. l. 1. ff. de pact. Eleganter Seneca. Etiam hosti æquus est qui habet in consilio fidem, fidem qui perdit, nihil ultra potest perdere. Nec non Aristot. 1. Rhetor. c. 15. ἀξίον γρηγορήσαντων συνθήκων, ἀνίσταται ἢ πρὸς ἀλλήλους χρεία τῶν ἀνθρώπων i. e. sublati pactis, tollitur inter se usus hominum. Quod animo suo reputans Numa Pompilius Fidei inter cætera Numina Templum sacravit teste Dionys. Halic. lib. 2. c. 77. Quo magis (ita habet Versio Sylburgii) εὐσεβείᾳ, Fidem commendaret, omnium studiis divinos illi honores deferendos censuit. Iustitiam & Themis & Nemesis quæque a Græcis Erynnyes appellantur, satis cultus & venerationis apud majores consecratos putavit, Fidem autem, qua nullus apud Mortales major aut sanctior est affectus, nondum dignam venerationem adeptam esse, vel in publicis civisatione rebus vel privatis. Hoc cogitans, primus omnium hominum, Fidei publica templum sacravit, assignatis ex Aerario sacrificiis, quemadmodum Diis cæteris.

§. 31. Huc etiam pertinet, Obligatio ad Gratitude. Unde Senec. Lib. 4. de benef. c. 16. in f. c. 17. Quid tam aequaliter in omnium animos receptum, quam referre bene meritis gratiam? Huic uti rei (gratitudini scil.) non posuimus Legem, tanquam satis Natura cavisset.

§. 32. Quod tamen non ita accipiendum, quasi vi hujus Obligationis tantundem præcise reddendum sit, quantum forte acceptum est. Quocunque enim modo gratitudinem præstitisse satis est, ut & conatus sæpe numero sufficiat. Unde Ovid. Lib. 4. de Ponto. Eleg. 8.

Sed qui, quam potuit, dat maxima, gratus abunde est,
Et finem, pietas contigit illa, suum.

C A P. III.

§. 1.

Sed hæc de obligatione Juris Divini Innati seu Naturalis monuisse sufficiat.

§. 2. Jus Divinum Revelatum dividi solet in Morale, Ceremoniale, & Forense.

§. 3. Jus Divinum Morale est, quod ad regimen morum spectat, præcipiens facienda & prohibens contraria; & in præceptis Decalogi ponitur.

§. 4

§. 4. Inter quod & *Jus Divinum Innatum* seu *Naturale* illud solum interest, quod *Jus Naturale* cordibus hominum sit insitum, *Jus Divinum Morale* vero in Monte Sinai a Deo O. M. expresse sit promulgatum.

§. 5. *Jus Ceremoniale* est *Jus Divinum* scriptum de Ceremoniis, circa cultum Divinum vel propter significationem typicam seu mysticam, vel propter ordinem ecclesiasticum, a populo Judaico, observandis;

§. 6. Quod uti ante Christi servatoris nostri adventum Populum Judaicum obligabat, ita cum Christo cruci affixum, adeoque sublatum est. v. *Ep. ad Coloss. 2. vers. 14.*

§. 7. *Jus Forense* est, quod pertinet ad gubernationem Populi Judaici Politicam, continetque praecepta de defensione disciplinae in civilibus & criminalibus; Ut in contractibus, dominiorum distinctionibus, hereditatum divisionibus, judiciis, officiis Magistratum, poenisque.

§. 8. Quod cum ad statum Reip. Judaicae Politicum maxime pertineat, alios non obligat; Immo cum Resp. Judaeorum jamdudum extincta sit, ne quidem quantum ad eos attinet, nunc amplius locum habet.

§. 9. In quantum tamen ad explicationem & tuitionem Decalogi pertinet, etiamnum non Judaeos tantum, sed omnes homines obligare videtur.

§. 10. Unde neque a poenis in delicta contra praecepta Decalogi commissa, cum ipse Deus O. M. summus Legislator delictorum prudentissimus sit reuscriptor, facile recedendum est.

CAP. IV.

§. 1.

Sequitur *Jus Civile*, quod quisque Populus liber sibi proprium constituit.

§. 2. Ex quo *Obligatio* nascitur, qua subditi in unaquaque Rep. ad scientiam l. 12. *C. de jur. & fact. ign. l. 9. C. de ll. & obedientiam l. 7. ff. de ll.* etiam in Conscientia v. *Ep. ad Rom. 13. v. 1. 1 Petr. 2. v. 13.* adstricti sunt.

§. 3. Cum vero *Jus Civile Romanorum* ex praeceptis fere *Naturalibus* sit collectum, & cum *Jure Divino* bene concordet, (quapropter & in plerisque Europae Regionibus usu receptum est) De *Jure Civili Romanorum* paulo plenius videndum est.

§. 4. Secundum quod *Obligatio* non male dividitur in *Mere Naturalem*, *Mere Civilem* & *Mixtam*,

§. 5. Licet enim hæc totidem verbis in Legibus nostris non occurrant, rem ipsam tamen inveniri sufficit.

§. 6. *Obligatio Mere Naturalis est vinculum aequitatis, quo ita adstringimur ad dandum aliquid vel faciendum, ut nulla eo nomine Jure nostro sit Actio.* v. l. 95. §. 4. ff. de *solut.* l. 84. §. 1. ff. de R. J.

§. 7. Eaque subdividitur in *Efficacem* seu *Plenior*em, & *Inefficacem* seu *Minus plenam*.

§. 8. *Inefficax* seu *Minus plena* est, quæ Juris Civilis auxilio destituitur.

§. 9. Talis est 1. *Obligatio ad arctidogæ & gratitudinem*. Quam Naturalem esse supra vidimus, & in Jure nostro aperte traditum est. *Ulp.* in l. 25. §. 11. de *hered. pet.* *Nec si donaverim, locupletiores facti videbuntur, quamvis ad remunerandum sibi aliquem naturaliter obligaverint.* *Gai.* in l. 54. §. 1. ff. de *furt.* *Eum qui quid utendum accepit, ipse alii commodaverit, furti obligari responsum est.* Ex quo satis apparet, furtum fieri, etsi quis usum alienæ rei in suum lucrum convertat: *Nec movere quem debet, quasi nihil lucri sui gratia faciat, species enim lucri est ex alieno largiri, & beneficii debitorem facere.*

§. 10. Sed nulla ejus nomine neque Actio datur, neque alius effectus. Eo tantum excepto, quod si donatarius ingratus sit, donatori ob V. causas in l. ult. C. de *revoc. don.* memoratas, donationem revocare concessum sit. d. l. ult. §. 2. f. de *don. in f.* Nec non, quod libertus operas officiales, quas vi gratitudinis naturaliter debet, Jure nostro tamen si promissæ non sint indebitas, solutas repetere nequeat. l. 26. §. 12. ff. de *condict. indeb.*

§. 11. 2. *Obligatio quæ oritur ex Testamento minus solemnis*; Quod heredem ab intestato ad relicta præstanda naturaliter obstringere videtur. arg. l. 32. C. de *fideic.* l. 2. C. *ead.* l. 38. ff. ad SC. *Treb.* §. 40. l. de R. D. *Præclare Plin. Lib. 4. Ep. 10. Confido accessurum te sententia mea, cum religiosissime soleas custodire defunctorum voluntatem, quam bonis heredibus intellexisse pro jure est.*

§. 12. 3. Quæ huic similis est *Obligatio ad integra legata præstanda*. arg. d. l. add. l. 1. f. l. ult. C. ad L. *Falcid.*

§. 13. Quæ omni omnino Juris Civilis auxilio destituuntur, ut & id, quod eo nomine per ignorantiam facti solutum est, repeti possit. l. 7. C. de *condict. indeb.* l. 9. C. ad L. *Falcid.*

§. 14. 4. *Obligatio pupilli pubertati proximi*. Cum enim doli capax sit, adeoque delinquere possit. l. 111. pr. de R. J. §. 18. l. de *Obl. quæ ex delict.*

delict. naturaliter etiam eum obligari posse facile intelligitur. v. l. 1. ff. de nov. in f. §. 3. l. quib. mod. toll. obl. l. 25. §. 1. ff. quand. dies Legat. ced.

§. 15. Sed omnes effectus qui quidem pupillo nocere possunt, huic Obligationi Jure nostro detrahuntur; Unde & in legibus ne quidem jure naturali obligari l. 41. ff. de condict. indeb. neque natura debere l. 59. ff. de O. & A. simpliciter dicitur.

§. 16. Per quas ll. male intellectas, quidam pupillum pubertati proximum naturaliter obligari non posse, male asserunt.

§. 17. Quantum tamen ad alios attinet, hæc Obligatio pupilli effectum non caret: Non tantum enim novari l. 1. ff. de nov. sed & fidejussor & pignus accedere potest. l. 127. ff. de V. O.

§. 18. 5. Obligatio Prodigii. Quæ adeo Jure Civili non tenet, ut ne fidejussores quidem admittat, quasi nullum negotium gestum sit. l. 6. ff. de V. O.

§. 19. Neque sibi ipsi contrarius est Ulpianus JC. in l. 25. ff. de fidejuss. Fidejussores enim ibi non obligantur tanquam fidejussores sed tanquam promissores Principales ex sua promissione; Nam cum ejusmodi obligationibus, quas sciunt Jure Civili non subsistere sponte accedunt, non tantum donare, sed ex sua persona obligari voluisse præsumuntur. v. l. 2. C. de fidei. mun. Baeb. ad Tr. v. 2. D. 18. th. 3. l. b. Vin. ad §. 1. l. de Fidei. n. 4.

§. 20. 6. Obligatio mulieris, contra SCtum Vellejanum, pro alio intercedentis. Quam totam SCtum improbat l. 16. §. 1. ff. ad SC. Vellej. Ut neque fidejussor teneatur, d. l. 16. §. 1. neque pignus obligatum sit. l. 2. ff. quæ res pign. Ut etiam quicquid inde solutum sit repeti possit l. 40. ff. de cond. ind. Ubi rationem differentie quæ hac parte est inter SCtum Vellejanum & Macedonianum eleganter exponit Marcianus JC. Qui exceptionem (ait) perpetuam habet, solum per errorem repetere potest. Sed hoc non est perpetuum. Nam siquidem ejus causa exceptio datur cum quo agitur, solum repetere potest, ut accidit in SCto de intercessionibus; Ubi vero in odium ejus cui debetur exceptio datur, perperam solutum non repetitur, veluti si filiusfamilias contra Macedonianum mutuum pecuniam acceperit, & patrisfamilias solverit, non repetit.

§. 21. 7. Huc denique pertinet Obligatio quæ oritur ex transactione, super alimentis testamento relicta sine decreto Pratoris inita. Quæ Jure nostro similiter improbat l. 8. ff. de transact. adeo, ut ex hac causa solutum, quasi indebitum, etiam repeti possit. Ulpianus in l. 23. §. 2. ff. de cond. indeb. Si ob transactionem alimentorum testamento relictorum datum sit, apparet posse repeti quod datum est, quia transactio SCto infirmatur.

§. 22. *Obligatio Naturalis Efficax seu Plenior est, quæ eisdem fere effectus habet, quos habet Obligatio Mixta, sola excepta actione quam non producit.*

§. 23. Potest enim tale naturale debitum cum quovis alio compensari l. 6. ff. de compens. potest constitui l. 1. §. pen. ff. de constit. pec. novari l. 1. in f. ff. de nov. Possunt ei fideiussores & pignora accedere §. 1. l. de fideiuss. l. 5. ff. de pign. Non potest denique naturale debitum per errorem solutum repeti. l. 10. ff. de O. & A. l. 19. ff. de condict. indeb. l. 3. §. 7. ff. quod quisque jur. in al. stat.

§. 24. Talis maxime Obligatio est qua ex sola conventionie seu nudo pacto nascitur, ex quo jure nostro Obligatio quidem oritur & exceptio, sed non etiam Actio. l. 7. §. 5. l. 45. ff. de pact. l. 8. l. 15. de prescr. verb. l. 10. l. 21. l. 28. C. de pact. Ut & in proverbium abierit, *Ex pacto actionem non nasci*, d. l. 10. C. d. pact. l. 1. C. de pact. conv.

§. 25. Licet enim Naturalis æquitas conventiones servandas esse jubeat, uti dictum supra c. 2. §. 30. add. l. 7. §. 7. ff. de pact. non tamen præcise exigit, ut indistincte actio locum habeat; Romani itaque qui in multis causis ad utilitatem Reip. Juri communi seu Gentium aliquid addiderunt vel detraxerunt, v. l. 6. ff. de I. & I. sive quod minus deliberatum crederent quod tam simpliciter & nude fieret, sive quod innumeras lites ex vagis & promiscuis promissis metuerent, sive etiam forte quod honestius atque ad excitandum virtutis studium conducibilis existimarent, quædam relinqui hominum inter se spontaneæ fidei & probitati, quam omnia vinculis legum & necessitate adstringere, noluerunt ex omni nuda promissione actionem nasci: Certosque contractus & præcipuis stipulationem constituerunt, quibus, si quis sibi serio aliquem obligare vellet, uti posset. v. Bokelm. de Act. c. 3. §. 29. §. 5. Vin. ad §. ult. l. de obl. Struv. Exerc. I. C. 6. th. 7.

§. 26. *Obligatio Mere Civilis est vinculum meri Juris Civilis, quæ ita tenetur, ut summo jure in eum sit actio, sed talis, quæ Jure Prætorio per exceptionem infirmari possit.* v. l. 3. §. 1. ff. de Const. pec. l. 112. ff. de R. J.

§. 27. Talis est, si quis metu coactus, aut errore lapsus, aut dolo inductus aliquid promiserit. Talis est etiam Obligatio, si post constitutam obligationem debitor cum creditore pactus sit, ne petat, §. 1. & seqq. ff. de except.

§. 28. Quam male aliqui ex numero *Obligationum* excludunt;

§. 29. Licet enim per exceptionem elidi possit, adeoque quantum ad effectum

effectum attinet, nihil interfit, siue quis actionem ex tali obligatione habeat, siue non habeat, *l. 112. ff. de R. J.* Non possunt tamen hæc locum habere, nisi exceptio allegetur in Iudicio. Quæ si omittatur, & sententia sequatur, effectum non destituitur.

§. 30. *Obligatio Mixta est vinculum & æquitatis & Juris Civilis, quo quis ita adstringitur ut Actio in eum efficax detur.* Quam describit Imp. in *l. de Obl.* dum ait, *Obligatio est juris vinculum, quo necessitate adstringimur alicujus rei solvenda, secundum nostræ civitatis jura.*

§. 31. Et sique hæc vel *Vere talis*, vel *Præsumtive*: Qualis est *Obligatio* qua tenentur *Judicati, Confessi*, nec non illi contra quos juratum est. Quippe res judicata pro veritate accipitur *l. 16. ff. de re jud. l. 25. ff. de statu hom. l. 207. ff. de R. J.* Confessi in jure pro judicatis habentur *d. l. 56. l. 1. l. un. C. de confess.* & post jusjurandum non queritur amplius an debeatur, sed an juratum sit. §. 11, *l. de Act.* Ejusdemque generis videtur *Obligatio Literarum*, §. un. *l. de lit. obl.*

§. 32. Licet non desint, qui *Obligationem mere Civilem* etiam in *Efficacem & Inefficacem* dividendam, dictasque species ad *Obligationem mere Civilem Efficacem* referendas statuunt.

§. 33. Cum vero *Jus Civile* vel sit *Civile in specie*, vel *Prætorium*, *l. 7. pr. & §. 1. ff. de I. & l. Obligationes mixta in Civiles & Prætorias* subdividi possint. v. §. 1. *l. de Obl.*

§. 34. Et hæc quidem de *Causa Obligationum Remota*, pro *Ratione* instituti nostri, sufficiant. *Causa Propinquæ* sunt *Contractus, Quasi contractus, Delictum, Quasi delictum*, nec non *Varia causarum figura*.

§. ult. *l. de Obl. l. 1. ff. de O. & A.* de quibus porro pluribus agendum,



DISSER-

DISSERTATIO JURIDICA SECUNDA, DE CAUSIS OBLIGATIONUM.

CAP. I.

§. 1.

Actum est de Causa Obligationum Remota, videndum itaque nunc porro de Causis Propinquis.

§. 2. De quibus ita *Imp.* in §. ult. l. de obl. *Obligationes aut ex Contractu sunt, aut Quasi ex contractu, aut ex Maleficio, aut Quasi ex Maleficio.*

§. 3. Paulo aliter, non minus tamen accurate *Gajus JC.* in l. i. ff. d. Obl. & Act. *Obligationes aut ex Contractu nascuntur, aut ex Maleficio, aut proprio quodam jure ex Variis causarum figuris.*

§. 4. Ut adeo Causa Obligationum Propinqua vel Ordinaria sint, vel Extraordinaria: Ordinaria quatuor, Contractus, Quasi Contractus, Malefictum seu Delictum, & Quasi Malefictum seu Quasi Delictum, Extraordinaria complures, Varia scil. Causarum figura.

§. 5. A Causis etiam Obligationes distribuere voluisse videtur *Modestinus* in l. 52. ff. de O. & A. *Obligamur inquit aut re, aut verbis, aut simul utroque aut consensu, aut Lege, aut Jure honorario, aut necessitate, aut ex peccato.*

§. 6. Sed confundit ibi causas remotiores cum propinquis, causas nimirum Juris & facti, causas propter quas Obligatio constituitur, cum jure quod Obligationes constituit & confirmat.

§. 7. Misso itaque *Modestino*, de Causis Obligationum Propinquis, tum Ordinariis tum Extraordinariis, secundum mentem *Imp. & Gajii JCi* dispiciamus,

CAP.

CAPUT II.

§. I.

Et prima quidem, eaque Ordinaria Obligationum Causa est CONTRACTUS.

§. 2. Quemadmodum autem τὸ *Contrahere* late patet, ita & *Contractus* (quod inde descendit) in Jure nostro varie accipitur.

§. 3. I. *Latissime*, ut omnia omnino facta comprehendat ex quibus obligatio nascitur, ipsa etiam *Delicta*. Hinc Paulus J.C. in l. 20. ff. de jud. Omnem obligationem pro contractu habendam existimandum est, ut ubicunque aliquis obligatur & contrahi videatur, quamvis non ex crediti causa debeat. Nec non Triphonius in l. 52. ff. de re jud. Si rerum amotarum cum viro agatur, quamquam videatur ea quoque actio precedentis societatis vitæ causam habuisse, in solidum condemnari debet, quoniam ex malo contractu & delicto oritur: Quo sensu & crimina passim contrahi dicuntur. Sic Marcianus in l. 15. ff. de donat. Post contractum crimen capitale donationes factæ non valent. Item Papinianus in l. ult. ff. de accus. Alterius provincie reus apud eos accusatur, apud quos crimen contractum ostenditur. Nec non Sever. & Anton. Impp. in l. 1. C. si adv. delict. Sed cum delictum non ex animo sed ex contractu (sic legend.) venit.

§. 4. Quemadmodum & Aristot. 5. Eth. 2. Verbum συναλλάγματος (quod tamen in jure nostro fere tantum ad commercia refertur l. 1. §. 2. ff. de pact. l. 19. ff. de V. S.) tam late accipit, ut & *Contractus* & *Delicta* sub eo comprehendat. Duo enim ille genera συναλλάγματος facit, ἐκύσια καὶ ἀκύσια, voluntaria & involuntaria. Ἐκύσια appellat commercia, conventiones, contractus: Ἀκύσια vero Maleficia & delicta. add. l. 2. ff. d. ll.

§. 5. II. In Latiori sensu *Contractus* ponitur pro omni ea conventionē, quæ obligationem producit efficacem, ut & *Pacta Legitima* contineat. v. l. 17. C. de fid. instrum.

§. 6. III. Late, ut *Contractus* non tantum significet *Veros*, sed & *Quasi tales*. v. l. 16. ff. de neg. gest. l. 23. ff. de R. J.

§. 7. VI. *Stricte* & *proprie*, quatenus *Quasi contractibus* opponitur. §. ult. I. de oblig.

§. 8. V. *Stricissime*, dum ad solos *Contractus Consensuales* restringitur. v. l. 19. ff. de V. S.

§. 9. Unde non potuit fieri non, quin varix *Contractus* ab Interpretibus formarentur descriptiones.

§. 10. Quidam Contractum recte describi censent, ultro citroque obligationem, ex l. 19. ff. de V. S. Ubi ita Ulpianus. *Labeo Libro primo Prætoris Urbani definiit, quod quedam agantur, quedam gerantur, quedam contrahantur. Actum quidem generale verbum esse, siue verbis siue re quid agatur, ut in stipulatione vel numeratione: Contractum autem ultro citroque obligationem, quod Græci συνάλλαγμα vocant, veluti emtionem venditionem, locationem conductionem, societatem: Gestum autem significare sine verbis factum.*

§. 11. Sed non potest hæc descriptio de omnibus accipi Contractibus, utique non de Mutuo, neque Stipulatione, neque Literarum obligatione. Quin & verba ultro citroque ad eos contractus qui consensu constant pertinere, & ad eos a Labæone referri, tum propter subiecta exempla, tum propter vers. proximè præcedentem, quo contractus qui re vel verbis constant a Contractu in specie sumto separat, ex ipsa lege manifestum videtur.

§. 12. Neque etiam animus fuisse videtur tum Labæoni d. l. tum Ulpiano Lib. XI. ad Edictum ex quo d. l. 19. excerpta est, de Contractu ex professo agere. Egit enim Lib. XI. ad Edict. Ulpianus de in integrum restitutionibus, & speciatim de restitutione minorum, qua de Prætor edixit, *Quod cum minore quam XXV. annis natus Gestum esse dicitur, uti quæque res erit animadvertam l. 1. §. 1. ff. de min.* Eaque occasione quid per Gestum intelligendum sit exposuit, uti apparet ex l. 7. ff. de minor. simulque Labæonis de eo sententiam memoravit.

§. 13. Alii Contractum dicunt conventionem cum causa, ex l. 7. §. 1. 2. ff. de pact. seu Conventionem qua in se habet negotium aliquod; ex l. 15. ff. de præscr. verb.

§. 14. Cui Descriptioni istud maxime obstat, quod Causa vel Negotium in d. l. 7. §. 2. l. 15. ff. de præscr. verb. non ad omnes contractus, sed innumeros tantum referatur.

§. 15. Nonnulli Contractum dicunt esse Actum ad obligationem comparandam interpositum, ex l. 2. in fin. ff. de reb. cred. A qua descriptione non longe abeunt isti, qui dicunt Conventionem esse, constantem propria vi ac energia civilem obligationem & actionem producendi. arg. d. l. 7. §. 1. 2. ff. de pact.

§. 16. Sed neque hæc descriptio satisfacit, quia Pacta Legitima etiam Actus & Conventions sunt, quæ obligationem & actionem pariunt; quæ tamen a contractibus diversa esse, negari nequit.

§. 17. Plerisque ea Descriptio placet, qua Contractus dicitur *Conventio habens*

habens speciale nomen, vel nomine deficiente civilem obligandi causam, ex l. 7. §. 1. 2. ff. de pact.

§. 18. Cumque *Conventio* alia sit *expressa* alia *tacita*, dictam descriptionem *Contractus* ita accipiunt, ut sub ea non tantum *Veros* sed & *Quasi tales* contineri censeant.

§. 19. Et eorum alii quidem *Contractus* dicunt esse vel *Veros* vel *Quasi tales*: Alii vero *Contractus* primum in *Nominatos* dividunt & *Innominatos*: Et illos iterum in *Veros* & *Quasi tales* subdividunt.

§. 20. Verum enim vero quemadmodum ultima hæc *Contractus* descriptio cum verbis *d. l. 7. §. 1. 2.* optime convenit, ita fatendum *Ulpianum* *JCtum* in *d. l. 7. de Veris* tantum, non etiam de *Quasi contractibus* agere; Vocabulumque *conventionis* & *consensus* raro admodum de tacito & præsumto consensu accipi.

§. 21. Satius itaque fuerit, cum *Contractus* & *Quasi contractus* tanquam diversæ *Obligationum causæ* in §. ult. I. de *Oblig.* proponantur, de singulis separatim agere.

§. 22. Est itaque *Contractus* secundum *d. l. 7. §. 1. 2.* *Conventio habens speciale nomen, vel eo deficiente civilem obligandi causam.* Quæ (scil. conventiones) pariunt *actiones* ait *Ulp.* *d. l. 7. §. 1. 2.* in suo nomine non stat, sed transiunt in proprium nomen *contractus*, ut emptio venditio, locatio conductio, societas, commodatum, depositum, & ceteri similes *contractus*. Sed si in alium *contractum* res non transeat, subsit tamen *causa*, eleganter *Aristo* *Celso* respondit esse *obligationem*. Ut puta dedi tibi rem ut mihi aliam dares, dedi ut aliquid facias, hoc *συνάλλαγμα* id est *contractum* esse, & hinc nasci *civilem obligationem*.

§. 23. Ex quibus principalis *Contractuum Divisio*, quod scil. alii *Nominati* sunt alii *Innominati*, manifesta est.

§. 24. *Contractus Nominati* sunt qui proprium & speciale nomen habent, *d. l. 7. §. 1.* tanquam signum certæ formæ & *Actionis*.

§. 25. Neque enim hoc ita accipiendum est, quasi *Nomen* in iis *Obligationem* producat & *actionem*. Sunt enim quædam *Conventiones* quæ propter frequentem usum certum nomen earumque vim acceperunt, ut, etiamsi nihil specialiter dictum sit, ex solo nomine earum natura satis intelligatur.

§. 26. *Contractus Nominati* perficiuntur vel *Re*, vel *Verbis*, vel *Literis*, vel *Consensu*. §. ult. I. de *oblig.*

§. 27. Licet enim in omni *Contractu* consensus sit necessarius, sunt tamen quidam *Contractus*, in quibus præter Consensum, vel *Rei traditio*

intercedere debet, vel *Verba*, vel *Literæ*. Quidam, in quibus præter consensum nihil requiritur, vel *solo consensu* perficiuntur. t. t. I. de Obl. ex consensu.

§. 28. Contractus qui *Re* perficiuntur, sunt quatuor, *Mutuum, Commodatum, Depositum, & Pignus. pr. & seqq. §. I. quibus mod re cont. Ob.*

§. 29. Contractus qui *Verbis* perficitur, alio nomine *Verborum Obligatio*, seu *Stipulatio* dicitur. t. t. ff. & I. de Verb. Obl. t. C. de cont. stipul.

§. 30. Contractus qui *Literis* perficitur, alio nomine *Literarum Obligatio* vocatur, *inscr. t. I. de Lit. Obl.* Quem separatim ab aliis Contractum esse, docent tunc §. ult. I. de Obligat. §. un. I. de Obligat. ex consensu. §. 1. I. de fidejuss. tum maxime §. un. I. de Lit. Obl. Ubi Imp. ejus naturam ex professo exponit.

§. 31. Contractus qui *Consensu* perficiuntur sunt quinque, *Emptio Venditio, Locatio Conductio, Emphyteusis, Societas & Mandatum. t. I. de Oblig. ex consensu. §. 3. I. de locat.*

§. 32. Ex quibus *Obligatio* nascitur, & *Actio*, naturæ & nomini singulorum Contractuum conveniens.

§. 33. Contractus *Innominati* sunt, qui nomen certum non habent, sed civilem obligandi causam.

§. 34. Possuntque isti referri ad quatuor summa genera *Do ut des, Do ut facias, Facio ut des, Facio ut facias. l. 5. ff. de præscr. verb.*

§. 35. In quibus *Causa* non finalem seu impellentem, quæ in omnibus pactis intercedit, significat, sed *dationem* vel *factum*, i. e. implementum ab altera parte præstitum, ea lege, ut alter similiter det vel faciat. d. l. 7. §. 2. ff. de pact.

§. 36. Ex quibus similiter obligatio oritur valida, & *Actio*, quæ modo in *factum*, & quidem in *factum civile*, l. 1. 2. 3. l. 22. ff. de præscr. verb. modo *Præscriptis verbis* l. 17. §. ult. l. 24. ff. de præscr. verb. modo *utilis*, quæ *præscriptis verbis* rem gestam demonstrat. l. 6. C. de transact. vocatur.

§. 37. Quæ *Actio Præscriptis verbis*, & *in factum præscriptis verbis* dicitur, quia Contractuum *Innominatorum* natura nullo certo nomine, uti Contractuum *Nominatorum* v. l. 43. ff. de pact. significari potest, & proinde res gesta, *præscriptis verbis* in factum, designanda est. l. 1. 2. 3. ff. de præscr. verb. l. 6. C. de transact.

CAPUT III.

§. 1.

Secunda Obligationum Causa Ordinaria est **QUASI CONTRACTUS**, ut *Imp.* expresse ait in §. ult. I. de Oblig.

§. 2. Cui contrarius non est *Gajus* JC. in l. 1. pr. ff. de Obl. & Act. dum ait, *Obligationes aut ex Contractu nasci, aut ex Maleficio, aut ex Variis causarum figuris.*

§. 3. *Actum enim Gajum sub contractu Quasi Contractum comprehendere, omnino probabile est.*

§. 4. Tum quia & alii sub nomine *Contractus, quasi Contractus* complexi sunt; Aperte *Paulus* in l. 16. ff. de neg. gest. Sed & cum aliquis negotia mea gerit, non multa negotia sunt, sed unus contractus; Nisi ab initio ad unum negotium accessit ut finito eo discederet, hoc enim casu si nova voluntate aliud quoque aggredi ceperit, alius contractus est. Nec non *Ulpianus* in l. 23. ff. de R. J. Contractus quidam dolum malum duntaxat recipiunt, quidam & dolum & culpam: Dolum tantum *Depositum & Precarium*. Dolum & culpam, *Mandatum, Commodatum, Venditum, Pignori acceptum, Locatum, item Dotis datio, Tutela, Negotia gesta, in his quidem (leg. quidam) & diligentiam; Societas, & rerum communio.* Quibus locis *Negotiorum gestio, Tutela administratio, & Communio* sub nomine *Contractus* expresse comprehenduntur. Eoque pertinet, quod ait *Imp.* §. 1. I. de act. Namque agit unusquisque cum eo, qui ei obligatus est, vel ex Contractu vel ex Maleficio, quo casu prodita sunt actiones in personam, per quas intendit adversarium ei dare aut facere oportere, vel aliis quibuscumque modis.

§. 5. Tum quia idem *Gajus* l. 5. pr. §. 1. 2. 4. ff. de Obl. & Act. *Quasi Contractus* ex professo exponit.

§. 6. Est enim *Lex 1. ex Lib. 2. Aureorum seu Rerum Cottianarum Gaji, Lex 5. autem ex Lib. 3. Aureorum* excerpta. Libro 2. autem *Aureorum* de Contractibus eum inter alia egisse ex l. 2. l. 4. ff. mand. l. 72. ff. pro soc. l. 2. ff. de peric. & comm. rei vend. l. 15. ff. eod. l. 2. ff. locat. manifestum est. Ut adeo vix dubitandum sit, Libro 3. *Aureorum* eum *Quasi Contractus* reliquasque Obligationum causas executum esse. Quandoquidem de Delicto & *Quasi Delicto* eodem Lib. 3. actum fuisse, docet l. 4. l. 5. ff. de Obl. & Act. nec non l. 6. ff. de extr. cogn.

§. 7. Est autem *Quasi Contractus, Factum non turpe, ex quo citra conventionem nascitur obligatio.*

§. 8. Nusquam quidem hæc Negotia quæ *Quasi Contractus* dicimus

Quasi Contractus appellantur, sed ex iis *quasi ex contractu obligatio nasci* dicitur. §. ult. I. de obl. Rubr. 1. I. de obl. *quæ quas. ex contract.*

§. 9. Minime tamen hoc obstat, quominus *Quasi Contractus* dicere liceat.

§. 10. Neque enim aliena a juris ratione hæc appellatio est: Cum & *Quasi Possessio* l. 10. ff. si serv. vind. *Quasi Ususfructus* §. 2. I. de usufr. Peculium *Quasi Castrense* §. ult. I. de test. mil. Actio *Quasi Serviana* §. 7. I. d. Act. similiaque in legibus nostris occurrant.

§. 11. Fundamentum autem Obligationis, quæ ex *Quasi Contractu* oritur, in *Aequitate & Utilitate communis* ponenda est.

§. 12. *Aequitas* sane fundamentum generale est, cui omnes obligationes efficaces iunguntur, omnibusque *Contractibus* commune.

§. 13. Sed quemadmodum quædam negotia adeo sunt frequentia in Rep. ut paulatim proprium nomen acceperint, ex quo Natura eorum satis intelligitur, quæ *Contractus Nominatos* diximus, quædam vero quæ certo quidem nomine significari nequeunt, in quibus tamen *causa obligandi* manifesta est, quæ *Contractus Innominatos* vocavimus; Ita quædam sunt Negotia propter æquitatem non tantum obligatoria, sed & *Contractibus* similia, quæ proinde *Quasi Contractus* recte dici poterunt.

§. 14. *Negotiorum enim Gestio*, & *Tutele Administratio* similes sunt *Mandato*, nec non quodammodo *Hereditatis aditio*. *Rei Communio* vero similis est *Societati*, & *Indebiti solutio Mutuo*. §. 1. I. quib. mod. re cont. obl.

§. 15. Ut adeo mirum videri non debeat, isthæc Negotia, præ aliis, in quibus tanta similitudo cum *Contractibus* non invenitur, *Quasi Contractus*, vocari: Quibus tamen cancellis cum omnia circumscribi non possunt Negotia, præter *Contractus* & *Quasi tales* Obligationes nasci ex variis causarum figuris, recte monet *Gajus JC.* in l. 1. pr. ff. de Obl. & Act. De quibus postea.

§. 16. Minime itaque fundamentum Obligationis, quæ *Quasi ex Contractu* nascitur in *tacito Consensu* ponendum est. Tum quia per eos ignorantes etiam & invitati obligantur §. 1. I. de Oblig. *quæ quas. ex contract.* Tum quia si in tacito consensu fundamentum obligationis ponatur, *Quasi Contractus* in *Verum* aliquando mutabitur.

§. 17. Quid enim, si tacitum consensum dicamus intercedere, aliud erit *Negotiorum Gestio*, quam *Tacitum Mandatum*? v. l. 18. ff. mand. Quid aliud *Rei Communio*, quam *Tacita Societas*? v. l. 4. pr. ff. pro soc. Nulla sane sufficiens differentię ratio dari poterit.

§. 18. Præsumtus tamen seu fictus consensus concedi potest; ita scil. Credidisse Legislatores, si isti, quorum v. c. negotia utiliter geruntur, istud scivif-

scivissent, vel præsentis fuissent, dissensuros non fuisse, seu certe postmodum ratihabitoros.

§. 19. Quot autem sint *Quasi Contractus*, dubium est.

§. 20. Imp. quinque proponit & exponit sub *tir. l. de obl. quæ quar. ex cont. Negotiorum Gestionem* scil. *Tutela Administrationem, Rei communione, Hereditatis additionem, & Indebiti solutionem.*

§. 21. Quot numero nos contenti, plures dari non putamus.

§. 22. Sunt sane plurima alia negotia, ex quibus ceu *Variis Causarum figuris* Obligatio nascitur & Actio, quæ *Quasi Contractibus* annumeranda statuunt dissidentes, sed de iis per species postea videbimus.

§. 23. Pauca tantum de locis quibusdam, quæ majorem numerum aperte efflagitare videntur, hic præoccupando monenda sunt.

§. 24. Sunt autem hæc; *L. 11. §. 9. ff. de interrog. in jur. sac.* Ubi Ulp. *Qui interrogatus responderit sic tenetur, quasi ex contractu obligatus, pro quo pulsabitur dum ab Adversario interrogatur.* tum *l. 3. §. 11. ff. de pecul.* ubi idem Ulp. *Nam sicut in stipulatione contrahitur cum filio, ita iudicio contrahi.* denique *l. 5. §. 2. ff. de pecul.* Ubi iterum Ulp. *si filiusfam. iurjurandum detulerit, & juratum sit, de peculio danda est actio, quasi contractum sit.*

§. 25. Non tamen hæc tanti momenti sunt ut turbare nos debeant.

§. 26. Quantum enim ad *l. 11. §. 9. ff. de interrog. in jur. sac.* attinet, probari ex eo nequit *Actionem Interrogatoriam* ex *Quasi Contractu* natam esse: Aliud enim est, respondentem sic teneri quasi ex contractu obligatus sit, aliud *Quasi ex contractu* seu ex *Quasi contractu* eum obligatum esse. Sed licet concederetur *Quasi contractum* ibi constituisse Ulpianum, minime tamen de eo laborandum esset, cum deinde in consuetudinem abiisse *Actiones Interrogatorias* ex *l. 1. ff. d. t. de interrog. in jur. sac.* manifestum sit.

§. 27. Similiter non multum præsidii est *D. ff. in l. 3. §. 11. ff. de pecul.* Non dicitur enim ibi *Judicio quasi contrahi*, sed *ita contrahi ut stipulatione*. Si itaque *contrahitur*, ergo non quasi contrahitur, siquidem ad verba attendendum est; Et ergo *Litis contestatio* ad *Veros Contractus* referenda, quod nec ipsi Adversarii dixerint. Hoc dicere JCtus voluit, per *litis contestationem* hoc effici, ut Actor Reo invito alium iudicem adire, litivè renunciare nequeat.

§. 28. Neque enim ubicunque vocabulum *contrahere* vel *Contractus* occurrit, statim *Contractus* proprie dictis constituendus est. Horum enim verborum latissimum sensum esse & ante monuimus, & nulli ignotum est. Sic *crimina contrahi* dicuntur *l. 15. ff. de don. l. ult. ff. de accus.* neque tamen ideo

ideo crimina proprie *Contractus* sunt. Sic etiam *Nuptiarum Contractus* dicitur in *l. ult. C. de repud.* Neque tamen ex eo *Matrimonium* proprie *Contractum* esse, recte quis inferat.

§. 29. Non denique adversatur *l. 5. §. 2. ff. de pecul.* Nam neque hic *ICtus* dicit, eo casu quo deferente filiosam, juratum est, ex *Quasi Contractu* seu *Quasi ex Contractu Actionem* dari, sed dari *Actionem quasi contractum sit.*

§. 30. Istud dicere voluit, cum præstito jurejurando non amplius quærat an debeat, sed tantum an juratum sit *§. 12. l. de act.* eo quod ad conventionem accedit religio *l. 26. §. ult. ff. de jurejur.* Prætori visum esse, non minus actionem dandam esse, ac si ex solenni contractu obligatus esset.

§. 31. Neque enim *Actio in factum ex jurejurando* nova est, sed adjectitia tantum qualitas prioris Actionis, quæ salva manet *l. 13. §. 3. 5. ff. de jurejur. l. 7. §. 7. ff. de publician.* Uti postmodum suo loco pluribus demonstrabimus.

CAPUT IV.

§. I.

Tertia *Obligationum Causa Ordinaria* est **MALEFICIUM** seu **DELICTUM.** *§. ult. l. de Oblig*

§. 2. Quod describere licet, *omne factum illicitum, dolo malo commissum, quod pœnam meretur, v. pr. l. de obl. quæ ex delict. l. 4. ff. de O. & A. l. 25. §. 1. ff. eod. l. 14. l. 7. ff. ad L. Corn. de sic. §. 7. l. de furt. l. 3. ff. de injur.*

§. 3. Et eum quidem qui contra *Jus Naturale* alii nocet, ad satisfaciendum alteri obligatum esse, ex principio *Juris Naturæ*, de non *lædendo altero* facile intelligitur.

§. 4. Adeo ut si læso non satisfaciatur, in causa sit, ut bellum contra eum geri possit.

§. 5. Sed cum bellum contra aliquem geritur, eaque ratione iste ad satisfaciendum adigitur, puniri proprie dici nequit. Pœna enim tantum in subditos locum habet.

§. 6. Quomodo autem aliquis in Rep. constitutus, propter delictum contra Leges commissum, puniri possit, dubium est.

§. 7. Neque enim videtur potestas puniendi a singulis in Civitatem seu Principem per pacta conferri potuisse. Cum pœna sit aliquid quod invito

invito infligitur, quod autem sibi quis infert, invito accidere nequit; ut explicat difficile sit, quomodo quis facultatem puniendi seipsum habeat.

§. 8. Unde *Hobbes Leviath. c. 28.* tradit jus puniendi, quod habet Civitas, non esse ortum a concessione civium; sed ejus juris fundamentum in eo jure situm esse, quod aucte civitatis constitutionem unicuique faciendi quidlibet, quod ad conservationem sui ipsi videretur necessarium, competere. Unde jus istud Civitati non datum sed relictum esse; quo ipso tamen, utpote quæ tantas vires habet, ad præservationem omnium civium suo arbitrio uti possit.

§. 9. Sed cum jus pœnas sumendi diversæ sit naturæ a jure seipsum conservandi, cumque illud exerceatur in subiectos, intelligi sane nequit, quomodo jam tum in statu naturali extiterit, quo alter alteri subiectus non erat.

§. 10. Potius itaque dicendum, posse civitatem jus aliquod habere quod singuli ante non habuerint arg. l. 46. de A. R. D. Sic nemo dixerit, homines singulos habere facultatem sibi ipsi leges ferendi, & tamen dum omnes voluntatem suam unius voluntati subjiciunt, oritur potestas omnibus leges præscribendi. Eodem modo Princeps vel Resp. facultatem habere potest pœnis singulos coercendi, quam singuli ante non habebant. Eaque facile constitui potest, dum singuli sese obligant, quod non solum delinquentem defendere nolint, sed & si opus sit vires suas accommodare contra eum, quem Rector Civitatis supplicio affecturus est. v. *Puffend. de J. Nat. & Gent. Lib. 8. c. 3.*

§. 11. Dividitur *Maleficium* seu *Delictum* in genere acceptum, *Jure Civili*, in *Publicum* & *Privatum*. t. t. ff. & I. de publ. jud. t. ff. de priv. delict.

§. 12. *Publicum* est, quod ex *Lege* quadam publicorum judiciorum descendit l. 1. ff. de publ. jud. & directo maxime tendit in læsionem Reip. Cujus accusatio publica est, cuius ex populo competens. §. 1. l. de publ. jud. Quod κατ' ἐξοχὴν Crimen dici solet. v. l. 17. §. 16. ff. de Ed. Ed. l. 3. §. 1. Stillon. l. 1. pr. §. 1. ad L. Jul. Maj. l. 1. ff. de publ. jud.

§. 13. *Privatum* vero, quod directo magis tendit ad læsionem privatorum, cujus accusatio ei maxime competit cujus interest.

§. 14. Delicta *privata* subdividi possunt, in *Ordinaria* & *Extraordinaria*, quibus etiam annumerare licet *Popularia* l. 1. §. 1. ff. de pœn. l. 3. ff. de *extraord. crim.* l. 2. ff. de *concuss.* arg. l. 3. §. 1. ff. de *pop. act.*

§. 15. Sed ex *Ordinariis* agit fere læsus *Civiliter* i. e. ad rem vel pœnam sibi applicandam. §. ult. l. de *injur.* Ex *Extraordinariis* vero *Criminaliter*. d. l. 1. 6. f. leg. ff. de *extr. crim.*

§. 16. Cum vero læsio *privata*, ad publicum etiam, per indirectum, pertineat, permillum quoque postmodum est, ut etiam de *Privatis delictis* extra ordinem agere liceret criminaliter, ad pœnam corporalem, vel pecuniariam fisco applicandam. l. ult. ff. de *priv. delict.* l. ult. ff. de *furt.* l. ult. ff. de *injur.*

§. 17. Delicta autem *Privata Ordinaria* sunt quatuor, *Furtum, Rapina, damnum, & Injuria*. pr. l. de *obl. que ex delict.* *Extraordinaria* plurima, v. tit. ff. de *Extraord. crim.* & seqq.

CAPUT V.

§. 1.

Quarta *Obligationum causa Ordinaria* est *Quasi Maleficium* seu *Quasi Delictum*. §. ult. l. de *Oblig.*

§. 2. Neque obstat hic iterum l. 1. pr. ff. de *O. & A.* Quemadmodum enim in §. 1. l. de *Act.* sub *Maleficio* *Quasi Maleficium* continetur, ita & *Gajus* JC. sub *Maleficio* ibi *Quasi maleficium* haud dubie comprehendit, Tum quia *Imp. Quasi Maleficium* ceu *Causam Obligationis* d. §. ult. expresse memorat. Tum quia *Gajus* JCtus auctor. d. l. 1. quæ ex *Lib. II. Aureorum*, seu *Rerum Cotidianarum*, excerpta est, *Libro III. Aureor.* ex quo excerpta est l. 5. §. 4. & seqq. ff. de *Obl. & Act.* l. 6. ff. de *Extr. cogn. Quasi delicta* exposuit,

§. 3. Est autem *Quasi Delictum, Factum, quod quidem propriè delictum non est, sed propter culpam delicto est proximum.*

§. 4. Cujus quatuor species memorat *Gajus* d. l. 5. §. 4. & seqq. de *O. & A.* l. 6. ff. de *Extr. cogn.* nec non *Imp. 1. l. de Obl. que quas. ex delict.* 1. Si *Judex* per imprudentiam male judicaverit. 2. Si ex alicujus cœnaculo in viam publicam dejectum effusumve aliquid est, ita ut alicui noceret.

noceret. 3. Si quis supra viam publicam periculose aliquid positum vel suspensum habuerit, quod potest si ceciderit alicui nocere. Et 4. Si in navi, caupona vel stabulo, per eos quorum opera Exercitor navis, cauponz vel stabuli utitur, factum sit.

§. 5. Cumque idem numerus & Gajo & Imp. servatus sit, probabile hoc argumentum præbet, dicta negotia sola *Quasi delicta* vocata esse.

CAPUT VI.

§. 1.

Et has quidem tanquam *Ordinarias* easque *Propinquas Obligationum Causas* notavit Imp. d. §. ult. l. de obl.

§. 2. Sed sufficere non sunt visæ Gajo d. l. 1. pr. ff. de O. & A. Cum enim videret multa superesse negotia, quæ neque *Contractus* essent neque *Delicta*, neque iis similia, ut neque ad *Quasi Contractus* neque ad *Quasi Delicta* referri satis commode possent, ex quibus tamen propter æquitatis rationem obligatio nascitur, eas in genere insuper nasci movuit proprio jure ex *Variis Causarum figuris*, d. l. 1. pr. ff. de O. & A.

§. 3. Quas *Varias causarum figuras* varie accipiunt Interpretes.

§. 4. Sunt, qui eas tam late accipiunt, ut & *Jus in re* sub iis comprehendere censcant. Qui a scopo & sententia Gaji haud dubie longe aberant. Posita enim est d. l. 1. sub tit. de Obl. & Act. quo de *Jure in re* non agitur. *Causasque Obligationum* exponere voluit Gajus, non etiam *Juris in Re*, uti ex d. l. 1. manifestissimum est. Neque ullum probabile argumentum in medium proferunt, quo hanc suam sententiam adstruant.

§. 5. Quidam per *Varias causarum figuras* intelligi volunt *Condictio-nem fortivam*, quæ ex delicto nascatur ex parte Rei, ex dominio vero ex parte Actoris. Quæ quidem explicatio prorsus inepta est.

§. 6. DD. communiter per *Varias causarum figuras*, *Quasi Contractus*, & *Quasi maleficia* intelligenda censent, eo quod Gajus *Contractus* tantum & *Delicti* proxime mentionem fecerat.

§. 7. Quoniam autem hac de re DD. agunt ad §. 1. l. de Act. circa ea verba & alius quibudam modis, apparet hæc ipsis synonyma esse, aliis quibus-

quibusdam modis, & ex Variis causarum figuris. In quo recte reprehenduntur a *J. Fab. in d. §. 1. n. 5.* qui notat, ea verba, non referenda esse, ad remotiora de Obligatione ex Maleficio aut Contractu, sed ad proxime antecedentia, formulam videlicet agendi, *Alio te mihi dare oportere.* Quæ non tantum de dando, sed & faciendo, præstando, restituendo concipi potest.

§. 8. Ratio etiam non patitur, ut Varias Causarum figuras, de Quasi Contractibus & Quasi Maleficiis accipiamus. Sub Contractu enim Quasi Contractum & sub Maleficio Quasi maleficium comprehendit *Gajum*, offensum supra C. 3. & 5. Variæ sunt Negotia obligatoria quæ neque ad Contractus neque ad Delicta ullo modo referri possunt.

§. 9. Verior itaque eorum sententia est qui censent *Gajum* Ictum, postquam causas obligationum ordinarias dixisset, cautionis loco subijcere, esse & aliquas quæ extra eas causas nascantur ex Variis causarum figuris; Et esse adeo Causas Obligationum quasdam Extraordinarias & Irregulares, quæ neque certo nomine, neque certa regula comprehendi possint, ex quibus tamen ob solam & singularem æquitatem obligatio detur & Actio. Quas per species in sequentibus examinabimus,





DISSERTATIO JURIDICA T E R T I A D E CAUSIS OBLIGATIONUM.

C A P. I.

§. 1.

Sunt itaque præter *Contractus & Quasi Contractus, Maleficia & Quasi Maleficia, Variæ causarum figura* l. 1. ff. O. & A. i. e. *variæ causa* seu *Negotia* v. l. 31. pr. ff. de m. C. don. ex quibus, propter singularem æquitatem, Obligatio nascitur & Actio.

§. 2. De quibus priusquam per species agere incipiam, de *Æquitate* quædam præmittenda sunt.

§. 3. Accipitur autem hoc loco *Æquitas* pro *æqui* bonique ratione, seu *æquitatis ratione*, uti dicitur in l. 20. ff. de re jud. Quæ Græcis *ἐπιμετρεω* i. e. convenientia vocatur, eo quod rerum omnium proportionem servat, aptumque temporibus, locis, personis, statuit. De qua Cic. de Part. Orat. §. 53. *Æquitatis vis est duplex; cujus altera, directi, & veri, & iusti, & ut dicitur, æqui & boni ratione defenditur; altera ad vicissitudinem referenda gratia pertinet; quod in beneficio, gratia; in injuria, ultio nominatur.*

§. 4. In qua cum fundamentum *Iustitiæ* situm sit, rectissime idem Cic. l. 1. de offic. §. 64. *Difficile est, cum præstare omnibus concupieris, servare Æquitatem, quæ est Iustitiæ maxime propria.*

§. 5. Ex quo factum haud dubie, ut & *Iustitiæ* vocabulum pro ipsa *Æquitate* aliquando accipiatur. Hinc C. Nep. Aristid. c. 2. *Ejus æquitatem factum est, cum in communi classe esset Græcia simul cum Pausania, quo ducem Mardonius erat fugatus, ut summa imperii maritimi transferretur ad Athenienses. Namque ante id tempus & mari & terra duces erant Lacedæmonii: tum autem & intemperantia Pausania, & Iustitiæ factum est Aristidis, ut omnes Civitates Græcia ad Atheniensium societatem se applicarent.*

§. 6. Ex eodemque fundamento *Verum jus* & *Germana Justitia* dicitur *Cic. l. 3. de off. &* sub nomine *bona fidei* in jure nostro non raro proponitur. *De qua cum agitur, non congruit de apicibus juris disputare, uti eleganter Ulp. in l. 29. §. 4. ff. mandat. add. l. 2. §. 3. ff. de O. & A.*

§. 7. Sed hæc *Æqui bonique ratio* seu *Æquitas*, alio modo consideranda in *Statu hominum naturali*, alio in *Societate Politica*.

§. 8. Si consideretur secundum *Statum hominum naturalem*, *Æquitas* a ratione naturali non differt.

§. 9. Si vero in statu hominum *Politico*, non tantum circa *Leges Naturales*, sed & *positivas*, earumque applicationem, variasque circumstantias, versatur.

§. 10. Cumque *Legibus latis*, sæpenumero contingat, ut aliud verba *Legis*, aliud autem mens *Legislatoris* velle videatur, *Jus strictum* ab *Æquitare* separandum, magisque *Æquitatis* quam *stricti juris* rationem habendam esse, recte monuerunt *Legislatores l. 8. C. de judic. add. l. 2. §. 5. in f. ff. de aq. & aq. priv. arc.*

§. 11. Eoque pertinet quod ait *Aristor. Lib. 5. Eth. 10. τὸ ἐπιμενὲς ἐστὶν ἰκανόθωμα τῷ νομίμῳ δικαίῳ* i. e. *Æquum est correctio juris Legitimi*. Nec non illud *Cic. pro Cæcin. Ex æquo & bono, non ex calido versutoque jure, rem judicari oportet.*

§. 12. Verum enim vero, in quantum *Judices & Jurisconsulti*, in judicando, interpretandisque *legibus*, *Æquitatem* sequi possint, vel debeant, ab aliis alio loco ostenditur.

§. 13. Nos cum hoc loco dicimus, ob *Æquitatem ex variis Causarum figuris* Obligationem nasci, eam *Æquitatem* consideramus, quæ ex naturali fluit ratione; Ex qua in multis negotiis, quæ neque ad *Contractus* neque *Delicta* referri possunt, neque iis sunt similia, ut neque *Quasi Contractus*, neque *Quasi Delicta* satis commode vocari possint, Obligationem nasci & actionem *Legislatores nostri* constituerunt.

§. 14. Cumque elegantissimus occurrat casus in *L. 32. ff. de reb. cred.* (quam *Auream*, aureisque literis scribendam, nec non *Speculum aureum*, immo *legem Divinam* appellant *DD. v. Bruni, ad d. l.*) quo propter solam *Æquitatem* conceditur *Actio*, ab ejusdem *Legis* expositione initium faciemus.

CAP.

CAPUT II.

§. 1.

U^t autem d. l. 32. ff. de reb. cred. eo rectius intelligatur, ipsa verba legis adscribemus.

§. 2. Sunt vero hæc sequentia. *Celsus Lib. 5. Digestorum.* Si [et] me et Titium mutuum pecuniam rogaveris, et ego meum debitorem tibi proutiterere jusserim, tu stipulatus sis, cum putares eum Titii debitorem esse; An mihi obligaris? *Sulysso:* Siquidem nullum negotium mecum contraxisti. Sed propius est, ut obligari te existimem: Non quia pecuniam tibi credidi (hoc enim nisi inter consentientes fieri non potest) sed quia pecunia mea [quæ] ad te pervenit, eam mihi a te reddi bonum et æquum est.

§. 3. Auctor hujus legis est P. Juventius Celsus, patris *Ἰουvenίου* filius, Hadriani Imp. Consiliarius. *Spartian. in Vit. Hadrian.* Cum judicaret, in consilio habuit JCros, et præcipue Julium (leg. Juventium uti jam dudum monuere eruditii v. *Rupert. ad Eubr. Pomp. c. 13. sect. 4. Bertrand. de Juris-perit. p. m. 78. H. Grot. de Vit. JCtor. l. 2. c. 3.*) Celsum, Salvium Julianum, Neratium Priscum, aliorque.

§. 4. Celsum filium autem, qui & Adulescens dicitur in l. 91. §. 3. ff. de V. O. hujus legis Auctorem esse, ex inscriptione manifestum est: Scripsit enim *Libros Digestorum XXXIX. Celsus filius*, non Pater, uti ipse docet in l. 20. l. 29. ff. de legat. 1.

§. 5. Vir fuit summæ auctoritatis. Nam & Prætor fuit, *Plin. Lib. 6. Ep. 5. & bis Consul. l. 2. §. ult. ff. de O. Jur. l. 20. §. 6. ff. de pet. hered.*

§. 6. Æquitatisque & Veritatis fuit studiosissimus; Quod tum in l. nostra 32. tum alibi sæpius ostendit. Præclare de eo *Pauhus* in l. 91. §. 3. ff. de V. O. Et Celsus adulescens scribit, cum, qui moram fecit in solvendo sticho, quem promiserat, posse emendare eam moram postea offerendo: Esse enim hanc questionem de Bono et Æquo, in quo genere, plerumque sub auctoritate juris scientiæ, perniciosè (inquit) erratur. Adeo quidem ut veritatis amore ab ipso patre suo abire non dubitaverit, *Ulp. in l. 3. §. 7. ff. de condict. caus. dat. caus. non sec.* Sed si servus qui testamento heredi jussus erat decem dare, et liber esse, codicillis pure libertatem accepit, et id ignorans dederit heredi decem, an repetere possit? Et refert (Celsus JC. scil.) patrem suum Celsum existimasse repetere cum non posse. Sed ipse Celsus, naturali Æquitate motus putat repeti posse. Quæ sententia verior est.

§. 7. Libros scripsit Complures, *Epistolarum XIII. v. l. 3. §. 1. ff. de min. Questionum v. l. 19. §. 3. ff. de aur. arg. legat. Commentariorum v. d.*

l. 19.

l. 19. §. 6. nec non Digestorum XXXIX. ex quorum Libro V. lex nostra 32. excerpta est. V. Bertrand, de Juris perit. p. m. 78. & seqq. H. Grot. de Vit. JCor. l. 2. c. 3.

§. 8. Calus autem *d. l. 32.* talis est, Sempronius necessitate pressus, Cajum & Titium rogat, ut sibi aureos dent mutuos C. Cajus pecuniam forte ad manus non habens, mandat Debitori suo Mævio, ut eosdem Sempronio stipulando promittat. Sempronius a Mævio stipulatur, posteaque Mævius eos aureos Sempronio annuerat; sed Sempronius existimat eum non Caji sed Titii debitorem esse. Queritur itaque, an Sempronius Cajo obligetur? Quem *Celsus* (nti Juris consulti fere solent) his verbis præmittit: *Si me & Titium mutuum pecuniam rogaveris, & ego meum debitorem tibi promittere jusserim, tu stipulatus sis, cum putares cum Titii debitorem esse: An mihi obligaris?*

§. 9. *Si me & Titium*, ait Jctus, *mutuum pecuniam rogaveris.* Satis Latine & eleganter *Cic. ad Att. Lib. 1. Ep. 10. Primum igitur scito, primum me non esse rogatum sententiam. Id. ad Att. L. 14. in f. Meo jure te hoc beneficium rogo.* nec non ad *Q. Frat. L. 1. Ep. 2. Hoc te ita rogo, ut majore studio rogare non possim.* Ut adeo sine ratione, hæc locutio, quasi imperfecta, in dubium vocetur.

§. 10. Est autem *mutuum pecuniam rogare* nihil aliud, quam *rogare ut pecunia credatur*, uti dicitur in *l. 11. ff. de reb. cred.* Quo verbo rogandi non tantum in mutuo, sed & aliis rebus frequenter usi sunt. Adeo quidem, ut & *rogare* pro usum ab aliquo petere, simpliciter, in proverbio, dictum sit, *Cic. orat. 9. in Verr. Profecto hinc natum est, Malo emere, quam rogare.*

§. 11. Ast *Pecunia* vocabulum varie in Jure nostro accipitur. Et primum quidem *latissime* pro omnibus iis quæ sunt in patrimonio, sive res sint corporales sive incorporales sive mobiles sive immobiles. *l. 5. l. 88. l. 79. l. 178. l. 222. ff. de V. S.* Deinde *late*, pro rebus fungibilibus, seu iis quæ pondere numero & mensura constant. *l. 2. §. 1. 3. ff. de reb. cred. l. 30. ff. de leg. 1.* Denique *strictè*, pro nummis seu pecunia numerata. *l. 7. §. 3. ad Sc. Maced. pr. l. de Obl. quæ re cont.*

§. 12. Unde dubitatum est, quo sensu *Pecunia* hoc loco accipienda sit. Et licet mutuum in rebus fungibilibus consistat *d. l. 2. §. 1. d. pr. l. de obl. quæ re contr.* videtur tamen hic *Celsus* per pecuniam, nummos intellexisse. Est enim hæc communior hujus vocis significatio, & circumstantiis hujus casus convenientior. Similiter *Ulp. in L. 11. ff. cod. de reb. Rogasti me*, ait, *ut tibi pecuniam crederem. Ego cum non haberem, lancem tibi dedi, vel nasam*

sam auri, ut eam venderes & nummis utereris. Si vendideris puto mutuum pecuniam facillam.

§. 13. Pergit JC. *Et ego meum debitorem tibi promittere jufferim. Debitor in genere est a quo invito aliquid exigi potest. l. 108. ff. de V. S. nihilque interest ex qua causa debitor sit l. 13. §. ult. l. 14. ff. de hered. pet. Quemadmodum & Creditor in genere ille dicitur, cui ex quacunque causa debetur l. 10. l. 11. ff. de V. S. Eoque sensu hic Debitorem intelligendum quidam statunt. Lauterb. disp. ad d. l. 32. c. 2. Sed cum pecunia memorata mutua rogata proponatur, Debitor haud dubie ille intelligendus, qui pecuniam numeratam ex quacunque causa debebat.*

§. 14. Dicit autem *se debitorem promittere jussisse* l. e. mandasse ut debitor suus pecuniam mutuum roganti, se numeraturum sponderet. Licet enim promittere in genere significet nudis verbis polliceri, & a spondere quod est per stipulationem promittere differat, pro spondere tamen etiam non raro in jure nostro ponitur. Aperte Imp. in §. 16. l. de innu. stip. Itaque si scriptum in instrumento fuerit, Promississe aliquem, perinde haberi volunt, atque si interrogatione precedente responsum sit. Nec non in l. 12. C. de cont. stip. Magnam Legum veterum obscuritatem, qua protrahendarum litium magnam occasionem usque adhuc praebebat, amputantes, sancimus; ut si quis certo tempore facturum se aliquid vel daturum stipuletur, vel quae stipulator voluit, promiserit, & adjecerit, quod si statuto tempore minime haec perfecta fuerint, certam penam dabit, sciat minime se posse debitor ad evitandam penam adjuvare, quod nullus enim admonuit: sed etiam citra ullam admissionem, eidem penae pro stipulationis tenore fiet obnoxius: cum ea quae promissit, in memoria sua servare non ab aliis sibi manifestari debeat possere. Add. A. Popm. de diff. verb. l. 4.

§. 15. Subjicit, *Tu stipulatus sis*; Numerationem scilicet pecuniae, quam mutuum a me rogaveras, a Debitore faciendam. Stipulatio enim in omnibus fere causis interponi solebat. v. l. 25. ff. de pact. l. 3. C. de rer. permut. l. 4. §. ult. ff. de usur. l. 99. ff. de V. O. Brisson. de form. Lib. 6.

§. 16. Cum putares eum Titii debitorem esse. Atque ita in persona Creditoris errares. Qui error consensum excludit, arg. l. 15. ff. de jurisd. l. 2. ff. de jud. adeoque obligationem hoc casu impedire videtur. Nisi enim hic error intercederet, res dubium non haberet. Singularia quadam recepta sunt circa pecuniam creditam: Nam si tibi debitorem meum jussero dare pecuniam, obligaris mihi quavis meus nummos non acceperis, ait Ulp. in l. 15. pr. de reb. cred.

§. 17. Qua facti specie praenissa quærit JC. *An mihi obligaris?* Sic legitur

in

legitur

legitur in Codice Florentino. Neque ulla ratio est ob quam ab ea lectione recedendum, vel pro *obligaris, obligatus sis*, restituendum sit.

§. 18. Respondet *Subsisto*. *Subsistere* aliquando vivere significat v. l. 18. §. 2. C. de jur. delib. Aliquando idem quod consistere, valere, firmum esse v. l. 14. C. de proc. l. 11. C. de testam. Aliquando vero hesitare, dubitare; Quæ significatio hujus loci propria est; Sic etiam Ulp. l. 33. pr. ff. de proc. Servum quoque & filiumfam. procuratorem posse habere aiunt: & quantum ad filiumfam. verum est: in servo *substitutimus*. nec non Callistratus in l. 5. §. 11. ff. de jur. inman. Unde *subsisti potest, an prohibendi sint*, conductores scil. Vestigalium fisci, a *Præside*, etiamsi ultro se offerant municipalibus muneribus, quod *propius* est defendere.

§. 19. Neque sine ratione dubitat, quid sit statuendum, siquidem *multum negotium*, ait, *meum contraxisti*.

§. 20. *Negotium* sæpe pro eo accipitur, quod sine mandato Domini geritur t. t. ff. & C. de neg. gest. Aliquando *litem* significat l. 7. C. de jur. & fact. ignor. Non raro etiam *Contractum* in genere v. l. 1. ff. de testimat. l. 15. l. 19. ff. de præscr. verb. l. 3. ff. de reb. aut. jud. poss. l. 5. ff. de R. J. Unde & alibi plenius, uti & hoc loco, *negotium contrahere* pro *contrahere* dicitur. l. pen. ff. quod juss. l. 50. ff. de jur. dot. l. 5. §. 1. ff. de O. & A.

§. 21. Verum hæc ratione non obstante, respondet JCtus. Sed *propius est ut obligari te existimem*.

§. 22. Pro *Propius est*, aliqui legunt *potius est*, aliqui *prius est*. V. Lauterb. Disp. ad d. l. 32. c. 2. sed locutio hæc *propius est*, JCtis usitatissima est. v. l. 38. §. 2. ff. de act. emt. l. 31. pr. cod. l. 18. ff. de in rem. vers. l. 124. ff. de legat. 1. l. 29. ff. de usucap. l. 67. circ. fin. ff. de jur. dot. l. 5. §. 11. ff. de jur. inman. l. 125. ff. de V. S. Pro quo alibi *Verius est* v. l. 125. ff. de V. S. l. 27. §. 1. ff. de proc. l. 6. ff. de calumn. l. 2. ff. de fund. dot. nec non *Magis est* v. l. 1. §. 1. ff. si ex vox. caus. l. 31. §. 2. l. 49. ff. de O. & A. l. 27. §. 8. ad L. Jul. de adul. l. 38. l. 72. §. 4. ff. de solut. dicere malunt. Ut adeo nihil mutandum sit.

§. 23. Ut autem modestiam suam in respondendo ostenderet, non tantum *propius est*, ait, sed *propius est, ut obligari te existimem*. Quemadmodum & alii non temere aliquid affirmare vel negare, sed *sibi videri* v. l. 6. ff. de his qui sunt sui vel alien. jur. l. 37. ff. de proc. se putare v. l. 75. ff. de proc. l. 8. ff. de neg. gest. l. 1. §. 3. ff. de calumn. dicere solent. Quod & ipsis Judicibus in sententiis dicendis servatum fuisse ostendit Cujac. L. 3. O. c. 26. v. l. 3. ff. de his qui in test. del. l. 1. §. 5. ff. ad SC. Turp.

§. 24. Quam suam sententiam nunc porro probare instituit, reinven-
do imprimis quod statuere videri poterat. *Non quia pecuniam tibi credidi,*
i. e. mutui dedi. Licet enim verbi *credendi* latissima sit significatio, hic
tamen in strictiori significatione accipiendum, uti ex dictis mani-
festum est.

§. 25. Hoc enim (rationem positionis negativæ addit) *nisi inter con-*
sentientes fieri non potest. Eleganter Ulpianus in l. 1. §. 3. ff. de pact., Adeo
autem conventionis nomen generale est, ut eleganter dicat Pedius, nullum esse
contractum, nullam obligationem, que non habeat in se conventionem. nec non
Javolenus in l. 55. ff. de O. & A. In omnibus rebus que dominum transfe-
runt, concurrat oportet affectus, ex utraque parte contrahentium: nam si ve
ea venditio, si ve donatio, [si ve conductio] si ve qualibet alia causa contra-
hendi fuit, nisi animus utriusque consentit, perducì ad effectum [in] quod
inchoatur non potest. Erratum autem hic in persona, qui error consensum
excludit v. sup. §. 16.

§. 26. Aliam itaque rationem, ex ultima Philosophia, *Æquitate* scil.
reddendam censet. Sed, inquit, *quia pecunia mea [quæ] ad te pervenit,*
eam mihi a te reddi bonum & æquum est.

§. 27. *Meum* proprie est, quod est in dominio meo. l. 27. §. 2. ff. de
aur. arg. §. 14. l. de act. Sed hic *pecunia mea* intelligenda, quæ mihi a
debitore meo debetur.

§. 28. Particula autem *quæ* in Pandectis Florentinis non legitur, (unde
& notis inclusa est) rectius omittitur.

§. 29. Dicitur *ad te pervenit.* ex quo debitorem a quo *Sempronius* pe-
cuniam stipulatus erat, eam solvisse manifestum est.

§. 30. *Eam mihi a te reddi,* i. e. restitui in eodem genere v. l. 94. ff.
de V. S. l. 39. §. 2. ff. de stat. lib. l. 2. §. 1. ff. de reb. cred. bonum &
æquum est.

§. 31. Quæ verba *Bonum & Æquum* in jure nostro frequenter conjun-
guntur v. l. 1. l. pen. ff. de I. & I. l. 65. §. 4. l. 66. ff. de cond. inst. l. 2. §. 8.
ff. de caut. in jud. sit. caus. l. 24. §. 1. ff. de mun. l. 2. l. 3. l. 34. ff. de O.
& A. l. 91. §. 3. ff. de V. O. l. 28. pr. ff. de Ed. Ed. & aliquando quidem
sine copula v. l. 42. ff. de Edil. Ed. Quemadmodum & *Æquius melius*
l. pen. ff. de usuc. Cic. Top. §. 36. *Melius & æquius* l. 66. §. ult. ff. solut.
matr. nec non *Æquius & Melius pro Rosc. com.* §. 11. 12. Antiquis promi-
sive dicta sunt.

§. 32. Nihil autem aliud hoc loco significant, quam *Æquitatem naturalem* seu *Æquitatis rationem*, licet nullum negotium contractum sit, exigere, ut eam pecuniam, quam tu a meo debitore, ad meum Mandatum, accepisti, mihi restituas. Add. *Lauterb. Disp. ad d. l. 32. C. 2.*

CAPUT III.

§. 1.

Ex quibus manifestum est, Negotium hic esse seu *Causæ figuram* quæ ad Contractum vel *Quasi contractum*, Delictum vel *Quasi delictum* referri nequit, ex qua tamen ob *Æquitatis rationem* Obligatio nascitur & Actio.

§. 2. Præcesserunt quidem diversa facta, *Rogatio Sempronii*, Mandatum *Caji*, *Debitoris Caji* Sponsio, & Solutio, *Sempronio* facta. Sed hæc omnia ad introducendam Obligationem inter *Cajum* & *Sempronium*, propter errorem *Sempronii* in persona creditoris, secundum ordinarias Juris regulas, non sufficiunt: Quandoquidem animus, *Cajo* sese obligandi, in *Sempronio* deficit v. l. 3. §. 1. l. 55. ff. de O. & A. l. 1. §. 3. ff. de pact. supr. c. 2. §. 16. adeoque negotium aliquod inter *Cajum* & *Sempronium* contractum esse dici nequit.

§. 3. Quia tamen ad *Caji* mandatum, pecunia *Cajo* debita, ad *Sempronium* pervenit, iniquum esset, si *Sempronius* nulla actione conveniri posset.

§. 4. Non tam propter generalem *Æquitatis* regulam, quæ non patitur, aliquem locupletiores fieri, cum alterius detrimento & injuria l. 206. ff. de R. J. l. 14. ff. de condict. quam propter varias in hac causa intercedentes circumstantias.

§. 5. Accessit enim *Sempronius* ad *Cajum* & *Titium*, mutuum pecuniam rogans, proindeque animo sese obligandi ei qui mutuum dedisset.

§. 6. *Cajus* jussit debitorem suum, *Sempronio*, eam summam, quam mutuum rogabat promittere, non animo donandi, sed credendi & mutuum contrahendi. Quod &, nisi error in persona creditoris intercederet, contractum fuisset. l. 15. ff. de reb. cred.

§. 7. Ad cujus mandatum pecunia, a debitore, *Sempronio* numerata est. Quo ipso debitor ille liberatur, ut *Cajus* contra eum actionem amplius non habeat, uti docet *Marcianus* J.C. in l. 49. ff. de solut. Solutam pecuniam inquit, intelligimus utique naturaliter, si numerata sit creditori. Sed & si jussu ejus alii solvitur, vel creditori ejus, vel futuro debitori, vel etiam ei cui donaturus erat, absolvi debet. itemque Ulp. in l. 8. §. f. ff. de novat. verb.

verb. *Non tamen si quis stipulatur, quod mihi debetur, aufert mihi actionem, nisi & voluntate mea stipuletur.*

§. 8. *Sempronius* tamen, quia putat, eum a quo pecuniam accipit non *Caji*, sed *Titii* debitorem esse, secundum juris rationem, uti saepius dictum, non obligatur.

§. 9. Atque ita contingeret, ut *Cajus* qui actionem contra debitorem suum amplius salvam non habet *d. l. 49. f. d. l. 8. §. f. l. 20. l. 22. ff. de nov.* neque ullam contra *Sempronium* acquirit, sine ulla sua culpa, nisi alio remedio ei subveniatur, in damno constitueretur.

§. 10. Quod ratio *Aequitatis* minime patitur. Et ergo omnibus hisce circumstantiis probe consideratis rectissime statuit *Celsus* æquum & bonum esse, ipsiusque *Semprontii* voluntati conveniens, ut ad restituendam pecuniam, quam a debitore *Caji* accepit, *Cajo* obligatus sit.

CAPUT IV.

§. I.

Sed quo Remedio, quæve Actione *Sempronius* conveniendus sit, *Celsus* non monuit, Unde disputatur inter Interpretes, quodnam Remedium ex *d. l. 32.* locum habeat.

§. 2. Et quidem Actionem in rem locum habere non posse ex ipsa lege manifestum est. De Obligatione enim quaeritur, non de Dominio aliæve specie Juris in re.

§. 3. Unde mirari etiam eos liceat, qui Remedium hujus *l. 32.* inter remedia possessoria, & quidem Recuperanda possessionis, referendum statuunt. Vid. tamen *Menoch. de recup. poss. remed. 4.*

§. 4. Similiter conditionem certi seu Actionem ex mutuo, locum non habere ipse *Celsus* docet, invincibili argumento, quod nullum negotium contractum sit.

§. 5. Sunt itaque aliqui qui Quasi Contractum hic statuunt, adeoque Actionem quasi ex contractu dandam censent. Sed si quasi contractum hic constituere liceat, non habuisset sane rationem *Celsus*, ob quam simpliciter diceret nullum negotium contractum esse, quod non tantum ad verum sed & quasi contractum pertinet. arg. *l. 33. ff. de condict. indeb.*

§. 6. Alii itaque Conditionem indebiti competere censent, v. *Bur. ad d. l. 32.* Sed neque hæc sententia admitti potest, quia ea quæ in Quasi contractu Solutionis indebiti requiruntur, hic non inveniuntur.

§. 7. Nonnulli *Condictio* sine causa locum faciunt. Sed pecunia a debitore *Casi* ad mandatum ejus numerata, non omnino sine causa est apud *Sempronium*, v. *Alciat. ad d. l. 32. n. 6.* Estque Remedium hujus *l. extraordinarium*, quale non est *Condictio sine causa*, V. *Alciat. ad d. l. 32.*

§. 8. Quidam *Conditionem certi generalem*, quæ locum habeat, quandoque alter cum alterius jactura locupletatur, ex *d. l. 32.* inducunt. Verum enim vero uti omnis actio personalis qua certum petitur *condictio* certi dici potest *l. 9. ff. de reb. cred.* ita *Condictio certi* quæ quidem ab aliis separata sit, hic concipi nequit. Neque ulla ratio est, quare hæc Actio magis *Condictio certi*, quam *Conditio ex Lege* quæ ex donatione oritur, dicenda sit. Accedit quod non possit hæc *lex* ad omnes casus similes indistincte extendi, uti mox demonstrabimus.

§. 9. Multi *Actionem in factum* instituendam volunt. Quod similiter admitti potest, quatenus hæc Actio certo & speciali nomine demonstrari nequit, sed in factum & secundum id quod actum est, concipienda est; In quantum vero *Actio in factum* in specie dicitur quæ a Prætoribus est introducta, de qua *l. 11. ff. de præscr. verb.* quæ a nonnullis in eum finem allegari solet, eam hic locum habere non posse, ex circumstantiis quæ hic intercedunt, satis apparet.

§. 10. Superest ergo ut dicamus, *Actionem* in casu *d. l. 32.* competentem esse specialem, quæ hujusmodi facto & causæ, qualis in hac lege comprehenditur, convenit. Nec quicquam obstat quo minus eam *Actionem* dicamus *Conditionem ex Lege*, arg. *l. un. ff. de cond. ex Lege.* Add. *Lauterb. Disp. ad d. l. 32. p. 2. Habn. ad Wesf. de condict. ex Leg. n. 3. Stryck. de act. sect. 1. Memb. 2. §. 51.*

CAPUT V.

§. 1.

Licet autem in casu *d. l. 32.* contra *Sempronium*, ob *Æquitatem*, *Actio* concedatur, non tamen ideo hæc *l. 32.* propter *Æquitatis* colorem, ad quoscunque casus similes extendenda est.

§. 2. A similibus sane ad similia procedendum exteræque quæ ad eandem tendunt utilitatem interpretatione supplenda esse, docent *Julianus & Ulpianus* JCTi, in *l. 12. & l. 13. ff. d. LL.*

§. 3. Sed prudenter tamen in eo versandum est. Quemadmodum & ipsi Legislatores & JCTi ostendunt, dum non indistincte, præter ordinarios fontes, *Obligationes ex Variis causarum figuris*, sed circumstantiis & æqui bonique

bonique rationibus probe examinatis, in specie *d. l. 32.* aliisque, de quibus deinde videbimus, constituent.

§. 4. Et quantum quidem ad casum *d. l. 32.* attinet, plures circumstantias concurrere, quæ Obligationem & Actionem desiderant, *Cap. III.* demonstratum est.

§. 5. Quandocunque itaque Contractus quem duo celebrare voluerunt, ob errorem in persona impeditur, & ille cui alter ad contractum illum perficiendum vel implendum rem dedit, seu dari curavit, ad eandem repetendum, ob alterius errorem, & citra suam culpam, actionem non habet, atque ita innocens in damno versatur, æquum & bonum est, ut accipiens alteri obligatus sit.

§. 7. Unde si *Titius a Cajo* quem *Sempronium* esse putavit, servum emit, & fide de pretio habita, traditum accepit, eundemque manumisit, *Titius* licet ob errorem personæ *Cajo* ex imto non sit obligatus, attamen ut ipse pretium servi *Cajo* præstet, & ad hoc obligetur, secundum *d. l. 32.* dispositionem, similiter bonum & æquum est, vid. *l. 65. §. 8. ff. de condict. indeb. Lauterb. disp. ad d. l. 32. p. 1. C. IV. tb. 3.*

§. 7. Si vero dictæ circumstantiæ in similibus casibus non intercedant, *d. l. 32.* dispositio ad eos minime extendenda est.

§. 8. Hinc errat hand dabit *Alciat.* ad *d. l. 32. n. 15.* aliique, qui *Legi nostra* locum etiam faciunt, quando debitor alicujus jubentis, stipulanti tantum promisit, non etiam solvit. Quibus *Celsus* aperte contrarius est, in verb. *Quia pecunia mea [qua] ad te pervenit.*

§. 10. Hinc etiam non placet sententia statuentium, bonæ fidei possessorem, de fructibus consumptis, teneri, in quantum factus est locupletior; Adeoque ex Æquitate *d. l. 32.* Remedium ejusdem & Actionem contra b. f. possessorem concedendum esse. Sive simpliciter illud tradant, sive inter fructus naturales & industriales, vel titulum lucrativum & onerosum distinguant, V. *Alciat.* ad *d. l. 32. n. 10. Vassq. p. 2. l. 3. c. 70. n. 4. & seqq.*

§. 11. Bonæ fidei possessor enim fructus perceptos, Lege permittente, suos facit *l. 48. ff. de A. R. D. §. 35. I. de R. D. l. 25. §. 1. ff. de usur. l. 136. ff. de R. J.* suosque consumit.

§. 12. Ut Dominum, de fructibus consumptis, agere non posse *d. §. 35.* neque Judicem eorum rationem habere debere. *§. 2. l. de off. jud. Quin &* tantum b. f. possessori consumptionem tribuere, quantum usucapionem, *l. 4. §. 19. ff. de usuc.* eumque fructus consumptos lucrari *l. 4. §. 2. ff. fin. reg.* aperte sit traditum. Quod utique falsum esset, si in quantum locupletior factus est, conveniri posset.

§. 13. Acedit, quod & culpa imputari possit Domino, quod in rem suam diligentius non inquisiverit; neque eo animo fuerit vel Dominus vel Bonæ fidei possessor, ut alter alteri esset obligatus.

§. 14. Ut adeo hic casus, a casu *legis nostræ* 32. toto cælo diversus sit. Vid. *Struv. Exerc. I. l. IX. th. 23. Lauterb. d. Disp. ad d. l. 32. p. 2. C. m. th. 19. Struyck. de Act. Sect. 1. Memb. 2. §. 49.*

§. 15. Idem dicendum, de eo qui bona fide in alieno fundo ædificavit, & priusquam fuit in ædificationem factos deduxerit, possessionem ejus Domino tradidit.

§. 16. Aliud quidem placuit *P. Castr. & P. Bus. ad l. 33. ff. de condict. indeb.* Sed non uno loco Exceptio tantum b. f. possessori conceditur, non possidenti omnis actio negatur.

§. 17. Sic *Papinianus* in *l. 38. ff. de R. V. Sumtus in pradium, quod alienum esse apparuit, a bonæ fidei possessore facti, neque ab eo qui pradium donavit, neque a domino peti possunt. Verum exceptione doli posita, per officium judicis æquitatis ratione servantur.* Item *Julianus* in *l. 33. ff. de condict. indeb.* Si in area tua ædificassem & tu ades possideres condictio locum non habebit; quia nullum negotium inter nos contraheretur, Nam is qui non debitam pecuniam solverit, hoc ipso aliquid negotii gerit; cum autem ædificium in area sua ab alio positum dominus occupat nullum negotium contrahit. Sed & si is qui in aliena area ædificasset, condictionem non habebit, quia nihil accipientis faceret, sed suam rem dominus habere incipiat. Et ideo constat, si quis cum existimaret se heredem esse, insulam hereditariam fulsisset, nullo alio modo quam per retentionem impensas servare posse. nec non *Paulus* in *l. 14. ff. de dol. mal. & met. exc.* *Paulus* respondit cum qui in alieno solo ædificium extruxerit, non alios sumtus consequi posse, quam possideant, & ab eo dominus soli rem vindicet, scilicet opposita doli mali exceptione, add. §. 30. *I. de R. D. l. 51. ff. de condict. indeb.*

§. 18. Quamobrem cum exceptio tantum detur possidenti, nobis non licet contra manifestam juris rationem, & apertos textus, aliud remedium excogitare, quo subveniatur non possidenti, data scil. ei, solius æquitatis obtentu, Actione, qua impensas consequatur. v. *l. 1. C. de leg.*

§. 19. Habet enim Ædicator quod sibi imputet, cur remedio Exceptionis quod Legibus nostris, quas ei ignorare non licet *l. 12. C. de tur. & fact. ign.* ei concessum est, cum adhuc in possessione esset, non sit usus.

§. 20. Illud etiam quaesitum est, An bonæ fidei Emtor, qui rem furtivam emit, eandemque b. f. sed majori pretio, alteri vendidit, condictione

ex

ex *l. nostra 32.* in id, quod pretium, quo ipse rem emeret, excedit, a domino conveniri possit?

§. 21. Quod DD. similiter affirmant; itaque non semel judicatum testantur *Struv. Exerc. J. C. ii. th. 13. Carpz. pr. Crim. p. 2. Q. 87. n. 71. add. Stryck de Act. Sect. 1. Memb. 2. §. 48.*

§. 22. Sed si circumstantias utriusque casus inspiciamus, etiam hunc casum ab eo, de quo in *d. l. 32.* agitur, longe diversum esse, non difficulter intelligetur.

§. 23. Nihil enim omnino hic inter dominum rei furtivæ, & b. f. emtorem primum, actum est, ut factio domini rem furtivam ad b. f. emtorem pervenisse dici nequeat; Neque in hoc, neque in illo, animus fuit obligationem contrahendi. Tum & *Remedium d. l. 32.* tum demum conceditur, cum res nostra vel nobis debita ad alium pervenit, quod de hoc augmento pretii dici nequit; & eo tantum casu locum habet, quo nulla actione alteri prospectum est, quod similiter hic secus est; Quandoquidem dominus *Res vindicatione* contra quemcunque possessorem, ipsiunque secundum emtorem, nec non *condictione furtiva* contra furem, ejusque heredes, agere potest. Uti pluribus ostendit *Lauterb. d. Diss. ad l. ii. 32. p. 2. C. un. ib. 20.*

§. 24. Male etiam haud pauci condictionem ex *Lege nostra 32.* concedunt Creditori, qui patri pecuniam mutuam dedit, contra liberos propria habentes bona, si pater non sit solvendo, & pecunia in alimenta liberorum impensa sit. *Surd. de Alim. 48. privil. 48. n. 5. & seqq.*

§. 25. Filiius enim neque vivo patre, ex causa debiti paterni, conveniri potest; uti aperte, non ignorantes, liberos a parente ali. debere *l. 5. pr. §. 10. ff. de agn. & al. lib. rescripserunt Dioclet. & Maxim. Imp. in l. 4. C. ne fil. pro pat. Patris nomine dicunt, supersitis filium, nec munus Civilium, nec debiti causa, personali posse conveniri actione constat; neque mortuo, nisi heres sit. V. Perez. ad t. C. ne fil. pro pat. n. 1. 2. Decius ad l. 23. ff. de reb. cred.*

§. 26. Sed omnes casus qui quidem huc referri solent, examinare non est animus, tum quia ex dictis non difficulter de iis judicari potest, tum quia rem nostram ad alium pervenisse, ad obligationem introducendam, non semper sufficere ex *l. 8. C. de pos. l. 13. C. de Obl. &*

Act. l. 7. l. 15. C. si cert. pet. manifestum est.

DISSERTATIO JURIDICA QUARTA

DE CAUSIS OBLIGATIONUM.

C A P. I.

§. I.

Superiori Dissertatione, planissime, nisi fallor, ostensum est, in Lege 32, ff. de reb. cred. negotium esse seu *Causa figuram*, quæ ad *Contractus* vel *Quasi-Contractus*, *Maleficia* vel *Quasi-Maleficia* referri nequit, adeoque ob solam æquitatis rationem obligationem ex ea nasci & actionem.

§. 2. Cumque Actio ibidem concessa nomine careat, neque alia quam *Condictio ex Lege* esse possit, uti vidimus d. *Dissert. 3. cap. 4.* ratio ordinis exigere videtur, ut de *Condictioibus ex Lege*, (quas omnes ex *Variis Causarum figuris* cum *Habn.* ad *Wesf. ad t. ff. de condict. ex Leg. n. 5. in f. Bockelm. Tr. de Act. Cap. 3. part. 9. §. 15.* nasci censuimus) porro videamus.

§. 3. Est autem *Condictio ex Lege*, Actio personalis, Civilis, stricti juris, competens ad id, quod debetur ex obligatione, quam Lex nova introduxit, sed de genere actionis, quo experiundum, nihil cavit. l. un. ff. de condict. ex Leg.

§. 4. Ut itaque *Condictio ex Lege* locum habeat, necesse est l. Ut Obligatio quædam nova Lege introducta sit. d. l. un. seu ut factum aliquod nova Lege ita probatum sit, ut ex eo obligatio oriatur & actio.

§. 5. II. Debet Obligatio hæc introducta esse Lege. d. l. un.

§. 6. Legis vocabulum *παλύνημον* est. Vel enim Lex latissime pro omni Jure ponitur quo utimur in Rep. ut & ipsum Jus non scriptum comprehendat v. l. 6, ff. de J. & J. Cic. 2. de Leg. Vel late pro omni Jure Scripto l. i. l. 32. pr. ff. LL. l. i. §. 1. ff. de offic. ejus cui mandat. est jurisd. ut & Jus Honorarium complectatur. l. i. §. 2. ff. unde cogn. Paul. rec. sent.

l. 3. t. 3.

l. 3. t. 3. Vel *strictē*, pro ea *Juris scripti specie quam Populus Romanus Senatorio Magistratu rogante constituebat.* §. 4. *J. de jur. Nat. G. & C.* Vel denique *strictissime* pro *Lege XII. Tab.* l. 7. §. 14. ff. de pact. l. 13. in fin. de S. P. R. junct. l. 8. ff. cod. l. 18. ff. qui testam. fac. poss. l. 5. in f. ff. de acq. her. junct. l. 1. ff. de curat. furior. l. 6. §. 1. ff. de re jud.

§. 7. Sed istæ significationes non sunt hujus loci. *Lex enim in d. l. un. (ut & in l. 6. ff. de pact.) sensu quidem latiori, a superioribus tamen diverso, pro Jure scil. Civili, quatenus Prætorio opponitur; v. l. 7. pr. & §. 1. ff. de J. & J. accipi videtur.* Nam si *Jure Prætorio obligatio introducta sit, non Conductio ex Lege, sed Actio in factum locum habet.* l. 11. ff. de Præscript. verb. Quæ *Legis* significatio multis negligitur.

§. 8. III. Debet obligatio introducta esse *Lex nova d. l. un.*

§. 9. *Novum* (quod in jure nostro etiam varie accipitur) ut plurimum ei quod antiquum est opponitur. v. l. 4. ff. de reb. cred. l. 11. ff. de trit. vin. ol. l. 1. §. 11. 13. ff. de nov. op. nunc. Et quidem in specie *Nove Leges & Jus novum* aliquando id dicitur, quod post LL. XII. Tabb. introductum est l. 7. ff. de cap. min. l. 1. 2. 3. ff. de hered. pes.

§. 10. Eodemque sensu *Lex nova* hoc loco intelligenda est. 'Ex LL. XII. Tabb. enim actiones & formulæ solennes jam olim erant compositæ, l. 2. §. 6. ff. de Or. Jur. Bach. Tr. de Act. Disp. 4. tb. 14. Struv. exerc. J. C. 18. tb. 57. Lauterb. Coll. ad t. ff. de cond. ex Leg. tb. 5. Bockelm. ad. d. t. §. 3.'

§. 11. IV. Requiritur, ut obligatio nova *Lege* ita introducta sit, ut de genere actionis, quo experiendum, nihil cautum sit. d. l. un.

§. 12. Quod tamen non tam de ipso nomine actionis omisso, quam de non expressa natura & forma rei accipiendum est; uti cap. ult. monebimus.

§. 13. Sive autem verba *Legis*, qua obligatio introducit, ad partem dirigantur, sive ad Magistratum seu Judicem, nihil interest, l. 1. C. de cond. ex Leg. Hahn, ad Wesf. ad d. t. de cond. ex Leg. n. 3. Lauterb. d. l. tb. 3.

§. 14. Sed exemplis res fiet clarior. Usus enim harum *CondiCTIONUM* late patet. Adeo ut, si *Jure Canonico, novis Principum Constitutionibus, Statutis, vel Consuetudine*, obligatio quædam introducta vel confirmata sit, ad exemplum *CondiCTIONIS ex Lege, CondiCTIONIS ex Canone, Constitutionibus Principum, Statutis, vel Moribus seu Consuetudine*, concedenda sit. Huber. præl. ad d. t. de condiCTION. ex leg. n. 3. 4. Bockelm. ad d. t. §. 3. Hahn. ad Wesf. d. t. n. 5. Struv. d. Exerc. 15. tb. 58. Lauterb. ad. d. t. tb. 9.

CAPUT II.

§. I.

Et Jure quidem nostro, prius sibi locum vindicare posse videntur *Conditiones* quæ nascuntur ex *Pactis legitimis*.

§. 2. Est autem *Pactum Legitimum* seu *Conventio Legitima*, *conventio nuda, quæ Lege aliqua speciali, ad inducendam vel tollendam obligationem, confirmata est*, l. 6. ff. de pact.

§. 3. *Pacta Legitima*, *nuda esse*, apparet ex l. 30. ff. de usur. ubi pactum, ex quo, usuræ pecuniarum creditarum debentur civitatibus, aperte nudum dicitur. Quod tamen *Legitimum* esse, negari nequit, statimque pluribus dicitur. Ut adeo errent DD. qui *Pacta Legitima*, nudis opponenda statuerunt.

§. 4. Cum itaque ex *nudo pacto* jure nostro actio neque detur, neque ipso jure tollatur l. 7. §. 5. ff. l. 10. C. de pact. l. 27. §. 2. ff. de pact. v. *Discret.* de *Caus. oblig.* l. cap. 4. §. 24. 25. multa tamen essent negotia, quæ, ob singularem æquitatis rationem, exigere videbantur, ut in iis ex quavis conventionione actio daretur vel tolleretur, speciali confirmatione, ad producendum hunc effectum, opus fuit.

§. 5. In quo *Pacta Legitima a Contractibus* maxime differunt, quippe qui Jure quidem civili probati, & in genere recepti §. 1. J. de Obl. nulla tamen speciali Lege confirmati sunt. *Bach.* ad τὰ πρῶτ. ad t. de pact. Cap. de Pact. Legit. n. 1. 2. *Vin.* de Pact. Cap. 4. §. 1.

§. 6. Cum vero in d. l. 6. ff. de pact. *Pacta Legitima* speciali Lege confirmari dicantur, quæri iterum hic solet, quomodo verbum *Legis* in d. l. 6. accipiendum sit.

§. 7. Plerique *Legem* in d. l. 6. in lata significatione, ut & Jus Prætorium comprehendat, accipiendum statuunt. *Bockelm.* de Act. c. 3. p. 9. §. 1. *Lauterb.* Coll. ad t. de pact. th. 31. *Struv.* Exerc. J. C. 6. th. 19. *Vin.* de pact. c. 4. n. 7.

§. 8. Sed verius videtur, per *Legem* ibi intelligi Jus Civile, quatenus Juri Honorario opponitur. Ut monere cœpimus. Cap. 1. §. 6.

§. 9. Confirmantur sane etiam pacta quædam Jure Prætorio, veluti *Pactum Hypothecæ* l. 17. §. 2. ff. de pact. & *Constitutum* l. 1. ff. de pec. constit. Quin & *Edictum Prætoris Legis* non tantum vim & effectum habet, sed & sub nomine *Legis* aliquando venit l. 1. §. 2. ff. un. cognat. *Paul.* L. 3. sent. T. 3. C. de Ver. Pacta tamen illa *Legitima* proprie dici nequeunt, neque *Paulus* JC. in d. l. 6. de pact. sub *Pactis Legitimis* intellexisse videtur.

tur. Tum quia *Paulus* in *d. l. 6.* vocem *Legis* ad *SCta* quidem, non vero ad *Edictum* *Prætoris* extendit. Tum quod idem *Paulus* exemplum *Pacti*, quod *Prætor* confirmavit, in *l. 17. §. 2. ff. de pact.* proponens notanter ait, *de pignore Jure Honorario nascitur pacto actio.* Tum denique, quod ea quæ ex *Jure Prætorio* originem trahunt, in *Jure nostro* ab iis quæ sunt ex *Legibus civilibus*, fere separari soleant. Add. *Bach. ad Tr. V. 1. D. VI. th. 2. lit. D. ad τὰ πρῶτα. ad t. d. pact. cap. de pact. Legit. n. 6.*

§. 10. Sunt autem *Pacta Legitima* uti ex ipsa descriptione apparet alia *Obligatoria*, alia *Liberatoria*.

§. 11. Sed *Liberatoria*, de quibus vid. *l. 17. §. 1. l. 27. §. 2. 4. ff. de pact. l. 7. §. 14. in f. cod. l. 11. §. 1. l. 17. §. 6. ff. de injur.* non sunt hujus loci.

§. 12. *Obligatoria*, ex quibus scil. *Actio* nascitur, in *Legibus nostris* occurrunt varia.

§. 13. Et *l.* quidem speciali quadam *Lege* confirmatum est *Pactum, de usuris creditarum pecuniarum Civitatibus solvendis, l. 30. ff. de usur.*

§. 14. Quod summa æquitatis, & utilitatis publicæ ratione placuit. Ne scil. *Civitates*, dum per *Administratores* pecuniam credunt, ex negligentia eorum & inperitia, damnum sentiant, quod *usuras pacti tantum*, non etiam stipulati essent.

§. 15. II. *Pactum, quo promissum fœnus nauticum.* De quo *Paulus* *JC.* in *l. 7. ff. de naut. fœn.* In quibusdam contractibus etiam *usura* debentur, quemadmodum per stipulationem. Nam si de cetero decem trajecititia, ut salva navi sortem cum certis usuris recipiam, dicendum est, posse me sortem cum usuris recipere, add. *l. 5. §. 1. ff. cod.*

§. 16. Ratio posita est in sortis periculo, quod creditor in sese suscipit; propter quam & centesimæ usuræ in pecunia trajecititia admixtæ sunt. v. *l. 3. 4. 5. ff. de naut. fœn. l. 1. 2. C. cod.*

§. 17. Licet autem incertum sit, quarum *Legum* auctoritate dicta *Pacta* confirmata sint, sufficit tamen ex *dd. II.* constare, contra juris rationem utrumque constitutum esse jure singulari, adeoque speciali aliqua *Lege* vel constitutione illa probata esse. Regulariter enim & jure communi usuræ fœnebris pecuniæ, citra vinculum stipulationis, non debentur. *l. 24. ff. d. præscr. verb. l. 5. §. 2. ff. de solut. l. 3. C. de usur. Vin. de pact. cap. 4. n. 2.*

§. 18. Errant itaque qui hæc *Pacta* non ad *Legitima*, sed *Adjecta* referunt. *Pacti* enim non tantum in genere in *l. 30. ff. de usur.* fit mentio, sed & usuræ in stricti juris contractibus ex pacto in continenti adjecto non debentur.

debeantur *l. 3. C. de usur. l. 6. in fin. C. si cert. pet. l. 11. §. 1. ff. de reb. cred.* Quia pacta adjecta contractibus stricti juris non insunt, neque pars eorum fieri possunt. *l. 7. §. 5. ff. de pact. add. Bockelm. de Act. cap. 3. p. 9. §. 13. in fin. Bach. ad τὰ πρῶτ. τ. de pact. C. de pact. Legit. n. 9.*

§. 19. Falluntur etiam qui putant tempore Pauli JCI, Pacta Legitima, quæ quidem actionem producerent, nulla adhuc fuisse. Contrarium enim tum ex *d. l. 30. ff. de usur. l. 7. ff. de naut. fæn. tum ex l. 12. C. de usur.* manifestum est. ubi Imp. Alexander, cui Paulus JC. a Consiliis fuit, accessionem frumenti vel hordei mutuo dati, præstari jubet; uti statim pluribus videbimus. Et quomodo quæso Paulus in *d. l. 6. Pactorum Legitimorum, ex quibus actio nascitur*, potuit facere mentionem, si nulla talia eo tempore fuissent cognita? Imo probata talia pacta, jam dudum ante Pauli tempora, fuisse, docet *l. 5. §. 1. ff. de naut. fæn. quæ ex Scævole lib. 6. Respons. excerpta est.* Floruit enim Scævola JCtus maxime sub M. Antonino Philosopho v. *Capitolin. in Anton. Philos. c. 11. Bertrand. de Jurisperit. p. m. 104. & seqq. G. Gros. de vit. JCtor. l. 11. c. 8. p. 160. Paulus JC. autem sub Alexandro Severo, ut docet Lamprid. in Vit. Alexand. c. 26. Bertrand. d. tr. p. m. 143. Gros. d. tr. l. 2. c. 10. p. 181.*

§. 20. Constitutionibus Principum confirmata sunt, & quidem 1. Alexandri, Pactum quo promissa sunt usuræ frumenti mutuo dati. *Frumenti vel hordei mutuo dati* (ait Imp.) *accessio ex nudo pacto præstanda est. l. 12. C. de usur.*

§. 21. Quod quidam ideo placuisse volunt, quia eorum, quæ in quantitate consistunt, usus, ad vitam tolerandam & conservandam, magis sit necessarius, quam pecuniæ numeratæ: & proinde invitandi fuerint creditores, ut hæc species eo facilius crederent.

§. 22. Alii, quia ejusmodi mutuum ut plurimum contrahant agricolæ, quibus, æquum non fuerit, propriam simplicitatem fraudi esse, si pacti usuras, non etiam stipulati essent. *Chassan. in Comm. ad Rescript. Alex. Sev. ad d. l. 12. C. de usur.*

§. 23. Sed magis placet eorum sententia, qui hoc ideo constitutum volunt, quia pecuniæ numeratæ publica & perpetua est æstimatio *l. 4. ff. de cont. emt. l. 3. ff. de in lit. jur. l. 3. ff. de eo quod cert. loc.* Rerum autem fungibilium, ut frumenti, hordei, tritici, vini olei &c. incertum est pretium, propter temporum locorumque varietatem. *l. 63. §. fin. ff. ad L. Falcid. d. l. 3. ff. de eo quod cert. loc. §. 33. v. Quæ utilitas. J. de act. Eleganter Plin. lib. 33. c. 13. Pretia rerum quæ usquam posuimus non ignoramus, alla in aliis locis*

locis esse & omnibus pene annis mutari, pro ut navigationes constiterint, aut uti quisque mercatus sit, aut aliquis prevalens manceps annumam flagellet.

§. 24. Quod & confirmatur per Rescriptum Philippi in l. 23. C. de usur. ex quo apparet, propter incerti pretii rationem graviores etiam usuras hic admittas esse. Aperte Græci, ἐπὶ καρπῶν δανειζομένων ἐξέσι καὶ πλείονα τόκον ἐπερωτᾶν, διὰ τὸ ἀδελφον τῶν καρπῶν. Harmenop. l. 3. T. 7. §. 24.

§. 25. II. Constitutione Theodosii & Valentiniiani, Pactum, quo dos marito promittitur. De quo Inpp. in l. 6. C. de dot. promiss. Ad exactionem dotis, quam semel prestari placuit, qualiacunque sufficere verba censuimus, sive scripta fuerint, sive non, etiamsi stipulatio, in pollicitatione verum dotarium, minime fuerit subsequuta.

§. 26. Cujus juris rationem in favore matrimonii consistere, nemo non intelligit. arg. l. 1. ff. solut. matr.

§. 27. Communis quidem l. 5. c. 3. nec non Donellus ad l. 10. C. de dot. promiss. Pactum de dote prestanda contractui innominato Facio ut des adscribendum statuunt. Sed sine fundamento. Nullum enim hic subest συνάλλαγμα, seu causa civilis obligandi, quæ contractui innominato locum faciat. Uti pluribus ostendit Bachov. ad τὰ πρῶτ. ad t. de pact. cap. de Pact. Legit. n. 5. Vin. de Pact. cap. 4. n. 4.

§. 28. Male tamen idem Bachov. nec non Vin. dd. ll. istud. per l. un. C. de rei uxor. act. mutatum censent; dum volunt d. l. un. actionem ex stipulatu dari marito pro exigenda dote, licet nulla stipulatio intercesserit, adeoque dicte l. 6. C. de dot. promiss. post d. l. un. nullam amplius utilitatem esse.

§. 29. Imperator enim in d. l. un. de mutatione antiquæ Actionis rei uxoriae sollicitus est, ejusque loco Actionem ex stipulatu, licet nulla stipulatio intercesserit, uxori, contra maritum concedit, ad dotem repetendam, non vero etiam marito, contra uxorem aliosve promittentes, ad dotem promissam exigendam. Neque in contrarium ine movet d. l. un. §. 1. v. Nihil enim prohibet, & si sine Scriptis dos vel detur, vel promittatur, vel suscipiatur, simili modo intelligi factam stipulationem, & hypothecam ex utraque parte, quasi fuerit Scripta. Verba enunista non sunt captanda v. l. pen. ff. ad exhib. sed de hypotheca tacita ex utraque parte accipienda; de qua patulo ante dixerat, ita & in hujusmodi actione damus ex utroque latere hypothecam, sive ex parte mariti pro repetitione dotis, sive ex parte mulieris pro ipsa dote prestanda.

standa. Ad quæ, sequentia illa referenda & restringenda sunt, v. *Wiff. ad d. l. 6. C. de dot. promiss. Stryck. de investigand. act. sect. 1. memb. 3. §. 32.*

§. 30. Quæ si accuratius considerasset *Vinn. d. l. verba d. l. un. expresse repugnare, forte non dixisset.*

§. 31. III. Constitutione Imp. *Justiniani, Pactum donationis, in præsens conceptum. l. 35. §. ult. C. de don. Nov. 162. c. 1. §. 1.*

§. 32. Cujus rationem ipse reddit Imp. dum inquit, *cum in arbitrio cujuscunque sit, facere quod instituit, oportet eum vel minime ad hoc proficere, vel si ad hoc venire properaverit, non quibusdam excogitatis artibus suum propositum defraudare, tantamque indevolutionem, quibusdam quasi legitimis velamentis, protogere. d. l. 35. §. ult.*

§. 33. Quod si pactum donationis in futurum conceptum sit, veluti si quis dixerit *donabo tibi centum aureos*, manebit jus vetus, neque ex nuda hac pollicitatione promittens ex *d. l. 35*, magis obligatur, quam ante. arg. *l. 32. §. 6. C. de appell. l. 27. C. de testam. Vin. de pact. c. 4. n. 5.*

§. 34. IV. Constitutione ejusdem Imp. *Justiniani, Pactum, quo usura Argentariis nudo pacto promissa sunt. Nov. 136. c. 4.*

§. 35. Quod propter communem utilitatem, quam in contractibus exhibent *ἀγοραπωλεῖται* receptum est; *d. Nov. 136. c. 2. in f. c. 4. in f.* propter quam, & besles usuræ ipsis præstandæ sunt, *d. c. 4.* Eleganter de iis Imp. *Qui omnibus propemodum indigentibus opem ferre parati sunt, hos utique per hujusmodi mimutias (quod scil. usuras stipulati non sunt) injuriam perpeti, justum non fuerit. d. c. 4. in fin.*

CAPUT III.

§. 1.

Et hæc fere *Pacta* sunt, quæ de Jure nostro, *Legitima* dici posse videntur.

§. 2. Referri quidem huc etiam solet 1. *Pactum Compromissorium*, ex quo in *l. 5. C. de rec. arb. Actionem in factum* dari, quidam statuunt.

§. 3. Sed Actionem ibi ex pacto non dari, ex eo manifestum est, quod ea *Pacta* dicantur *Legitima*, ex quibus actio datur, ad id, quod pacto comprehensum est. Actio autem in factum quæ in *d. l. 5.* conceditur, non tendit ad id, ut pars partem cogat ad arbitrium venire, vel arbitrer receptum arbitrium expediat; Sed datur ob sententiam ab arbitro prolatam, & quidem

dem non simpliciter, sed tum demum, si sententia subscriptione partium vel decendii silentio fuerit probata, v. *Bach. ad τὸ πρῶτ. l. de pact. cap. de Pact. Legit. n. 8. Bockelm. de Act. cap. 3. p. 9. §. 11.*

§. 4. Neque movet, quod novissime ait *Celscherr. D. Stryck. de invect. Act. Sect. 1. Memb. 3. §. 36.* Exceptionem quæ in *d. l. 5. C. de rec. arb.* Reo conceditur, vocari ex pacto, non ex iudicato, adeoque se non videre, quare non & Actio ex illo pacto, cui lex iudicati effectum tribuit, nata dici possit. Ipse enim Imp. in *d. l. 5.* satis aperte significat, non solum pactum, sed vel maxime sententiam a partibus probatam considerari; neque *exceptionem ex pacto* vocat, sed *exceptionem veluti pacti generari* ait; Quæ verba similitudinem tantum quandam denotant.

§. 5. Similiter II. *Pactis Legitimis* a multis accensetur *Pactum Suffragii.* De quo Imp. *Theod. Arcad. Honor in l. un. C. de suffrag.* Si qui desideria sua explicare cupientes, ferri sibi a quoquam suffragium postulaverint, & ob referendam vicem se sponsione adstrinxerint, promissa restituant, cum ea quæ optaverint consequantur, & artibus moras nectant, ad solutionem debiti coarctandi sunt. &c.

§. 6. Quo loco non agitur de salario Advocatorum, (uti male *Accursus*) sed Actio contra eos conceditur, qui Aulicis pro suffragio seu concilianda gratia Principis aliquid promiserunt, eoque præstito, promissis stare reculant, *Aleiat. l. 2. Paradox. c. 14. Cujac. ad. l. un. Giph. ad d. l. un.*

§. 7. Sed non est ibi *nuda Conventio*, uti *Diss.* volunt. Vel enim verbum *sponsionis de stipulatione* accipiendum est; quemadmodum *spondere & sponsio, stipulari & stipulationem* fere significant, *l. 40. ff. de reb. cred. l. 2. ff. de sponsol. l. 7. ff. de V. S. l. 19. §. 2. ff. de Ed. Edict. Aleiat. l. 2. Paradox. c. 14. Cujac. ad. d. l. un. Giph. ad d. l. un. Perez. ad C. d. t. n. 2. Bockelm. de Act. c. 3. p. 9. §. 12.* Vel (quod magis placet) dicendum contractum ibi esse *inominatum Facio ut des*, ex eoque competere *Actionem præscriptis verbis.* v. *l. 5. §. 1. l. 15. ff. de præscript. verb. Donell. ad d. l. un. C. de suffrag. n. 9. 10.*

§. 8. Imo non desunt, qui ipsos Contractus *Pactis Legitimis* accensendos statuunt.

§. 9. Quorum sententia, nullo colore, quantum quidem ad contractus qui *Juris Genium*, dici solent attinet (nisi τὸ *Legitimum* latiori sensu accipiatur) defendi potest. 1. Quia illa conventio, quæ habet nomen vel causam, non dicitur *Pactum* in specie, sed *Contractus* *l. 7. §. 2. 3. ff. de pact.* 2. Quia *Contractus* habent certum nomen vel causam, *Pacta Legitima* solum Legis assensum, *l. 6. junct. l. 7. §. 1. 2. ff. de pact.* 3. Quia τὸ *Legitimum*

gitimum in *d. l. 6.* tantum dicitur de *Pacto* in specie dicto, nusquam vero de *Contractu*, cui perpetuo opponitur, *Habu. ad Wesenb. ad t. ff. de pact. n. 4. Bach. ad τὰ πρῶτ. ad t. de pact. cap. de Pact. Legit. n. 2.*

§. 10. Quantum vero ad *Contractus civiles Stipulationem* scil. & *Literarum obligationem* attinet, plus difficultatis fuisse videri posset. Nam cum sint conventiones *l. i. §. 2. ff. de pact.* nec tamen conventiones *Juris Gentium*, necesse est aut manca sit divisio *JCTi* in *l. 5. ff. de pact.* aut cum ad conventiones *Juris Gentium* non possint, referantur ad *Legitimas*, uti argumentatur *Vimm. de Pact. cap. 4. n. ult.*

§. 11. Verum enim vero, si consideretur in *l. 6. ff. de pact. Pacta Legitima* stricte dici, quæ speciali aliqua *Lege* confirmata sunt, *Stipulationem* autem & *Literarum obligationem* *Contractus* esse per se subsistentes §. ult. *J. de Oblig. t. 1. ff. & J. de Verb. Obl. t. 1. C. de contr. & comm. stip. t. 1. J. de Lit. Oblig.* facile intelligitur, hosce *contractus* ad *Pacta Legitima* referri non posse. Neque absurdum est dicere, *contractus* illos *civiles* sub nullo incumbrorum, (scil. *pactorum Juris Gentium & Civilis*) in *d. l. 5. ff. de pact.* contineri, quos sub iis comprehendere mens non fuit ipsis *JCTis. v. Habu. ad Wes. d. l.*

CAPUT IV.

§. 1.

Cum vero *Pacta Legitima* propter singularem æquitatis rationem, casibus *Cap. 2.* expositis, deum viam obligandi habeant, quis non videt *Varias* in iis *causarum figuras*, ex quibus obligatio nascitur & *Actio*, *Condictio* scil. *ex Lege.*

§. 2. *Conditionem* enim *ex Lege* istis casibus tantum locum habere, manifestum est, cum ex iis quæ *Cap. 1. de Conditione ex Lege* in genere diximus, tum *ex Nov. 162. cap. 1. §. 1.* Ubi *Imp.* de donatione agens, si quidem stipulatio intervenit *Actionem concedit ex stipulatu*, sin minus *Condictitiam ex Lege.* Quod ad omnia *Pacta Legitima* merito extenditur. *v. Struv. Exerc. J. c. 6. lb. 20. Boeckm. de Act. c. 3. p. 9. §. 15. Stryck. de inve. stig. Act. sect. 1. Memb. 3. §. 24.*

§. 3. Sunt sane, sique magni nominis *JCTi*, qui *Pacta Legitima* ad *Quasi contractus* referenda statuunt,

§. 4. Sed quominus sententiæ eorum subscribere possumus, facit expressus utriusque partis consensus, qui in *Pactis Legitimis* intercedit, in *Quasi contractibus* autem excluditur. Uti ex singulis *Quasi contractibus* quos

quos Imp. sub tit. *J. de Oblig. quæ quasi ex contr. ex professo exponit*, manifestum videtur.

§. 5. De *Negotiorum Gestione*, postquam Actiones quæ ex ea nascuntur proposuit, ait Imp. *Quas ex nullo contractu proprie nasci manifestum est. Quippe ita nascuntur istæ actiones, si sine mandato quisque alienis negotiis gerendis se obtulerit, ex qua causa ii quorum negotia gesta fuerint etiam ignorantes obligantur.* §. 1. *J. d. t. add. l. 5. pr. ff. de O. & A.* Similiter de *Tutela Administratione*; *Tutores quoque qui tutela judicio tenentur, non proprie ex contractu obligati esse intelliguntur, nullum enim negotium inter tutorem & pupillum contrahitur.* §. 2. *J. d. t. add. d. l. 5. §. 1.* Nec non de *Communione*; *Si inter aliquos communis res sit sine societate, veluti quod pariter eis legata donatave esset, & alter eorum alteri ideo teneatur communem dividendo judicio, quod solus fructus ex ea re perceperit, aut quod socius ejus solus in eam rem necessarias impensas fecerit, non intelligitur ex contractu proprie obligatus esse quia nihil inter se contraxerunt &c.* §. 3. *J. d. t. Ut & de Hereditatis Additione*; *Heres quoque legatorum nomino non proprie ex contractu obligatus intelligitur, neque enim cum herede, neque cum defuncto ullum negotium gessisse legatarius proprie dici potest.* §. 5. *J. d. t. add. l. 5. §. 2. ff. de O. & A.* Et denique de *Indebiti solutione*; *Adco non intelligitur proprie ex contractu obligatus esse (qui scilicet indebitum accepit) ut si certiore rationem sequamur, magis ex distractu quam contractu possit dici obligatus esse. Nam qui solvendi animo pecuniam dat, in hoc dare videtur, ut distrabat potius negotium quam contrahat.* §. 6. *J. d. t. ad l. 5. §. 3. ff. de O. & A.*

§. 6. Ex quibus, ut videtur, evidenter apparet, *Quasi Contractus* negotia esse contractibus similia, ex quibus *citra conventionem & prævium tractatum partium, obligatio nascitur & actio.* Et uti *Nomen & Causa Contractus* a nudis conventionibus distinguit, *l. 5. l. 6. l. 7. §. 1. ff. de pact. ita Consensum veros contractus a Quasi-contractibus maxime separare.*

§. 7. Quod ulterius confirmatur ex eo, quod nisi consensus in *Quasi contractibus* deficeret, *Veri contractus*, futuri essent. *Negotiorum gestio* utique mutaretur in *Mandatum, Rei Communio* in *societatem, & Indebiti solutio* in *mutuum*; Vid. *Dissert. 2. cap. 3. §. 14. 17.*

§. 8. Eaque collectio hic omnino procedit, quia alii *Quasi contractus* præter eos quos Imp. in *d. 1. Inst. de oblig. quæ quasi ex contract. exponit*, ex Legibus nostris demonstrari nequeunt. v. *d. Dissert. 2. cap. 3.*

CAPUT V.

§. I.

Sed de *Pactis Legitimis* satis. Transeamus ad alia exempla *Condictio*rum
ex *Lege*.

§. 2. Sic I. in l. 23. ff. de reb. cred. *Condictio* conceditur, ad pretium repetendum, contra eum qui rem aliquam bona fide possedit, eamque postea vendidit: eo quod ex re alterius locupletior factus est.

§. 3. II. *Condictio ex Lege* scil. Julia, datur uxori contra maritum ob servos dotales manumissos l. 64. l. 65. ff. solut. matrim.

§. 4. III. Donatori, ad repetendum id quod supra modum legis donatum est. l. 21. in 1. ff. de don.

§. 5. IV. Domino, cujus servus ob testimonium dicendum quaestioni subicitur, ad restitutionem ejus præstandam, l. 27. §. ult. l. 28. ff. ad L. Jul. de adult. l. 3. C. eod. Si vero ut reus quaestioni subicitur & absolvitur, in duplum. d. l. 27. §. ult. l. ult. ff. de calumn.

§. 6. V. Reo contra Actorem qui plus in libello petit, ut ex hac causa viatores id est executores litium, amplio rem summam, sportularum nomine, exigent, in triplum, §. 23. J. de Act. Ubi in fin. pro quam procul dubio certum est ex *Lege condictitia emanare*. ex MSS. quibusdam, legendum, Exqua procul dubio est, ex *Lege condictitiam emanare*. Pac. in not. Vin. ad d. §. 23.

§. 7. VI. Ut & contra executores litium, qui plus æquo exegerint, in quadruplum. §. 24. J. de Act. ubi similiter in fin. pro Item & *Lege condictitia nostra constitutio* oritur in quadruplum condemnationem imponens. &c. restituendum. Item *condictitia ex Lege, quæ ex nostra constitutione* oritur in quadruplum condemnationem imponit. Pac. in not. Vin. ad d. §. 24.

§. 8. VII. Liberis, parentibus, & aliquando fratribus & sororibus, ad petendam *Portionem legitimam*, ejusve supplementum; ut & mortuis consulatur, ne testamentum subvertatur, & iis quibus *Querela inofficiosi* competere poterat l. 30. pr. l. 35. §. 2. C. de inoff. test. Nov. 115. c. 5. pr. v. Dissert. n. de Port. Legit. 4. c. 4. §. 8. 9.

§. 9. VIII. Petitori hereditatis, contra possessorem, si succubuerit, ad repetendum, quod creditoribus hereditariis forte solverit, l. ult. §. 1. C. de pet. hered.

§. 10. IX. Victo in aleæ lusu, vel cuiusque volenti, ad repetendum id, quod alea amissum est. l. 1. l. ult. C. de aleat.

§. 11. X. Fisco agenti contra debitorem debitoris sui ex causa primi pilari

pilari obligati, ex die obligatum, ut ante definitum tempus debita repræsentet. *l. 1. C. de condict. ex Leg.*

§. 12. XI. Creditoribus hypothecariis anterioribus & potioribus, contra posteriores, quibus heres, qui sub beneficio inventarii hereditatem adiit, res hereditarias in solutum dedit, vel exterum distractarum pretio solvit, ad præstandum quod ipsis debetur. *l. ult. §. 6. C. de jur. delib.*

§. 13. XII. Civitatibus, contra singulos rerum ad debitores suos pertinentium possessores, pro rata. Quia enim nefas est obnoxiiis corporibus alienatis circumscribi civitates, placuit, si quis debitor civitatis, quippiam ex eo patrimonio, quod habuit, cum pecuniam Reip. sumeret, donaverit, vel distraxerit, ita ut fiat minus idoneus & non solvendo, conveniri possessores bonorum, pro rata ejus quod quisque ex facultatibus debitoris possidet. *l. 2. C. de debit. Civ. L. XI.*

§. 14. Sunt sane, qui hoc casu Actionem hypothecariam Civitatibus competere statuant: Sed sine ratione. Actio enim hypothecaria non competit civitatibus, nisi de hypotheca sibi prospexerint, vel speciale privilegium habeant. *l. 2. C. de Jur. Reip. L. XI.*

§. 15. Neque recte eo referuntur verba *d. l. 2. obnoxiiis corporibus*. quæ nihil aliud significant, quam si non solvatur debitum, ad ea perveniri posse. *Cujac. ad d. l. 2. d. Jur. Reip. Perez. ad d. t. de deb. Civ. n. 3. & seq. Brunnen. ad d. l. 2. C. de deb. Civ.*

§. 16. Licet autem Actio personalis ordinario non sequatur res seu bona debitoris sed personam, nisi in fraudem creditorum alienatio facta sit; Aliud tamen hic favore Reip. seu civitatis receptum est.

§. 17. Ita tamen ut illud discrimen inter Conditionem hanc *ex d. l. 2. & Actionem hypothecariam* intercedat, quod Resp. habens hypothecam, in solidum habeat Actionem contra possessorem, non habens hypothecam pro rata. *Perez. d. l. Brunnen. d. l.*

§. 18. Quæ omnia negotia, cum neque ad contractus neque Quasi Contractus Delicta vel Quasi-Delicta, referri nequeant, nihil aliud superest, quam ut dicamus in iis Varias esse causarum figuras ex quibus, ob singularem æquitatem, proprio jure, Actio conceditur.

§. 19. Neque hic iterum fontem Conditionum ex Lege cum Thomas, ad Huber. præl. ad t. ff. de condict. ex Leg. ad Quasi contractus referre licebit.

§. 20. Tum quia ista negotia nulli ex contractibus sunt similia, tum quia Quasi Contractus nusquam appellantur. *Add. sup. Cap. IV. §. ult. Disjunct. 2. Cap. 2.*

CAPUT VI.

§. 1.

Plane non statim *Condictio ex Lege* locum habet, ubi nomen Actionis non exprimitur, sed illud inprimis considerandum est, an incerta sit natura & forma negotii ex quo obligatio & Actio introducitur.

§. 2. Hinc I. male multi ex l. 1. C. de *Jur. Emphyt. Conductionem* concedendam asserunt.

§. 3. Licet enim nomen *Actionis*, ibi non exprimitur, qua agendum sit, constat tamen agi ibi de *Emphyteusi*: Quem Contractum nunc ab *Emtione-Venditione* & *Locatione-Conductione* separatim esse & per se subsistentem, ex d. l. 1. C. de *jur. emph.* §. 3. *J. de locat. cond.* manifestum est.

§. 4. Ut adeo ibi nulla alia actio, quam ea quæ ex contractu descendit, *Emphyteuticaria* scilicet, locum habere possit. *Bockelm. ad t. ff. de condict. ex Leg. n. 2. v. Princ. n. ad J. t. de loc. §. 25.*

§. 5. Similiter II. propter lationem ultra diuidium *Conductionem* ex l. 2. C. de *rescind. vend.* locum habere unius recte a quibusdam traditum est.

§. 6. Ex ipsa l. 2. enim constat, agi ibi de *Emtione-Venditione*, qua nascitur *Actio Empti-Venditi*, quæ ad omnia ea, quæ ex natura hujus boni, fid. contractus præstanda sunt, quin & ad distrahendam *Emtione* aliquando competit. l. 11. §. 6. *ff. de act. empt. l. 1. 6. C. cod. Giph. ad d. l. 2. C. de resc. vend. Wiff. ad d. l. 2. Bockelm. ad t. ff. de Condict. ex Leg. n. 2.*

§. 7. Idem III. dicendum de L. un. C. de *Suffrag.* Vel enim intercessit ibi stipulatio, vel (quod verius videtur) Contractus ibi est innominatus.

Vid. Supr. Cap. 3. §. 7.



DISSERTATIO JURIDICA Q U I N T A D E CAUSIS OBLIGATIONUM.

C A P. I.

§. 1.

Similes Conditionibus ex Lege sunt Actiones in factum: Quatenus scilicet utraque certo nomine carent. Eaque ratione Remedium l. 32. ff. de reb. cred. ad classem Actionum in factum referri posse, jam supra Dissert. 3. cap. 5. monuimus. add. Lanterb. Disp. ad d. l. 32. p. 2. c. un. th. 4.

§. 2. Actiones in factum in genere describi possunt, quæ certo nomine demonstrari nequeunt, & secundum id quod actum est concipiuntur. Præeunte sic Imp. Juris peritissimo Alexandro, in l. 6. C. de transact. dum ait, Aut enim stipulatio conventioni subdita est, & ex stipulatu actio competit, aut si omissa verborum obligatio est, utilis actio quæ præscriptis verbis rem gestam demonstrat danda est.

§. 3. Actionem enim quæ præscriptis verbis rem gestam demonstrat, eandem esse, quæ in factum dicitur, apparet non tantum ex l. 1. & 2. de P. V. Sed & aperte docet Gajus in l. 22. in fin. ff. de P. V. dicens Placet quasi de novo negotio in factum dandum esse judicium, id est, præscriptis verbis, add. l. 13. §. 1. in fin. eod. nec non Africanus in l. 24. ff. eod. dum conjunctis verbis inquit, tutius esse in casu d. l. præscriptis verbis in factum actionem dari. Add. Donell. de præscript. verb. cap. 21. 22.

§. 4. Ut adeo sine ratione Hottom. Disp. de Præscr. verb. cap. 3. Actionem hanc non præscriptis verbis sed perscriptis verbis dicendam statuatur, eo quod cum actiones ex contractibus nominatis descendentes olim scriberentur notis, Actio in factum non notis, sed integris verbis perscriberetur.

§. 5. Licet enim ingeniosa hæc sit Viri maximi conjectura, vim tamen assert

affert constanti omnium Codicum lectioni, in quibus perpetuo *prescriptis verbis* invenitur.

§. 6. Tum & in arbitrio laud dubie fuit Actoris, actionem nominatam vel notis scribere, vel integris verbis perscribere, quo casu actio nominata etiam *prescriptis verbis*, dicenda fuisset. Quod a ratione juris nostri plane alienum videtur. *Pulci ad §. 28. §. n. 48.*

§. 7. Causa introducendarum Actionum in *factum* Utilitas fuit & Necessitas.

§. 8. Erant enim antiquitus Actiones omnes certis formulis adstrictæ, verborumque cancellis circumscriptæ. De quibus *Pompon. in l. 2. §. 6. ff. de O. J.* *Detnde ex his legibus* (videlicet XII. Tab.) *eodem tempore fere actiones compositæ sunt, quibus inter se homines disceptarent: Quas actiones ne populus, prout vellet institueret, certas solennesque esse voluerunt, & appellatur hæc pars juris Legis actiones, id est legitima actiones.* *Cic. pro Rosc. Com. Sunt jura sunt formulæ de omnibus rebus constituta, ne quis aut in genere injuria, aut ratione actionis errare possit. Expresse enim sunt ex uniuscujusque damno, dolore, incommodo, calamitate, injuria, publica a Prætoris formulæ, ad quas privata lis accommodatur.*

§. 9. Quæ formulæ accurate erant concipiendæ, & in jure apud Prætorum præsentibus JCTis a litigatoribus pronunciandæ, adeo ut si vel syllaba deerratum esset, formulæ excidisse dicerentur, adeoque causa caderent, & litem amitterent. *Cic. L. 2. de Invent. Ita jus civile habemus constitutum, ut causa cadat is, qui non quemadmodum oportet egerit.* *Quintil. l. 3. c. 8. In omnibus fere causis in quibus cecidisse quis formulæ dicitur, hæc sunt questiones, an huic, an cum hoc, an hac lege, an apud hunc, an hoc tempore, liceat agere.* *Idem, Lib. 7. cap. 3. Est etiam periculosum cum si uno verbo sit erratum, tota causa cecidisse videamur.* *Add. Sueton. in Claud. c. 14. l. 1. C. de form. & impetr. sublat. Briffon, de Form. lib. 5. p. 345. Celeberr. D. Nooodt. de Jurisd. L. 1. c. 13.*

§. 10. Hinc & nomen Actionis quæ instituebatur exprinendum erat, & multiplex sæpenumero dubitatio, de genere & nomine actionis, quæ Speciei pro positæ apta congrua & conveniens esset, extitit *l. 1. de edend. l. 1. de astim. l. 1. l. 2. l. 5. §. ult. l. 13. §. 1. l. 16. pr. §. 1. l. 17. l. 20. l. 22. 24. ff. de P. V. l. 1. si mens. fals. mod. l. 23. ff. comm. div. l. 9. §. 1. ad exhib. l. 1. §. 11. 12. ff. de pos.* Quæ superflua & inutilis fuisset quæstio, si omisso nomine factum proposuisse sufficisset.

§. 11. Cum vero plurima sint negotia, quæ certo nomine comprehendi nequeunt, æquitas tamen non patiatur, ideo Actionem denegari, *Actio-*

nes

nes in factum quæ præscriptis verbis rem gestam demonstrent eaque demonstratione vice nominis fungantur, introducendæ fuerunt.

§. 12. Eaque harum Actionum origo ex Responsis Papiniani, Celsi, Juliani & Ulpiani in l. 1. 2. 3. 4. ff. de P. V. his verbis eleganter exponitur. Nonnunquam evenit ut cessantibus iudiciis proditis, & vulgaribus actionibus, cum proprium nomen invenire non possumus, facile descendamus ad eas quæ in factum appellantur. Nam cum deficiant vulgaria atque istata actionum nomina, præscriptis verbis agendum est. In quam necesse est confugere, quotiens contractus existunt, quorum appellationes nulla jure civili prodita sunt. Natura enim rerum conditum est ut plura sint negotia, quam vocabula. In quem sensum & Pomponius JC. in l. 11. ff. cod. Quia actionum non plenus numerus esset, ideo plerumque actiones in factum desiderantur: sed & eas actiones quæ legibus prodita sunt, si lex iusta ac necessaria sit, supplet Prætor, in eo, quod legi deest; quod facit in lege Aquilia, edendo actiones in factum accommodatas Legi Aquilia: Idque utilitas ejus Legis exigit.

CAPUT II.

§. 1.

Sed Actiones in factum, quarum tenor in multis & variis juris articulis sæpe admissus est, (uti ait Imp. in l. 21. C. de SS. Eccles.) non eodem semper modo accipiuntur.

§. 2. Nam I. Actiones in factum dicuntur, quæ ex contractibus innominatis nascuntur, & Præscriptis verbis in specie vocari solent, l. 1. l. 2. l. 13. §. 1. l. 22. l. 24. ff. de præscr. verb.

§. 3. Quæ per interpretationem JCorum introductæ videntur; Et hinc etiam Civiles l. 7. §. 2. ff. de pact. l. 6. l. 15. ff. de P. V. l. 6. C. de rer. perm. Utiles, ratione directarum & nominatarum, l. 6. C. de transact. Incerta, quia nascuntur ex contractibus incertis i. e. non nominatis d. l. 6. C. de rer. perm. l. 3. C. de inut. Stip. nec non Incerti, quia persequuntur id quod interest d. l. 7. §. 2. ff. de pact. l. 6. l. 8. ff. de Præscr. verb. l. 19. §. 2. de præc. junct. l. ult. ff. de præc. stip. l. 24. ff. de R. J. in legibus frequenter cognominantur. V. Donell. de præscr. Verb. cap. 23. n. 3. & seqq. Wiss. ad ff. p. 1. Disp. 38. ib. 13. & seqq.

§. 4. II. Actiones in factum appellantur, quæ alio nomine dicuntur Utiles; quæ scilicet non ex verbis & eo quod scriptum est, sed, deficientibus verbis, ex mente & sententia Legislatoris vel Prætoris, ad exemplum di-

reclarum conceduntur. v. l. 9. pr. l. 11. §. 5. §. 8. l. 29. §. 7. ff. ad l. Aquil. Ubi *Actiones in factum* conceduntur, iis casibus, quibus *Utiles* locum habere docet Imp. in §. ult. J. de Leg. Aquil. cum scil. damnum corpori quidem, sed non corpore datum est. Alia exempla, v. in l. 12. §. 6. ff. mand. junct. l. 46. in f. de her. inst. l. 22. §. 10. cod. l. 13. ff. de pign. act. l. 31. §. 22. de Ed. Ed. V. Bach. de Act. Disp. 4. th. 24. ad Tr. V. i. D. 30. th. 1. Vinn. ad d. §. ult. n. 4. Lauterb. coll. ad t. ff. de præs. verb. th. 23.

§. 5. III. *Actiones in factum* dicuntur omnes *Prætorie*, maxime ex delicto descendentes. Quia Prætor proprie jus condere nequit v. l. 10. §. 18. l. 14. ff. qua in fraud. cred. l. 7. de jurisd. l. 12. de in jus voc. l. 5. §. 1. ne quis cum qui in jus voc. l. 1. de alien. jud. m. c. f. l. 1. §. mens. fals. mod. l. 3. ff. de Sep. viol. l. 3. §. 1. 6. 7. ff. naut. caup. stab. v. Hahn. ad Wesf. ad t. de æstimator. n. 2. Bockelm. ad t. ff. d. præs. verb. §. ult.

§. 6. Eoque pertinet quod ait Ulp. in l. 25. §. 1. In factum actio dicitur, qualis est (exempli gratia) actio qua datur patrono adversus libertum, a quo contra Edictum Prætoris in jus vocatus est.

§. 7. IV. Et ultimo, *Actiones in factum* significant *Actiones subsidarias*, quæ in defectum aliarum actionum, Civilium & Prætoriarum, directarum & utilium, iis casibus, quibus ex stricta juris ratione, omnis agendi via præclusa videbatur, ex sola æquitate, introductæ sunt. Bach. d. l. Laut. d. l. Bockelm. d. l.

§. 8. Quæ cum ex Variis causarum figuris oriuntur v. Bach. ad Tr. d. disp. 30. th. 1. Struv. Exerc. J. c. 25. th. 23. tantum hujus sunt loci, & per species ulterius examinandæ.

CAPUT III.

§. 1.

Actiones in factum subsidariæ, vel Civiles sunt, vel Prætorie.

§. 2. Inter Civiles primo loco occurrit illa, quæ Rei vindicationi quasi subsidaria est; de qua Paulus JC. in l. 23. §. 5. ff. de R. V. Idcirco in his omnibus casibus, in quibus neque ad exhibendum, neque in rem (scil. Actio) locum habet, in factum actio necessaria est. Ubi & exemplum.

§. 3. Alia exempla, si quis desideret, peti possunt ex l. 43. ff. de R. V. ubi deficiente Rei vindicatione, Actio in factum datur ad repetendos lapides sepulchrales. Item ex l. 52. ff. cod. ubi deficiente similiter Rei vindicatione, Actio in factum datur, contra heredes ejus, qui ante litem contestatam dolo

dolo possidere desit, in quantum locupletiores facti sunt. Ut & ex l. 3. §. 14. ff. ad exhib. ubi eleganter Ulp. Interdum equitas exhibitionis efficit, ut quamvis ad exhibendum agi non possit, in factum tamen actio detur, ut Julianus tractat. servus inquit uxoris mea, rationes meas conscripsit: he rationes a te possidentur: desidero eas exhiberi: ait Julianus, si quidem in mea charta scripta sint, locum esse huic actioni (scil. ad exhibendum) quia & vindicare possunt; nam cum charta mea sit, & quod scriptum est meum est. Sed si charta mea non fuit, quia vindicare non possum nec ad exhibendum experiri, in factum igitur mihi actionem competere.

§. 4. II. Actio in factum subsidiaaria proponitur in l. 11. §. 1. ff. de pign. ubi Marcianus JC. Si antixenoris i. mutui pignoris usus, pro credito facta sit, & in fundum aut in aedes aliquis inducatur, eoque retinet possessionem pignoris loco, donec illi pecunia solvatur. Cum in usuras fructus percipiat, aut locando, aut ipse percipiendo, habitandoque. Itaque si amisit possessionem, solet in factum actione uti.

§. 5. Sunt qui Actionem ibi in factum intelligunt ex Interdicto, Ne vis fiat ei qui in possess. Sed ex errore, quasi in d. l. 11. §. 1. tractetur de pignore Prætorio, per missionem in possessionem ex primo decreto; cum, uti videtur, non satis intelligerent, quid esset Antichresis. Bach. de Act. Disp. 4. tb. 24.

§. 6. De eo satis non constat, An & eo casu Actio hypothecaria competat? Sic videtur velle Cujac, L. 3. Obs. c. 35. in fin. Beyer. ad d. l. 11. §. 1. Sed hoc si statuatur, non apparet, quomodo Actio in factum locum habeat? Verissimum videtur, quod (titubanter) mones Bachov. de Act. d. Disp. 4. tb. 24. Antichresin per se non inducere obligationem pignoris, sed tantum jus percipiendi fructus ex obligatione personali; Adeoque in d. l. 11. §. 1. ad Actionem in factum decursum esse.

§. 7. Neque aliud ex ipsa l. 11. §. 1. inferri potest; Actio enim hypothecaria satis ibi excluditur, & tantum ait JC. creditorem, pignoris loco, retinere possessionem, donec ei pecunia solvatur.

§. 8. Aliud etiam non docet idem Marcianus in l. 33. ff. de pign. act. Per pignus enim ibi intelligendus est fundus, cum pacto antixenoris oppigneratus; ut ex ipsa lege non difficulter intelligitur.

§. 9. Non contrariatur denique l. 39. ff. de pign. act. Quia in specie, quæ ibi proponitur, pignus revera non intervenit, nec ab initio vera antichresis fuit, sed postea pactum intercessit, ut creditor pignus suum, hoc est fundum debitoris, in compensationem pecuniz ad certum tempus vice antixenoris possideret. Vin. l. 2. Quest. cap. 7.

§. 10. III. Referenda hinc videtur *Actio in factum*, quæ datur, ad pretium recipiendum, si mancipium redhibitum fuerit. De qua Ulp. in l. 31. §. 17. ff. de *Æd. Ed. In factum actio competit ad pretium recipiendum si mancipium redhibitum fuerit: in qua non hoc queritur, an mancipium in causa redhibitionis fuerit, sed hoc tantum an sit redhibitum, nec immerito. Iniquum est enim postea quam venditor agnovit, recipiendo mancipium, esse id in causa redhibitionis [tunc] dari utrum debuerit reddi.*

§. 11. Quæ cum in mera æquitate fundamentum habeat, neque ad *Edictum* *Ædilium* referri possit, *Ædilitia* minus accurate dici, & potius a *JCtis* introducta videtur.

§. 12. IV. *Actionem in factum subsidiariam* civilem exhibet Ulp. in l. 2. §. 2. ff. de *precar.* dum ait, *Et naturalem habet in se æquitatem* (scil. hoc *Interdictum*) *namque precarium revocare volenti competit: Est enim natura æquum tam diu te liberalitate mea uti quamdiu ego velim, & ut possim revocare cum mutavero voluntatem.* Itaque cum quid precario rogatum est, non solum hoc *interdicto* uti possimus, sed etiam *prescriptis verbis actione* qua ex bona fide oritur. Nec non *Julianus* in l. 19. §. 2. ff. *cod.* inquit, *Cum quid precario rogatum est, non solum interdicto uti possimus sed & incerti conditione [id est] prescriptis verbis.*

§. 13. Ex quibus ll. apparet de precario *Actionem prescriptis verbis* ob solam æquitatem naturalem introductam esse. Quam civilem aperte dicit *Paulus* L. 5. *Sent. T. 6. §. 10.*

§. 14. Licet autem hæc actio *prescriptis verbis* vocetur, *Actionis* tamen in factum accensenda est. Eo quod *Actiones in factum & Prescriptis verbis*, in genere acceptæ, non differunt, uti demonstratum supra *Cap. 1. §. 3.*

§. 15. Sed quid ergo est? quod ait *Paulus* in l. 14. ff. de *precar.* *Interdictum de precariis merito introductum est, quia nulla eo nomine civilis actio esset; magis enim ad donationes & beneficii causam, quam ad negotii contracti spectat precarii conditio.*

§. 16. Nulla difficultas erit, si distinguatur inter *Actiones prescriptis verbis ordinarias, & extraordinarias seu subsidiarias.* *Ordinaria* precarii nomine non competit, sec. d. l. 14. Sed *extraordinaria* quæ in subsidium accommodatur, & ex bona fide, seu naturali æquitate, oritur, locum habet. sec. d. l. 2. §. 2. l. 19 §. 2. *Habn. ad Wesf. ad t. de precar. n. 2. Lauterb. Coll. ad tit. ff. de P. V. tb. 19. Wiff. ad ff. p. 1. Disp. 39. tb. 17. Huber. præl. ad t. ff. de precar. n. 3.*

§. 17. V. *Actionibus* hisce in factum civilibus annueneranda etiam videtur,

detur, *Actio in factum ex sententia arbitri*, quam Imp. *Iustinianus* concedit in *l. 5. C. de recept. arbitr.* non simpliciter, sed tunc deum, cum sententia a partibus subscripta, vel decendii silentio confirmata est.

§. 18. Quandoquidem enim hæc Actio ex *Pacto Legitimo* non nascitur, uti ostendimus *Dissert. 4. c. 3. §. 2. 3. 4.* neque ex alio ordinario aliquo fonte obligationum & Actionum descendit, nihil aliud superest, quam ut ad classẽm *Actionum*, quæ ex *variis* nascuntur *causarum figuris*, referatur.

CAPUT IV.

§. 1.

Et hæc quidem *Actiones in factum civiles* dici possunt.

§. 2. Introductæ etiam sunt quædam in subsidium *Jure Prætorio*, de quibus nunc parro videndum est.

§. 3. Talis est *I. Actio in factum* quam Prætor concedit contra *Argentarios*, ad rationes edendas. *v. l. 4. pr. §. 1. l. 9. pr. §. pen. l. 10. ff. de Edend.*

§. 4. Sunt autem *Argentarii* *Argentariæ* mensæ exercitores, qui in foro *Tabernæ* & mensas suas positas habebant, apud quos senebres pecuniæ deponerantur, quas per partes erogabant & collocabant; Unde & *Argentii distractores* dicti sunt *l. ult. C. de pign. l. pen. C. de pec. constit. l. un. C. negot. ne mil. l. XII.*

§. 5. Neque tantum mutuas pecunias dabant, fidejubebant pro aliis, & constituebant, sed & venditiones & auctiones aliaque similia per eos fiebant *v. l. 8. ff. de pers. Nov. 4. c. 3. in f. Nov. 136. c. 2. in f. c. 4. in fin. l. 18. ff. de pet. hered. l. 88. ff. de solut. Quintil. l. 11. c. 1.*

§. 6. Quo ipso a *Nummulariis* maxime differebant: A quibus diversos fuisse *Argentarios* ex *l. 9. §. 2. ff. de Edend.* manifestum est.

§. 7. Singulorum quoque rationes conscribent, omniaque quæ apud se gerebantur in Codices accurate referebant; quibus probatio eorum quæ acta erant continebantur. *l. 4. §. 1. l. 9. §. 2. l. 10. §. 1. de Edend. l. 50. ff. de adm. & peric. tut. l. 23. ff. de liber. legat. l. 15. §. 11. ff. de re jud.*

§. 8. Quod si itaque alicujus interesset *Rationum Argentariorum* copiam sibi fieri, Prætor *Actionem in factum* *v. l. 9. pr. ff. de Edend.* contra eos dandam censuit. *l. 4. pr. ff. eod.*

§. 9. Summa æquitatis ratione. *Hujus Edicti ratio æquissima* est ait *Ulp.* in *d. l. 4. §. 1.* Nam cum singulorum rationes *argentarii conscriant,*

aquum fuit, id quod mei causa confecit, meum quodammodo instrumentum mihi edi. Quod confirmans Gajus, rationes ab iis edi, etiam publice interesse docet in l. 10. §. 1. ff. cod. Ideo autem (inquit) Argentarios tantum, neque alios ullos abfiniles [eis] edere rationes cogit, quia officium eorum atque ministerium publicam habeat causam: & hac principalis eorum opera est, ut actus sui rationes diligenter consiciant.

§ 10. Unde cum in Nummulariis eadem sit ratio, hoc Edictum ad eos etiam extensum est. l. 9. §. 2. ff. de Edend.

§ 11. Talis II. est Actio in factum quæ deficientibus verbis Legis Aquiliæ & mente Legislatoris, ob damnum culpa datum, ex sola æquitate introducta est. De qua Imp. in §. ult. J. de L. Aquil. Sed si non corpore damnum fuerit datum, neque corpus laesum fuerit, sed alio modo alicui damnum contigerit, cum non sufficiat directæ neque utilis Legis Aquiliæ actio, placuit cum qui obnoxius fuerit in factum Actione teneri.

§ 12. Introducta est hæc Actio a Prætor, uti docet Pomponius in l. 11. ff. de præscr. verb. Quia actionum non plenus numerus esset (ait) ideo plerumque Actiones in factum desiderantur. Sed & ear actiones quæ Legibus prodite sunt, si Lex iusta ac necessaria sit, supplet Prætor, in eo, quod Legi deest; quod facit in Lege Aquilia reddendo Actiones in factum accommodatas Legi Aquilia. Idque utilitas ejus Legis exigit.

§ 13. Ut adeo de origine hujus Actionis multis disceptare, supervacuum sit.

§ 14. Videtur autem hæc Actio soli Æquitati adscribenda, neque ad ullum ordinarium Actionum fontem referri posse.

§ 15. Quod ut appareat, operæ pretium fuerit, paulo accuratius de eo agere.

§ 16. Actionem hanc subsidiariam esse ex d. §. ult. J. de L. Aquil. & d. l. 11. de P. V. manifestum est.

§ 17. Manifestum etiam est, eam neque ex Contractu descendere, neque Quas ex Contractu. Ut necesse sit, si quidem ex ordinariis obligationum & actionum causis nascitur, eam ex Delicto (quod plerique volunt) descendere, vel ex Quasi-delicto.

§ 18. Cujus Contrarium si ostendi possit, tuto concludi poterit, negotium

tium hic esse, quod ad *Varias* pertinet *causarum figuras*, ex quo ob solam æquitatem conceditur Actio.

§. 19. Et quidem, *Delictum* ut proprie dici possit, necessarium est, ut factum aliquod illicitum, *dolo malo*, commissum sit.

§. 20. Quod adeo verum est, ut non tantum in genere, Propositum & voluntatem in maleficiis, non exitum spectari, sæpius rescriptum & responsum sit l. 14. ff. ad L. *Corn. de sic.* l. 53. ff. de furt. l. 23. §. 2. ff. de *Æd. Ed.* sed & in singulis fere delictis, dolum malum, & malitiosam delinquentis voluntatem adesse debere, ideutidem inculcatum sit.

§. 21. Sic enim de Furto dicitur, *Furtum sine affectu furandi non committi* §. 7. *J. de oblig. qua ex del.* l. 37. ff. de *usue.* De Injuria, eam ex affectu facientis consistere l. 3. ff. de *injur.* de Rapina, ita denum competere actionem, si dolo quis rapuerit §. 1. *J. de vi bon. rapt.* de Adulterio, *Adulterium sine dolo malo non committi.* l. pen. ff. ad L. *Jul. de adult.* de Homicidio, Homicidam non teneri Lege Cornelia, si non occidendi animo hoc admisit. l. 1. §. 3. ff. ad L. *Corn. de sicar.* de Falso, non nisi dolo malo falsum committentes, crimini subjugari l. 20. C. ad L. *Corn. de fals.* de Damno denique ex incendio ruina naufragio dato, *Edictum ita demum locum habere, si dolo malo damnum datum sit; & si dolus magis absit, cessare.*

§. 22. Quod & dicat Naturalis ratio. Hinc apud *Liv. Lib. 1. Mens peccat non corpus, & unde consilium absuerit culpam abesse.* & *Cic. pro Milon. Non exitus rerum, sed humana consilia vindicantur.* Ut & *Senec. in Herc. Oeteo*

Haud est nocens, quicumque non sponte est nocens

nec non *Ovid. Lib. 3. Metam.*

At bene si queras, fortune crimen in illo

Non scelus invenies, quod enim scelus error habebat.

§. 23. Ex quibus omnino dicendum videtur, *Damnum* dolo datum delictum esse, culpa vero datum non esse. Et proinde Actionem, quæ propter *Damnum*, maxime si culpa levissima datum sit v. l. 44. ff. ad L. *Aquil* ex *Delicto* minime descendere,

§. 24. Sed multa sunt, quæ sententiam nostram evertere videntur.

Non

Non tantum enim propter culpam, pœna etiam gravior, aliquando infligitur v. l. 9. l. 11. ff. de incend. ruin. & naufr. l. 3. §. 1. de offic. pref. vig. l. 2. in fin. ff. de term. mot. l. 38. §. 5. ff. de pen. Sed & 2. *Dammum* inter Delicta privata refertur pr. J. de Oblig. que ex delict. l. 4. ff. de O. & A. Imo 3. tum etiam, cum culpa datum est, *delictum* aperte dicitur, in l. 32. ff. ad L. Aquil. ubi Gajus; Cumenim circa furti actionem hæc ratio sit, ne ex uno delicto tota familia dominus careat, eaque ratio similiter & in actionem damni injuria interveniat; sequitur ut idem debeat æstimari: Præsertim cum interdam levior sit hæc causa delicti; veluti, si culpa & non dolo *dammum* daretur. add. l. 1. pr. & §. 2. ff. si sam. furt. sec. dic.

§. 25. Quibus ut satis fiat, Quantum ad *primum* dubium attinet, considerari velim; Pœnam propter culpam non nisi rarius, neque ordinariam, sed tantum extraordinariam dictari, in iis demum causis, in quibus culpa intercessit major, quam maximum malum sequi solet, cum ipse Reip. damno sexpennumero conjunctum: Uti ex ipsis objectis legibus non difficulter intelligitur.

§. 16. Quantum vero ad *secundum*, *Dammum* quidem referri inter delicta privata, sed non addi *culpa datum*; & proinde nihil obesse, quo minus *Dammum dolo datum* intelligatur. Add. Princip. n. ad t. J. de Leg. Aquil. §. 1. 2. 3.

§. 27. Et ne *tertium* obsit, idem in verbo *Delicti* usu venire, quod de vocabulo *Contractus* monuimus *Dissert. 2. Cap. 2. §. 2. & seqq.* ut scil. aliquando sensu latiori, aliquando strictiori & proprio accipiat.

§. 28. *Delinquere*, Autore *Festo*, in genere est, *prætermittere quod non oportet præteriri*. Hinc *deliquia & delicta*,

§. 29. Et ergo *Delictum* in genere nihil aliud est, quam *prætermisso*. Adeoque non tantum dolo, sed & culpa, etiam levissima prætermissa complectitur.

§. 30. Hinc *Lex* dicitur esse *delictorum que sponse vel ignorantia committuntur coercitio* l. 1. ff. leg. Crimen, quod culpa factum est l. 30. §. 3. ff. ad l. Aquil. quin & *delicti* nomine venire, si quid precario contigerit, l. 1. §. f. l. 2. ff. de itin. actuque priv.

§. 31. Quo latiori sensu si *Delictum* in d. l. 32. ff. ad L. Aquil. accipiat,

tur, nihil difficultatis superesse videtur. Quod & forte significare voluit JC. dum non simpliciter *Dammum culpa datum* delictum dicit, sed eo casu *leviorem delicti causam* appellat.

§. 32. Sed nec *Dammum culpa datum* ad *Quasi delicta* referre licet. Tum quia nusquam iis annumeratur; Tum quia ceteroquin, in omni negotio in quo culpa, etiam levissima, quid commissum est, *Quasi delictum*, sine ulla legum auctoritate v. Nov. 18. c. 5. statuendum esset.

§. 33. Cum itaque *Actio in factum*, quæ deficientibus verbis Legis Aquilæ & mente legislatoris, a Prætorè propter damnum conceditur, neque ad *Delictum* neque *Quasi delictum* recte referatur; naturaliter autem æquum sit, alterius factum alteri non esse noxium l. 25. §. 2. in f. ff. ad SC. Treb., ex sola æquitate eam nasci, dicendum est.

§. 34. Exemplar autem hujus *In factum Actionis subsidiaria*, in jure nostro, occurrit varia. Ipse Imp. in §. ult. J. de L. Aquil. exemplum exhibet de eo, qui misericordia ductus alienum servum compeditum solvit, ut fugeret. add. l. 7. §. 7. ff. de dol. Aliud est in l. 27. §. 14. ff. ad L. Aquil. de eo qui lolium vel avenam in alienam segetem iniecit ut eam inquinaret. Aliud in l. 49. ff. cod. de eo qui fumo fugavit apes. Alia denique in l. 14. pr. §. ult. ff. de P. V. l. 55. ff. de A. R. D.

§. 35. Ex dictis simul intelligitur, quid de celebri illa questione sentiendum sit, An si liber homo culpa occisus sit, liberis ejus & viduæ *Actio* competat, ad persequendum id quod sua interest? Cum enim sola æquitas fundamentum sit *Actionis in factum subsidiaria*, de qua agimus, & utique damnum liberis & viduæ datum sit, *Actio hæc in factum* iis negari nequit.

§. 36. Licet enim *Actio Legis Aquilæ Directa & Utilis* locum non habeant l. 15. §. 1. l. 16. l. 36. §. 1. ff. ad L. Aquil. neque liberum corpus restitutionem recipiat l. 5. §. 1. ult. de his qui eff. ideo tamen *Actio in factum subsidiaria* non excluditur; Quæ locum habet, cum quocunque modo damnum datum est. d. §. ult. J. de L. Aquil. V. Celeberr. D. Pagenst. manr. Sicil. 22. Vin. ad pr. J. de L. Aquil. Carpz. 2. p. 1. Q. 35.

§. 37. III. Ad *Actiones in factum* referenda etiam videtur. *Actio in factum ex jurejurando*. Bach. de Act. De. 4. th. 24. De qua Imp. in §. 11. J. de Act. Item si quis, postulante adversario, juraverit, deberi sibi pecuniam, quam peteret, neque ei solvatur, iustissime accommodat (scil. Prætor. v. §. 10. J. cod.)

J. cod.) ei talem actionem, per quam non illud queritur, an ei pecunia debeatur, sed an juraverit, add. l. 11. §. 1. ff. de jurej., l. 8. C. cod. Ubi in factum aperte dicitur.

§. 38. Cum enim Jure civili, nulli detur actio, nisi ei, cui quid debetur, nec satis sit, in judicio dicere sibi quid deberi, nisi & is qui dicit probet, vere autem non probet qui jurat, adeoque Jure civili, ex eo, quod juravit, enim effectum nihil possit petere; Prætor considerans, ad religionem, accedere deferentis conventionem & consensum, æquissimum ratus est, actionem hanc concedere l. 25. l. 26. §. ult. ff. de jurejur.

§. 39. Qua occasione, ardua hic oritur Quæstio, An scil. ita nova hæc sit Actio, ut, per novationem, pristina sublata sit.

§. 40. Ad quam, ita tenendum videtur; Actionem hanc ita concedi, ut pristina salva maneat, ejusque formula retineatur, addita mentione jurisjurandi; ut Actor ab onere probandi liberetur.

§. 41. Docet hoc Ulp., in l. 13. §. 3. & 5. ff. de jurejur. 'Si quis juraverit (inquit) vendidisse me ei rem centum, ex emto agere poterit, ut res tradatur, & de evictione caveatur, & cetera præstentur. nec non in l. 7. §. 7. ff. de publician. in rem act. dum ait, Si petenti mihi rem jurisjurandum detuleris, egoque juravero rem meam esse, competit Publiciana mihi; sed adversus te dumtaxat, ei enim soli nocere debet jurisjurandum qui detulit.

§. 42. Accedit, quod Actio etiam hæc locum habeat, etsi juratum non sit l. 9. §. 1. ff. de jurejur. quod fieri non posset, si hæc Actio plane nova, nec alio quam jurisjurandi fundamento subnixæ esset.

§. 43. Tum &, si vera vis novandi inesset juramento, fieri non posset, ut ei, qui se non debere juravit, Exceptio daretur jurisjurandi; (quam tamen eo casu locum habere, constat, ex §. 4. l. de except.) Quandoquidem novatione ipso jure tollitur obligatio. §. 3. l. quis mod. toll. oblig.

§. 44. Neque contrarium est, quod dicitur Actorem præstito jurisjurando Actionem sibi acquirere l. 9. §. 1. l. 28. §. 16. ff. de jurejur. §. 11. l. de Act. causamque principalem non exerceri, sed tantum queri an juratum sit l. 30. ff. de jurejur. d. §. 11. l. de Act. Non enim negatur ibi pristinam Actionem institui posse, sed illud tantum dicitur, præstito vel remissio jurisju-

jurejurando causam principalem pro certa haberi, neque Actionem quam Actor habebat, ulla amplius probatione indigere, sed tantum quæri an juratum sit.

§. 45. Plus difficultatis habere videtur l. 26. §. ult. ff. de jurejur. ubi Paulus J.C. *Jurisjurandi conditio ex numero esse potest videri novandi delegandive, quia proficiscitur ex conventionione, quamvis habeat & instar judicii.*

§. 46. Sed non dicit J.Ctus jurisjurandi conditionem vere esse novationem, verum ex numero novandi delegandive esse videri posse; quod de effectu, quia vini novationis habet, accipiendum est. Quemadmodum & ibidem judicii instar, & in l. 2. ff. de jurejur. speciem transactionis, eodem fere sensu, habere dicitur. V. Bach. ad Tr. V. 1. D. 21. th. 8. l. d. Struv. Exerc. J. C. 17. th. 50. Vin. ad §. 11. J. de Act. Bockelm. ad L. ff. de jurejur. §. 4. Huber. prel. ad J. de Act. n. 15.

§. 47. Quod si itaque hic nulla proprie est novatio, neque pristina Actio tollitur, sequi simul videtur, Actionis hujus originem neque Pacto confirmato. Vid. Bach. ad τὰ παρὰ. ad t. de pact. C. de pact. Legit. n. 7 Bockelm. tr. de Act. Cap. 3. p. 9. §. 10. neque Quasi Contractui adscribi posse, Ut dicere præoccupavimus Dissert. 2. cap. 3. §. 29. & seqq. add.

Dissert. 4. cap. 4. §. 3. & seqq.



DISSERTATIO JURIDICA S E X T A D E CAUSIS OBLIGATIONUM.

C A P. I.

§. I.

Praeter *Actiones in factum subsidiarias* dantur & aliae istis affines, *Actio* scilicet *de tigno juncto*, *Actio subsidiaria pupillis* & *minoribus contra Magistratus minores competens*, & *Actio iudicati*; Quae & in factum quibusdam dicuntur, & quatenus ex sola aequitate oriuntur sic vocari possent v. *Dissert. §. c. 2. §. 7.* Quia autem singulae propriis appellantur nominibus, singulari loco de iis agendum visum est.

§. 2. *Actio de tigno juncto* (quam ab *Actionibus in factum* separatam proponit Paulus JC. in d. l. 23. §. 6. ff. de R. V. latiori sensu vero in factum vocat A. Huber. praef. ad J. de R. D. n. 39.) est civilis, personalis, competens domino tigni (per quod hic omnis materia intelligitur ex qua aedificium constat vineaeque necessaria l. 1. §. 1. ff. de tign. junct. l. 7. §. 10. ff. de A. R. D. §. 29. J. de R. D. l. 62. ff. de V. S.) contra eum, qui, ignorante domino, tignum alienum adibus suis junxit, in duplum l. 23. §. 6. ff. de R. V. d. l. 7. §. 10. ff. de A. R. D. §. 29. J. de R. D. l. 1. pr. ff. de tign. junct.

§. 3. Quae Actio antiquissima est, & Lege XII. Tabb. introducta, uti docet Paulus JC. in d. l. 23. §. 6. ff. de R. V. Tignum alienum (inquit) adibus junctum, nec vindicari potest, propter Legem duodecim Tabularum, nec eo nomine ad exhibendum agi, nisi adversus eum, qui sciens alienum junxit. Sed est Actio antiqua de tigno juncto, quae in duplum ex Lege duodecim tabularum descendit. Nec non Ulp. in d. l. 1. pr. ff. de tign. junct. dum ait, Lex duodecim tabularum, neque solvere permittit tignum furtivum, adibus vel vinea junctum, neque vindicare, Quod providenter lex effecit, ne vel aedificia sub hoc praetextu diruantur, vel vinearum cultura turbetur; sed in eum, qui convictus est junxisse, in duplum dat actionem, add. l. 7. §. 10.

l. 7. §. 10. ff. de A. R. D. §. 29. §. de R. D. l. 6. ad exhib. l. 63. ff. de don. int. vir. & uxor.

§. 4. Quibus verbis hæc lex concepta sit, non satis constat; Unde & varie eam exhibent Legum XII. Tabb. Collectores & Interpretes. F. Ursinus Not. ad A. Aug. de Leg. & SC. Thesaur. Antiq. Celib. Grav. Tom. 2. p. 133. illam hisce verbis proponit. TIGNOM. JUNCTOM. ÆDEBOS. VINIÆQUE. ET. CONCAPET. NEL SOLVITO, QUEI. OLUD. JUNXSIT. DUPLIONE. LUITO. Jac. Gothofredus ad LL. XII. Tabb. L. 1. Tab. VI. & L. 3. prob. ad Tab. VI. eam ita formât, TIGNUM. JUNCTUM. ÆDIBUS. VINÆEVE. NE. CONCAPET. NE. SOLVITO. AST. QUI. JUNXIT. DUPLIONE. DAMNATOR. C. Rittersbusius autem Comm. in XII. Tabb. Leg. Class. 3. p. 2. cap. 35. hoc modo, TIGNUM. JUNCTUM. ÆDIBUS. VINÆEVE. NE. SOLVITO, QUI. ILLUD. JUNXERIT. DOMINO. DUPLUM. PRÆSTATO, Alii aliter.

§. 5. Fragmentum ejus, sed corruptum, extat apud Festum in voc. Tignum. Tignum (ait) non solum in adificiis, sed etiam in vineis, ut est in XII. TIGNUM. JUNCTUM. ÆDIBUS. VINÆEQUE. ET. CONCAPET. (pro quo in vulg. Ed. legitur concapu) NE SOLVITO.

§. 6. Cui loco mederi Doctissimi quique conati sunt,

§. 7. H. Giphani. comm. ad §. 29. §. de R. D. verba Et concapet, delenda censet. Ejusdemque sententiz fuisse videtur C. Rittersbus comm. in XII. Tabb. Leg. Class. 3. p. 2. c. 35. qui in concipienda hæc Lege, ea verba ut vidimus, omisit.

§. 8. Quidam (inter quos Revard. ad LL. XII. Tabb. c. 22. L. Charand. ad LL. XII. Tabb. 72.) pro Et concapu. legunt Et vel Aut capulo. Quasi noluerint Decemviri Tignum capulo, seu feretro, quo mortui efferebantur, junctum dissolvi; ne funus impediatur, neve justia hominis mortui turbentur. Quæ licet pia sit interpretatio, minimeque reprehendenda visa Contio Collect. LL. XII. Tabb. p. 379. ad rem tamen minus est accommodata. Et si enim per Capulum Festus inter alia etiam id intelligit, quo mortui efferruntur, Capuli tamen in tigni explicatione mentio apud Festum nulla, nulla quoque apud Jctos, qui Legem istam interpretantes ædium quidem & vineæ crebro, capuli autem nunquam meminerunt.

§. 9. Alii pro Concapu. Conceptum vel concapitum malunt, i. e. conceptum cognitumque. Quod nec displicuit aliquando Cujac. parat. ad T. ff. de sign. junct. L. 23. Obs. 19.

§. 10. Bossius l. ad Att. 19. pro Et concapet. legit E compage.

§. 11. Turnebus L. 13. Advers. cap. 27. non unam conjecturam assert. Nam aut Copula ne solvito, aut Ne vindicato, ne solvito, quomodo in suo

Cod,

Cod. haberi testatur *L. Charond. ad. L. XII. Tab. 72.* aut *Neve capito, neve solvito.* legendum putat.

§. 12. A. Contius *Collect. LL. XII. Tabb. d. p. 879.* fragmentum istud ita restituendum censet, TIGNUM. JUNCTUM. ÆDIBUS. VINEÆVE. CONCAPITO. NE. SOLVITO. i. e. liceat quidem concipere atque deprehendere atque quærere, sed non solvere & ex ædificio extrahere.

§. 13. J. Scaliger *ad Fest. d. l.* pro *Concapet* restituit *Concaper.* Quod interpretatur depactum ac defixum terræ ad vineam sustinendam, & sic dictum statuit, quod habeat caput suum cum capite vineæ vel vitis commissum. *Caput* enim vineæ radix est rei rusticæ scriptoribus. *Virg. 2. Georg. v. 354. 355.*

— *Superest deducere terram*

Sæpius ad capita,

Quemadmodum & eadem forma *Procaper, Formucaper,* & similia, apud eundem Festum lege e licet. Eamque emendationem probant *Cujac. ad 1. ff. de tign. junct. §. ad l. 98. §. fin. ff. de solut. D. Gothofr. ad l. 1. ff. de tign. junct. §. ad LL. XII. Tabb. T. 24. F. Ursin. not. ad Leg. §. Sen. d. l. Salmuth. not. ad Pancirol. Rer. memor. L. 1. T. 19.* Qui tamen simul & aliam conjecturam exhibet, nec a verbis *Et concaper.* longe recedere censet, si legatur, *Cum capite ne solvito.*

§. 14. Sed neque hæc, neque superiores emendationes omnem scrupulum tollunt; Unde J. Gothofredus *ad LL. XII. Tabb. L. 1. Tab. VI. §. L. 3. prob. ad Tab. VI.* ad vestigium antiquæ scripturæ pro *Et concaper.* reponit, *Ne concaper.* Itaque legendum putat NE. CONCAPET. NE. SOLVITO, i. e. *Ne concape, & ne solvito.* Ne concape (inquit) i. e. ne vindicato. Testatur quippe Ulp. in *d. l. 1. ff. de tign. junct. disertis verbis hanc XII. Tab. Legem,* neque solvere tignum ædibus vel vineis junctum neque vindicare permisisse. Censetque *concaper* idem esse quod vindicias contendere, seu rem, de qua controversia est, simul cum adversario capere, comprehendere, de quo *Gell. L. 20. c. 10. Add. id. Gothofr. Jnd. ad L. XII. Tab. voc. concaper.*

§. 15. Quæ sententia uti probabilis est, ita tamen in eundem sensum forte rectius legetur NE. CONCAPITO. NEVE. SOLVITO. Tum quia in schedis *Festi d. l.* pro *concapet* legitur *concapit.* Tum quia *to Concapito* occurrit in glossis veterum. Tum denique quia hoc cum sequenti *solvito,* verbisque in legibus usitatis, magis convenit.

§. 16. Verum enim vero, quibuscunque demum verbis hæc lex concepta sit, de iis, cum de re constat, magnopere laborandum non est. *Legem*

gem enim XII. Tab. non permittere tignum alienum ædibus junctum vindicare neque solvere, sed domino tigni *Actionem de tigno juncto* in duplum concedere, constanter traditum est. v. d. l. i. ff. de tign. junct. d. l. 23. §. 6. ff. de R. V. d. l. 7. §. 10. ff. de A. R. D. §. 29. J. de R. V. l. 6. ff. ad exhib.

§. 17. Quod summa ratione L. XII. Tab. tantum est. Ne scil. ædificia rescindi necesse sit, cave sub hoc prætextu diruantur, vel vinearum cultura turbetur. d. l. i. ff. de tign. junct. l. 7. §. 10. ff. de A. R. D. §. 29. J. de R. D.

§. 18. Cui principali rationi accedit & alia, ne ædium demolitione & ruinis publicus deformetur urbis aspectus. v. l. 2. §. 17. l. ult. ff. ne quid in loc. publ. l. 2. C. de adif. priv. l. 20. §. 9. ff. de nov. op. nunc. l. 5. C. de oper. publ.

§. 19. Licet enim primis temporibus domos fere habuerint exiguas, & humilia tecta. V. A. Donat. de Urbe Roma l. i. c. 24. Thesaur. Antiq. Cl. Græv. Tom. 3. p. 552. pulchram tamen & decoram civitatis faciem, quæ ædificiorum cultu acquiritur l. 2. C. de præd. & omn. reb. navic. L. XI. Decem viris etiam curæ fuisse, Lex eorundem de jure parietum, similesque de jure prædiorum Urbanorum, dubitare non sinit.

§. 20. Summa sane ejus sequentibus temporibus habita fuit ratio. Adeo quidem, ut non tantum ea quæ ædibus juncta sunt, SCTo, quod Aviola & Panla Coss. sub Traiano conditum est, etiam legare prohibitum l. 41. §. 1. ff. de legat. 1. eique qui ad restitutionem ædificiorum (ad naves enim hoc non pertinet) pecuniam mutuam dedit, SCTo, quod sub Marco Imperatore factum, pignus tacitum cum privilegio datum sit l. 1. ff. in quib. caus. pign. vel hyp. tac. l. 24. §. 1. ff. de reb. auct. jud. poss. Sed & constitutum, ut Magistratus, ex officio, inspectis ædificiis, dominos eorum ad refectionem compellere debeat, & contra detrahentem competente remedio deformitati auxilium ferre l. 7. ff. de offic. Præf. cautionem de damno infecto exigere v. l. 7. pr. l. 4. §. 5. & seqq. de damn. infect. eaque quæ in foro, vel publico, contra oriatum & commodam & decoram civitatis faciem, exstructa noscuntur, diruere l. 5. C. de oper. publ.

§. 21. Tignum quidem hoc casu revera extinctum non est, adeoque a domino, qui dominium ejus non amisit §. 29. J. de R. D. naturaliter vindicari posset, eaque ratione Lex XII. Tab. tignum junctum vindicari posse scire dicitur in l. 98. §. ult. ff. de solut. (quemadmodum & alibi Leges XII. Tab. putare leguntur, v. l. 25. ff. de stat. lib. Ulp. fragm. tit. 1. §. 12.) Sed propter dictam rationem, in favorem ædificantium, id interim i. e. quam-

dum

diu junctum est v. l. 48. pr. ff. de A. R. D. cum effectū vindicari & solvi noluerunt.

§. 22. Ne tamen per hoc injuria fieret tigni domino, qui ita invitus cogitur carere re sua, quam ceteroquin ne quidem iusto pretio vendere tenetur l. 9. ff. rer. amot. Actionem ei de tigno juncto in id quod ejus interest, contra jungentem dederunt, i. e. in duplum.

CAPUT II.

§. I.

Est autem *Actio de tigno juncto* duplex *Pœnalis*, & *Rei persecutoria*.

§. 2. *Pœnalis* est cum agitur contra eum qui mala fide junxit. l. 1. pr. §. 2. l. 2. ff. de tign. junct. Cujac. L. 23. Obs. 29. Bach. ad Tr. v. 2. d. 22. th. 6. lit. A. & de Act. D. 5. th. 17. Eckolt. ad t. ff. de tign. junct. §. 2.

§. 3. Quo casu duplum meram pœnam esse ex d. l. 2. manifestum est; quia ibi postquam tigni furtivi nomine in duplum actum est, *extrinsecus* (pro quo *Wesemb.* ad §. 29. J. de R. D. male legit *extinctam*) i. e. insuper, seu præter hanc Actionem, destructo ædificio, rei vindicationem esse, apertis verbis dicitur. Quæ, cum bis idem exigi nequeat l. 57. ff. de R. J. concedi non posset, si hoc casu Actio de tigno juncto esset rei persecutoria; uti pluribus contra *Struv. Exerc. J. C.* 48. th. 29. & *Berger. Resol. pag.* 701. & seq. demonstravit *Celeber. Pagenstech.* lib. ser. Q. 6.

§. 4. *Rei persecutoria* vero est, cum actio hæc contra bonæ fidei possessorem, seu eum qui bona fide junxit, locum habet l. 23. §. 6. ff. de R. V. l. 7. §. 10. ff. de A. R. D. §. 29. J. de R. D.

§. 5. Quin enim *Actio de tigno juncto* contra bonæ fidei possessorem, etiam cum tignum furtivum non est, locum habeat, ne quidem dubitandum videtur.

§. 6. Nam Lex XII. Tab. non tantum generaliter & indistincte locuta est, Ratioque Legis tam ad bonæ quam ad malæ fidei possessorem pertinet, sed & de eo ex l. 23. §. 6. ff. de R. V. l. 7. §. 10. ff. de A. R. D. §. 29. J. de A. R. D. aperte constat. Tum quod *Actio de tigno juncto* ibi datur contra eum, contra quem, neque rei vindicatio institui, neque ad exhibendum agi potest; Qui utique alius quam bonæ fidei possessor esse nequit; Quia utraque actio contra eum qui alienum tignum sciens junxit, tanquam contra eum qui dolo desit possidere l. 1. §. 2. ff. de tign. junct. locum habet, uti per modum exceptionis in d. l. 23. §. 6. additur. Tum quod

quod in d. §. 29. in fin. subicitur, *Si aliqua ex causa dirutum sit ædificium, poterit materia dominus, si non fuerit duplum jam consecutus, tunc eam vindicare & ad exhibendum ea de re agere.* Quod iterum de bonæ fidei possessore tantum intelligi potest, quia contra malæ fidei possessorem, diruto ædificio, etiam si duplum solverit, extrinsecus etiam rei vindicatio (uti dictum §. 3.) locum habet.

§. 7. Accedit quod nisi hæc Actio contra bonæ fidei possessorem etiam de tigno non furtivo non competeret in duplum, Actione hac opus non fuisset, cum ad supplum consequendum sufficiat Actio in factum l. 23. §. 5. ff. de R. V. v. Bacov. ad Tr. V. 2. d. 20. th. 6. lit. A. Giphon. ad d. §. 29. J. de R. D. Vin. Comm. ad d. §. 29. n. 2. Harp. ibid. n. 13. & seqq. Eckolt. ad t. ff. de tign. junct. §. 4.

§. 8. Non obstat, quod in l. 1. ff. de tign. junct. & l. 63. ff. de don. int. vir. & ux. tigni furtivi mentio fiat; Lex enim ipsa, uti ex dictis apparet, de tigno in genere, non vero de tigno furtivo in specie, locuta est, uti male statuit Vin. Comm. ad d. §. 29. n. 2. Celeb. Stryck. de investig. act. Sect. 1. Memb. 10. §. 12. Sed JCI cum viderent eam Legem in genere agere de tigno, quod ignorante domino, ædibus alterius junctum d. l. 63. eam de tigno furtivo maxime acceperunt; Quia tignum alienum jungens, plerumque novit id alienum esse, & res immobiles in vitium furti facile incidunt, §. 2. J. de usufructu. Quin imo ex ipsa l. 63. de don. int. vir. & uxor. Actionem hanc de tigno etiam non furtivo contra b. f. possessorem locum habere, recte infertur. Eo quod ab Actione de tigno juncto ibi ille tantum eximitur, qui sciente & patiente domino ædificavit; Ex quo sequitur omnem eum, qui ignorante domino tignum alienum ædibus suis junxit, adeoque etiam b. f. possessorem, Actione de tigno juncto conveniri posse.

§. 9. Plus difficultatis habere videri posset, quod Pauhur JC. in l. 98. §. f. ff. de solut. dicit: Denique Lex XII. Tab. tignum ædibus junctum vindicari posse scit, sed interim id solvi prohibuit, pretiumque ei dari voluit. Sed cum in ipso d. §. f. mentio fiat Legis XII. Tab. pretium ibi latius, & secundum Legem XII. Tab. de duplo accipiendum esse, non difficulter intelligitur.

§. 10. Neque habet quod queratur bonæ fidei possessor, quod Actio contra eum concedatur in duplum. Cum dominus tigni, cum maximo expensum suo incommodo, invitatus cogatur carere re sua; & possit b. f. possessor, si velit, tignum eximere, dominoque petenti restituere.

§. 11. Quod Legi XII. Tab. uti multi consent, minime est contrarium.

§. 12. Ait sane Lex XII. Tab. *ne solvito*, diciturque Lex XII. Tab. tignum solvi non permittere l. 1. ff. de tign. junct. vetare l. 6. ff. ad exhib. & prohibere l. 98. §. f. ff. de solut. Sed quo sensu id dicatur videndum est, l. 17. ff. de leg.

§. 13. Neque enim cum *Donel. comm. l. 4. c. 33. Harp. ad §. 29. J. de R. D. n. 28. 29. Huber. pral. ad J. de R. D. n. 23.* verba illa tignum *ne solvito*; Lex tignum solvi non permittit; vetat; prohibet; ad Actorem materix dominum referenda putamus. Sed hanc fuisse Decemvirorum mentem censuimus; posse quidem ædificantem, si commode, & sine ulla ruina, id fieri possit, tignum eximere, dominoque petenti restituere, sed si de eo conveniatur, & solvere nolit, necesse non habere. Idque aperte docet *Gajus J. C. in l. 7. §. 10. ff. de A. R. D.* nec non *Imp. in §. 29. J. de R. D.* (qui legislatorum mentem, legisque sententiam haud dubie optime perspicuam habuerunt) dum ajunt *Lex XII. Tab. cautum fuisse, ne quis tignum alienum ædibus suis junctum eximere cogatur*; subjecta Legis ratione, *ne ædificia rescindi necesse sit*; quæ verba permissionem, non prohibitionem, continent, v. l. 1. C. quom. & quand. jud. l. 40. ff. de jud.

§. 14. Quemadmodum & Senatus, cum ædibus juncta legari prohibuisset, l. 41. §. 1. ff. de legat. 1. id ipsum ita declaravit, ut exceptionem pariat, si absque injuria & deformatione ædium auferri possent, l. 21. §. 2. ff. de legat. 3.

§. 15. Et sane si Lex illa XII. Tab. secundum verba simpliciter accipienda esset, nunquam aliquid destruere, vel impensas in rem alienam factas tollere liceret. Cum tamen contrarium ex l. 27. §. ult. l. 37. l. 38. l. 59. ff. de R. V. l. 5. in f. C. cod. manifestum sit; & ædes demoliri, prohibitum tantum sit, negotiandi causa, vel si publicus deformetur Urbis aspectus, l. 2. C. de ædif. priv. l. 52. ff. de cons. emt. l. ult. ff. de damn. inf.

§. 16. Quando igitur hæc Actio contra bonæ fidei possessorem competit, eam *Rei persecutoriam*, non *mixtam Rei & pene persecutoriam* (uti plerique statuunt v. *Cujac. l. 23. Obs. 19. Bach. V. 2. D. 20. th. 6. lit. A. de Act. D. 5. th. 17. Eckolt. ad 1. ff. de tign. junct. §. 2.*) cum *Struv. Exerc. 48. th. 39.* dicendam putamus. Quatenus scilicet Actiones rei persecutoria & pœnales sibi opponuntur, §. 16. & seqq. J. de Act.

§. 17. *Pœna* enim vocabulum non eodem semper modo accipitur. Sed vel proprie pro delictorum coercitione seu æstimatione ponitur l. 131. ff. de V. S. l. 41. ff. de pœn. Vel minus proprie, pro omni alia coercitione, licet nullum delictum interveniat; sive per conventionem partium pœna sit apposta v. §. ult. J. de V. O. l. 47. ff. de Act. Empt. sive a testatore v. §. ult.

ult. *J. de legat.* Sive a Lege constituta. Qua ratione *mora pœna* dicitur in *l. ult. ff. de fidej. & usuræ l. 38. ff. de neg. gest. l. 40. ff. de reb. cred. l. 9. C. de usur.* nec non id quod interest, sub nomine *pœna*, veniunt *l. fin. ff. de eo quod cert. loc. l. un. C. de sent. quæ pro eo quod interest.*

§. 18. *Rei autem persecutoriam, non pœnalem mixtam, hoc casu, hanc Actionem esse multa arguunt.*

§. 19. Nam pœna proprie sine fraude & delicto esse nequit *d. l. 131. ff. de V. S. l. 41. ff. de pan.* Fraus autem, & delictum in b. f. possessore nullum est, neque verum, neque quasi tale.

§. 20. Deinde naturalis æquitas exigit ut ei qui sine facto suo, invitatus, & maximo sæpe cum incommodo, re sua carere cogitur, omne id præstetur, quod ejus interest. Id quod interest autem (quia incertum est & probatu difficile,) in legibus nostris duplo circumscriptum est *l. 43. in f. & l. seq. ff. de Act. emt. l. 25. C. de evict. l. un. C. de sent. quæ pro eo quod interest.*

§. 21. Quam æquitatis rationem Decemviros probe considerasse, nullaque injuria tigni dominum affici, adeoque nec difficulti aliqua probatione onerari voluisse, ex dictis, ut puto, fatis intelligitur.

§. 22. Quin imo duplum hic non tanquam pœnam, sed pretium pro tigno præstari, tum a Gajo Jcto in *l. 7. §. 10. ff. de A. R. D.* tum ab Imp. in §. 29. *J. de R. D.* aperte notatum est.

CAPUT III.

§. I.

Hic præmissis, de origine hujus *Actionis* non difficulter judicari potest.

§. 2. Et quidem *Actionem de tigno juncto pœnalem*, quæ contra malæ fidei possessorem locum habet, ex delicto descendere, recte statuit *Bachov. de Act. D. 5. th. 17. Eckelt. ad t. ff. de tign. junct. §. 2. Celeb. Stryck. de investig. Act. memb. 10. §. 12.*

§. 3. Sed de *Actione de tigno juncto rei persecutoria* id dici nequit, quæ neque ex delicto est, neque quasi ex delicto, neque ex contractu, neque quasi ex contractu.

§. 4. Quasi delicto adscribere eam videtur *Cl. Stryck. de investig. act. sect. 1. memb. 10. §. 12. Harpr. ad §. 29. J. de R. D.* alique. Eo quod bonæ fidei possessor culpæ reus sit, quod non diligentius in qualitatem tigni inquisiverit, quod jungi curavit.

§. 5. Sed culpa hæc in bonæ fidei possessore sæpenumero levissima est, imo nulla, si scil. in iusto errore versetur, qui jure nostro plene excusari solet, l. ii. ff. pro emt. l. ult. §. i. ff. pro suo. Et si vel maxime culpa levis vel levissima intercedat, non ideo tamen statim *quasi delictum* dici potest, uti pluribus demonstratum *Dissert. s. c. 4. §. 19. & seq.*

§. 6. Cum itaque *Actio hæc de tigno juncto rei persecutoria* ad nullum ex ordinariis Actionum & obligationum fontibus referri possit, & singularis æquitas, propter quam hæc actio introducta est, ex dictis sit perspicua, *variis ea causarum figuris* cum aliis adscribenda videtur,

CAPUT IV.

§. 1.

Idem dicendum de *Actione subsidiaria*, quæ competit pupillo & minori adversus Magistratus minores, quoties vel nullo modo vel non idonee caveri curarunt, ad id, quod ob tutorum, curatorum, fidejussorumve inopiam, ab iis pupillis minorve servare non potuit §. 2. 4. *J. de satisdat. tut. l. 4. §. 6. ff. de mag. conven. l. 5. C. eod.*

§. 2. Vocatur hæc *Actio subsidiaria*, quia pupillis & minoribus in subsidium indemnitis nomine data est, & ultimum ipsis asserti præsidium. l. 5. C. de Mag. conven. §. 2. *J. de satisdat. tut.* Excusis scil. prius facultatibus tutorum & curatorum, eorumque fidejussorum & heredum, l. 46. §. 6. ff. de admin. tut.

§. 3. Dicitur etiam *Utilis* l. i. l. 5. C. l. i. §. pr. ff. de Mag. conven. Non oppositive ad directam, est enim ex verbis SCti, sed quod exteris actionibus quibus indemnitati pupillis consulitur per interpretationem adjecta, & ad exemplum actionis tutelæ introducta sit, *Eckolt. ad t. ff. de Mag. conv. §. 1. Huber. præl. ad eund. tit. n.*

§. 4. Theoph. paraphr. ad §. 2. *J. de satisdat.* eam in factum appellat. Quod ad similitudinem *Actionis in factum*, quæ in defectum Actionis Legis Aquiliæ directæ, & utilis, introducta est §. ult. *J. de L. Aquil. defendi posse* censet *Huber. d. l. Add. Bachov. de Act. D. 4. th. 24.* Sed in Legibus eo nomine nusquam vocatur; Ut adeo eo nomine abstinere satius sit.

§. 5. Introducta est Senatus consulto l. 2. ff. de mag. conv. quod temporibus Trajani Imp. factum est; de quo *Dioclet. & Maxim. in l. 5. C. de mag. conv.* In Magistratus municipales, tutorum nominatores, si administrationis finito tempore non fuerint solvendo, nec ex cautione fidejussionis solidum exigi possit, pupillis quondam in subsidium, indemnitis nomine, actionem

nem utilem competere, ex Senatusconsulto quod auctore Divo Trajano parente nostro factum est, consistit.

§. 6. Idque suavitatis & favor pupillorum, ut scilicet ea ætate, qua ipsi rebus superesse non possunt, quovis modo indemnes servantur arg. §. 6. *J. de Attil. tut.* Quam æquitatis rationem etiam notavit Ulp. in l. 6. *ff. de Mag. conven.* dum ait, *Æquum est haberi eum loco fidejussoris, ut & heres ejus teneatur.*

§. 7. Datur hæc Actio pupillis & minoribus eorumque heredibus l. 15. §. 4. *ff. de mag. conv.* Non contra quosvis magistratus sed tantum minores (Majores, enim ex inquisitione dant tutores; quales satisfactione non onerantur. *pr. J. de satisfat.*) Ut sunt in Urbe scriba, summus scilicet, seu vir Clarissimus l. ult. *C. de mag. conv. junct. Nov. 94. in f.* in civitatibus Magistratus municipales, Duumviri scilicet, & defensores. l. 5. *C. cod. l. 3. §. ult. ff. de pecul.*

§. 8. Datur autem contra eos ad damnum refarciendum, quod passi sunt l. 1. §. 6. *ff. de mag. conv.* eo quod nullos aut non idoneos fidejussores exegerunt §. 2. *J. de satisfat.* aut non idoneos tutores constituerunt l. 4. *C. de mag. conv.* non tantum si dolo, sed & si culpa levi aliquid neglexerint. l. 4. §. 16. l. 7. *ff. l. 2. C. de mag. conv.*

§. 9. Quod si itaque dolus Magistratus intercesserit, causa obligationis ad Delictum recte refertur,

§. 10. Si vero levis tantum ejus culpa argui possit, fons hujus Actionis non æque facile demonstrari potest.

§. 11. Sunt, qui causam ejus fidejussionem statuunt, eo quod Magistratus loco fidejussoris habetur l. 6. *ff. de mag. conv.* Sed hoc ex eo minime sequitur. Color enim hic tantum huic Actioni quæsitus est, ut Magistratus qui fidejussores non exegit, loco fidejussoris habeatur, & ad damnum refarciendum conveniri possit. Revera autem Magistratus fidejussor non est, neque ulla stipulatio fidejussoria inter pupillum & Magistratum hic intercedit. Quod vel ex eo manifestum est, quia *Actio ex stipulatu* etiam contra heredes fidejussoris indistincte locum habet §. 3. *J. de fidei. l. 14. §. 1. ff. cod. l. 24. C. cod. l. 49. de O. & A. Subsidiaria* autem non nisi ex dolo & lata culpa defuncti contra heredem extenditur l. 4. l. 6. *ff. l. 2. C. de mag. conv.*

§. 12. Sunt etiam, qui Actionem hanc utilem ex stipulatu esse statuunt, cujus mentio in l. 4. *ff. rem. pup. statu. ser. v. Stryck. de Act. sect. 1. mebr. §. 18.* Sed non agitur ibi de *actione subsidiaria*, verum de casu quo pupillus vel abest vel infans est, adeoque alius stipulatur a tutore ejusve fide-

jussore rem pupilli salvam fore, quo casu pupillo (quia ipso jure ei non acquiritur.) Actio contra tutores eorumque fidejussorem utilis conceditur, add. l. 1. §. pen. ff. de mag. conv.

§. 13. Quidam eam speciem esse volunt *Actionis utilis tutela*, per l. fin. ff. de mag. conven. adeoque ex *Quasi contractu* descendere. v. Suenendorff. ad Eckolt. ad t. ff. de mag. conv. §. 1.

§. 14 Sed abutuntur illi d. l. fin. ff. de mag. conv. Modestinus enim, dum ait, *eadem in Magistratus actio datur qua competit in tutores*, non hoc vult, *Actionem tutela* & *Actionem subsidiariam* easdem esse, sed *Actionem subsidiariam* eodem modo & ad idem dari contra Magistratus, ad quod *actio tutela* contra tutores competit.

§. 15. Neque sane in omnibus convenire *Actionem subsidiariam* & *Actionem tutela* vel ex eo manifestum est, quod ratione *Actionis subsidiarie* pupillus non habeat privilegium praelationis in bonis Magistratus l. 1. §. 14. ff. de conv. mag. quod tamen ratione *actionis tutela* ipsi concessum est, l. fin. ff. qui pot. in pign.

§. 16. Alii ex *quasi delicto* eam deducere malunt, inter quos Eckolt. ad d. 1. §. 1. Lauterb. ad d. 1. Add. Bachov. ad §. 3. J. de satird.

§. 17. Sed sola culpa levis non sufficit ad hoc, ut *quasi delictum* sine Legum auctoritate statuatur v. supr. c. 3. §. 5. Dissert. 5. c. 4. §. 19. & seqq. Cæteroquin nullum esset negotium, in quo quasi delictum concipere non liceret.

§. 18. Competit etiam hæc actio contra patrem ex culpa filii l. 1. §. f. ff. de mag. conv. l. 3. §. f. ff. de pecul. quod fieri sane non posset, si actio ex *quasi delicto* descenderet. Quia *Actiones*, ex delicto vel quasi delicto filii oriundæ, contra patrem non competunt §. 2. J. de obl. quæ ex del. §. 10. J. de Act. l. 1. §. 7. ff. de his qui effud. l. 58. ff. de R. J.

§. 19. Cum itaque hoc casu *Actio hæc subsidiaria* neque ex *Contractu* oriatur neque *Quasi ex contractu*, neque ex *Delicto* neque *quasi ex delicto*, & ex sola æquitate in favorem pupillorum & minorum introducta sit, nihil superest, quam ut referatur ad obligationem quæ ex variis nascitur *causarum figuris*.

CAPUT V.

§. 1.

Ad eundem fontem referenda etiam videtur *Actio judicati*.

§. 2. Est autem *Actio judicati*, *Actio personalis rei persecutoria*, competens *Actori Victori* ejusque heredi, contra eum, qui suo nomine in judicio

cio condemnatus est, ejusque heredem, ad solvendum id, in quod condemnatus est. l. 6. §. f. l. 4. §. 3. ff. de re jud.

§. 3. Vocatur hæc Actio *Judicati. d. l. 6. §. f. l. 4. pr. §. 1. 2. 5. ff. de re jud.* quia datur judicati persequendi causa, ut condemnatus satisfaciat judicatio, vel per Prætores ad hoc cogatur.

§. 4. Actionibus in factum post *Accurs.* eam annumerat *Bachov. de Act. Disp. 4. tb. 24. P. G. Tholosan. L. 21. c. 8. n. 27.* propter *l. 8. C. de reb. cred.* ubi *Impp. Diocl. & Maxim. Actori, delato vel relato jurejurando, si juraverit, vel ei remissum sit juramentum,* ad similitudinem judicati, in factum actio competit.

§. 5. Quod tamen ex *d. l. 8.* minus recte inferri videtur. Licet enim Actio in factum ex jurejurando, ad similitudinem judicati, ibi dari dicatur, ex eo tamen non sequitur, Actionem judicati (quæ proprio nomine significatur) Actionem in factum dictam, vel dicendam esse. Sed sensus est, Actionem in factum ex jurejurando ita competere, quemadmodum Actio judicati conceditur. Uti enim res judicata pro veritate habetur, *l. 25. ff. de stat. bom. l. 207. ff. de R. J.* neque post sententiam validam amplius queritur an debeatur, *l. 56. ff. de re jud.* ita præstatio jurejurando similiter amplius non queritur, an debeatur, sed an juratum sit. *l. 25. ff. de jurej. §. 11. J. de Act. v. Wiff. ad ff. p. 2. Disp. 42. tb. 6. & ad d. l. 8. C. de reb. cred. Eckholt. ad t. ff. de re jud. §. 21.*

§. 6. Ratione originis civilis dicenda videtur, quandoquidem *Lege XII. Tab.* constitutum fuit, ut si reus intra 30. dies non solvisset, in jus vocari posset, uti docet *Gell. L. 20. c. 1.* ubi & ipsa *Legis XII. Tab.* verba memorat. de qua *V. J. Gothofr. ad LL. XII. Tabb. l. 1. Tab. 3. L. 3. prob. ad Tab. 3. & not. ad d. Tab. 3.* Sed Prætor eam postmodum *Edicto* etiam proposuit, uti apparet ex *l. 4. §. 3. l. 5. pr. ff. de re jud. l. 75. §. ult. ff. de jud.*

§. 7. Fundamentum autem habet in æquitate & utilitate publica. Æquissimum enim est & publice utile, ut sententia, quæ legitime pronunciata est, & vires rei judicatz habet, effectum sortiatur; & ut semel litium sit finis, neque immortales istæ fiant, v. *l. 21. ff. de reb. cred. l. 13. C. de jud.* post sententiam de causa amplius non queratur. *l. 56. ff. de re jud.* sed si constet judicatum esse, sententia ad petitionem actoris statim executioni mandetur. *l. 40. ff. de minor.*

§. 8. Sed ex quo obligationum fonte nascatur non satis exploratum est.

§. 9. Plerique sane eam ex Quasi Contractu descendere statunt.
Donell.

Donell. L. 27. ad l. 6. §. ult. ff. de re jud. Bachov. V. 2. D. 23. th. 5; lit. F. G. Struv. Exerc. 44. th. 14. Eckholt. ad t. ff. de re jud. §. 21. Lauterb. ad d. 1. Stryck. de investig. act. sect. 1. memb. 9. §. 28. 29.

§. 10. Ejusque sententiæ satis iustum fundamentum ipsis esse videtur in l. 3. §. 11. ff. de pecul. ubi ita Ulp. JC. Idem (scil. Papinianus) scribit, iudicati quoque patrem de peculio actione teneri; Quod [U] Marcellus putat etiam ejus actionis nomine, ex qua non potuit pater actionem de peculio pati. Nam sicut [in] stipulatione contrahitur cum filio, ita iudicio contrahi: Proinde non originem iudicii spectandam, sed ipsam iudicati velut obligationem. Quare & si defensor condemnatus sit idem putat.

§. 11. Quod si vero totus hic locus paulo accuratius inspiciatur, ex eo id minime probari, manifestum fiet. Neque enim ibi dicitur per litis contestationem quasi contrahi, sed ita iudicio contrahi, ut stipulatione: Quæ verba proprie sane accipi nequeunt, ceteroquin enim litis contestatio ad veros non quasi contractus referenda esset, quod nec ipsi Adversarii dixerint: sed de effectu iudicii intelligenda sunt, quod scil. partes vi litis contestatæ a iudicio cæpto resilire nequeant, sed ad iudicium ad sententiam usque prosequendum, eique satisfaciendum, obligati sint. v. Auth. qui semel. C. quomodo & quand. Dissert. 2. c. 3. §. 27. & seq. Sed & Actio iudicati in ipso illo §. 11. non tam litis contestationi quam sententiæ adscribitur; Quandoquidem Ictus in fin. disertis verbis monet, non tam originem iudicii spectandam, sed ipsam iudicati velut obligationem.

§. 12. Quod ipsum aliquos in eam induxit sententiam, ut non uno hic quasi contractu contenti, ex litis contestatione & iudicato diversos quasi contractus constituerint, ita ut vi litis contestatæ obligentur partes ad iudicium prosequendum, per sententiam vero nascatur obligatio ad parendum sententiæ, seu præstandum illud, quod iudicatum est. V. Cl. Stryck. de invest. act. sect. 1. memb. 9. §. 24.

§. 13. Sed ut de causa huius actionis rectius iudicari possit, illud simul examinandum est, An per litis Contestationem fiat novatio, ita ut sublata pristina actione post rem iudicatam nova detur actio iudicati.

§. 14. Quod multi ajunt v. Donell. L. 16. comm. c. 20. Fab. cons. l. 16. c. 14. Wiff. ad ff. p. 2. D. 28. th. 1. Multi negant v. Bach. ad Tr. Disp. 29. th. 4. lit. E. p. m. 1039. Vin. ad §. 3. J. quib. mod. toll. oblig. Eckholt. ad t. ff. de novat. §. 1. Quorum sententiæ ceu veriori, legibusque convenientiori, calculum subijcimus.

§. 15. Non tantum enim litis contestatio, inter modos, quibus obligatio ipso jure tollitur, nusquam memoratur; sed & per litis contestationem vel

vel sententiam actionem veterum non consumi, docet *I. l. 41. §. 1. de fidei.* secundum quam, post sententiam actio cedi potest. *II. l. 2. C. de jud.* ubi, licet iudice accepto cum tutore actum sit, ipso tamen jure actionem tutelæ sublatam non esse, rescriptum est. *III. l. 9. §. 1. de except. rei jud.* ex qua perspicue apparet, quod etiam post sententiam contra eandem super sit rei vindicatio. v. §. 5. *J. de except. rei jud.* Ubi aperte *Imp. si in iudicio actum sit, sive in rem sive in personam, nihilominus obligatis* (quod verbum ibi latiori sensu accipiendum est v. *Dissert. 1. c. 1. §. 7.) durat.* Unde v. & commoda prioris actionis creditori quoque salva manere non uno loco responsum est. *l. 8. §. 3. ff. de fidej. l. 13. §. 4. de pign. l. 29. ff. de nov. l. 86. §. seq. ff. de R. J.*

§. 16. Neque sententiam hanc evertit, quod in *l. 29. l. 11. ff. de nov. l. 3. C. de usufr. rei jud.* (quæ in contrarium maxime urgeri solent) dicitur per litis contestationem fieri *novationem, delegationem, & judicati actione priorem contractum novari.*

§. 17. Omnem enim novationem hic non negamus, sed eam qua pristina actio consumitur. Quatenus autem actio in iudicium deducta novas acquirit qualitates, veluti quod temporalis fiat perpetua, pœnalis rei persecutoria *l. 6. §. f. ff. de re jud. l. 25. ff. de O. & A. §. 1. J. de perp. & temp. act.* & post sententiam de causa amplius queri non possit *l. 56. ff. de R. J.* novationem fieri, recte dicitur, de qua dd. II. accipiendæ sunt.

§. 18. Objici etiam solet *l. 8. C. de reb. cred. junct. l. 27. §. ult. ff. de jurej.* Sed argumentum quod ex istis LL. nectunt, in adversarios retorqueri potest; Similes enim istas actiones esse concedimus, sed novationem per iusjurandum fieri, pristinamque actionem tolli negamus, ejusque contrarium *Dissert. 5. c. 4. §. 37. & seqq.* demonstravimus.

§. 19. Quandoquidem ergo *Actio Judicati* neque ad *Quasi contractum*, neque ad aliam ordinariam obligationum causam, commode referri potest, similiter ut *Actio in factum ex jurejurando*, ad extraordinarium obligationum fontem, referenda videtur.



DISSERTATIO JURIDICA S E P T I M A D E CAUSIS OBLIGATIONUM.

C A P. I.

§. I.

Quod si nunc porro singulos juris nostri titulos examinemus, complures aliz occurrent Actiones, quæ quidem personales sunt, adeoque ex obligatione descendunt, ad *Contractus* tamen vel *Quasi contractus*, *Maleficia* vel *Quasi maleficia* referri nequeunt, & proinde iis quæ ex *varis* nascuntur *causarum figuris* annumerandæ sunt.

§. 2. Et quidem talem primum exhibet utilissima materia de *Restitutionibus in integrum*. Quod ut rectius intelligatur, de *Restitutionibus* quædam præmittenda sunt.

§. 3. Est autem *In integrum Restitutio* in genere nihil aliud, quam *in pristinum statum repositio*, vel *reductio*.

§. 4. Eaque vel *Gratia* est, vel *Justitia*. l. 1. §. 10. ff. de *postuland.*

§. 5. *Restitutio Gratia* (quam aliqui *Personalem* vocant) dicitur, qua ob delictum aliquod damnati, ex indulgentia Principis, ejusve qui summam in Rep. potestatem habet, in pristinum statum restituntur. d. l. 1. §. 10. l. 27. ff. de *pen.* l. 1. l. 6. l. 7. l. ult. C. de *sentent. pass.*

§. 6. *Justitia* vero, (quam alii *Realem* dicunt) quæ ob læsionem bonorum, ex causa justitiæ & æquitatis, a judice tribuitur. V. Bachov. ad *ta* *περὶ*. ad t. de *in int. res.* p. m. 942. Hahn. ad *Wesemb.* ad d. t. n. §. *Lauterb.* colleg. ad d. t. th. 3.

§. 7. Quæ recte subdividitur, in *Civilem*, quæ ex jure Civili descendit v. l. 33. ff. de *re jud.* l. 31. ff. de *jurj.* l. 2. C. de *resc. vend.* & *Prætoriam*, quæ jure Prætorio competit, ad rescissionem actus summo jure sub-
sistentis.

§. 8. Restitutio autem Prætoria dupliciter accipitur; Vel enim ratione
judiciæ

judicis sumitur, pro juris amissi, prævia causæ cognitione, redintegratione, l. 3. ff. de in int. rest. l. 2. C. in quib. caus. in integr. rest. necess. non est, l. 6. C. de rest. mil. Vel ratione Actoris, pro remedio juris Prætorii, certis personis, pro pristino jure recuperando, competente, l. 6. l. 7. §. 1. ff. de in int. rest. l. 4. l. 6. C. de in int. rest. min. l. un. C. de alien. jud. m. c. l. 1. §. 4. 6. ff. de dol. v. Struv. Exerc. 8. th. 2. Suendendorf. ad Eckolt. ad t. de in int. rest. §. 2. Wißf. ad ff. p. 1. D. 13. th. 2.

§. 9. Quo posteriori sensu *Integri restitutio, redintegranda rei vel causa actio*, recte dicitur Paulo L. 1. rec. sent. t. 7. §. 1. iudiciumque restitutorium a defensore accipi legitur, in l. 46. §. 3. ff. de procur.

§. 10. Similiter ut in *Interdictis* usu venit, quæ proprie quidem significant decreta Prætoris, quibus Prætor aut jubebat aliquid fieri aut fieri prohibebat, pr. J. de interd. l. 1. §. 2. ff. si vent. nom. l. 3. ff. ne vis fiat ei qui in poss. sæpe tamen, & secundum jus novum plerumque, Actiones extraordinarias, quæ de causa possessionis vel quasi possessionis instituantur, l. 37. ff. de O. & A. l. 1. §. 4. ff. de dol. §. ult. J. de interd. rubr. tit. ff. de interd. & extr. act.

§. 11. In integrum enim restitutionem per modum Actionis peti posse, ex plerisque Edictis, quibus se *actionem & judicium* daturum, Prætor pollicetur, manifestum est. v. l. 1. pr. l. 9. §. 3. §. quod met. c. l. 1. §. 1. 4. 6. ff. de dol. l. 2. §. 1. ff. de cap. min. l. 1. §. 1. ff. ex quib. caus. maj. l. 1. pr. ff. de alien. jud. mut. c.

§. 12. De Edicto quidem quod in gratiam minorum, propter ætatem læsorum, Prætor proposuit, Paulus in l. 24. §. f. ff. de min. notat, Ex hoc Edicto nulla proprie actio vel cautio profisciscitur; totum enim hoc pendet ex Prætoris cognitione. Unde & DD. Officio Judicis Nobili, hoc casu, restitutionem fieri, censent, quemadmodum altero casu, quo Actio datur, Officio mercenario, v. Bachov. ad t. æt. p. æt. ad t. de in int. rest. p. m. 947. n. 2. sed minime ex eo concludendum, minorem, *Restitutionem*, per modum Actionis, petere non posse.

§. 13. Prætor enim & minori aliquando actionem dat. l. 13. §. 1. ff. de min. & imploratio officii judicis, sine specie quadam actionis, & iustitia causæ præexistens fieri nequit; Neque JC. id negat, sed proprie Actionem ex hoc Edicto, uti ex aliis, non proficisci monet, eo quod Prætor in Edicto ait, *Quod cum minore quam viginti quinque annis metu gestum esse dicitur, ut quæque res est*, animadvertam. l. 1. §. 1. ff. de minor.

§. 14. Fundamentum autem hujus Actionis & petitionis in æquitate situm est, propter quam Prætor, hominibus lapsis vel circumscriptis, ex iusta causa,

causa, subvenit *l. 1. ff. de in int. rest.* Quod & ex Rescripto D. Antonini docet Marcellus in *l. 7. ff. de in int. rest.* Divus Antoninus (inquit) Marco Avito Pratori de succurrendo ei, qui absens rem amiserat, in hanc sententiam rescripsit; Etsi nihil facile mutandum est ex solemnibus, tamen ubi æquitas evidens poscit, subveniendum est, &c. nec non *Ulp. in l. 26. §. 9. ff. ex quib. caus. maj.* dum ait, *Item inquit Prætor, si qua alia mihi iusta causa esse videbitur in integrum restituiam.* Hæc clausula *Edicto inserta est necessaria, multi enim casus evenire potuerunt, qui deserrent restitutionis auxilium, nec singulatim enumerari potuerunt, ut quotiens æquitas restitutionem suggerit, ad hanc clausulam erit descendendum.*

§. 15. Concurrit quidam sæpenumero dolus, adversarii, veluti in Actione quod metus causa, de dolo, in factum quæ propter alienationem iudicii mutandi causa factam locum habet; & Actio qua restitutio petitur aliquando in rem est, *v. l. 13. §. 1. ff. de min. §. 5. J. de Act.* Attamen sæpe etiam hoc remedium personale est, tum ratione minorum, tum ratione majorum quibus per absentiam læsis Actio conceditur vel *Institutoria* (uti loquuntur interpretes) quando scilicet, omisso lucro nova conceditur actio; quam si præsens, vel non impeditus fuisset, instituere potuisset, *v. l. 17. §. 1. l. 41. l. 43. ff. ex quib. caus. mai. l. 8. §. pen. ff. ad SC. Vellei.* Vel *Restitutoria* seu *Rescissoria*, quando scilicet impeditus ius quæsitum & actionem amisit. *v. l. 28. §. 1. ff. ex quib. caus. mai. l. 24. C. de R. V. quæ non tantum realis §. 5. J. de act. sed & multis casibus personalis est, v. Bachov. ad τὰ πρῶτ. ad t. de in int. rest. p. 1203. & de act. Disput. 3. th. 30. Manz. ad §. 5. J. de act. vtrf. Quod genus n. 1. & seqq.*

§. 16. Quibus casibus Restitutio in integrum ex mera æquitate descendit, ut nequæ ad contractus, multoque minus ad delicta, referri possit. Unde sequitur Actionem personalem ad impetrandam restitutionem istis casibus competentem, ad extraordinarium obligationum fontem referendam esse,

CAPUT II.

§. 1

Aliam exhibet Tit. Si quadrupes pauperiem fecisse dicatur. Actionem scilicet de pauperie; Quæ, si quadrupes, contra naturam damnum dederit, datur damnum passio, contra dominum animalis, ut damnum resarciat, vel animal noxæ dedat. *l. 1. pr. ff. si quadr. paup. sec. d. pr. J. cod.*

§. 2

§. 2. Introducta est Lex XII. Tab. *pr. J. si quadr. paup. sec. dic. l. 1. pr. ff. cod.* ubi Ulp. JC. *si quadrupes pauperiem fecisse dicatur, Actio ex lege duodecim tabularum descendit*, quæ lex voluit aut dari [id] quod nocuit, *id est id animal quod noxam commisit*, aut æstimationem noxæ offerre. A Prætorè vero (qui de causis etiam civilibus Edicta sæpe proponebat monitoria v. l. 1. *pr. ff. commod.*) Ediçto postmodum confirmata. l. 1. §. 3. *ff. d. 1.*

§. 3. Fundamentum non tantum in jure civili habet, uti vult *Grot. de jur. belli & pac. l. 2. c. 17. §. 21.* sed etiam in æquitate naturali. Ratio enim, ob quam, dominus animalis potius damnum ferre debeat, quam si qui ab animali contra naturam generis sponte commoto, & citra domini culpam læsus fuit, hæc esse videtur. Quod dominia rerum, legi naturali, de damni reparatione, non præjudicent. Adeoque, cum antea, rebus adhuc in primæva communione constitutis, facultas mihi fuerit, ubi ab aliquo animali læsus fuissèm, quacunque ratione ab illo damni mei reparationem querendi, ea facultas per divisa rerum dominiis mihi præclusa non intelligitur; Et cum dominus ex illo animali lucrum capiat, ego vero damnum ex eodem senserim, reparatio autem damni longe sit favorabilior, quam lucri acquisitio, adparet recte a domino animalis postulari, ut damnum ab eo datum reparet, aut si tanti ipsi non sit, animal illud noxæ dedat. *Puffendorf. de jur. Nat. & Gent. l. 3. c. 1. §. 6. Struv. Exerc. J. C. 14. tb. 8. & ibid. alleg. Vsq. opusc. moral. de rest. c. 2. §. 2. d. 1. n. 5. Hakn. ad Wesf. ad t. si quadr. paup. f. d. n. 4.*

§. 4. Eamque sententiam firmat Lex divina, quæ bovem corruptetam, qui alium bovem interfecit, vendi, & pecuniam ut & mortuum bovem inter utriusque dominiū dividi jubet, *Exod. 21. vs. 35.* Quæ rationi & æquitati naturali utique minime est contraria.

§. 5. Quod adeo verum est, ut obligatio hæc ex qua *Actio de pauperie* nascitur, neque obligationi quæ ex *contractu* nascitur, neque ei quæ ex *delicto*, ulla ratione accenseri possit.

§. 6. Cl. Thomasius quidem in *schol. ad Hub. posf. 1. ad t. J. si quadr. paup. sec. dic.* causam hujus Actionis *Quasi contractum* constituit, per ea quæ *Struv. & Puffend. dd. ll.* proponunt. Sed neque isti JCti Quasi contractus ibi mentionem faciunt, neque factum hic ullum domini animalis intercedit, quod Contractibus sit simile, vel Quasi contractui locum faciat.

§. 7. Cl. Schikterus *Exerc. ad ff. 18. tb. 2.* eam ad *Quasi delictum* refert; Quod ob præsumtam domini culpam magis ad rem esse videtur A. Hubero *præl. ad t. ff. si quadr. paup. f. d. n. 1.* Eamque sententiam amplectuntur Cl.

Stryck. de act. sect. 1. memb. 10. §. 55. 90. Eckholt. ad d. t. §. 1. qui & Actionem hanc pœnalem esse statuit.

§. 8. Sed quemadmodum nullum hic est delictum, quia non potest animal deliquisse vel injuriam fecisse dici, quod ratione & sensu caret, uti rectissime philosophatur Ulp. in *l. 1. §. 3. ff. si quadr. paup. sec. dic.* nec non Imp. *J. cod.* (unde & damnum ab animali datum *pauperies* vocatum est *dd. II*) ita nec *Quasi delictum* intercedere dici potest.

§. 9. Datur enim hæc Actio contra dominum animalis, cujus nulla culpa intercedit, cum animal, commotum, contra naturam nocuit, *l. 1. §. 4. 7. ff. si quadr. paup. f. d. pr. J. cod.* Quod si enim culpa domini vel alterius damnum datum sit, ex *L. Aquilia* agendum est *l. 1. §. 4. & seqq. ff. cod.* Et si vel maxime culpa quædam concurreret, non tamen hoc sufficeret, ut ex eo solo *Quasi delictum* constitui posset. uti jam sæpius, *Dissert. scil. §. c. 4. §. 19. & seqq. Diss. 6. c. 3. §. 5. & c. 4 §. 17.* monitum est.

§. 10. Ex quo consequitur actionem hanc etiam pœnalem non esse. Quod & ex eo manifestum est, quod non ad pœnam competat, sed ad persequendum damnum, seu id quod abest ex patrimonio *l. 1. pr. ff. si Quadr. paup. f. d. pr. J. cod.* & ad heredes extendatur *l. 1. §. f. ff. cod.* quod in actionibus pœnalibus secus est. *§. 1. J. d. perp. & temp. act.*

§. 11. Ut adeo hæc Actio, cum ad ordinariam aliquam non possit, ad extraordinariam obligationum causam, referenda sit.

CAPUT III.

§. 1.

Ex eodem extraordinario Obligationum fonte descendit *Actio ad exhibendum*, quæ est *personalis*, in rem scripta, competens illis, quorum ex justa causa peculiariter interest, *l. 13. l. pen. ff. ad exhib. adversus quemcumque possessorem, ad rem istam exhibendam, i. e. rei potestatem in publico faciendam. l. 2. l. 3. §. 9. & f. ff. cod.*

§. 2. Quæ perquam necessaria est, & maxime propter vindicationes introducta. *l. 1. ff. ad exhib.* Unde & civilis esse videtur, non Prætoria; Rei vindicatio enim, cujus fere est præparatoria, civilis est *§. 1. 3. J. de act. & Edicti Prætoris hic nulla occurrit mentio, nullum vestigium add. Bockelm. ad t. ff. ad exhib. §. 2.*

§. 3. *Personalem* esse apertis verbis docet *Paulus JC.* in *l. 3. §. 3. ff. ad exhib.* nec non Imp. in *§. 31. J. de Act.* Quod & ex eo non difficulter intelligitur, tum quod qui ad exhibendum agit non utique dominum se dicit.

d. l. 3. §. 1. tum quod rei vindicatio tantum detur rei domino l. 23. pr. ff. de R. V. cum Actio ad exhibendum etiam ei competat, qui dominus non est, neque aliud jus in re habet, dummodo ejus alia ratione peculiariter interfit l. 3. §. 7. l. 13. ff. ad exhib. v. Struv. exerc. J. C. 15. th. 30. Bockelm. comm. ad t. ff. ad exhib. §. 4. Suendendorf ad Eckolt ad d. t. §. 2.

§. 4. Ut iurari hic liceat Bachov. de Act. Disp. 2. th. 24. aliosque, qui Actionem ad exhibendum in rem esse contendunt.

§. 5. Datur quidem hæc Actio contra possessorem l. 3. §. ult. ff. ad exhib. quæ signum esse solet actionum in rem l. 25. pr. ff. de O. & A. Sed ex eo solo actiones in rem non æstuantur, cum id commune sit Actionibus realibus, & personalibus in rem scriptis, v. l. 9. §. ult. ff. quod met. caus. sed maxime ratione originis seu juris in re, ex quo Actio ad exhibendum non descendit.

§. 6. Introducta sane maxime est propter rei vindicationem, l. 1. ff. ad exhib. ejusque fere est præparatoria; Sed ex eo colligi nequit, ergo & hanc ex dominio aliove jure in re originem ducere; Neque enim semper rei vindicationis aliarumve actionum in rem præparatoria est, sed nonnunquam etiam Actionum in personam. l. 12. §. 2. l. 19. ff. ad exhib.

§. 7. Quia itaque Actio hæc personalis est consequitur eam ex obligatione nasci debere; Quæ vero sit illa obligatio, non satis expeditum est.

§. 8. Et ex delicto quidem vel quasi delicto derivari nequit. Licet enim contumacia quædam subesse possit l. 3. §. 2. ff. ad exhib. illa tamen post intentatam denum actionem contrahitur, causa autem agendi actione prior existere debet.

§. 9. Contractus etiam hic nullus intercedit, neque nominatus, neque innominatus, ad quem referri possit.

§. 10. Adeoque mihi ex Quasi contractu eam descendere, statunt; tum quia, uti lex eos qui communem rem vel hereditatem habent, etsi nihil fecerint, quod conventioni simile sit, tamen quasi ex contractu obligari vult, ita & possessor rei, ad eam exhibendam, ei cuius interest obligetur. Tum quia obligationes, quæ neque ex contractu proprie nascuntur, neque ex maleficio substantiam capiunt, quasi ex contractu nasci dicantur, pr. J. de oblig. quæ quas. ex cont. l. 5. ff. de O. & A. v. Bockelm. ad t. ff. ad exhib. §. 4. Thomaf. sibel. ad Huber. pos. 3. d. t.

§. 11. Sed nullum hic factum intercedit, ex quo aliquis consensus ad exhibendum præsumi possit; multumque inter rei communionem & hanc rei possessionem interest, quandoquidem rei communio societati similis est, &

& proinde *Quasi contractus* recte vocari potest v. *Dissert.* 2. c. 3. §. 13. 14. quod de rei possessore hic dici nequit. Nec statim, obligatio, quæ neque ex contractu nascitur neque ex delicto, sine legum auctoritate, *Quasi contractui* adscribenda est, quia obligationes non tantum ex contractu nascuntur & delicto, sed & ex variis causarum figuris. l. 1. pr. ff. de O. & A.

§. 12. Alii itaque Actionem ad exhibendum neque ex Contractu neque quasi ex contractu, neque ex delicto neque quasi ex delicto oriri censent, sed provenire eam ex obligatione immediate ex lege descendente, unde & eam *dativam* non *nativam* dicendam statuant. v. *Habn ad Wsf ad r. ad exhib. n. 2. Eckholt. ad d. t. §. 2. Lauterb. ad d. t. h. 6.*

§. 13. Rectius quidem isti, sed ma'e Actionem hanc *dativam* appellant. Distinctio enim Actionum in *Nativas* & *Dativas*, neque Legibus neque legum ratione nititur. Quandoquidem nulla actio denominari potest, quæ immediate detur ex Lege, sed omnis causam unde oritur præsupponit *Suendendorff. ad Eckholt. d. §. 2.*

§. 14. Simpliciter dicendum, fundamentum hujus Actionis in obligatione esse, legali quidem, sed quæ ex mera æquitate descendit, uti rectissime statuunt *Struv. Exerc. J. C. 15. th. 30. Suendend. d. l. Huber. pos. 3. ad t. ff. ad exhib. & Præd. ad d. t. n. 1. Stryck. de Act. Sect. 1. Memb. 2. §. 39.*

§. 15. Quid enim æquius, quam ut possessor rem exhibeat ei cujus interest? Cum & totam tradere teneatur, si actor dominium, aliudve jus in re, postea probaverit; & si id non probetur, nullum ex ea re damnum vel incommodum sentiat. Hoc enim naturalis dicat ratio, ut ad id quod alteri prodest, alteri vero non nocet, alter alteri obligatus sit. l. 2. §. 5. ff. de aq. & aq. plu. arc. Unde & *Exhibitionis æquitas*, & *necessitas* in l. 3. §. pen. l. 1. ff. l. 7. C. ad exhib. singulariter notata est,

CAPUT IV.

§. 1.

Idem fundamentum est *Conditionis sine causa*, quæ est *Actio personalis* qua quis repetit rem ad se pertinentem, & apud alium sine causa existentem.

§. 2. Est autem *Conditio sine causa* alia *Generalis*, alia *Specialis*.

§. 3. *Generalis* est, quæ cum aliis conditionibus concurrens, veluti cum conditione indebiti l. 1. pr. l. 3. pr. ff. de cond. sin. caus. conditione ob causam datorum l. 1. §. 1. l. 4. ff. eod. l. 6. C. de cond. ob caus. dat. & similibus.

§. 4. *Specialis* vero, quæ tum competit, cum alia locum non habet. Veluti si filio amissis vestimentis domino pretium solverit, & dominus vestimen-

fluentis receptis, ad pretium restituendum, a fullone conveniatur *l. 2 ff. de condict. fin. caus.* Si dos repetatur ob id quod matrimonium nullum est *l. fin. ff. cod.* Si chirographum post factam solutionem condicatur *l. 2. C. de condict. fin. caus.* vel intra biennium in casu non numeratæ pecuniz *l. fin. C. cod.* V. Bockelm. *comm. ad t. de condict. fin. caus. §. 4. 6.* Huber. *præl. ad d. t. n. 1. & seq.*

§. 5. *Condictio sine causa generalis* ex iisdem causis obligationum nascitur, ex quibus oriuntur conditiones, cum quibus concurret: *Specialis* vero ad ordinarios fontes referri nequit.

§. 6. Plerique sane *Quasi contractui*, exemplo aliorum *Quasi contractuum*, & maxime quidem solutionis indebiti, hic locum faciunt. V. Bockelm. *comm. ad t. ff. de cond. fin. caus. §. 3.* Struv. *Exerc. 18. rh. 46.* Hahn. *ad Wesf. ad t. ff. de condict. fin. caus. Eckholt. ad d. t. §. 1.* Struyck *de Act. Sect. 1. Memb. 9. §. 31.*

§. 7. Sed negotium ex quo hic actio nascitur nulli ex contractibus est simile, neque usquam inter quasi contractus refertur; plurimum etiam inter hoc & conditionem indebiti interest, ut ejus exemplo hic quasi contractus constitui nequeat.

§. 8. Aequissimum tamen est, ut res nostra, quæ apud alium est, sine causa, nobis restituatur; adeoque causa hujus actionis extraordinaria statuenda, & ad *varias causarum figuras* referenda est. add. *Suendend. ad Eckholt. ad d. t. §. 1.*

CAPUT V.

§. 1.

Ad eandem causam referri etiam posse videtur *Condictio Triticaria*.

§. 2. Quæ describitur, quod sit actio personalis, qua quis præter pecuniam, res alias ex quacunque causa debitas, sibi dari oportere intendit, ita tamen ut judici res illas pro ratione loci & temporis æstimare, & Reum in æstimationem condemnare liceat. *l. 1. & seqq. ff. de cond. trit. Lauterb. colleg. ad d. t. th. 1. add. Bockelm. ad d. t. §. 2.*

§. 3. Unde nomen habeat, & quomodo vocanda sit, dubium est.

§. 4. Accursius, Duarenus, Donellus, ad *d. t. Triticariam* vocant; eamque ab auctore suo *Triticio* Prætor, sic dictam putant. Sed ignobile id nomen est, neque Prætor *Triticus* usquam occurrat in Historia Romana.

t

§. 5.

§. 5. Non defunt qui a *Triticio* monacho sic dictam memorant: Et quidem *Bart. ad l. 1. ff. de condit. trit.* existimat hanc actionem introduxisse Fratrem minorem qui omnes res præter pecuniam acceperit, & quia ille ordo tum temporis nondum erat institutus, fuisse tamen Philosophum ejusdem conditionis, qui pecuniam spreverit. Quæ sententia, inter quartanæ somnia febris, merito referenda videtur *Wiss. ad ff. p. 1. d. disp. 26. tb. 7. add. Bachov. de Act. d. 4. tb. 13. Bockelm. ad d. 1. §. 1. Lauterbach. Colleg. ad d. 1. §. 1.*

§. 6. Alii vero *Triticariam* hanc Actionem dicendam statuunt. Sed de nominis ratione etiam non conveniunt.

§. 7. *Cuiacius tract. 2. ad Afric. in l. 23. de reb. cred. & parat. ad t. ff. de cond. trit. a tritico* ita appellatam ait, quod ei qui hanc actionem primus sibi dari postulavit, de tritico æstimando sorte negotium fuit.

§. 8. *Hottomannus epit. ad d. 1. n. 1.* Actionis hujus originem refert ad vetus institutum eorum, qui cum imperio in provincias mittebantur, quibus Scitis & legibus potestas fiebat, certum tritici numerum civitatibus aut aratoribus, in cellam i. e. ad usum domesticum, certum aliquem in provinciarum locum imperare, aut pro tritico pecuniam, quanti ex SC. æstimatum fuerat accipere.

§. 9. *Zasius tritici* appellatione, olim omnes opes comprehensas censet, argumento ejus quod de Mida refert *Val. Max. l. 1. c. 6.* eaque ratione a *Tritico*, actionem hanc dictam esse *Triticariam*.

§. 10. *Viglius Zuichemus autem præl. ad rubr. ff. si cert. pet. n. 28.* id nomen a primis Edicti verbis deducit, Actionemque hanc ita dictam censet, quod Prætor in Edicto ita locutus videatur, *Triticum, frumentum, oleum, similisque res, præter pecuniam numeratam, si petatur, nec ea extet, de æstimatione judicium dabo.*

§. 11. Quæ sententia probabilis videtur *Wissenb. ad ff. p. 1. §. 26. tb. 7. Bockelm. ad d. 1. de cond. trit. §. 1. Cl. Pagenst. man. 1. Sicil. 31.* Quia verisimile non est neglectam conditionem generalem, qua rei debite æstimatione peti possit arg. *l. 1. l. 9. C. de reb. cred. 1.* Quia loca *Ulpiani & Gaii* in titulum *ff. de condit. trit.* relata, ex commentariis ad Edictum Prætoris sumta sunt, & 3. quia in iis de æstimatione tantum agitur *v. l. 1. l. 3. l. 4. ff. d. 1.*

§. 12. Unde est prætoriam hanc actionem esse, non civilem, satis probabile est. *Bach. V. 1. Disp. 23. tb. 2. L. A. Bockelm. ad d. 1. §. 3.*

§. 13.

§. 13. Est autem hæc actio subsidiaria & generalis, utpote quæ de omnibus omnino rebus, fungibilibus & non fungibilibus, corporalibus & incorporalibus, mobilibus & immobilibus, sola pecunia numerata excepta, competit *l. 1. pr. ff. de condict. trit.* & cum omnibus conditionum speciebus concurrat. *d. l. 1. & seqq. ff. eod.*

§. 14. Pecuniam numeratam natura hujus actionis excludit; quia rei æstimandæ causa hæc actio introducta est, pecunia vero, cujus una & eadem potestas ac valor est *l. 3. ff. de eo quod cert. loc. l. 1. ff. de cont. emt.* nullam æstimationem recipit, sed ea omnes res aliæ æstimantur.

§. 15. Oritur ex omnibus obligationibus, ex quibus res aliqua præstanda, cujus æstimatio debetur. *d. l. 1. & seqq. ff. de condict. trit.*

§. 16. Minime tamen supervacua est, & in multis a certi conditione differt,

§. 17. *Conditione certi* enim petuntur res omnes certæ etiam pecunia numerata, non vero res incertæ; *l. 9. ff. de reb. cred. Conditione vero Triticaria* peti possunt res omnes certæ & incertæ, excepta tantum pecunia numerata. *l. 1. ff. de condict. trit.* Unde & nonnulli *Conditionem Triticariam Franciscanorum seu Minoritarum, Conditionem certi* vero *Jesuitarum* dicunt, quandoquidem illi res omnes præter pecuniam acceptant, hi vero pecunia maxime juvantur.

II. *Conditione certi* petitur res corporalis non nostra; *Conditione Triticaria* etiam incerta, incorporalis, immobilis, nostra. *d. l. 1. pr. & §. 1. l. 2. ff. eod.*

III. *Condictio certi* est stricti juris, arg. §. 28. 29. ff. *J. de Act. Condictio Triticaria* vero arbitraria. *l. pen. 1. ult. ff. de condict. trit. V. Cujac. parat. ad d. 1. Wiff. ad ff. p. 1. d. 26. th. 3. Eckolt. ad d. 1. Bockelm. ad d. 1. §. 8.*

§. 18. Licet enim nomen *Arbitraria* actioni huic nusquam speciatim tribuitur, & ab aliis Arbitrariis Actionibus quodammodo differat, nomen tamen hoc ei tribuere videtur & descriptio Arbitrariarum Actionum §. 31. *J. de act.* & ipsa ratio, quia alias supervacua videri posset, sufficiente generali conditione certi & incerti; & potissima videtur causa, ob quam hinc numerata excluditur pecunia, quod in ea æstimanda locus non sit judicis arbitrio. *Bockelm. d. §. 8.*

§. 19. Quandoquidem itaque *Conditio* hæc *Triticaria* ex variis causis oritur, & inter ipsas conditiones speciales quædam ex extraordinario obligationum fonte nascuntur, *Conditionem Triticariam*, ad ordinariam aliquam obligationum causam, referri non posse, sed ex variis etiam causarum figuris descendere manifestum videtur.

CAPUT VI.

§. 1.

Idem dicendum de *Actione de pecunia constituta*. Quæ est *Actio prætoria personæ*, qua is qui nudo pacto constituit se solummodo, quod ipse vel alius debet, contra iuratum solvat constitutum. §. 9. J. de act. l. 1. pr. §. 1. l. 16. §. 2. l. 18. §. 1. ff. de pec. constit.

§. 2. Vocatur hæc *Actio de Pecunia constituta* §. 8. 9. J. de Act. pecuniz constitutæ l. 33. ff. de donat. de constituto l. 5. §. 1. ff. de pec. constit. & constitutoria a *constituendo*, quod hic nihil aliud est, quam pecuniam jam ante debitam absque stipulatione promittere, eamque certa die solvendam in se recipere. §. 9. J. de act. l. 8. ff. de jud. l. 3. §. 2. ff. de admin. rer. ad civ. pert.

§. 3. Data est a Prætoribus, in Edicto; quod hisce verbis, conceptum fuisse, ex fragmentis ejus, quæ sub tit. de pec. constit. Ulp. JC. explicat recte colligitur. Qui pecuniam debitam constituerit, adveniente die solvere debet. Si appareat eum, qui constituit, neque solvere, neque scisse, neque per aliorum stetit quominus fieret, quod constitutum est; eamque pecuniam cum constitueretur debitam fuisse, adversus eum de constituto actionem dabo. v. l. 1. §. 1. l. 16. §. 2. l. 18. §. 1. ff. de pec. constit. J. Gothofr. Ed. perp. ad d. t. add. Wesenb. parat. ad d. t. n. 5.

§. 4. Datur autem hæc *Actio*, cum quis nudo pacto, pecuniam debitam se solummodo, promisit. Quo casu actio jure civili deficiebat, quia ex nudo pacto actio non nascitur l. 7 §. 4. 5. ff. l. 10. C. de pact. Sed Prætor ex æquitate subvenit, quoniam grave est fidem fallere l. 1. pr. ff. de pec. constit.

§. 5. Quæ tamen ratio ad hoc Edictum restringenda est; Quia cum quis promittit, se soluturum, quod jam debebatur, singularis æquitas exigit, ut istud præstetur. Et si ratio illa indistincte procederet, subverteretur certissima illa Juris Romani regula, quod ex pacto *Actio* non nascatur. d. l. 7. §. 4. 5. ff. l. 10. C. de pact.

§. 6.

§. 6. Datur de pecunia debita. i. e. omni debito precedenti. Licet enim vocabulum *pecunia* vel pro pecunia numerata l. 7. §. 7. ff. de *SCto Maced.* vel pro rebus fungibilibus maxime accipiat l. 30. pr. ff. de *legat. 1.* l. 2. §. 3. ff. de *reb. cred.* latissime tamen hic sumitur, ut res mobiles & immobiles, & quantitates & universitates, & omnes alias quæ in patrimonio sunt, quæve in stipulatum deduci possunt, comprehendat. l. 2. C. de *const. pec.* add. l. 5. l. 23. l. 178. l. 222. ff. de *V. S.*

§. 7. Olim quidem *Actio de pecunia constituta* dabatur tantum pro eo, quod pondere numero & mensura constabat, *Receptitia* vero de omni debito. l. 2. C. de *const. pec.* Sed Imp. *Actionem Receptitiam* quæ contra solos argentarios locum habebat, sustulit, & si quid plenius in ea esset in *Actionem de pecunia constituta* transfudit. d. l. 2.

§. 8. Quænam autem hujus actionis causa sit, inter DD. non constat.

§. 9. Wesenbecius parat. ad t. ff. de *pec. const.* n. 4. alique, causam ejus statunt conventionem geminam, ex eaque quasi ex contractu actionem dari.

§. 10. Verum cum pactum nudum per se non producat actionem, neque geminatum id efficiet, eo quod pluralitas nihil conferre potest, ubi res per se non est apta ad ejusmodi effectum producendum. Neque d. l. 1. ff. de *pec. const.* dicit, grave esse geminam conventionis fidem fallere, sed simpliciter quod grave sit fidem fallere. Habn. ad *Wes. d. l. Bockelm.* ad t. ff. de *pec. const.* §. 3.

§. 11. Non pauci cum Bart. ad l. 7. ff. de *pact.* Contractibus nominatis Constitutum annuerant, adeoque ex contractu hanc actionem descendere volunt. V. Cujac. parat. ad d. t. Zoef. ad d. t. n. 3. Oldend. *Class. 4. act. 8. n. 3.*

§. 12. Quibus obstat non tantum, quod constitutum ad nullam contractuum nominatorum speciem commode referri possit, sed & quod contradictorium sit, constitutum pactum nudum esse v. l. 1. pr. ff. de *const. pec.* §. 9. J. de *Act.* & idem Contractum esse nominatum. Nec quicquam in contrarium facit, quod hæc conventio nomen habeat, actionemque nominatam producat; Quandoquidem solum nomen non sufficit ut Contractus dici possit, sed illud ante omnia requiritur, ut negotium tale sit, quod certam & determinatam habeat formam, quæ hic desideratur. Habn. ad *Wes. d. l. Bockelm. d. l. Suendend. ad Eckholt. ad d. t. §. 1.*


§. 13. Nec minus falluntur, qui in Constituto Contractum in nomen tantum concipiunt, quia civilem obligandi causam, i. e. dationem vel factum non continet. v. l. 7. §. 2. ff. de pact. Bockelm. d. 1.

§. 14. Propius ad rem accedunt, qui obligationem ex Pacto Constituti nasci statuunt. Hahn. ad Wef. d. 1. Bockelm. de Act. l. 3. p. 9. §. 1. Eckolt. d. 1. Lauterb. Colleg. ad d. 1. th. 3.

§. 15. Sed minus accurate loquuntur dum dicunt *Constitutum, pactum esse legitimum*. Pactum enim legitimum est, quod speciali *Lege* confirmatum est l. 6. ff. de pact. Cui jus Prætorium, quo *Actio constitutoria* introducta est, contradistinguitur l. 6. 7. ff. de J. & J. l. 7. §. 7. de pact. pr. J. de bon. poss. Tum & ex pacto legitimo nascitur *condictio ex Lege*, quæ civilis est, non Prætoria uti *Actio de constituto* l. un. ff. de condict. ex Leg. §. 9. J. de Act. add. Dissert. 4. c. 2. §. 9. Suend. ad Eckolt. ad 1. de pact. §. 4.

§. 16. Nihil itaque superest, quam ut Actionem de pecunia Constituta a Prætore ob summam æquitatem datam dicamus, & ad classem earum, quæ ex extraordinario obligationum fonte oriuntur, referamus. v. Bachov. ad Tr. V. 1. D. 23. th. 7.

L. G. Suendend. d. 1.



DISSERTATIO JURIDICA OCTAVA DE CAUSIS OBLIGATIONUM.

CAPUT I.

§. I.

Adiles etiam Cihules (de quorum origine vid. l. 2. §. 26. ff. de O. J. l. 6. c. 42.) ex mera aequitate, Actiones introduxerunt *Rebitoriam & Quanti minoris.*

§. 2. Cum enim, inter alia, annonæ, rerumque venalium, nec non fori & mundinarum cura ad eos pertineret. v. *Cic. L. 3. de leg. Plaut. Rud. Act. 2. sc. 3. v. 43. 44. Pers. Sat. 1. v. 130. Juu. Sat. 10. v. 101. 102. l. 13. §. 8. ff. Locat. Fensfel. de Mag. Rom. c. 13. Alexand. ab Alexand. Gen. dier. l. 4. c. 4. Lips. de Mag. Pop. Rom. c. 13. Eryc. Pur. de Mund. Rom. c. 29. Thesaur. Antiq. Celeber. Grav. Tom. 8. p. 688. de iis etiam jus dixerunt, Edicta proposuerunt, Actionesque dederunt, v. *Plaut. Captiv. Act. 4. sc. 2. Dion. Cass. l. 53. §. 7. J. de J. N. G. Sc. §. 2. J. de Divis. Stip. l. 12. de Decur. l. un. §. 2. ff. de via publ. Lips. d. l. Hottm. de Mag. Rom. L. 1. pr.**

§. 3. Et quidem in specie de mancipiis jumentisque vitiosis, in favorem emtorum, Edictum proposuerunt, quod extat in l. 1. §. 1. l. 38. pr. ff. de Edil. Edict.

§. 4. Cujus Edicti partes dux sunt. Prior enim concepta est de mancipiis, ut si servus morbo vitiove (quæ hic pro eodem accipiuntur l. 1. §. 7. ff. de Edil. Edict.) aut noxæ obnoxius, aut fugitivus aut erro venditus sit, eum redhibere liceat, d. l. 1. §. 1. ff. de Edil. Edict. Altera vero de jumentis, ut de ornamentis restituendis, jumentisve ornamentorum nomine redhibendis in diebus sexaginta, morbi autem vitiove causa inemtis faciendis, in sex mensibus; vel quanto minoris cum venirent fuerint, in anno, agi possit. l. 38. pr. ff. cod.

§. 5. Loquitur Edictum de mancipiis & jumentis; ex eadem tamen ratione,

tionem, & mente *Ædilium*, non tantum ad omnia pecora, sed & ad alias res mobiles & immobiles, quantum usus morbo vitiove impeditur, productum est. *d. l. 1. pr. l. 38. §. 4. U seq. l. 49. l. 61. l. 63. ff. de Ædil. Ed.*

§. 6. Pertinet etiam maxime ad earum rerum emptionem venditionem; Sed ob paritatem rationis ad permutationem similiter extenditur. *l. 19. §. 5. ff. de Ædil. Ed.* In donatione autem & locatione conductione locum non habet. *l. 62. l. 63. ff. cod.*

§. 7. Causa *Edicti* generalis est 1. Retentio morbi vitiove latentis, quod emtor ex inspectione cognoscere nequeat. *d. l. 1. §. 1. verb. certiores faciant emtores, quid morbi vitiove. l. 14. §. 9. l. 55. l. 58. ff. cod.*

II. Promissio, fore sc. rem sine vitio morbove *d. l. 1. §. 1. verb. sine adversus ea quod dictum promissumve fuerit. l. 38. §. 10. ff. cod.*

III. Conventio, ut intra certum tempus redhibeatur, si non placuerit *l. 31. l. 22. ff. cod.*

IV. Cautio de negatio, si scil. venditor de his, quæ *Edicto Ædilium* continentur, cavere nolit. *l. 17. l. 18. l. 28. ff. cod.*

§. 8. Speciales vero causæ aliæ sunt in servis, si forte sint fugitivi, errores, capitalis fraudis rei *l. 1. §. 1. l. 17. §. 19. l. 37. ff. de Ædil. Ed.* aliæ in jumentis, veluti si non tradantur, uti optime ornata vendendi causa fuerant *l. 38. pr. cod.* aliæ in fundis, si forte overi obnoxii *l. 61. ff. cod.* aut pestilentes sint. *l. 4. C. de Ædil. act.* aliæ in annona corrupta *l. 14. §. 9. ff. cod.* alia in aliis rebus, quas propter aliquod vitium nobis habere non expedit.

§. 9. Ob quas causas *Ædiles* duas concedunt Actiones, *Redhibitoriam* scil. & *Quantum minoris*.

§. 10. *Actio Redhibitoria* est *Actio personalis*, qua emtor agit contra venditorem ejusque heredem. *l. 23. §. 5. ff. de Ædil. Ed.* ut rem vitiosam, cum fructu & omni causa oblatam, restituito pretio, recipiat. *d. l. 31. §. 17. l. 2. l. 21. l. 23. l. 29. §. 2. l. 27. ff. de Ædil. Ed.*

§. 11. Dicitur *Redhibitoria* *l. 44. §. 2. l. 48. §. 2. ff. de Ædil. Edict.* nec non in factum ad redhibendum *l. 31. §. 22. ff. cod.* a redhibendo; quod est facere, ut rursus habeat venditor, quod habuerit: & quia reddendo id sibi, idcirco redhibitio est appellata, quasi redditio *l. 21. pr. ff. de Ædil. Ed.* Idque tum proprie fit, auctore *Festo*, cum redditur quod improbatum est, & qui dedit idem rursus habere cogitur, quod ante habuit.

§. 12. Quo casu omnia in integrum restituntur, ac si neque emtio neque venditio intercessisset *l. 60. ff. de Ædil. Ed. l. 19. ff. de usuc.*

§. 13. *Actio Quanti minoris* vero est, qua emtor agit adversus venditorem, ad id, ut tantum de pretio restituat, quantum minoris res ob vitium cum venderetur fuit. *l. 31. pr. l. 61. ff. de Ædil. Edict.*

§. 13.

§. 13. Vocatur hæc Actio aliquando *Quantum minoris* l. 47. ff. de *Edil. Edict.* aliquando *Quanto minoris* l. 18. l. 33. pr. ff. cod. aliquando etiam *Æstimatoria* l. 42. §. 6. l. 44. §. 2. l. 48. §. 2. ff. cod. eo quod ad æliminationem, quanto minoris res cum venderetur valuit, respiciatur, tantumque de pretio soluto reputatur.

§. 14. Ex quo diversam esse hanc Actionem ab *Æstimatoria*, quæ ex contractu innominato *Æstimatorio* nascitur, de qua sub. tit. de *Æstimator.* nec non actione injuriarum Prætoris, quo injuria illata æstimatur §. 7. 10. 3. de injur. l. 37. §. 1. ff. cod. cum iisque minime confundendam, facile intelligitur.

§. 15. Concurrent hæc Actiones elective, ut in electione sit emtoris, an *Redhibitoria*, an *Æstimatoria* agere velit. Sed si alterutra actum sit, ad alteram non datur regressus. l. 25. §. 1. ff. de except. rei jud.

§. 16. Introducitur autem sunt, ex mera æquitate, ne emtores rerum vitiosarum damnum sentiant, sive venditor vitium sciverit, sive ignoraverit. Uti docet Ulp. JC. in l. 1 §. 2. ff. de *Edil. Edict.* *Causa hujus Edicti proponendi est (ait) ut occurratur fallacii vendentium, & emtoribus succurratur, quicumque decepti a venditoribus fuerint; dummodo sciamus, venditorem etiam si ignoraverit ea, quæ Ediles præstari iubent, tamen teneri debere. Nec est hoc iniquum, potuit enim nota habere venditor, neque enim interest emtoris cur fallatur, ignorantia venditoris an calliditate. add. l. 1. §. 6. in f. 37. ff. cod.*

§. 17. Imo iniquum esset, & bonæ fidei contrarium, si emtor cogeretur rem vitiosam retinere, quam non fuisset emtorus, si vitium notum habuisset; vel si nihil ex pretio soluto repetere posset, quantum cognito vitio daturus non fuisset.

§. 18. Eaque ratione Actiones hæc *dativas* potius, quam *nativas*, dicendas esse censent *Lauterb. comp. ad t. ff. de Edil. Ed. Eckolt. ad d. 1. §. 7. 8.* Et recte; quatenus scilicet etiam contra ignorantem venditorem competunt, neque ad ordinarium obligationum fontem commode referri possunt. Ipsa enim distinctio inter actiones dativas & natives minus accurata est, uti monuitur *Dissert. 7. c. 3. §. 16.*

§. 19. Plerique sane eas e contractu descendere statunt; tum quia redhibitor quoque emti iudicio contineatur, & Actio emti ad resolvendam emtionem competat l. 11. §. 3. ff. de act. emt. tum quia in l. 23. §. 4. ff. de *Edil. Ed.* illud aperte dicatur. Ubi ita Ulp. *Si servus sit qui vendidit, vel filiusfam. in dominum vel patrem de peculio Edilitia actio competit: quamvis enim penales videantur actiones, tamen quoniam ex contractu veniunt, dicendum est, eorum quoque nomine qui in aliena potestate sunt, competere.* V. Pac. *l. pag.*

u

ad

ad 1. ff. de *Æd. Ed. Oldendorp, de act. class.* 4. p. 475. *Stryck de act. sect. 1. memb. 6 §. 8. & seqq.*

§. 20. Sed Actiones ex Contractu descendentes ordinario ad implendum non solvendum contractum competunt: Et si ex ipso contractu Emptionis venditionis ad id agi potuisset, ad quod Actiones *Redibitoria* & *Quanti minoris* dantur ab *Ædilibus*, supervacuas eas, & sine ratione ab *Ædilibus* introductas esse, dicendum foret.

§. 21. Quod non patitur l. 2. C. de *Ædil. act.* Ubi ita *Imp. Gordianus*; Cum proponas servum quem pridem comparasti, post anni tempus fugisse, qua ratione eo nomine cum venditore ejusdem congredi quæras, non possum animadvertere. Etenim *redibitoriam actionem sex mensium temporibus, vel quanto minoris anno concludi; manifesti juris est.* Quomodo rescribere *Imp.* non potuisset, si actio civilis ex contractu eo casu locum habuisset.

§. 22. In plerisque etiam differunt Actiones hæc *Ædilitiæ*, & Actio *Emti* quæ ex ipso contractu nascitur. Actio enim *Emti* civilis est; Actiones *Ædilitiæ* honorariæ. 2. Actio *emti* est b. f. rei persecutoria, in simplex. Actiones *Ædilitiæ* arbitrarie, quandoque pœnales in duplex, l. 23. §. 4. l. 45. de *Ædil. Ed.* 3. Actio *emti* est perpetua, l. 56. ff. de *civil. Actiones Ædilitiæ* temporales l. 19. §. f. l. 38. pr. ff. de *Æd. Ed.* l. 2. C. de *Ædil. act.* 4. Pluribus sociis rem communem vendentibus, *Ædilitiæ* dantur in unum, cujus major pars in venditione fuit, aut nulla parte minor: Actio *emti* vero datur in singulos pro portione qua socii sunt l. 44. §. 1. ff. de *Ædil. Ed.* 5. Actiones *Ædilitiæ* dantur etiam in ignorantem l. 1. §. 2. ff. de *Ædil. Ed.* Actio *emti* vero non æque, si rem emptori habere liceat: ob servitutem enim vel tributum ita demum obligatur venditor, si sciens servitutem vel tributum retinuerit. l. 1. §. 1. l. 21. §. 1. l. 39. l. 41. ff. de *act. emt.* 6. Actiones *Ædilitiæ* ob vitia animi regulariter locum non habent l. 1. §. pen. ff. de *Ædil. Ed.* Actio *emti* vero propter ea institui potest. l. 4. ff. eod. V. *Wesemb.* ad r. de *Ædil. Ed.* n. 10. *Eckoh.* ad d. 1. §. 10. *Wiss.* ad ff. p. 1. D. 41. th. 9. Unde & tanquam diversæ Actiones *Ædilitiæ* & Actio *Emti* non uno loco sibi opponuntur. l. 1. §. 10. ff. in f. l. 4. pr. §. 4. l. 51. l. 57. ff. de *Ædil. Ed.*

§. 23. Ex quibus manifestum videtur, Actionem *Emti*, ante Edictum hoc *Ædilitium*, de iis, de quibus *Ædilitiis* actionibus agitur, institui non potuisse, adeoque Actiones hæc *Ædilitiæ*, ab Actione *Emti* quippe plane diversas, ex contractu non oriri.

§. 24. Neque aliud probat d. l. 11. §. 3. 5. ff. de *act. emt.* Ex quibus §. §. illud tantum inferri potest, Actionem *Emti*, postquam Edictum hoc

ab *Ædilibus* fuit propositum, ad illas etiam causas ex quibus *Edictum* hoc locum habet, extensum fuisse. arg. *l. 31. §. 20. ff. de Ædil. Edict.*

§. 25. Quam sententiam juvat ipsa *l. 11. §. 3.* ubi *Ulp.* Redhibitionem quoque contineri emti iudicio, *Labeonem* & *Sabinum* putare, & sese probare respondet. Quæ sane inepta dubitatio fuisset, si etiam ante *Edictum* *Ædilium*, *Actione civili* hoc nomine experiri licuisset. *V. Bach. ad Tr. V. 2. D. 2. tb. 2. L. C. Habn. ad Wesf. ad t. de Ædil. Ed. n. 10.*

§. 26. Plus difficultatis habet *l. 23. §. 4. ff. de Ædil. Edict.* Sed, si quidem verba non capientur, locus ille satis commodam explicationem admittere videtur. Neque enim dum ait *JC. quoniam ex contractu veniunt* hoc vult, *Actiones* *Ædilitias* ex ipso contractu nasci, sed occasione contractus *Emtionis-venditionis*, propter frequentem ejus usum & utilitatem, in favorem *Emitorum* ab *Ædilibus* eas actiones datas esse. Quemadmodum tamen ex simili fere sensu, pro *propter*. tum apud alios probatos auctores, tum in legibus nostris, sæpius positum occurrit. Eleganter idem *Ulp.* (ex cuius *l. 1. ad Edict. Ædil. Cur.* excepta est *d. l. 23.*) lib. 56. ad *Edictum*, in *l. 1. §. 2. ff. de incend. ruin. & naufr.* Ex incendio quemadmodum accipimus, utrum ex ipso igne, an vero ex eo loco ubi incendium fit? & melius sic accipitur propter incendium, hoc est propter tumultum incendii, vel trepidationem incendii rapi. Quemadmodum solemus dicere, in bello amissum, quod propter causam belli amittitur. add. *l. 19. ff. de captiv. & postl. rev.* Quo sensu si dicta verba *d. §. 4.* accipiantur, nulla difficultas superesse videtur.

CAPUT II.

§. 1.

Ad eandem classem referenda etiam est *Actio personalis*, quæ ex vinculo matrimonii nascitur.

§. 2. Quod ut rectius intelligatur, de effectu matrimonii, quædam præmittenda sunt.

§. 3. Est autem effectus matrimonii iusti & legitimi, alius utriusque conjugis communis, alius mariti vel uxoris proprius.

§. 4. Communis utriusque est cohabitatio & conjugalisi debiti exhibitio *v. l. Cor. 7. v. 3. 4. Genes. 2. v. 24.* Utriusque fortunæ participatio *l. 22. §. 7. ff. solut. matrim.* ut & bonorum communicatio, quantum scilicet ad promiscuum usum rerum attinet *l. 1. ff. de rit. nupt. l. 1. ff. rer. am. l. 4. C. de crim. expil. hered.*

§. 5. Communio enim bonorum, quæ moribus fere recepta, jure nostro est incognita v. l. 51. ff. l. 6. C. de don. int. vir. & uxor. l. 1. §. 15. ff. ad Se. Syllan. l. ult. ff. de in rem vers. l. 12. ff. de præscr. verb. Licet societas omnium bonorum, inter conjuges, iniri possit. l. 16. §. ult. ff. de alim. legat. l. 17. §. 1. ff. solut. matr.

§. 6. Specialis effectus seu proprius ratione mariti est I. Potestas maritalis. Quæ ipsum Deum O. M. auctorem habet, qui dixit mulieri *sub viri potestate eris, & ipse dominabitur tibi.* Genes. 3. v. 16. Unde & Paulus nec non Petrus Apost. sæpius inculcant, virum caput esse uxoris, uxoresque maritis obedire debere. 1 Cor. 11. v. 3. 14. v. 34. Eph. 5. v. 22. 1 Petr. 3. v. 1. & seqq. Quod & Canones sequuntur, qui virum caput mulieris dicunt, & hanc illi ut membrum capiti subditam esse volunt. *Can. cum apud. c. Mulieres C. hæc imago caus. 13. q. 5. c. femine caus. 30. q. 5. c. quacun. que dist. 30.*

§. 7. Eaque potestas plerarumque moratorum gentium institutis probata est. Sic Rex Ahasuerus legem promulgavit, qua sancivit, ut suæ quisque domi vir imperaret. *Esber. c. 1. v. ult.* Sic & Lycurgi Lex fuit, ut mulier esset in potestate mariti, ne contento marito ad patrem rediret. *Plutarch. in Lacon.* Adeo quidem, ut multi maritis in mulieres jus vitæ & necis concesserint, uti de Gallis memorat *Cæs. de bell. Gall. de Germanis Tacit. de mor. Germ. de aliis Arist. L. 1. polit. c. 1.*

§. 8. Romanos quod attinet, Romulus etiam maritis in uxores maximam potestatem concessit, ut si quid peccasset (in quibus maxime erat violata pudicitia, & si vinum bibisse deprehensa esset) pœnam lueret ex mariti læsi arbitria v. *Dionys. Halic. l. 2. c. 26.* Cujus rei exemplum refert *Plin. L. 14. c. 13.* *Juvonimus* (inquit) *inter exempla, Egnatii Mecenii uxorem, quod vinum bibisset e dolio, interfectam fuisse a marito, cumque cadis abscutum a Romulo.* Idemque notat, *Val. Max. l. 6. c. 3.* Sed eum *Egnatium Metellum* vocat, addens, non accusatione tantum, sed & reprehensione etiam vacasse.

§. 9. Quæ summa potestas uti sequentibus temporibus imminuta & mitigata, ita tamen potestas maritalis in uxores minime sublata est: sed & tunc, cum uxor emancipata non est, paterque adhuc vivit, locum habet.

§. 10. Licet enim per nuptias patria potestas non solvatur l. 1. §. ult. l. 18. §. 2. ff. de injur. l. 1. §. ult. & l. seq. ff. de lib. exhib. l. 2. §. 1. l. 29. ff. solut. matr. l. 1. §. 1. de agn. lib. adeoque mulier in potestate patris maneat, nihil tamen obest, quominus etiam sit in potestate mariti. Quamvis enim idem in duplici potestate ejusdem generis esse nequeat, in diversis tamen

tamen generis esse nihil prohibet. Sed & potestas patria, maritali sæpenu-
mero inferior est, eique in multis casibus cedit v. l. 1. §. ult. l. 2. ff. de lib.
exhib. l. 5. C. de repud.

§. 11. Neque potestatem hanc evertit, quod legimus uxores sæpenu-
mero a maritis suis *Dominas* vocatas esse, v. l. 41. de legat. 3. l. ult. §. ult. de aur.
& arg. leg. l. 19. §. 1. ff. de ann. leg. Honoris enim & amoris causa, & per
blanditias id fieri nemo non intelligit. Quemadmodum & vice versa, non
tam subjectionis testandæ, quam per blanditias & *προνομισίας* uxores ma-
ritos suos *Dominos* & *Dominulos* vocare sunt solitæ. v. l. 57. ff. de don. int.
vir. & uxor. l. 88. ff. de leg. 2. l. 8. §. 1. C. de inoff. don. l. 41. §. 4. ff. de le-
gat. 3. add. Menag. Anan. jur. civ. c. 25.

§. 12. Hinc uxor marito debet obsequium & reverentiam l. 14. §. 1. ff.
solut. matr. l. un. §. 7. C. de rei uxor. act. l. 12. §. 1. C. qui potior pign. itemque
operas & auxilium l. 48. ff. de op. lib.

§. 13. In tantum, ut si uxor immorigera sit & refractaria, in casu ne-
cessitatis, modica etiam castigatio marito ab interpretibus communiter con-
cedi soleat. Tum quod Justinianus non perimitit divortium ob causam fu-
sibus uxorem Nov. 117. c. 14. tum quod modica castigatio videtur probata
emendatio l. un. C. de emend. propinq. ingenuis non indigna, l. 5. §. ult. ff.
ad L. Aquil. l. 7. §. 2. & seqq. ff. de injur. v. Habu. ad Wesf. t. de rit. nupt.
n. 6. Bockelm. comm. ad d. t. §. 33. Arnif. Doctr. pol. l. 1. c. 3.

§. 14. Ad quam tamen ne quis temere accedat, neve putent mariti id-
circo relictos esse fœminis crines ut viri invenirent in illis, quo trahi possent
& ligari, uti a Jctis quibusdam ad can. quacunq. dist. 30. festiviter notatum
memorat Arnif. d. l. rectissime Justinianus Imp. constituit, ut si maritus uxo-
rem sine iustissima causa flagellis vel fustibus cæcidit, tantum pro hujusmodi
injuria ex alia sua dare debeat substantia uxori, etiam constante matrimonio,
quantum tertia facit pars antenuptialis largitatis. d. Nov. 117. c. 14.

§. 15. Sequitur etiam uxor maritum, tum ratione fori l. pen. de juris d.
l. ult. C. de incol. tum ratione domicilii d. l. ult. de incol. l. 5. ff. de rit. nupt.
l. 65. ff. de jud. l. 1. §. 15. ff. ad SC. Silan. ut si ille domicilium mutaverit & ipsa
sequi teneatur. Non tantum si mutatio illa sit voluntaria, sed & si sit neces-
saria; ut puta si maritus relegatus sit. Nisi tamen aliud suadeant iustæ ratio-
nes & circumstantiæ, judicis arbitrio relinquendæ. V. Heig. p. 2. Quest. 14.
Bockelm. ad t. de rit. nupt. §. 30.

§. 16. Alter effectus specialis, ratione mariti, est potestas patria in libe-
ros. De qua sub tit. ff. de his qui sunt sui vel alien. jur. t. 3. de parr. pot.
Quæ soli patri in liberos competit non tantum Jure civili Romanorum, sed

Jure etiam Naturæ. Quia maritus & caput est uxoris, & Princeps familiaræ, uti pluribus contra *Hobbesium* ostendit *A. Huber. p. 1. Digress. l. 2. c. 3.*

§. 17. Effectus autem specialis ratione uxoris, in eo maxime consistit, quod maritus uxori alimēta præstare debeat *c. 11. dist. 3.* eam defendere *l. 2. ff. de injur. ægrotam & furiosam curare l. 22. §. 8. ff. solut. matr. & si dotem non habeat, propriis sumptibus sepelire l. 28. ff. de relig. & sunt.* Ut &, quod non tantum vivo marito, sed & eo mortuo, quandiu ad secunda vota non transit, dignitate uaritali gaudeat. *l. 8. ff. de senat. l. 10. C. de nupt. l. 13. C. de dign.*

§. 18. Ad quæ consequenda, cum non semper sponte præstentur, Remedio aliquo juris seu Actione sæpenumero opus est,

§. 19. Et quidem vel Interdicto de exhibenda vel ducenda uxore *l. 2. ff. de lib. exhib. l. 11. C. de nupt.* vel Actione præjudiciali agendum arg. *l. 3. §. 4. ff. de agn. vel alend. lib.* vel Officium Judicis implorandum esse, moment *Struv. Exerc. 3. C. th. 57. Stryck. Sect. 1. Memb. 2. §. 26.*

§. 20. Recte sane. Sed cum inploratio officii Judicis sine specie quadam actionis fieri nequeat, uti dictum *Dissert. 7. c. 1. §. 13.* ex matrimonio autem uti ex dictis facile intelligitur obligatio inter conjuges oritur, ratio exigit, ut ex hac obligatione Actionem personalem (de qua hic maxime sumus solliciti) nasci dicamus.

§. 21. Cumque hic neque Contractus intercedat, neque delictum, æquitas autem obligationis cuius sit obvia, Actio hæc iis quæ ex extraordinario obligationum fonte derivantur, annumeranda venit.

§. 22. Donellus quidem *l. 13. comm. c. 18. Vin. l. 2. part. c. 21.* alique Matrimonium Contractum esse statuunt. Tum quia Matrimonium est conventio nominata, conventio nominata autem est contractus *l. 7. pr. & §. 1. ff. de pact.* tum quia *inup. contractum nuptiarum*, apertis verbis nominat, in *l. ult. C. de repud.*

§. 23. Sed non sunt hæc tanti ut in contrarium aliquem movere debeant. Matrimonium enim Contractum non esse manifestum est 1. ex eo, quod ubi de contractibus ex professo, agitur, matrimonium inter eos nusquam referatur. 2. Quod certam actionem nominari conformem non producat. & 3. Quod contractus versetur circa dandum vel faciendum, siuiliæque quæ sunt in commercio, qualia in matrimonio non intercedant. v. *A. Huber. præl. ad §. 1. de nupt. n. 2.*

§. 24. Proinde quantum ad prius dabitum attinet, dicimus, non omnem conventionem nominatam contractum esse, sed eam quæ certam habet formam,

nam, Actionem producit nomini conformem, & sit de rebus vel factis, quæ sunt in commercio. Quantum vero ad posterius, Imperatorem in *d. l. ult. contractum nuptiarum* dixisse sensu latiori; quemadmodum vocabula *Contrahere* & *Contractus* sæpenumero late & improprie accipi, pluribus ostensum *Dissert. 2. c. 2. & seqq. c. 3. §. 28.*

CAPUT III.

§. I.

Vinculo matrimonii, proximum est vinculum, quod intercedit inter parentes & liberos.

§. 2. Ex quo nascitur Actio personalis ad alimenta præstanda; quæ similiter ad nullum alium obligationum fontem, quam solam æquitatem, referri potest. v. *Celeb. Stryck. de Act. sect. 1. memb. 2. §. 2. & seqq.*

§. 3. Ex facto enim generationis obligatio oritur ad educandum & alendum, jure non tantum Civili *l. 5. pr. §. 1. & seqq. ff. de agn. & al. lib. l. 3. 4. C. de alend. lib. sed & Divino V. Jes. 49. v. 15. 2 Cor. 12. v. 14. 1 Tim. 5. v. 8. & Naturali. Quia qui in causa est, ut homo existat, quantum in se est prospicere debet, de his, quæ ad vitam humanam sunt necessaria. Neque enim congruere hæc inter se possunt (uti eleganter *Cic. de fin. l. 3. §. 62.*) ut natura & procreari vellet, & diligi procreator non curaret. Unde & recte *Imp. pr. J. de Jur. nat. gent. & civ. l. 1. §. 3. de J. & J.* inter ea quæ juris naturæ esse dicuntur liberorum educationem memorat, stimulumque naturalem parentes ad liberorum suorum educationem non tantum hortari; sed & liberos alere, propter naturam, parentibus necesse esse, docet. *l. un. §. 5. C. de rei uxor. act. l. ult. §. 5. C. de bon. quæ lib.**

§. 4. Ut adeo parentes, non ex honestate tantum, uti vult *Grot. de Jur. bell. ac pac. L. 2. c. 7. §. 4.* Sed & ex obligatione Juris naturæ ad hoc obstricti sint. V. *Puffend. de jur. Nat. & Gent. l. 4. c. 11. Scharroek. de offic. sec. jur. Nat. c. 7. Stryck. de Act. Sect. 1. Memb. 2. §. 3. Dissert. mosl. 1. de port. Legit. c. 5. §. 5. & seqq. & 1. de caus. oblig. c. 2. §. 27.*

§. 5. Et primum quidem ad alimenta liberis præstanda obligatus est Pater, uti docet *Ulp. in l. 5. pr. & §. 1. ff. de agnosc. & al. lib. Si quis* (inquit) *a liberis ali desideret; vel [si] liberi ut a parente exhibeantur, iudex de ea re cognoscat.* Sed utrum eos tantum liberos, qui sunt in potestate, cogatur quis exhibere, an vero etiam emancipatos, vel ex alia causa sui juris constitutos, videndum est? Et magis puto, etiam si non sunt liberi in potestate, alendos a parentibus & vice mutua alere parentes debere. Adeo

ut captis pignoribus ad ea præstanda cogi possit. Ideo Ulp. *d. l. 5. §. 10. Si quis ex his alere detrectet, pro modo facultatum alimentis constituuntur. Quid si non præstentur, pignoribus captis & distractis, cogetur sententia satisfacere.* add. *l. 3. 4. C. de alend. lib.*

§. 6. Eaque obligatio ex generatione statim, non denuin post triennium, nascitur; 1. per textus generales in *d. l. 1. pr. §. 1. 10. ff. de agn. & al. lib. l. 3. 4. C. de alend. lib.* 2. quia & partui nondum nato, sed in utero constituto, alimenta competunt *l. 5. ff. de ventr. in poss. mitt.* 3. Quia mater ante triennium mori potest, aliaque multa contingere possunt, ut proprio lacte, per triennium, infantem nutrire nequeat.

§. 7. Non obstante *l. 9. C. de patr. pot.* Distingendum enim inter alimenta lactis materni, ad quæ mater, si quidem ea præstare potest, per triennium, (post quod liberi ablactari solebant, v. 2. *Macab. 7. v. 27. Ulp. t. 19. §. 1. & ibid. Cujac.*) tenetur & cætera alimenta & sunt, qui a patre præstandi sunt, v. *Habn. ad Wif. ad t. de agn. & al. lib. n. 4. Brunnem. ad d. l. 9. Stryck. de Act. Sect. 1. memb. 1. §. 7. Carpz. 2. p. 4. C. 27. def. 5.*

§. 8. Neque hoc tantum incumbit patri, sed, patre mortuo, omnibus in linea paterna Ascendentibus, Uti iterum docet idem Ulp. *d. l. 5. §. 2. 3.* Postquam enim §. 2. dixerat non tantum patrem, sed & Avum Proavumque, ceterosque virilis sexus parentes, a liberis etiam alendos esse; addita ratione, quod ex æquitate & caritate sanguinis hæc res descendat subijcit §. 3. *Idem in liberis quoque exhibendis a parentibus dicendum est.* Nec non Marcellus in *l. pen. ff. cod.* Non quemadmodum masculorum liberorum nostrorum liberi ad onus nostrum pertinent, ita & in feminis est. Nam manifestum est, id quod filia parit, non avo sed patri suo esse oneri, nisi pater aut non sit superstes, aut egens sit.

§. 9. Quod si autem pater decesserit, vel si non sit sufficiens, neque alii per virilem sexum Ascendentes, Mater, eaque mortua vel non sufficiente, parentes in linea materna, liberos alere, necesse habent, *d. l. 5. §. 2. 3. 4. 5. l. pen. ff. de agn. & alend. lib. Nov. 117. c. 7.*

§. 10. Nam alimenta quæ vivente & sufficiente patre subministravit, si non donandi animo sed ex pietate præstitit (de quo ex circumstantiis, veluti si de eo protestata sit, vel ea in rationes intulerit, judicandum) Actione Negotiorum gestorum a marito repetere potest *F. l. 11. C. de neg. gest. junct. l. 34. ff. cod. Cujac. ad d. l. 34. Brunnem. ad d. l. 11. & 34.*

§. 11. Ut merito notetur *Hobbes. de civ. c. 9. §. 2.* qui, contra dictamen rectæ rationis, matrem ad educandum nullo casu obligatam esse statuit, sed partum vel educare, vel arbitrio suo exponere posse asserit.

§. 12.

§. 12. Quales sint liberi, five masculi five feminae, five primi five ulterioris gradus, five in potestate five sui juris constituti, five legitimi five naturales, nihil interest *d. l. 5. §. 1. 2. 3. 4. 5. l. 8. ff. de agn. & al. lib. Nov. 89. c. 12. Auth. Licet. C. de nat. lib.*

§. 13. Exceptio tamen est I. Si liberi sint locupletes & se ipsos exhibere possint *l. 5. §. 7. ff. de agn. & alend. lib.* ubi Ulp. JC. *Sed si filius possit se exhibere, aestimare iudices debent, ne non debeant ei alimenta decernere. Denique idem Pius ita rescripsit, [Aditi a te] competentes Iudices alii te a patre tuo jubebunt, pro modo facultatum ejus, si modo cum opificem te esse dicas, in ea valetudine es, ut operi sufficere non possis.*

§. 14. II. Si liberi sint ingrati; Quod de jure nat. ita procedit, si quid commiserint, per quod vinculum naturale quod est inter parentes & liberos tollitur, veluti si vitæ parentum insidiati sint, vel patrem detulerint ut ad mortem rapiatur *l. 5. §. 11. ff. de agn. & alend. lib. Stryck. de Act. Sect. 1. Memb. §. 16.* Cum vero causæ ingratitudinis, ob quas parentes liberos suos exheredare possint, Jure civili determinatæ sint *Nov. 115. c. 3.* ob easdem causas, ob quas parentes liberos exheredare possunt, & alimenta iis negare possent, de jure nostro dicendum est. v. *Wesemb. ad t. de agn. & al. lib. Struv. Exerc. J. C. 30. th. 76. Brumm. ad d. l. 5. n. 20.*

§. 15. III. Si liberi ex nefariis, incestis, aut damnatis complexibus, nati sint, *Nov. 89. c. ult. Auth. ex complexu. C. de incest. nupt.*

§. 16. Quod tamen non ita accipiendum est, quasi Jus nostrum talibus liberis nihil omnino præstari, & proinde eos, qui nihil commiserunt, necari velit arg. *l. 4. ff. de agn. vel alend. lib.* isque juris nostri rigor, nævus & iniquitas Jure Canonico *c. 5. in f. ext. de eo qui dux. in matr. quam poss. adultr.* emendata sint; Distinguendum enim inter alimenta latius accepta, & necessaria v. *d. l. 5. §. 19. 12. ff. de agn. & al. lib. Nov. 12. §. 2.* quæ ipso jure Canonico tantum conceduntur *d. c. 5.* neque jure nostro negantur: Sed vel a Fisco præstanda, qui bona eorum plerumque occupat *Nov. 12. c. 1. Nov. 134. c. ult. junct. l. 10. ff. de R. J. vel a parentibus, si ipsis aliquid relictum sit, vel postea acquisiverint, v. Cl. Pagenst. l. 3. Aph. 13. manip. 4. Sicil. p. 280. Princip. nost. ad J. t. de success. ab intest. §. 48. & seqq. & Dissert. 2. de port. Legit. cap. 2. §. 28.*

§. 17. Alimenta enim hic significant omnia ad vitæ sustentationem necessaria, pro modo facultatum parentum. *d. l. 5. §. 10. 12. ff. de agnosc. & alend. lib. l. 43. ff. de V. S. l. 6. l. f. ff. de alim. legat.* Ut & sunt in studia, & disciplinas, hic (in legato enim alimentorum secus est *d. l. 6.*) sub alimentis contineri videantur; Nam non tantum præstandum, ut vi-

vere possint liberi, sed & ut honeste vivere, & tum proximis tum Reip. quandoque utiles esse possint. V. *Puffend. de J. N. & G. l. 4. c. 11. §. 4. Brunnem. ad d. l. 5. N. §. Stryck. Sect. 1. memb. 2. §. 4. 5. 17.*

§. 18. Unde quesitum est, si filius liberslibus artibus operam dare desideret, pater autem in id consentire nolit; An pater ad sumtus in studia suppeditandos cogi possit? Et si hoc casu alius filiosam pecuniam. crediderit, eam creditori restituere debeat. Quidam aiunt; Quidam negant. Nos castra eorum sequimur, qui id neque temere affirmandum, neque simpliciter negandum, sed prudentis judicis arbitrio, (cujus est facultates patris, ejusque & familiae conditionem & dignitatem, nec non ingenium filii & solertiam, probe considerare) relinquendum censent. V. *Lauterb. Colleg. ad t. ff. de SC. Maced. th. 25. Stryck. de Act. Sect. 1. memb. 2. §. 17.*

§. 19. Cumque dotes ratione filiarum alimentorum loco introductæ sint, pater etiam filiae siue in potestate sit, siue non sit, dotem dare compellitur. *l. 19. ff. de rit. nupt. l. ult. C. de dot. promission. ubi Imp. non incognitas dicit esse leges, quibus cautum est, omnino paternum esse officium, dotem vel ante nuptias donationem, pro sua dare progenie. V. Stryck. de Act. Sect. 1. memb. 2. §. 25. Dissert. n. 2. de port. legit. c. 2. §. 31.*

§. 20. Quemadmodum autem parentes liberis ad alimenta præstanda obstricti sunt, ita & ex eodem jure naturali, vi gratitudinis, liberi parentes suos egenos alere tenentur. *Iniquissimum enim quis dixerit patrem egere, cum filius sit in facultatibus uti ait Ulp. in l. 5. §. 13. ff. de agn. & al. lib. Add. l. 5. C. de patr. pot. l. 2. C. de alend. lib. Dissert. 1. de port. legit. c. 5. §. 10. & seqq.*

§. 21. Quales sint parentes, an pater an mater, an in paterna an in materna linea ascendentes, nihil interest. *l. 5. §. 2. 3. 4. 5. 13. 15. ff. de Agn. & al. lib. Adeo quidem, Ut & patri relegato v. l. 73. §. 1. ff. de jur. dot. eique qui post nuptias priores legitimas incestum, aliudve simile delictum commiserit, alimenta a liberis suppeditanda sint. Nam licet legum contemptor & impius sit, tamen pater est. Nov. 112. c. 2.*

§. 22. Quod tamen ita accipiendum, ut exceptiones, quas de filiis paulo ante §. 13. & seqq. proposuimus & hic locum habeant.

§. 23. Aliud est in fratribus & sororibus, quibus neque jure naturæ, neque jure Civili alimenta competunt; uti *Dissert. 1. de port. legit. c. 5. §. 15. & seqq. demonstravimus.*

§. 24. Parentibus tamen similes sunt patroni. Cum enim inestimabilis res sit libertas *l. 106. ff. de R. J. nihilque ea gratius servo accidere possit l. 39. ff. de fideic. libert. patronus liberto merito parentis loco habendus est.*

ast. Quemadmodum enim pater filio vitam dat, & ut in rerum natura sit efficit, sic patronus libertatem tribuit, & in causa est, ne libertus inter nullos numeretur.

§. 25. Hinc quemadmodum liberis persona parentum, ita libertis Patronorum semper sancta videri debet *l. 9. ff. de obseq. parent. & patr. pref.* & (ut reliqua transcamus) uti liberi parentes, ita liberti Patronos egentes alere debent, *l. 5. §. 17. 20. ff. de agn. & al. lib.*

§. 26. Qualis vero huius casibus Actio locum habeat nusquam proditum est, nisi quod *Remedium alimentorum* competere dicant Impp. in *l. 9. C. de patr. pot.* Unde *Stryck. de Act. sect. 1. memb. 1. §. 5. 6. 12.* generatim observandum monet, quod quoties æquitas naturalis actionem producit, nec specifica lex adest, quæ illam confirmat (quo casu *condictio ex lege* locum habet *l. un. ff. de condict. ex leg.*) tunc dari Actionem in factum, vel implorationem officii iudicis, & hoc ultimum in hac materia insinuare Ulp. in *l. 5. §. 12. ff. de agn. & alend. lib.* quando dicit, *non tantum alimenta, verum etiam cetera quoque onera liberorum patroni a iudice cogi præbere.* Ejusdemque sententiæ est *Eckelt. ad t. ff. de agnosc. & alend. lib. §. 2.* qui alimenta, extraordinaria persecutione, seu imploratione officii Iudicis nobilis peti docet.

§. 27. Sed cum Imploratio officii Iudicis species sit Actionis, uti ex dictis facile intelligitur, & monitum *supr. c. 2. §. 20. Dissert. 7. c. 1. §. 18.* & Actio hic ex mera nascatur æquitate naturali, simpliciter potius dicendum, Actionem hic habere locum personalem quæ ex *variis* oritur *causarum figuris.*



DISSERTATIO JURIDICA NONA DE CAUSIS OBLIGATIONUM.

CAPUT I.

§. 1.

Obligatio porro, qua heredes descendentes Ascendentibus succedentes, ad *Collationem* eorum, quæ a parentibus acceperunt, obstricti sunt, non nisi ex extraordinario obligationum fonte derivari potest.

§. 2. Est autem hoc loco *Collatio* (quæ a *conferendo* dicta est, & varie accipitur v. *Vin. rr. de Collat. c. 1. Eckolt. ad J. ff. de collat. §. 1. & ibid. Suen-dendorfi.*) Actus, quo coheredes descendentes Ascendentibus succedentes, res, quas ab ipsis vivis acceperunt, in communem hereditatem inserunt. Seu, *Imputatio in communem hereditatem, rerum, descendentibus, ab Ascendentibus, concessarum.*

§. 3. Introducta est primum a Præatore *l. 1. pr. ff. de collat.* Sed deinceps, tum interpretatione Prudentium, tum maxime constitutionibus Principum, aucta & confirmata v. *l. 10. ff. de collat. l. 1. pr. ff. de dot. collat. l. 17. l. ult. C. de collat. Nov. 13. c. 6. Bachov. ad Tr. v. 2. d. 13. th. 1. L. F. G. Rittersb. ad Nov. p. 7. c. 22. n. 5.*

§. 4. Ejusque causa est sola æquitas, sive Jus antiquum consideremus, sive Jus novum. Ratio enim quæ Prætozem movit, ad *Jus Collationis* introducendum, in eo consistit, ne, dum emancipatos cum suis ad successionem admittit, sui injuria afficerentur. Uti aperte docet *Ulp. in l. 1. pr. ff. de collat.* *Hic Titulus* (inquit) *manifestam habet æquitatem; Cum enim Prætor ad bonorum possessionem contra tabulas emancipatos admittat, participesque faciat, cum his qui sunt in potestate, bonorum paternorum, consequens esse credit, ut sua quoque bona in medium conferant. Quæ vero Inpp. ad jus illud augendum & extendendum induxit, in æqualitate inter liberos servanda sita est; Leo Imp. in l. 17. C. de Collat. Ut liberis tam masculini quam femini-*

ni sexus, five sui juris, five in potestate constitutis, quocunque jure intestata successione, i. e. aut testamento penitus non condito, aut si factum fuerit, contra tabular bonorum possessione petita, vel inefficaci querela mota rescisso, æqualitè parique modo prospici possit, hoc etiam æquitalis studio præfenti legi credidimus inferendum &c. add. l. pen. l. 1. C. cod. Verb. ne ex eo injustum aliquid oriatur. Nov. 18. c. 6. Quam merito hic considerarunt Legislatores; Æqualitas enim uti vulgo jactatum est proverbio, non facit bellum; τὰ ἴσα πόλεμον ἢ πρῶν. Eaque inter liberos vel maxime spectanda est. l. 77. §. 20. ff. de legat. 2. l. ult. C. comm. utr. jud. Nov. 22. c. 48.

§. 5. Conferre tenentur heredes, seu successores universales, descendentes; Et quidem Jure veteri, heredes tantum legitimi, non etiam testamentarii, l. 1. §. 6. ff. l. 1. l. 4. l. 7. C. de collat. Jure novo autem omnes, five ab intestato, five ex testamento succedentes. Nov. 18. c. 6. Nisi testator illud expresse prohibuerit d. Nov. 18. c. 6. Auth. ex testamento. C. de collat. Quod in dubio non præsumitur, arg. l. 39. §. 1. de leg. 3. l. 8. v. at cum humana C. qui testam. fac. poss.

§. 6. Olim etiam suis conferebant tantum emancipati, qui per bonorum possessionem contra tab. vel Unde liberi. ad Ascendentium hereditatem admittebantur. Non etiam sui suis, nec emancipatis emancipati, l. 1. pr. §. 5. l. 2. §. 5 ff. de collat. Jure novo vero omnes descendentes, five concurrant soli sui, five emancipati, five utriusque; Cujuscunque sint gradus aut sexus, etiam matris succedentes. l. 17. l. 19. C. de collat. Nov. 18. c. 6.

§. 7. Ut & nepotes, ea, quæ parentes eorum acceperunt, conferre debeant, licet parentibus suis heredes non existant. l. 7. l. 17. l. 19. C. de collat.

§. 8. Non autem conferunt Ascendentes l. 1. pr. §. 5. ff. de collat. ne quidem jure novo. Tam quod ab initio jure Collationis a Prætoris inter solos descendentes introductum, nec postmodum ulla lege ad Ascendentes extensum est. Nemo autem conferre tenetur, nisi cui expressa lege illud iungitur l. 19. C. cod. Tum quod, licet studium æqualitatis jure novo maxime causa sit collationis, non tamen illa ratione omnium heredum, sed liberorum tantum spectatur.

§. 9. Unde non confertur etiam Collaterales & extranei. v. l. f. C. comm. utr. jud. nec successores singulares, ut puta legatarii & Fideicommissarii. l. 19. l. 16. C. de collat. l. f. de dot. collat.

§. 10. Quænam conferenda sint, docet Imp. in l. pen. pr. C. de collat. generalem proponendo regulam; omnia scilicet ea conferenda esse, quæ computantur in portionem legitimam. Illud (ait) sine ratione a quibusdam in dubietatem deductum plana sanctione revelamus, ut omnia, quæ, in quartam portionem

tionem ab intestato successionis, computantur hiis, qui ad actionem de inofficioso testamento vocatur, *etiamsi intestatus is decesserit, ad cuius hereditatem venerit*, omnimodo coheredibus suis conferant. Et paulo post, *Hec autem regula*, ut omnia quæ portioni quartæ computantur, etiam ab intestato conferantur, *minime e contrario tenet*. Dummodo ea descendentes a vivis parentibus acceperint l. 6. l. 13. l. 15. l. 17. l. f. C. de collat. & tempore mortis ejus cui succedunt adline in bonis habeant. l. 2. §. 2. ff. l. 6. C. eod.

§ 11. Proinde conferuntur omnia *professitia*. Quæ tamen hic latius accipienda, non tantum pro iis, quæ liberi a patre habent vel patris intuitu ipsis obvenerunt, & proprie *peculii professitiis* nomine veniunt §. 1. f. per quas pers. cuicque acquir. sed & pro illis quæ a matre, vel materni generis Ascendentibus, quorum de successione agitur, liberis data sunt, l. 17. C. l. 1. pr. l. 3. §. 3. ff. de collat. Hahn. ad Wesf. ad l. d. collat. n. 5. Eckolt. ad d. l. 1. §. 12. Militia & militis casus l. 30. §. 2. C. de inoff. test. l. pen. de collat. v. Dissert. nost. 3. de Port. legit. cap. 6. §. 6. & seq. Donatio propter nuptias l. 29. C. de inoffic. l. pen. C. de collat. Dos. tit. ff. de dot. collat. (nisi filia dote contenta paternæ hereditati renuntiet l. 8. ff. l. 10.) aliæque pretiosæ filiz tempore nuptiarum data, Auth. ex testamento. C. de collat.

§. 12. Excipitur I. Si quid ex Mere liberalitate datum sit l. pen. §. 1. C. de collat. l. 18. C. sam. excisc. Nisi aliud pater voluerit, vel plures sint liberi, & quidam habeant, donationem simplicem, quidam vero donationem propter nuptias; Quo casu utrique conferre debent, d. l. pen. §. 1.

§. 13. Cui contrarium non est quod dicitur in l. 13. C. de Collat. Si donatione post mortem patris fundum quasiisti, soror tua portionem ejus vindicare non potest; Nam si is filiasam, constituta tibi a patre donatus, cum sorore patri communi succedens eum præcipuum habere contra jura postulas. Quominus enim fundus, qui ibi donatus dicitur, in peculium concessus accipi possit, nihil impedit. Cum & alibi donare, pro in peculium dare positum occurrat v. l. 31. §. 2. ff. de donat. l. 37. §. 1. l. 49. ff. de A. R. D. Giphon. ad d. l. 13. Bachov. ad Tr. v. 2. d. 17. th. 5. L. G. p. 1112. Vin. tr. d. Collat. c. 15. n. 8. & seqq.

§. 14. II. Si quid ex singulari pietate, veluti ad redimendum captivum, datum sit. l. 17. C. de postlim. Quod tamen ad id quod pater pro delicto filii solvit, ut aliqui volunt, minime extendendum est.

§. 15. III. Si sumtus in studia, gradum Doctoratus, vel peregrinationem filii, a patre subministrati sint. Nusquam enim hi sumtus conferri jubentur, neque liberi ex iis locupletiores facti sunt. Tum & ea quæ dignitatis nomine a patre erogata sunt, propter onera dignitatis, præcipua habentur.

l. 50 ff. fam. ercisc. l. 1. §. 15. l. 20. §. 6. 7. ff. de collat. l. 3. §. ult. ff. de mun. l. un. C. de peric. success. patr. l. x. add. Dissert. 3. de Port Legit. c. 6. §. 9.

§. 16. Nisi i. pater non donandi sed credendi animo istos suunt fecerit *d. l. 50. ff. fam. ercisc.* Quo casu tamen sumtus in alimenta prius detrahendi sunt. arg. *l. 11. C. de neg. gest. 2. Filius bona habeat Adventitia, quæ pater administraret. arg. l. 3. de neg. gest. l. ult. ff. de pct. hered. 3. Reliqui liberi saltem non habeant portionem legitimam, quæ jure Naturali ipsis competit l. 7. pr. ff. de bon. damn. l. 7. §. 1. ff. si tab. test. null. extab. & 4. sumtus isti a liberis male impenſi sunt: Quia sic deficit præſumta patris voluntas, neque ex iis decus vel familiæ, vel Reip. accedit. V. *Vin. d. tr. c. 13. Struv. Exerc. 37. tb 30. Eckolt. ad t. ff. de collat. §. 12.**

§. 17. Similiter IV. non conferuntur sumptus in festivitatem nuptialem impenſi, quia ad honorem patris pertinent, liberique per eos non sunt facti locupletiores. v. l. 2. §. 2. ff. l. 6. C. de collat.

§. 18. Ut neque V. quæ ob bene merita ad remunerandum data sunt; Tum quia ea filius non ut filius, sed ut quilibet extraneus accipit arg. *l. 10. C. de collat.* Tum quia id magis peculio Adventitio, quod filius suis operis acquisivit, quam profectio annumerandum est.

§. 19. VI. Idem dicendum est de legatis & fideicommissis, nec non mortis causa donationibus, quæ pater aliquem ex liberis post mortem suam vult habere præcipua. *l. 12 l. 13. l. 15. C. de collat.*

§. 20. Nec denique collationi obnoxia sunt bona Adventitia, immutato jure antiquo *l. fin. C. de collat.* Castrenſia, & Quasi Castrenſia *l. 1. ff. de castr. pec. l. 1. §. 15. ff. l. 15. C. de Collat.*

§. 21. Quinam itaque, & quibus casibus, ad collationem faciendam obligati sunt, ex dictis intelligitur, sed quodnam Remedium contra non conferentem locum habeat, non satis constat.

§. 22. Et si quidem cautio ea de re interceſſerit, Actionem ex stipulatu competere certum est *l. 5. §. 1. ff. de collat.*

§. 23. Quod si vero illa non interceſſerit, Wesenb. *ad t. de collat. n. 6.* quatuor Remedia locum habere statuit 1. Denegationem Actionum *l. 1. §. 10. l. 10. ff. de collat.* 2. Implorationem officii Judicis, ante factam divisionem *l. 8. C. l. 1. in f. ff. de collat.* 3. Exceptionem non factæ collationis. & 4. Implorationem officii Judicis post divisionem *d. l. 8. C. de collat.*

§. 24. Rittershusius *ad Nov. p. 1. c. 28. n. 10.* Tria memorat 1. Implorationem officii Judicis, 2. Denegationem Actionum hereditarium, & 3. Exceptionem.

§. 25. Bachovius *ad Wesf. d. l. eumque secutus Habn. ibid. & Eckolt ad d. 1.*

d. t. 4 §. 17. duo Remedia sufficere censent, denegationem Actionum hereditarium, & Implorationem officii Judicis, *l. 11 §. seq. l. 8 C. de collat.* Quam duobus casibus prodesse monent, 1. Ante factam divisionem, ad hoc ut fiat collatio *l. 1. pr. ff. de collat.* 2. Facta divisione & in ea per errorem omissa collatione, ad hoc, ut quod plus est apud eum qui non contulit, restituantur, *d. l. 8 C. de collat. junct. l. un. C. de err. calc.*

§. 26. Atque ita fere & *Vin. tr. de collat. c. 16, n. 15 16.* nisi quod ultimo casu Conditioni indebiti, & quidem citra necessitatem, locum faciat.

§. 27. Sed cum Imploratio officii Judicis, re ipsa, (Uti sæpius jam monitum, Add *Wiss. ad l. 34. ff. de V. S.*) nihil sit aliud, quam Actio Extraordinaria, & hic, potius dicendum videtur, Obligationem ad Collationem faciendam, ex sola æquitate nasci, ex eaque præter denegationem Actionum & Exceptionem, *Actionem* competere *extraordinariam*, quæ ad ordinarios Obligationum & Actionum personalium fontes referri nequeat.

CAPUT II.

§. 1.

Idem dicendum de *Actione damni infecti*.

§. 2. *Dammum infectum est, damnum nondum factum, quod futurum vereatur l. 2. ff. de damn. infect.* ex vitio scil. ædium vicinarum, suggrundiorum, protectionum, alteriusve operis. *v. l. 19. §. 1, l. 30. §. 2. l. 24. §. 9. ff. de damn. infect.*

§. 3. Propter damnum hoc infectum quod tamen ex justa causa metuitur triplex Remedium competit 1. Cautionis stipulatio *l. 7. pr. l. 18. ff. de damn. infect.* quæ vocatur *damni infecti Actio l. 4. §. 10. l. 33. ff. de damn. infect.* 2. Missio ex primo & secundo decreto *l. 5. pr. l. 7. pr. cod. & 3. Actio ad interesse. d. l.*

§. 4. Introducta est *Actio damni infecti* a Prætorè, cujus Edictum extat in *l. 7. pr. ff. de damn. inf.* ob æquitatem naturalem, ne quis vitio ædium vicini ruinosarum, alteriusve rei, damnum sentiat. *d. l. 7. §. 1.*

§. 5. Datur iis quorum interest, imò omnibus qui de calunnia jurant; Adeo ut non inquiratur, utrum interfit ejus an non, vicinas ædes habeat an non habeat? Ita tamen ut arbitrium Prætoris minime excludatur. *l. 13. §. 3. & seqq. ff. de damn. infect.*

§. 6. Contra eum, qui jus habet in re illa, a qua damnum timetur;
Qualis

Qualis est dominus, *l. 10 ff. de damn. inf.* bonæ fidei possessor, Emphyteuticarius, superficiarius *l. 9. §. 4 ff. cod.* Creditor pignoratitius *l. 19 pr. l. 15. §. 25. ff. cod.* nec non qui servitutem habet in re vitiosa *l. 13. §. 1. cod.* dummodo respectu ipsius servitutis damnum imminuat. *l. 30. ff. de damn. infect.*

§. 7. Ad præstandam cautionem, de refarciendo damno, quod ex vitio rei deinceps contigerit. *l. 7. pr. ff. de damn. infect.*

§. 8. Quæ cautio vel per nudam sit promissionem si scilicet quis proprio nomine caveat *d. l. 7. pr. l. 13. pr. §. 1. ff. de damn. infect.* Vel per satisfactionem datis fidejussoribus, si alieno nomine caveatur. *d. l. 7. pr. l. 16. §. 25. l. 1. ff. qui satisd. cog.*

§. 9. Qualis autem sit hæc actio, & unde oriatur dubium est. DD. commuiter dicunt implorationem esse officii iudicis, quia remedium est extraordinarium, per quod quis potest alterum urgere, ad constituendam obligationem, per cautionem. arg. *l. 16 §. 2. 4. 9. l. 32. in f. ff. de damn. infect.* Hahn, ad Wes. ad *d. t. n. 2.* qui simul subjicit *Ergo non est Actio personalis quæ causam presupponit, ex facto obligatorio regulariter promanans.*

§. 10. Sed Actionem hic competere, eamque ab Imploratione officii Iudicis non esse diversam ex collatione *l. 4. pr. §. 3. §. 1. 32. l. 33.* manifestum est. Add. *Celeberr. D. van Eck princip. ad t. ff. de damn. inf.* Et sine præexistenti causa, ad *constituendam obligationem*, Actionem dari, a Juris ratione alienum est.

§. 11. Causam itaque obligationis in facto illicito, ponendam censet *Cl. Stryck de Act. sect. 1. memb. 10. §. 39.*

§. 12. Sed nec istud dicendum videtur; Nam facti illiciti in legibus nostris sub hoc tit. nusquam sit mentio. 2. Multi casus existere possunt, ut siue facto alicujus illicito, vel culpa, ædes ipsius, aliave opera ruinosa sint. Et 3. si vel maxime culpa quædam domini intercedat, non statim delicto vel Quasi delicto locus est. v. *Dissert. 5. c. 4. §. 19. d. 6. c. 3. §. 5. c. 4. §. 17.*

§. 13. Cum igitur causa quædam obligationis hic negari nequeat, neque tamen ad ordinarios fontes referri possit, necessario iis quæ proprio quodam jure ex sola æquitate nascuntur, annumeranda est.

CAPUT III.

§. 1.

Similis Actioni damni infecti est Actio aque pluvie arcende, quæ est personalis l. 6. §. 5. ff. de aq. pluv. arc. in rem scripta l. 12. ff. cod. competens domino fundi, ob damnum, quod in agro mutuit, ex aqua pluvia, opere manu facto, contra dominum loci, ubi id factum est, ut illud destruat.

§. 2. Introducta est l. XII. Tab. l. 21. pr. ff. de stat. lib. l. 22. §. f. ff. de aq. & aq. pluv. arc. adeoque ratione originis civilis est; videtur tamen a Prætoris Edicto postmodum esse proposita, uti ex inscriptione plerarumque legum ex commentariis Ulpiani & Pauli ad Edictum excerptarum colligere licet; & proinde ratione renovationis & confirmationis Prætoris etiam dici posse. *Habn. ad Wesf. ad t. ff. de aq. & aq. pluv. arc. Eckolt. ad d. t. 4. §. 2.*

§. 3. Competit domino cujus fundo aqua pluvia, i. e. quæ de cælo cadit atque imbre excrescit, ex opere manu facto in fundo vicini, nocitura est. l. 1. pr. §. 1. 17. l. 4. §. 2. ff. de aq. & aq. pluv. arc.

§. 4. Contra dominum, qui opus fecit, quo aliter aqua fluat, ad id ut opus restituatur, & damnum post litem contestatam datum restituatur l. 6. §. 6. & seqq. l. 7. pr. l. 22. §. 1. ff. cod.

§. 5. Est autem hæc Actio vel *directa*, vel *utilis*.

§. 6. *Directa* l. dicitur quæ datur domino, cujus agro aqua nocitura est l. 6. §. 4. ff. de aq. & aq. pluv. arc. adversus eum qui actionis movendæ tempore dominium habet l. 16. ff. cod. *Utilis* vero quæ fructuario similibusque l. 3. §. f. l. 21. pr. ff. cod. contra fructuarium aliosque non dominos competit. l. 22. §. 2. ff. cod.

§. 7. II. *Directa* vocatur quæ ex verbis Legis vel Edicti oritur; *Utilis* contra, quæ ex mente Legislatoris & æquitate.

§. 8. Cujus *Utilis Actionis* duo egregia exempla habet *Paulus* JC. in l. 2. §. 5. 6. ff. de aq. & aq. pluv. arc.

§. 9. Alterum proponitur in d. l. 2. §. 5. his verbis: *Item Varus ait, aggerem qui in fundo vicini erat, vis aqua deiecit; per quod effectum est, ut aqua pluvia mihi noceret. Varus ait, si naturalis agger fuit, non posse me vicinum cogere, Aquæ pluvie arcendæ actione, ut eum reponat vel reponi sinat. Idemque putat, & si manufactus fuit neque memoria ejus extaret: quod*

quod si extet, putat aquæ pluviz arcendæ Actione cum teneri. Labeo autem, si manufactus sit agger etiamsi memoria ejus non extat, agi posse ut reponatur. Nam hac Actione neminem cogi posse, ut vicino proficiat, sed ne noceat aut interpellat facientem, quod jure facere possit. Quamquam tamen deficiat Aquæ pluviz arcendæ actio, attamen opinor Utilem Actionem, vel interdictionem, mihi competere adversus vicinam, si velim aggerem restituere, in agro ejus. qui factus mihi quidem prodesse potest, ipsi vero nihil nociturus est. Hæc æquitas suggerit, etsi jure deficiamus.

§. 10. Alterum in d. l. i. §. 6. Apud Namulain (ait) relatum est, si aqua fluens iter suum stercore obstruxerit, & ex restagnatione superiori agro noceat, posse cum inferiore agi, ut sinat purgari. hanc enim Actionem non tantum de operibus esse utilem manifestis, verum etiam in omnibus quæ non secundum voluntatem sint. Labeo contra Namulam probat, ait enim naturam agri ipsam a se mutari posse: & ideo cum per se natura agri fuerit mutata, æquo animo unumquemque ferre debere, siue melior siue deterior ejus conditio facta sit: idcirco & si terra motu, aut tempestatis magnitudine, soli causa mutata sit, neminem cogi posse, ut sinat in pristinam loci conditionem redigi: Sed nos etiam in hunc casum æquitatem admittimus.

§. 11. Quibus casibus, cum Actio hæc utilis hoc solo juris naturalis fundamento nitatur, quod concedendum sit alteri, quod ipsi predest, nobis vero non nocet, ex sola æquitate naturali eam descendere, res ipsa loquitur.

§. 12. Quæ Juris Naturalis regula late patet, ut non tantum Actio hæc utilis, sed & alia remedia ex ea nascantur, & extendantur. Ex hoc enim Principio oritur Actio ad exhibendum, uti ostensum Dissert. 7. c. 3. §. 15. Ut & Remedium ad consequendam viam ad sepulchrum Dissert. 7. c. 3. §. 15. Etque pertinet Responsum Ulp. in l. 38. ff. de Evict. In creditore qui pignus vendidit, tractari potest, an re evicta vel ad hoc teneatur ex empto, ut quam habet adversus debitorem Actionem, eam præset: Habet autem contrariam pignoratitiam actionem. Et magis est, ut præset: Cui enim non æquum videbitur, vel hoc saltem consequi emptorem, quod sine dispendio creditoris futurum est? Nec non omnis utilissima materia de Utilitate innoxia, de qua Grot. l. 2. c. 2, §. 11. V. Stryck de Act. sect. 1. Memb. 11.

§. 38. & seqq.

CAPUT IV.

§. I

Ad eandem Actionum classem referenda etiam videtur *Querela inofficiosa donationis*; qua *inofficiosa donatio* i. e. contra officium pietatis facta, revocatur. l. 1. & seqq. C. de inoff. don.

§. 2 Originem ducit ex constitutionibus Principum, & quidem in specie ex Rescripto *Alexandri*, quod extat in l. 87. §. 3. ff. de legat. 2. uti videtur *Perez*, ad t. C. de inoff. don. n. 1.

§. 3. Introducta autem est ad similitudinem *Querela inofficiosi testamenti* l. fin. C. d. t. Quemadmodum enim *Querela inofficiosi testamenti* datur ad rescindendum testamentum inofficiosum, ita hæc datur ad revocandam donationem inofficiosam. 2. Quemadmodum illa datur iis quibus competit portio Legitima, liberis scil. parentibus, nec non casu quodam fratribus & sororibus, inique exhereditatis vel præteritis, §. 1. J. l. 1. ff. de inoff. test. l. 27. C. cod. ita hæc datur liberis contra inmodicam donationem a patre factam l. 1. l. 2. l. 7. C. de inoff. don. parentibus contra donationem factam a liberis l. 4. C. cod. nec non fratribus si turpi personæ facta sit. arg. d. l. fin. C. de inoff. don. junct. l. 27. C. de inoff. test. 3. Quemadmodum *Querela inofficiosi testamenti* remedium est extraordinarium §. 2. J. de inoff. testam. sic & *Querela inofficiosa donationis* tum demum competit, cum alio remedio læso consuli nequit. l. 4. l. 6. C. de inoff. don.

§. 4. Ex quibus tamen minime concludendum utramque ita similem esse, ut statu & effectu non differant.

§. 5. Differunt enim 1. Quod *Querela inofficiosi testamenti* nunquam competat, nisi in causa testati, & contra heredem scriptum, aditque hereditate ex eo testamento per heredem, qui hac querela convenitur l. 8. §. 9. ff. de inoff. test. *Querela inofficiosa donationis* autem datur ut plurimum heredi ab intestato l. 3. C. de inoff. don. potest etiam competere ipsi filio heredi ex testamento, si pater in fraudem Falcidix & portionis legitimæ inter vivos donaverit. 2. *Querela inofficiosi testamenti* nunquam competit heredi, sed contra verum heredem ex testamento l. 1. C. de inoff. test. *Querela inofficiosa donationis* vero regulariter non competit nisi vero heredi, contra verum legatarium inter vivos tantum, nunquam contra fideicommissarium vel legatarium vel mortis causa donatarium. 3. *Querela inoffi-*
cio-

ciofi testamenti testamentum rescindit ipso jure, & quidem totum jure veteri l. 8. ff. de inoff. testam. jure novo autem, quantum ad heredis institutionem attinet Nov. 115. c. 3. in f. c. 4. in f. *Querela inofficiosa donationis* vero inofficiosam donationem pro ea tantum parte revocat, pro qua est inofficiosa, & modum legitimum excedit l. 2. l. 5. l. 7. C. de inoff. don. v. Perez. ad d. t. n. 2. & seqq.

§. 6. Cui contrarium non est, quod de revocatione dimidiæ partis legitur in l. 37. §. 3. ff. de legat. 2. Per partem dimidiam enim ibi non intelligenda est pars dimidia totius hereditatis, sed dimidia ejus quod illicite donatum est, quartæ scil. partis seu portionis legitimæ, quæ pars dimidia ad excludendam inofficiosi testamenti querelam, adversus agentem sufficeret. Uti ex collatione l. 7. C. de inoff. don. manifestum est. v. Dissert. 4. de port. legit. c. 3. §. 3. & seqq.

§. 7. Locum autem habet non tantum *Querela inofficiosa donationis*, si inofficiosa sit donatio re & consilio l. 1. l. 8. C. de inoff. don. sed si inofficiosa sit re tantum, neque consilium fraudandi intercesserit l. 5. l. 2. 3. C. cod.

§. 8. Quo casu *Querelam inofficiosa donationis* ex sola naturali æquitate, qua nititur Jus portionis legitimæ, descendere, facile intelligitur.

§. 9. Idemque de dote inofficiosa, quæ inofficiosa donationis species est, statuendum est. l. un. C. de inoff. dot.

CAPUT V.

§. 1.

Eodem pertinet Obligatio & Actio quæ ex *Pollicitatione* nascitur.

§. 2. *Pollicitatio* fere tripliciter accipitur 1. pro qua libet promissione 2. Pro promissione privata sponte facta, seu nudo pacto; sic Ulp. in l. 19. §. 2. ff. de Edil. Edict. Promissum autem potest reserri & ad nudam promissionem sive pollicitationem, vel ad sponsum. nec non Impp. Diocl. & Maximi. in l. 5. C. de contr. stip. Nuda pollicitatione secundum ea quæ sæpe constituta sunt, ad præstanda ea quæ promiserat, urgeri quemquam, non semper jura permittunt v. l. 7. §. 4. 5. ff. de pact. l. 10. C. cod. 3. pro spontanea oblatione & nuda offerentis promissione l. 3. ff. de pollicit.

§. 3. Quo sensu describitur quod sit *solius offerentis promissio*, Deo aut Reip. sine acceptatione facta. d. l. 3. pr. In quo ut & in aliis a Pacto differt. d. l. 3. pr. l. 1. ff. de pact. v. l. 5. l. 1. §. 1. ff. de pollicit.

§. 4. Est enim *Pollicitatio*, vel *Pollicitatio in specie* sic dicta, quæ sit Reip. l. 1. pr. ff. de pollic. vel *Votum*, quod est sancta promissio de re licita Deo vel Ecclesiæ facta l. 2. pr. ff. cod. c. 6. 7. x. de vot. Quo sensu *vota nuncupare, solvere*, apud Plin. l. 10. Ep. 101. 102. aliosque, frequenter occurrunt.

§. 5. Pollicitari possunt omnes masculi & sceminx, quicumque possunt donare l. 6. §. 2. ff. de pollicit. Voto autem parescam. tantum obligantur puberes sui juris; filius enim familias vel servus sine patris dominive auctoritate non obligatur. l. 2. §. 2. ff. cod. add. Num. 30. vs. 3. 4. 5.

§. 6. Ut autem pollicitatio effectum habeat requiritur 1. Ut obligatio fiat a præsentē arg. l. 3. ff. de pollic. Unde ab absente per epistolam facta non est obligatoria, l. 5. ff. cod. 2. Ut fiat Deo vel Reip. ad opus faciendum vel dandam pecuniam l. 1. ff. cod. 3. ut fiat ob justam causam l. 1. §. 1. 5. l. 4. l. 6. l. 9. ff. cod. nisi qui sine causa promisit jam facere cæperit, quo casu ipse obligatus est. l. 1. §. 2. seq. ff. de pollicit.

§. 7. Quæ si concurrant Pollicitatio obligatoria est, Actionemque producit, quæ datur Reip. contra pollicitatorem ejusque heredes l. 2. §. 2. l. 14. ff. de pollic. ad promissum præstandum una cum usuris, si mora commissa sit. l. 1. pr. ff. de pollic. l. 1. ff. de oper. publ. l. 17. §. f. ff. de usur.

§. 8. Quæ cum neque ex Contractu oriatur neque quasi ex contractu, neque ex Maleficio neque Quasi ex maleficio: æquissimum tamen sit hujusmodi voluntates non revocari, uti ait Ulp. in l. 3. §. 1. ff. de pollic. ad extraordinarium obligationum fontem haud dubie referenda est.

§. 9. Quod & vidit, sed causam obligationis minus accurate ostendit Wiff. ad ff. p. 2. d. 42. tb. 8. (quem sequitur Eckelt. ad l. ff. de pollic. §. 5.) dum ait, Justinianum in §. ult. J. de oblig. causas obligationum tradidisse, ex quibus privatus privato obligatur: Pollicitatione autem nos obligari non privato, sed Deo aut Reipublicæ,

CAPUT VI.

§. I.

Agmen claudant *Actiones extraordinariae*, de quibus *sit. ff. de extraord. cognit.*

§. 2. Quæ ut accuratius intelligantur, sciendum, non semper, & in omnibus causis, Judicem pedaneum datum, sed multa fuisse, de quibus ordinaria formula & actio non erat prodita, & ipse Prætor vel Præses extra ordinem cognoscebat. Quæ non ordinarii juris sed *cognitionis*, & *extraordinariae cognitiones* dicebantur. v. *Sueton. in Claud. c. 15. rubr. tit. ff. de extr. cogn. l. 2. C. Ped. jud. Celeberr. D. Noodt. l. 1. de jurisd. c. 7.*

§. 3. Cognitionum harum numerus, cum ex variis causis descendat, in genera dividi facile non potest. In quatuor tamen genera distribui possunt; Aut enim de muneribus & honoribus gerendis agitur, aut de pecuniaria re disceptatur, aut de exilimatione alicujus cognoscitur, aut de capitali crimine queritur. *l. 5. ff. de extr. cogn.*

§. 4. Et quidem de re pecuniaria, variis personis, Præses in provincia, Prætor in urbe, extra ordinem, jus dicebat; veluti, de mercedibus & salariis, præceptoribus & Professoribus studiorum liberalium, quæ Græci *μαθηματα ἐλευθέρια* appellant, (non etiam exterarum artium opificibus, quibus actio locari competit. *l. 1. §. 7. ff. de extr. cog.*) Rhetoribus scil. Grammaticis, Geometris; Item Medicis, Ludi literarii magistris, *Librariis* & notariis & calculatoribus sive tabulariis *l. 1. pr. §. 1. 2. 3. 6. ff. de extr. cogn.*

§. 5. Sed an & Philosophis? & non putem (ait Ulpianus in *d. l. 1. §. 4.*) Non quia non religiosa res est; sed quia hoc primum proficere eos oportet, mercenariam operam spernere.

§. 6. Proinde ne Juris quidem civilis Professoribus jus dicent; Est quidem res sanctissima civilis sapientia; sed quæ pretio nummario non sit estimanda nec debonestanda, dum in judicio honor petitur, qui in ingressu sacramenti offerri debuit. Quædam enim tametsi honeste accipiantur, inhoneste tamen petuntur. Id. Ulp. *d. l. 1. §. 5.*

§. 7. Aliud est in Advocatis, qui operam gratis non præstant. In quorum honorariis ita versari judex debet, ut pro modo litis proque Advocati facundia, & fori consuetudine & judicii, in quo erat acturus, æstimationem adhibeat; dummodo licitum honorarium quantitas (quæ pro singulis

lis causis ad centum anreos licita intelligitur) non egrediatur. *d. l. 1. §. 10. & 12. in f.*


§. 8. Eademque ratione jus etiam dicitur Comitibus Legatorum, & Juris studiosis, qui partibus Assessorum fungebantur, Magistratui a Consiliis erant, & salaria petebant, v. *l. 1. §. 8. ff. de extr. cogn. l. 4. ff. de offic. Assess. l. 4. de extr. cogn. l. 1. ff. de off. Ass. cui. l. 7. c. 25.*

§. 9. Quibus cum nulla ordinaria actio competeret Pætor extra ordinem subvenit, concedendo Actiones extraordinarias, quæ *extraordinarie persecutiones* dici solent. *l. 34. l. 178. §. 2. ff. de V. S.* Inter quas tamen & *Actiones*, antiquatis formularum actionumque impetrationibus, & sublata judicis dandi licentia *l. 1. 2. C. de form. subl. l. 2. C. de ped. jud. jure novo* nihil amplius interest. *Wiss. ad d. l. 34. ff. de V. S.*

§. 10. Cum autem *persecutiones* neque ex Contractu, neque & delicto descendant, ad extraordinariorum etiam obligationum fontem necessario referendæ sunt.

§. 11. Atque ita planissime nisi fallor ostensum, *Causas obligationum* alias *ordinarias* esse, alias *extraordinarias*; neque Obligationes tantum nasci ex Contractu & *Quasi ex contractu*, Maleficio & *Quasi ex maleficio*, sed & proprio quodam jure, ex variis causarum figuris. *l. 1. pr. ff. de Obl. & Act.*





167

C

6-8

